

叢書集成續編

第一一八冊目錄

文學類



詩總集——清

戴氏三俊集三卷	清	汪日楨輯	荔	一
重蔭樓詩集一卷	清	戴芬撰	牆	一
種玉山房詩集一卷	清	戴福謙撰		七
紅蕉盒詩集一卷	清	戴莛撰		一六
詩總集——民國				二六

瀕詩拾遺六卷	民	陳榮昌輯	雲	四九
瀕詩拾遺補四卷	民	李坤輯	雲	一九九
秀水董氏五世詩鈔一卷	民	徐珂校	天蘇閣	二四五
張氏藝文一卷	民	張元濟輯	涉園	二五三
舊德集十四卷	民	繆荃孫輯	雲自在龕	二九三
篁溪歸釣圖題詞一卷	民	張伯楨輯	滄海	四五七
復盦覓句圖題詠一卷	民	徐新六輯	天蘇閣	四八九
錢南園先生守株圖題詞錄一卷	民	趙藩輯	雲南	四九七
霞城唱和集一卷	民	金武祥輯	江陰	五〇七
冰泉唱和集一卷續和	民	金武祥輯	江陰	五一七
冰泉唱和集一卷再續和	民	金武祥輯	江陰	五三七
冰泉唱和集一卷附錄一卷	民	金武祥輯	江陰	五八三
侍疾圖題詞二卷	□	不著輯人	陶社	五八七

詩總集——日本

木門十四家詩集一卷……………日節山輯 甘雨亭 六一五

文總集——楚辭

反離騷一卷……………漢揚雄撰 古書 六七一

楚辭芳草譜一卷……………宋謝翱撰 香豔 六八三

天問天對解一卷……………宋楊萬里撰 胡氏豫章 六八七

離騷圖像一卷……………明陳洪綬繪 喜咏軒 七〇九

楚辭天問箋一卷……………清丁晏撰 廣雅 七一九

14735/08

戴

天

三

交

果

1000

THE UNIVERSITY OF CHICAGO
 DIVISION OF THE PHYSICAL SCIENCES
 DEPARTMENT OF CHEMISTRY
 5712 SOUTH DICKENS STREET
 CHICAGO, ILLINOIS 60637
 TEL: 773-936-5200
 FAX: 773-936-5200

CHICAGO, ILLINOIS 60637

序

天下材之美者推松柏與竹箭松柏之生且復
把而合抱以至拔地參天皆銖積寸累而成故其壽恆
以數百歲計竹箭怒長未兩月而高數十尺比至數歲
輒有斬刈及之要其成器以爲天下用則數百歲之松
柏非有餘數歲之竹箭亦非不足天之速成此竹箭一
若早慮其不克久在於世故日夜鼓勵剋期而必滿其
量而竹箭既已成材足以表見於世雖早伐而亦可無
悶於心在人何獨不然自古碩儒恆享大年輔嗣之經

戴氏三俊集序

長吉之詩獨以弱齡夭折擅名千載人之年壽有限惟
名爲無窮古之所謂不朽者身歿言立蓋其言留一日
卽其人在一日豈以形骸之住世論修短哉戴氏三子
皆有俊才予與其尊甫銅士交最久三子親予每有所
作輒就予論定之駿伯與貽仲長於制舉業羹叔善說
經而詩則皆工雕刻物情筆端無難達之隱又辭多悽
惋讀之令人悄焉不怡憂能傷生子深慮其年命之不
永駿伯果早卒羹叔繼之貽仲登賢書人望其貴顯再
應禮部試不第卒于京邸予友年踰六旬惇惇子立鵬

呼天之於戴氏酷矣然三子之詩實能擺脫凡近直迫
古人夫古人之詩必殫數十年之精力磨礱鍛鍊而後
世乃得而稱之今伯叔之亡年皆不滿三十仲亦僅三
十有三他人數十年難到之境三子輒以數歲之力造
其顛其氣雄故其進銳其才敏故其悟速此正如驚雷
之後擲龍爭出三枝成鼎峙之形乃曾幾何時倏忽
起加之雨雹摧折一空有心者能不過而悲之雖然竹
不幸而折而竹之用在於殺青以寫詩書之說吹管以
應律呂之和有聲于當時有傳于後世彼以樗櫟得全

戴氏三俊集序

其天年者數窮運盡何嘗不有摧折之一日人之遇之
者惟有薪之煎之而已天下之可悲固在彼而不在此
也汪子謝城痛三子之早夭爲編其遺詩而友人醵錢
以刻之請予一言弁諸首予老矣方欲倚三子以爲身
後之託而天遽奪之不禁盡傷于心幸其詩之得傳于
世遂爲言之如此其辭不免于今亦欲以稍舒我友之
悲云爾
道光甲辰之歲五月既望烏程奚疑撰時年七十有三

戴氏三俊傳

烏程孫燮愈愚撰

戴氏三俊者德清戴銅士茂才銘金之子也生而皆有俊才故鄉人稱爲三俊伯芬字駿伯工詩仲福謙字貽仲亦能詩而尤精制舉業叔純字羹叔初爲辭章之學後肆力于經史于經長毛詩于史尤熟宋史皆有所發明欲著書而未就駿伯最先卒年二十六其母以哭子得心疾亦卒羹叔痛母兄之相繼而亡也哭泣連晝夜不輟遂成嘔血症時發時止病中猶不廢學披閱典籍日有常課越六年卒年二十五獨貽仲在念兄弟皆以

戴氏三俊集

傳

三

諸生終讀書未食其報慨然以門戶爲己任銳欲得科名以亢其宗借一時名士爲文會從已得科第而有時望者游爲文務循有司法度而時時別出新警試輒高等旋食餼入闈屢薦不售丁酉始舉于鄉戊戌應禮部試報罷考取覺雜教習遂留京師庚子復應禮部試分校者賞其文力薦之主司亦以爲佳入選已十餘日忽摘其微疵黜去榜發後鬱鬱成疾卒于京邸年三十三子識羹叔時駿伯已卒羹叔言及其伯兄未嘗不流涕也子稱其仲兄時藝之善勗其聯鑣並進羹叔曰士各

有志科舉之學非某所願當讀書砥行力追古人耳余甚壯其言而憂其多病之餘力將不繼後果以勤學太過疾益增劇致天天年及聞貽仲舉于鄉以爲戴氏厄于前當昌于後孰意禍福相倚賢書之登適使之不獲終于闕下嗚呼悲夫夫天之生才甚難也生才而萃于一門尤難之難也乃既已生之而復摧折之者何也說者謂果實繁者耗樹力善養果者必摘之使稀而後可冀其碩大天之于人也亦然故自古一門而產數才子勢不得並盛然亦摘之使稀而已而不謂竟盡空其樹

戴氏三俊集

傳

四

悠悠蒼天果何爲而出此駿伯無子羹叔卒後其子亦殤獨貽仲有一子存銅士年已六十有父在堂年踰八十矣垂暮光陰頻視其賢子孫之夭折人世酷禍孰甚于此汪子謝城述銅士之意請予文以傳之子子羹叔有一日之雅而駿伯貽仲亦夙聞其名義不可辭因畧述其生平學問志識作戴氏三俊傳區區之文何足以傳三俊夫亦聊以塞銅士之悲而已

烏程縣志寓賢傳

汪口楨纂

戴銘金初名如琦字師韓號銅士德清人父維丁諸生幼孤育于烏程汪氏遂家郡城壽八十餘鄉人推耆德者有時巖日記銘金諸生嘗以失言忤人故更名以自警生平無妄語有橫逆犯之不與校母病下痢侍疾衣不解帶中褰廁腴洗滌皆自任之以屬婢媪累月不懈妻徐氏名延照號藕香有賢行亦能詩生三子芬字駿伯號清來諸生福謙初名芳字貽仲號琴莊道光丁酉舉人蕓字羹叔號秋憶後更號味秋又更名福震諸

戴氏三俊集

傳

五

生並幼慧工文人稱三俊皆早卒銘金家本小康中年爲人所乾沒漸落晚與孀媳孤孫相依益困賦絕命詞四章自經死著妙吉祥齋詩集詞集駢體文芬福謙蕓詩合刻爲戴氏三俊集人各一卷其友汪口楨所編也蕓于三俊中尤秀出幼有詩郎之目避俗如浼取友尤嚴非砥行方聞之士雖暱近之弗顧焉以哭母嘔血力疾幼學讀書日有常課潛心經史經長于詩史尤熟于宋代皆有所發明遇疑義必質難商訂實事求是欲著書而未就福謙子望字子高號水蒼諸生博學有才不

屑世務避亂出游居無定所既而赴江甯書局佐理校刊數年遂客死無後著尙書義贊論語故言又論語注二十卷顏氏學記十卷證文四卷管子校正二十四卷

戴氏三俊集

傳

六

一門師友唱酬工年短才長訝畧同
差比西江三魏集
就中叔氏最清雄

狂風輕折三珠樹造物難理千載名
頓有良朋慰親意
不須掩卷泣縱橫

丙午炎夜讀戴氏三俊集

昆陵楊大壩伯厚屬草

戴氏三俊集
題詞

七

光緒戊寅烏程汪日楨
號薪甫
重校刊于會稽學署

重陰樓詩集

三俊集卷三

德清 戴 芬

駿伯

弁山頂王祠

蒼弁青如削何年廟額橫雲含不平氣風作奈何聲古
澗英維淚陰崖草木兵長陵一抔土今日亦頽傾

下菰城

葉葉菰蒲戰青圍黃嶽城水流還似昔心跡不堪明阿
柄偏輕授菟裘枉自營若逢陽翟賈地下笑無成

秋夜

戴氏三俊集卷上

下得簾衣已上燈苦吟人坐瘦於僧冷冷幾陣芭蕉雨
吹溼小窗紗一層

結屋

結屋深林裏幽蹊少客行夕陽亂花影流水作琴聲遣
悶排甚陣消閒借酒兵夢醒無箇事涼吸碧泉清

蓮花莊雜題

閒倚鷗波細品泉風篁寫罷擘吟箋故宮報道金甌缺
賸有亭陰向月圓

投老原宜住畫圖求賢未許戀純鱸竹枝橫卷凌霜節

也入新朝御覽無

漁歌未歇又蓮歌先占秋涼一味多安置若封三品石
爛斑無補舊山河

不多煙雨不多春淡到無塵境始真喚起王孫同一笑

蓮山眉黛管夫人

春日雜興

茅屋三椽結構精蕭然書劍足娛情山花墮地鳥爭啄
松子落琴絃一鳴小閣臨流堪照影急灘無雨自成聲

雙柑斗酒選能辦約客紅橋去聽鶯

戴氏三俊集卷上

月夜泛舟

雙槳病於烏晚煙生處行水明知月出舟穩覺湖平樹
影中流動漁歌別浦清卻愁飛棹去驚散白鷗盟

臨平道中

翦波一箇舟如葉水影空濛帆影斜清夢忽為柔櫓破
好山半被別船遮誰人畫譜前村樹客子春愁兩岸花

怪道此行不岑寂每開窗處見人家

移居

一椽幸遠市塵譁葉葉菰蒲弄影斜卻喜門開先見水

畧嫌庭小少栽花湖山難得逢新主風月從今屬我家
畢竟梁鴻猶賃廡敢將煙景向人誇

病中作

颯颯打窗樞秋聲最怕聽有愁花減色久病藥無靈客
去扇蓬戶風來響閣鈴雲中一鴈落高唳秋蘆汀

題三弟詩彙

八歲耽吟詠清新頗足觀莫爲無本學須識作詩難姜
被寒能減荆花秀可餐塗鴉吾已久畧解辨鹹酸

喜錢申甫珠自長興歸

戴氏三俊集

卷上

三

不用沽春把玉壺細評泉味具茶爐憐人苦雨零長夏
行險孤舟過太湖君道出太湖風浪大作來訪定欣逢我在坐談
先問有詩無紅蓮三尺浮香水花重勞君舉手扶

喜仲弟疾愈

雖云腰瘦尙難支已喜牀頭步小移病起才拋三日藥
健來好補半年詩但期人夜能安枕笑說加餐待後時
莫把棗花簾幕捲伶俜那禁曉風吹

秋日訪陳月鋤廷芳

寓齋聞其病留詩而歸

曉起尋故人故居本熟到門寂無聲不聞抱書讀緣

梯登高樓回頭遇君僕言君新抱病三日不出屋伏枕
慣呻吟晨夕餐糜粥厭客此間來移牀靜處宿僕語本
無心宛如將我逐一笑出門去雙扉免剝啄迎人復送
人蕭蕭半庭竹

月鋤歸金陵余未及往送賦寄

要慰高堂日夜思片帆南去疾如馳恐教別淚因君墮
不把行期報我知兩地可能同念舊一尊常惜未臨歧
雪花飛到江南岸記取山陰訪戴時

秋夜示仲弟

戴氏三俊集

卷二

四

書堆棊几墨盈池其賞奇文互析疑爾卻少年能課弟
我如君歲未工詩忘形外頗同長友到老親宜似此時
知否雁行離別者一燈深夜費相思

二十述懷

儂記前身作蠹魚餐經結習似當初曾蒙前輩誇同調
慙對旁人說讀書綺歲才華如日出貧儒門第稱山居
青衫抖擻風塵裏狂態全除俗未除

家貧不擬學寒酸冷境何妨作富看史未熟觀空論古
詩從工後轉知難分藏書卷時教弟能得親心勝作官

村酒一壺聊自壽荷花如斗結清歡

雷將軍祠

所營突陣尋常事難得人心共守難食盡不衰惟此志
箭來屹立總如山懸圖壯士同聲泣醫指將軍裏血還
南八縱無雷廟貌動名一樣震人寰

祖豫州祠

著鞭聲捷不停騶擊節高歌酒半酣骨肉爭端無罷日
朝廷大事付清談召來外豎臣能靖老替兵權死不甘
十萬軍民齊墮淚將星如斗墜澄潭

戴氏三俊集

卷上

五

病不秋試

搖鞭不共祖生馳寂寂空蒙鄧禹嗤欲救枯腸知少藥
枉勤舉業悔拋詩無心藏拙翻成幸有分登科不怨遲
最是秋晴更秋爽等閒負卻桂花期

纔著青衫興未闌談何容易棄儒冠寸心總為浮名動
百事無過養病難見說登雲須換骨自憐營藥當加餐
妙香要向閣中領消受華嚴一卷看

懷人詩

孫賓華文

元增

56 111

五年流水信沈沈最憶成連海上琴說劍已銷豪士氣
論詩長恆後生心破除煩惱天真見薰透鬚眉書氣深
鐫我肝脾公一語韋弦作佩到如今曩以切勿俯視羣流爲勗

俞劍華丈

鴻漸

料得詩隨閱歷增古安南地結吟朋時在宣化閒居何日還
潘令幕府頻年屈少陵倚馬才華今始信射雕身手老
偏能書來知近學騎射鬢絲漸改懷仍壯誤卻名駒恐不應

家芝山伯

丙

才自爭雄氣自舒少年裘馬五陵如曾助聲伎親歌曲

戴氏三俊集

卷上

六

到老窮愁始著書蠻語連番行酒候金錢一擲買花餘
料知客鬢星星白照影清溪不滿梳

家雨齋兄

蘇

釣臺曾覽韓侯壯乞食今逢漂母嗟十載池塘才話別
半年夫婿又辭家宮成瓠子知何日劫數恆河幾聚沙
可是遠遊還計得書來渾不怨天涯

別重陰樓

百尺梧桐抵綠天小樓重蔭住年年驕人原有庭闈樂
誤我羣稱子弟賢行役又分子季袂斷琴遲續女兒絃

謂仲不如意事從來怕此會團樂是別筵

一花紅瘦鏡臺勞賃廡偏難借孟光從我已憐同患難
與君何可再參商空勞淚下偷彈指轉厭燈前說斷腸
畢竟別離還是幸要留餘味滿歡場

花朝

猩紅屏底屑泥金為賀芳辰自製文如水春寒消不得
養花重乞一分雲
禪榻親挑長命燈燈能頻續壽頻增穠華不著空中相
便證菩提最上乘

戴氏三俊集卷上

七

陳武帝故宅 卽廣惠寺

捧日朱衣記發祥俄聞振旅起南康捨身一自循梁轍
遺址於今屬梵王下若春流三折秀名花江左四朝香
分明此地猶豐沛惜少歌風字數行

廣惠寺聖井歌

雉山雲起紅千頃倏現曇花成幻影江南帝子應運生
鐘靈卽此招提境日華盪胸夢有徵洗兒奇絕泉沸騰
金戈從軍快馳騁有隙卽為英雄乘紙鳶不遞臺城急
雄鎮擁兵忌功立淋漓大義數語中駸駸一旅勤王入

枯魚困涸憐蕭公難憑佛力試折衝天將侯景引龍門

非姓何敢攖其鋒一泓似有神靈護灑作承平洗兵雨

瓦礫一掃蕭梁空炎精常同蜀漢聚惜哉功成矜霸術

神器轉移一何疾繫井耕田敦古風來世焉能無日實

我聞釣臺高倚若水濱帝昔垂釣為潛鱗又聞手鑿石

鼎鵠形似至今龍去鼎遷徒遺跡郟欣智井存蔭以鴨

腳環山門如幢如蓋留手澤亦頗不讓樓桑村更刻銘

辭數行字照影足鑑得失事何必臙脂泣斷紅湯泉一

梅滄桑淚

戴氏三俊集卷上

八

贈朱立齋文 紫貴

水程一舸故鄉還諦認平生願見顏早有風騷傳往日
匹如游歷觀名山青楓引夢遙聞笛紅豆填詞靜閉關
文所著有楓江笛漁 誰信宵深勤把卷對人揮塵總清
詞家有雙紅豆館 閒

題朱二步沉 詩槩後

耿耿良金色渾無瓦礫兼原求賞心目翻使畏綺巖技
已肱三折珍應字一緘愧予功力淺浪把兔毫拈

峴山十五老圖

香輔推劉蔣丹青列友生鬢從憂國白福自去官清雒
下朋簪蓋長安碁局更披圖堪阻涕視首未殊情

團扇曲

素紉年年疊香雪一握能消熱腸熱水精簾額生微涼
簾紋激盪冰雪光羅袖飄煇惹秋意午倦繡牀時墮地
晚來新月懸畫闌明蟾入座光團樂一絲風細兜螢照
素馨花倚銀屏笑

擬唐人邊將

一樓屹立建籌邊制勝形模扼險先內地不容通牧馬

戴氏三俊集卷上

九

詔書報可奏屯田風沈鐵騎三更肅月黑飛狐萬帳連
百戰餘生重駐節遐陬徧把主恩宣

錢武肅王鐵券歌

鐵弩隨潮去如綫自古繁華皆露電流傳故物話錢王
半壁東南鐵一片維時天心不祚唐吳越保障實賴王
功成百戰鐵券賜載以天語書煌煌牙城一捷董昌死
兩浙在吾掌握耳開門節度操券獲錫命何煩出天子
頒臣節鉞臣山河怨臣九死君恩多一朝金甌忽破碎
故宮荆棘埋銅駝鐵如有知鐵鳴咽椒殿大誓此時雪

計不出此乃屈節鑄錯不成豈豪傑江東逍遙孫仲謀

百鍊剛化繞指柔愚臣一心矢報國吁嗟此表何人脩

當時境內稱天寶古碑石幢年可考茲券唐家未改元

故應爾護長完好銅丸警枕聲隆隆寢戈曷弗全孤忠

君不見五花玉帶朱梁賜不與此鐵閱歷滄桑共始終

明司寇顧公祠

清流何肯附權門遺像今瞻下若村兩撫蠻荒隆物望

一官南北總君恩歸尋白水鷗盟在老住青山鶴髮曾

不獨斜陽照祠宇髮眉猶有畫圖存

戴氏三俊集卷上

十

雜詩

開卷古人名了了在心目掩卷百年事茫茫費追逐少

年忠健忘得味在三復五穀失滋培乃遜莠稗熟受病

由貪多摩挲萬玉軸一書方炫奇一書早輟讀卒焉兩

俱廢心馳若轉轂靜借維摩心富兼孝先腹局戶三十

年消此讀書福

讀書貴得間往往有心得賢者短勿護不肖善勿匿曹

瞞誅橋公情文何悱惻賊檣頌伯夷許身幾禹稷伏處

未得志堅守名教域誠使充其量名臣必利國惜哉負

蒼生青史頓減色或功過參半畏名勉脩慙或熱中念
縈初心不復憶陳編一摩挲拊膺三太息吾人伏牖下
素躬當自飭卽或泉出山不隨徑轉側所難晚節全此
貴具卓識恒河幾度沙老僧占定力

詩家重陶章取法必貴上然無真性情孰愛古皮相愧
我雕蟲技時復和漁唱源流未解分師承昧所向敢執
一隅見頗甘三舍讓元白去其率真氣春盎益温李芟
其靡綺語動懷愴此在善學者棄取自裁量逆事當紆
徐引勝得疊嶂詠古須才大神氣百倍王心細而識真

戴氏三俊集

卷上

七

持此必不忘

人生何者樂終歲棲故里有無不必賃有田不必仕陰
陰桑榆村消搖圖畫裏承歡動親笑隨肩博弟喜所挾
本不吝今乃并無此竊怪守錢虜缺望每挂齒入室計
錙銖姑婦勃僮始作翁不癡醜譏嘲兒女子旨哉古人
言閱歷信爾爾我願何日償人求何日止

肉食固然鄙可諒猶恆情矯俗或太過其疾在飾名一
衣不掩脛一味無雜烹兄弟供僕役戟門殊淒清學僞
更滋僞恐非公孫宏有術果利國自奉何必輕無術可

謝過邀譽匪爲榮名場有公論如月千秋明更曠一卷
書瑣屑訓治生賣菜必來益事業同和藹著書未達義
何如爲耕氓

酬月鋤

故人陳伯玉寄我代書詩風雨連牀契琳琅滿紙詞雅
懷動問訊裁報每稽遲筆札于慚拙疎慵爾定疑半年
駒影過三度鯉書馳愿愿情如話拳拳誼若斯晨星分
手散舊雨昔肩隨豪具元龍氣清兼洗馬羸彌愁才跌
宕易坐小瑕疵與我周旋久知君禮法持嗣宗原至慎

戴氏三俊集

卷上

七

叔度實師資無那多蓬轉頻歌折柳悲煙波勞悵望蹤
跡暫乖睽近局持螯後吟魂化蝶追杏花報芳信桐蔭
啟新枝今春舉印郎一老舍飴樂雙瞳翦水姿印期懸似斗
酒未祝盈卮雛鳳清能繼鴛鴦貽質可嗤董生下帷日東
暫近游時霜跡蒐督井吳城讀斷碑底須問窮達聊以
寄生涯清福貧家占寒醜故物遺高堂書悅目大父案
齊眉情更敦姜被春常滿謝池阿連初作客子季勸從
師家事麤調遣鄉園慣別離暮雲隄樹繞明月屋梁垂
彼美方千里陳編守獨知雕蟲空復爾別盡更邀誰玉

瑄新調律金陵盼解維攜柑博酌醉舞蔗共娛嬉餘事
從游冶相須在勸規六書譎細勘百琲字爭奇湖海人
無恙煙霞痼可醫東風應與便南浦早相期到日尋休
誤花深燕壘移

送仲弟

經年賦行役兄弟共悲酸有酒三升勸無田八口難高
門羅凍雀薄俗厭儒冠不少飢驅客離懷強自寬

清明日西郊小步

閉置何如新婦車暫來塵市攬芳華前溪又長三分水

戴氏三俊集卷上

三

游子剛離一月家陳帝墓田無麥飯王孫碑碣繡苔花
東嶽行宮 有松雪碑闕行不那傷心處野哭聲中紅日斜

四月初六夜

匿帳聞幽咽殘燈向燼時鄰家偏不寐深夜尚調兒失
馬人言福思雜我獨癡愛深應報酷天每稱情施

莒城同知行

同知牟公名魯烏程人明洪武三年青州民孫

古朴等爲亂襲州城執公欲降之公諭以禍福

賊未敢害公擁至城南鄒家莊大罵遂見殺

世人談忠義聽我歌牟公勝國事往成飄風凜凜生氣

今昔同生爲人傑死鬼雄一公官不及二千石斗大孤

城復巖邑同時高冠何岌岌肉食誰與其緩急吁嗟雞

羣鶴孤立二海島孫恩長嘯起露刃脅降事亟矣鬚眉

戟張血濺齒大義從容論賊子我守土臣義當死所惜

一郡良民耳三王師剋日殲渠魁爾曹旦夕成死灰執

迷徒貽身首災義憤所向賊勢摧斂刃擁公城南來四

公也裂背色愈厲孤臣捐軀卽此際望賊自新寓激勵

繼焉仰天事不濟五百年來氣猶銳五嗚呼高冠岌岌

戴氏三俊集卷上

四

盡保躬辱貽鄉里羞兒童他日髯攀鼎湖龍同里凌公
全孤忠公名先炳青史中世人談忠義聽我歌牟公六

觀葉氏家藏明人尺牘歌

長興葉秀才大昕明季南京御史瞻山先生賢

裔也御史名樹聲邑有烏瞻山因以爲號出丁

長孺門下家藏方孩未黃石齋倪鴻寶馬文肅

史忠正吳駿公楊伯祥諸公尺牘秀才暇日出

示爲錄副本系以長歌

每過烏瞻緬耆舊清門况獲交賢胃節義文章志乘編

琳琅珠玉家藏富繡衣持節記當年參政魚頭鯁直偏
溫室不談焚諫草東山重望集朋箋柏府名卿壽州客

八千里外傷行迹應是嶺西起廢年怕割天南五雲席
方孩未書云此時而道弟于八千里外殊為可歎又云

近已奉過缺用之旨則節鉞亦可望但安得南中一
席常晤言也按明史震儒傳以天啓元年擢巡按監遼

東軍因巡撫王化貞棄廣甯通波及擬大辟莊烈帝即
位釋還家七年起為嶺西參議則所一老倔強斧鑕餘

謂八千里外者非遷謫殆即嶺西耶
賜環空復丹墀趨淒迷淡墨不忍觀已是崇禎癸未書
漳獄幾經譏口毀老友書來遺恨在悔不王回依志完

愧甚孔璋頌北海皆見鴻寶書羣公氣誼皆金蘭報主全交
戴氏三俊集 卷上 五

力兩殫尤有蹟難磨滅處兩書告急幾回看左師南下
爾都震閣部艱危雪雙鬢折衝未易養癰難下筆沈吟

見詳慎閣部逆節南跋惡之狀甚詳有云若難得詞臣
慷慨情中原江北歎襟荆亦聞兩下王師捷猶冀風高

北府兵馬素簡吳廣公兩書亦論兵事共說陪京資保障可奈江南皆
悍將抑文久已賤儒生殘局猶期舉才望此用楊伯祥

云此際同朝問策頻此時大雅推扶輪護持善類符公
論贊決兵機藉此人即今斷簡零箋內芳猷競作章
旂佩不朽翻緣尺鯉傳補遺可續董孤載按御史明尤難

一事勝班行臺諫會無嚴禮傷豈以不鳴愧仗馬翻因
有角全神羊羣公此處推先覺終始功名遂初服勝朝

頤宦鄉先賢元薦而餘此其獨我住青山謝傳墩長縣
世澤識雲孫摩挲二百年來紙抵得瞻山著作存

答月鈞即寄金陵
示我相思句貽君勸學篇時流同調少吾道擇交先繼
絕傳千里躋此悔十年一言須記取勿慕竹林賢

殘臘自臨平之德清
解維皋亭麓拭目吳羌嶺鄉程一水近行色孤帆懸曉

戴氏三俊集 卷二 六
來箸篷舫已度沙鷗前失喜聽鄉語醒我襟被眠四拓

雲母窗平開蔚藍天是時木葉脫山空氣澄鮮峯眉隱
明境溪水何淪漣浸以淡淡波抹以蒼蒼煙晨光固奇

秀此境良亦仙何似鼎湖勝船頭語長年
言歸實意外墻頭客來窺家人半不熟鄰里知阿誰劇

喜嬰鏢翁未改海鶴姿家小西伯客冬歸自江西
紛紛辭坐我春風中殷勤手一卮嗟彼望雲客偏少承

歡時謂家晚鳴張集百喙滅此反哺私竇鼓競繁響掩
此循陔詩骨肉欠調劑男兒將何為茹荼但如齋出險

終入夷會看愛日影待爾萊衣瘧

菰城久寄居家園動遙羨雒城更託跡夢游軌流戀偶

爾翔賓鴻翩然作歸燕別來六載餘流光迅如電荒畦

瓜蔓延故家門徑變余家門樓被燬崇規五馬遺曾役千夫繕

秋雨免漂搖融風肆鼓煽身非丁令威滄桑竟親見先

業艱難成祖德詠歌徧恨不展松楸一杯躬自奠蠟屐

縱見招山行心事倦

過倪氏探文甥

此來今昔感多端憐愛還同母在看驃騎諸甥盡珠玉

戴氏三俊集 卷上

七

女嬃遺息倍孤寒經過總帳增吾痛話到衰門擇堦難

爭奈匆匆起行色夕陽送客過闌干

同人游法華山分韻得日字

昨游南山南清景作詩述茲尋古招提亦足靈境匹松

樹一千株交稠密如櫛人隨樵擔行路向村叟詰拾級

上層坡望湖亭已失廢址增流連遙指風帆疾前峯路

愈峻豐草没人膝鼓勇誰先登數客爲之率笑語落雲

端仰睇中心恍爭先鳥赴巢忽隱獸藏密健若升木猿

旋若轉丸結山僧具伊蒲邀我入丈室飯罷循廊行忽

見坡老筆可惜俗工摹風趣減飄逸同游促歸舟半嶺

街落日一步一回頭看山興未畢敬與山靈約重來聽

秋蟀只恐被飢驅此身難自必

病中紀夢

朱門沈沈魚鱗靜中宵風露侵衣冷銀爐裊裊藥生煙

禪榻有人同養影

戴氏三俊集 卷上

六

重陰樓詩集

三俊集卷上

種玉山房詩集

德清 戴福謙原名 貽仲

登道場山

尋秋約吟伴遊屐往來勤千樹遠迷塔一峯高出雲歸
帆天際落疎磬水邊聞斜日催人去長隄影亂分

伏虎巖

秋風動遙林白雲下孤嶼不見伏虎人來尋伏虎處

閒吟

敢云此地勝蓬萊冷境原宜置散材綠竹陰深教鶴守

戴氏三俊集 卷中

青山路僻少人來欲尋勝景身常健移得名花手自栽
濁酒三升書一卷水心亭上獨銜杯

山居

卜得幽居好往來人迹稀泉聲常繞屋山翠欲霑衣春
水觀魚戲閣雲帶鳥飛隔溪新雨後一帶豆花肥

瑤瑟一以弄白雲飛竹梢山花開落地梁燕自成巢石
磴攤書坐蓬門少客敲吾廬清景好塵事已長拋

閒居雜興

紅塵飛不到結屋傍巖隈樹為無風靜門因待客開紙

窗明受月階石綠生苔舉首長空望仙禽往復來

閑戶著新書山中築野廬暑消疎雨後風定夜涼初多

病身親藥移花月滿鋤高眠當北牖此樂有誰如

秋雨秋風後門前秋水生閒看雙鳥浴時有一船行牆

染苔痕碧琴彈竹韻清忘言渾得意坐石聽泉聲

調鶴閒臨水看花一倚闌有時邀月飲無事借書觀谷

迴鳴虛籟山深逗早寒劇憐名利客朝夕跨征鞍

小隱

我愛陶令居卜築五柳宅同是一身閒林泉自遊逸長

戴氏三俊集 卷中

松翠滴衣竹韻清於瑟秋水鏡浮霜幽花影弄日倚石

鳴青琴白雲忽飛出雲若解聽琴邀雲入吾室

舟晚

晚色空濛裏中宵客汎舟水天千里碧煙雨一湖秋帆

影隨雲度江聲帶石流疎燈明兩岸灘畔臥輕鷗

九日偕陳月鉏朱冬友泊伯兄叔弟登方屏山分

韻得九字

年華疾如梭佳節又重九選勝方屏游好景莫孤負坡

仙此曾來山已姓蘇久我輩弔詩客登山共攜手地幽

人自稀路滑足欲後一步一攀藤乃得登高阜清風吹
我衣草花拂我肘回望來時路山城僅如斗諸峯環其
前入眼亦培瓔遠景不勝收林刻爲扇人謂如畫圖
畫圖亦未有遊游興未窮夕陽挂疎柳一笑別青山持
螯重鬪酒

秋夜偶書

重重深院護窗紗秋色淒清樹影斜風露滿天人獨立
月明寒浸一庭花

游吳羌山

戴氏三俊集 卷中

三

吳興山水清且遠况復登臨有吟伴我生未諳故鄉山
此日探奇誇勝選煙雲尋我山前行一峯壁立千峯橫
層嵐疊嶂路盤鬱護此斗大山邊城山城去山一二里
山中寂靜遠塵市盡日不聞雞犬聲惟聽潺潺金澗水
山中有 飭水穿雲渡竹橋幽香嫋嫋隨風飄回頭下望
夕陽裏殘雪猶墮梅花梢吟屐間連供游志嵐光青入
南朝寺一聲清磬出僧寮閒猿野鶴迎人至我聞昔有
奇士耽林泉山中教授年復年 椽下築最高頂高風
能結山靈緣至今遺迹亦已絕撫古思今愁倍結我因

未補舊時巢如此湖山忍拋撇峭壁危崖遊覽窮半山
煙樹青濛濛歸來詩夢喚不醒一夜魂飛到梵宮

自德清歸舟中作

一路看山色晚山青更青孤篷挂明月雙槳蕩疎星浪
靜船初定身搖夢易醒故鄉難與別離笛不堪聽

抵臨平孫竹孫姑夫留宿小團樂室

一燈引我畫堂行難得公家掃徑迎見面漫談家室事
相逢便欲別離情欣當良夜人同聚話到深更興倍生
愛煞此閒清景好碧闌干外月華明

戴氏三俊集 卷中

四

記得追隨在暮春藕花洲上又相親風波卻幸來時穩
悲喜無如此夕真一榻維摩方示病九齡外弟解蘭賓
室中果有團樂樂况復清幽絕點塵

九月三日侍家君偕端木鶴田 國廟 周草庭 聯奎

奚榆樓 疑 張蓮民 无悔 諸丈泊陳月鋤 廷芳家

香林 作銘 游歸雲菴分韻得雲字

買得舟如葉尋秋趁夕曛空堂留古墨斷碣臥涼雲樹
影連山靜鐘聲一水分勝游暮入畫添寫鷺鷥羣

觀潮行寄家晚生兄 奎

我昔觀潮之錢塘清秋八月秋氣涼江岸搖搖少人立
銀濤亂滾如飛霜漁舟買舫競迎送奔騰欲瀉何蒼茫
錢王鐵弩昔空射潮來依舊不可當今年觀潮至海側
豪興欲飛尤勝昔至此才將眼界開江邊駭浪未爲極
潮頭初起聲隆隆東西水合如雙龍沙隄遙望一線白
蜿蜒直走來浮空轉眼浮空盡寒雪黯澹天光失海日
身欲隨風隄欲傾青天半吐魚龍沫有時碎亂擊擊
鼓聲恍如大將行嚴兵瑠戈鐵甲數百萬長驅疾捲空
中行又如霹靂一聲起天外高山欲倒勢驚湃冰花冷
戴氏三俊集卷中 五

二十述懷

愧說年逢弱冠時懸弧此日觸柑思磨人枉費三升墨
續命空勞五色絲欲賦誰憐和氏璧不才曾下道生帷
心知籬畔難常寄從此加鞭已怕遲

浮世從來等夢泡朱絃一絕竟難膠余生長前三月花
把臂亡之賦
纔結子旋離樹燕未語飛遠出巢風雨經秋情更惡
言久病淚長拋余抱病月
餘未愈算來事事堪惆悵何用孤懸
作苦苑

骨相生來本耐寒嶽寄敢道誤儒冠情孤欲覓知心少
年長方明處世難王粲登樓頗惜別馮煖有缺亦空彈
青山未老先憔悴忍聽有人勸達觀
年來無計慰親明故我徒嗟馬齒增竝乏虛名能嚇鼠

怕消壯志學搏鵬經來魔劫愁如雨悟到塵緣淡似僧
戴氏三俊集卷中 六

生世榮枯今莫論華嚴一卷伴青燈

七夕

依然瓜果列閒庭更有何人倚畫屏記得去年當此夕
癡情尙自比雙星

淡淡微雲捲碧羅娟娟瘦月冷金梭從來人世分離恨
總比長空淚雨多是又
微雨

咏懷

朝露忘太陽蒲柳畏霜雪孤立誠無援疾痛有誰憐不
作寒乞形未肯貶風竹翰墨尙有緣借以度歲月離騷

左徒著傳贊史遷筆窮愁詞乃工託言抒鬱結我無著
逆才誰憐鴛鴦質坐思身世憂恍焉如有失

良禽貴擇木君子貴擇交投報多偽情切莫輕瓊瑤豈
無伯牙琴誰賞音節高豈無范叔寒誰為贈綈袍貌合
神明離中懷何以昭才華令人敬忌嫉亦易招甚至世
俗態譏香來曉曉傷心及知己始歎情空勞

九日同康二海詒黃虞石詒孫蘭里紹寬姚平泉
慶寅周藕航紹蓮俞劍花鴻漸諸丈登臨平山

至夕照春晚歸冰壺室小飲即席賦呈

戴氏三俊集 卷中

七

摘取茱萸一笑中追陪杖履過橋東山銜夕照煙凝紫
林飽秋霜葉染紅客路依人悲凍雀爪泥雷即感飛鴻
伯兄于五年前曾有夕照卷題壁詩尚在壁間今宵共作重陽會且喜樽中酒
不空

九月十七夜對月口占

秋光冷淡樹婆娑有客憑闌喚奈何明月也和人一様
團圓時少缺時多

伯兄以雜懷詩寄示次韻

冷落秦臺一曲簫愁腸難斷恨難消悲歡有境皆成夢

貧賤無才不敢矜斯世炎涼情易測經年離別味偏饒
男兒識字都貽誤那禁遺識到採樵

詩成後悵然有感更倒壺前韻寄之

貧居無分學漁樵只為微名願未饒才短親朋難借力
途窮僮僕漸生驕無多秋雨人同瘦有限春光夢易消
乞食生涯兄弟共終年那缺更吹簫

喜梁大孝陔過訪

落日澹三徑寒雲低一重所思人不見此夕忽相逢別
恨因詩積深情比酒濃高談驚四座意氣想元龍

戴氏三俊集 卷中

八

瀟湘水雲圖為姚味琴題

楚江一碧秋水多涼波萬壑浮纖羅孤帆點點入雲去
隔溪山色青如螺琴心直赴瀟湘曲七絃泠泠夏寒主
憑虛彷彿雲中君翠羽霓旌來斷續一段商音落遠汀
漫將鼓瑟疑湘靈松風拂拂指間出此曲恐有蛟龍聽
竊幅生綉傳墨妙好把琴音作詩料何時杯酒招成連
海水天風共吟嘯

題沈東江先生詩卷後

先生名諱字去矜臨平人前明遺老也卷中係

先生手錄五律四十首金丈雨香裝潢成帙名

流題詠殆徧今夏得展讀竟日為題四十字

莽莽風沙裏寒山著此身詩卷後自跋有時舟泊寒山錄舊作若干首云云孤

舟當靜夜老淚泣遺民一代江山改千秋手稟新荒墳

何處是憑弔重傷神

八月十四日劍花丈招同次香壬甫湖上小步時

南屏聖因諸處游人如蟻余乃作避幕計放舟

泊茅家埠步至靈隱得長古一首

名山從古如幽人僻處不與人為鄰如何輿從紛然來

戴氏三俊集

卷中

九

頓使勝境皆堪塵緊余獨把冬心抱一葉扁舟達幽島

著屐來將古刹探引人絕愛脩篁繞沿蹊獨步游客稀

打頭黃葉迎人飛一聲清磬裂雲出樹陰已露雙禪扉

禪扉曲折掩空碧兩字雲林久標額焦上曾憐一炬紅

護持或仗如來力寺門兩殿于火我聞昔有靈鷲峯飛作此地

青芙蓉至今鎮以佛千座嵌空益復徵玲瓏又聞呼猿

有古洞老僧長嘯互迎送冷泉亭畔水依然可有清聲

入吟夢攝衣微步恣游覽到此已將塵慮澹松陰閒坐

品清泉石磴星星積秋蘚亭榭周遭溼翠凝曲闌閒映

孤峯青雲煙終日資供養清福自古輸山僧惜哉濟勝

苦無具不到高峯最高處本欲由靈隱至韶光以足力不勝而止選佛能

深歡喜緣探幽徒覓新奇句歸來一語聊解嘲胸中邱

壑今已饒君不見古來缺陷盡人有區區何足阻我豪

情豪

三月十四日訪汪蕪甫于九梅軒即送之潯溪

疎疎翠竹護吟軒靜裏光陰遠俗喧交密有誰分主客

談深無暇及寒暄偏忘蠟屐探幽徑擬游法華山不果又見輕

帆別故園此去篷窗發高詠應知相和有啼猿

戴氏三俊集

卷中

十

雜詩三首

古人重實行功自養蒙始八年入小學首務習容止灑

掃勤幼儀應對愼然唯未令近文翰先教遠華士本根

既已培乃可涉書史今徇世俗見往往失斯旨懲誠夙

未聞輕俊徒自喜縱佚日以生舉動輒踰軌品概未足

欽文藝胡可恃遂令聰穎兒陷作浮薄子處則愧醇儒

出亦譏臚仕教術一不慎流風乃如此願持區區心相

與商所是

讀書豈求多所貴有心得明經必致用勿徒誇弋獲簡

策數萬言棄取在定識執古不求通無乃爲古惑介甫
混其文貽誤在堅僻荀揚得其偏紛爭喙莫息是非鮮
折衷博雅亦何益吾儒貴多識先在審所擇志實心仍
虛乃得精辨析涉獵究何爲尙其勤乃力

詞章固小道亦足理情性古詩三百篇歌詠得其正兩
晉迄三唐風雅日以盛或以淡治稱或以溫麗勝要之
質與文所貴得其稱性靈日以汨浮華從此競博雅固
見才所戒在餽釘不見香山詩老嫗亦解聽

九月十六夜偕施也春仁莫嘯梅祖疇朱冬友變

戴氏三俊集卷中

七

和秋贊奕桂王鶴洲森夾山澆泛月竟夕而返

得長古一首

長空縹緲織雲浮娟娟素月懸清秋雙鏡劃破玻璃界
輕舸一葉來中流中流山似翠屏疊萬頃湖光盪晴雪
夜風吹送荷葉香蟹舍漁莊路盤折雙鷗導入玉湖濱
冰輪滉漾波如銀呼朋且效醉翁醉持螯共味醇醪醇
須臾水曲峯斜背舉杯邀月影相對座客半醉靜不喧
河漢無聲星點碎舟人厭客懶欲眠停橈山下不肯前
興豪那復畏行露著屐試登山之巔良宵正欲恣睢眺

朝嗽已向蓬窗照煙波來往與未窮此行恐被姮娥笑

清明後六日偕周立堂慕陶鶴亭雲笈臨平山麓

小步返至悲花菴小憩以心清聞妙香分韻得

聞字

踏徧長隄路幽林日未曛柳陰籠薄霧菜籠簇黃雲守

古春難到山深鳥不開持甌品禪味歸路韻同分

鴈樊榭徵君小像爲奚榆樓丈題卽用樊榭集中

鮑氏溪樓元韻鮑氏溪樓卽今奚丈所居榆蔭

樓也

戴氏三俊集卷中

三

西泠有吟客詩句在人口茗溪作寓公閒情寄花柳月

影照團欒衣香薰左右韻事貽溪樓誰爲續其後欣逢

主人賢看山放疎牖地闢一弓餘蹟繼百年人臨風展

畫文芳辰同酌酒徵上初度之辰丈每招同人展畫其勝爲壽猿鶴摹清姿

荆關傳妙手一樣隱士風高才凌北斗披圖發遐思試

喚圖中叟

秋夕過秋聲書屋與潘少梅夜話出詩見示依韻

和之

與子十旬別離衷慰此時情深轉無語秋淡本宜詩聽

雨燈同別思歸夢遠馳枯荷聲滴瀝涼韻滿芳也

送計蓀士端之漢陽

君家與我居比鄰蕭然四壁能安貧如何一旦揮手去
三千里外長依人况復高堂年已暮倚闌盼斷迢遙路
男兒志即在四方甘旨能無憂內顧君曰唯唯抑否否
貧居株守不可久飢來驅我出門去無計娛親事奔走
我聞此語心骨酸人生每苦謀食難我客東湖亦六載
暫歸相聚聊為歡驪歌遠送漢陽去分飛有似風中絮
雪水迢迢滯客愁晴川歷歷迷煙樹雪水晴川無限情

戴氏三俊集卷中

三

度慈雲嶺

南上青王山中特闢奇境何年一朵雲化作百盤嶺石
壁時路危亭踞絕頂篆刻摹後唐欲讀未能審嶺上
越國王摩嶺下有吳越郊壇苔封郊壇荒雲護石幢冷壇有石幢亦吳
越羣峯迎面來相望屢延頸山骨削嶙峋重岡路幽迴

絕澗泉有聲長空鳥無影籃輿行復停探奇靡所騁何
當挾飛仙俯瞰臨江景紫峯歷千層汪洋涵萬頃豪興
不可窮一笑萬緣靜回頭親層嵐秋妝愈明靚

寓感

小草互爭榮佳卉苦難得幽谷有芳姿早為青眼識移
之書齋中朝夕勤護惜靈根沃清泉土膏競培植勿置
秋陽中嬌容畏日炙勿使風雨驚花英怕狼籍相對思
依依相憐情脈脈一室周護防游人禁攀摘亭亭發新
枝灌溉益盡力小萼綻微紅秀奪臙脂色方謂情根深

戴氏三俊集卷中

古

頻年供几席那知愛玩餘見奪來俗客遂令娟靜姿棄
捐在廣陌昔日常相親今日遠相隔枉費癡情癡臨風
增歎息花心若有知應亦鑿悽惻借問惜花人栽培究
何益

皎皎崑山玉鬱鬱連城姿雕琢遇良工觸手生光輝方
期登廟堂寶貴侔鼎彝特達豈不願乃向草澤遺風昔
攻與錯辛勤為誰施不惜玉工苦但傷時命奇美質果
勿棄遇合會有期

上元前一日計偕北上辭別家中作

束髮初受書門闕不踰越弱冠賦近游僅爲百里道身
未歷馳驅目不覩車轍惆悵出門去無乃畏鶴繼親朋
送我行陳辭意頗切謂茲跋涉勞况瘁宜自節衣冠拜
高堂欲言口先啞定省日以疎私衷徒鬱結男兒志四
方何敢怨離別庭園固可戀株守計亦拙願乘宗慙風
策我駑駘劣燒尾登龍門簪花向鳳闕得遂祿養懷不
負硯磨鐵輕裝束琴書春帆載風雪回首別家山莫思
西塞鱖

揚州道中

戴氏三俊集

卷中

五

一葉輕舟趁暮潮維揚城郭望迢迢煙花有夢迷三月
江水無情管六朝曲岸尙停游客舫紅樓誰度玉人簫
昔時金粉飄零盡閒煞春風廿四橋

驟車謠

結爾轅膏爾軸鈴聲卽當輪懣懣前驟後驟兩相逐積
雪山前融泥深沒驟足揮鞭驅驟驟躑躅昂首長鳴力
已蹙牽驟且飽芻與宿

膈膈膊膊雞欲鳴蒼蒼涼涼月在楹僕夫喚我起御我
前途行朝行山程夕渡水寒風逼人割雙耳世途險巖

不可防摧輪覆轍情彷彿情彷彿終自慰君不見道旁
老人負擔行饑寒莫恤形憔悴

抵都寄呈家大人

卅載依依膝下身馳驅今日飽征塵一帆風雪江南路
二月鶯花帝里春挾策愧同蘇季拙行囊渾類長卿貧
應知此夕家園裏共話長安客邸人

借許少珊詩登蘭然亭

疎雨歇平林薄陽媚韶景言尋樵子蹤裙屐共游騁路
曲修蛇盤山明晚妝靚虛亭敞中央萬象資管領爽氣
戴氏三俊集

卷中

六

西南來羣峯擢青穎流雲暖長空孤鳥沒無影俯視村
落間田疇開井井憑欄共徘徊飛翠撲衣冷游塵十丈
中誰爲闢斯境願捐熱惱懷相效靜者靜

曉發阜城驛

豈爲聞雞起輪蹄亦太勞荒村人迹少殘月馬頭高曉
夢驚霜杵輕寒逼繹袍秋聲聽不斷落葉滿平皋

塗中和吳子誠

苦爲浮名帶帝京驅車今又賦借行時借至故園雲樹
縈鄉夢驛路風霜鍊客情愧我生涯蓬易轉羨君詩思

水同清滇南此去休嘆遠甘雨隨車佐治平子誠將之官滇南

渡滹沱河

決漉亂流中臨河馬力窮驚沙迷淡日寒水咽西風吹
角荒城晚橫舟野渡通不勝懷古意麥飯哭英雄

龍藏寺銅佛歌寺在正定府

我聞漢宮承露盤銅仙高掌凌雲端又聞魏時司馬門
銅人雙立形桓桓惜哉遺迹杳難覓金狄荒涼委荆棘
豈如鑄作文殊身護持自有伽藍力龍藏古寺隋遺址
開皇六年實經始殿閣穹窿二十尋寶相端嚴屹然峙

戴氏三俊集卷中

七

像高七丈有三尺臂四十二列如戟誰識金剛不壞形
俱就紅鑪冶精魄吁嗟乎紛紛五代梁及陳同泰莊嚴
俱捨身聚六州鐵鑄大錯冥然覆轍仍相循隋初創業
施新政寫經造像已頒令當年營鑄精且堅鳩工豈恤
閭閻病重樓臺閣高插雲殘碑猶誌公禮文碑為張公禮撰文
琳宮重建宋乾德歷劫曾遭兵火焚寺毀于周顯德中宋乾德二年重修
至今千載廟奕奕佛頂圓光煥金碧書生自笑勉見聞
徒詫秦皇纜船石

旅夜

春雪散如絲春寒到酒卮宵深人語靜燈燼客眼遲鄉
路三千里離懷十二時家書何口至頻動望雲思

登千秋臺

按後漢書光武紀設壇場于鄗南千秋亭卽皇帝位臺卽其遺址也

羣雄莽莽紛如雷蕭王撥亂眞英才破除兵革復漢業
鄗南遺迹畱荒臺荒臺寂寞一抔土殘碑三尺自千古
父老何人說漢官風雲有氣藏村塢當年戰伐始昆陽
驅逐虎豹如羣羊河內徇行下銅馬邯鄲深入擒王郎
滹沱麥飯蕪蕪粥英俊同謀帖然服攀龍附鳳人心歸
符命相推應赤伏天生帝王自有眞絳衣大冠威如神

戴氏三俊集卷中

十六

推心置腹豁大度井蛙遼豕徒紛紜登臺受命作天子
諸將分行上符璽國祚重開二百年烽煙淨掃三千里
卽今勝蹟委荒塍中興事業人猶稱升高西望翠屏巖
太行山勢何峻嶒登臨令我鄉心結鈞臺憶時煙波痛
桐江景色此閒無夢魂飛度嚴陵月

趙忠毅公落星石歌

石形數圓質黑斑糾相傳爲忠毅降生時星隕于庭所化

今在鄗上

祥雲流空電光掣大星墮地地欲裂天降神物表忠烈
貞似峯巒色如鐵不受五鹿吞不受米顛拜具此欽崎

磊落姿象公一生耿且介在昔熹宗朝柄政由奄人東
休黨調勞已熾羣小喋喋相磨礱公遭盤錯益砥礪神
龍情性終難馴手執一枝鐵如意身騎箕尾朝天眞嗚
呼補天無成功礪世有奇迹公之精魂視此石護持矣
管連城壁

讀王文成公集四十韻

一代殊勲著千秋絕學精文章皆事業經濟屬儒生溯
昔兒童日曾將富貴輕祥堪徵鎖院慮早裕邊城挾術
蓬頭誤參禪釋子傾悔深辭佛老理澈悟朱程聖業肩

戴氏三俊集 卷中

九

能荷良知旨自明謫居忘寵辱闡道合知行玩易居容
膝歌詩谷應聲源從濂洛貫心與紫陽盟厥旨無歧異
何人妄論評品咸欽卓卓經其說鏗鏗本此藏脩力爭
爲靖獻誠三朝資黼黻屢疏謝簪纓建節汀漳始行軍
盜賊驚強藩方跋扈羽檄集縱橫定計猷偏壯兼旬績
已成嫉賢憑憲豎當寧識忠貞後患防逾密奇功讓不
爭楠岡剛破寇藤峽又興兵神算伴諸葛深謀敵知營
機槍諸境掃規制幾番更任事知僚屬推恩及隸氓令
嚴編保甲饑賑息呼庚實政蒸民被狂瀾獨力撐志期

紆抱負傳不僅功名幸賴遺編在能規素臆宏辨微詞
磊落講業語和平共仰薪傳正奚容異學鳴上章表款
款議事骨錚錚誥諭兼威德書篤見性情奮身持道義
執贊到公卿策悔安邊上鋒難衆訪撰先生眞傑士弟
子亦羣英俗化龍場陋風貽鹿洞清典型遙莫接簡冊
意相迎粵嶺嗟星隕姚江隔水盈詞華嗤吐鳳灑氣想
騎鯨俎豆光從祀褒揚見定衡披吟深慨慕長此志忤
忤

戴氏三俊集 卷中

三

種玉山房詩集

三俊集卷中

紅蕉盒詩集

三俊集卷下

德清 戴 蕓 葵叔

癸未十月九日家君招端木子彝學博 國瑚 奚虛

白上舍 疑 張同莊大令 珍泉 高已生明經 錫蕃

孫蕙畝茂才 錫藩 諸丈毘山看紅葉歸作展重

陽會侍飲解經精舍分韻得經字

高軒過從幾回經節展重陽醉醪醞難得賓朋團几席

喜無風雨逼窗櫺山連紅葉詩情麗座近黃花酒氣馨

當日西園圖雅集未聞童子十三齡

戴氏三俊集 卷下

瓶蓮

歌聲采采泛蘭橈微步凌波玉佩搖如此澹香如此韻

算來宜貯阿哥窠

新泉碧浸半開時消受清香夢亦知一舸闌紅歸去後

水晶簾底坐填詞

美人舞劍歌

老蛟脊化光熊熊紫泥鍊出青芙蓉美人辭席捲長袖

蜿蜒逆逐雙飛龍古來劍俠多女子白日都亭刺人死

騰身宛似肉飛仙一刻往來千里百鍊剛化繞指柔

山魃卻走風雨愁且將鋒鏑暫收歛莫報人閒睡識舊
和友人沛中懷古

追隨龍虎片雲橫沛邑終令帝業成父老深情傾杓酒

君王大度薄杯羹中原逐鹿爭何益深夜埋蛇哭有聲

千古興亡同一轍徐州南是鳳陽城

夏夜喜汪新甫 日慎 至

虛籟挂空碧孤燈影欲沈倦雲涼倚屋清簟靜眠琴肝

膽酒邊氣文章天外心清談忘夜久揮塵坐花陰

書史忠正餘烈後

戴氏三俊集 卷下

明閣部史忠正公遺像及家書彙乾隆中勒石

於維揚余所見拓本舊為陳無軒學博 焯 所藏

題曰史忠正餘烈因為四詩書其後

慷慨披公像 焯 骨標熊羆喧四鎮鹿馬誤中朝亦

手山河障丹心鼎鼐調艱難撐國事鬚髮壯年凋

分闔揚州地安危獨倚公迎變違始志出鎮見孤忠骨

肉諸親隔江山一戰空少年身許國耿介有師風 謂左

醫血疎遺表援兵豎義旗雄詞晨草檄雪涕夜登陴大

事嗟飄瓦孱王困置某家書和淚寫城角台圍時

彌綸直氣在展拜幾回看落日長淮水浮雲大將壇寫

妻同抱節苦語欲摧肝梅嶺新祠在鬢眉式壯觀公家書中

勸夫人同死未云書至此肝腸寸斷矣

陳月鋤廷芳自金陵來小詩為贈

一棹江南下欣逢蔣誦還離懷三闋歲歸夢六朝山塵

土功名薄心情雲水閒近來詩律細舊彙訝多刪

西湖秋泛放歌

水晶簾捲秋湖白著一扁舟不盈尺新詩一卷琴一囊

如此江山如此客一山突兀高無垠淋漓元氣撐天闌

戴氏三篋集卷下

三

一山作態臥不起一道修眉壓秋水一山壁立不肯伏

支峯迴繞煙雲蹙對面一山更幽峭明媚新妝鬥清妙

山邊又有山無限山外有山君不見天工所斲真氣存

金碧樓臺徒目眩側身回首宋諸陵秋草離離一望平

富貴功名亦何有好山落在詞人手電光影裏千劫塵

明聖湖頭一杯酒磊落我悲韓漸王蹇驢風雪何蒼茫

孤高我慕林處士梅花為妻鶴為子嗣音消歇千百年

山中明月愁嬋娟古人已矣山不老我今與我相周旋

玻璃十頃清無底叩舷激烈歌聲起此身願得隨山靈

閱盡湖邊過名士

秋闈被放月鋤又將還金陵悲秋賦別百感交并

爰賦短律三章送之

聚散尋常事如何總黯黯茫茫成一別草草又三年此

外誰知己無聊只自憐悲秋已悽惻况復送歸驛

襟前一杯酒相對半言無涕笑中宵剩琴尊後會孤高

秋戰風雨短夢遞江湖終勝飢驅者長征歷險途

揮盡臨歧淚行蹤不可留飛鳴餘數子煙水又孤舟六

地同悲別時伯兄已客長興仲兄亦將至臨平名山亦貯愁舊盟長結隊

戴氏三篋集卷下

四

羨殺清邊鷗

照鏡詞

眉黛多新樣休誇舊日姿除郎矜寵外只有此君知

一笑

裁紅刻翠爛如霞門外時停擲果車一笑園亭元有主

何須人看隔牆花

刪詩三首

好詩如美人淡妝映幽獨號國屏鉛華天姿自絕俗云

何作詩者藻綺矜繁縟泥土豈金翠砒砒雜珠玉豈不

美觀瞻過飾真氣劇學古貴神解得少趣已足好博識
不精譏乃等儉腹

明修無止境學詩豈獨異境苦律斯精功深學乃至始
也打性靈天籟貫率意直諦流笑嘖感物觸神思繼或
騁才華綉爛錦字或矜雕鏤工或炫蘭若媚退乃學
存養縱橫歛初志澹韻絕塵囂古飾屏珠翠有若胸熊
躡清中得腴味凡茲漸進功難以躡等試情或隨境移
又豈一例視春花新鶯啼秋霜寒鶴唳聽者感衷曲樂
悻各有寄要在多讀書不可等閒置業必資古人寶乃

戴氏三俊集

卷下

五

除羣弊無本學勿爲旨哉一言蔽

閒中獲妙句詡謂竊自負豈知繡陳編古人先我有莽
莽藝術林浩浩文章藪稊米廁滄海艱苦徒自受奈此
求勝心偏飾無鹽醜非敢期問世言情或不苟于慮冀
一得測存不輟手幸有不時需留以資覆瓿

花朝祭花歌

香一鑪酒百末今日百花初度日花光豔豔爛如雲詩
竹稜稜瘦於月蓋宮仙史貯奇芬如此名花如此客砌
以瑪瑙臺佐以琥珀杯繫以四星旛環以七寶欄湘妃

挾瑟稱霞觴帝子吹笛翔雌凰天孫剪錦爲衣裳飛瓊
糝玉嬌新妝瑤娥亂擊催花鼓萬點春星落珠雨油幢
雙擁扶花輪隋頭款款追香塵祝花莫被東皇誤韶序
千春萬春駐慰花莫畏封姨欺軟語金鈴職調護仙鬢
遞徧蓉城信司花小牒泥金印鳳閣犀簾瑟瑟香明燈
翠幃珊瑚韻酌花一杯酒盡醉花莫辭花箋親寫雲迴
詞願花與人同此壽百年不見花容舊

春事

吹徹鴛鴦百二辰六街清晝不驚塵伊誰翠陌馳金勒

戴氏三俊集

卷下

六

到處紅樓倚玉人刺絮池塘魚試暖掠花門巷燕知春
如何踏徧芳郊路祇向青山證夙因

乙字簾鉤已字欄沈沈院落篆煙殘人因小倦偏宜夢
花到全開轉怕看紫廚寒銷剛進酒紅桐影瘦厭尋歡
綺言漫學休文懺知否韶華指一彈

病起寄伯兄十六韻

芸館春深日匡牀病起時寸腸縈別緒長夜結相思藥
裏細囊積寒稜絮被支刀圭勞母授几視少僮持池草
更番夢荆花第一枝豬肝君始累驥骨我深知恨慣將

離贈貧艱苦讀資與來雄看劍髮細律論詩新樣塗鴉
幻空名嚇鼠遺諧時無媚骨歡伯仗清厄更有聽潮客
多成惜別詞仲兒時燕營殊地壘鵠瘦失羣姿最影乖
初念捐痾得上醫倦魂欹枕弱淺漏苔宵遲寂寂焚籠
閉迢迢羈旅悲書投紅鯉去廿字小湖涓兄寓近
甘字湖

饒春

殘春已減綠囊詩況是殘春欲盡時芳序不煩驚蝶喚
花魂猶仗瘦鶯支誰彈錦瑟鳴瑤怨我亦雲箋譜曼詞
一例斜陽欄外照有人凭立淚如絲

戴氏三俊集

卷下

七

不捲疎簾晝掩門落花飛絮滿孤村春元如客終成別
人解傷心豈夙根隔歲預期重會日苦吟剩有未銷魂
普天只惜韶華麗誰餞殘秋酒一樽

屋漏謠

梅雨浹旬四壁輒漏作此自遣

東鄰臺榭高峩峩管絃長夜聞離歌西鄰巍然峙大屋
擁賞不肯娛耳自忽有一屋當其中敗牆蟲蝕苔花蒙
炊煙一縷或暫見戶內長絕親朋蹤梅天釀霖久不佳
竟日淋浪雨如注遮檐碎瓦如殘鱗牀牀真覺無乾處

堂中滴滴如跳珠承露汨汨若決渠空階滑澁盈塗泥
舉家偈仄同雞棲中有一人抱書讀雨淋滿身冷不覺
風來吹檐檐欲仆書聲雨聲互相續道旁聽者歎且走
東鄰豪華西富厚伊誰環堵苦相守讀書萬卷亦何有
飢寒得毋徒自受有一老者戒勿諱其中至樂能幾家

雨夜感懷呈伯兄時將客長興

悲風挾雨作颶颶相伴殘燈共小樓新綠漸肥三徑草
早涼先得一分秋悟回情味耽經卷兄嗜金剛經見慣天涯
減別愁倘遇夜船吹笛客好從煙水駐扁舟

戴氏三俊集

卷下

八

初晴

隔簾晨影射游絲便擬娛晴製小詩心遠不妨居近市
書拋便苦俗難醫成陰庭樹愁鶯老初暖瓶花有蝶知
更喜故人傳尺素停雲霽靄繫相思是日得月鏞金陵
書薪甫湯溪書

夜讀董壺山丈梅瓶簪集

歲任堂堂去愁仍照鼎生孫三元博古柳七漫忘情角
勝紛人事長貧忌盛名繖眉吟苦處棖觸對孤檠
倚馬飛揚氣何當壯歲磨文章知已少涕淚聞人多蕭
瑟江關賦淒涼夔府歌高吟消永夜星影共摩挲

題郭子儀拜織女畫冊

紫雲迴擁青霞障華冠寶劍天人相功名三十困英雄
低首風塵乞神貺七囊燦爛銀河津雲斬風響霏香塵
忽聞空中降神語語公誌之終其身惟公絕大施經濟
報國心堅誓勿替失路曾邀太白恩知人不負明皇意
赤手艱難復兩京孤忠早自格神明不然富貴復壽考
區區豈足酬公誠讒言中外方蠶起公自精誠貫終始
宰相經綸大將才福澤勳名冠青史披圖再拜英風生
神靈呵護歸蒼冥當時釵盒唐宮誓未必雙星著意聽

戴氏三俊集 卷下

九

重陽日作

料峭新寒暮雨天葦芽手早卻詩篇打門不到催租吏
一笑元無負郭田

朱冬友 榮桂 驟作北行作詩三章送之

班馬慘不嘶朔風釀新寒故人別我去駕言游長安北
堂茂譏草謝庭耀芝蘭更有抱子樂胡勿長承歡家貧
易為客生計良可歎所期各勉勵志氣青雲千後會定
何日萍飄同無端努力幸自愛前路雲漫漫

平生負壯懷惘惘笑俗態悲忽從中來令人發深慨我

我見南樓面與道峯對回憶登斯樓當時凡幾輩豪興
鵝摩天歡場魚結隊五載一利那舊侶盡分背琴尊趁
良覲風流渺難再謂惟君與我同里時相會今君更遠
游故人復誰在縱有新相知絮語孰傾蓋雲樹千萬重
從此勞還賺

與人必云厚自待亦勿薄傲物固背理胡可貶鋒錫長
安冠蓋里人物爭集輻師資審從違交游雜清濁委蛇
萬人海所恃葆其璞自守苟不力一朝或失足願君靜
閱世萬象納隻目敦行揚清流純修綜實學用以宏遠

戴氏三俊集 卷下

十

謨母俾泪流俗持作贈行語私意良有蓄差勝世俗例
饒君酌醞醪

次伯兄韻

脈望成仙事渺茫沈酣蠶籍願差價分漿我敢叨元叔
斗酒人爭羨伯郎世味淡於禪得力生涯疏與道無妨
靜中自有元珠在試較紛紛角勝場

雜言

丸丸巖下松歲晚異羣木習習都梁香流芬徧空谷等
是草木類偏能得天獨君看桃李花春城炫繁縟一夕

委飄風泥塗絕餘腹內美久必彰浮華零自速姑借三
春花勵我半生學

爲學戒歧趨首貴定厥志擇術苟不精枉費心力粹奧
理探程朱論者謂多事精義搜馬鄭見者謂好異仙畢
但空言意在弋名利成敗姑勿論所見毋乃鄙生平慕
古賢抗懷別有寄毀譽聽諸人讀書志無愧

士林習標榜厥思古已然不有障川手頽流相洞沿一
書乍脫稟索疵窮豪顛一事偶到耳指摘恆爭先門戶

既各時儼若敵壘堅即使所論當量隘心斯偏不見尙

戴氏三俊集

卷下

十一

友者事理期精研棄取貴心得不假口舌宜我懷陸大

夫西都蘊名賢

於義苟無常多言亦奚爲於世苟有補一語千秋垂貪
多由好名識者朝論癡金沙每雜處將毋海濤嗤讀書
欲明道載道須文辭非爲自炫計得失求心知豈有不
朽業而等逢世資

汪新甫來湖連日約同人作道場法華之游於其

歸也作四律贈之

閉戶春垂盡攤書意畧宜尊前延舊雨袖底出新詩實

事求原切名山業可期商量塗阮屐良序稱軒眉

湖水明于玉溪窮怡繫船徐穿一徑竹吟入萬山煙斷

碣雲衣冷斜陽塔影偏尋常題壁字值得外人傳

石斗峯前路扶筇更一登青山留色相白雀渺靈徵

履煙霞侶鐘魚粥飯僧何人參玉版說法契三乘

游蹤排日計一箇動離情易醒三春夢難忘百世名立

言期有補學道實無爭此去帆須穩漫天漲未平

過蓮花莊朱氏園

舊擅名園勝風流稱詠觴水平鷗夢靜花密蝶蹤忙宿

戴氏三俊集

卷下

三

雨侵蕪徑殘碑臥夕陽滄桑無暇感興廢事尋常

題夾山雨泛圖

圖爲湯雨生參戎貽汾所作誌丁亥年十一月

事也奚虛白丈屬題

黑雲如絮凝不流全湖雨氣時沈浮叢蘆作花鮑寒雪

一篙刺出瓜皮舟舟中圍坐有六客瀾天鑿齒皆同儔

四山溼翠映鬚髮拓窗不畏風颼颼忽焉縱棹入深際

昏林影亂堆船頭賞雨倒築歡伯壘篷底錯雜交觥籌

江湖欲共醉眼白叩舷高唱驚沙鷗乘興而出興盡返

詩星重聚城南樓將軍手握松枝管謂此一舉堪千秋
吟身已入畫圖裏無畫母乃孤斯游墨痕慘澹妙布置
溟濛雲樹清吟眸披圖帳觸此初夏輕初雨槩曾夷猶
孤篷斜曳亦聽雨水氣蕭颯如殘秋吁嗟一瞥竟四載
流光流水同悠悠幸茲筆妙出名手終令陳迹霜臺收
溪山之助屬名士三生霞契須重脩但祝山靈永無恙
煙景一一供雕鏤

同人分詠湖州樂府余得二題

唱蠶花

戴氏三俊集

卷下

三

一夫持鉦一婦偶以鉦節鼓互前後兒童開戶紛相呼
出入嘻嘻開笑口曼聲相和低復揚雜以俚語取吉祥
但祝蠶花歲歲茂且盛終以收繭始采桑同是男耕婦
織身胡爲入市趨歌塵唱隨未必具真樂廉恥鮮矣風
非瀆有人搖手戒勿語何必高談猶泥古君不見村落
機船擊花鼓

看氣色

十家五家人抱疾舉室惶然救無術尋常醫藥事勿論
火急先來看氣色龐然老婦來逡巡微聞病榻人吟呻

暗中指點作祟者鬼無大小無故新謂宜一一謹致祭
不從其言必加厲闔家悲喜謝婦言享以酒肴送錢幣
嗚呼巫蠱之風日以張昨聞鄰家壯夫稱疾佯登牀婦
來入室指視詳依然歷歷羅災殃

遲計燕士不至

空齋遠塵事閉戶深山深開居愜首夏清景敦園林孤
花啟夕秀穉竹含朝陰攤書養拙疾振筆伸微吟之子
蔚文藻美質雙南金素處易膺憂簪盍遲同心開軒納
華月寫我風中琴

戴氏三俊集

卷下

十四

題畫

沽酒青旗隔岸斜綠陰濃處有人家蜻蜓點破一溪碧
日暮野風開荻花

鄭夢白運使

祖琛

續刻湖州詩錄因以伯兄遺詩

致之作詩誌感

零星剩有一編詩腸斷傳鈔夜雨時十載窮愁緣底事
百年絕業竟如斯生無媚骨身應賤名附羣公福儘奇
較勝城南孤月夜秋墳叢雜唱新詞

識公會未及生前此日垂知總黯然慣見悲歌成結習

幾曾哀樂逼中年空言共命偕子季痛說娛親到九泉
畧報名心翻益勸窮人有恨總絲絲兄子六月中遭害疾十日而逝先妣
以痛悼過深舊疾忽作越三日竟不起嗚呼如弟者亦已極人生之不幸矣時下冥壤于蘇詩故前詩結句及之

題張春水潛載酒盟鷓圖

菰蘆瑟瑟生秋煙轉枝邊破波紋圖涼鷓瑟縮沙窩眠
手攜巒榭呼之前飛鳴豈少青雲子不值先生白眼視
冷淡交情合如此有不同心如白水

題董鑄范丈蘇丹冬缸永慕圖

戴氏三俊集 卷下

五

寒雲沈沈壓茅屋屋裏寒燈耿一粟有人病骨方支牀
悲從中來淚盈掬悲莫悲於護花傾北堂日冷風淒清
斷機殘綫盡無恙母氏遺迹猶分明嗚呼此時此境難
爲情

哀難忘寓以畫此慕成終天天心亦何隘寄我斯圖託
雙鯉使我淚下不能已小人有母病不起淹逝已經隔
年矣天板板空號呼形杳杳空迨暮篝燈猶憶教之無
每一回憶淚眼枯傷心况復披君圖

此恨竟長抱天道眞休論此身更何事足慰泉下人祇

餘顯揚志高一酬親恩讀書致身期有補走肉行尸安
足數不然閉戶勤清脩曾史卿雲並千古紛紛世俗聲
利儔將母貽親之羞忝厥祖嗚呼此念良可悲無此一
念生奚爲燈光黯黯藏深帷思君之慕重自思探懷仲
紙紵哀詞然乎否否君思之

懷荆篇爲程子翔霄作

子翔伯兄石疊雲以名孝廉出宰城固有政聲

道光三年歿于任所子翔爲述軼事屬賦此篇

清門蘊碩德伯仲皆英英至性重倫紀出處無殊情我

戴氏三俊集 卷下

六

聞軼事想循吏循吏者誰程先生自立竝遠古不朽請
君聽我歌懷荆先生篤行更勵學讀盡三壁書崢嶸貫
虹氣鬱久則達蔚然豹變鳴韶韻文章豈稱報國具臺
閣儘讓諸公登歸求治術本經術薦章旋出名公卿
帝曰咨汝宰城固亟以霖雨蘇吾氓先生委蛇庸官紀
繁劇凜若弗克勝關中要地重守險城西鼠子方縱橫
相沿不識長官長公時晝夜勤登城始以威尊繼德訓
日祇其父恭其兄僉謂公眞子祝我以子背父理不應
棄刀悔悟道旁拜願此邦守惟公膺東請刀劍入官府

各持農器歡春耕公言脩武厥有效豈茲文治難恢宏
盡徵多士擇髦俊與旨悉爲研六經文取醇茂黜華侈
行貴敦實懲浮輕治澤所周氣一變若木之正由從繩
是遵何道妙感化本諸學識行以誠從此仁風扇編戶
訟庭花落苔痕青雀鼠偶聞訟當午蒲鞭帖帖懸無聲
但見據案語刺刺如訓子弟毋侵凌法古有宜鄰境化
斗大險邑今康平大吏交推上以最謂當遷任秩議增
民走伏闕以公請 詔允其請任弗更棠陰敷佐日以
廣人懷其惠欽其清於乎治績懋矣美是當奕禩垂令

戴氏三俊集 卷下

七

名况距公歿未十載歷指往事如親承公之仲氏亦卓
爾二難人羨墳笮并神光燭僞鑑毫髮當時曾佐兄明
刑謂子翔仲 叔子能詩性和雅溫溫照玉蘭比馨北堂
奉母以孝著故知厚德家風仍交于未久誼獨摯每述
兄德堪箴銘遠游康樂年且老挾策祇爲飢驅行方客
中懷懷望遠抑悲涕有淚不敢親前傾阿咸尙幼頗好
弄學問相長慙無能石墨有雨子 我聞清德有餘慶循
吏後必天能興東躬况凜畫虎戒會看疾疢增聰明盛
衰數每相倚伏君其靜驗天心恆感懷展紙愧詞鄙聊

爲吾友傳先型千秋論定俟青史緹油請以吾詩徵

讀新甫近著用東坡岐亭韻

穆若朱絃音清如太羹汁數典必精純如土辨燥溼挾
此求知音時流渺難得得諸讀君詩塵襟洗煩急浸淫
於大蘇有似春波鴨匹錦大地明豈受塵沙羈從茲振
騷壇讓君樹幟赤愧難竝駕驅齊名號劉白可憐時世
妝毀棄古冠幘佻等雛雞鳴細類井蛙泣乃借塗飾功
意欲彌其缺豈知玉溪生持論別主客深造惟期君庶
幾大成集

戴氏三俊集 卷下

六

呈姚珊濱丈 前儀

一見心傾廣座中漫須印雪感飛鴻吞來雲夢才何大
劫得江山氣自雄久說士龍驚洛下誰知昭諫困江東
高情偏愛吹竽濫道與先生持論同
講幄春深啟小齋屏當酒榼與詩牌敢言勝地來原得
但爲蘋花住亦佳懷抱眞能銷鄙吝科名久已辨銖厘
泖湖從此餘歸夢可許相忘霄水涯

雜題五首

百餘年來詩家林立以余構昧何敢言知顧獨

於蔣心餘趙璞函袁簡齋黃仲則彭甘亭五先生心所嚮往不能終祕爰取諸集各綴小詩言所欲言時論弗囿焉

忠雅堂集

一代文章伯千秋正始音風騷直種子忠孝古人心軌
範端彌廓根源究益深豈徒重餘事名節更欽欽

婣雅堂集

七子擅吳中規模獨變通能兼唐宋格幾費鉅鏤功書
傲驚蕃部盡沙哭鬼雄厥隅作蠻語詩好果須窮

戴氏三俊集

卷下

九

小倉山房集

一任虻蜂撼如虹氣自真仙心應獨悟凡骨豈同倫雅
愛名園麗長西六代春坡詩新百態祇惜少功臣

兩當軒集

恍疑霄宇闢祇許鶴孤盤筆盡千言易胥平五岳難中
年悲賦鵬土界或驂鸞倚友平生志如君死亦安

先

小漢觴館集

食盡神仙字如君入化機良金懷耿耿屑玉認霏霏文

自狂瀾挽心尤古道希瓣香參賈佛堂與苦難幾

城南有童鳥行

城南有童鳥啞啞戀枝棲強項故性成瑟縮長苦飢苦
飢伴侶爭分飛風雨夜叫天淒淒眼穿難見慈鳥歸

慈鳥歸童鳥喜為訴支持舊時壘舊壘艱難護凋毀惟

子拮据功莫比謠詠紛紛頹而起童鳥喜慈鳥怒汝

巢將傾職調護無功足矜勞足訴行止要使腹心布衆

怒紛如問何故童鳥涕泣辭故枝羽毛零落天之涯

雖有同侶心則離怨艾將奚為嗚呼自怨良可悲

戴氏三俊集

卷下

三

怨及慈鳥非所宜嗟嗟童鳥見已晚多言不祥慮宜

遠持躬之要在自反不見東飛伯勞西飛燕骨肉終年

暫相見詬誶無聲衆所羨五

以詩介姚珊濱丈與令姪卓峯茂才以楮定交

力能擔道義才不僮文章求友情方切聞名喜欲狂風

裁推國士月旦愧詩郎十三歲時侍請父執飲即席

那抱黃嬭之句一時握手知何日悠悠道路長

新安程生行

繫子籍新安系出自紫竹一從遷湖來數百易寒燠

聞故鄉人爲道故鄉俗士林敦行誼真氣溢眉目近事
微程生敬爲少者昂生出白寒峻十四就鄉塾質魯心
則虛執卷再三讀夏楚逢師隕凌侮及同學瞋我固所
安侮我亦奚辱人苦不自反何者堪自足業未一經通
時更三載速無何師疾亟殷憂結心曲醫藥苦未知禱
神權弗告剖股覲可療人言聞已熟教我等所生恩無
殊顧復昏夜風雨交雜嗚嗚方嚶嚶抽刀暗室中袒臂向
刀祝一揮疾如風迎刃解寸肉作羹持進師有瘳或可
卜嗚呼竟罔效一旦萎梁木無復立雪侍惟向春風哭

戴氏三俊集

卷下

三

門牆盛生徒受恩若所獨父母促之歸晨夕淚盈掬寂
寂菜圃中深深池水綠四顧悲懷乘鶴鷗嘯檐角自恨
頑鈍姿百身嗟莫贖不如歸泉臺依然隨講幄豈不念
承歡有弟當養育豈不念後嗣未絲未纏玉新安俗聘
女者必有
雙玉繫
以朱絲夜半湛深淵行乎吾所欲殉師古未聞創舉駭
聽嗚嗚嗟程生愚愚乃全其樸迂儒執苛論僉謂義無
屬庸知結念深良由天性篤卽曰大義乖生年祇十六
貧賤就傳遲幼儀或未讀誰與誓苦衷歌詩載簡牘匪
敢職闡幽冀登獨行錄世有肯師人試取觀反覆

贈陳月鋤

久望言歸訊江南尚暮春遲歸三月棹開徧半汀嶺境
頓歡愁改交從閱歷真相逢成一吳君是綵衣身

痛說哀宗事團樂竟虛弟兄憂患共骨肉死生餘夢

斷宵聽雨心傷暮倚閭維持及身後此意感何如君將
乘伯

兄遺詩
付梓

滿眼滄桑感零星助苦吟等身期著作癖嗜到山林較

昔豪情減知今素養深堂前親已老未可濟名心

張春水見惠畫蘭小幅賦謝

戴氏三俊集

卷下

三

孤芳自結空谷春風姿露眼傳精神靈均幽怨偶相寄
瓣香從此宜秋人是誰放眼離凡俗獨向江皋佩寒綠
淡墨霏微替寫眞絹素花明雨如玉先生惠我抵百緜
紛紛紅紫徒生嫌橫懸小幅斗室裏不惟銷俗兼銷炎
畫意摩挲足詩意不材敢託同心誼他時入夢訪先生
鬱鬱襟裾蕙芳氣

月鋤將彙伯兄遺彙付梓于金陵因寫全帙致之

誌感

子由集坡詩哀詠規心聲我肯一再讀悽惻難爲情如

何此隱痛貌躬今亦櫻欲語口先塞執卷徒涕零我兄
夙嗜學耽詩根性靈學優境愈進耿耿通元精元氣日
以損詞華日以榮榮極卒就損二者難相并遺此數行
墨寄託曾非輕當其孤往時意欲窮挺溟緇幽更汲險
力與造化爭茫茫百年盡寂寂身後名誰爲永其傳端
賴賢友生叢殘檢故紙擲筆淚雨傾

斯道知者稀邂逅得陳子總角成深交聲利夙所恥在
昔借我兄揮翰常自喜出語貴性直競競兩心矢情深
易爲別一別輒千里忽忽幾回別悠悠判生死雅意彌

戴氏三俊集卷下

圭

殷拳豹皮問餘幾意欲訂定之雕鐫付梨梓嗚呼微君
言尙將告知已咨詢更親承商榷烏能已所嗟陶汰甚
刪餘僅存此貴精不貴多意在矯浮靡抉擇還期君毫
髮憾俱弭表暴知非難要存作者旨壽世匪敢言世守
庶勿毀再拜授巨卿高誼感淪髓

示姪宗源姪爲家香林兄子

立志重文度守繆思韓符緬懷古賢哲自幼森規模稟
訓紹先業窮達無殊途我兄擢秀出醴醴臻溘儒宜祥
而忽歿精氣先凋徂著作半散佚遺此五尺孤眉目亦

楚楚羣謂俗韻無惜未勤誦讀玩視過隙駒面斥吾未
忍亦豈能面諛成立俟何日相對增欷歔

在昔宋大儒訓蒙編小學肄業始八齡務使規矩肅造
詣幾大成厥理良已足迄今失其傳競趨濁流濁立訓
體先乖那望情性篤叩以逢世資了了徹心目攷其經
史功茫茫等未讀稍抱穎異姿空言遠相勗解赴名利
途卽謂異頭角幼儀木未敦長卽同流俗世風盡如斯
誰與鑿轍覆孰於華騰場至味談菽粟遠大縱難期家
聲宜繼續迂拙吾安辭斯言試三復

戴氏三俊集卷下

圭

茗南詩盟行

昔洪稚存太史有城南酒人行記少時朋簪之
盛余則深交特寡投贈亦稀比來以文字之會
間得新知因作歌以呈諸子命之曰茗南詩盟
行猶洪意也

男兒生不能結屠狗交搗來市井紛號呶又不能走聲
利徧向朱門擲名刺蓬蒿戎戎滿荒宅瑟縮吟身豪不
得徵逐既厭知音稀秃筆寒氈黯無色峨峨百雉茗南
城城中城外溪光明塵容雜沓洗難淨惟聞鴉雀浩浩

鎮日如雷轟出門四顧不得意嘯儂且結詩酒盟我不

解飲無酒侶詩如小兒始學語時於廣座吹濫竽微技

吳豪頗見許少年結納敢侈談冷淡成交少可數青陵

公子人中豪張瘦山上詩酒兼擅傾其曹偶然落筆走

詞翰寒芒直刺秋星高華宗更有掣鯨手心嗤翡翠棲

蘭苔其人則歛厥才放使我鄙吝心全消張公雅茂

游勅敵朱張在朱白榆茂才調清高軼儂輩登壇快觀

張三軍拔戟時能成一隊諸君袞袞金闈儔跌宕琴尊

兩無礙動宣盛業各努力勿志當時志後代方今世路

戴氏三俊集卷下

高百盤孝標著論增悲酸酒星詞伯幸相聚此境勿作

尋常看漫效窮愁時仰屋百年易過如轉轂合選湖山

最勝區一枝雞距雲龍逐擲沙猶憶城南樓紛紛同學

爭吟乙酉迄戊子兄弟俱晨星搖落忽三載有如

社燕當深秋樓居主人徑向帝都去近聞搖鞭得意春

郊游謂朱冬友茂才飛鳴餘子各異轍往事歷歷成離愁感昔

撫今百端集後視今猶今視昔昔岑會合真難逢珍重

分陰休浪擲莫向利途探險隘莫為浮名志纖芥骨相

知難塵市容託跡祇宜詩世界牀頭寶劍忽作聲起看

星斗方縱橫幽憂在抱久不釋苦吟聊復如蒼蠅燈光

幢幢半明滅援筆起草詩初成詩成還望諸君賡君不

見鸞鳳天際相追鳴

送周草庭丈聯奎之奉化學博任

經師非所難難於為人師古賢示明訓夙昔心誌之東

粵事交游隨讖徵逐非儀型仰先達幸指迷津迷先生

古君子鎮俗脩令儀伊昔德鄰擇小子猶兒嬉昔居蒲塘時與

先生家相比來數親衆始得門牆窺立身樹模範動矩

而言規廣文雖開官名教能擔持遭遇亦云厚世人那

戴氏三俊集卷下

得知謂公盛文章位置清華宜謂公詳治理責在安羣

黎職未據清要安必非數奇三絕縱著名冷官何足為

此由寡識徒但計官崇卑豈知官無小皆可功名垂國

家重儒術師長有專司風會無厚薄要在上轉移先生

本素蘊于此大厥施此邦况清樸士習無澆漓定使敦

行誼非徒誇文辭名理闡精奧論旨宗濂溪用以宏樂

育奚患人不治上報知遇恩斯文其在茲所惜故鄉遠

杖履難追隨夙昔荷培植小草愁將離玉湖水冷冷值

此清秋期琴囊與書劍輕裝載瓜皮真言固無當探懷

仲寸私儻與世俗異祖帳羅瓊厄

岳忠武王名印歌為王硯農徵士之佳作

沒世無稱古所恥釣名欺世憐彼昏何如但識忠孝字

長使浩氣光乾坤昔聞魯公有私印流傳藝苑誇貞珉

金德興先生戴顏魯公名印有飛將軍印質逾古銅章

正味齋集南野堂集俱有題詠李廣印為阮芸臺先生所藏一物之微竟千載不惟其

物惟其人鄂王精忠負主鑿比玉縝密還溫純將百萬

兵不能撼赤幟過處如雷振衝冠怒髮寫高唱鈐紙想

見芝泥新銅魚朱雀相左右羽書四達驅風雲金牌已

戴兵三俊集

卷下

七

伏雪牛捷天命浪誇泥馬神班師詔下畫淮議兵威一

邊斯難伸鴟張蝎語詎足責祇惜王死朝綱斃死上適

以成王名名成知非王所欣王名長在婦孺口豈藉此

印垂千春徵君嗜古富藏秦權漢鼎嗟難倫晦而復

顯信神物如還合浦珠彌珍即得于湘江我瞻王祠拜王墓

愿稽往事時逡巡一德格天彼誰子當時氣燄熏高爨

極誅幸免國先靈鑄以頑鐵人猶隨昔悲大獄起三字

今乃寸玉齊千鈞恆沙浩劫肯磨滅棧鐵盡猶堪捫

卽觀部將亦都雅書工語妙牛將軍王部將牛鼻育易勝經序果蹟書極

工序語亦甚精妙流風餘韻其輝映同王駿烈兼清芬惟王自

重物斯貴神龍異蝕洪濤奔摩挲拓本見忠赤片紙尚

可驅妖氛印可辟瘴不然姓名赫赫實難副肘後黃金斗大

安足論

梅堰衛貞烈女詩

女名玉字冰壺世居梅堰鎮七歲喪母育於外

家張氏張平望人其外祖母為字於同里趙氏

未幾外祖母亡趙氏子亦以瘵疾卒其家取所

御衣服焚之煙氣達女寢所女詢竈婢婢以實

戴氏三俊集

卷下

五

告其夜女遂投縵死時道光十年六月十日也

衛氏女麗以剛錫嘉名玉比德衛氏女趙氏婦結繭未

歌納聘久失侍熒熒倚諸舅一朝外母死內願失所依

淚痕洗面心傷悲心哀外母且若此何況貞軀從一矢

矐矐旭日紅憲櫺幽房四達煙冥冥動心走覓竈婢訴

絮語煩言告以故女身玉潔心石堅我生不辰徒呼天

此身願等鴻毛捐不惟殉夫矢志貫金石且侍母氏外

母色笑歸重泉一尺帛九霄魄大節森森勁松柏詩書

彊識針紉工餘事亦垂閨闈式嗚呼親族循例自請旌

女死豈計貞烈名

送孫士赴試武林

豈有浮雲幻能櫻冰雪腸立名先氣節報國詎文章此
去非隨俗斯人信自芳舊時團聚地回首涕浪浪孫士
能與
寺

秋雨歎

今年苦雨時恆多自春迄夏愁滂沱水潦幸未隴畝害
農情不異三時和入秋凝陰讓寒意得三日晴雨輒至
淫雲緩緩驅黑裏新水高高漾浮翠

戴氏三俊集

卷下

三

射影不見晴曦紅裏簾竟日煙濛濛屋前屋後散雨腳
破窗惻惻鳴淒風窮愁偃仰更無所難遣悽懷苦吟苦
通街并少屐聲過母乃蕭寥同太古

昔年梅雨連昏朝破毡獨擁歌且謠歌聲淵淵竊自喜
檐前不顧飛重茅屋漏舊痕尚留此此樂茫茫不再矣
義和鞭影故無情未可光陰付愁裏

題程子翔所居讀書樓

偃仰一樓足當風夏日涼繩牀獨俗韻虛囁納清光自
矢希賢志休誇結客場文詞期載道時尙漫評量

歷指傷心事因君意未舒固持平且氣且讀十年書節
概師門紹君受業于
計孫士循良世澤餘他山攻錯好慎勿友
朋疏

題虛白丈策杖行吟圖

先生今歲花甲周神光矍鑠海鶴儔展步健不煩扶鳩
新詩脫口清且適圖中策杖方夷猶疑與真境頗不侔
先生謂余汝知不我已心希石隱流賤子展卷注兩眸
作歌介壽聲歔嗟寄巢昔近蘋花洲廣席已識滄浪叟
交深三世情偏優獎飾後進藥籠收桑麻驛綠城南稠

戴氏三俊集

卷下

三

中有一境深而幽元龍置此百尺樓珍襲圖史逾金鏐
詩書氣澤熏巾禱神明久浹微恬休七情不櫻捐百憂
上躋期願匪無由道廣四海如太邱名賢縞紵紛相投
醉客錢非輸杖頭盈盈家釀方新筓安置几席羅觥籌
分箋擊鉢相賡酬繁余迂拙形臞腠亦參末座隨羣鷗
先生怡然不我尤有如瓦礫間琳球惜哉薦芷良會修
面葉未及觴同抽五月二日為薦太鴻先生百四十歲
生朝家君招同人設祀于榆蔭樓即
為主人介壽去歲亦有此舉虛白丈作溪樓
薦正圖菴皆未與焉素少游詩拙觴即為壽先生倘與
煙霞謀足歷五岳盡九州徑請笠負還衣攜學步或免

邯鄲羞探幽訪勝窮遐前揮青鹿後翠虬剝劇險
絕塵鞅佐翁奇句工雕鏤浩歌擬擊珊瑚鉤未容刺促
嘲詩因擲杖更爲天外游

夜聞泉聲詩以逐之

月魄藏中宵陰雲壓庭角主人坐讀書侵午漏聲促何
來泉鳥聲集此意奚屬聞聲憶往事悽懷頓感觸昔在
已丑春兄女病牀褥嫂氏夜撫摩呱呱啼斷續哀鳴忽
入耳檐端行縮縮鬼嘯隨和之啁啾雜歌哭攬衣起徘徊
徇私心懷舐犢遙覘壁間燈一星慘然綠詰旦兄女殤

戴氏三俊集卷下

三

識應蔣詩讀兄女名阿良歿前一夕子適讀忠雅堂集至悼良姑詩輒心動去歲遭大

故妖萌絕耳目僕婢後有言此鳥曾止屋厥狀殊陰瘳

鬼瞰禍斯速今又惡聲至殷憂攪心曲哀憤問蒼天曷

爲縱凶族食母且不誅何怪徧流毒先賢實多事爲汝

辨反覆鴟梟二其種始白唐儒陸孔賈合一之謂異長

沙鷗景純又研察與鴟殊飲啄要之性惡同不待辭繁

複行當殲醜類孤矢肆誅戮汝梟倘兄幾去向深山伏

不然飛近人難免刃刺腹作羹味縱美豈屑食汝肉昔

在竹垞翁怪鳴曾見逐我今更作詩聊比磔鼠獄

風麥二十韻

已香麥歌響仍看果實充形殊初出水味美爲臨風記
得牽葦紫方欣照眼紅扶疏連帶聳峙異蓮蓬沁齒
冰俱脆登筵露乍融短檝行采采良序度匆匆露井摧
秋葉霜威集冷楓飛騰驚暮景收貯計筠籠莫辨靈池
種應疑桂苑讓狀原多雨角製合配雙弓皮相曾何據
心傾爲箇中歲時經閱歷塵土久磨礪美任頌婆擅甘
眞蔗境同生涯歸野老分饋有溪翁檐際思常切燈前
剝未終消閒當客座堆几雜詩筒土俗吾鄉記人情晚

戴氏三俊集卷下

三

節隆聚寒隨橘柚眉舞列兒童好和湘濱共宜參雪裏
蕙詠來翻急調體物愧難工

夜坐

月浸半庭寒單情怯夜闌幽魂扶瘦竹瑤怨問崇蘭古
瑟清誰和空樽渺不歡遙天一繩雁哀響自漫漫

舟泊塘栖大風

榜聲醒孤夢嗷嗷聞鳴雞臥問榜人語故道由塘栖維
舟荒葦叢藉息舟行疲是時天昧爽砭骨寒威悽忽來
虎嘯聲又若馬奔馳倏焉振山谷獵獵萬木吹水聲頓

激盪澎湖相隨之一舟與低昂擁衾心已危繫纜忽中
絕舵脚旋自移磨旋當中流人力烏能支觸石轉共慶
棲泊聊相資詩膽戰未已仰視增嗟咨黑雲大逾磐細
雨紛如絲斷岸絕廬舍將伯呼誰知嗟余閉關久恆少
作客時出門卽陟險此理心然疑往還百餘里阨塞猶
如斯他年五嶽游遐想終難期

家君約同人游臨平山至邱仙祠小憩分韻得鳥

字

素侶盟清歡良辰遂幽討曠野風蕭蕭落葉淨如掃霜

戴氏三俊集

卷下

詩

樹紅已殘煙嵐青未了步屐俄向西新香戀畦稻言尋
古招提帽影迴廊繞葉禽寒不喧池魚靜依草庭前檜
與松古榦立清矯撫景迫前游陳跡認鴻爪傑閣更登
臨鈴鐸鳴煙杪遙睇江心帆斜飛疾於鳥自顧困塵鞅
搜奇闕寸抱雖嗟仙緣慳溪山故媚好斜日漸欲沈歸
思頓縈繚笑指赤脚仙亭亭白雲表

自題蕉閣范金圖

余自學詩厥旨懽味源流未別棄取何從顧自
雅迄騷以至勝國既愧淺識又豈見閩湖洞古

籍瀾復徊惶若近今百餘年來作者林立衆集
燦然接踵捫心不盡讚歎而忠雅堂兩當軒小
謨賜館三集尤所服膺三家造就不同各具原
本因流溯源亦可知學古之有獲矣爰製斯圖
永茲私契取談龍錄語以名之繫以蕉閣者誌
余所居也

詩本理性情精之則言志源委自古分辨析詳且備可
知下筆時天籟任所至已見膠已非規摹實多事操觚
近日盛淵源味所自派別徒紛紛分標復奪幟襲貌而

戴氏三俊集

卷下

詩

遺神拙工固失計卽使挾其精必兼得其弊隘守一家
言陋哉枕中祕要知眞性情汲古非可泥取法必貴上
斯與勦說異
賤子性無好入世百不宜廢學日滋愧但解哦惡詩奇
詭非不愛終病言無稽豪誕亦所喜野馬奈脫羈言情
患淺率數典憂支離或尙風韻高品實殊王韋或務修
飾工方家多貽譏甚或涉鄙俚厖維尤可嗤厥體實敗
裂厥情從可知鼎鼎百年來作者靡有涯吹毛吾豈敢
挾髓吾安辭嗟嗟荆棘叢誰爲闢坦夷

魏香宗西江蔣侯實大匠森然矩矱陳不礙氣奔放海
立兼雲垂惟誦爲神王豪氣變而逸黃童擅高唱盛勢
忽磅礴幽情或搖漾健筆任卷舒懦夫顏敢抗老彭具
別情精深直難量羣籍任驅使絳繚列萬狀按之熨貼
平細意豈猛浪如裝擇古雅如地據幽曠同時多名流
合作柏林讓斯詣各造極鼎足屹相向曲高和者稀寸
衷抱微尙

謂詩有別才始自滄浪叟末流病空疏此論定已久卽
此三集觀鴻章竝不朽設非醞釀深至味或未學會當
戴氏三俊集卷下

燕都梁永此一龕守藉以識源流苦吟庶無苟可憐月
眼多鹽物味妍醜紛紛聲利場論詩孰鉅手山川秀吳
會實惟詩淵藪披沙得三家一編供尙友徘徊蕉花叢
秋聲繞戶牖往復恣吟諷詩腸滌塵垢知音敢自期步
趨誠恐後范金縱見妬斯意吾其取

秋末寄新甫五十韻

屈指秋將盡淒吟感砌葦文通頻恨別中散自宜慵祇
遂棲遲意難開鬱轡胸但驚華序逝那得快心逢木葉
隨風捲霜花結露靄清蒼供野色瘦削認山容髣髴千

條柳疎畱半嶺松流波仍渺瀰細草尙蒙茸蓬戶雙弓
足蕪痕一徑封紅泉穿曲曲紫菴植重重陰惜珍圭璧
憂甚之斧釜放懷惟善慟觸物或成壅氣未舒虹蜺行
偏拆距蛋玲瓏叩哀玉激烈倚疎筇身世悲鴻肅聲名
桐嶺羣生憎無實棄敢笑不材榕料事師常允知言溯
伯恭才衷誠負負塵世太憧憧篋口從頻鼓章顏恥上
供謗說欺瘼烏木石請吳儂頽况今如此脩途果孰從
惜經眞習慣積念每悠溶伏理初探囊匡衡欲作傭攜
詞該遠近道古別衡縱麗想京都遜新兼耳目共江河

戴氏三俊集卷下

美

迴日下卉樹謝春穠竊效孤帷掩頻勞衆語訥附擅宜
學蠶趨暖盡如蜂知己嗟誰是思君誼獨濃心同盟白
水器早列黃琮拔俗持風骨觀書閃電騰詞場推繡虎
鉅手擅屠龍翰墨緣深締溪山秀特鍾業方欽鼎盛時
况值華丰度接開閨雅神搖作作鋒直當三舍避徑欲
五雲衝劍氣藏蘇頌琴材失蔡邕歌聽成羗繼飲竟忘
醇醴伏處甘坯戶高居鄙鑿斯文期共任劬學集羣
宗二輩相依久謂編范壺山兩丈平生藉洗庸同岑微臭味均
響奏笙鏞虛譽慚寒艾深情及采葑途窮憐阮籍心賞

特劉龔度影真催箭雷篇又感冬何當來陋室爰以聚
芳蹤角酒傳宵燭談詩待夜鐘搜尋資故籍耘耔比村
農莫展同羣樂聊紓久別悵蒞雨恨迢遞鳴雁正嗷嗷
柳如是散鏡爲汪又村 近孫賦
不共瑤環付劫灰菱花拂拭倚妝臺如何照影誇傾國
難乞元龍一盼來

薩蕪小字蒙如絲織物還鬢髮澤滋照得尙書巾帽整
不堪混沌飾蛾眉 鏡背銘詞有云官看巾帽整妾映點妝成

書沈去矜先生詩卷後

戴氏三俊集

卷下

七

先生名謙仁和人居臨平鎮爲西泠十子之一
是卷乃其自書所作五言律詩四十四首卷尾
自跋云庚寅四月十四日四鼓過寒山曉月挂
塔流屍觸船俯仰之餘悲愴欲絕天明乃錄今
年所作詩若干首聊以當哭云云先生勝國遺
民其詩類多慷慨悲哀之作今爲臨平金雨香
楊所藏
頽雲堆墨風蕭蕭寒燈如粟光搖搖寫懷祇合彈秦筑
痛飲還須讀楚騷長空忽墮珍珠字落手寒芒星斗萃

漫作隨風咳唾看分明一掬遺民淚遺民身世劇堪悲
蒼狗浮雲世事非故國難忘薇采采長謠易感黍離離
詞人當日脩清望十子南樓發高唱羣羨雕龍詩墨豪
未經逐鹿中原愴赤眉銅馬起紛紛羽檄交馳昏戰塵
廢磧千尋餘白骨游光白道散青燐此時哀憤徒填臆
此際欲歌歌不得有淚唐衢弔死生無家杜甫悲鄉國
詞曹嶽嶽典刑留降表重看出石頭穉齒終童甘矢節
白頭開府忍包羞先生放眼增沈痛更撫冬青發哀慟
剩水殘山細細愁金戈鐵馬迢迢夢一棹寒山事可憐

戴氏三俊集

卷下

庚

中宵回首涕漣漣傷心斷月猶留塔到眼流屍忽觸船
七哀詩向篷窗錄慷慨悲歌聲斷續未離北海幼安家
合作西臺翠羽哭荒煙蔓草斷人腸鳳泊鸞飄祇自傷
白馬朝誰歌信宿紅羊劫遽換滄桑遺草兩傳百餘祀
淚痕血點猶凝紙篷底當時幸手鈔井中此口存心史
好遣長恩與護持瑤鏡錦軸付裝池誰知珠玉揮毫際
猶是烽煙徧地時祇今萬里銷鋒鏑燦燦江山鼓鑿寂
勅勒如聞紫塞笳悲哀不數青陵笛星月高高鑿此才
摩挲不惜讀千回哀吟且莫敲銅斗恐有蛟龍攫取來

又題五律一首用卷中彭甘亭先生韻

鼎湖遺一老流恨滿青琴禾黍中原感河山故園心新
霜侵鬢短缺月鑿愁深漫把鴟絃譜茫茫髮微音

貽孫愈愚明經

窺破人閒事功名不及詩文章期復古盤悅薄趨時養
性空無礙耽書老未衰鄙人有同好願與結深知

題凌忠介公早朝圖

九天閶闔雲中開四郊烽火紛如雷明星三五天欲曙
緋袍象笏凌公來公之致身在天啟星軺持節森丰裁

戴氏三俊集卷下

堯

思陵及位遇尤摯霜風肅肅飛南臺烏程入繼宜與相
側媚希恩更無狀黨獄初解社禍與宵旰王心復誰諒
市官結寵徧鄉人胡弗引公振風尚舉公公亦恥列名
肯曠儉人損清望孤忠耿耿臣心懸國維己若將晚天
官方濫徇朝政夫抗疏不惜詞殷拳想當退食勤誦讀
感君知遇情難宣倩工作此豈無意公心事圖堪傳
嗚呼豈是傳公建言日正值匪民亂江浙抑當風義推
臺官書思對命趨朝端不然上章劾驕帥旭日曠曠鑿
忠義或者報最被召還晨興盛服朝天顏鞠躬盡瘁事

非一豈止經經守臣節肯將假寐表從容并薄犯顏矜

激烈可憐賊薄長安門銅鑲不放張妖氛斯時欲朝已

不得祇餘柱血殷紅痕嗚呼公魄在天名在史公道何

昌遇何否同時忠烈溫忠烈與瞻山葉御史樹聲甲申

憂以哀毀先卒於家共慆丹衷照若水聞風興起百世師況是情

深繫桑梓披圖重復感興朝何幸盛時作臣子

寓齋坐雨竟夕不寐感賦古詩三首

獻拙百不宜攤書拙堪養忽忽春事歇葱蔥綠陰長賃

蕪城西頭池臨半月仰鳴禽喧晨曦倚竹撼夕響遠置

戴氏三俊集卷下

聖

幸地偏撲眉延氣爽得晴旋復雨積潤涵虛幌獵獵摧

菰蒲蕭蕭振林莽墜歡渺難拾瑤尊空執賞殘燈耿中

宵子影抱遐想舉頭苦無侶情難舒慨慷攬衣起徘徊

聯轡湖疇曩眷懷同心人天末有三兩

董子老經師弭迹滬溪濱董丈一經守唐儒三史探漢

文奇字苦難煮輒軟顛生塵汪子器英特齟齬交情殷

汪君新甫明明觀書眼翦水雙瞳神陳生居白下琴煮膠屑

雲陳君計生篤道誼元白居相鄰計君相離縱咫尺逸

若參與辰身心性命交古意或未渝嗟嗟結客場不之

年少人後口談闊闊時駭野士聞袖挾綾文刺誇耀鄰
兒羣入世豈無裨合志殊難論言談且相左何況文字
親文字且相失何況風義敦

食貧非上恥鮮恥恥實滋矢口語名教析利權鐵錘實
人謀身家營求固所宜變本且加厲責備烏能辭當其
結念初或多愧惡時習久性乃安樂此幾忘疲世守豈
無業亦等逢世資詎知消長理造物善設施違心樂干
利離齷終可嗤豐貂非不美入夏逐練絲寶劍非不利
耘田讓鐵鋤時地苟不合晦迹求真知卓哉虛邱翁習

戴氏三俊集

卷下

三

靜真吾師

次韻

注曰楨

索居苦岑寂雲煙作供養別君幾何時草木日夜長
梅夏多淫霖占月輒瓦仰庭柯無鳥鳴湖蘚有蛙響
忽傳新詠來飄飄天籟爽空齋條如秋涼意在簾幌
微言粲珠玉蕪語翳榛莽何啻一室中奇文共欣賞
知君軼塵才迴作復古想求友情殷拳憤世意慨慷
只應我與君交誼今猶曩相思迹雖睽相印心無兩
我居南林聚老屋荒江濱友朋諒我懶掛讓無繁文

歸巢老居士

董鑄

胸襟滌穢塵史筆溯漢晉經籍探

周殷疑義互商榷契合真如神道同志無戾迫遂罷
與雲學業各砥礪如德必有鄰此意亦良厚我生非
不辰遠期千載後幸勿歸沈淪所嗟天一涯素心猶
有人一身集三益直諒兼多聞黃鵠有遠志不與雁
鴛羣放言多高致難共世俗論何當列鼎足形影相
與親古風或可作薄俗須君敦

戴氏三俊集

卷下

三

規過賴良友非友過愈滋奈何勢利交不值金一鎰
游戲日微逐衣冠競時宜知我意難合牽牽幸可辭
迷途苟闌入一去無還時豈無款曲談真諛無乃疲
豈無勉勗語取善何所資空存矯俗願聞子將安施
捫心守愚拙涉世從嘲嗤晚成有大器所利非蘭絲
菡萏在經訓所用非鐵錡爲學貴心得慎勿求世知
尺書可還往相友兼相師

寄家雨林兄

作霖

時兄任樂清教諭

我聞浙東山最勝雁宕奇與天台同謝家客兒恣搜討
茲山曾未傳游蹤乃知名山似奇士顯晦之故由蒼穹
谷洞十八巖有卅得名百有二十峯上窺天門躡雲竇

下環海水噴鴻濛丹崖赤嶂盡縹緲最幽絕處仙所宮
平生山水勞夢想青鞋布襪嗟奚從臥游難效少文畫
解嘲或藉稽康慵阿兄讀書負奇氣發興宿共煙霞濃
一官娛老振策去江山到眼春蓬蓬兄于二月高風峻中之任
骨堪砭俗會見啟曠兼振聾此情詎足爲君喜所幸位
置天偏工衙齋習靜遠塵俗上有華蓋承幢幢古井尙
畱右軍字二生石狀猶豐霽昔賢記載或非謬可知清
曠殊凡庸靈巖勝境況在望塵厓別籛開心胸山深太
古淨無暑六月不礙炎歊曠巾裾欄雜作良會好攜冠
戴氏三俊集 卷下

戴氏三俊集

卷下

星

過峴山顯化寺

短筇穿竹徑路改出禪扉松色自今古鐘聲無是非雲

生諸佛冷山眼一僧歸縱有須彌室誰談元慧機
述志二首示薪甫
平生齟齬交如君信希有亦知君友朋必以我爲首志
同論亦同宛出一心口崇實務有用規過期无咎道義
互周防詩書共研剖人嗤百無能自勉三不朽毀譽何
足計什隱隨所取由來論定時要在百年後遐哉青史
名榮逾華袞受合傳想他年姓名聯某某狂言忍不禁
君曰然乎否
遇合信有時他人執其柄潛修貴母懈自我操其勝舍
戴氏三俊集 卷下

戴氏三俊集

卷下

星

夢中作

茫茫沙磧散恆河電掣金蛇一刹那二十四年華胥夢
君勿聽

誰知閨苑舊頭陀

戴氏三俊集

卷下

呈

紅蕉盦詩集

三俊集卷下

雲南叢書集部之八十四

滇詩拾遺

共六卷

雲南圖書館藏板

甲寅年刊

滇詩拾遺序

吾滇僻在天西南其人士往往安於樸陋不以文自炫於
 當時則身後宋莫無名亦何足怪然天之生才亦不偏於地亦
 時有懷奇抱異不能自秘而發之為詠歌者方其嘔心血鏤
 肝腎長言永歎而為之詎不曰千秋萬歲或有人知我哉及
 其老且死其所作或竟不傳或傳矣而不能久皆可悲也後
 之人得其所作又弗為之珍護卒使之飄零散落無一字一
 句流播人間此尤堪為痛哭者而賢人君子顧不之措意豈
 以詩為小技非古聖賢所重耶吾意古聖賢者涵哇綺詞則
 不屑為正大之聲和平之響忠厚悱惻之詞慷慨悲歌之語
 得志則為之以鳴國家之盛不得志則亦為之以自鳴其不
 平詩三百篇其彰明較著者也奚為而不重故吾於鄉先輩
 之詩凡已刊者未刊者及已刊而復毀者或有心訪得之或
 無意邂逅之必擇其尤雅者以存諸册名之曰滇詩拾遺蓋
 欲於袁氏詩畧黃氏嗣音集許氏重光集之外廣其搜羅也
 本欲俟積之既多哀然成裘乃次其時代之先後而彙刊焉
 繼思予之孤陋交遊不能廣耳目不能周安能網羅散失有
 哀然成裘之一日不獲已乃隨所得而錄之即隨所錄而刊
 之積至數十葉則別為一卷又積至數十葉則又別為一卷
 期於入吾手者不使之飄零散落斯已耳至時代之先後闕

有合觀其人之敘畧自能見之今固不及一一為之次第也

鄉之士大夫有藏先輩遺稿者乎諒此苦心庶幾出以示我
 矣光緒癸卯十月昆明陳榮昌識於五華山麓

滇詩拾遺卷一序

六十六
 香合歸其

滇詩拾遺卷一目錄

明

蘭茂詩三十五首

附賦一篇 元壺集一卷

賈惟孝詩十九首

楊一清詩六十一首

滇詩拾遺卷一目錄

滇詩拾遺卷一

昆明陳榮言小圃氏輯

蘭茂

字廷秀號止菴別號和光道人嵩明之楊林人明洪武時布衣學求六經究心濂洛關閩之學及諸子百家無不通曉當時目為小聖人後之論者多稱其出而用世當與劉宋方駕其著述散失惟聲律發業盛行予得鈔本元壺集及古近體詩四十餘首除滇南詩畧已選者不復錄錄其詩三十五首

正統乙丑年四十九用李太白紫極宮感秋詩韻

皎皎窗前梅娟娟雪中竹相看坐清曉幽思如可掬歲晚岩

谷間道遙覺吾獨人生百年身何意遠廬宿過眼四十九未

來難預卜昔人當此年仕路幾往復吾甯虛以鼓勝彼滿而

覆萬事莫問天思之已爛熟

滇詩拾遺卷一 蘭止菴

送春曲

滿斟金叵羅拍手花下歌歌停拍手顏漸醅留春不住如春

何遙憐春風面人生幾能見仰看枝上華回首驚于片飄飄

搖搖落未已半委塵埃半流水游絲飛絮強欲遮啼鳥一聲

春去矣春去矣何時來明年東風花又開花開留春花落送

我於東風情頗重但願朱顏不老待東風酒邊花下長相從

一唱三歎讀者亦當拍手歌之

雪詩戲成白戰三十韻

朔風鼓空雲四塞江涵雁影山失色黃昏樓外雨紛紛夜

簫聲不成滴寒侵詩骨愁無寐窗橫凍曉破岑寂晨門之手

頃復扇報道階前雪盈尺聞已欣然命衣起衣棧不待重義
矣摩挲倦眼一登臨且看天公作嬉劇雕鏤細屑有如許簾
美飄揚殊未息但觀縹渺空中來豈料輕盈地上積旋轉時
能作舞態徘徊稍見穿簾隙屋瓦模糊溝隴平庭軒內外光
四射包羅萬象入清境救點窮冬門奇特義和避舍暫埋輪
滕六乘時恣輾轉修篁壓重綠五折老樹擎多蒼蓋側遙憐
大地瑩無塵頗厭行人踣成跡鴉鵲空飛竟何之樵蘇易輸
將奚適偶緣物色感人事思濟飢寒媿無策愁吟兀坐肩聳
山兒女顧笑髯森戟凍口因之亦解頤氣數所至霄相厄乾
坤有情均化育世態無端異驪成能於此際作嘉祥絕勝方

滇詩拾遺 卷一 南上卷 一 入川文。一。上川

春傷動植想是吾皇廣仁惠溥令萬有蒙膏澤一寒共許民
無災三白咸誇歲宜麥童稚歡譁塑獅虎父老喜謂祛蠶暨
眩茲盛美頌其宜詎可凭闌空默默騎驢標韻良亦苦煮茶
清高未爲得何如倒囊呼趨生少藉奇勳助詩力冥搜細鍊
久無能爲有名言在疇昔清潁開端禁頗嚴聚星白戰誰能
敵須臾與至輒揮酒醉墨淋漓強鉤畫萬一他年遇賞音見
景時憶狂吟客 神似東坡
山中野人歌
山中老人宅一區蓬門獲牖繩爲樞震風透雨漏且淫絃歌
不輟常快愉問之何以然碧山不負余余亦樂所果奔走將

何如君不見孔明抱膝南陽廬起爲炎精續正統綠野不復
握犁鉏鼻墮中軍將士泣但見荒祠古柏說悲鳥又不見謝
安高臥東山隅起爲蒼生作霖雨青松落色雲霞孤回首邱
山奔襲屋但見西州落日荒寒無生爲貴公死廟食千古萬
古流芳我我才樗散不堪用豈爲富貴相纏拘窮通得喪各
有命何懶羈縻吹齊等所幸生逢太平世量才揣分安其愚
但願草堂賢佐在春里 杜甫草堂
生民皞皞蒙沾濡我輩草莽微臣在山野耕田斲井謂足行
一邱一壑有真趣千駟萬鐘非所圖不必鳴鐘食五鼎不必
劍履丹墀趁清風明月不我弃野猿山鳥頻相呼借問松花
釀酒幾時熟操瓢挈榼歸來乎 縱橫跌宕却毫不費力可想見其爲人

滇詩拾遺 卷一 南上卷 三 入川文。三。上川

咏漁樵耕牧四首
風波漁與
一棹入蒼烟江風晚更顛
稻搖舡似葉洶洶浪粘天
蛟蟹能爲患魚蝦不值錢
羨人平地上燕坐飽肥鮮
雪谷樵人
伐木下山林歸來雪已深
短裝風更舞赤足冷難禁
重負那能釋迷途不易尋
重相擔擔者甯識此時心
霜隴耕夫
歲晚休農事渠渠未肯閒
覆霜駢健犢破曉關荒山
不避艱

既苦深知稼穡艱膏粱人幾許日出揜重關

雨村牧豎

吹笛涼風起回頭驟雨來牛羊忽先後歧徑轉崔嵬
殊甚鞭繩力已推爭知堂上客食肉對金罍

又漁樵耕牧四首

平生舟作屋安分水雲鄉兒女甘蓑笠魚蝦抵稻梁
東風桃浪暖西日柳陰涼濁酒蘆花裡酣歌興味長

山中窮活計斤斧代耕鋤魚米柴堪換兒童口
自糊野花簪翁笠村酒滿壺顛醉飽黃昏後松擁地爐

荷耒趨南畝胼胝未足辭已安温飽計不起利名恩
忝登

漁詩拾遺卷一 南止卷

四

川文

場後雞豚作社時酌醪終日醉世樂罕如斯

蓑笠隨羔犢忙閑百不憂編籠畜山鳥橫笛和村謳
綠野嬉遊徧黃昏飽睡休忽忽車馬客未必勝騎牛

右詩八首苦樂不同有志於富貴者必笑其苦忘情於勢
利者必信其樂大抵風霜雨雪之時不多值身固有苦而
心不常憂至如樂其所樂雖窮奢極欲者有不能及也貧
賤能久富貴不常尋賤者宜致思之

新春

梅子褪橫花柳條生嫩芽新鶯初出谷鶯燕復來家閒慣百
懶懶老僧優養春風草草真詩酒作生涯

感興

擾擾紅塵客匆匆到白頭貧因身口累富為子孫謀
繭縛難脫網涎盡自休春風花下目幾見酒盈甌

六言四景

花開沽酒留客睡起卷簾看山聞院小窗人靜
數聲啼鳥綿

柏子香銷畫永黃梅雨過風清綠陰自無炎暑
碧窗靜有棋

聲

露下鶴翻松葉窠閑風裊爐烟清宵明月如許
鐵笛幽人未

眠

漁詩拾遺卷一 南止卷

五

川文

山窗聽雪敲枕石鼎敲冰煮茶誰共此時清興
老松疎竹梅花

雪夜

雪夜詩成喜不勝忙呼筆硯快吹燈銀瓶索盡
梅花水却被東風凍作冰

評詩有感

閒閣吟毫懶指詞梅花休怪久無詩春風滿眼
新桃李不是團香弄玉時

眼前誰不是詩人魚目紛紛敢混珍獨坐空山
成皓首筆端枯槁硯生塵

八句詩中一字差教人指點道瘡疤不如袖却扶犁手絨口
凭闌看落花

詩好全憑結句高重狂歌語漫吹海天波浪翻銀屋一樓
焉能掣巨鰲好作軟語者
可以警悟

人情僅取一時容千載高明笑不為李杜九原那可作空將
夜雨滴寒蛩

不會吟詩莫采詩采詩加倍要尋思沈吟細嚼工夫到多似
當年下筆時六詩皆信筆寫出者灑落處自見本
色而示人學詩門徑亦畧可指矣

成化丙戌年七十歲近體詩十首

人言七十是稀年我幸能逢亦偶然坐臥儘能消白日行休

瀟詩拾遺卷一蘭止菴

不必問青天身閑頗類無花樹心死猶如服藥懶遇着春風

樽有酒醉袍還解舞翩翩按丙戌為成化二年公年七十
則公之生在洪武三十年也

瀟時心在惜無才七十年程已到來對酒縱成終日醉感時

良為昔人哀食牛何許子秦穆戲紙無緣學老萊管領春風

從此始梅花再見幾回開

不煉金丹不坐禪不親燈火究殘編因知有作皆虛幻始信

無為即聖賢愛景每於花下醉避寒常是日高眠一閒如此

誰班輩已過春風七十年

無想無為老矣乎年高七十謾支吾閑看好景山千疊不負

春風酒一壺黃土堆誰詢事業青雲路枉着工夫流光似此

能多少笑彼酸情壯圖

眼空殊未見英雄回首俄成七十翁往事悲驩談笑理舊交
迎送夢魂中楚邱何苦誇能辯亞父無端望立功此去百年

都只恁不如隨分賞春風首句出自他人則為狂語
出自先生正可想其抱負

山酒一尊無想情懷終日笑有花處院四時春客來問着

生學只此傳家示子孫五六句是周茂
叔邵康節氣象

東風觸樹舞梅鉤禽語隨晴起晏既閉戶無人知獨樂持觴

有客賀稱年丹山翠水堪圍畫竹簡雲筒管絃儘此逍遙

賦足矣彼哉說甚大羅仙遺志謂元壺集阿好二氏疑為偽
作讀此詩及下首丹鼎句足見志

瀟詩拾遺卷一蘭止菴

七十衰翁兩鬢絲閑遊見景即成詩幸存酌酒看花福不在

腰纏采薇時丹鼎事殊非所願青雲路好竟何之百年行樂

無多日到此英雄可三思

自幸生來不識愁年高七十更宜休撥天事業徒喧耳蓋世

功名幾到頭白乃總輪開處坐一懷惟有醉時謾紛紛未了

塵緣者白首邯鄲夢裡遊

七十歲強古所稀吾生幸與願無違誠能白首甘蔬食不許

紅塵染布衣池上月明詩伴坐共酌酒醉客扶歸區區富貴

思兼此未識乾坤造化機十詩不經意之作年已七十無一
欺老之語胸懷浩蕩於此可見

樂志賦

自注 緱山七十三翁和光道人書於止菴之吟室

惟人心之所之兮宜取適於和甯苟勞勞而失養兮若有負於平生蓋所見之不同兮故殊情而異行或沈溺於貨利兮或老死於功名試偃指乎斯流兮恒百顛而一成慨黃農之既遠兮懷聖哲而莫觀監三代以來兮嗟無窮之大謬念彼擾擾於當世兮幾垂名於身後求幸得而患遽及及感自取而誰咎矧世道之多翻覆兮孰能洞見乎幾微和以璞而足則兮執用法而身危毅既任而卒奔兮斯免逐而終夷增竭智而遭間兮信假主而見疑食其烹於喜功兮韓生爛於播舌諶進遠而天於憂兮光盛極而抵

演詩拾遺

卷一 蘭止菴

八

於滅雄枉道於新室兮通降志於隨闕雖所趨之異途兮竟俱覆於危轍惟達人之至明兮善藏器以俟時或耕釣以自給兮處管衛才而飾辭必世主之見求兮方出就而有為匪獨言聽而計行兮道終合而弗離凡君子之進退兮益於此而致思余親是而省躬兮胡為乎而自囚揆智於胸中兮多未逮於前修知富貴之可欲兮奈趨者之若流與其動以取辱兮孰若靜而無求瞻南山之峩峩兮有流水之在下芟草萊以樹園兮葺蓬茅而為宇斂踪跡以息游兮甘淡泊而深處絕婦隨之柔言兮謝梯雲之狂侶從所好而忘憂兮披簡編以自娛撫流光以吟嘯兮輟講

習而耕鋤景遺安之德公兮慕無名之堯夫識行休之有時兮舍義合而奚圖此賦見先生之隱非巢許之逃世乃伊呂之待時也得此以著其志豈非幸大

右賦一首本不合錄於此第止菴著述久已散佚今五百餘年而此賦與詩同時為予所得愛之重之附而刊之免其復失而已至元壺集雜二氏而為言故通志疑有偽託然得之實難并附刊於後聊存舊籍云爾陳榮昌識

平壺集

天地萬物有自然之理三教經典百家載籍皆聖賢垂慮之

演詩拾遺

卷一 蘭止菴

九

八

言世間萬事善惡皆由人心之所生靜中觀之了了在目不待求之於外也因作小詩百章章四句句六言續以四言二句以證其義名之曰立壺詩倚望巨眼相與可否云

立壺甚是立壺裝盛墨水瓢風用着將些點化隨緣者也之乎 知彼之白守我之黑

月本無心照水水來月便留情不擇清濁大小一般與箇光明 至公無私常應常照

日月以明為本光臨四大洲倘若嫌明好闇任從閉戶蒙頭 明德不昧從否在人

忠信有如毒藥為人愈疾招嫌酒肉過多成病到頭不捨肥

甜 惡直好邪滅身不悟

正直多嫌少愛善柔無咎無譽到底同歸一朽任君所好何如 阿世取榮終亦不免

好佞廣延時譽剛明未愜輿情俯仰誠無愧作任渠薄俗譏評 守正不阿至死不變

出語隨機勸世依違用舍從他雖不是關自己昧天之理如何 以明破闇不負所有

般若和而善應波羅清淨無為常久如此菩提道德同歸 心經六字即五千言

和即宛親平等清而色相俱無守得這些常久修行不用工

六萬法華無非道德

發而中節和也和不流是清德久至誠不息孔門妙法丹經 禪中道體一本中庸

見得明明了了從他是非非料應瞿魯孔老別無秘密玄機 信手拈來頭頭是道

清淨寂然不動應即感而遂通混合波羅般若一般教化無窮 教立三門體歸於一

四言性理純一五經道德兼該總得聖人模樣端嚴太上如來旨義不生異見即證上乘

佛老原無不是儒生何苦非之總為未流多弊因隨反累其

師 學之未至有損無益

唐宋以來儒士紛紛誇佛譏仙何不回頭自省聖道幾人能全 昏於責已明於責人

孔聖處窮明道顏淵厭世登仙了得非魔非患浩然天地齊年 幻境浮漚至道無極

筆瓢不改其樂卿相未嘗動心道妙分明在此何須隱迹山林 聖人之徒道一而已

歸空九探先見涅槃六訣前知了知了見極易道遙不至宜迷 原始反終一歸自然

或味老君頭白或言周孔不為或責偷生遊理都緣未達玄機 矢志於道非懼老死

未死須先學死在生且養其養生不過謹節學死在於無爭 本來面目無滅無生

謹節自然清淨光淨即致中和持此守心應物立關不在其他 寡慾忍辱亦復如是

德忍以和為本空慾清在其中只此損之又損水火既濟成功 斷滅貪願愛持慈儉

慾者欲快於己忿者欲勝於人君子誠能寡慾自然與道合真 不悛不求何用不臧

好勝冤家切齒貪多賊盜生心兩下念頭消滅永無煩惱相

侵 心不妄動百邪不干

皎皎一輪紅日光明萬古乾坤遮莫層雲掩蔽不曾差了晨

昏 本體剛明不愁魔障

柔暗塵來易着剛明物至難親守得自家中正任他生喜生

嗔 力學為己何待於人

高類盈虛有數天地何曾用心經言上善若水物來一任浮

沉 一切有心皆為着象

君子樂人為善惟憂好事難成儘他忠言勉勵相携大道同

行 成人之美同道相憂

君子功成道顯小人無地容身以此生心嫉妬願他敗壞無

存 道不同者不相為謀

君子孤松獨立小人藤葛相扶若泥助之多寡如何辨得賢

愚 調高和寡豈云失道

君子提携善類小人扶助奸諛此處不加深察衰哉肉眼凡

夫 方以類動物以羣分

小徑黃塵險窄正途坦易寬平借問私潛恐懼何如自在開

行 君子之造簡易而已

無慮無憂快樂懷疑荷罪何安善惡昭然禍福神明自己心

開 造化在己天何與焉

不憂不惑不懼無着無礙無爭何故諄諄說此只因見得分

漢詩拾遺 卷一 蘭上卷 十一

明 道高德厚無過於此

黑夜燃燈作護寒冬向火如春盡乾坤造化後天不老何

人 人巧勝天終歸敗壞

知巧明中幹運陰陽闔裏乘除枉把心腸使碎不知天命何

如 人欲無厭天數有定

去歲雨多傷麥米增高價殺貧今年還想這勾不知天可從

人 人心如此天理未然

結識暗驚語燕栽培萬葉千紅儘把東風占了不堪又起西

風 人心不足天運循環

多壽多男多富宜商宜賈宜農慎着玉堂金馬蘭愁鎖定眉

筆 所欲太奢常若不足

濫用非其所有到頭着甚堪還何似耕而後食形勢博愛心

開 約而為泰難乎有恒

一切便宜所好着迷誰肯回頭直至遭他害了那時身死心

休 貪着之心不顧生死

百家妙處一理窮通有命存焉守定這般常業毋因異物而

遷 博謀廣成不如守一

蠅以貪饕被溺蟹因執着遭擒何故人靈萬物甘與此輩同

心 不貪不着以養道心

天地絲何不死無根無種無胎人要學他長在真教父母生

漢詩拾遺 卷一 蘭上卷 十一

來 無所從來亦無所去

萬物生生化四時往往來來知得這些消息不須巧計安排
進退得失理之自然

人是一般靈物宜乎自實其靈若被物來牽去豈非虛得真
名 馳心戀物喪其本真

內靜何妨外動身閒不及心閒往往勞神逐物不曾參透玄
關 耕鑿之勞不害於道

靜即了無心學一動惹起羣魔試數吉凶悔吝善字少而惡
多 動不如靜君子慎之

靜坐看人之動備知誰是誰非若使自家動了他人看我高
演詩拾遺 卷一 蘭芷菴

低 靜以制動機無先發
清則終無染着濁而到處留痕若要是非俱泯這離色相之

門 絕其機座所以無累
熟讀五經四書不曾行得纖悉乃是聖門逆子濫稱博學明

儒 儒言並行不如無學
力學無過荀祿著書志在求名學到班揚賈馬難與論道談

經 功名利祿非儒者志
孔明志在存漢子房心不忘韓道德伊呂未至功業夷齊所

難 立志有定感德成功
曹參未聞博學魏相不專一經守職息兵高見能安四海生

靈 質勝於文可安天下

正氣所鍾不獨儒者
山 正氣所鍾不獨儒者
作事徒安一己求名不愛千金雖是賢愚異等都來一樣貪

心 功名富貴總非道德
大道本乎仁義要人能守能行順則禹湯文武逆之幽厲桓

文 得道者昌失道者亡
佛典戒貪離慾梁皇口是心非愛着眼前侯景不知壞了菩

提 奉戒不專由貪致罪
老喇慈倫為寶徽宗花石為珍念念全離道德焉能保國安

演詩拾遺 卷一 蘭芷菴
五

民 信道不篤罪即隨之
佛戒貪嗔殺害道樂慈儉不爭能守即同仁義萬年四海昇

平 萬善一源同歸於道
禮佛防閑動伴香經占却幾時此是祖師總鎖拘定野性眾

生 使能敬信終懷外道
齋戒洗心防慮誦經忍性息機不識就中關目徒勞頂禮皈

依 希求妄想枉用工夫
禮佛勞傷五體看經喊破咽喉料得泥神紙佛誰來替你分

憂 卽心是佛何必外求
齋東禮拜求福僧道看經為錢燒點眾生骨體如何感格神

天 貪慾無道試看墮落

信口談空說妙欺心假道求財不會降龍伏虎教人怎結靈

胎 外道惑人愚蒙受侮

一切世間之有都稱假合虛花何似空明獨自只要錢財養

家 假道談空言不顧行

修行不願雙親養生不膳一錢享用現成温飽耕田織布何

人 無功衣食離道遺棄

已欲寬餘享用他人痛割將來若更無功及物難逃六道輪

迴 捐人益己豈必能安

畫閣錦堂高宴家有美釀時新總是生靈骨髓不當請我聞

人 以道殉身不在哺啜

見義不為無勇可言不言失人請看千經萬典何曾索簡無

交 作事見心因言顯道

烏為多鳴被黜鷹因不語遭烹世事如此多矣不干愚魯聰

明 禍福之來本乎天命

捉縛惡虎縛龍拳拳守護中宮不喪自家真實方施濟世神

通 必先治己而後治人

自己家中有寶不將救濟貧窮縱得長生在世恰似瘡痍盲

聲 無益於時偷安可愧

自己悟得真立形神保守堅全此外無功濟世如何做得神

演詩拾遺 卷一 蕭上卷

六

川一

仙 性命既修功行須至

易贊吉人辭寡經言真者為狂借問千書萬典果從誰口一

揚 不得已言非好辨也

終日坐知泥塑自然清淨無為見客一團和氣真常善應立

機 動靜之妙與道合真

孟子不言行事聖人取聽而歌坦蕩自然無隱就中機密如

何 繫辭機密未必聖言

三十六章大洞黃庭向上幽微誰向眼中着眉中場錯用心

機 衛琪注解畫蛇添足

五千四百華藏三十六部尊經多少些兒世法音愚大地眾

演詩拾遺 卷一 蘭止卷

七

川一

生 世法紛紛瓶垢經典

老子不先天下聖人似不能言何似末流輕妄自稱三界獨

尊 妄自尊大恃甚焉

悟真本來參同隱言多了雌雄剛被愚夫執着流傳九鼎三

宰 丹經隱語愚者惑之

無盡強辭護法紫陽巧譬談玄若要參同性理惟有中和自

然 執一不通即是偏見

了除一切虛妄是名解脫真詮但被絲毫挽住千生萬劫牽

纏 法華半偈打破虛空

萬因一以生異一得萬而成真參透自然之理世間誰是究

親 寃親平等民吾同胞

作用與雷致雨偶然之會而然若認神通在已終隨外道之

牽 執着之者不明道德

刀以剛利能斷圭言秉正存中自古防奸鎮國文武兼用成

功 奮起精神保全性命

自為常防悲憐義鋤日刻貧芽自可抽胎換骨不須陰粉陽

砂 自己靈丹不勞採取

夜夜牽車繳水朝朝運火燒田種得禾苗結實快活受用餘

年 一升一降總是工夫

像得元陽正氣母容一點陰邪但把精神打起不須搬運河

浪詩拾遺 卷一 篇止卷

六

車 君子道長小人道消

色引眼觀心動聲聲耳聽神移莫忘清歌妙舞悞了牛兒拽

犁 亡目喪耳內境不出

有守方能實腹無思乃是虛心總為戶庭不出百魔無計相

侵 抱一守中外境不入

道人只恁和光常教虎執龍藏一切念頭不起都無地獄大

堂 本來無物何妬何爭

靈泉灌入金鼎神火常埋玉爐分付主人看守惺惺莫欠工

夫 毫釐有差前功盡喪

脉脉泉凝土金星星火化寒灰更沒些兒事幹小窗向日觀

梅 行滿功圓道遙自在

年少我我格物老來默坐如癡不是當時有作馬能證此無

為 無為之妙基於有為

修行心似泥佛真如不動莊嚴禮拜燒香只恁挑磚擲瓦何

難 到此一步總是真修

靜裏工夫儘有閒中意味深長着甚消磨日月不過幾句交

章 心得之餘寄諸辭翰

富享坦然風味貧宜自樂清高誰道孫康映雪強如黨進羊

羔 素位而行何必勉強

幾句常言淡語要人着意研窮能知能守能斷生妙在其

浪詩拾遺 卷一 篇止卷

九

中 惟其達德所以成功

月到花前弄影風來水面生紋自有諸般變現一無何所云

云 常應常靜常清淨矣

詩六言百章青松白石間語雲朋霞友之芹曝也膏粱統綺

之士固無取焉欲味此味須是有工夫始得要知何許是有

工夫處遙天鳥倦雲歸後大地風清月白時

賈惟孝 字若曾號東隱明人性孝友博學能文不樂仕

與止菴同稱林雨隱君子得東隱詩數十首錄十

九首其漢南詩卷所載者今所得詩有馬不復錄也詩

畧稱東隱詩清雋似過止菴以予觀詩畧所錄止菴四

時詞之工麗余所錄止菴送春曲山中老人歌雪詩七

占皆極其自然誠觀有仙氣豈東隱所能過者大抵東

隱生止菴後蔡止菴之為人謂其能踰武先正則可耳

歸山操二章

我歸兮何山金馬還逸兮瑤峯嶺阮哀吾生之不振兮抱幽
憂而長歎欲起予之疴痼兮思求製煉於大丹計離羣索居
以輕世兮慮弱稚之痼痼吾固知生龜之不可脫兮而又
思壯士遇驚而自剗羌決意而遠逝兮矢既發而不還嗚呼
一歌兮雲岫寒山石裂兮激我肝此見東晦初亦飢馳至是
歸計乃決中寫反覆籌思
之狀筆
妙如環

我歸兮大火西流瑤海碧波兮梧葉秋羈繫樊籠兮如桁楊
之困囚誓脫再三兮夙願酬其生其死兮固難預謀扶輿清
淑幽軒寄塵土無干得真意萬籟沈午夜清劍光直射三

滄詩拾遺卷一賈東晦

三

川文一〇一上川

天際煉師風采非凡倫常時嘯嗽元和津凝神靜慮守予默
錦章滿篋皆儒紳我今續貂愧才拙吟就斜陽半明滅道合
無為在自然還須重問長生訣此則歸計得遂并想歸後之
事二首次第秩然可為連章
之法詩旨與淵明歸去
來齋同而調則變矣

感興

新涼入野墟短檠烟茆屋蟋蟀階下鳴意若有所觸吁嗟此
身微胡為不自足能首窮一經大半為名祿而我獨不然
邊老空谷時須一尊酒高歌白雲曲逍遙天地間樽散無拘
束

送張西竹適楚

武夷山岷奇瀟湘水渺瀰西竹別我去廣漢塞注離祖寰未

云洽鳴雞載馳嘉會常不足何況當別離先生天下士磊
落見襟期文章競晉魏墨妙超維義遊塵界中傷與兒輩
嬉倏然蒼霄鶴樊籠不能羈我欲為君發長笑海山簞屨談
天機又欲抱琴為君鼓江村新月臺愁思留君不可住送君
惜解攜陽關三疊一杯酒欲別不別雲濛迷征車早晚發
竹行邊試聽山鳥啼

書洪秀高春輝送祝卷

瑤峯之山凌翠空嵯峨雄峙海之東海山靈秀毓異氣英雄
往往生其中敬齋先生林下叟行誼文章人稱首外翰華陽

滄詩拾遺卷一賈東晦

三

川文一〇一上川

天一涯襄陽大尹望雲壽天上歸來一紀周先生烏紗籠白
頭青陽初動降申甫海屋合添三百籌玳筵珠履合羣仙金
母蟠桃色更妍季生時獻南飛曲階西元鶴舞翩躚碧藕啖
來如嚼雪紫霞杯滿葡萄冽弄月吹簫遠近聞天倫樂事真
奇絕君不見息機老子坐崆峒浮生塵累不難聽又不見世
人朝市爭名利紛紛所向皆樊籠惟翁脫屣人間事醒來醉
後忘窮通丹顏雙鬢當八袞眼見四朝全盛世日居月諸樂
陶陶起舞漫作華陀戲南峰崢嶸千仞高古松盤鬱千霄霄
金風玉露幾千載花柳敢與爭春嬌送祝之圖詩琳琅慶翁
之壽壽無疆願言成歲皆此日玉樓花撲金樽香

送凡山金先生還大理

君不見陶令恥為米折腰孤松三徑揚高標又不見解組歸
田楊萬里一品朝衣棄如隄史稱賢哉二大夫今世何人踵
芳趾凡山先生能繼之蘇湖事業輕塵茨蒼洱葦鱸味自好
興來命駕飄然歸曉發龍橋外香風吹酒后攬衣執手語衷
曲別後所見皆新知浮生有聚亦有散目斷東西天一涯十
九峯高在何處送君行我長相思

勸巨天優補歸

桂林來短檝烟冷雨濤濤骨不盈把黃金空束腰達人意
猶惻這道魂誰招况抱郵使恨家聲從此銷沈

鳳溪晚歸

風高餘暑退獨策輿悠然野色延幽步秋聲入暮年日斜花
影亂水落樹根懸回首故人遠城笳吹夕煙秀

過尋甸宿湘陽古村

停舟閒眺望清興逐心生海碧白鷗淨山青紅葉明晚春雲
確急夜釣月艇輕此地可逃隱無人知姓名

讀岳王傳

寢閣陳謀已萬言志圖恢復舊中原長驅鐵騎頻摧虜未到
黃龍竟返轍奸相和戎潛有約孤臣死獄坐無援于今廟食
精忠見千載湖波為洗冤

書周白齋方丈

昔年借榻天香閣今日停舟何有菴詩官錦箋追舊約茶烹
石鼎縱清談未幾韓子留衣別聊效東坡解帶參繞屋峰巒
清似洗時常飛翠滿琅函

六言絕句

山徑東彎西屈前溪柳絲桃紅不為尋芳問酒杖藜隨分春

風

新春

臥病多時未出郊自從長至過元宵不知楊柳將春色綠到

編妙造自然

早魃

旱魃無端欲召災水田高下盡黃埃道人鞭起龍行雨多少
蒼生屬望來

過詩人孟龍巖佳城

松風落日水聲哀遶墓沈吟未忍回玉樹土中埋不得春風
吹作野花開

自題扁舟小影

野渡孤篷去問津葦沙鷗鷺日相親乾坤還我滄洲外江月
山花別有春

題畫二首

龍

豹簾誰寫葛陂龍頭角
崢嶸氣勢雄莫把雙睛輕點染恐隨
飛電入長空

虎

金睛閃電錦毛斑
一嘯腥風卷地寒寫入新圖形更傳下車
馮婦亦驚看

巫山神女

仙裙縹緲翠雲鬟
十二峯前窈窕閑瓊閣自無塵土夢不知
何事到人間自是高人口吻

楊一清安南州人官至大學士諡文襄明史有傳
演詩拾遺卷一 楊文襄
過三百首則從石滄詩中選而刊之者也按石滄詩
鈔為嘉慶年間五華書院刻本經兵燹矣予友太
李文治在京師書坊購得之其詩有公友李西澁及
門人李夢陽康海唐順評語今並錄之以見師友淵源
云

和楊鏡川學士先生遊南園詩韻

官居僅旋馬致客真無謀諸公不我棄枉駕同郊遊
韓家好庭宇石徑通林坵輕風散炎溽白露淒以秋
泉脈灌畦潤槐陰當屋稠地僻境逾靜身閒心更幽
寒芳步南渚觀稼來東疇高情不在酒而沉饌與羞
詞林有鉅筆古調難為酬豈徒慰孤陋亦足消煩憂
眉相效出吻還自籌惟餘江山與歲歲無窮休
鏡川云佳佳作當與西澁爭衡夢陽曰此篇果勝他作鏡川知詩矣

寅庵為蕭憲長作

臣人代天工同寅靡崇庫矧茲蒞邦禁民命實繫之忘心二
萌葉輕重或倒施淫刑召災沴不獨爾職職賢哉蕭提刑一
徹每自持誰云法可撓五過將汝疵誰云民可虐帝鑑恆在
茲忍將一寸心負彼三尺規虞書著咎災國法有於疑求生
苟弗得服念踰旬時東海民無冤南山判不移閱歲寔以多
聲問如駭駭公心益惕若欲然恐弗支大書揭華扁相對如
嚴師出門屢却顧退食方凝思內馬勅爾心外則慎爾儀萬
念協貞吉豈但一職宜有欲稽公行請誦寅庵詩

五平五仄體

演詩拾遺卷一 楊文襄
春雲驕難同朔雪苦不足寒聲驚人眠曉色奪我目龍鸞交
橫飛玉石兩滅沒天開元春花地裏不夜燭沙鷗湯餅餉海
鱗陸死骨輕塵揚遊絲暗響遞折竹空林炊煙遲近市酒券
促平增江山清厚滿瀾壑欲荒汙蒙包含騰蜃賴斥逐天心
昭來半帝命走嶽演歡呼馳黃童瑞靄動白屋行將登絃歌
豈止塞口腹而予章縫儒濫擁繡牙服觀風聽民謠稽首効
華祝休徵年年加聖主萬萬福

送胡德延姊丈還京口

天順歲甲申與君同筆硯時我尚垂髮君齒當弱冠君伯貳
守公少起滇南薦顧我先府君曰此向鄉彥而我遂通家心

交豈徒面因之締姻好我門奠君鴈我童與計偕召對金鑾
殿石渠翻秘書瓊林醉六莫真天弗我弔家門遭凶變府君
捐館舍遺孤眇於綫扶柩返江鄉客葬非所願遇君聞公計
方寸各紉亂問我南歸計迷途空汗漫瀆南遠莫致已陵誰
眷戀咫尺鐵甕城長江巨天聖古稱朱方地下葬豈不善再
拜聽其言哀苦和淚瞻府君有遺志重此骨肉念佳城既協
吉買屋如成算公柩亦東還居止同里閨維兩太夫人高堂
德家範公女復孀孀親上親重見免絲女蘿枝附引固而蔓
荏苒三十年流光迅於電玉樹紛紛除究竟同一幹倚君今
逸民才美不自銜甘與木石居避名如避箭君舍四壁立懸
淚詩拾遺卷一楊文震

暮老無怨君身但章布不受軒冕終索居本無諱厥者猶謗
訕爲別動經年京塵騎薄宦悠然忽我思林鼓南風便世途
多慙河頭墮隨款段翻成樂正愁數月不踰限吉占果勿藥
懷歸速張翰孤尊未傾頭雙袂倏已矧茫茫天地閒浮生多
聚散恨不逐君還水石同泮渙江東無限奇願使君獨擅嗟
嗟先府君高山軼雲漢我公亦奇特軒然聳魁岸老成雖淪
落典刑有垂憲紛紛夸毗于飽葉送才辨所以宣尼聖寧思
古狂狷贈行述疇昔亦足表文獻去住本何常類仰成願盼
小子須識之勿使供一粲夢陽曰不
可無之作

答吳匏菴先生

止酒和章甚多願其辭旨不皆同雖契愛者或不以
僕爲然僕竊異之比得高作極感成人之美捧誦自
慰初志益堅奉謝一首幸終教之

止酒懼弗勇猶賴人贊止交遊無限情托之詩句裏言願人
人殊惡飲纔數子餘或病吾止恐失翹生喜徘徊昧所適詩
認訝然起最後得公詩深契周誥理公本獨醒人度物善推
已把斲不能釋此志今定矣有如執熱餘而濯清江浹願恆
服公戒慾酒如誌祀

再疊止酒韻答馬宗勉先生

比辱和章莊誦遺體之戒追憶先太安人遺訓惻然
感之姚汗交集非至愛不及此用韻自訟錄以拜德

陶侃初嗜飲以母戒而止飲不踰常限事著遺編裏事天如
事親願養崇伯子憐侍先安人過飲輒失喜斯訓猶在耳音
容邈難起昔非養志賢今失敬身理恨無伯俞杖引咎祈撻
已及時不自懲後悔無及矣酒星天有象酒泉地有洩失心
天地間焚詩薦時祀

送郭于蕃之英山

官尼嘆幽者謂見不可得世遠俗益頹案風轉充斥趨趨昧
所如僂僂成局踣嗟嗟患失徒名教至暇責君懷誠磊磊觸
之動激烈曾中百千卷瀾倒無窮極平生凌雲氣丹崖迴千

尺闕步信周行俛仰無欵側臨民甫歲期政聲已輝赫清明
照幽隱嚴霜剪荆棘闔境稱神明山移判不易肯貪五斗粟
而受人控抑靡然風塵中高標挺孤特吾聞先民戒吏太剛
則折矯枉固是多過正翻可惜君看夸毗子簞豆不奄邑特
剛願成戾與彼同一格君年候已彊世事飽經涉而況先府
君令儀固不忒門牆風通家敢視如秦越我非教君語亦豈
欲君默願持忠恕心應物推矩絜願為循良吏惻念淒惻
勿尤以近名勿計以為直謙勤更果斷是乃剛之德君今英
山行我亦金陵客公家有程期一燈話離別沉沉春酌夜從
容露肝膈壯哉扶搖圖高舉振六副此意君自知多言亦奚

漢詩拾遺

卷一 楊文襄

天

X O L I O I I I I

益
霜惟臣話舊有作
京華抗師席英俊紛追隨於時雲路中後先爭奮飛文章華
館閣論諫光瑣闈聯班布臺省各各能自持在再三十年大
半金與緝建立有大小一節無瑕疵得喪不皆齊貴此名譽
垂君居諸子中灑然絕塵委敬皇樂從諫封事多匡時曾毀
延齡麻不受若訥喘東藩具瞻地早被朝堂推霜蹄忽以蹶
三年滄海司舊物始光復新開隨馳我豈河汾傳敢稱房
魏師姓名幸有托聊以慰衰遲一燈話曠昔離緒千縷絲眷
言平生交對酒安可辭出門冰雪厲萬物傲華滋灰葭動律

管陽回無愆期晚節益自珍持滿須惕而鵠白亭裳勿使
縑塵縉詩成寄同志庶以存箴規

登舟三首
榮昌按此乃公正德茂
辰四月被逮後之作

南冠隨駕使舍陸還登舟長河下通海日夕無停流北望帝
都邇使者心休休願我獨悽惻團匪念幽囚此身懼不免而
暇為官謀平生不灑淚那更攢眉頭使者勸予酒病飲不滿
願倚蓬聊復歌庶以寫我憂
少年清忠願垂老盟肺肝悠悠三十載行路誰知難奪我鳳
凰池置之戎馬間仗鉞走強虜龍沙浩漫漫日月豈不光江
海豈不寬稅駕行有期俛仰復何言

漢詩拾遺

卷一 楊文襄

天

X O L I O I I I I

腐儒愧遭逢兩年三命新耿耿方寸心誓委七尺身東巡起
彫祭西征障風塵奮劔當城狐遑恤流俗噴營營彼何為巧
言方亂真不疑本無兄參乎非知人吠聲亦常態妄用此云
云天定會須勝君王自明仁

畫龍

幽泉出石窟下注成洪河老松傍陰崖屈鐵迴枝柯神龍蟠
其間變化難測摩日夕雲從之油然翳山阿吹噓石為走噴
吐陸騰波蜚廉不敢噴豐隆聽攜訶如聞歲大旱四野無青
禾胡不早為霖遐邇沾滂沱焦枯頃刻蘇呻吟轉譔歌不然
恣乖懶雖靈安足多我語龍不聞奈此蒼生何

于鑿中奉使南畿因得便道歸省爲賦古詩三章話別

首一

太上貴立德次乃功與言立德乃其本譬如木有根本根苟
弗植枝葉何暇論吾鄉晚得子寶之如瓊璠所寶在行誼不
在葩藻繁青雲始發軔素心願無諉縮涅不再白圭玷難復
完吾人希賢志何止韓范間莫學夸毗子浮詞飾輪轅休哉
慎所迴勿憂行路難

約齋爲周都諫子庚賦

茫茫極初原理同一原卷之不盈掬散滿天地間吾人極
功用之物相周旋萬殊自一本執要乃馭煩譬如木有根柯
葉斯自蕃如水出有源滔滔巨朝昏不然漢汗酒榮悴如掌
翻君庵故名約此意師曾顏平生慎自檢動止不踰閑博文
先有地曰唯非謾言吾將採其隕有得斯喟然但恐上達妙
不在言語傳

易書時與中毋不敬曰禮詩義思無邪衰貶春秋旨爲學貴
知要知要乃知止胡爲章逢士未究知止理譬如不繫舟汎
汎茫無涘多言祇害道務博徒爲爾納之年度中庶其弗畔
矣

大哉約之義惟儉乃一德以約能鮮告宣尼示民則謂寧儉
與固斯言有深惻吁嗟五陸豪服食華已盛紛紛土木沃甲

第日充斥苟可快一時千金不自惜終恐伏禍機成敗總難
息鬼神亦惡盈天道謙乃益所以君子心朝警夕猶惕可欲
恆取廉庶哉保終吉

夢陽曰宋大儒詩如此作

曹汝學提兩京太僕少卿贈別五首

國初重戎馬兩都各卿寺承平法易墮不獨馬政做種額存
虛名孽產無實利年年官字印考牧勤命使鞭迫窮里閭朝
補夕仍斃本緣人作奸而豈法爲厲終然無寸毛輪以達燕
薊一馬數十金民力苦難繼廟論豈不知曰此今代制不調
瑟嘗解告湖羊敢棄曹卿吾鄉彥夙抱憂時志澄清懾官邪
建白神圖是會將一寸丹爲此蒼生計如聞用世才事事有

滇詩拾遺

卷一 楊文襄

三

南都本重地太僕亦美官公事苦不多地偏官自閒所以伴
我吟賴此環滁山巖洞有遺跡亭臺設奇觀醴泉作春酒一
飲怡心顏烟花自多趣谷鳥相與還醉翁非曠達意在山水
間夷隱有如此歧路空漫漫翻愁席未暖驛召趣征轅
吾鄉得知已客懷未索莫忽聞君欲去對酒翻成惡交游豈
不多幾人肝膽託長風暗郊藪烟花半零落千峯隨客舟欲
注不可遏官曹近家園書繡人所樂嗟予未脫屣此興故不
薄悠悠江天雲舒卷意無著送君懷舊隱俛仰成今昨
仕宦真還家君今衣錦行清尊洽朋歡白頭慰親情天涯一

飛鳥懷璧心神驚晴雲淡初夕春潮暗江城君名爲世重君
亦人所欽贈言豈終極獨坐念平生

江南數椽屋開軒當翠微把酒引山月臨池寒荷衣恁然人
境闌而與塵事違一出六七載懷歸未能歸猿鶴有深怨鷗
鷺空忘機君歸語山靈幸勿嘲我爲栖栖豈所願已悟前日
非

王堯卿自終南謁余鎮江話舊有述四首

終南鬱鬱我渭水清且駛美人結廬舍乃在烟霞裏乘風或
振衣枕石還洗耳一出非所安早卷聊自喜宣尼有家法可
仙躄可止閒居不無事默坐惟省已太上貴立德文藝斯末

海詩拾遺 卷一 楊文襄

三 一〇一〇

矣吾身備萬物一一窮至理不畏蹤跡深翻愁名譽起保終
慎于始垂休百千祀

昔在京華日勸我宜早休翩然辭我歸許放山陰舟我志苦
不遂忽忽經五秋去年始得謝養病臥林邱夙約耿未忘不
恤道阻修相見疑夢寐披襟話綢繆烟橫芳草渡雨暗滄江
樓看君尚黑髮朝簪早已投平生遂易學消息探其幽我老
百無庸意欲知悔羞洗心聽君講庶以寡愆尤

美人江南遊及此春意回好鳥弄新聲和風自東來萬物適
所性觸目皆暢懷而況金與焦北固同崔嵬盪胸入層雲把
筆應爲君勿吹洞簫潭底魚龍猜君勿放長歌激烈山鬼

衰花柳滿前川此興良悠哉歸尋明道跡葆光終南隈
師道久絕響古風日沈淪彎弓信有之何止越與秦昌黎憂
籍湮餘子安足論況我素虛薄業荒道無聞門牆亦多士子
尤信且親時時效忠告不避流俗噴羣書未底定亦復解吾
紛節應利金石心可質鬼神迂懸豈足師古道君所敦此意
兩自會難語行路人 夢陽曰情到理到景到筆到然宋格也

發固原論軍士

奉詔發古原朔風捲征衣山川愴離色冰霜厲餘威軍士遮
我道吞聲仍涕洟問公胡爲來問公何遽歸未幾我士瘠旣
至我馬肥倉皇忽來去喜極翻成悲公初受明命計將殄戎

海詩拾遺 卷一 楊文襄

三 一〇一〇

夷喜茲數月間戎馬不敢馳長城未就緒套虜猶潛窺邇聞
西海戎伏莽藏禍機公不念邊氓翩然謁帝畿翻恐一贊功
終爲九 虧子方處非據聞言增惕而茲事本天意人謀安
所施平生體國心內顧已多違不吝吾亦解慚負明主知恩
綸下霄漢待我以黃扉臣心故未棄力不能奮飛肯以垂盡
年冒昧貽評議有疏扣天關歸餐故山薇世事耳不聞安能
較是非茲聞新大帥銜命來督師作爾戰士氣恤爾寒與饑
爾往各自樹奚用懷我爲

恭和御製五言古詩韻

臣楊一清謹題六月十三日伏蒙皇上召至平臺手

授五言古詩一首賜臣頌首捧歸道路歡傳精神
交慶咸謂百年曠典今始見之願臣庸愚何能堪此
服以終身傳為世寶感恩莫極圖報無由臣聞
作歌皋陶載賡卷阿游歌周臣矢音陛下神聖方駕
虞帝趾美周王臣固不敢希望虞周之臣然沐浴清
化中亦不敢默以自棄謹依韻恭和一章錄上覽覽
伏惟聖明矜其愚魯恕其狂僭臣俯伏待罪無任戰
兢臣謹言

惟帝嚳南離重明照四方文讓與武烈前作後相望西陲偶
多事起臣督修攘臣志匪邊功所期民物康天威仗遠被坐
瀕詩拾遺卷一楊文襄

簪走氏羌分將老邊塞何意登廟廊召臣復黃扉期之日贊
襄奎章盛衰許爛然雲漢光君王自神聖有位咸忠良上下
交斯泰君者臣之綱臣老心未棄聖言殊孔彰欽承誓終始
百世為傳芳

夜坐示孫生思和

少小遊庠校爛然文采呈長大益英邁下筆令人驚秋闈戰
屢北知者恆未平謁選來京師姓名動公卿文華地本峻
翰事亦清日直承明廬誰謂非登瀛供奉苟弗懈雲衢從此
升通家從汝祖汝父還汝兄北來會邵少暫會亦心傾公事
苦難了短燭坐長更才美時所忌名出謗乃生勿擅鶚鷗詞

勿為蝸角爭寧將拙代巧而以晦為明跬步防荆棘出口念
戎輿聞毀慎勿辯辯極毀翻增利害相倚伏君子戒未萌勸
哉日操修庶以全令名榮昌按公於門生故吏
多訓戒之語足徵古道

陳生應期儒而隱於商者詩有佳趣得草秋山之傳予
久不見之一日忽自京口謁予京師留數日辭去口
占三詩為贈用勸其成

京口舊時派易洞還秋山立言根理道不在辭藻間負笈紛
末後先後窺追攀蘭若兼翡翠文采成斑斑陳生性朴茂早
得窺元關引觚吐芬辭入眼如瀾翻不作雕鏤巧而逞脂媚
顏信口道情性放歌發天慳味者不入賞作家每傳看終當

守弦轍勿謂知音難

子長昔好遊足跡遍四方遂以文名世橫歷班固楊陳生本
業儒胡為隱於商周書遠服賈所志親之慶少年沂淮泗兼
涉梁宋疆大河浩湯湯嵩嶽鬱蒼蒼中歲南入楚巨舸浮沅
湘興來賦鸚鵡醉後歌岳陽豈徒吞雲夢或者隘八荒吾聞
千金子坐且戒垂堂倦遊思稅駕策書歸故鄉葆茲連城珍
匱韞還深藏

年來吾家居見子不可得翩然駕方舟謁我來京國老我病
且衰猶作天涯客足難任拜揖眼不辨黑白夙興暮始歸款
語夜數刻雪意忽冥濛朔風撼林樾沈沈動清酌黯黯愴離

色春來吾亦歸漫勞遠相憶

石亭為陸質之作

石心不可轉介于保貞吉世事難窺君子慎恆德穢覆雨
雲態萬變忽朝夕靜固者惟石特立不肯易伊誰扁石亭因
之測深識葵梅有蕭索松篁或摧折雷風任春撞此石終不
泐持行荷如石福壽可兼得如山不齋崩如川流不竭主人
願斯亭勉旃休自畫吾家有石滄體物良有益此意須默識
多言真大惑

南坡別墅

南坡近在城南曲南坡主人清似玉結茅作屋幾幾年有琴

漁詩拾遺 卷一 楊文襄

三五 可文○一〇八

在牀書在屋東家桑柘西家禾蹇驢破帽時相過公租私負
兩無累俯仰乾坤樂如何十年塵土長安道欲歸不歸心悵
陳人生難得老來閒身退還應健時好鑑湖恩詔恨不早匡
山舊盟終潦倒爭似南坡歸及時綠鬢朱顏未枯槁門前載
酒紛如雲惆悵舊遊今幾存手種青松盡成蓋移來慈竹多
生孫登高眺遠恣歡詭水邊行吟松下酌多少低頭拜下風
利網名韉甘束縛白雲渺渺山蒼蒼高風不愧嚴陵鄉撫卷
披圖三歎息為君擊節歌滄浪 淮翁曰七言古詩此篇為佳

題陳憲草墨梅

有客有客風神清骨為片玉姿為冰世間萬物瑣瑣不足數

直與梅花為弟兄紅塵勞勞恐相失一日不見難為情有時
草寫向枯筆奇態頃刻烟雲生湖上春寒雪未霽山巖方落
參初橫嶽然素壁見陳影便欲起繞南枝行古云意足不在
形妙意今與形似并旁人底為無香惜不道香多如客相
逢任說素與細會有方臬眼中識

水滸宮客

吳興山水聞南州蒼溪雲漢匯復流蜿蜒一瀉三百里月華
波影相洗浮中天合有光明燭下見諸山如削玉皎然蒼翠
浮空碧何似狀之曰水晶水晶宮名從此始誰其標榜趙承
旨居人紛紛竟莫知對景不樂翻如痴名韉利網日馳逐却

漁詩拾遺 卷一 楊文襄

三五 可文○一〇九

諸葛遊徒爾為汪君此地長為客坐挹空寒清興發果然身
在廣寒中不似人間波與月歸來偃蹇向深山縮地有心還
未得手持圖畫日把玩倘覺清寒徹毛髮火雲六月驅不開
出門紗帽沾黃埃金流石爍無處避水晶之宮安在哉東望
嵐光渺天日安得與子相徘徊嗚呼安得與子相徘徊 淮翁曰此篇亦佳

和歐陽公禁體雪詩韻

長空緯繡觀朝華脈脈隨風旋回薄望窮廣極幽潛至巧
信出天機作江山一洗塵土空使我方寸成恢廓即防見照
行且消輕體不受春陽燦閉門靜聽疑有異懸亂聲隨瓦溝

落寒光照室不成寐起坐中庭擁裘貉狡兔失穴無所歸
鷹斂翮難施攫農倉有粟床有醢醉飽歌謳躍如雀出門
賞恣所如水行孤舟陸雙屨一官坐食百無補矧敢暇逸先
民樂題詩苦無道韞續取若不待家姬淪紙窗官燭夜沈沈
翠柏蒼松雲漢漠翻思京國十年事白戰壇中曾擁燧短歌
聊爾代風謠不似尋常浪吟嘯康海曰此六一
公敵手棋也

和蘇長公聚星堂禁體韻

風團一海浮桐葉瓦爐活火初烹雪是時真宰設奇觀物態
人情兩幽絕懸岩老樹僵不死生意往往存摧折江山一色
天冥冥鳥影不度人蹤滅孤舟把釣吾所愛有財真被微官

演詩拾遺

卷一 揚文襄

三

八〇一上二

掣急呼紅燭照金杯不覺醉顏生綺纈歐蘇白戰有嚴禁餘
子效顰徒瑣屑今我不樂真成癡半日光陰過如瞥嗚呼世
人多附熱此與蕭蕭向誰說君看桃李門春妍護道廣平心
似鐵康海曰此東
坡敵手棋也

谷口讀虞變越三日過其地作詩紀之

莊浪西來谷口驛醜虜當年曾數入自從元帥傾虜巢兩歲
邊城稍寧謐春草青青塞馬肥豺狼有性難羈縻長驅直入
五百里竄伏荆榛藏禍機閏月十九晨初飯箸度重巖下平
阪路旁整堞有若無瓜空燃烽誰付管城中兒女不得知壯
耕少牧方嬉嬉卒然至前無處避如以鷹鷂掠雞雞城東城

西數十騎毒矢射城張虐勢耕牛站馬一網空跳嘯還從舊

途去二百城中接伏兵縮手無措心神驚迫之欲出不敢出

點虜牌晚如空城莊浪得報日當午守將聞之怒於虎兩軍

並進分道追殲首捐疆那復顧龍沙漠漠風塵昏賊聞兵至

概其魂兩會迎戰亟授首餘孽倉皇窮力奔自知天誅不可

赦盡將虜掠歸軍須臾雪花大於手墮指居然十之九一

矢不費全軍還信是田禽執無咎丁男鬻鬻脫虎口那更遭

寒死川藪將軍下令收其尸餘澤猶能及枯朽鱗者相見如

更生去者茫茫空有情婦哭夫男母哭子我來尚聽嗚嗚聲

兩旬之前過此地安堵人人道無事乃知軍事貴先幾慎勿

演詩拾遺 卷一 揚文襄

三

八〇一上二

從勞後時計徒薪休待火方然墜戶須當寒未至東隅已失

桑榆收掩面不隔城頭羞將軍功過畧相準直須據實諫宸

旒康海曰前歲土魯番之
旒百倍於此誰復紀哉

錢宗玉所藏王元章墨梅

吾聞王郎傲世者白眼看人氣凌駕平生好為梅寫真一幅

未論千金價古枝樛曲老不凋渴龍下吸長江潮微雲墮空

成點綴清風近人疑動搖夢楊曰二句
與梅同神世間九物信不妄意

匠無乃經營勞何遜林逋俱已矣冰姿玉骨無知已鐵心石

腸徒自喜此圖零落知幾年錢侯愛之入骨髓君不問物之

顯晦良由人浪傳仙筆能通神

何君竹逸持此圖為憚君雪江畫索予賦之

小仙清醮圖老翁神氣炯炯雙方瞳與從西池謁金母錫以
一籃蟠桃紅憚君家佳大江東瀛海咫尺蓬萊通生辰開宴
集齊登正及春王正月申願君眉髮如翁白啖盡山桃種其
梅一年一身三千年看桃開花更結實夢陽曰此篇如半
醉拓戲意氣逼人

沈石田三吳山水卷

職方有數名其區三江之雄五湖映碧桃萬頃玻璃色生意
頗似隨鳶魚千巖萬壑共拱揖林木葱蒨煙集翠微依稀
入空蒸菡堂生苔土花瀟洞庭山連明月灣柳枝蘸水濕不
乾香路縵紆穿細嶺陰風漸瀝生高寒固知開鑿天趣雖

漢詩拾遺卷一 楊文舉

罕

有雞犬非人開有誰獨往占幽僻孤松嶺日相盤桓有誰臨
流不洗耳仰面臨坐聽潺湲有誰輕舸泛寒綠酒酣耳熱回
宋顏高山一曲不可和丹崖千仞難為攀我生足跡半南北
長裁圖書隨傳驛吳帆三挂不一遊老大追思空太息豈應
好事不相逢或者山靈閱題籍誰為此圖石田翁病眼摩挲
似相識谷口淫雲乍有無潤邊野草仍蕭瑟此翁胸中富山
水興到不待相督追鑿賞再過今劉侯此卷此人非偶得并
乃欲剪恨不能詩成畫去長相憶夢陽曰亦以格高又
日好篇末句脫然

錢舜舉漁翁樂趣圖

漁翁樂漁翁樂祇向烟波寄生活長江水明魚潑潑入手不

厭霜刀割前村老嫗新醅醱沽與妻兒恣歡誰世閒萬事耳
不聞兒啼嗔嘈嘈苦話兩舟結鄰自來往翻笑屢居真束縛
勝隨羊裘不無心渭濱後車那可奪江淮以南客習多五湖
三湖皆風波漁翁之樂樂如何擬樵山中懽豺虎欲耕戶外
愁征科黃蘆瑟瑟秋風滿何處寒江無釣簑漁翁之樂不用
一錢買請君試聽滄浪歌

送戴揮使江西監兌

侃侃萬戶侯別有江西遊臨歧遺我絹七尺要我賦詩壯行
色短君不是汗漫行憲臺飛檄嚴王程一方轉漕賴監押兵
民命脈須關情堪堅解紛良不易自古盤根知利器莫言漢

漢詩拾遺卷一 楊文舉

罕

地不相謀須把一心勤國事姑蘇山水錢塘湖桐江之上如
畫圖鄱陽秋風淅空闊匡廬秀色凌虛無公餘登眺飛鷗舉
去歲東君今在石囊中詩句動百篇處處逢人皆快觀丈夫
生來志四方紛紛株守限封疆君才磊落眼前少雲夢胸中
未可量夢陽曰
大作

撚鬚亭為劉希載賦

撚鬚亭上客吟嗚苦吟不了如鬚何嘲風錄月暮復旦吟
猶撚將幾多禪遊象外坐無語仰面不避王公詞吾聞風雅
適情性枯腸無乃窮搜羅君不見唐家杜陵死狗瘠飯顆甘
受詩仙呵后山閉門亦何事擁被呻吟如抱病亭前物色清

56 Apr 811

如許鬚固可斷心不磨君看于思能百戰為語山谷休橫戈

張五老壽圖

留侯孫子生盛時醜顏紺髮雙黃眉錦堂春酒照春色人閒
豈復殊瑤池堂前寶樹光風滿堂後春陰初日遲霓裳羽衣
日莫論請看翩翩戲絲兒玉桃花開金母宅仙翁食棧去其
核核多直與崑崙齊笑指滄瀛化卷石彩雲推中三老圖相
蓬似語天地初青松古作丈人行白鶴下應山童呼神仙渺
茫不可問此翁此壽今所無夢陽曰灑然之篇

廣武吟

廣武城西邊野蔓 白草何茫然我行旌旗耀天日千騎

浪詩拾遺 卷一 楊文襄

望

X O 上 〇 〇 〇 〇

弓刀相後先須更北風塵起炮火絡繹隨雙烟霧衣羶帽
胡為者百數十騎 鬢隨關我士街校寂不語卒然相逢彼魂
襖便遣輕騎畧追 逐奔北不敢回頭視山高日景追難窮小
醜何足當吾鋒不聞周詩詠薄伐沉我素不希邊功夢陽曰

堂氣足以勝下令收兵入城去且秣吾馬素吾已人言此地
之不必兵也 此常事不道我公天上至吾儕幸脫虎口中前日遺骸猶野
棄中原無處無良此輩流落真可憐為王成邊良不惡何
止要貪生處樂夢陽曰流麗俊詩

昭君怨

馬駝絃管去不還朔風吹雪暗陰山鬢髮綠亂眉黛損生世

豈識燕支寒自倚朱顏天厚美不賂丹青心不悔黃金有神

解移人何止妍媸能奪真玉鞍慘澹啼紅頰驚沙撲馬馬不
發馬上遙傳胡地辭如新如怨聲嗚咽君王莫更傷蛾眉妾
自薄命非人為自從漢女嫁胡兒漢塞已省防胡師亦知和
親非得策漢家將軍空虎籠人生於世貴有益玉骨胡塵豈
輕擲君不見宮中多少如花顏烟霧銷沈誰為惜

陸水村所藏盛子昭臨僧巨然江山清遠圖

董源畫法世無前誰其繼之僧巨然肖形侔色非所貴點染
妙在風神開武唐盛生近時起亦復經營極摸擬細觀巧思
入秋毫咫尺真同千萬里諒茅結屋柴桑徒見不可得況可

浪詩拾遺 卷一 楊文襄

望

X X 上 〇 〇 〇 〇

呼疎林密石相映帶幽溪細路時有無如此江山清更遠竹
杖芒鞋嗟已晚小院飛花空復春閒庭落葉無人管水村愛
畫今劉侯殘紙斷墨勞兼收予生嗜好畧相似却愧賞鑒非
公儔塞鴻無聲沙月白兩兩扁舟溯空碧幾時歸共舟中人
長聽江聲看山色夢陽曰杜格

滙翁先生初度之辰和所作耆英會圖歌韻為壽

成功不居視若無閒情早賦歸湖圖擁門賓客為稱壽惟公
與我同是文僊徒爬搔鬢髮秋霜改指點朋舊辰星疎悲歡
夷險飽經歷金石一念還當初是時朝廷方偃武中原掃蕩
無豺虎訂謀元自出綸閣勳蹟宜將載盟府懇辭恩廕但求

歸十疏回天謝簪組前身本是謫仙人袖中光華五色文甘
盤舊學帝所眷默運元化銷氛塵雷風春撞坐可定苦辛調
劑終能均伊周以上貌莫親富韓文呂皆其倫生賢固待作
霖雨君看初度正及六月三三辰幾回詔主文場事藻鑑盡
收天下士至今桃李蔭餘春館閣說說連省寺回首江南佳
麗地招公不來豈天意姓名司馬誦兒曹出處東山繫斯世
一年一賦樂天詩老去風情信有之要看百歲從今數更閱
三年是古稀少日相逢開笑口白戰彩毫長在手中年仕路
各參商我持節鉞公台斗極將書札謾論心翻爲風波聊聚
首西征起廢重入朝相顧然成兩叟劇談深夜動清酌此

滇詩拾遺

卷一 楊文襄

四

X 1110111

意亦知非在酒宋朝耆英十二翁丹青照眼多名公奇蹤盛
事絕無而僅有與君擊節三嘆懷高風君今超然脫屣去獨
向泥滓瞻蒼鴻少君八歲精采較君弱蒲柳不與松筠同力
不稱心難奮庸早晚得歸隨老農年年學製南飛曲願托鶴
使附上雲霄中底須同社自同調氣感聲應蚓與蟲猶歎休
哉祥光午夜垂桑蓬豈無羣仙驂鸞來自東丹霞金鼎倘可
乞願力薪水長相從

壽麗翁先生

公生正當明盛年前身元是蓬壺仙玉皇勅註金闈籍日侍
幃幄供御筵帝曰良哉此忠蓋宮事府事咸咨焉秋霜烈日

氣浩浩長江巨海胸淵淵披腹造膝近希有退食未罷聞傳
宣手持虞廷五色線密補袞繡光華全成功不居益惕若妙
用敏盡方寂然一封謝病優詔許授簡爲著聞居篇消磨歲
月益中物陶寫性情囊裏絃揆余初度及佳節中元之後仲
秋前金風脩飾蕩餘暑玉宇澄徹明白躔塔庭尚留螢四莢
壽算終期椿八十帝遣羣仙下稱壽雲際駕鶴來翩翩豐隆
驂乘望舒導芙蓉垂旒羽蓋懸一翁疑是羨門子獨騎蒼鹿
過芝田蟠桃有宴今始見眞珠爲瓊瓊作鮮雙成吹笙弄玉
和九奏萬舞聲韻闌琪花瑤草亦無數青壁千仞世人想像
難攀緣吾聞皇天壽平格公有勳德誰齊肩神仙荒唐不須

滇詩拾遺

卷一 楊文襄

五

X 1110111

論爲善獲福此理昭灼無私偏君不見蒼松盡空山拔地吾
識良工有深意按帝遣羣仙以下乃題壽圖之作擬篇末良工句自見

壽鴈

江岸蘆花秋簌簌江頭族鴈羣相逐啄者自啄宿者宿呀大
斜暉斷遺續秋來砂積已冰霜去寒就暖爭迴翔物生有性
各自適何處江湖無稻梁高飛冥冥謝矰弋借取扶搖雙健
翼憫亂游人萬里心驚起漁家數聲笛昨夜南樓聞北風天
長水闊雲濛濛何當便買舟一葉醉來掉入蘆花叢夢陽曰古詞如

題方朔偷桃圖寄壽蜀楊翁一元

度索之山萬仞高山前山後嶠仙桃花開結實六千載直與
元氣相遊遊丹霞作衣瓊作漿金母愛之不忍嘗何物小兒
能竊得化爲一叟鬚眉蒼叟今名注神仙籍種桃已見垂垂
實欲往從之天一方峨眉崔嵬錦川碧夢陽曰跌
蕩精神

假山爲曹少卿汝學賦

江南無處無雲根結爲幽石春復春族分類聚品格異震澤
所產還超羣沈潛水府乍出沒吞吐不厭泥沙渾夢陽曰堂
堂之作一
里鴻千 倔強直與雷霆鬪偃蹇似作蛟龍蹲誰將鐵網下採取
怪狀奇形難具論城中見者驚且走共疑鬼斧劈崑崙危峰
砒砒丈人行環視培塿皆兒孫突爾出仙掌書然開劍門孤

滇詩拾遺

卷一 楊文襄

吳

撐捩相向眾附爭來奔洞如神剗穴天割倉卒變幻迷朝昏
或時廉稜露鋒及遊人有手不敢捫夢陽曰際
然難干 乃知匠氏無
遺巧意蒙沈忽天機存曹卿愛山自韋布猶恨青山隔庭戶
開圍疊石今幾年人道經營有神助潤州佳山亦無數布襪
青鞋隨舉步清晨舉眼便看山頓覺霏微起烟素落日長涵
紫翠痕白雲深鎖蒼苔路客來攜酒共登賞有屏可倚橋可
度或眠贊皇石或撫蒲明樹真邪屬邪兩不知對境謾作曹
溪悟尤物於人故有緣作戒平泉真已誤爲君重和假山篇
亦欲相從向遲暮

蓉溪書屋爲金都憲舜舉賦

錦江之水天下清錦江之花天下名繁紆映帶數百里芙蓉
點染秋波問何人結屋溪頭住問是君家讀書處讀書萬卷
筆有神一日乘風上天去雲霄力倦還故廬滿家袍笏滿床
書弓裘文采照南園物態直與人法俱君今再起中台立池
下又看雙鳳集故知秋邑老偏宜夢里鄉心夢還入君不見
千林黃葉秋霜嚴錦窠簇簇方爭妍拒霜之名亦安用花豔
煙霜翻可憐歲晚心情更誰識舊日元都已無迹芙蓉銷歇
溪水寒繞屋松筠手親植夢陽曰題
外生意

南濠吟爲都元敬少卿作

環蘇皆濠南濠獨佳室廬櫺比舸艦雲來遠睇青蒼近濯沚
灑君子觀止僉曰雄或有媿人居於濠之混地喧心寂匪俗
則諸移家伊何郡城之隈濠是遠而以莫不懷堂構則嘉煩
聳我侵羨彼光福我幽我尋山亦豈不遠水亦豈不深南濠
之思難爲平鼓釜定兮觴清冷濠不在眼常在心水有源木
有本我因君發深省滇南京口遙相望兩地風情同石滌君
不見濠溪之濠廬山麓古亦有然非我獨

滇詩拾遺

卷一 楊文襄

吳

陸園圖爲鍾卷庵書

崑崙乘來萬餘里翠爲崑崙臺天起桃花萬點映清溪翠屏
丹桂繁如綺固知開鑿自鴻濛誰其樓之廣成子機餐玉臺
霞渴飲銀蟾水千三百歲何足論直與天地相終始昔者好

輓來問道百十數言存至理忽騎元鶴遡空旻玩弄日月驅
風雲歸來還向舊山住世人可望不可親猗歟神仙之說知
有無良工謾寫崆峒圖作圖賦詩爲誰壽卷翁有道神仙徒
生平胸次應秋水傲脫斯世如泥塗鼎中龍虎自看守若計
年歲直待滄海揚塵山石枯我遊崆峒陟仙臺決皆寥廓心
顏開仙踪渺茫不可覓但見玄鶴兩兩旋繞肩輿來我欲招
之跨汝遊八極國恩未報神仙於我何有哉予在陝西遊崆峒
與前稅駕江南已遲暮遙望仙山隔烟霧煩翁示我南華篇
共向桑榆保貞素

武王烹茶圖爲范原博賦

眞詩拾遺 卷一 楊文襄 吳 入川一〇一三

吾聞大羅天上茶有星日汲銀潢萬斛漱清冷玉皇應憐世
潤濁暫遣下謫爲人形江頭小兒啼嚶嚶誰其得之僧竟陵
長大如鴻漸于陸平生所著惟茶經百色味種各差別水品
火候一一探其精遂令世人嗜茶不嗜酒濁可使清醉可醒
劉伶安用與婦祀盧仝不待七碗通仙靈功成翻然返帝闕
至今設象懸青冥吾生偃蹇抱茶癖陽羨之山頭採摘研膏
焙乳動僕奴滌煩釋滯功須鎮滅人索賦煎茶圖便覺清風
生兩腋知君有意謝麴生從此睡足日高宵襟無拍塞

苦旱行 六月三日

炳氣漫空金伏初火雲萬壘隨陽鳥雷鞭不鳴電轡捲雨脚

欲墜看仍無遂令大塊一洪鑪煮石欲爛樹欲枯崇堂密蔭
如坐甑道上病暈何時蘇田疇裂坼禾半死空聽水聲隨
轆踏車未停水已竭巨沼剛存一池滂手皺足腫面如土始
信至苦惟農夫土龍芻狗竟虛幻漫向舞雩勤匍誰爲韓
子訟風伯欲效魯侯焚老巫石淙衰翁病初起履不著脚髮
不梳如惛如狂坐難定大叫直欲排清都亦知亢旱本人召
古有人早今誰辜江龍有神能作雨乘雲東去不受呼比郡
盡是斯人徒龍不一視柰爾虛銀潢之水固不潤願借天瓢
三萬壺濡焦植仆須臾事且免饑卒填衢途不然吾將併訟
汝上天明明安可誣

眞詩拾遺 卷一 楊文襄 吳 入川一〇一七

開府行

旌旗畫拂烟塵開鉦鼓動地聲如雷路傍羣叟暗相語不道
我公今又來當年從公玉關道我是壯夫今已老似聞軍令
尚精明頗覺容顏半枯槁弓刀萬騎如雲屯多是當年鞭策
人部將生兒還拜將部卒亦復稱將軍自公入朝佐天子功
成身退誠善矣胡爲乎來復此行遠涉沙場千萬里聖皇求
舊温旨褒君臣之義安所逃不然七十二衰叟豈任絕塞風
塵勞黃河水深金城高我士酣歌馬騰槽亦知保障乃良策
忍使赤子塗脂膏羽書飛驛於鳥獵獵西風捲沙草劍氣
晴橫紫塞秋角聲寒咽黃雲暗不用彎弓射虜營坐銷氣

回光晶將軍帳前但飲博士女自織農自耕直遣羯胡齊北
渡我車旋指江南路經過到處題姓名他日知吾來幾度
日杜體唐鵬曰
公紀律固如此

清平李侯五端以兵部郎中出知吾鎮江府予老病久
不作詩而桑梓之懷有不能自默者為賦長詩贈之因
憶鎮江前此郡守固多可稱而臺南林一鶚樂平黎天
與德居王存忠龍谿林廷元之惠政得民為深近日長
安劉士奇能繼數公後民方安之忽遷山西提學副使
以去予不能無憾於吏部也見山桂公為擇李侯謂予
曰是足代劉矣予喜甚故併識之夫以李侯之才之識

滇詩拾遺

卷一 楊文襄

辛

X 46. 010 5

古循吏有不足為者予姑自鎮江之民所知者言之耳
皇仁如天覆九有詔問百姓今安否會曰民安須郡牧古一
千石今太守潤州咫尺帝都雄虎踞龍蟠在眼中長江西來
渺不極金焦為障狂瀾東老我僑居餘五紀作守循良數人
爾前有林黎後王林至今頌聲猶在耳長安之劉才且文民
歌清靜如前人胡為奪之提學去悉使赤子雙眉翠桂太宰
言公莫威有李郎中與劉匹不然吾亦子潤民寸心豈敢忘
曠昔李侯平生真好修鄒魯之鄉儒者流丰姿玉樹出塵表
心事璧月懸清秋一夜春雷從地起珂馬蕭蕭發行李潞潞
朝垂楊柳風官河暮泛桃花水江南花柳盛春光君行無地

不啻陽人道福星臨鐵甕車隨甘雨入黃堂去年禾苗半枯
稿生事不加山水好極知撫字是良圖莫遣催科為公惱病
來久謝作詩應早晚拂袖歸山阿佇立康衢聽民語為君擊
節甘棠歌

題書松

朔風捲地寒凜烈千巖萬壑無顏色貞介獨餘秦大夫力抗
元冥挺高節燕山有客清且狂平生毫素久擅場八月九月
天氣涼解衣盤礴開清觴揮毫吮墨鬼神泣寒飈颯生高
堂須臾幻出數株鐵徂徠乃在身之旁潛龍出壑鱗甲動逸
雙高材鬚眉若歲寒心事此圖識吾識良工有深意

滇詩拾遺

卷一 楊文襄

辛

1101. 011 1

滇詩拾遺卷一

滇詩拾遺卷二目錄

明

楊一清二百六十七首

滇詩拾遺卷二目錄

明

滇詩拾遺卷一

昆明陳榮昌小圃氏輯



楊一清

富春道中雜詠

風雨孤舟話乾坤萬古情山形斷仍續雲氣晦須明漱石聊成戲磨崖欲識名匆匆戒行色不獨重王程

勝遊兼弔古清思轉冷然湖落帆衝雨山深鳥沒烟屐穿無窘步纓濯有新篇倚棹須明月漁歌隔暮川

遠嶼迷新漲迴汀帶急流野花疑送客江月巧窺舟獨坐成憑想逢人話舊遊烟霞何處所吾亦愛尋幽

滇詩拾遺卷一楊文襄

闕苑家何在桃源事亦陳君看綠屋者莫是避秦人歲月忙中過江山夢裏真早須回馬首遊樂及芳辰

花馬池一首

萬馬踏平蕪天兵此備胡塞深沙草白城河戍樓孤笳鼓連營靜風烟隔歲無要知長治策經畧有新圖

見新月

木栝不離手愁添霜鬢毛皇仁原不隔臣罪本難逃少小承恩日平生體國勞長空有新月萬里燭秋毫

題畫扇寄贈段德光檢討

寒鴈來還去吾生亦倦游風塵幾短髮江海一歸舟山雨茅

亭暮烟波澤國秋詩成不相見聊得慰離憂

中衛渡河

兩渡河西去今朝還復東野烟隨蔓草沙水沒秋蓬豺虎驚
心後魚龍變態中故鄉何處所問訊北歸鴻夢陽曰二篇
唐調唐句

八月十六日涯翁宅上賞月二首

今夕知何夕西堂看月生縱然些子缺終是十分明草露團
猶濕林鴉靜展鸞南樓興不淺相對倒深觥

一別江鄉月五回燕樹秋嬌娥不改色人世白多愁玉宇澄
如洗銀河近欲流明年江上看高興為誰酬

送唐雲卿歸江南

漁詩拾遺卷二 楊文舉

十一

川上八〇一六

世豈憎人好吾方愛子才直躬翻速毀信口或深猜肝膽竟
難託年華苦易催為山力須往九仞在親培

為別本作惡衰年重不堪歸鴻猶菊北落木又江南古道我
何有世情君所諳逢人莫深語風月但清談

除夕有述二首

守歲聊隨俗悠然伴數童寒餘幾刻臘春入五更風木火爐
長暖椒花酒不空迎新兼送舊忍在一宵中

兩歲平分處一燈深坐餘身猶繫朝籍與已在山居久客童
奴狎衰年故舊疎猶憐詩酒病不與歲俱除夢陽曰此一篇
字字好

用徐子容唐雲卿韻贈別玉堯卿

白髮驚春老青山引興多驚花隨客去風雨奈愁何日暮一
尊酒江頭三疊歌不知從此別相隔幾關河

送朱升之大參遣任滇南二首

相見無多日相違更惘然夢醒江閣雨目極楚雲天白雪傳
新調緇衣記昔年遙知他夜月西望幾虧圓夢陽曰
唐調

南都稱國士西省重師樞口語非吾惜心盟與歲俱官曹憐
苦節世路涉艱虞天定人須勝前賢論豈迂

茅山和唐雲卿詩韻

世爭趨福地吾亦禮茅君鳥影向空盡簫聲歸洞聞遠峯低
列宿萬樹閣秋雲明發下山去仙凡從此分夢陽曰起得恍
惚結之脫落大

漁詩拾遺卷二 楊文舉

三

川上八〇一六

寄彭幸庵

龍雲千萬疊何處是皋蘭莫訝寒暄少須知道路難衰容憑
酒換冷眼索梅看天地恩無極應留一寸丹

別來餘五載老况竟如何白水盟心在浮雲變態多江山雙
眼足歲月一杆磨獨有懷人夢時時攪睡魔夢陽曰歲月一
杆磨於我公則
得矣如蒼生何斯
一句足證時變

次吳獻臣亞卿遊金山韻

聞君此登眺剛得片時留天遠樓臺迥江空日月浮烟霞雙
短屐風雨一虛舟萬古波心柱天教障逝流

舟中別南山

風雨孤舟話乾坤萬古情此心還赤子吾道負蒼生未別先
愁別迺名更得名不知從此後肝膽向誰傾

次京師公卿贈素翁韻二首

聖主新更化皇章舊率由君今違廟論誰為答天休泉石性
成癖行藏道與謀臨滄亭上坐幽思滿芳洲
忽設相逢處為情重可憐別當寒菊後歸及早梅前力荷千
鈞鼎交成萬選錢相逢保遲莫吾道日中天

鎮戎道中

躑躅邊城路行行西更西曉寒風掠面日暖雪成泥策馬頗

滇詩拾遺

卷二 楊文襄

四

川七五〇一〇八

經險看山漫入題平沙望不極客思轉淒迷要時日四句作甚對之皆未稱

五言律詩四首

萬國來朝日元宵慶賞時彩雲高簇簇明月故遲遲歌徹蓬

萊島花連太液池春風如有意先上萬年枝

玉殿春喧座珠樓月滿空泉拋紅萬顆花簇錦千叢淑氣全

消凍香塵不動風願將此樂寧推與萬方同

玉陛春如海燈山錦作堆星孩珠斗下風引御香來火樹千

枝亂歌鐘萬疊催袞衣隆色養親獻萬年杯

御水通星漢香風起陌塵金門方與假玉漏莫催頻解服遣

邊將開舖賜國人汀花兼岸柳次第總回春

歸興憶京口諸山莊

春雨桃花渡秋風楊柳灣石梁坐終日好鳥鳴關闕雲水倚
祥處魚樵問荅開門前喧稚子如候主人還右丁卯橋莊

夢入滄洲野分明是舊遊山城潮夜月野水澗田秋草長迷

津渡花深隱釣舟五年不歸去吾已媿沙鷗右滄洲別墅

沈提學仲律夜話邃庵和韻

兩過昔增屐欲沾感時搔首立風簷唐宮獨擁青綾被漢閣
誰開翠羽簾萬古乾坤吾道在百年憂樂此心兼高歌入夜
渾不寐石鼎泉清取次添

送林待用謫姚州

滇詩拾遺

卷二 楊文襄

五

川七五〇一〇三

朝廷養士自高皇風節稜稜此激昂抗疏闡唐陸贄移書

終媿宋歐陽孤忠自保青天在直道看回白日光我亦低頭

拜東野遲徊無計挽行裝涯翁批云送請官詩慷慨激烈讀之可想見其人矣

補送平江伯漕運還鎮

恭襄遺愛是前規風采居然復見之相國轉輸終佐命士安
漕運更憂時朝廷貢賦今全賦民力東南恐不支宵旰有懷

君識否萬年元氣仗扶持

瑞昌道中

磴雲百尺繞層空亂篠叢苔一徑通瘦馬不禁山上下斷溪
常失路西東乍逢野寺驚僧夢小駐荒郊問土風亦有壯心

能叱馭千金非敢愛微躬妻陽日讀詩即

華容訪劉國紀東山別業

南北萍蹤六載奇故人顏采夢中疑如何遠客尋幽地剛及

東君駐馬時別去定應懸一榻相逢還爲解雙隨東山台有

蒼生念况復勳名變未絲夢陽日自

登科猶記少年時不道才名與數奇歲月幾多憐躑躅江山

如此怪棲運官非薦士空知爾志在憂人欲叩誰夢陽日相

均見珍重賈生長治策萬年留取對軒墀

和韻寄章德懋先生二首

夫子文章一代標鳳麟端合瑞中朝直將正學歸關洛若堯

漢詩拾遺卷二楊文襄

真才失管蕭湖海朱絃聊自語乾坤白髮爲誰饒如君勇退

懸車日會待山翁折簡招

早從科甲占時名曾有昌言補盛平一代文章天下士百年

憂樂古人情儀刑自合歸山斗風采人猶仰鑑衡幾日停雲

漫相憶新詩翻引百愁生淮翁日首聯二句

東于守正

萬里江天陰復晴相逢漫語未分明也知湖海飄零地不盡

乾坤覆載情事到定時猶夢寐路從難處見平生不須更問

君平卜識破機關百念輕

赴任途中有述

江左朝天棹未開靈書還向日邊來并汾舊是多賢地章句

元非用世才不遣縑塵生白壁敢於嘉穀謝汗萊王言自有

挽鏡川先生二首

龍蛇入夢歲云徂公去飄然不可呼一代文章韓吏部百年

道術董江都官尊未改山林與病起猶懷社稷圖却憶漢家

麟閣裏如公風采定誰模

極知襁輔由天降誰遣中朝失此翁元老存亡國象緯相公

名字識兒童家無長物鏡湖上國有遺憂金匱中見說希文

諸子在後來門第足清風

漢詩拾遺卷二楊文襄

贈樊廷璧憲長權應天尹

十年南國三乘驄義氣壁立千仞峯堂懸生魚非矯激身騎

猛虎還從容五陵合避韓京兆百姓能舍包開封畫船揚鼓

渡江去春陽一夜回窮冬

詔錄開國功臣後裔

當年投劍掃羣雄萬死艱難百戰中國有大蒸遺像在家無

尺土舊盟空天王許續河山券太史重尋竹帛功不獨兒孫

知報主英魂猶解佐元戎

五月十五日逢先母忌辰寫哀一首

淚眼懸河不受揮年年今日痛慈闈聽隨風木聲猶憶恨真

江流去不歸客翼盤殮甘亦苦夢中顏色是還非一官竊祿
成何事況是松楸萬里遠東海日夢

行部至朝邑得報蒙恩進官仍理學政有作

東晉西秦歲屢移璽書三度下宮墀極知金紫沾恩地敢忘
蓬蓬未遇時章句恥將身作範官曹聊以位相師河流百折
終歸海欲障狂瀾恐不支費陽口是豈

三原壽家宰致政介庵王公

白首三朝社稷臣水中龍馬見精神長持國是終辭位欲報
君恩肯愛身舊日丹青綠夢傳當年松嶽又生申登堂亦有
開樽祝半為吾皇半為民

通詩拾遺卷二楊文襄

九

一品官階八表強清風都付午橋莊百年桑梓著英會兩世
絲綸畫錦堂直道兒童知姓字似聞軍國待平章陽和又逐
陵灰動管取年華與日長

菜竹蒼松年復年容顏矍鑠地行仙官如彥博身兼壽心似
希文子更賢天下達尊聞有幾人閒五福見誰全不知海屋
籌多少八十從今數八千

相國歸來雪滿顛儀刑隨處有人摹丹心直與青天在赤手
曾將白日扶位極人臣唐尚父家傳清白漢司徒狂瀾一決
滔滔是更有中流砥柱無東海日四詩非王不

送都憲陳公巡撫宣府詩有序

憲長三山陳公被簡命為都察院右僉都御史奉勅

巡撫宣府節制諸軍事子時出巡河西諸郡縣有傳
邸報至者自念淺薄賴公磨切一旦別去心用戚然
輒成小詩一首馳寄之既還司陪款之餘共得八首
公之風神器度可以概見若離別戀慕之懷雖不能
不言而實有不能盡言者也

一官中外足清風濯濯聲名簡帝哀總為北門須寇老忍教
西土失韓公平生道誼交能幾多少肝腸話未終願得旌麾
暫延佇更將藥石啟愚蒙

重城列寨起嶮巒極目龍沙萬里塵朔漠以南纔此鎮文莊
之後可無人行間武勇還知義氣向嚴凝却有春不用燕然
重勒石還看相業畫麒麟

通詩拾遺卷二楊文襄

九

十年簪筆侍天闈長憲超遷出異恩宋璟到來春有脚于公
識後獄無冤河山重鎮留新詠桃李春風滿舊門應是交親
非一日怪來臨別幾銷魂

豸斧新兼節鎮榮法星高並將星明先聲遠到陰山窟威令
嚴於細柳營不信兵戎非素學祇將忠義誓平生范韓事業
君休羨今日中原異汴京

近塞降胡職貢開文皇親賜璽書來當時德意踴磨爾今日
勳勞保障哉龍青山翁白骨餘平野向汗萊憑君莫話

開邊事多少凋傷氣未回

素心非矯亦非隨聲戒孤高跡戒奇明比薛宣翻自曉寐如
胡質恐人知傳稱長者固如此王有盡臣今在茲正是交遊
沾漑地西風愁問路多岐

宦途聲利公無取朋輩交遊我最深俗子諷勞誇覆手丈人
元不解機心鷹鷂縱猛何如鳳蕙以雖多不謗金願學未能
空仰止幾回低首愧冠簪

公餘長得叩龍門一日三秋意未論剛道別來先入夢欲成
吟處已忘言多情佇聽西歸鴈無計能回北去轍此恨縱深

猶自道不勝墮淚是黎元康海日入詩俱好

滇詩拾遺卷二

楊文襄

十

川一〇一〇

停車

停車樹底問田夫民瘼年來苦未蘇十日纍無三日飯四分
人辦九分租田園舊主今餘幾雞犬荒村恐漸無記取流離
彫落狀監門誰為寫新圖

嘉峪關

嘉峪關頭西更西聖朝封建幾藩籬不勞尙父盟回紇又見
陳湯斬郅支萬里總歸唐節度諸番爭覩漢官儀天威咫尺
驚心地盡是梯航納貢時

還至莊浪

平沙落日路漫漫千里風光一色看關道雨來翻見雪偶落

熱後忽生寒夢陽日窮邊氣候二句盡之城非據險兵猶少地屢經荒食

更難稍喜沿邊諸將吏官甘清苦慰彫殘

讀李進士夢陽詩文喜而有作

細讀詩文二百首寂寥清廟有遺音斯文衣鉢終歸子前輩
風流直到今劍氣橫秋霜月冷珠光浮流夜濤深聰明我已
非前日此志因君未陸沈

送趙孟希黃門持節蜀藩册封

天子臨軒頒玉册使臣持節出金扉宗盟禮重周封建近侍
名高漢璣闈蜀道山川春似錦楚鄉車馬晝生輝還將翰苑

揮毫手無限民風盡采歸夢陽日佳篇凡七言律對起便健

滇詩拾遺卷二

楊文襄

十

X〇X〇一

寄仰方伯舊憲長三首兼柬徐方伯用和柳憲副世之

公來落落幾知音公去泯然直到今身老不移薑桂性官尊
猶是布韋心半處風雪孤燈在萬頃波濤一柱深自古旬宣
稱重寄似聞枯朽待甘霖

曾共含香侍內朝別來雙鬢已蕭蕭言非知己慵開口禮向
權門怕折腰塞上春雲晴冉冉江南芳草綠迢迢與君預定
間居約兩地相尋故未遙

灞水橋邊送別回黯然懷抱未會開如何骨肉通家話剛得
緘封幾字來載路遺陰猶隴樹滿城春色又江梅南州徐孺

河東柳無限新詩盡我裁康海日佳篇

河東柳無限新詩盡我裁康海日佳篇

過中書舊直

少日鳳池誰奪我明廷雞舌久合香雲霄舊侶飛騰盡湖海
初心次第償玉筍尚依天咫尺紫微空對月昏黃馳驅合是
微臣分猶自從容翰墨場

饑朱懋恭同年城南席上限韻

乾坤正氣養能成歷徧江山老夏楚鐵漢歸來猶苦硬倉泉
飲盡見真清丹楓照眼暮天碧涼露滿空秋月明無限離愁
無處寫紙將金石蒞心盟

斗酒難開別後顏宦情鄉思繞江干西風落木頻搔首細雨
黃花一倚闌文以義投無久近政隨俗具有嚴寬漢家三尺

漁詩拾遺卷二

楊文襄

三

川 880 上

君能事又向盤根錯節看慶陽日名吉

竹逸爲何思道賦

渺渺平沙接水村此中聊可避塵氛清憐白屋通孤逕老愛
閑身伴此君夏日涼生深院雨秋風綠送滿溪雲七賢六逸
休重道一叟幽情自不羣慶陽日唐調

壽劉中書母夫人故閣老壽光劉先生之配也

老去滄輿樂未厭幾人榮與壽能兼中書門下身重到申國
夫人教本殿裙布儉看封後著手機勤儉貴時沾年年歌管
稱觴地記取春風滿畫檐慶陽日險韻文句

湖上作

湖光入望寺門前淺水平河斷却連對景不妨詩當酒傍溪
聊藉馬爲樂及時不樂直徒爾此景逢人亦偶然淨洗渴塵
三萬斛舊遊重續定何年慶陽日天下事皆如此

送侍講劉司直先生
舊京求士有封章詔進儒臣下玉堂收盡英才唐陸贄變來
文體宋歐陽中州正派分河洛南國重遊識鳳凰留取平生
華國手山龍看補舜衣裳

入關印治癸亥八月奉命督理陝西馬政
手提交印七年還五載乘輅又入關化雨三千秦子弟秋風
百重漢河山恩深欲報無遺方位重非才有厚顏却望華峰

仙掌近丹梯何地可躋攀
翰撰康德涵調予平涼行臺

漁詩拾遺卷二

楊文襄

三

川 880 上

一疏承恩出禁闈人闈人道狀元歸光生梓里明宮錦春溢
慈顏坐暖應盛代科名真不忝平生忠孝莫相違辦香綠野
憑君問遺緒誰尋一綫微武功有綠野亭書院宋橫渠先生講學處也

當年劍氣欲橫秋高價深藏不待求莫托千金收駁骨關西
多士有龍頭板輿華髮自春色白日錦衣非夜遊最是相過
重相別何情更淹留慶陽日一詩深穩

與常承恩御史夜話思亭和韻思亭肇昌行臺亭名承恩因以爲號
夕亭深坐不勝思却喜高情不廢詩鐵面風生行部日驚車

夕亭深坐不勝思却喜高情不廢詩鐵面風生行部日驚車

雨過捲幃時十年交誼孤燈在一夜離愁兩鬢知同是天涯
騎旅客別君翻恨見君遲

卯治甲子冬十二月北虜大舉入寇有詔臣一清經畧
防禦兼理巡撫受勅之明日督諸軍赴邊

拜罷綸音便啟行邊頭紆虎正縱橫非才敢道寬西顧勅詞云使

朝廷無百顧之憂燕爾之能仗節安能避北征將士幾人稱善戰關山何

地是長城主憂臣辱心應苦愧有涓埃答盛平夢陽日壯句

送總制秦公四首錄三

老臣承詔起安攘早有威名動一方帳下三年聞虎豹關西
千里壯金湯近看肅敵無多讓遠比希文有耿光昨日形環

演詩拾遺卷一楊文襄

獻圖册雙龍天上捧夢陽日此大題目詩便佳大人難以小知乎

修疆有補更何疑已省防邊數萬師冬口不憂羣小愠一心

惟結九重知終然思去恩常在管取名高福亦隨不用笑談

能却敵姓名元自繫安危

平生勲業半籌邊老去仍都將相權自有胸中兵十萬不勞

門下客三千風霜不改中丞操甲子看登尙父年夢陽日中丞尙父

對天下蒼生方屬望封章莫更乞歸田

遊崆峒山自序

予往年提學陝西凡六過平涼望崆峒之勝而未之
能遊也既遷太常以去頗自悔卯治癸亥奉命來總

馬政行臺在平涼私心自喜若以爲天假之者越四
年始克一遊焉賦詩得三首

鼓吹泠然出半空上方雖遠路能通青龍冉冉歸雲洞碧草

萋萋問道宮萬里關山長作客百年天地忽成翁欲尋仙跡

茫無地古樹殘鴉夕照中歸雲洞名

直上名山最上頭分明人境有瀛洲鳥啼花落歲復歲樹轉

峰環幽更幽舊事人誇翻自笑茲行天假不須求向來赤日

黃塵裏一濯清泉解我憂

一日閒行歷翠微十年心賞恨多違青天阜鶴乘風下古洞

蒼龍帶雨歸林密鳥聲晴聒耳山深嵐氣午沾衣馳驅未了

公家事莫更桃源問是非夢陽日三篇並佳亦是大山身引出大作深山之嵐午猶未消惟入

知之

野營夜作

旌旗行擁萬縱緜玉帳從容坐運籌鬢有二毛因國老心無

一事爲身謀柳營星散沙場夜雁塞風高鼓角秋但得烽烟

無警報書生非是愛封侯夢陽日好詩

送王元愷堯卿

向上功夫合與誰先民遺論重誓龜身心以外元無學風雅

之餘未足詩明道也曾親吏治河汾徒自號人師極知道理

平鋪在時止時行莫更疑

出關 止德丁卯五月致佳謝
初還江南用入關韻

九重優詔許東還行李蕭蕭又出關
塞上風塵新白髮江南松菊舊青山
祇因多病偏成老可是先憂未解顏
若遣身間還復健丹崖翠壁尙能攀
夢陽日前詩以憂國老此又言以多病老所謂易地則皆然

送楊太守還四川提學

讀書讀律兩收功爲吏爲儒道本同
無計南州留召父有緣西蜀得文翁
先聲迴出飛霜外春色都歸化雨中
未學紛紛久彫敝頽波誰障百川東
夢陽日堂

向來學政少全功妙選今非舊格同
作郡循良迨往哲過庭詩禮自而翁
斯文未喪時方泰吾道分明日正中
老我通家

滇詩拾遺 卷二 楊文襄 七
從夙昔送君心逐暮雲東 夢陽日堂

送陶公甫之南昌訓導

碧雲仙路幾升沈苦盡年來抱玉心
齊客叩門無錦瑟燕臺求士有黃金
文章星斗芒終在名教乾坤樂身尋
早聽棟梁棖角詠莫教霜雪上冠簪
夢陽日堂 堂正氣

題竹屏

春風滿坐玉爲屏占斷淇園數畝青
世外一塵無處著夢餘雙眼爲渠醒
影疑鸞鳳空中下聲訝蛟龍雨後聽
回首侯門雲錦障豪華能得幾周星
夢陽日堂

與郭于菴話別二首

相留無計又西東俯仰茫然感慨中
往事君應忘塞馬官情吾已付冥鴻
平生口過心無作老去官貧道未窮
早寄平安三五字莫將懷抱逐秋蓬

猶記門牆問業辰一時桃李羨青春
名成進士還高價官到中臺亦要津
逸足感壯翻窳步畏途風雨正愁人
眼前故舊應全少把酒臨歧莫厭煩

遊金山三首

坐上青臺接淼漫樓臺面面枕高寒
入牕帆影隨潮過兩岸人家隔水看
江有名山成偉觀天將底柱障狂瀾
塵心到此消應盡更欲臨風激碧湍

滇詩拾遺 卷二 楊文襄 七

東望海門連北固渡江形勝更無前
且拋盃酒尋常債來試中冷第一泉
雲破遠峰天際出月明高閣鏡中懸
時清不作乘桴計聊向松蘿臥晚烟

留雲亭上立多時古木滄波繫遠思
南北界分還此水孫張題後豈無詩
風高鷓鴣驚秋早江轉龍門到海遲
三季餘塵夢裏每因登眺覺吾衰
夢陽日三篇 亦復堂堂

正德戊辰四月二十三日被逮詔獄至揚州有作

才薄官高負荷難罪甘縲紲繫南冠
飽經世路危何害細檢平生死亦安
行子共憐鶴髮白老天應鑒寸心丹
向來憂病軀全瘦猶自微吟強進餐

與郭于菴話別二首

一笑

落落長風捲岸沙倦餘行子合歸家詎言正愁市上虎酒影
一笑盃中蛇虵杖閑行隨野鹿看兒默坐數棲鴉向來寵辱
休重問只此優游度歲華

秋興

漠漠歸雲起亂愁思鄉何處仲宣樓關山千里歲月晚風雨
一番天地秋異國烟花驚觸目老年身世入搔頭滄波落木
無窮思慙負平生汗漫游

露下空江白鴈新天涯常是未歸身形容老矣頻看鏡世事
茫然一岸巾知已漸看朋輩少客懷真向僕奴親聞愁賴有

漢詩拾遺

詩消得復恐詩魔解憐人

初四日拜總制陝西之勅越二日雨中渡江

拜勅匆匆便啟行敢因風雨緩王程亦知野性惟邱壑浪說
書生有甲兵西徼纔繼回舊節北山猿鶴負新盟君恩罔極
難報不盡除兇雪恥情

謁西嶽祠

仰止心勞二十年瓣香剛得拜祠前三峰坐奠中原地一柱
能擎西極天自有英靈作雲雨莫隨遺跡問神仙扶桑弱水
真何在便欲成吟愧青賢

喜贈鎮西總戎

聞變提兵不自謀除兇雪恥志全酬衛青出塞空胡暮李愬
街故入蔡州河上始傳元帥令城中爭斬叛臣頭尉閒金印
尋常事鐘鼎勳名取次收

寧夏書事

華戎一統戴昇平何物潢池敢弄兵陸費詔煩人泣下令公
師出虜魂驚陰雲掃盡天終大燐火消餘月正明受命獨斬
來已後敢辭心力為經營

賀蘭設險自天成河水西來半繞城邊墩棄餘多虜警塞屯
荒盡少人耕山前鉦鼓黃雲亂帳下貔貅白日明却恐路人
閑指議登壇還是一書生慶陽日西夏之弊正坐撤廢廢
聞指議登壇還是一書生慶陽日西夏之弊正坐撤廢廢
也耳人不知之安能道之也

漢詩拾遺

聞徵命時已入疏
乞歸休致

勅使將恩下將壇傳車回首是長安葵心自保傾陽舊鶩力
終憐展步難事偶因人慚受賞身兼多病合休官一封倘可
回天聽歸向江頭理釣竿慶陽日句句
吐出肺腑

平涼悼馬政之廢追憶先皇帝成命志感

慟憶先皇臨御日命臣監牧建行臺壯士萬誇兵甲何止
三千頃北地苦緣多事盡弊端紛迷倖門開未遑釐正
空歸去俛首無言聽告哀

再出關用原韻正德庚午十月
勅取馳驛赴京

千里承恩驛召還三邊休戚備相關空騎身跡驅塵海豈有

威名重雪山出塞偶緣隨驥尾入朝初喜識龍顏夢陽曰鹿尾龍顏皆信手拈來更覺精切華峰一柱擎天在仰止徒勞未易攀夢陽曰天自然之語

途中再具疏乞歸

關廷瞻望思依依又寫封章叩瑣闈心欲奮飛身苦病壯思經濟老多遠江湖夢與沙鷗狎風雨愁聞塞鴈歸豈是屢患甘自愛向來筋力不勝衣夢陽曰七言之宛麗者中唐之調也

晴後復雨再作

十日陰無一日晴滿門苔色斷人行潦深空自傷禾稼河挽應難洗甲兵空枕怕移沾濕處隣家驚驟壤垣聲飛茅草

演詩拾遺卷二 楊文襄 干 四八〇〇三

知無數不盡憂時種種情

五月十二日讀關上封事伏候勅旨

紫殿門深午漏遲一封滌血叩丹墀臣言懇懇皆忠憤天意明明合轉移苦矣邊兵猶未解傷哉民力已難支向來無暇憂時念宗廟神靈故有知夢陽曰有補之疏有犯之詩

送楊少卿正夫歸省有序

太常少卿楊君正夫上疏乞歸省其尊甫少保公於新都上念公伯子石齋先生為輔導元臣有不違將父之情而季方之行价代兄事為可其奏且正夫近臣與國大祀又其才器為時屬望方將大受不宜久

滯鄉邑特命官給驛舟蓋榮其歸而速其來也余托交正夫父子兄弟間四十年于茲矣顧方以目疾在告不得躬餞之為賦近體四章為贈兼致起居於公聊效區區通家之義云耳

一日三公顧不違川中人道小蘇歸恩將寶鑑供珍饌舞著宮袍勝綵衣魏闕遠遷依斗望蜀山高不碍雲飛十年一省從今始要見鹿梅四十圍

老仙慈下自優游感福全名取次收閣樹為園多鳳羽天池鷓化有龍頭三槐五桂皆成蔭翠竹黃花正及秋帝遣仙郎暫歸鯉庭嚴訓莫淹留

演詩拾遺卷二 楊文襄 三 四八一〇〇三

君恩予告給官程白日錦衣非夜行蘇轍才名遠伯仲楊修家世本公卿燕雲擁樹闢離興竹笋江魚繫遠情巴蜀似聞羣盜息祇應廟廟有鈞衡夢陽曰雖譽人亦混形跡

太常官府本神仙又挾仙鳧下九天武畧文曹皆譽望舜禋周秩共情虔囊中只帶陳情疏馬上多栽漫興詩留取生平經濟念廟堂公望佇登延夢陽曰四詩並佳妙

承天門候駕是日作

闕闕官扇引爐烟閃閃朱旗簇綵旄馬踏空翻雪起六龍扶輦自天旋舞兼干羽猶存古隊擁貔貅半出邊人道聖心今上帝賡將三百兆豐年

送陳指揮還揚州

黑髮功名正未涯早看金紫照烏紗
身沾雨露逢昭代業有弓裘是故家
天上歸心隨白鴈馬頭秋色載黃花
故園只隔長江水鄉思因君轉更賒

禮成東厚翁先生時先生分獻大明

碧雲仙路許追隨日月分壇並命時
正仰光華能作配極知臨照總無私
聲傳韶雅歌初闋步入高寒下每遲
歸到人間看春色宮花已發萬年枝

劉職方推雲南少參贈別二首

兩雲翻覆故多端自保平生一寸丹
往事閱來如夢覺世途

歷盡見行難百年風教通荒服萬里山川總漢官
桑梓滇南凋敝甚贈君有念切纓冠

送李元伯參史督理陝西茶馬

牧苑茶司次第開祖宗規制亦雄哉
金牌玉篆從天降霧鬣風驟匝地來
萬事總關經濟念一官還稱激揚材
向來封事知多少却見重瞳顧屢回

劉希載南還送別

北上纔瞻尺五天懷歸又向白鷗邊
樓臺亭上人方逐待隱園中榻正照
春水碧連南浦草夜虹晴貫潞河船
明年進我波心事同試中冷第一泉

送徐用礪太守還任

衣冠鄉里幾相知猶記通家自小時
為士只因從政易此心不為作官移
升沈有命安能慣毀譽從人笑不疑
聞說棠陰今滿地他年應有去時思

除文偶吟

尚方曾借斬梟雄歷盡艱危命始通
莫更容心諸口語須有意念人窮居
常不廢吟哦興遇變方知保障功
欲解干將贈君去終教光采貫晴虹

醉後再得一首

六十年來忽已翁兒童猶自笑山公
感今憶昔三生外送舊迎新一夜中
柏葉心情宜老境梅花消息問東風
亦知俄頃為明歲燈火笙歌興未窮

題竹屏卷
為君重誦竹屏詩歷歷冰霜歲屢移
梅月松風盟未冷楚雲湘水慶還疑
豈無俗客真能療縱有浮塵不受緇
日日城中飽粟肉為君重誦竹屏詩

題竹屏卷

為君重誦竹屏詩歷歷冰霜歲屢移
梅月松風盟未冷楚雲湘水慶還疑
豈無俗客真能療縱有浮塵不受緇
日日城中飽粟肉為君重誦竹屏詩

飽粟肉為君重誦竹屏詩

飽粟肉為君重誦竹屏詩
自幸自脫不瘦自幸不瘦

安汝礪訪子待隱園喜而有作二首

素城細雨半泥塗靜掩重扉不受呼候吏忽來傳子到病夫
強起喚兒扶眼看世事多新態道與心期是故吾記取通家
交誼在重遊此會未應孤夢陽日只此便不
可及何必遠取

逸世才華致主身幾年平步入通津諫垣風采爭誇子學士
門牆喜得人汝礪乃漸
戒軒門人芳草碧波隣近別杏花春雨及芳辰

莫教桑梓長留滯聖主方恩獻納臣夢陽日二篇情真
景真句逸調逸

席上用韻贈何生
老去忘機不羨魚病來尋藥未容徐三千里外初停棹四十
年前此下居擲水有源真活活野情隨地自與與何郎亦是

瀟詩拾遺 卷一 楊文襄

清狂客座上詩成解起予夢陽日詩何嘗無理此篇飛躍卓
如而不涉頭巾者化於理者也

仲與立憲長致政家居自寶應訪予鎮江宿丁卯橋莊
舍感今憶昔口占近體二首

病裏幽懷久未開忽傳好語隔江來故人相見翻疑夢往事
無端底用猜老愛閑居多水竹笑看春色在江梅亦知此會

真難得莫使深情伴淺杯費陽日忽與
具會故妙

海內交遊幾是真會將肝膽向斯人兩三世裏通家誼四十
年來異姓親積毀不須驚眾口素心端可質明神如聞秦汴
觀風地道上羣豪尚避塵

把酒論心慰寂寥情多不待尺書招別君尚記庚午歲子正
德庚

午與仲君念我遠過了卯橋浩浩江湖飛綠鷁冥冥風雨入
花朝祇愁會合無多日離恨撩人未易消

提學林君廷元訪予丁卯橋莊話舊

衝風衝雨渡江來病裏逢君眼為開政比陽城甘下考教如
胡瓌故多才太行山外雲千里揚子江心水一杯多少蒼生

思召父甘棠新頌有人裁
閱汪廷器園中遊舊卷偶題

江漢風流已盡吞西遊直欲到崑崙華山立馬看仙掌底柱
鳴橈遶禹門甫里生涯終筆硯子長足跡半乾坤猶懷二十
年前事長史文章卷何存

瀟詩拾遺 卷一 楊文襄

邊汝成白巡撫寧夏羅南京刑部侍郎將赴任便道謁
余鎮江話舊之餘口占二詩為贈因憶已未之冬汝成

宿余丁卯橋莊話別詩甚多抱病以來聰明不逮欲如
目之與已不得俯仰今昔為之慨然白巖司馬汝成

同志友園之必有以教我

病裏詩成手自書重逢又是十年餘已看精力消將盡何止
聰明較不如既去幾回勞遠夢南來聊得慰間居故人之道

吾衰甚猶有微言為起予夢陽日真之又真公見人便領
詞聊斯所以收一世之雄也

錯節盤根試屢新路頭夷險認方真嚼餘冰菓渾忘味夢陽
其歷盡風波有此身南國山川根本地西商才望老

成人白巖會合多高與寄我篇章莫厭頻

閩王堯卿詩文志感

六經文字日中天前豈候型已逸然老去初心嗟我負古來
遺緒待人傳剛風早奮驅頽俗奇氣全收入大篇留取舊時
衣鉢在向人那肯作春妍夢陽日斯篇
氣勝千里

送王堯卿遷終南三首

高臥經年不出郊忽聞佳客過衡茅君才早向青山隱我病
初還白鳥交身逐野雲歸舊隴眼看江柳更新梢盈虛消息
先天數有意相宜問易爻夢陽日二句天機自
然眼中變態萬端
別野容易會君難常流光隔歲看湖北秋風鵬翮遠江南

海詩拾遺卷二 楊文彥

春雨杏花寒食如原靈非闕病跡比陶潛早乘官珍重錦囊
瑤瑟在不逢知已莫輕彈

門臨清渭面南山花柳春來信步看迹者真源籍活活自家
生意這般般舊傳利器藏須密新註遺書補欲完不學商人
高索價知君未改寸心丹夢陽日詩賞瘦
此句之瘦者也

寄林有年御史論武義丞

辛苦生平志未償直排閭閻斗筭筵一官重試牛刀手四海
爭傳佛骨章愁極不禁兼抱病恩深猶喜未投荒君家素老
儀刑在汗簡同留百世芳

憂國憂民念總勞更於文字識賢豪江湖遠道問舟楫霄漢

低飛惜羽毛捧日有心堪入夢哦松無事且揮毫亦知出處

關名教莫漫臨風讀楚騷夢陽日四
句工甚

長安周君少安以進士節推吾鎮江三年矣才操兼美

凡所讞獄多得其情人甚稱之茲考績北上被留被徵
皆所必有恐不能為一郡淹矣其父御史君應文予提
學時見其文藝器識在諸生中出色既登任籍聲名日
起眾期其達到而不壽以歿士論惜之予衰病久謝筆
硯願通家君父子間於其行情不能已為賦二詩贈之
兼以道舊故寓期待云

手持三尺佐分符一郡宛民自此無始信經生能治獄須知

海詩拾遺卷二 楊文彥

良吏是通儒虞廷佇看朝陽鳳渥水會誇汗血駒此去定應
書上考向來清譽滿皇都

當年相馬識而翁駸骨今看子正同才不大施摧折早仁能
有後報施公風神絕足飛黃外心事清冰苦槩中見說邦人
攀戀甚望騎驄馬過江東夢陽日二詩譬之擬
江初導海湧東注

上宮一首

上頭萬瓦碧參差側徑迴廊勢半欹鳥怯高寒棲不定雲歸
香靄出還遲人間福地應輸此物外真游更屬誰歌罷輾然
成一笑下山休問路多歧夢陽日山間樓閣每恨寫之不一
圖矣鳥怯二句狀山之
大壑之深妙之又妙

和張世安韻

山光下接洞中洞雲氣遠浮峰外峰出谷幽泉深送響入林
秋葉半翻紅看來世故祇如此可信名山不易逢却羨留侯
有孫子一編未肯博三公

東卿杭憲副八月間過予丁卯小莊以北行期迫不及
款留擬歸日相叙盼望久之比歸連雨泥淖不蒙再過
而病夫適在山莊又不及知聞之惘然追無及矣良會
之難如此哉鄙詩二章少代晤語兼柬令兒世卿先生
當必有以教我

北上匆匆約會遲歸來猶擬話襟期如何載酒尋詩興恰是

演詩拾遺卷二 楊文襄

天

川上人

題門返棹時山雨蕭蕭寒漏盡江天漠漠凍雲垂梅花已露
春消息好折新枝寄遠思

清尊空對燭花紅山館蒼茫細雨中開徑尚懷三益至論文
那復二難同英才盡入蘇湖教絃誦不殊鄒魯風極目天南
萬餘里倦遊無計逐雲鴻

送錦衣千戶馬汝礪

文才武略兩稱賢名著金吾二十年奉使曾持三度節行囊
不貲一文錢都門早結同鄉誼京口重逢話舊緣公論在人
須柄用丈夫晚操願彌堅費陽日囊無一錢
在武人足為麒麟

與孫廷賢話別三首

小結雲松住近郊故人忽漫過蓬茅二千里外師生義四十

年來父子交名教自應尋孔樂窮通何用卜義交試看千仞

回翔地賈德終歸彩鳳巢

少年英氣逼人來壯氣崔嵬老未灰不信驍關終窘步共憐

氣棟有遺才龍光夜躍張華劍雪影晴浮孺子臺見說苻官

麥化雨滿川桃李為誰栽

師道善法久絕塵泰山孫子更斯人貧甘首宿淡中味靜挹

梅花調裏春舊日朋遊今復幾平生肝膽露全真無言亦是

宣尼教訓說紛紛莫重陳費陽日三篇
宋詩之高者

送鄉進士吳與成還吳中將赴會試

演詩拾遺卷二 楊文襄

天

X.O.I.O.I.I.I.I

老聽明不似初喜逢佳士自東吳誰為陸贄收韓愈已媿
歐公讓大蘇客路春風驚出谷朝陽文采鳳棲梧科名亦足
尋常事珍重平生遠太圖費陽日首句每道之亦自見
傳果如此故開口便及之邪

贈陳家史原習三首

神交僧記昔年會老向江湖更得朋二宋文章清廟瑟兩京
風操玉壺冰君言直與周行重我病餽飽飯能暫會不堪
仍遠別一時情思兩難勝

病起重來侍玉除稜稜風骨壯年如直陳時事張康節不負

平生陸敬輿復恐都人傳奏草漫勞司諫有貽書留君未得

空相憶又是江城細雨餘

高臥滄江七八年，傳雲相望幾茫然。手中五色終華國，囊裏孤桐未絕絳。湯極正懷商，早雨愁多饑憶杞。人天送君更切，望鄉念少蒼生望。慰肩夢陽曰三詩一氣賦周渾渾更渾渾。

興希犬夜話有作

有約相過幸不孤，病翁強起尚須扶。顏容已覺今非昔，形迹都忘子與吾。不遺寸心違素學，曾將隻手障留都。人人解道能藏器，可試盤根錯節無。

贈謝伯一舉人用句

一燈深語坐來溫，寶主東南細雨論。萬古希音遷伐木，七峰明月此開尊。憂如賈誼心應苦，潛比王符論尚存。短棹匆匆

漢詩拾遺卷二楊文廣

留不住，恐因芳草憶王孫。

用韻贈唐子畏解元

丰姿楚玉同溫，往日青蠅事莫論。筆底江山新畫本，閑中風月舊琴尊。清時公是年來定，發解文名海內存。長聽金聲愛詞賦，天台未許獨稱孫。夢陽曰此篇奇作初不讀寤以結句之安也

句容曹御史時範結屋於大茅峰之麓，即陶隱君中館地也。予得造焉，為之賦此。

關莽披榛一徑斜，忽看傑構倚雲涯。誰知異代神仙館，又作清時御史家。坐引青山當戶牖，醉眠白石掃苔花。君才可是真成隱，況復勳名費未華。

希宋按江南，風采凜凜賦吏望。鳳多解印，去傳者或以傳過嚴，然玩情之餘，民無滋甚。不嚴則無以禁奸賊，暴民何所於賴。惟在我者，有以權之不為己甚而已。如心之論君，其有取乎哉。

一從持斧下金鑿，江左蒼生拭目看。肅清風雨酷暑隨車，甘雨慰凋殘。朝廷綱紀須臺察，郡邑澄清仗法官。莫謂過嚴聊假借，一分嚴是一分寬。

權藉江東又一年，動人風采眾爭傳。南山有判誰撓法，白筆無私不避權。世上浮雲驚易變，懷中貞璧保須全。如心舊服宣尼訓，春雨秋霜未肯偏。

漢詩拾遺卷二楊文廣

希宋得代還朝贈別二首

歸采民風奏玉輝，一年舉措共稱宜。爭看綠鳳來儀地，正及飛龍利見時。駉馬心人行尚避，甘棠南國去應思。黑頭事業須珍重，文好自期

城內有豺狼，寸心好似中冷水。一節真成百鍊鋼，定有昌言佐朝政。幾人側耳聽封章。

與鳳山勳別

度支新命屬名臣，上為邦儲下為民。經世正煩華國手，理財須用讀書人。中州時雨當年化，南楚甘棠萬樹春。香漢勳名

公等在老翁江上任垂綸

高希大旨留都司馬召拜天官卿中外士夫以此地屬
望久矣而今始如願聞者稱快北上戒程過鎮江別余
喜慰之餘感舊惜別得詩五首情見乎辭

君年十五謁門牆我亦年纔二紀強歷盡悲歡俱白首別來
風雨又重陽廟堂公望今方慰道德初心故未忘折取黃花
贈君去要從晚節挹餘香夢陽句因重陽生出
結句又實又達又切
天部從容四紀餘直從郎署到尚書君看魚水交歡日正及
雲龍慶會初已向盤根誇利及還從熟路信輕車持盈亦是
吾人事珍重成功寵利居

漢詩拾遺 卷二 揚文襄

望

川次及一三三

銓衡位重古天官風采凝然屬眾觀謾向甘辛諧世味須憑
砥柱障狂瀾山濤啟事才兼錄毛玠柴車化豈難却憶往時
直奏竊至今懷愧未能安

通家兩世託交親往再流年四十春道誼相規猶近古肝腸
可託更何人秋深落水青山盡露下寒江白雁新從此定知
踪跡遠不禁離思欲傷神

衝風衝雨渡長江每為懷人到石涼京國舊遊能有幾尙書
高誼故無雙病來對酒心先醉老去揮毫興未降暫得相過
還承別離歌欲賦不成腔夢陽曰五篇廟堂之
詩送吏部尙書更稱

陸丞相詞用許史韻

大忠卓秩匡山祀明水新嚴故里祠遺恨直從南渡日壯懷
空憶中興時長江巨海英靈在落日顛風義士悲直待我皇
方雪恥腥羶一洗到今茲

諸客飲待隱園假山次韻

江湖容我一綸竿又閱冰霜幾歲寒老去向誇詩力健情多
不放酒盃乾衣冠自擁青雲座鋒穎誰爭白戰壇山下兒童
休拍手醉中天地本來寬

送素翁被徵命入朝

大老歸朝屬眾觀太平魚水正交歡人間走卒知司馬天下
蒼生仰謝安遇主不辭行道晚許身休論濟時難唐虞事業

漢詩拾遺 卷二 揚文襄

望

川次及一三三

經綸了還向滄江理釣竿

素翁將行偶過予家夜宿聯句次韻

今雨何來夜過門逢時無補愧衰歟素絲節苦丹心在白雪
歌寒鐵硯存古道百年君與我書香三世子還孫深情祇在
蒹葭外坐久真看釣石濕溫鈞石前
人未之道

猶記雞壇歃血盟長宵短燭坐頻更豈因憂國偏成老可是
緣詩太癡生霖雨正深天下望雲山還繫別來情白頭事業
須珍重世事於人息近名

潘南山孔修先生自上虞命舟來訪余留數日歸去此
風不見于天下久矣先生高致當于古人求之話間輒

賦詩相投予亦次第和之

兩翁一笑驚相見舊識南山是鉅儒老去望高天下士平生
讀盡世閒書封章早已收形管顏采還應入畫圖同向青山
揮白首醉來吾亦請吾迂

文明泰運自天開和氣光騰出地雷鶴使銜恩溫詔下鵲聲
將喜故人來知君夙抱匡時畧老我原非濟世才高臥滄江
心事足朝堂歌詠自康哉

一別居然二紀餘莫年深造定何如敢為臣子難為事曾著
前賢未著書命駕肯辭千里遠交神誰道故人疏相逢不作
三秋歎喜有微言為起予

漁詩拾遺 卷一 楊文襄

焦山佳處亭次石上舊詩韻

浪打雲霧此石在梵宮燈火共晨昏江山吳楚遠墟圻風雨
蛟龍不受吞望遠欲招東海鶴閒居聊慰北山猿祇應佳處
神能護蝕盡蒼苔尙露根

丁卯山莊東南山先生一首引治初年先生常上疏請
復通喪乃百年所無之正論也晚年深居累薦未起大
肆力於羣經補遺訂誤有功吾道良多此二事先生大
節故詩中及之若政事之優學識之富制作之工皆其
餘事不暇論也

平生海內無真識初見南山眼便青萬古綱常歸一疏半生

辛苦在羣經舟從綠野開時過調向朱絃絕後聽擬逐雲龍
相上下共將心事付蒼冥

善卷洞

飛屨靈虛露坐嵌造物何年為啟緘明月下窺仙子窟白雲
深護隱君巖筍垂玉柱靈根闕壁幻丹邱怪石鏡巖巖來遊
吾不厭路間荆棘情僧甚

一竇通明設象多兩泉深注繞陂陀乘流賃怕迷舟路看局
虛疑爛斧柯龍叟帶雲歸絕澗鶴仙隨月下平莎幽人只隔
烟蘿外可聽移家結社麼

贈毛用成給事

漁詩拾遺 卷二 楊文襄

兩京司諫屬時名曾有昌言補盛平直遣荆公屈明道肯教
韓子論陽城王程不盡淹留與友道從探贈別情却憶碧雞
山下路一尊遺為故人傾

殷石溪遷居用伍松月都憲韻二首

舊居忽更移新里近市分明是遠林屋外清風修竹淨池邊
紅雨落花深壯懷不作書空歎野興聊為抱膝吟白下諸山
應咫尺不妨多暇自幽尋

君才何止擅詞章冰蘂聲華舊有光問字早呼揚孑宅結廬
今比鄭公鄉柳風桐月隨時樂詩卷棋枰伴日長如此年華
容易度鬢毛未許上秋霜

嘉靖四年正月二十四日臣一清抱疴林下不意謬以
廷臣論薦承恩命起督師西征自度衰病不能負荷上
疏辭免既而使者齎勅符旗牌關防及欵賞白金文綺
俱至強起奉迎作詩志感

煌煌玉節引旌旄紫鳳銜書下碧霄心似老葵終抱赤身如
朽木恐難雕已無妙算紆邊計只合閒居伴野樵想疏定知
回帝聽移文休待北山招

辭免不允温旨褒答有卿素以體國自許諒不在趙充
國馬援之下之諭強起力疾趨裝再賦一首

西北風塵帝顧多老臣承詔出巖阿便宜欲上趙國嬰鏢
漢詩拾遺卷二 楊文襄

還非馬伏波十乘戎行新節鉞三邊精采舊關河極知君命
如山重感激渾忘兩鬢皤慶陽日此篇雄渾天成子美見之
當監降旗也氣概又氣概不必田
兵眼申無
旬如矣

巡撫吳都憲受詔敦迫上道設祖晏予席上有詩次韻
答之

部將門生半已翁衰齡還復起臨戎百年氣運時方泰萬里
雲霄日正中出入敢云均將相姓名深媿自兒童相知莫謾
勤推轂廊廟經綸有鉅公慶陽日亦是大
作韻如自出

予先年總制陝西謝病歸江南宿鄭州察院有詩題壁
間人蓋不知爲予作也比再起西征壁間詩猶在今過

求之壁新加泥飾詩不存矣默憶舊韻賦得一首
伏鉞還從此地過故鄉南望幾闕河風塵在再途應熟出入
均勞歲已多旆擁織文先十乘飄揮白雪掃羣魔烟霞已負
山靈約欲報君恩奈老何唐鵬曰有餘
情且有餘嘗

望西嶽
萬朵芙蓉鎖翠烟紫巖千仞入層巔扶桑弱水蒼茫外積石
龍門指顧前獨望丹梯懷捧日浪傳仙掌可擎天幹旋造化
須神力早爲蒼生解倒懸慶陽日此詩前一聯
是登後一聯是望

華州謁汾陽王祠比歲公卿臺諫齒及老朽姓名或以
汾陽相擬茲奉命節制諸軍於陝西祇謁王祠下不覺
漢詩拾遺卷二 楊文襄

自媿口占一詩
一木能支大厦顛令公忠義可回天威行朔漠三千里身繫
安危二十年直以丹心扶日月長將赤手障風烟向來薦剡
虛相擬追憶遺功獨赧然

賀萬壽節後詣文廟行丁祭禮有述
環珮趨鏘肅漢儀邊城五夜漏聲遲請看玉振金聲地正及
鸞鳴鸞舞時四海文明符泰運萬年吾道際昌期不隨百辟
歌天保聊效封人獻祝詞慶陽日
大作

九月二十四日諸將官破賊獻軍門予與巡撫王都
憲共舉犒賞之典用曹黃門所寄詩韻一首

偏師薄伐虜心寒露布朝騰遠近歡
早向軍門傳將令不教時輩笑
儒酸西風落木山容淨白草黃沙
雁影單更喜中丞新駐節滿城花
鼓詭奇觀夢陽曰此詩句却不用單字生前少用

花馬池官廳壁間有海山王公詩次韻一首

萬籟沈沈乍有無中天寒月半輪
孤戍邊甲士和霜臥山塞將軍藉
草鋪白骨不銷千載恨金城誰獻
萬全圖旃裘遠遁烽烟息不信茲
行是畏途夢陽曰平正英雄

固原重葺鐘鼓樓樓當城之中央
俯視四境予為題之曰鎮西賦得
三律然未足以盡樓之勝也

西閣風高鼓角雄南來形勝倚陞
岫青圍睥睨諸山繞綠引瀟詩拾遺
卷一揚文樓

潺湲一水通擊壤有歌農事足折
衝多暇廣塵空登樓不盡籌邊意
渺渺龍沙一望中

設險真成虎豹關層樓百尺枕高
寒重城列戍通三鎮萬葉綠雲俯
六盤絃誦早聞周禮樂羌戎今著
漢衣冠分符授鏡知多少誰有勳
名後代看

千里關河入望微四山烟樹翠成
圍兼葭淺水孤鴻盡首宿秋風萬
馬肥聖主不教勤遠畧書生敢謂
識戎機狂兒已撒肯廬遁體國初
心幸不違夢陽曰三篇皆大

中牟公館與獻吉提學話舊用前所寄詩韻

遠從西嶠越南裝忽得君詩抵夜
光門外尚懸貔虎節夢中

先著菱荷裝宦情久與禪機寂世
味惟應蔗境長三十年前會讓子
知言竊比宋歐陽

十二月初十日有旨念臣一清拜
起艱難免其朝參只在內閣辦事
志感一首

聞道免朝新命下帝憐老病佞朝
寒許身尚覺鷹揚健稽首翻愁虎
拜難兩鬢早驚衰後白一心長抱
少時丹已無尺寸酬明主更沐殊
恩敢自安

送大司空趙西峰歸廬陵
臨民不久更臨戎學在春秋一部
中周雅舊歌戎有翰舜廷新命若
予工明農帝已嘉誠款真退吾方
走下風好等西峰

瀟詩拾遺卷一揚文樓
元

峰上月清光留取照丹衷
哭林見素先生

丹陽古渡日初陰送別臨歧兩不禁
萬種閒愁三日話一料清淚百年心
嘉靖癸未之秋見素得告致仕過鎮江留宿三日予送之丹陽道中日暮而別琴亡尚
覺遺音在瀾倒方驚砥柱深一自向
方會借劍英風凜凜到於今

四朝勳業萬夫雄海內人人仰素
翁佛骨燒來韓吏部淫祠毀盡狄
梁公同心話憶金蘭舊異姓家憐
骨肉通亦有生芻何處奠祇憑詩
句寫哀衷

新春自述二首

嘉靖四年今八年病翁一出久妨賢應憐齒髮全非我何止
聰明不似前臺省同朝無舊侶門牆多士盡華顛從頭檢點
平生事祇恐中心或媿天

七十六年衰病叟四千餘里未歸身一邱一壑本自足旅進
旅退非吾真寸心未敢負天地垂老豈知逢聖神笑看春草
又新綠歲晚相對惟松筠

送大司馬靜庵胡公得請致仕還鄉二首

中朝司馬去何之病得歸閒荷主知志本無私甘自默言常
過激任人嗔官登極品家如水憂在蒼生髮有絲我老未歸
君早退江雲回首動遐思

演詩拾遺卷二 楊文舉

單

川上川。一川上

南入炎荒毒霧深東來絕塞苦寒侵一生不作脂韋態萬死
難移鐵石心曾聽高山鶯古調更從烈火試兼金年來已覺
同遊盡欲賦驪歌恐不禁

致仕出城途次口占

北風吹土黯衣裳久客懷歸意渺茫六十年來三致仕四千
里外七還鄉予自中書謝告南歸歷官中外至是凡七歸鎮江云君臣義重真難報天
地恩深敢暫忘遙想家園籬下菊清香不改舊時黃

紅白葵

宮粧豔相競霓舞紛駢羅芳姿不入賞人情輕所多此篇調
古句古意占
唐以圭之作

白水江舟中

小舟無恙坐通河把酒長吟未覺疲日好
麻馬踏春冰康海

康泉

山腰飛瀑與雲平日堂
不飲誰應瘦康海

壽桃花

拾記看花賦酒回一年一度向人開春風本是無私物何必
玄都觀裏栽康海

興隆寺

三日興隆寺裏齋彩幢綵繞覆天街過門不敢長驅馬上有
君王萬歲牌康海

畫馬四首

世上孫陽不易逢千金浪說馬羣空豈知聖電追風足不在
驢黃花社中

天驕牧馬大河邊二載玉師未就龍豹束龍驤三萬四將軍

宿徐州

寶樹聲嚴院繪深一燈無語夜沈沈多情自是留前月照見
平生鐵石心

五月十八日入京師時已得旨驛候在外病中言懷

句十首

青天極目浩漫漫 高鳥鳴雲意自閒 回首關山戎馬地 丹心

羸髮毛斑

天近從知易得春 病中情思夢中身 連章莫道承恩晚 猶有

圖扉未脫人

生平直道任人嘲 自倚青天白日知 不是流言真可畏 紙絲

才薄負明時

晚蠅雜感而飛

白羽風多不住 蠅狂帶夜蚊 飛病多血肉 無多在何物

溘詩拾遺

營營未息機

書夢

生來無計答乾坤 一飯從知是帝恩 怪底夜月眠不穩 夢中

猶自叩天關

舊扇

千年用舍一行藏 此道分明自日光 不是秋風多藥物 人心

元自

直河之水直如絃 亦復千年在道邊 緝使封侯真可信 不將

一曲受人憐

渡江十首

心驚詭眼淚皆完 壁歸來是帝恩 不用臨風傷往事 餘生

何以答乾坤

巖花萬點麗神州 翻遣茲行作勝游 歸到故鄉看物色 青山

依舊沈江流

廣墜冉冉路漫漫 一笑渡江天地寬 合遣蒼頭持短刺 遍投

親友說平安

江頭如聽可人招 鼓柁放歌歌沈寥 秋色滿船月皎皎 水聲

入樹風蕭蕭

世故攬人西復東 園花開遍幾番紅 從今老子都無事 江上

尋詩滿袖風

五十五年知昨非 北山心事悵多違 自慚不及沙頭鳥 春去

秋來舊處飛

手提交柄復兵權 說著平生一莞然 老去不尋方外事 睡烟

驪月是餘年

只合烟波把釣竿 虛名偶爾博高官 多情江上團團月 猶照

當年首藉盤

玉闌人老貂裘敝 白雪歌寒鐵硯存 已辨輕車隨款段 尋幽

日白水西村

尊休放酒盃 空報答江頭 拂面風故舊 相迎莫深問 人生

半醉半醒中

藥欄漫興

好花開遍故園春
猶踏長安陌上塵
我正憶花花笑我
幾時歸作灌花人

後堂葵花

錦標高簇翠房深
日向騎陽露寸心
不是花神甘附熱
要從烈火試真金

佳翁以所書蜀道難詩卷見贈夜間偶取松雪書言份觀
蘇軾本願而有作

誦仙文字古今才對卷分明
劔閣開合有神靈為詞護
夜深

風雨霎時來費陽日華
落驚風雨

慈絕曉巖勢欲摧
白詩公字兩奇哉
宋代王孫元學士只將

姿嬌寫崔嵬要陽日許
越書太過

得東山翁書病不能答口占絕句寄意

一臥空齋兩月餘
聖恩未許賦歸與
錦衣肉食渾無補
慚負

江東舊草廬

題畫一首

江南無慮無幽棲
拄杖獨往窮攀躋
莫教迷却歸時路
春雨

夜漲桃花溪慶陽日
感唐

和西涯先生漫興

日日蓬門為客開
兒童熟客不須猜
底事東風亦愛客
當筵

時送落花來費陽
日杜

曲巷回廊隔市聲
花徑不掃莓苔平
多情山鳥解人意
何處飛來時一鳴
費陽
日杜

西莊果實太未稀
房山鯽魚也自肥
一般風味足可樂
何必故鄉方是歸費陽
日杜

聞君抱病掩柴門
數月不出城西村
願得太平風日好
浮生何地不乾坤費陽
日杜

見素得乃子達進士報有詩示達予為次韻寄之
極知為學是為山
九似工夫莫放閒
俯仰乾坤如許大
只留

些子在中閒

老覺閒中歲月遲
春花秋日總相宜
一元氣數今何世
欲起

幾皇一問之

見素臨澹亭次韻
幾載馳驅蜀道長
聖恩今許老耕桑
人來物色知何處
不在

山嶽歸水鄉

白日清尊引興長
蕭然風致古柴桑
孤雲野鶴亦有意
伴我

頽然大醉鄉

生 歸來頗頗長
與勤耕耨女穠桑
但教俯仰都無累
便去

神仙不老鄉費陽日斯亦
伯平之敘也

神仙不老鄉

閱王堯卿所著天地正氣編有作

下履坤輿上戴天君臣大義日星懸要將赤手扶人極請看
山人正氣編

正氣生來本浩然養成金石故能穿不然萬折狂瀾裏一柱
安能挽逝川

把筆慚為諸世文直從魯史究皇墳不收功業收忠義扶植
綱常意獨勤夢陽曰三篇非本色語然此等論說不可無也

古者自王宮國都以至閭巷莫不有學今庠序徧天下
而鄉學之制多忽而不講蒙養弗端有以也才不古若

實基於此吾滇南毛給事用成家居時慨然有志風化
漢詩拾遺 卷二 楊文襄 哭 四八〇下

嘗市城中地建書院延請明師以教鄉人子弟而躬督
勸之甚感舉也過鎮江以質于予予謂書院古有之而

今不敷數見用成之意蓋欲端本澄源以為成德達才
之地此可與知者道耳為名之曰養正且賦四絕句以

遺鄉之人俾知所趨向云
玉化千年跡已微後來蒙養教全非知君有意敦風教末學
從今得指歸

聖朝庠校徧寰中鄉社濟資養正功讀罷詩書還習禮此心
何止發蒙童

一簣无來九仞基升高行遠在人為吾鄉無限民間秀不用

擔簞自得師

上達工夫子細探莫將實理付空談要知作聖希賢意小學
分明是指南夢陽曰四篇可與白鹿學規參看有前之經也

題畫送謝梅岐歸閩
有足不踏風塵車有手不草封禪書茫茫天地誰知已還指

梅花是故廬夢陽曰宋調
風頓止江波鏡平喜賦

積雨顛風忽放晴日華高射令旗明江神解助天心願約束
魚龍不敢驚夢陽曰神妙之算將驅役鬼神乎

千葉丹
漢詩拾遺 卷二 楊文襄 哭 四八一上

世人看花愛千葉我愛葉多心不多留取傾陽方寸在不然
無奈此葵何唐鵬曰公平生只此心耳

破虜謠 有序
嘉靖四年八月十八日大虜在莊浪以數百騎浮渡

黃河入靖虜地方河外賊聯營劄立意在探我道路
窺我虛實將與套賊合謀入寇靖虜將官出兵禦之

斬其先鋒一人報至固原督府發兵追勦賊見兵至
伏山谷間兩日夜人馬饑乏乃鼓譟而出我兵追之

不敢逆戰經寧夏界上虜居人丁畜由鹽池石溝中
空以出將遣歸套中督府先是已布置諸軍於各路

按伏蓋防套賊入境不虞寇自內出檄李夏諸軍合
兵追勦賊迎戰數十合多所斬獲賊既不得逞乃委
其所掠并所用馬器以遁至邊牆邊兵過之不得出
斬首數級賊無計率其輕騎復奔腹裏將由舊路以
渡我兵追及迎戰敗走又斬首數級驅至河爭浮渡
河漲胥陷沒焉尚有六騎達西岸去賊僵屍澗谷墮
崖墜以死者多馬匹死傷枕藉道路諸軍既罷散猶
有十騎奔至邊牆棄其馬匹械器緣牆而出蓋自是
花馬池定邊營牆外數百里無復賊蹤矣諸將恐其
報復未敢擊兵然此田中之禽占利轉執非貪功好

漢詩拾遺

卷一 揚文襄

哭

四八〇一〇

殺者比當无咎乃采邊人之語為破虜論

大呼陷陣殺聲雄不見羣兒在眼中砲火雷飛箭星落回頭
一霎虜塵空

沙場塵蔽月昏黃夜色慘淡星無光明早韓門報功次將軍
親驗血衣裳

將軍威武不可當千騎萬騎皆騰驤會須踏破天山缺淨洗
腥膻復故疆

白旆中央西出關三千鐵騎盡歡顏大將端居若無事但聞
人唱凱歌還

巡邊偶吟

老將臨戎古有之周家方叔唐子儀不聞七十章逢叟來總
熊熊百萬師

年年此地遭狂虜今日巡行是坦途極目龍沙千百里拏無
一騎踏平蕪

韓公道跡不須問范老經營說到今今代輿圖非弱宋良工
獨苦是誰心夢陽曰此首是杜格

浴泉二絕句

平生巾屐本無塵我有盤銘不離身道上黃塵千萬斛一湯
浴得幾時新

雲質淙淙空復深開元家恥到於今爭似箕山洗耳水能洗

漢詩拾遺

卷一 揚文襄

哭

四八〇一〇

世人名利心唐鵬曰濂洛風雅自別

明

李元陽詩二百一十五首

按中溪先生以嘉靖丙戌進士改庶吉士出知江陰縣擢御史巡按福建知荊州府拔江陵張居正於童試厥後居正當國功高勢赫先生乃招其幼子入滇居正敗幼子獲全人服中溪有先見焉詩略稱其致仕後精研理學與羅念菴王龍溪等相印可予觀其文集乃知中溪之講學合佛老而言之者也其詩亦然今太和人相傳中溪乃仙去雖不足信然誦其詩

知其人自是身有仙骨者予嘗謂蘭芷菴大儒也人以爲仙李中溪神仙也人以爲儒惡足爲定論止菴之詩曰彼哉說甚大羅仙中溪之詩曰烟霞有分望神仙只此二語可見兩先生之興趣矣錄中溪詩既訖偶有所感遂書之陳樂昌記

漢詩拾遺卷三

昆明陳樂昌小圃氏輯

李元陽

字仁甫太和人世稱中溪先生袁氏明詩畧選其詩五十首予訪先輩遺書老友大理周履爲搜得中溪集稿抄本全部欲刻之而力有未逮乃於詩畧外更選其詩二百一十五首

泛洱水

柳青春已半曉日初曛
臨洱波三萬頃輕舟泛長風
琉璃瀉萬古瀾氣開鴻濛風恬水無波
一鏡涵虛空澄明萬象麗照耀金銀宮中流棹謳發心與境俱融
雪嶺玉麟幽影搖尊酒中明君邁三五賢哲登三公
迂疎得自適海窟尋漁翁東風吹岸花蒲帆逗芳叢
手綰碧樹枝目送高飛鴻憶昔此水涯

漢詩拾遺

卷三 李中溪

建立多英雄浩歌一洒淚天地無終窮

書軒言懷

書軒朝獨坐悲號填戶屢開門一借問三姬垂涕淚夫兒在困囹旬日食無糜官輸無適欠樵薪與織箕生理望斗儲垂白身無資昨因名望誤牽引至縣據訟庭何紛喧不辨公與私獄吏來索錢單衣爲所褫田農不入城豈知官府危手足刑傷痛魂魄不自支罰銀須白金生來未見之老父死溝壑兩兒並瘡痍宛轉寃抑中側聞仁者慈言畢氣欲盡使我心

肝摧與老杜石壕吏諸詩同一悽惻

曉樓

樓開萬木秒疎雨滴梧桐清曉正寥闐扣門披褐翁睡睡飛
短髮烟烟暈雙瞳倚倚山水氣澹澹無懷風長跪謁名言旨
哉真刮膏養皇一畫上屈子九歌中妙義難爲述至精千聖
通轉盼不知處微言未及終此與下一首俱所謂詩雜

塔坪書所遇

嘉靖辛丑秋故交三五聚置酒最高臺招予及初度飲酣各
解襟散倚長松樹予從塔背行忽值雙童孺年可十二三向
予稱風慕一人前執壺一人持盞哺意氣如老人頗不拘禮
數歌吟五七言如偈又如賦不解所說何兩袖翻雲霧飛舞
下重臺宛若鸞鸞捷疾不可追一往無回顧渺渺秋原中

沈詩拾遺

卷三 李中溪

目極莽迥互悵望無處尋恍若夢中遇

送徐一往江南憑祭故人唐陳一內翰墓

悠悠大江南白蘋有餘悲毘陵唐荆川山陰陳約之在京結
詩會一別長文離獨坐發孤詠迢迢勤遠思林墳久寂寞秋
草汨靈芝饒彼蒙翳繁鬢髮因君寄愁什平生心所
知物情迭代謝逝者長如斯希音不再得白雲空有期送君
雙玉壺清瑩照漣漣漪漪多淡毛芬芳有餘姿手自攬邊寶
供養陳哀詞俯仰天宇中生沒懸遲遲鈞有不死神萬古常
相隨未云雖死而有不死者存
是慰死友語亦是自負語

訪王山人寫經寺中

曉出蒼山門駕言訪靜者白雲橫山腰叢薄擁蘭若門前綠
甸合除際風瀉瀉松竹碧氤氳撲面清陰洒繩床露頂卧那
復有宋夏王生本兵家寫經借精舍粗糲有餘甘所嘆同心
寡吾生有微尙愛爾欲結社永從寰外遊采芝動盈把安能
役人間老死紅塵下先生去官歸後頗究心於
佛書道藏讀其詩自見

陽南寺

問路陽南谿谿深偶樵牧僕夫倦張蓋步步捫蘿竹歇馬坐
雲涼有石如方斛紺宮知不遠理策穿山麓鱗鱗起萬松蒼
然滿空谷積燦萬花巖一步屢移目厨通百節泉引水剝雲
腹呼瓢已復酌欲去還重掬龍湫在其南陰陰春霧落蒼存

沈詩拾遺

卷三 李中溪

三

靈鷲谷不必瞿曇築經閣延客談禪床伴僧宿主人金紫榮
薦豆烹山蕨草蔓開腴田堪足供饘粥詎望福田酬謀生終
碌碌以我觀世間豪華如轉軸何如移家來住此丹霞曲世
界忽如遺無煩更追逐

除夜荅宏山前輩韻餉梅蘭

梅蘭有奇葩抱香寒未吐持此太極根致之君之撫栽植會
幾時條幹候已古再再何華滋葉葉春可數獻節啟新芳青
帝爵爲主弄笛香桓伊揮琴憶尼父日暮有佳人歲寒心獨
苦

結構精藍與碧潭清上人

身退已十載，迥與塵網離。居處愛泉石，結交必僧羅。舍舍得借，夙所思精。藍閣墜脩築，綿歲時初完。一畝宮連延，千步墀。壬寅歲，經始三紀，以爲期不求。丹牖麗自覺，山水宜位置。隨高下，樓臺互蔽虧。秀峰排錯愕，碧海漾漣漪。手植千株松，今生老龍皮。拄杖到松下，頗與存歿悲。天地有否終，萬物兼感衰。人生百年間，營營空爾爲。古來賢達士，至死不攢眉。顧惟拙鈍性，豈識歧路歧。聊其會心侶，對坐尋希夷。事忘心豈得，理至境全遺。猶懷穿石松，霜骨何確奇。永願幽人護長存，蒼雪姿。

仙山聖泉

漢詩拾遺卷三 李中漢

四 X O O

岩頭一掬水，芳冽迸石骨。不汲亦不盈，敷汲亦不竭。終古常湛然，可以鑿毛髮。惜不當四衢，悠悠奈道暵。一鍾吾已歸，虛映空山月。老

同能武選南沙遊銀山鐵壁

銀山無草樹，鐵壁有岩阿。昔時鄧陰峯，起騰解世羅。好奇熊武選，其戎登坡陀。馬蹄休亂石，欵段宜吟哦。解鞍逢虎圈，走卒指熊窩。所經多險巖，信宿聞婆娑。道場久寂寞，空有萬僧鍋。夜投八角堂，老杉供撫摩。巖從高頂邁，穿竹亦捫蘿。力倦倚棋局，啣杯樓短莎。罔眷若繩細，着足愁偏頗。傍臨千仞壑，未度髮先皤。又號閻王鼻，惟堪飛鳥過。能君神宇定，疾步上

1000011

陸賊我亦往，從之層巔起。浩歌壯望長，城外營壘小。虫窠俯視黃花鎮，旗幟如飛蛾。胡雲千里黑，砂磧萬重多。邊將長披甲，老兵行荷戈。單于十萬騎，昨夜渡交河。聞之心慘惻，山下已吹靡。悠悠天壤間，羣動將如何。遊山詩末段忽以兵警作收大奇

方茅辭官空囊歸里因以免墟別墅贈之

隔鄉舊置墅，春作動携鋤。刈穫便養媪，嗚呼無里胥。當年禾稻熟，釀酒兼著菹。發饗亦已足，那復顧其餘。有客尚高潔，掛冠時塞歸。家徒四壁立，幼穉啼饑虛。損餘補不足，天道均乘除。以茲持券贈，爲子歲寒儲。周之亦可愛，此誼古所於。安得復并制，人人有田廬。相看一太息，塵世嗟迂踈。高

漢詩拾遺卷三 李中漢

五 X O X

溪山逢道士

別廬近溪水，白石不藏魚。空把一釣竿，山下送居諸。道人忽見訪，貽我一編書。上篇闡黃蘗，下部演真如。拋竿迷出處，居然返太初。公學兼老佛於益益信

閑詠

灰心不待老，世味久已泊。未遂向平謀，徒然念邱壑。幸存朝露身，了却妻兒約。暮景隣八旬，髮稀牙齒落。回首曲江春，少日渾如昨。屈指五十年，何殊石火灼。前去能幾何，無事仍籌度。明日投白雲，翻飛逐孤鶴。昔所宗無生，倘能託

同諸人渡榆水上雞足山大頂

乘輿訪名山發棹榆河涘蘭舟辭碧波躍浪看鱣鮪鬼目青
官槐已到東山趾舍舟理輕策馬足隨雲起長薄帶斜陽天
喬嶽如綺岑岫相盤旋岩壑互填委石氣何悽悽冷豔紛紅
紫既歷九重岩亦歎曹溪水突見華首門下拜斯為美古松
千尺強馬遠畫中似檜枝如建纛半被雷火死排空羅漢壁
嵌洞援藤藟榻榻真處岩傾不可履直吐豹林幽中有隱
君子九鼓石如鍊隕星何代始掘山得斷碑土深三尺底上
有蠶篆文依稀睹壬癸天王托馬蹄此句誰為理吁嗟大化
中陵谷有成敗躋陟迦葉祠僧堂聊徙倚老僧為我言一事
真奇詭三更鐘自鳴今日公來止山靈應愛客着履留行李

澗詩拾遺卷三 李中溪

六

大頂上青霄雙眸千萬里西去盡天竺旁觀窮地紀宇宙無
終畢浩歌吾老矣老當似少陵

築臺松杉壁上刻劉顧二公詩

置酒廣原上雲烟萬里開揮毫來飽謝襟度何窺鬼宇內多
名勝皆由哲匠才經營不惜費丹漆變嵩萊顧予衰鈍質尾
驥策驛驛建立三十年長松手所培皮如老龍鱗聲如架壑
雷於茲萬木杪更築纓江臺碧波橫匹練綠野絕纖埃瞬息
百年過古人安在哉此與七古中昇真觀一篇皆見公經營不惜費處

石溪草堂新成寄順慶任內翰忠齋

松岡高下居實藉石門勝綠籜苞初筴蒼苔滿幽徑菰蒲

方池蘿葛牽迴磴陰壑雲未開黏花露猶淨飛泉灑薜蘿隔
澗聞鐘磬細憶支許流風同湖海興多歧非所要千里合相
應理至境不垂心冥天自定願持孤月輪以之為子贈

尋溪至石困野酌

一逕入幽谷水石青磷磷跨水亦踏石仰見高嶙峋山勢互
迴抱忽逢巖石困石因何代物中貌清溪神薌膏所稼穡伏
應走村民草階餘竄瓦苔壁無飛塵谷中好鳥鳴嘉樹何蒼
蒼襟煩澗似玉力倦草如茵溪迴盤石穩陰護綠莎新青蒼
自不渴况有一壺醕那我一三客尋溪及暮春烹茶就石瀨
煮酒拾荆薪是日風氣和溪雲亦成輪客醉各解散各隨心

澗詩拾遺卷三 李中溪

七

川上

所親或向谷長嘯或起舞蹲踞傲然如有得無復冠與巾日
落山溪去月掛東城闕

溪居寄升菴

山頭樹若蒼山麓迴溪細岡隴自盤旋日夕聞鸚鵡重水復
重山此中堪避世佳人殊未來老却山中桂

望西山

室廬在城郭屋上見青山終日西簷坐青山相對閒溪壑有
餘思崑嶸秀可攀白雪聚復散往往縈松鬢中有隱君子千
歲留紅顏何當畢婚嫁與君相往還

葉榆水

碧練引長江，滙此蒼山裔。鴻濛混太虛，泱泱播光霽。北來派
何洪，西奔流乃細。白浪疑鼉鳴，驚濤訝鷗逝。淵遠觀神龍，春
秋膺郡祭。寶藏秘蛟宮，玉螺伴金鱗。二物水府珍，傳來自書
契。祥光時燭天，嗟為妖所閉。八月秋半分，高空聞鶴唳。海君
獻珊瑚，至精通上帝。晦雲鵬翼垂，卷黑如蠹崩。浪高拍天
湧，沸如山。勢有時水不波，皎鏡無纖翳。變態倏忽間，遊人愁
鼓柁。四洲還逶迤，三島亦迢遞。水怪隱蟠螭，山精藏薜荔。舟
商拜水祠，漁父家沙泖。漢號昆明池，武皇思帶礪。水戰習未
終，華夷已聯綴。經營蜀孔明，卜立隋萬歲。唐代多誅求，貪吏
因為戾。九重遠不聞，喪師應萬計。宋畫大漕南，驅塲毓成殤。

演詩拾遺 卷三 李中溪 八

世祖作前驅，高皇有平世。只今古戰場，漁釣何濛濛。陰鬼未
全消，颯風時作厲。寥寥千載間，民勞迭興替。天宇常澄然，誰
能復流涕。前段極寫洱海之奇，後段俯仰古今與會淋漓，可謂煌煌大作。

冬夜

漫漫冬夜長，熒熒孤燭光。山人自無寐，况棲脩竹房。脩竹夜
浙瀝，瀟灑吟寒聲。朗月照戶庭，鳴泉歸故塘。別葉棄寒風，餘
芳萎嚴霜。東壁正中昏，振衣起旁皇。旁皇豈有他，望道吁升
堂。悠悠歲云暮，遐哉猶面牆。寸陰與彈指，久近不可量。千古
在須臾，安得不愁傷。望道未見來日苦短，得古人短歌行之意。

園梅客集時大風吹落嘆而有述

梅花欲開時，朝看暹暮視。輪則一朶開，便以彩紅識。呼酒酌
花神，但愁風雨至。今年花信遲，青陽未穿地。冬至梅無花，不
得伴花醉。梅老花始繁，寒香撲人鼻。走簡招賓朋，共來花下
戲。含毫有士人，載酒無豪吏。權賞未終朝，狂風忽為祟。墜草
與飄英，紛飛隨蝶翅。為覆掌中杯，寒空久凝思。梅知忍雪霜，
不占陽和利。嗟哉遲暮姿，為風所忌節。士在朝堂誰為稱，
嫵媚濩落山谷中。甘同樗櫟棄，物理固如斯。何用悲柴悴。

送趙參軍

作官不致仕，只說俸錢少。形役年復年，錢充身已老。齒墮雙
眸昏，萬事皆草草。僂僂接客牘，日成煩惱智。趙參軍賢

能會上考，歛聞報罷時。照鏡頭未皓，欣然為我言。故園泉石
好，從今別翁去。雲月恣幽討，傷心名利途。不知身是寶，回首
百感生。掛冠苦不早，我愛參軍言。去矣勿復道，君歸有餘閒。
應言良自保。

送朱龍灣憲伯

昆明池頭儼駟馬，萬里邊城鎮無事。龍灣先生閒世豪，來作
碧雞金馬使。腰間寶劍七星文，腹裏珠胎五經笥。筆鋒落紙
風雲生，四座詞人皆左避。去年別我梅花前，酒爐未熱輟車
旋。乃知鵬鷗不相及，江頭佇望空雲天。昨日人來訊行止，聞
君謁帝明光裏。捧表長瞻北斗行，取道還經浙江隄。自料相

蓬未有期髮邊白髮已成絲
嚴局岑寂誰相問若遇淺魚登
寄詩前半寫素英之態
後半寫纏綿之情

月潭書院

東陵寺邊莎草香松蘿杳杳垂雲房
殿陰潭上得石徑斷岩
飛落青霄旁無乃天地混沌初
兔鳥碎嚼金琳琅哈呀雲烟
故多態翠鬢碧鈿紛紛相將
珊瑚石瀨下雲壑六月坐午秋堂
涼頓令遊子心翻然悲故鄉
十九溪聲尚在耳安能悠悠歧
路長神似
昌谷

相逢行喜吳學憲見訪

戊子腊月當除夕與君共食天津餽
壬辰三月在長安馬上

演詩拾遺卷三 李中興

十

相逢垂柳陌君不見太行直上三萬尺
與君風概誰能擇意
氣相看天地間江湖一生當作客
聚散升沉賦去來三逕邁
門午未開劍浦雌雄終有合天涯
今日見君來新醅初澄清
如水細鱗釣得蘭津裏夜深且盡
堂中杯別後空傳書尺咫

酬友人貽鯨石

韓君贈石勢如舞跋浪鯨魚在堂
應豎尾生犇直欲飛鱗甲
苔紋存太古左蹲右努如有神
千仞江崖誰攫取翠波泛
千竹院軒窗彷彿驚雷雨却憶
良工取得時驅使六丁提鬼
斧劃然分斷估宗雲留待青蓮
醉騎汝君不見河邊織女支
機石淪落人間傍塵土

羅山歌送程廉訪乞歸

吾聞黃羅之山乃在維揚陸海中
羣山峻嶒頓還突左盤右
繞龍遊空須臾一峰拔地起稜稜
卓爾千鴻濛噓青霏黛偏
南極祝融院嶽難為雄精靈盤礴
常五色應與造化相交通
在昔丞相忠莊公射蛟贊帝宣融
風竭來功烈五百祀湖陰
望墩開闕宮闕宮陰陰肅森爽
公神在天不私黨子孝孫慈
百代看人人聞闕紆金上羅山
山人廣眉還大類三十謁帝
承明廬腹間組綬今盈丈劍氣
猶存爾祖思誓與時人殲
願憶昨飭戎西南陸山精水
准呈珍奇珊瑚擊折瑪瑙碎
劍光才露山崩摧酋蕃吐舌
私相謂無乃仙人下赤墀天網
地

演詩拾遺卷三 李中興

十一

紀手扶策此事惟我與君知
丈夫之生貴如此崇高富貴何
為爾君今已作廉訪使持義
鉤衡方尺咫看君不樂歲九遷
無忝爾祖心所賢朝吟陸生
感邱墓謂周雅循陔篇營營
石嶺種秋田祖禰蒸嘗闕吉
獨上書乞歸累不報迴感零露
悲遙天君不見嶽降生申天
意玄世代華簪非偶然即容
獨善東山眠其如無告紛
顛連縱橫
跌

讀毛臺寒罷鐘守疏

中官閣監古豈無太倉給粟陪
侏儒漢家中葉弛廟笑坐令
外鎮都萬夫從來權重致侮
奪再見寵固生剪屠古來納約

難攻變翻令近習連根株侍御毛君江海客霜空高隼標格
殊排雲向天檻欲折拾草伏地心已枯我皇神聖罷諸鎮一
日直聲騰海隅人生勳業在年少君纔四十爲通儒遭蹶復
起氣不挫苦心應與金石俱百里之行半九十驟驥驄意在
長途吁嗟驥驄驄意在長途篇未得朋友相勉之意

節孝篇爲昆明楊母題

青幌羅幃春未暮丈夫英聲在雲路一夜狂風起海頭等閒
折新珊瑚樹精衛冤深水更深地迥天高向誰訴燈下嬌兒
不解愁牽幾曳帶如扳留不辭軀命輕於葉難忍遺孤棄不
收寂寞處奮掩明鏡階前秋草從渠迸生死終身不下堂堂

滇詩拾遺

卷三 李中溪

三

天橋七夕

中素暢依殘命孤兒頭角漸長成已向堂前薦鬢髮夜夜枕
邊清淚下年年頭上白絲生白絲生來七十載霜柯雪幹身
猶在匪直驚世上人感得皇王錫光彩綽楔如虹表巨閭
况有賢郎讀父書讀書未竟慈親逝寒雨蕭蕭夕帳虛母念
先君兒念母哀號涕泣爲身咎先哭昏瞳後喪明慈親既沒
身何有母貞子孝在一門從來膾炙千人口碧鷄金馬謾擘
際拄撐天地原非偶哀我鮮民讀之淚下

同高使君歸自鷄山覽天鏡閣泛舟有贈

天鏡閣前春可憐波光淡淡生綠烟高嶼縈廻春浩蕩桃花
一月下江船駉駉蕭鼓棹謳發點著十九開峰蓮峰蓮鏡樓

坐可數一溪行雲一溪雨草偃畫中山水奇平泉墅裏丹青
古使君好奇還好古曉入鷄山夜玄圃巨筆如椽長自隨品
題妙墨山爲媿憶昔乘驄出豫章高簪白筆何昂藏炙手可
熱丞相鄉眼中那知金與張匡廬空高千仞強獨看鷹隼橫
秋霜不緣遷謫來南荒山岳海經空滿牀章法亦復奇古

天橋七夕

置酒龍門山於奴觀魚躍白波一道垂銀河畫閣雷電長揮
霍濺沫飛珠灑路人頓令六月愁衣薄石勢穹窿月下弦乍
看疑是攢烏鵲是日親逢牛女秋西峰斜照射渾流溘莫
測潭千尺驚見漁人一葉舟漁人下網須臾起早得細鱗弁

滇詩拾遺

卷三 李中溪

三

天橋七夕

赤鮪妻子烹將入饌來不悲生物翻稱美濛濛水霧白虹高
江雨江風長怒濤容散江亭秋月白欲磨山石寫離騷前牛橋與七夕作一筆寫何等絕後半即專生感與杜老觀打魚歌同意

八月四日同楊廷尉往寧山訪羽士歸途逢空李君

舉酒泛寧湖相送

朝聞寧山道者有奇紛暮發蒼山詰旦至寧湖一片水光寒
幽人住在駝岡鼻茅亭菌閣何葳蕤嵐光洗出千岩翠露零
雲濕莫愁寒松鬣溪毛捲堪織吁嗟隱淪風骨奇松風萬壑
獨支頤袖裏一枝青玉笛夜深持向沈寥吹調子昔別銀河
水塵容幾見滄桑徒却來海上覓仙踪踏翻鰲背三千里昨

從寧湖來還向寧湖發寧湖地主把霞觴願願廷尉來相將
笋蒲鳧鷖逐仙吏一杯共醉羅浮香

錢參軍花下飲

昔人好客信陵君今人好事錢參軍黑頭請老學栽植拂曙
看花到夕曛引水開渠傍花樹紅紫氣氤氳烟霧我來不覺
被花圍醉後逃杯無去處收筆

彭憲使枉過竹間

使君詩句鏗琳瑯風格酷似賈長房常時過我竹下坐解衣
颯颯圍青蒼簿書中藏濟物意良弓安得無弛張呼盧舉白
博一醉白日欲暮秋雲黃搥鐘鼗鼓空突兀玉磬一聲清入

漁詩拾遺

卷三 李冲溪

西

川上

骨倚然間對數竿秋萬古千年坐超忽

懷庾樓

懷庾樓頭汀月白章華臺上楚雲拆浩蕩長風萬里來荆南
太守璇霄客自從章甫裏頭顛拜揖人稱禮法疎心咽蒼生
貧徹骨隨人依樣畫葫蘆一腔鬱氣空悄悄走上江樓看瀨
淼寥寥不見眼中人長嘯一聲天地老讀此詩知公以仙客
日期許為荆州守時

紫竹吟

舊竹紫葢新竹綠當窻一片森寒玉并刀斲作紫鸞簫一聲
吹落菱黃鵠黃鵠翻翻厭世緣蚤辭氛垢返瑤天始知二十

四管軒轅簫管吹成翼上仙

寺樓逢尔磯楊子同觀瀑布因悼陳約之內翰

危樓五月停紈扇綠野清江欲飛霞隱仙溪上雨浪濛倏忽
河東起雲片是時白苹生微寒把酒未酌問凭闌楊君手抱
枯桐至頓覺樓高海氣寬勸君停手且莫彈且聽簷上飛風
湍白虹一下三千尺擊碎珊瑚落玉盤須臾風颺日中起濺
沫飛絲爛霞綺風定還將白練垂淅淅淙淙不能止正似琴
聲掩抑時悄低囁附皆傾耳我昔曾看廬阜水述作同邀后
圃子文采空留五老峰九江一別分生死茫茫宇宙百年人
請君一奏廬山春景真

漁詩拾遺

卷三 李冲溪

西

川上

登石竇山

劍海西來石竇山凌風千仞猿猴攀岩唇往往搆飛閣石窟
層層可閉闕恍疑片雲天上落五丁把住留人間霜痕雨溜
石色古珍珠琅玕何足數老藤穿石掛虛空欲墮不墮寒人
股老筆
紛披

昇真觀落成有述

城中元真觀久鑿香火無托隆慶間予售田得償五
百擬構於點蒼中降之香岩役者憚難乃下遷今地
朝登點蒼瞰洱河東方日出橫金波十九峰連盡廻抱始知
靈秀中峰多羣山雜遷摠在下如擁劍佩認鸞坡下方阡陌

田可井郭邊村舍如棋羅縈青縷白江天暮冷清聲穿烟
蘿是時嚴冬雪初霽流漸石上明瑤瑤漢柱唐盟不可問但
聞六詔如飛蛾豪華歇盡形勢在惟有仙人跡不磨中頂采
芝佳石穴丹爐藥竈留山阿至今香氣無時斷我試上驗傳
非訛梅檀沉水未得並病夫三嗅除沉疴初擬此崑營帝閭
役夫恐被山神訶而今結搆去崑遠香風習習猶嘘呵神工
詭奇難致詰造化恍惚應委和擬將一榻臥空闊侵晨拄杖
遙經過塵埃已遠沈瀼近一一草石親摩挲縱然不得混茫
意也勝帶索朝行歌氣足神完

高氏園亭坐中走筆

瀟湘拾遺卷三

李中溪

六

八

城中園亭誰最佳高生好客兼好花二十四番風洒落七十
三色鏡交加渾如石家錦步障一片霞光飛席上舞蝶屯蜂
傍藥闌細雨游絲共搖蕩昔年花集憶臺翁烏紗鶴髮酡顏
紅翁今仙去貽謀在雨露須知造化工藍水碧山三逕菊珍
重傳家有清福試看滿座動文章何異淇源生葉竹君家兄
弟我姻連蘭臺太僕稱時賢年年招我醉花下狂歌那復知
華顛洛陽當日看花蚤回首人生今已老主人有酒且題詩
莫待飄英滿芳草俯仰夷猶

觀音岩

石光如鏡半空臺石乳繩縹懸構屋雲橋不與世人通祇有

仙人夜騎鹿仙人踏翻珊瑚根萬竅玲瓏玉攢簇石房斗拱
天然巧石楊茵文渾綺縠篝火還尋煮石方仿佛山魃吹紫
竹出山莫向外人言肯信珍珠殼裏宿長吉

送友人遊鷄足石門歌

吾聞鷄足之山洞天系石門千尺蒙螺髻螺髻蟠雲卷向空
石巖若花分點綴在昔神僧大定初叱石開門入還閉人世
千秋隔洞門寒雲古木空垂涕衣冠化石理或然至今觀者
何連綿石瀨津津故非淚靜而能應是初禪吁嗟此意會者
少惟君歷歷恣幽討只今馬出九曲溪仙人待爾溪間道

雨坐禮塔樓

瀟湘拾遺卷三

李中溪

七

八

海上瀉雲飛不得海霞照雨入川白白龍天矯盤浮壺欲騰
不騰寰宇窄徘徊只在蒼松間崢嶸節概三千尺上有諸天
點散花下有羣魔顯號魄年年五月龍衣來繞塔卽知施雨
澤巍然常作世中尊寂寞無言功赫赫祥光常與人事通亥
子中間神所宅此道真真識者誰除却庖羲休強索

九鯉湖

樵谷山中九鯉湖九真曾此煉虛無九真已去空湖在波底
猶存夜月孤月孤水淨何澄徹冷冷湛湛傳丹訣子欲長生
莫問人要爾懷中大休歇陽明詩云同來問我安心法
誰解將心與于安與此同意

凱旋詩贈諸將

去年戰易門今年戰金沙金沙渺渺江水赤江邊白骨紛文
加夷首視戰如耕耨生食人肉相矜誇奈何驅民與之鬪投
羊餓虎骸如麻秦家築城備胡虜漢家又被匈奴侮烽火長
燃戰不停江邊之骨誰收取戰馬悲鳴向天烏啄人腸掛
枯樹士卒已死竟不招得還鄉面如土渾身瘡痍六腑焦
此身無復支門戶尚書視人如草菅號令東捧又西柱持戈
被甲臨方隅奔騰豈復知行伍糗糧不繼多餓傷輓運民夫
半爲虜四山峽裏每屯兵惇惇何異魚遊釜頰有羣公獻嘉
猷庶得生全十之五寄言世上翁與娘生得男兒莫文先摧
足爲贖
賦之戒

演詩拾遺 卷三 李中侯 六

詠石池落梅

蒼山石骨切肪白雪澗琉璃動泉脉白石剝益貯碧泉正與
梅花佐高格花片飄零可奈何珠貫斷落庭柯看渠水面
收拾得何異畫書出洛河

夢遊仙

夢騎蒼蟻踏雲行清僊尾我天階平簪頭花豔菲金英長風
吹衣隨翠旌天光映發耀晶晶就中回盼不知名第十五人
最年少佩將金印如長庚共稱大帝人間生余聞此語心亦
驚始知去路朝紫青自取戴花行把玩花間金簡三行明金
簡歷歷馬天宇擁行左右皆天丁覺來啟戶再拜謝星辰錯

落霜空晴公詩多此等語至今太和人相傳云乃仙去其著山麓葬處乃衣冠墓云

季子祠

何事春申國能存季子墳孤巖巖木虛閣入流雲天地徐
君劍江山魯聖文千年吾醉酒藉草坐斜曛五六

詠雪

日麗蒼山雪瑤臺十九重白圭呈殿嶂玉鏡出圓峰澗口羊
躑石枝頭鶴壓松九洲多雜染太素此提封沈

感通寺赴齋三首

蕭瑟松移寺馬上澗西坡佛事先壇度吾生在愛河白雲千
障合青海一帆過人世無窮盡偷聞聽梵螺

演詩拾遺 卷三 李中侯 九

城中車馬客志不在烟霞我往常無侶僧迎似到家持齋還
斷酒破睡但烹茶夜宿東林上今宵有月華

細雨剝山扉朱堂隱翠微林寒禽語澁逕僻客來稀松老知
僧騰閣閉長石衣此中堪避世何事還言歸三首俱佳

秋夜獨酌

秋夕兼霜氣空庭月一方螢光遠書案蛩響近人床短景行
將及衰軀坐易僵濁醪無羽翼一酌欲飛揚收筆新穎

翠樓雨夜與楊明齋同宿二首

山樓初促膝兩榻得相依石鼎奇茶味香臺羨竹圍炬殘移
佛燭雲薄覆僧衣聚散憐今夕東方啟曙暉五八

穿林暑亦健臥石起常遲泉送清心劑僧爲出世資
遊禪處
有日會宿本無期且盡尊中物休言念別離

無臺老禪同居白鷗院

幽寺同消夏深松得避喧梵燈懸古塔澗磬度祇園閣望江
光近池窺樹影繁身各兩俱寂雲岫自朝昏

郊野雜賦二首

伐茅開水樹並竹作茶厨林僻驚秋早臺成覺景殊幕廬偏
耽翠關什畧施朱但把一竿釣藻深魚有無結句耐人尋味

客識南村路風輕白苧涼山人能釀黍野衲爲焚香雲霧池
光碧烟濃樹色蒼看來松竹外別自有仙鄉似杜

滇詩拾遺

卷三 李中溪

干

川

得任內翰忠齋書

蜀道千山隔相尋夢亦驚乾坤雙雪鬢湖海幾詩名外物曾
無累狂歌得此生老無相見日空有淚縱橫杜

廣通彌陀菴訪無瑕老禪不遇令君送酒

宿昔湯休約深林不可尋松藏一寺小雲落半崖陰橋度憐
潭碧階閑任草侵經過無限意密子善鳴琴

夏日集王受泉亭

池館成幽築遙江帶草堂循除通野水傍竹設繩床坐占栗
陰密杯分蓮辨香不圖城市裏烟霞似江鄉

訪一塔藥煉師

人似冰霜潔心涵澹月孤晨昏惟一食寒暑關重禱院靜苦

綠山空鳥自呼眼前誰是伴千尺古浮屠

九頂寺次壁間皇甫百泉韻二首

香梵從空落飛樓第幾層九蓮起初地萬籟渾真乘絕壁斜
懸屋幽岩始見僧松濤夜還寂洞裏坐篝燈

烟霞分九頂殿閣倚雲層思入忘言處宗開最上乘寒岩無
過客落月有歸僧借問東林寺誰傳覺岸登

送集齋張校職辭蕃寮

遷官辭不赴問爾獨何因詎薄淮南傳非闕張翰藟有生真
是夢知足不爲貧惆悵斯人去蕭條碧水春五六佳結亦悠然不盡

滇詩拾遺

卷三 李中溪

三

川

訪唐隱君

隱君修道處茅屋傍龍池嗽齒開仙笈簪瓶長玉芝雲心迥
無住石色看來奇習氣應消盡真堪作我師麗

天鏡閣同朱方茅宿

分携重秉燭酌酒海樓風一榻琉璃界八窓星宿宮濤聲停
夜話秀句滿秋空京洛相逢日還如昨夢中

楊東周回自雞足山

名嶽恣仙訪纔從覺海回衣沾龍樹碧心共鹿蕉灰地湧芙
蓉塔樓標紫翠堆虛空人不住那得石門開

山居留楊子

避地休多病窮愁懶著書論交欣得汝談妙忽忘予山蘇人
尋鬼池荷客釣魚十年深閉戶願足不求餘亦似少陵

寶藏臺飲

置酒蒼松杪闌干海上臺風前僧梵落島外賈駟回水院參
差下巖窻窈窕開澗唇愁闕路雲補客還來

集三塔

千嶂疊霞天長江抱席前川平任孤鶩塔湧駭高鷁置酒雲
烟上酣歌夕照邊曠懷誰遮作吾意欲逃禪

雲林

閑居澹無慮日日到雲林不有琴書趣誰知魚鳥心臺登萬

漁詩拾遺

卷三 李中溪

木杪樓望一溪深事事令人健彌從水石尋

江樓

獨坐無人處烟光江上樓波紋風更細鶯語柳初稠野綠殘
陽在江明片雨收登臨何必賦把酒看雲流一作

歸里

故廬依井巷廿載始來歸臆竹留清影園花減昔輝顧茲時
物變何怪世情違生苦緣多欲吾今悟昨非八句一氣

泉莊韓文博山居

垂老愛秋園真心道自存通宵含月色盡日坐松根春草隨
侵榻閑雲為掩門客來迎接懶相對欲忘言王孟遺

贈大慧人雲門山

拄杖入西峰冰霜屬仲冬立禪仍赤脚作觀倚青松破衲千
巖雪寒險九寺鐘何當謝塵世看爾鉢中龍

懷任忠齋

所思在何許有美蜀江濱檐前玉壘雪枕上峩嶶雲望比瓊
瑤潔身甘麋鹿羣修仙棄朱綬十載不相聞起筆

晚上駝峰

夙好在幽尋奚童抱一琴看山宜款段入夜歷崎嶇樹葉侵
行逕人聲起宿禽不知僧在否清磬出中林

晚發鄱陽湖

風聞鄱水闊利涉際際曉濤濺非關雨帆懸但信風霧深千

嶂沒月白一瀟空海岳平生志遙憐五老峯一作

病中作

積雨侵衰病暄和未下床烏聲鶯候改茶氣入帷香問病勞
佳客休心是妙方吾生將八十莫共世情忙

便谿遇晴

雨天行楚塞泥坂上牂牁山出溪嵐淨雲開嶺樹多征徒無
揭厲樵唱亦婆娑故國猶千里其知日月何對起是杜法

春日獨遊海印菴

海印城西寺松螺擁翠巖青印藏幽折碧澗度潺湲竹外客

停騎花間僧閉閣春山苦無伴孤興一躋攀

山居東楊洱磯

晚歲學無生山樊屋數楹窓高樹不礙夜黑海猶明翠岫宜
雲氣朱炎愛雨聲求羊愁逕滑旬日不相親

渡榆海

曉投驃殿巨午上鴨頭船水鏡碧墮地山屏青泊天淨光迎
海日獨鳥出江烟始解遺遙意南華第一篇唐音

卜居二首

近寺營郊墅依僧住翠微煎茶同石鼎鳴磬隔山扉雪水迎
厨注林禽向客飛風泉有清聽頭覺世情違

滇詩拾遺

卷三 李中溪

西

川、上

凌晨閉步履亭午入山扉谷轉芳廊寂僧歸夕照微大千同
了義不二摠忘機四十餘年世遺環已覺非

簷坐

短簷山盡見掩卷坐西晡縷起谷雲碧圭分澗石孤丹霞映
翠壁白鳥下青蕪吾愛吾廬好流泉繞戶除

送楊兵憲平夷

獻誠出江干溪花映繡駮金鏡千騎引玉節萬人看瘴海三
秋淨霜刀六月寒昆明池水上應照寸心丹

秋雨

階除響暗泉一雨洗金天穠蕪亂喧鳥桂叢寒鎖烟山人閉

關坐漁父

抱蓬眠子亦悠悠者攤書近枕邊後四句尤見筆力

中山

在制川西南石廣山中有寺日鐘寺則以寺側一百石如鐘形兩名也俗以鐘名山則誤矣

刻畫天人界岩巒雲錦屏鳳玉會獻果蛙石鮮聞經花點金
山紫雲連雪嶽青遠天高頂望獨鳥下滄溟秀雅

中山

聯句通志於題目加一科字日中中山則更誤矣中中山自北揚李未嘗至也月村識

龕壁存龍樹升菴肩巖即鴈堂石鱗風動甲中谿苦蠶水浮
香興發追隨盡升菴冥搜步履長何由跨笙鶴中谿歷歷過

重岡

三家渡送陸石溪臬長之桂陽

雲風起南浦落日大江西天地君知我波潭客解携蒲帆相
背發汀鳥向人啼回鴈峯前過好將書劄題

滇詩拾遺

卷三 李中溪

西

川、上

送三南巖子赴黔江

柳色青門路年年此聽鶯纔為百里試無亦一毛生岸幘銅
泉醜維舟白帝城往時嚴僕射追取振家聲

感通寺送龍巖趙文宗對榻白雲方丈臨歧復上波羅

崖賦詩為別

昨年畫省我為郎憐爾詞垣翰墨香一代文章長落覓千山
旌節忽聯床白門鳥道王遵馭碧澗虬松惠遠房榆海烟雲

猶礙目捫蘿須到玉霄傍

臨壽山主浪穹同楊修撰

蕭燕行盡綠卷卷五岳尋仙得蓋簪沃土藿花飛陌上春湖
蒲柳似江南野陰傍郭千家潤山色寒惟四面嵐休向萍踪
嘆飄泊殊方風俗等閑語公與升庵唱和甚多此作亦好

秋懷奇林退齋四首

百感中來一上樓千山木葉下江流青天闕塞堪愁絕白露
蕭葭正逗留塞朔鴈鴻傳尺素瀟湘風雨夢孤舟清砧處處
催遲暮草閣飄香桂樹秋

北辰宮殿入穹蒼渾水中條擁未央漢帝經筵頻設帳舍人
封事自開囊三邊虎豹安金鼎重譯犀獅陋白狼萬里雲霄
懷舊侶幾聞授簡賦長楊

演詩拾遺

卷三 李中溪

三

川上人

金齋太液暗秋清此日平居憶故吾七夕羣仙叨侍從一時
三老頰都俞龍池放船聯全珮鳳隨傳觴自玉厨聞說旱蝗
連楚蜀空教蘆葦落秋湖

碧海蒼梧夜有霜鶴鳴鴻鴈屬秋忙峭峰昔日霏寒露殘菊
含花弄晚香結社竹松開蔣徑候門童稚似柴桑吾兄亦是
秋風客對食鱸尊江上堂俱佳

諸人集演武亭

几席平鋪萬頃濤千山迴合此亭高庖羲已上無人問蒼河
之間有我曹童子望帝知酒價村家尾馬笑詩豪香山洛社
都陳迹也許將軍典戰袍三四何等氣象

浩然閣別朱方亨

乾坤落落一漚浮江草江花又上樓十里停雲誰命駕百年
今雨得同舟辭官不受一錢去拄杖還能五岳遊月在波心
三萬頃重來應得近中秋中二聯均極流利

長嘯軒次時川姜兵憲韻

微徑生苔跡漸稀少林斜日扣巖扉舊來穿石松藤在重到
經年鳥語非遠海遙天青似掃溪風山雨響成圍幾回金馬
門前夢長傍昆彌嶺路歸韻韻新穩

曹騰

竹間日日坐蒼藤柳弱花嬌總不勝舉世那知今是夢先生

演詩拾遺

卷三 李中溪

七

川上人

只道我無能掃溼可緣朱綬客煮茶遣供白雲僧松風何故
偏多事耳畔琅琅說一乘

十月之望陪見湖泛舟即事

細雨不辭登海閣晚晴遣上泛湖船葉翻菱艾便風送露落
蒹葭見月圓蘆笛一聲飛白鷺漁家幾處住蒼烟暝雲片片
翠峰碧共憶長安看岳蓮

京師別友人

雜沓旣旣祛夜涼園屏曲几明燈光金城萬瓦著霜白銀瓶
一斗浮鷺黃相逢忽有底極行路悠悠殊未央勸君有酒
莫惜醉別後虛寄羅襦裳先生學吳體詩運古於律直欲登少陵之堂入山谷之室矣

飲海門島

江上危臺草樹青鯨魚跋浪春冥冥笛前汀鳥自雙去澤畔
漁歌爾獨醒吞海有人誇酒聖衰桃無賴倚江靈碧雲暮合
不歸去與在滄浪五月般

用韻答張愈光

孝皇感日張公子白馬青袍下洛陽百二神京天下險十千
美酒鬱金黃殊方風雨春三月中土親朋字幾行懷抱向人
蕭索盡暮年詞賦獨專場未句始以庚信比馬山也後又
請其前身是少陵蓋傾倒極矣

調趙渡谷起用至京寄問習池之作

十年秣苑前生隔騎馬風塵思若何莫倚文章魁海內頓令

瀛詩拾遺卷三 李中溪

无

川上八

園綺出山阿習池尙有羊碑在太守還持虎竹過無奈狂夫

生性濟不勝回首白鷗波清思
健筆

寧海泛舟別升菴

天墮瀟灑暮不流柳絲三月上蘭舟江臯嫋嫋紫芳亂沙淑
盈盈琪樹秋南國藤蘿牽客思東風杜若悵君遊扣舷莫遣
悲歌發風雨蛟龍底事愁此作
亦在

柳池村莊

人驚西岑梳碧蓮柳亭花閣瞰平川泉分鷺嶺初消雪目送
平洲欲拍船夸父近來纔學稼廉頗老去不論邊武海只在

西雨醉猶看兒曹學控弦前半寫景後半發議
以放翁詩後之作

聞升菴楊大史復還滇成

聞說衰年又入滇驚悲此夜不成眠避人諫草反為累絕代
文章誰復憐坡老蹉跎終內召相如著述自籌邊莫將榮悴
尤身世此道由來合問天升菴晚曾歸蜀後復成滇百世
下猶悲之况當日朋友之情

東張馬山

蘭津江上日南至雙魚欲下愁眉冰風烟倏忽復歲秒人世
有無繫日繩才說小山非自得詩亡大曆竟誰稱探環樹穴
未為惟知爾前身是少陵馬山為
吾滇文章鉅手升菴中
溪昔亟稱之足見傾倒之至

邛州隣管有懷徐夏官

飛簷飄花三月暮邛州城邊春可憐登屋剛好月隨影打鼓

瀛詩拾遺卷三 李中溪

无

川上八

翻嫌風送船羽檄不回虎豹闢檣燈應駭魚龍眠慙慙不見

下江舸手把瓊枝一惘然此亦吳體
之佳者

登臺 王田縣

抱病讀殘庾信賦感時還上少陵臺山容忽入雨中沒暝色
遙從江上來今古浮雲何我有乾坤此郡自誰開登臨頓覺
滄洲遠却爲西風立一回

江陰別弟元春歸省

鶴鴛鴻鴈各相隨獨爾馳驅慰我私海內君親中夜夢天涯
弟妹隔年期家隣黔國去何暮菊滿寒城到未遲莫向江頭

嘆離索阿翁懷汝異成絲此亦
似杜

安南驛

南去北來年易更安南烟火是秋城瀑流斜界前山綠返照
遙邨古成明鷄犬雲中丹竈戶旌旗鳥外碧霄程生逢海內
車書一醉臥邊頭夜不驚

調傅侍御真定觀兵之作

溥瀆山色太行秋雲鳥旗章御史遊象魏何年辭禁漏龍沙
落日寄邊愁金笳聲裏天狼殞寶劍光中汗馬收今日胡塵
雖不動可無樽俎借前籌傑

海樓落成陪楊功煉太守用韻

水霧烟嵐午未收短簫橫笛在中流幾朝征戰三更夢千古

漢詩拾遺卷三 李中溪

三

江山一葉舟偶得尊鱸入鮮饌何須燕雀賀新樓從今公事
湖中辨滿路農人說有秋

訪虛舟段君

大隱先生百不占紅塵千丈一釣簾巷如顏氏秀而野人比
杜陵清且廉君已無心求冕綬吾今多病要對砭本來面目
須親見好把巖花仔細拈幾神 洋溢

高曉舟泛

不到昆明三十年重來今日已皤然擔頭詩卷半挑酒水上
人家都種蓮山色滿湖能不醉荷香十里欲登仙碧鷄岩畔
題字好把漁歌取次鐫典到 之作

仲宣樓

王粲樓前杜若春江湖滿池滯遊身可憐漢水綠於鴨况復
楚山青近人魏武雄圖生蔓草章華曼賸共灰塵含情不盡
當時月猶向汀沙照逐臣悲

草堂

迂拙惟堪守舊溪東華猶憶聽朝鷄主恩未報慚臨筓天意
何私許杖藜避雨有時過白社看山無日不丹梯獨行獨坐
鴛潭影寂寞空林春日西亦似 放翁

請提兵三首時楊公守魯盧公岐 疑張公天復成在

誰謂儒臣昧六韜陣雲颯颯上征袍機開棋局東山靜文占

漢詩拾遺卷三 李中溪

三

魁名北斗高會里寨中靈鼓動金沙江上崇狼逃只今胡馬
猶猖獗安得從君借寶刀

詰戎獨出承明廬謾道交游在石渠烏背騰騰凌絕塞風前
獵獵舞飛塵金沙幾曲朝乘壘緹騎千重夜看書自古相門
還出將恩光早晚下彤除

中丞六月央與師幕府明賢豈受知但見羽書傳白晝定應
機秘照青藜飛熊旂動千狐伏狡兔功先一馬追未卜何人
蒙上賞涇陽人勒去思碑三首俱 雄滿

遺藩見遺文繡走筆奉謝

每懷帝子隔瑤池江漢風流有夢思雲日山川王粲檻歲時

荆楚屈平祠七千里外同看月二十春來再寄詩却恐荷衣

太蕭索天吳紫鳳遠相遺一氣揮灑

寄舊令劉雲峨

雅州遙在蜀南疆相見無多別恨長已解息機忘得失何須
握粟同行藏里居賣藥知田少官去看碑覺字香共羨掛冠
頭未白五湖烟月剩翱翔里居二句當一氣讀下惟其田少故其碑亦香所以為官不可愛錢

東趙泰藩薊城

春曹地分切宸居西蜀名藩重副車豈意滄江滄歲月遂將
朱綬偶樵漁幽期結客春尋壑高卧聽兒夜讀書才力似君
須報主東苗何事帶經鋤章法完密

滇詩拾遺

卷三

李中溪

三

川上

三塔寺園送張丙山盧碧山二方伯

蓮峯凝翠坐斜暉花徑殘紅向客飛天際屯雲潭作蓋林間
細雨不需衣此時綠酒留棋局明日青山繞畫旂盛世賴君
匡主略餘年容我卧山扉

送陳員外入南京

中朝品秩兩京隆白下為郎有道風五夜星辰看斗轉千年
都邑嘆人窮賞分赤筆升蘭署閑看緋衣弄桂叢遙意到時
春亦到萬花開遍玉除東

中秋與楊洱磯遊眺歷馮都督展城之蹟

百雉高城策馬遊千村禾稼屬中秋暮雲樓閣唐朝寺返照

風濤賈豎舟諸葛兵符青草沒馮公勲業曠烟收英雄有畫
蒼山在逝水滔滔日夜流

訪白山主人

歲久風塵賣草鞋洞庭飛跨點蒼崖八千里外春無恙十九
降頭雪欲埋踏碎白雲那見跡歌殘黃鶴若為懷道人肯住
雁岩下擬奉仙丹換骨骸

浮生

溪雨晴時即出遊道宮僧舍任相留馬蹄頻過青松社雀舌
時傾紫荷賦三氣洞中看磨蟻萬絲空後沒金牛非關老去
尋幽事說是浮生果是浮

滇詩拾遺

卷三

李中溪

三

川上

浩然閣和趙南渚何雲亭

坐久渾驚世界浮蕭蕭天籟下中流風輕雨細一江浪鬼沒
鷗興幾葉舟痛醉何妨高閣卧險巖曾犯怒濤遊病餘未覺
詩情減任取馮唐兩鬢秋此與下一首俱豪邁

高樓欲共水雲浮柱插蛟宮海不流澤國人調楊柳笛風波
誰弄木蘭舟乾坤魚鳥閑居賦今古文章赤壁遊我有洞簫
吹不得曾將吹斷楚天秋

勝概樓

六月天風百尺樓青田飛鷺晚悠悠浮雲世態千番變往古
賢豪幾度遊浦口樹多霞外出江門帆小雨中收明朝更著

東山展細看尊前萬里流

喜友人至

紅杏垂枝覆洞門半軒春雨對琴尊十年落落常相憶萬事悠悠何足論向子已尋五岳去許由尚有一瓢存勸君莫作伯勞燕且共幽人數地昏

贈東山張博士山長

冠掛東山着笠蓑更無塵夢到烟蘿靜中會意將誰告溪畔逢人只浩歌石竇雲霞春後麗賞池鶯燕雨餘多知君此處閑吟詠忘却蕭蕭兩鬢皤

帝釋山雨後同楊脩撰升菴

瀟詩拾遺

卷三 李中溪

詩

杜鵑如火爛成谿雨洞烟肩濕燕泥當意晴山偃草坐驚心春鳥背花啼城穿日氣紅將斂影落江雲碧不齊絕頂登臨桃竹杖何時為爾復提携

瑞泉寺謝蕭太守于闔揮一地主

百里尋山獨馬來蕉溪千折入雲隈高岩有洞畫長閉深谷無人花自開地主遙供桑落酒野民爭脩蔗柑杯耽幽卧石真吾事却累鳴騶夜未回

樓望

卧病閉塞成幽憂杖藜起登江上樓蒼山縷雪景如畫洱水生風雲在釣松竹遮圍氣欲噴池臺蕭索天初秋滄江一碧

淨如拭幾點蒲帆晚未收却律甚佳

應樂峰開路

綠崖鑿路出山腰官閣閑登快晚風穿樹馬從溪上過邀茶僧在澗邊燒斷雪殘照一川淨碧海清秋萬木凋夜久自聞靈樂動不須赤壁客吹簫

靜耳寺

江上閉身得漫遊蓮宮一榻喜清幽湖規水鏡頻疑曙風度岩廊易作秋千里遮圍山勢合孤帆迢遞海門收禽魚上下應無數獨羨安眠沙際鷗

己巳七月趙南浩通守與從子君正邀余同雲川高侍

瀟詩拾遺

卷三 李中溪

詩

川

御陽川高太僕泛湖阻風登浩然閣盡醉而返

湖上相招擬泛舟少停車騎坐江樓黑風白浪不可渡行酒賦詩殊未休一葦漁人多出沒百年身世幾沈浮白頭聚散還今日却話蒼年此釣遊

蕩山月下答從遊諸子留別印光仁峰二上人

鐘鼎江湖不兩全杖藜到處枕山眠夕陽松寺千重翠小雨崖溪一抹烟半夜歌聲天地老中庭月色古今憐道人本是璇霄客且向人間結勝緣

雪夜登山

愛雪欲棲松杪寺三更才到達多池風中燃炬時明滅夜半

尋途混險夷雲月有情開一線乾坤無我任多歧老狂別有
登山意說向人寔恐未知先生詩多崖外之想故世傳其仙

玉谿觀同范子

偶訪仙山白玉臺恰逢丹壁洞門開山春芝草向人秀院午
松聲架壑哀乍恍海霞隨意落無端暝色出谿來范雲蕭爽
成詩易不愧登高作賦才

春日逢羽人扶醉入青溪去

潦倒江鄉滿聽鶯幾番風雨幾番晴千株躑躅珊瑚樹一派
林巒翡翠屏來去始知春有脚顛狂剛道爾無情紫金丹法
何時就欲向瀛洲買鳳笙

瀛詩拾遺卷三 李中溪

送洛浦田使君

江上秋雲擁隊旌手揮金印一毛輕鳳皇不受籠中食海鶴
由來天際橫萬里宦遊無世味兩肩行李似書生陶公松菊
堪千古今日先生亦令名

木瓜棚下納涼

木瓜棚下午風涼莞簟蕭蕭白木床竹笋火炮全帶簪茗芽
露重半抽鎗園居窈窕僧來着酒債蹉跎客爲償却憶長安
當日事終朝流汗傍宮墻

園居

小園行坐自昏晨手拄長松伴隱淪竹逕長苔看舞鶴石池

漆水養遊鱗家雖近市無兼味樹有新橙可待賓閉戶十旬
強半睡不知簾外屬紅塵

夏雲吳一遊暑禪房

開君避暑遠公岑起坐偏宜祇樹林架壑松杉秋瑟瑟覆壇
雲葉竄陰陰誰從赤松去不返獨嗅白蓮行復吟吾生無那
就幽尚落日遙尋鐘磬音

過華岡楊寺副別墅地名鳳凰臺

巴南作縣有英聲玉壘高谷冠百城京國春雲同短夢江湖
歲晚重寒盃三千界外瞿曇眼百萬胸中范老兵卜築江山
如有待鳳凰臺樹屬前生自注唐嘗夢舊居鳳凰臺

瀛詩拾遺卷三 李中溪

鷄足山放光寺

倚天絕壁萬尋蒼新築拈花第一堂懸石欲隨黃葉下禪心
不共白雲撥客知魚動同僧飯鐘作龍吟報佛光見說岩門
隱迦葉扣門須謁法中王

贈吳馬二子

靈鷲山中太古雪寒生茆屋白霏霏豈無一尊少同酌忽有
二子來欸扉閉戶祇宜論文字矢心原不慕輕肥黃鐘大呂
自高調那管世上知音稀自高格

元夕雪後寺樓

春雲黯淡復迢迢佛閣憑虛坐沈寥酒盞何妨湖共闕鬢霜

不與雪俱消管絃著靡悲城市鐘梵幽奇聽海潮誰信香山
白居易一爐燒葉度元宵

題報功祠卷

三賢遺話在蒼生今古相傳好弟兄罵賊曾公終遇害安
孫父不求名山前碑在捫蒼鮮祠下人來薦杜蘅多少荒
埋貴客更無人說舊公卿

卓吾李太守自姚安命駕見訪因贈

姚安太守古賢豪倚劍青真道獨高僧話不嫌秦吏曠俸錢
常喜贖民勞八風空影搖山岳半夜歌聲出海濤我欲從君
問真諦梅花霜月正蕭騷

瀟詩拾遺卷三 李中溪

鷄足山贈覺上人

別却西峰向百城迢迢雪外獨南行十年兩脇不沾塵萬里
孤踪那計程界外麟洲山似符定中香海國如萍霜崖一夜
無生話風遞疎鐘恰五更江鍊自然

送太守莫丹崖

疊鼓清鈺道路譁千旌迢遞出天涯風猷海內二千石惠澤
南中十萬家勲業曾收循吏傳恹恹不放使君車莫矜屐履
星辰上騎竹人思見齒牙

題玉局山奇樹亭

閣下長河碧映空清秋今日動涼風幽岩草木深藏豹古廟

丹青半壁蟲跳遠自悲吟日澁扶衰猶賴醉顏紅凭欄多少
興亡事都在滄浪落照中

李肯岑給舍雪中宿西山觀因贈

謁帝中天入太清寒山匹馬雪中行自非身有神仙骨定是
坐從滌岳精一水誰窺海洛妙孤霞高映斗牛星老夫倚杖
茅簷下悵望西山空翠屏莊四端莊流利

龍尾閣樓

孤樓獨上海門闕靡靡千山復萬山設險自天真奧絕探幽
容我獨躋攀昆瀾島嶼蒼茫外鷺嶺雲霞縹緲間六詔戰爭
成底事持竿人坐釣魚灣

瀟詩拾遺卷三 李中溪

九日鐘樓

羣峰送翠映樽鼻九日同登艷雪臺千瓊佛燈松杪塔百年
人世菊花杯瀑泉挂玉天中落腮闖侵星海上開共喜參藩
能踐約不辭風雨過山來

寺樓用韻答里中同游諸君子

九日黃花催晚節千山落木動秋懷日穿尿壑明殘雪風頰
流雲出斷崖幽境暫留臺首彥新詩高寄竹梧齋江山風物
堪圖畫安得頻遊與子偕

九日白岳王公招登三塔寺樓用韵時分守羅公至自

鶴慶

千古同看陶令菊百年今上少陵臺使君大作登高會藩伯
通尋宿約來翠渚天星燈影亂洱河水月鏡光開三更客散
留還在豈爲流連竹葉杯

鶴頂寺

得道仙踪石上留古痕誰復記春秋百年身世三生夢千古
溪山一度遊碧海抱門天宇淨蒼松夾路午陰稠我來策馬
從巔下俠氣崢嶸隘九州

海頭張氏樓臺

峇巽樓倚龍頭鬬柱脚插入油魚灣萬頃琉璃瀉窓下三更
星斗來人間有時漁笛自孤起落日沙鷗相對閒羨尔家居

滇詩拾遺

卷三

李中溪

甲

川人

在官道不知門外多塵鞮

先生吳體詩音節皆落落入古

玉局山蒼高太僕

浹旬陰雨上山難雨歇山亭五月寒萬象森羅饒老眼二儀
清濁一危欄孤雲影落空江水奇樹香生古石壇玩到真腴
自忘味主人何用酒杯寬

鷄足山遇高使君

名山邂逅訪招提君但乘軒我杖藜紺殿朱樓隱芳樹柳金
梨雪滿迴溪入村父子窺旄節下嶺牛羊立鼓聲春雨東苗
生事足不妨山簡醉如泥

江陰湯氏菊庄集

迴燈曲關花下行短簫橫笛悲蘆笙尊中綠酒客愁破意裏
碧山秋眼明看菊已拚燈火夕放舟况復鷺鷥晴時豐不見
催租吏小隊郊垌莫浪驚

蕩山夏集

自共溪山暗結盟酒杯今日屬逃名尋幽累月不停屐際曉
諸人已出城白苧不禁三伏雨青山無奈百年情便應直上
諸天外擊筑吹簫坐月明

觀瀾閣卽事

山閣江樓小暑天冰光如鏡照青蓮風生兩袖欲騎鶴日落
千峰更放舡幾點真鴻消碧落一聲孤笛破蒼烟沙堤楊柳

滇詩拾遺

卷三

李中溪

甲

川人

知人意也送飛花到酒邊

高子敬園亭

壁有大學士楊遂菴詩

城裏園林逼野氣初冬花木未凋零逕迴窈窕驚禽出泉落
漣漪愛客聽曳杖醉穿池岸竹看山倦倚岫雲亭壁間讀罷
孫弘詠一代鴻詞翰墨馨

九月初度昇真觀羽人饋朱桃爲壽色香氣味皆佳戲

爲七言答之

九月仙桃雪裏紅山人相贈滿筠籠仙都種處根應老靈氣
生成色不同百顆丹珠欺鶴頂三杯綠酒慰龍鐘詎知方朔
當年事今日依稀在渺躬

高秀士子敬園齋

秀士園齋在宅邊潺湲終日聽流泉方塘引水和烟瀉短榻
哦詩枕月眠出樹雪峰長展燈投林時鳥乍調絃竹窻燈火
清秋夜惟有書聲對聖賢

正月二日郊居雜興

山頭濃雲欲作雪山下天桃已放花閒客獨來尋草坐幽禽
何事向人諱南山林縉有夙約北郭隱士無生涯明日更扶
青竹杖乞茶還過野人家杜陵遺譜

幽居

春到山家分外清山翁偏愛晚霞晴未霜汀草寒猶綠少月

漁詩拾遺卷三 李中溪

照

江樓夜亦明萬感不生天有簾百川雖遊地無聲此間幽事

誰能識莫怪年來頓入城五六次筆淋漓

訓五岳陳文宗為拙稿作序萬里報書不荅闕然感懷

馮水詞豪屈宋鄉風流異代擅文章鴻詞不惜施雲錦燕石
真慚報夜光烟水百城愁夢斷古今一瞬令人忙丹砂未熟
空相憶安得乘風到爾旁前四句工切後四句筆尤不測

山樓

未得移家住翠微籃輿日日過巖扉烟西嶠紅雪變冷雨

東臯白鳥飛花氣濃時尋幽徑溪聲喧處坐斜暉山著殘酒

三杯足卧看山僧補衲衣佛有

蒼山夏雪

蒼山五月雪嵯峨吾愛吾廬傍曲阿不夜軒窻樓月窟無塵
世界泛星河花明貝闕吹羌笛酒熟江村度郢歌浪說寰中
饒勝地其如朱夏鬱蒸何語語精神

盆池

臨河何必太開渠小置盆池亦有餘旋注清泉堪飲鶴即加
拳石得藏魚題詩洗硯蒼蛟出窺影扶藜白髮踈若盃爐薰
相對坐誰知塵世有吾廬

別羅復初

梧桐一葉下秋晴天末相逢向子平五岳羨君留勝蹟半生

漁詩拾遺卷三 李中溪

舉

悲我逐浮名青松氣襲南華酒紫菜香生北澗羹今日相逢

入雲霧從姑山下話無生

山遊

風月江山處處宜三千蘭若任吾之白雲終古戀空谷青鳥
何年下赤墀暑雨豈能侵大笠憂愁何敢犯枯棋從人問字
林泉下却笑楊雲未脫羈高致

鑑湖樓承田需伯揭扁次韻奉酬

湖上危樓天畔開斗牛終夜宿簷隈可憐松樹鱗俱老盡是
仙人手自栽杯酒春風頻改席滄洲落日更登臺使君法駕
難招致為愛烟霞許再來

56-44-811

2

問俗亭秋陰獨坐

山亭獨坐海天空城郭村墟杳靄中斜照破雲移野綠斷霞
逗浦映江紅三杯松液陶弘景一卷仙經河上公不欲髮邊
添白髮其如林際已丹楓

生日禮靈峰止宿碧霞方丈

不得長齋繡佛前雲林隨處學逃禪浮生今日八十歲虛譽
當時尺五天富貴無端成夢覺烟霞有分望神仙坐聆地籟
不交曉漫說僧房一夜眠先生之壽殆非偶然

登點蒼瞰榆水

六月來登山畔亭擬將雲物畫圍屏田塍界局千區綠海氣

滇詩拾遺

卷三 李中溪

詞

川上

蒸雲幾道青斜照斷霞明浦淑浴鳧驚鷺起沙汀寰中名勝
須親歷使詞人讀水經

點蒼山房次韻荅友人

鳥語溪聲白晝喧紅塵不到辟蘿門已知此念為元化更與
何人漫討論松閣月來香篆靜苔階客去履痕存點蒼絕頂
扶筇上羅列千山此獨尊

蕩山觀蘇進士追遠醮壇步虛詞

碧落空歌咽鳳笙真公齊駕翠雲軒黃庭內境二千界青鳥
仙家十二城蘋藻暗通元酒氣松杉迢引步虛聲可知塵劫
須與專華表歸來說姓丁

金陵懷古

金陵沽酒過西津暫向江頭醉白蘋山水只資王霸氣烟花
應映往來人是非奮亂還千載風雨蕭騷又一春可是騎鯨
人不在石頭城下暮濤噴

冬日山中漫興二首

梧竹青陰小隱家歲寒風物更繁華林間巧鳥自成調階下
老梅爭放花堆案道書遊物外滿腔秀句當淫涯短檠一夜
同僧話霜月娟娟北斗斜

結屋青山近梵宮獨行岩迳少人逢茶烟漠漠出松碧楓葉
鱗鱗映雪紅僧院坐殘棋局晚市樓閑倚酒帘風醉來不覺

滇詩拾遺

卷三 李中溪

聖

川上

緣何事踏破青鞋到水東
寄楊野崖

苦憶野崖楊博士孤標落落似長松未論囊貯千年藥只羨
山居九頂峰洞冷白雲無客到盤堆香芋有僧供欲聞邵子
先天學何日聯床坐曉鐘野崖若心易發微後乃遠遊不
返亦奇人也此詩已見梗概

喜一雨甚晴

炎歊百卉失青青隱几圍廬午未醒兩鬢雪霜秋颯颯一天
雷雨晝冥冥涼生茅屋蛛牽網水長花溝鶴洗翎贏得老夫
筋力健明朝能上半山亭有與

平遠臺

九仙臺下落迴江九仙一去空雲幢獨憐烟草經行徧况復
水禽來去雙片雲陰陰下桂闌萬象瑟瑟嵌巖窟石蒼樹碧
朱夏冷坐來彷彿聞松濤先生吳體詩無不工者長於七古故對律能佳

盤湖樓

三塔浮圖洱水西罡風吹我上丹梯茫茫鳥背清江迴擾擾
人寰白日低物外懸壺收海岳天邊揮翰拂虹霓一樽傾盡
便歸去十九峰連送馬蹄豪放

月夜澗谷

冰輪碧海起山扉夜半吹簫坐翠微羣動寂然秋字曠不知
岩緣上人衣七絕皆作俱有風韻

滇詩拾遺卷三 李中溪

竹岡道院逢羽人

松竹高秋起翠氛洞天簾箔水生紋虬鬚道士眉如雪跨杖
乘龍下碧雲

臺上

新築高臺出翠烟麥風搖綠漾晴川老僧少日曾同住細數
松杉說歲年

卯谷山居春日

翠澗蒼松小隱家洞門長日鎖烟霞一春谷口無人到開罷
碧桃千樹花

山月有懷

點蒼山月碧玻璃光泛榆河萬頃破却憶美人何處是欲隨
風到玉關西

向楊玉岩乞竹聚仙亭

池上初成白玉壇更須蒼翠護鬪于君家一片瀟湘影分與
仙人作舞鸞

遊蒼山背白石岩

點蒼山勢若遊龍深入烟霞第幾重二十四峰青欲滴中間
一朵白芙蓉

上墳

觸處傷心強自裁此心何事不成灰長江怕聽愁人訴直向

滇詩拾遺卷三 李中溪

東流更不回

出茨叢村
竹刺籐稍村路怪旃旌行處水潺潺樵人報我看花處近在
蒼松白石間

玉局寺懷古

玉局仙姝下碧霞等閑留却玉琵琶千年往事人誰信不道
麻姑降蔡家

麻姑降蔡家

梅雪對酌

白雪梅花相映空持杯如坐水晶宮山河一片無痕跡只有

青芝出桂叢

洞賓畫像

海上長髯跨鶴翁一聲孤笛沈寥中碧波三萬六千頃中有
蟠桃一樹紅

焦山口號

長江如龍掛天碧金山焦山相對立惡風白浪推不行留與
乾坤作柱石古致

太嶽絕頂口號

千盤青磴直摩空海日東懸夜半紅曉看下方雷雨黑始知
身在碧霄中

滇詩拾遺

卷三 李中溪

吳

十一

贈楊洱磯兄弟

楊家兄弟摠能詩徒倚吟哦百不知石馬溪頭夜吹笛星辰
錯落天河垂古致

西方池

精舍周旋七寶池寶光浮動影離離有時淨侶還來浴踏碎
珊瑚第幾枝

滇詩拾遺卷三終

滇詩拾遺卷四目錄

明

王元翰詩一百三十首

趙炳龍詩四十七首

滇詩拾遺卷四目錄

滇詩拾遺卷四

昆明陳榮昌

王元翰

字伯舉號聚洲甯州人萬曆二十九年進士選庶吉士官至工科右給事中明史稱其落議垣四年

力持清議庫主閔柱貴近世服其敢言御史鄭繼芳等奏公奸贓數十萬公憤甚盡出其篋篋昇置國門樹哭辭朝而去乃徧遊名勝山水客死南都范鳳翼為行狀劉宗周為墓志倪元璐為立傳公之寃乃大白榮昌聞公集板尚藏於家乃遣人至甯州印數十部以廣其傳又於袁氏詩外別選其詩一百三十首

孔林

畢瞻聖人廟卽謁聖人墓松柏太古聲微雨霽烟霧洙水滢其前泗水北奔注草木百千章諸子手自樹鴉雀不忍巢荆榛那敢附闕里吐蒼麟故溝隱白兔一卧三千年斯文較若

滇詩拾遺卷四

王伯舉路中數語從林字着筆一從孔字着眼可謂雙管齊

岱山與宋侍御繹田年兄抵足言別得足字

今上側席時同升中秘讀子才過八斗落筆風雨速情好既已深衷肝仍燥暴掉臂出鳳池回天勤補牘靈修自包容魘魅羣迫蹙九死誓不回妄意垂帛竹爲惡懼不可爲善那得福子既飽壽拳吾更遭怨讎世態煨凡情同調多反覆挂冠刺扁舟訪君泰山麓執手天門峯感激發痛哭欷歔侵帝座長嘯振林谷新構悠然亭館我勸卜築瀕行不忍分長被相抵足中夜起浩歌星斗光離陸別後忽經年積思周二六策蹇躡華嶺窮躋登王屋覩見數仙翁採芝駕文鹿願言與偕

遊歷條難追遂歸來理一邱蘇嶺騎黃犢一朝秋風生懷念
鱸魚肉布帆煙水輕蓬髮菰蘆禿毀譽愁苦提虛空擗矢簇
惟有知心人牛背烟雙目賦辭走千里寄寫此幽獨詩乃別後所寄

望太行作時王九陵同行

朝別臨淇川驅車太行阪秋淺餘熱毒策蹇頻宛轉抽簪四
體輕訪隱百慮損村翁指林慮白雲吞絕巘溪水泛黃花仙
源知未遠人世幾光華塵勞苦不返好同王彥方一飽胡麻
飯日入紫烟浮相對空山晚飯筆合意然所謂言盡意不盡者

同靜之兄詣東林講席與涇陽景逸本孺啓新立率諸

君子談易并讀耶報有感

滇詩拾遺卷四 王伯舉

竹下生蕙風偶然涼月至風月既交耀羣賢亦相萃小酌送
餘杯披圖搜易遠畫外竟庖犧指錫拆天地世事紛多歧吾
道自未墜明夷貴艱貞燥溼各從類所以偏伯手不灑新亭
淚公生平自謂於名勝山水道義知已二者極不能忘此詩亦可想見其取友之益

下山宿僧舍

我行衡山中得知十日約秋淨恣遐搜風雨殊不惡朝叩石
室扉暮采幽澗藥揮手招飛霞疎身待鳴鶴泉石真太奇仙
靈何寂寞水簾門常闔珊瑚芝難索懶尋以深嚴消磨讀書
閣亦有魏夫人雲璈久不作煙霞滿千峯心遠辭寥廓名山
空手回濁酒還自醅

山中咏懷

讀書未卒業學劍常起舞薄宦歷江湖中年返故土睹茲倦
飛鳥亦自戩毛羽蕭然四壁中卸脫軒冕苦雖無貫客交感
慨發今古何水不清風何月不洲渚惟有無事人乃爲風月
主索肉任烹鮮沽酒時得魯清福嘗長生予造恣所取公辭後
編遊名山大川乃歸甯州杜門謝客山中諸詩即歸後之作風月清福亦無官身輕之意
山中何所有酒熟雞亦肥飽食安步出湖碧忽成圍行行採
殘菱製爲隱者衣身退甘寂寞道藏愈光輝羣陰雖已剝一
陽尚希微古來遠害士所貴在知幾况有山水樂對之可忘
機身退二句真有道者之言

滇詩拾遺卷四 王伯舉

春游雜籠山遇雨

江北何山高雞籠峻如削神禹疏長江黃龍鱗角斫茅君自
何年上頭鍊丹藥有仙山則名遙瞻句曲曙我來省其山拉
友問猿鶴風雨夜發聲姤阻難着躑況從華頂來視之培塿
若相望聽雲和勿用攀鐵索興盡返歸途劇談理轉約二麥
浪初翻柳絮束如綽故鄉花柳園驅犢負東作

宿牛首聞笛

牛山何崔嵬雙峙聳天闕翠岫列兒孫僧房依佛窟蜀江萬
里來拱抱如朝謁鐘阜靈霧閣非青亦非碧紫氣壯皇居千
秋迴未歇薄暮松栢香波濤起枝樾脚歪倚石闌踈星點硯

碑何處笛聲傳悠悠弄明月不察有所思憑虛長歎發

西湖詠懷兼簡陶不退憲副

何者會心處翳然愜遠期再入西湖中念茲釋在茲誰云脂粉氣獨擅山水姿樓臺與烟樹出沒互撐支踏花調紫馬攀柳聽黃鸝一洗消墨塊再洗魂披離造化萬尤物雕刻即人為不然天竺峯胡以飛至斯扁舟縱所即只在皮臣知

龍井

春盡詣龍井偶憩片雲石七竅聖人心蒼翠染衣碧欲行還且止再拜稱莫逆入門禮聖臺戶外已滿屐地僻潛龍靈林深隱僧藏石底一泓泉游魚不怕客年久閱人多見我髮生

滇詩拾遺卷四 王伯舉

四 川 三 八

白辨才疲津梁蘇公餘塵蹟而今安在哉念之心如火

宿天池寺

笑渡虎溪高縱目虎溪却在萬山麓憑闌下界有飛鳥繞徑松陰忽逢鹿匡續盧邊佛火明文殊臺上慈雲宿天池夜半龍歸來風雨呼聲振瓦屋

謝武林泰藩于滇兼攝學政文章風裁予慕之而未晤

近擬粵西憲長賦此送之

騷壇冷落墜風雅千秋大業屬誰者君探驪龍獨得珠紛紛

鱗爪空遺下攜琴駐節金碧間日霽霜清案牘閑泪水烟濤

嫩翰墨彩毫題徧點蒼山返方幸復藉宗主凜凜風裁洽時

兩文章雙眼已還黯士習一變皆至魯四牡駢駢指桂林幾回徙倚對商參我住深山何以贈深山唯有白雲心祇今遠左事孔棘烽火直達甘泉側蚤將名姓覆金甌一舉朝廷生顏色疎陳奇士奏吾皇長纓繫致左賢王謝安破虜方談笑山中野夫穩睡覺收筆兩句一換韻音節自道按前十六句

烟湖草閣行

君不見撫仙之湖長百里碧波浩淼瀟湘水航中揀勝者屬誰奪翁坐嘯空濛裏有閣有閣何潦草斷松縛竹覆茅稿廳軒四面受玲瓏迴避紅塵不用埽羣峯列屏手可招澄湖拂鏡點靈矧雨度山空翠欲滴風翻浪起雪為濤山翠雪濤觀

滇詩拾遺卷四 王伯舉

五 川 三 八

不足別有肺腸矢勿告壁上常懸太古音巍巍洋洋三弄曲曲罷微醺高枕眠醒來蝶翅猶翩翩攤書更會古人意讀至心開眼拍刺屋角蹲然一釣磯絲竿牽動鷺鷥飛荆妻稚子相嘲訛床頭酒熟待魚肥西山衲僧邀題石南隣野老頰爭席扁舟酬唱水雲中肯逐輕薄圖冷炙君不見東陵翁學種瓜杜公堂在浣花人生奔役何時已不如栽桃滿谷蒸紅霞任爾漁郎透消息桑麻雞犬自為家

長江行

四月乘舸下蜀江桃花水後浪如湯迴瞻瀟瀟一牽石劈峽乘風看箭擲十二巫峰數未終雲雨橫糊坐相失夷陵蕪鄂

爾雅臺次宗不在空徘徊迢迢樹生荆渚王粲樓邊千萬
戶中郎長眠喚不醒權闕使者復于虎脂車政欲叩天閭虎
豹嗥噪牙爪噴上書不遂遠臣意放逐還蒙聖主恩臣意君
恩何以報挂帆復理金陵棹鮮鱸食武昌魚愧取江州粟
里道鳳凰臺畔六朝空隱隱金焦見霧中當日禪房僧下榻
意者霜顏成老翁南徐主人賢下式病骨支牀遲我至相看
慨嘆勞生存似夢非夢橫涕泗一別輕輕十五年眼前好友
當凋瘵江干大火適西流楓落波寒節序秋桂玉炊燃腹不
果解維楸棧樓眞州眞州居停可羅雀兒女僮僕甘寂寞緹
騎四出中外驚雷霆震擊身首落朝廷墓墓在封疆軌法球
漢詩拾遺卷四 王伯舉

援原失着何人伏疏霽天威莫令國家元氣索此時却念劉
靜之奔走淮南湖流漸荒草孤墳盡一慟素車白馬踐吾私
吁嗟靜之何以死靜之不死不至此公以放逐遠臣滿腔悲
憤浪迹江湖又見朝政
之批忠良之貢吊古傷今聲淚
俱下令我讀之亦嗚咽不能已

曹娥廟

孝娥痛父尸沿江哭不已慷慨赴深淵捐軀遊江底孝心泣
鬼神天地感至理忽然五日間抱父尸出水父尸既已獲娥
命呼不起振古奇絕事得之一女子嗚呼江兮何不仁賊娥
父子之身嗚呼江兮何大幸愛娥孝女之名江源源而不竭
名揭揭而常行人皆死娥獨在眾水皆濁江獨清再拜頌

明德馨香薦藻蘋前散後整前叙後斷
才情跌宕筆力縱橫

書懷

陸陸嗟歲月書劍兩無成中酒宜千日狂歌過半生客來方
柳沐金盡寔逢迎最愛東方子詎諧起大名

送陳山人之大同

聞君走塞上仗劍不求名牧馬聞嘶野降夷半在城殘春依
路盡胡月向邊明款市非長策誰能一請纓雄渾
似杜

望蒙山懷公孝與年兄

五岳方遶岱三年獨憶君胡爲長抱病終歲卧層雲世路風
濤濶人情冷暖分東蒙烟霧裏何日聚星文亦是
唐音

漢詩拾遺卷四 王伯舉

新安道望王喬仙洞即桐
梅處

遠眺王喬祠蒼煙挂碧蘿間中無甲子世外有山河對奕方
終局旁觀已爛柯未分黑白處勝敗竟如何結局大
奇感懷

陝州途中聞袁六休主秦試回歸華山觀砥柱喜其久

別相遣

潤別中郎久三山遲爾看途窮知己至秋盡徹裘寒雍地熊
羆貢蘇門禮數寬近來吞大藥一味不爲官

聞君留太華我亦上青柯往事隨雲盡新詩載道多相憐有
砥柱獨嘯對長河此後詢生計漁蓑繫薜蘿

早秋庄上偶成

秋動客心驚湖山入眼清橫塘鷗鷺跡暮雨菱荷聲僻地宜
高卧深山亦妬名收綸閣抱鄰蛙吹任紛爭

自君山泛洞庭回華容

未聞洞庭樂特犯洞庭洋九水吞為腹長江曳作腸微波如
岸起浴鷗似人長望望墨仙近蒼茫樹幾行中四句新穎而大方

身閑

身閑無一事地僻景尤偏水鶴窺魚過隣舟傍樹還高天人
獨倚急瀨月難圓漁父能通語吾歌爾扣舷

送客

巢梁乳燕去荒院落花稀送送客已盡行行身未歸蛛絲愁

滇詩拾遺卷四 王伯舉

八

自網螢火灼還飛一卧滄江上經年獨掩扉

哭顧涇陽先生

絕學傳千聖微言翼六經不難身在隱還恥獨為醜里巷罷
歌市朝廷失與刑憶公不可見仰首望天星

道重斯文在身亡正氣消空言持國是啟事鑒官僚靈爽歸

天關忠魂繞聖朝要離休近家季札自同調二詩非涇陽不足當此

送友赴京武試

猿臂應無種龍韜合有謀賦詩不退賊裏革誓封侯一箭雙

鵬落全功獨馬收中宵頻拂劍起舞看旄頭

輓薛予臺主政

抗疏聞高節過江如識荆平心無俗格古親在天行追誦龍
還卧桐枯鳳不鳴黔婁知有婦正被殄先生忠清如見

長安友人書至

書來長至後人在少微避時事都緘口虛名媿補天致君宜
讀律卜隱可須錢南岳新成草憑誰寄幾篇

宿辰州

遠塞雄三楚長山散五溪水從諸洞下雞在隔江啼夜雨清
蠻障歸心滯馬蹄夢中見新息翼錄轉含悽

別大鴻臚劉右吾

良晤曾經再深譚未厭重官曹吾愧馬瞻操子猶龍海氣滄

滇詩拾遺卷四 王伯舉

九

津市雲光駐華峰墻東為問舍他日得相從

荊州報楊維斗

別君數千里五月下荊州風浪兼天闊烟雲湧日浮目窮三
楚勝舡塵九江流歸去昆池木相將築菟裘

梅福菴

言訪梅君跡磐陀石上看海空雲變白井洑水流丹大士為
師友諸仙駕鶴鸞逢萌何處隱此地足龍蟠

宿中峯菴期戴館丈不至

禪宮歲葉鎖元關曾約凭臨香漢間一宿有無滄海月千盤
明滅薊門山花開花落客稀到雲去雲來僧自閑燒燭待君

杯酒盡夜深惟見鶴飛還

送鄭太初疏發權奸被遣

孤忠一舉情仇離雙泪深秋墮酒厄社稷有靈鳴瑞鳳英雄
何暇問妖狸凌霜勁骨黃花共去國香名落葉知借劍未成
騰紙價送君應不負鬢眉中四句承首二句
宋章法井井有條

鄆城武穆祠

百戰功名一日休偷安忍辱事仇讐兩河義士皆胡服二帝
悲魂尚楚囚豈是書生能料事郎緣奸相主和謀黃龍不果
留君醉赤縣崩沈草木愁悲壯

行至新息齋省丈以扇頭詩相迎賦以答之

漁詩拾遺卷四 王伯舉

十 川言又

兩年踪跡設相從訪戴甯辭雪色穠同是平雲深隱豹敢云
紫氣度猶龍登樓徙倚悲王粲倒屣遙迎有蔡邕生死不忘
千里約燈前直恐歎隆鍾三四
雅切

回首長安色黯然逐臣敢乞買山錢當年諫獵同傳草別後
閒居各賦篇人到知音流水外夢回春色彩雲邊須看此夜
雌雄合更有精光上斗躔讀至結句蓋服公
雖挫折而氣不撓

仲春廿九夜暗靈寢

飄泊追隨感慨頻交情此日定誰真汝南有月邀千里泉上
為家度一春黃閣舊傳雙國士青山今是兩閑人相逢直合
持螯醉何必羊裘理釣綸腹聯
適緊

寄贈劉如野少京兆

憂國心勞鬢未斑幾年高卧指平關清朝督事人龍集紫水
開堂社燕還北海壺樽淹逐客中原豪傑半名山盛名已覆
金甌下尚為蒼生一解顏中原句感咽無窮
當日時事可知矣

答胡趨傲侍御

樽酒遞留憶主恩相看驚喜各生存名高抗疏功猶在跡落
深山道自尊詞賦當年傳鳳沼歌諸子共龍門只今遼海
方多事警慮如君六月鯁

霽寰兄遠送五十里同賦志別

並馬遨遊下紫宸玉皇香更共前身樽中白髮能催老雨後
漁詩拾遺卷四 王伯舉

十 川言又

與志衡登嘯臺

春盡蘇門過雁哀異鄉驚喜足音來兩河風雨留羈客三晉
雲山擁嘯臺去國孤舟魂夢斷懷人雙淚酒樽開登臨忽漫
成言別意華觀光作賦才情真
語擊

嘯臺

堯夫祠畔謁孫登想見無言鑿步兵華表飛來傳白鶴病龍
療起為蒼生兩山立壁騰清響千古荒臺起大名世上幾多
坎壤事先生一嘯摠皆平意謂不平之事付之一嘯而已
豈謂一嘯而不平者皆平耶

函谷關懷古

函關扼要霜圖灰柱下青牛去未迴
雄嶺千條盤地勝洪河九折自天頽
古今龍戰人安在名利鷄鳴客又來
百二幾經曾失險素纒元是不羣才

登華岳

三峯連管蓋干霄身在青雲等片毛
玉女洗頭雲髮靚仙人懸堂月痕高
當時子美徒觀望却笑昌黎亦癡號
白帝相留憑宿松風杖底起波濤

二詩感力沈雄亦與題稱

巨靈手擘鎖金天秦晉依微幾歷烟
雲過蒼龍低作雨河朝紫塞遠吞川
騎牛人去五千字歸馬功成八百年
為慕仙源

漢詩拾遺卷四 王伯舉

依玉井采霞雪藕大如船

雒陽懷古

高城臨洛水如潯鄆秋深萬木黃
晉代故宮巢野鶴漢陵荒草映斜陽
聞鷓鴣懶步天津渡問石空懷李相
莊對酒不須傷往事繁華幾作賦爭場

登嵩山懷汪濤寰

中天峻極萬山低六十餘峯競秀齊
黃蓋祠前吹笛過錦屏頂上采芝迷
香生漢柏風千古寒落秦封月一谿
汝水美人遲不至雪花飛盡送輪蹄

前六句登嵩山末二句懷濤寰前六句甚板得末二句而板者活矣

新鄭遇朱武應年兄敘鄉中事

濬洧河頭慰所思十年京邸雁書遲
拙身去國一疏壯促膝談鄉雙淚垂
永夜已無青瑣夢名山更與白雲期
故人管輅丹霄合為報烹芝可耐饑

首章以去國為主因朱入都而寄語都中故人此去國後情事

崧高東下晚陰陰故舊遭逢損客心
君挾壯猷開武庫我持別調抱孤琴
中原道路成冰雪南詔兵戈自古今
直恐縱遊歸未得蘇門悵望彩雲深

次章以鄉事為主恐因兵阻不得還鄉也以題論則次章乃為正面

途中偶成

憶昔抽毫侍至尊晨昏草奏達天閭
歸來白墮欷連鬢落得青山對酒樽
移竹自開成蔕種瓜何必傍都門
水禽田父閒相答人世升沈摠不論

前四句一氣貫注意頗牢緊後四句作跌宕語與前四句掩映成文

漢詩拾遺卷四 王伯舉

汴梁懷古

風沙莽莽暮雲橫王氣消沈四野平
梁苑空臺飛澤雉夷門無地老侯嬴
林泉澳歷三山雪燈火烟生萬井城
惟有東流汴河水溪溪歷盡古今聲

與鼎弟泛百泉

千頃蒼茫夕照低輕舟載酒聽黃鸝
鶻鴒有急來前渚鷓鴣無端下碧溪
蘇嶺空雲漢漢百泉雨罷草萋萋一樽
與爾同高閣回首人閒物未齊

公挂冠後備寓百泉其弟來省兄泛舟所以寫憂也故二詩多苦語

碧樹澄湖五月寒孫君嘯後橫雲殘
湯珠日沸鮫人淚鼓棹新裁漁父冠
笛裏關山雙灑涕鏡中樓閣一凭欄
留連若得

煙波飄飄泊誰憐兄弟難

沈寓泉上粗成別業此後踪跡莫定賦此紀之

小築初分水曲西爲尋長嘯此幽栖遠山雲破千峯出夾岸

湖籠萬木齊竹逕未栽醒酒石草堂眞對浣花溪扁舟白日

無人共睡覺惟聞鳥亂啼放筆寫出孤寂之况感懷係之矣

亭前池蓮開甚值大雨後立秋

銀漢年年接御溝客身此日付孤舟雨晴山岫青堪摘霧捲

湖光淡不流十里蒹葭辭薄暑一池菡萏入新秋白雲儘足

供怡悅却怪張衡賦四愁結句強作豁達之詞實則怪張衡者又一張衡耳安得無愁

李伯謙招飲白雲寺

演詩拾遺 卷四 王伯舉

十四 川文上

愁病經年忍未歸幾回僧舍更依依上方絕巘雲相待石徑

深林葉未稀恐負名山初命屐新栽薜荔亦成衣秋聲同是

他鄉客小酌疎燈坐翠微

醉翁亭

醉翁亭子結山阿翁去吾來載酒過谷鎮寒煙樵徑渺林藏

修竹鳥聲多聽泉不厭頻移席題石何妨自放歌與盡莫辭

歸路晚更邀明月挂松蘿翁去吾來句是頗自負語公之道德文章實亦無愧歐陽

聞鳥衣鎮聶邇原有仙術走訪之及至逝數日矣因望

琅琊諸峰悵然有賦

平蕪烟暝夕陽微朱雀爲橋尙不飛忽起馬頭山白米故道

76 冊 811

河渚巷烏衣長生方外無消息大隱人間有是非回首滌南
舊游處羣峯歷落思依依五六句無限感喟

同劉靜之放舟訪梁溪顧涇陽高景逸諸君子

雙帆南下指維揚草色如煙醉夕陽黃鳥不來矻俗耳綠楊

空繫斷人腸救時更有如公輩孤節何妨委道旁世事看來

堪痛癸莫辭千里問行藏前敘泛舟後敘訪友筆力之健足挽千鈞其欽向道義處尤不可及

招隱寺

雨餘巖岫放秋晴斗酒寒帷訪戴行十里江光浮樹色一庭

空翠滴泉聲爲蕙紫蕨同僧飯猶有黃鸝向客鳴却怪千年

招隱後蕭蕭虛負桂叢生

演詩拾遺 卷四 王伯舉

十五

哭汪霽寰省丈

雙辭瑣闥憶君恩執手河梁濺泪痕李杜齊名甘罪譴范張

失約愧生存清朝有疏推司直聚窟無香爲返魂北固山巔

盡一慟忠臣無命佞臣尊哭友卽以自哭非泛常輓章也安得不佳

詣陸州哭雷何思館兄

我昔遭讒去國年君來灑淚百門泉豈知患難肝腸友倏作

雲霄變滅煙身後無兒一親老案頭有草萬人傳鹿門卜築

成虛約斷襄江啼杜鵑句句沈痛令我讀之鼻酸淚墮

才名燁燁重絲綸痛念交游得幾人亦有王郎同白馬可知

陸子是前身祝融峯拆天無柱爾雅臺空夜有燐一奠東芻

780

樹後死者無生趣到江濱公哭友諸詩無不佳者以他人只悲逝者公并自痛其沈厚處在此

衡山簡陳景平館兄

杖履飄零轉自堪空心妙法得瞿曇尚平五岳已游四下惠

一官奚待三白日浮雲瞻冀北扁舟落葉臥江南栖真峯下

陳夫子好向烟霞下夜談頸聯亦典雅亦自然餘句俱佳

半山亭

萬山迥合拱虛亭僧眾蕭條臥紫冥松下香泥留鶴跡瓶中

淨水注龍腥卽看遠岫迷雲夢却數歸鴻過洞庭杖策直先

昏黑上五峯漸近見真形

登祝融峯頂

讀詩拾遺卷四王伯舉

開闔雲光隱玉除崔嵬積翠萬靈趨秋深龍虎埋幽壑夜靜

旌旄捲碧虛南嶽夫人排鶴駕巨廬使者報金書乘槎已到

銀河外天上何須歎索居

中天沆瀣淨瑤壇露澤哀關虎豹寒不藉秋風筇竹健那開

道眼葛藤寬石邊得句投朱鳥松下吹簫跨紫鸞便欲凌虛

游汗漫還愁西北路曼曼二首俱雄富

浮湘回舟

滿江碧雪下高春九折迴環七十峯魚子生時啼布穀魚生獨

在湘鴻賓到日噴芙蓉僧回別浦逢秋月客在孤舟聽岳鐘

始信湖南堪避世好攜琴鶴卧雲松新警

哭劉靜之年兄

棟折山頽吾道孤餘生爲爾欲捐軀凌霜勁骨年來瘦憂國

探心血盡枯嶺上寒梅春忍凍湖邊怨鶴夜相呼交游屈指

兼師友北斗南來一丈夫公與靜之氣類相感故哭之尤憫至欲捐軀其交誼可想

病裏傷心別更愁忽成異路斷相求人閒是處難施足泉下

諸公且并遊知我深恩今鮑子安貧峻節昔黔婁素車思待

他年赴直恐蕭蕭墓木秋合七古長江行觀之則知素車奠墓非託空言

書懷

隻身血戰已陳芻到處飄流問卜屢敢望曹邱揚季布却笑

張耳負陳餘長心短髮功名誤白石青山禮法疏屈指交遊

讀詩拾遺卷四王伯舉

參厭世天公何意獨遺予此在哭友諸作之後憂患無聊恨不與之俱死

次韻謝揚文弱國博

久客經秋滯一谿玄心時共語窻鷄新詩咄咄驪駒動舊識

依依過鴈啼江館夢回高葉墮山城路杳暮雲低欲知此後

相思處回首秋風鄂樹西

書楮

職嶮年來摠不驚千山秋色送行程朝辭茅店聽雞叫夜宿

巖村帶雨聲碧樹叢中紅葉亂青峯斷處白雲生歸家賸有

雙蓬鬢又被繁霜點數莖直是一幅秋山行旅圖此謂詩中有畫

山菊

山窮路盡時 菊開蕭然不厭伴 蒿萊秋風空有摧殘力 客路

誰憐隱逸才 旅雁過時香自遠 征車停處晚相催 爲君好下

栽培手 移向陶家佐酒杯 頸聯是菊是人乃自傷 語收筆乃自尋立命處

寄史遜勺侍御

香案曾同侍 玉皇歸來萬里類 投荒風霜抗疏無毫補 鷓鴣

聯班引夢長 楚水秦關鴻信香 髮眉雞足馬蹄忙 思君想在

雲霄上 落月紛紛照屋梁 公徧遊天下名山歸後曾 往遊雞足山此詩可證

寄丁長孫禮部

蓬蒿蕭蕭老 百變何功敢爾望 居關狂奴故態驚 猶在破衲

家風煞是開 磊塊半消澆濁酒 生涯一味落名山 浪遊自願

滇詩拾遺 卷四 王伯舉

僧多髮縹緲 高峯擬共攀

太華寺

孤峯倒影夕 陽斜搖落珠林翠 欲遮昆海迴瀾吞 日月空天

古殿鎖烟霞 漁燈初照四 三點春色高 凭十萬家起滅不須

悲世界劫灰 今已被桑麻

九鼎山

巨靈手把并州剪 碎斷芙蓉作九峰 棧閣有僧家絕壁巢雲

想鶴戀疎鐘 猿梯倒挂涵聲急 佛火孤懸曠色封 倦倚山樓

不成寐 滿空天樂起蒼松 大力 包舉

蒼山寄胡慕東省丈

盡日看山未肯休 此身何地足淹留 懷人夜雨春花畔 賸國

雞峯鸞嶺頭 倘于功名終汗漫 虛卿著述只窮愁 何時同醉

山樓成

山樓小構切巖阿 臆膈虛靈受碧波 絕嶠煙生理 虎豹長湖

風捲立龍龜 側身天地時懸榻 謝客冬春自放歌 濁酒可邀

田父 醉白駒漫擬碩人適 又似 少陵

澤畔

澤畔江湍意自舒 扁舟出沒水雲居 騎霞仙子月明下 戲浪

神龍夜靜呼羅雀 雀真同翟氏 第盤鮮不是武昌魚 故人天末

滇詩拾遺 卷四 王伯舉

成寥落去國虞卿好著書 公詩皆去國後作居官能抗疏 罷官亦能著書何人不自得耶

秋日送張計部北上 時有遠警議海運

四牡駢駢上帝京 消魂猶自壯君行 黃催籬菊人千里 紅落

霜楓雁數聲 左海此時籌輓運 東山何處慰蒼生 已知早負

邊才望爲挽天河一洗兵

水明樓有懷

清夢憶還轉自愁 懷人獨坐水明樓 消磨歲月饒青眼 領略

江山對白鷗 春動長湖波沸立 雲開遠岫翠爭流 雌雄共指

豐城劍紫氣 虛傳上斗牛

湖上立秋

生涯鎮日對澄湖放下琴書一事無浴鷺朝朝依水榭射狼

夜夜看天弧東門漸覺侯生老衛國終須甯子愚烏鳧遊飛

鳩又化酒酣空自說胡雜浴鷺一聯已含得下二首在內故知作連章詩亦須預為布置

開道夷酋抗上邦杞憂深夜對寒缸自知捧日心無二所惜

繁星鬢已雙秋動只愁弓馬勁謀成未報羽書降中興誰是

郭元帥一戰長驅黑水江此申射狼向之意

十畝閒閒一草堂行歌猶自和滄浪陽春有脚趨高第秋氣

無端退短牆門外鼓吹蛙列部江十窠從鷺分行深山白石

還堪煮此味經年只自嘗此申浴鷺句之意不得報國惟有優游卒歲耳

再泛漣江

瀟詩拾遺卷四 于伯舉

霜嚴水落石峩峩小酌輕舸許再過兩岸蒼峯呈霽雪一川

明月在清波雲邊塞雁衝寒少網裏江魚入饌多為問當年

五湖客西施載去意如何

冬杪水明樓夜坐

長風遙夜捲江身孤燭搖光百慮洵曾借上方堪斬馬故饒

左手得持螯青山冷眼看波沸白鳥閒心狎浪高坐嘯行吟

殊不惡靈均何自苦離騷三四期盡忠報國所以被謗投閑結句亦是却怪張衡賦四愁之意

水明樓月中聞雁

碧落秋高雁隊分飛來底事若云云慮知清影沈湖去空有

遺音帶月聞關塞弟兄誰失路雲霄點畫自剋文上林審顧

休輕下浦地處羅足破羣此亦借雁以自寫照耳詩中有我公詩深厚處大半在此

湖居

樓接江濤舟接門自甘戶外少踰輪流年且付滄浪去野性

翻從白墮馴春服做時裁水穀人烟盡處與鯨隣却思巖嶺

羊裘累引得虛名上釣綸自古忠臣無甘為隱淪者讀公詩得此意則知放曠處無非牢愁

山中聞報自嘲此公問起用之報而作

當日懸冠去馬曹歸來簞笠穩烟濤救時貴介精三語垂老

趨險有二毛聖主新恩搜隱逸狂奴故態只麤豪自憐幻夢

徒生翼敢望相知一贈刀

中華通籍氣縱橫自愧虛馳海內名攤卷忍拋南面樂移文

瀟詩拾遺卷四 王伯舉

慙負北山盟老鶯縱渡猶知水小草登籠可利生為語同舟

須濟險元黃消散答昇平前作不敢望起廢之意次作仍不忘報國之心此亦連章有次第者

途中對妻孥作

天涯風味竟如何故國山茶夢裡過晚雨晨風青草瘴竹煙

松靄白雲窩指揮番漢鐵如意勞問車與金匡羅惟有癡兒

不解事燈前笑語學蠻詞

再登平都山閣山有王陰二仙蹟貴客至白鹿先鳴

三十年來雨度遊依然城郭枕丹邱雨餘空翠全浮樹江海

濤聲半在樓貴客慚非鳴白鹿仙翁一去杳青牛王陰當日

騎霞處一局殘棋了未收

舟泊沙市聞報此公半道又聞放廢之報而作

浮家轉眼又更春
暮雨連天泊市津
獨夜浪高封峽水
此宵月白乍開人
參商海內嗟朋友
詩賦江邊泣鬼神
莫為靈均動悲吊
昆池一曲問波臣未有屈子懷沙之志

閩金昆源詠

楓橋北畔半堂閒
會棹輕舟再往還
談久肺肝俱若嘔
調同邊幅盡為刪
相知底事都抽盡
斯世何人與共親
空憶虎邱秋夜月
清光照屋對君顏

真州病中初度

浮生六十近相逢
踪跡西南與北東
眼底黃花知媚客
鏡中白髮忽成翁
卜居已辦移蓮社
畫額空勞妬漢宮
老病經摩誰問訊
呻吟丈室有神通公生以九月九日故第三句云然

漢詩拾遺 卷四 王伯舉

三

川上

次韻答劉念臺平兄

秋動潮頭悵斷鴻
來無握手別匆匆
釀成新法皆吾黨
謝却浮名是彼傭
一水滄盈人自遠
萬山迢遞月相同
黃冠白袖堪逃世
珍重交情片紙中三四慷慨亦復平允

丙寅秋冬浪遊吳越間錢爾檢招詣歷陽賦此以贈

涉世多年轉未工
敢將白眼泣途窮
莫嗟老去鬢眉動
且喜生存感慨同
宦邸為家煖屣屣
配客邊作主慰飛蓬
歷陽亦係延津合
傾倒猶疑是夢中

感事

江城日日雁南飛
惆悵孤身未有歸
詔到這方枯渴雨
夢回魏闕倒顛衣
八千里外音書隔
六十餘年鬢髮非
自詭生平微有尚
敢云同輩盡輕肥收筆亦含蓄亦兀傲

賦贈陳玉函文學

黃葉翩翩蕭寺秋
趨來傾蓋足綢繆
胸懷秦鏡甯能照
祇有隋珠肯浪投
世局看來翻塞馬
機心削盡狎江鷗
與君共負元龍氣
喜卧孤高百尺樓公所交皆氣節之士此可想見

仲春同陳玉函風雨走燕子磯

長江如練機如削
倚檻看機更望江
磯撼江聲帆片江浮磯色鳥雙雙
潮捲月到景偏絕
人在春分與未降
喜有同心探奇者
一樽風雨共寒缸起四句用筆如飛花浪雪得未曾有

漢詩拾遺 卷四 王伯舉

三

川上

圓通菴訪九會大師談楞嚴并訂後期

蜀國山川千萬重
何年飛錫入雞籠
足音喜我蹉然至
禪榻憑雲條爾封
竹裏談經醒鳥雀
溪邊打坐護魚龍
楞嚴要旨徵心處
莫厭商量許過從

滇蒼雪上人住金陵雨花臺又住吳門中峯菴

問師何日返山居
來往難同鳥跡虛
臺畔天花春落後
峯頭祇樹月生初
一楞轉法傳心印
萬里南窺寄雁書
支解莫疑歸別趣
詩篇元不碍真如第六句見蒼公之孝思僧家為何說音備

金陵得諸弟家書賦答時有虞警未靖

江天漠漠見飛鴻書字無多意不窮
短鬢子名如嚼蠟長
學舞欲驅戎一身試藥秋風裡
百感吟詩夜雨中近遇高僧
開醒後華嚴獨領許誰同
念君國則熱誠具在撫身世則萬慮俱灰孤臣去國心情如此

雪中送玉羅正計借北上

莫謂難行大要藏球時端是藉貞良
吾謁白下龍鍾父君派
山東馬冀王蹈海仲連憐世界
題橋司馬售文章勞勞亭畔
看行色雪壓江流引思長

二毛

攬鏡灰心感二毛行年花甲忽周遭
旋頭尙作胡鷄宿肘後

海詩拾遺 卷四 王伯舉

辛四

同治

空懸別駕刀求令敢希成大藥閒居漫自反
離騷憂人歲月徒虛擲尾赤知魚不耐勞

初春舟中見鍾山

烟開雪霽見鍾山白浪潮頭動笑顏
千里邦畿盤玉氣萬年國祚鎮雄關
君王有道風雲會造化回陽虎豹開
身際明時休吊古六朝同付水潺湲

過雷洞研

西浮弱水陟昆侖樹態巖姿帶雪痕
呼吸始知通帝座笑談相戒過雷門
九關虎豹文章變萬口烟雲朝夕屯
爲報雨師早開霽放光臺上看朝暾

氣象

湖上卽事

江空水不流夜靜蛙逾響何處一扁舟
帶月獨長往有遠韻故佳

古將臺

何代將軍築此臺森森殺氣薄雲雷
可憐萬骨枯成土只是登壇爲將者勝負皆必傷人讀此詩令人有已爲將之意

書宋仙鎮岳武穆廟壁

報國精忠刻畫膚將軍謀叛莫須無
復讐雪恨春秋義南渡君臣不讀書
莫須無三字極妙真聰明語也通首詞嚴義正儼然春秋之筆

睢陽謁張許祠

虜厚城空眾已乏出奇幾度摧堅甲
將軍豈更習孫吳忠憤

海詩拾遺 卷四 王伯舉

三五

同治

腸中足兵法用兵以忠義爲本自是堂堂正論

山中雜詠

醒起看山曉露濃江光樹色轉朦朧
一聲啼鳥冥烟破人在湖陰第一峯
二首俱佳

春風自着花

寄京口友人

浪跡不禁雙鬢改知心今復幾人存
三千里外思君泪猶與長江到海門
大筆淋漓

雞山雜詠

穿雲度嶺不知歸是處柵檀隱翠微多少閒僧對補衲野花
飛上水田衣

望蒼山

十九峯聯跪兩關西天有路可迴還當時白馬馱經者到此
呼爲小雪山老常

天寶戰亡士卒冢

太平權相欲宣威將士無戈挽落暉此去中原千萬里征魂
那伴捷書歸俯仰歛歛

憂旱諺

冷寒無煙處處村榆皮剝盡到桑根饑腸未實官租急夜半
瀟詩拾遺卷四王柏舉

猶驚吏打門

去年苦澇高田熟今年遭旱高下無指望一等堪濟急二蒿
相望就乾枯

前月無米驚大女今朝糴米與小子兒女易盡米難求手把
金錢徒餓死

赤日燒空雨不來雨來却被風吹斷三點五點若更籌千里
百里成塗炭四首似俗非俗是諺諺

春深閩子規

馬橋踏山徑曲殘紅逐水秧針綠一聲啼破烟雨中百鳥
寂然春意足落落大方

寄贈梅福菴元曠上人

神仙宅畔一曇那頌略溪聲山色多若使梅君來問法煉丹
抗疏總成魔末句之妙能將梅福元曠及自己身世之感包括殆盡

雙飛橋

橋頭耳語隨雙衲橋下轟聲聞兩龍玉甲冰鱗滿巖壑千年
誰爲定雌雄

到峽

半晴半雨入山間山號尤胡暮可扳聖蹟仙踪俱泡幻峽山
原只是峽山頗有禪意

趙炳龍字文成號雲升劍川人崇禎壬午舉人研求經世之學工詩古文歸定洲寇楚雄全滄道場畏知

瀟詩拾遺卷四

用其策擊却之後桂王以畏知薦授戶部員外郎隨蹕至貴州安陸所孫可望殺畏知又殺吳貞毓等十八人先生遂歸隱于向湖村之椒園鼎革後足迹不履城市吳三桂反有以僞命避石寶山不出者有居易軒詩文八卷經兵燹燬矣其裔孫拙菴司馬搜刻二卷司馬之子樾村觀察以示予予乃於袁氏詩畧外更錄其詩四十首先生之詩風騷漢魏六朝三唐並涉其藩籬曠其堂奧故各體皆佳

有槃五章題壁

鳥聲在上泉聲在下有槃此中其人孔服其人孔服不圃不稼不圃何蔬臨溪而魚不稼何食農有餘粒暑屏白雲寒餐綠雪晨書媚霞夕魯飛月今人嚶嚶古人翼翼匪今嚶嚶匪古嚶嚶唯伊人之陶陶彼伊人兮槃中之大兮是耶非耶其槃中之大兮此歸隱後自詠之作以幽秀之筆寫澹定之懷吾服其品高尤愛其詞雅

永憂六章述懷

永憂紛只瞻白雲只雲之云只美人其感口、彼美其懸實
勞我心往將與羣山高水深 榛苓在西黍苗在東西天孔
造東流易窮 如鳥斯飛垂翼暮途如鹿斯奔離羣而呼
呼羣者鹿垂途者鳥人何以堪百憂用老 維玉在山維谷
有蘭携彼德方劭哉先賢

惜菊五章責守館者不閉牧也

菊之香兮蔚秋芳兮嗟胡為其不芳而飽之犬羊 物則鮮
知兮疇實繼之傑士之凋謝兮我心則懷 霜風蕭蕭石煙
條條猿鶴寂寥魂歸曷招 蔣汝護汝憐汝風雨渴我心膺

滇詩拾遺卷四 趙雲升

同我羈苦而何過非其主我亦無所處 故園三徑悠悠我
心歸去來兮偕老其陰 此隨譚安陸將歸隱之作反復長吟
為之涕下不知當日流多少血淚也

黃鵠六章安寓也

翩翩黃鵠來自南陸 遭渚而宿 渚則有宮渚則有梁維鵠
徜徉 于嗟鶴兮將高舉兮而雲騰其修阻兮 于嗟鶴兮

將遠遊兮而泱泱其無際兮 媿鶴其侶倡予和汝慎爾出

處 可止暫止可棲 暫棲順造物之時 亦歸後之作慎爾出
處一句是全篇之骨

採菊二章寄高澹生 榮昌按澹生昆明人
名應雷公門下士也

採秋菊兮東籬霜華 碎兮霏霏招隱士兮何時歸 採秋菊

兮東泉霜風發兮蕭蕭思公子兮中心搖

廣魚四章

榮昌按此亦將歸之作由黔返漢故曰西
誰能烹魚佐之鹽梅誰將西歸報之瓊瑰 誰能烹魚言飲

其腥誰將西歸言潔其輪 我思美人盈盈一方匪美人其
曷歸歸美人兮而心徬徨而道阻且長 我思美人憂心如
焚匪美人其曷歸歸美人兮而足遑巡而不敢以告人

去故都三章

榮昌按可望殺楊畏知何提學遂棄官隱
雲南縣城東去幾憤死人之云亡蓋指此

或曰此乃明亡後
之作故曰去故都

去故都兮山水其長人之云亡涕泗其滂典型之猶在兮殫
高仰而景行 去故都兮雨雪其霏人之云亡麟鳳其悲明
王之可宗兮孰操蘭而茹薇 去故都兮歲月其沈人之云

滇詩拾遺卷四 趙雲升

三九

亡永忝行吟我心之永貞兮懼愆修而忝親 不肯飾不辱親
所以能持節

無同心三章

按楊公雖死吳貞毓等存猶為國有同
心至十八先生亦見殺則無同心矣

國無同心兮放我江潭居不可卜兮行歌而自憐 國無同
心兮率我中野虎兕之既羣兮衣褐皮以為雅 國無同心
兮嘶我嚶鳴依先民以為則兮慰羹牆之我親

雜彼青山四章失羣也

雜彼青山石巖巖兮雜彼流泉水潺湲兮有美一人山水之
閒兮 山之高兮猶可牧兮泉之流兮猶可浴兮彼美人兮

其不可瀆兮 山高而巖草木翳之泉流而潺湲絲利之嗟

美人之信芳兮仇予而將去之 匪山必高畏人往還匪泉

必流畏人激湍匪美人其若仇畏人之中道而棄捐

離憂六章閔遇也

欲離憂兮雲天之寄兮白雲縹緲而長逝兮羌予不能御兮

欲離憂兮靈均之謁兮湘水決滂而無楫兮羌予不能涉

入兮 欲離憂兮帝閭之哭兮閭者伏戟而賦目兮羌予不能

能類兮 欲離憂兮其無所適兮匪予好勞役兮慄車不可

慰兮 欲離憂兮其無所汰兮匪予樂行邁兮金鷲難自漑

兮 謂詩讀書以知人論世為要義知先生之人論先生之世則讀先生之詩益唏噓而不能自己

石蘭三章念澹生也

石蘭之葆兮芳窈窕兮可以揚予藻兮匪維藻兮永以為好

兮 石蘭之翠兮紛粹遠兮可以紉予佩兮匪維佩兮永以為

為惠兮 石蘭之豔兮香煥溥兮可以適予繁兮匪維繁兮

永以為範兮 按公文集澹生為之序是能傳公文錄者宜公念之而不志也

招鶴辭 按雁耳藉鶴以爲言乃詩家之比體

鶴兮鶴兮胡不歸松杉靜兮白雲飛怨山人兮啼曉猿庭寂

歷兮空徘徊鶴兮歸來元圃之仙兮難期北山之客兮瞻依

胡不戀石牀之露兮胡不愛山亭之暉鶴兮可歸雲衢萬里

兮遠莫致之稅駕風塵兮塵網將羈歷九州而相其君兮遇

之者誰鳴九皋而聽於天兮天高聽遠鶴兮何歸秋江之上

兮

公霜月棲玉闕之外兮腥風吹空腸斷於江城之笛兮空夢

冷於孤山之梅橋兮歸來勿開浴於瑣浦兮勿長寢於蓬幄

有鍾與子其不德兮曷見幾而去之鶴兮歸來勿振衣於干

仞兮勿借巢於一枝千仞之岡兮多險噉一枝之蔭兮無德

有槩兮擊有晴雪樹蒼蒼兮稻梁肥猿同嘯兮鷺同棲主人

出入兮長相攜風月皎潔兮宜所處舞且唳兮白雲低擇地

而蹈兮今其時鶴兮鶴兮胡不歸 將不歸之可危層層說透則歸之可樂不待煩言

出塞曲 以十首皆樂府體

橫纓出塞塞馬驚怒颯發願見雙白狼彎弓洞穿骨滾滾塵

沙間天空任奔突萬馬盡辟易豪氣立鬚髮誓此七尺軀指

以報明關滿筆天山顛文炯千秋碣卻笑飛將軍射虎藍田

月 此殆佐楊公戎幕時作

從軍行

中原二十秋羽書急如雨少歲許從軍兜鍪執旗鼓沙雪任

凌蹴邊城不知苦但恨羌笛聲烏烏泣秋浦悽然悲故鄉醉

擊雙龍舞

關山月

玉關之外山如攢山高萬仞月生澗清影照來角月動流輝

射將銀甲寒此輝何不射宮殿此影何不照句闕宮殿宵宵

兮

錦屏設句關處處銀箏望關山高且遠黃鶴道秋秋色
今年未剪白兔營春來又戰紅狼坂山月白傷心魂少年停
婚出玉門十千里路苦霜雪歸去方知天子恩

關山笛

秋風不遣魂歸去笛聲叫醒胡天曙一夜梅花落玉關關頭
雁帛無尋處可憐出塞騁黃驢珠鞭玉勒珊瑚獵犬飛鷹
競馳逐沙草茫茫春復秋關山遙過家萬里月明羌調風中
起白露清冷更送寒回首天涯淚盈指先生諸樂府皆雅
德似溫李一派

塞上烏

君不見塞上烏月明歸飛聲鳴高城女兒夜鳴柝聽者淚

滇詩拾遺卷四 池雲升

三 川上

落粉如珠可憐蘇武單于客暮鴻風裏頭銷白北向望南
望胡茫茫黑海千山隔吁嗟乎塞上烏無夜呼李陵不歸王
嬌已夫將軍七尺男兒軀美人國色宮中無天山牧馬長城
陷空向高臺泣故都

搗衣曲

月明波淨蘆花渚石上秋心動霜杵一聲兩聲離別情千點
萬點紅淚傾西風斷腸不成響抱衣歸閣霜駢掌

長城路

長城不盡路千里復萬里君戌長城外妾住深閨裏深閨夜
夜風月懷長月落鴛鴦啼何不從君學弓馬射隄殺兎長

城下此與上篇皆短小精
悍如郭解之為人

妾薄命

生來少小良家子繡素裁衣不停指有時閒暇學篋篋兼操
筆札弄書史自分窈窕閉深閨村絲夜夜待鳴鶴整裝出戶
銷瓊佩低眉顧影無敢迷二月冰開母結稿為言夫婿卻相
宜鎮陪桃李春風笑甯慮牛女秋夕悲無何北地急徵兵良
人騎馬向長城牽衣相送于行淚執手生離萬古情征程遠
遠獨言歸回首望望心有違曲巷到來餘落葉寒煙不起掩
空屏入室吹簾燈欲歇更深擁被被難揭孤枕愁聽梧桐雨
枯眼厭看楊柳月賤妾零丁祿命低征夫無信背人啼照鏡

滇詩拾遺卷四 趙雲升

三 川上

彩鸞嗟獨舞巢梁紫燕雙栖更有東隣西舍人橫陳羅帳
錦衾新年年歡笑何曾別在在優游共此身伊余寂寞思悠
悠經歲長吁復坐愁敢論阿嬌貯金屋只同妾婦泣孤舟糟
糠不厭顏將老出入無裙懷似搗篋內徒留合歡扇籬邊懶
種宜男草欲向雲氛一問天畢生何事苦綿綿江妃解珮終
無賴蘇蕙迴文不值錢但許化石在中阿甘受雨雪矢靡他
有豹直指西陵柏為鳥不願北山羅計從夫婿渡交河河梁
斷絕水揚波安得南風吹我去對君嗚咽為君歌徘徊纏綿
似長慶體

大隄隔

大隄隔江江水深妾欲過隄雙楫沈眼媿長干眾兒女蚤婚

晚嫁同歡處江花簇簇霜後紅垂楊萬樹搖春風不知妾心
落何處鶯鶯燕燕春江去去盡大隄風雨多郎不渡江妾奈
何此等詩認作治曲恐終不宜古人於君臣朋友
至難言處大半託爲男女之詞吾謂此詩亦然

四仙女

賈陵華段安香昔日尋常人家學梳妝倏騎白鶴乘彩鳳辭
親來游白雲鄉董雙成許飛瓊青閨脈脈含春情何以一旦
身能輕會同瑤池之母談長生瑤池之母笑相譚瓊漿酌共
嬌娥飲親贈鮫宮百鍊冰便令不記相思枕日月追隨島上
雲天風蕭蕭吹素裙肉芝神茯苓願言採之遺主君四
青龍四白鹿紅羅綠雲眉不廢豈復當年學舞時長袖纖羅
瀟詩拾遺卷四 趙雲升

吳宮恨

吳宮歌舞迷魂地月明暖抱琵琶睡夢起猶聞掩抑彈興亡
曲裏依稀記今日霜叢叫鷓鴣美人塚下澆紅淚祇有嗟
江上山眉黛猶橫滿宮翠

醉歌六首

今日不成醉酒負昨日花明日花下酒句否隣肯餘往者杜
陵老春聲曲江涯焉如太白豪濫醉誰長沙百歲事恍惚六
代文虛華茗榮與野掘富貴乃隨蛙管營而皇皇醒胡爲者

耶自三百篇以酒爲解憂之物後代詩人遂多酒在其實極
豪放極曠達正其極牢騷之變相耳讀公數詩當知此意
有酒渴自酌無花春亦香竹外客山鳥雙聲催我觴兼之風
雨晴雲白山蒼蒼得趣在過軸安知帝者鄉醉歌懷古昔巢
許嗟吾狂

相傳安期生靈藥大如斗以之延其年造物同悠久而何當
代人不得壓饑口豈若隨地誅陶陶一杯酒
顏生知足時晚食以當肉陶公解綬歸滿籬種黃菊漉酒晚
花前達者有真福陋彼求富人執鞭耐啼蹴
蘭茝千載香泪羅負幽怨落拓吳市游吹簫屨晨飯生仇與
死忠緒論多於憂我醉了不知風月長相勸

瀟詩拾遺卷四 趙雲升

西施湖上歸吳宮沒顏色綠珠墜高樓明如妻漢北蛾眉世
所珍情盡生靈騰逢場且醉歌千金珍一刻

月下憶別高澹生

送君船上時寸衷鬱如結船去穢悔余胡無一言別亭亭兩
岸山鎖愁青不絕浩浩大江流波聲善嗚咽黃竹搖晚風歸
途草煙熱慘澹入岑宇書囊未忍揭薄暮方徬徨寒蟬息先
切生平恥獨醉空對月如雪起四句情
景俱真

得伴失伴篇追悼故大學士寶雞楊忠烈公畏知提學

黃岡何公閣中

得伴何足喜喜彼志術和如天有明月星辰各森羅如水有

神龍九鱗隨其波親上而親下氣從而類多鳴陰鶴有子伐
木登秦歌生平感知心寶劍動淬磨二詩爲先生行藏開
鍵他篇多因此發脉
獨立丈夫志失伴貧所悲彼道衍歧羣口如簞吹百川一
人障末流誰濟之大厦隻木傾棟棟多奚爲南陽出廬日北
山絕人時行藏豈誰喻裏哉千古姿

憶昔篇寄段存蓼先生

自敘垂遷史壯游紀杜詩覽鏡對華髮羞言往昔時往昔六
七論能學風雅詞筆陣飛鳥隼言泉起蛟螭十六泮水游廿
六魁瀆池論交得鮑謝薦士歸泉藁翼倖躋台階帝座倏已
移鼎遷哭泗浦瓠落傷圍籬五華踞沙城六詔喧鼓鼙我我

滇詩拾遺

卷四 趙雲升

三六

八八

楊關西灑落平生知嚴城苦百戰完此象州危對酒借前箸
公輒頷以頤世變不可極狼縛虎轉窺委曲就帖伏奮發欲
有爲芒鞋走蒼梧草疏陳丹墀貢禹彈其冠驥尾附以馳司
農大計緝畫省懸職司門戶爭異同臺閣多委蛇公持平原
節碧血噴淋漓大名自天壤國步窘邊陲警蹕扈南狩安隆
建黃旗狐鼠患益深猿鶴化無遺賢冠歸與松菊隨
桂蠹劇堪閔竹溪聊可怡逾年改陵谷消息悽肝脾風雨金
蟬哀咒水鏡椎悲側聞故將軍帶礪仍相推維駒胥載路伏
驥將何之低頭拜杜宇結鄰沙鷗期守黑甘貧賤草元凝希
夷我拙我所安世俗胡然疑乃悟風波生猶有釣魚磯誓將

葉之去石竇窮產廉縱我出世心茹君商山芝往昔何足道

聊以存相見云一生出處盡於此詩國家存亡
之感亦在其中不可少之作也

容膝篇按明季忠義士多避而爲僧君子哀其志馬公
不屑此而隱居以全節非斯義尤精何以能之

精舍匹兜率天魔列其室森森空與元琉璃貫金漆往者楊
墨人入馬而復出沿襲近千載墻戶愈昏翠世情驚奇誕士
木匪所恤幘幘盡無賴士貧不中瞻卓哉聖門徒做組響琴

瑟仲憲繩樞廉顏淵陋巷逸考槃憐寤歌衡門傲遷日心照

鹿豕羣富貴若秋實吾自得遊廬吾以容吾膝

雲樹辭寄懷同社諸子

嶺上晴雲外樹青猿白鶴中間聚秋色幽蒼落葉深曉吟

滇詩拾遺

卷四 趙雲升

三七

八八

夜嘯相依附得伴長壺暮風呼維淨浴蘆花渡柳性偏丁
世路危閒情易獨詩人妬挾彈張弦向碧巒風嘶隼獸犬如
擯香山覓穴霜花苦漢水尋棲月魄寒蹤跡晦來生死幻羽
毛傷後去留難遺餘不滿王孫興賺落錦囊金彈丸從茲樹
頭雲陰斷風匡藤壁留空幔星月涵虛夜次滲石上但聞颯
颯喚故舊徒傷白首心天涯且拂青雲翰淚灑西風溼薛蘿
江東渭北情無限

滇水行寄潘生義陵

滇水不東王氣西萬馬南牧骷髏啼滇人遠騶河庭北身貧
微骨衫如泥郡關日夜濃歸夢洞庭楫難飛送浪迹寒依

家驀上高原見芳草玉驄影絕千山遠楚耶漢耶迷鄉土水
不匯流山各主友生昆弟結天涯綿綿葛藟河之滸青醉瀟
池岸上春柳條嬋娟思行人桃花杏花闌顏色醉者便卧蒼
苔塵西山憑闌萬頃碧雞金馬霞天夕此際榜歌收釣來
孤帆彷彿君山迹擡網磯頭草眼螺兒灣口百花洲紅衫
少女素羅幃公子翩翩齊出游于今風景忽長往念子羈孤
夢安做五夏殘角黃昏蕭和風併作關山響關山歲暮鴻雁
過作書寄子投汨羅爲余更問湘妃宅竹枝血淚今如何
詩
四卷六百餘首今所存不及十之一而垂念潘生屢見於篇
其師弟相契之深於此可見是詩作於鼎革之後首云王氣
續詩拾遺卷四趙雲升
西晉書云潘岳嘗云湘妃血淚則憫念思陵故君
也先生忠憤觸處即發如此

小樓

小樓久不下一年春又深落花情無語老樹自冬心酒熱偶
看劍牀空還抱琴小兒強解事也學和陶吟

來客

燒燭草堂春勞君枉顧勤上書京闕遠投筆弟兄貧往昧浮
名幻今知酒味醇西州腸斷過莫話吐車茵

村南晚眺

平川紅日盡嵐氣薄南泉浦色涵空翠秋聲捲怒濤煙中孤
鳥沒林外一峯高官道紆如此行人策蹇勞

登邑城南樓

斷堞聳誰樓風煙四望收絃歌猶里俗亭障亦邊籌山翠晴
如雨湖光夏欲秋吾廬楸樹隱凝眺意悠悠

秋郊

滄江流自去歸牧散平蕪渚潔山眉淡天懸塔勢孤老貧于
計拙詩病半身癩處處秋鴻語蕭關有信無

楊濟甫述小說杜生哭項王祠事感賦一詩示之

騷客臨祠弔楚王共零涕淚灑秋堂寒雲白晝愁江水風雨
黃昏冷劍鏖百戰幾人皆左纛七襄終古不成章寄言杜頂
都應笑雁塢長陵草樹荒此亦藉酒杯以
澆磊塊之意

遺興次友人見贈韻

逃名空谷似王官敢築詩壇擬建安亂後琴書家計減豪來

風月酒杯寬焚香復自揮元草指水何當媿素餐與子菴種
雙病鶴奮飛應避弋人彈此逃隱石寶
山後之作

題雲林松石圖

豈是黃山百六峯一峯怪石一株松月明半夜來孤鶴雷震
空堂起螭龍倘許仙人開洞府那知天意有春冬題詩便欲
山中去松下峯峯曳短筇章法
團結

春日遊班山感通寺

閒遊古寺暗愁生何似桃源可避秦臺上雨花春又暮樓中

貝葉解無人碑留御製空陳迹石有仙踪起細塵院落幾重
芳草靜白雲猶自鎖長春

亦是舉目有
河山之感

痛哭

日入燕京暗烏雲掩玉扉新亭人更飲有淚共沾衣

送春

爲惜園林春事殘狂歌送酒拍闌干花開花落渾閒事贏得
天留冷眼看

對菊

寒螿伶俜徑草蕪斜陽一角古牆隅黃花似勸先生醉笑問
山妻有酒無

漁詩拾遺

卷四

趙雲升

甲

川
8

滇詩拾遺卷五目錄

明

讀徹詩一百三十首

普荷詩八十四首

滇詩拾遺卷五目錄

滇詩拾遺卷五

昆明陳榮昌小圃賦

讀徹呈貢趙氏子勿視髮於昆明妙湛寺崇禎間至江

普荷詩冠首王漁洋謂近日釋子詩以滇南讀徹為第七

集有徐波錢謙益陸汾諸序子既鈔副本

又於袁氏明詩略外選其詩一百三十首

吳中好風景娛樂忘朝暮江平潮不來川迥天低樹人因花

出遊月與舟隨住十里行春橋八月虎邱路絃歌不夜天烟

水無盡處每信次第來千峰萬峰去

移畫壁有引

滇詩拾遺卷五

雲霞徐九玉家有畫壁名蹟也欲遷搆其室不忍毀

之因以版夾羣力移之喜其事致高奇故賦之

斗墨傾翻几幾濼圖成老腕想當脫高堂六月風生寒主人

踞下恣盤礴飛來片片自無根檜老成雙為碍門勢所不容

愛須割何暇計其死與活直借秦王驅山鞭土泥搏弄如雲

烟百夫奮力拔山石割然中斷冰巖坳隨我之心應吾手天

矯猶龍蟠地走造化小兒無其權得失於中信烏有君不見

古韓陰森霜一幅東壁不挂於西壁又不見四更山頭月乍

昇壁上模糊影一層夜深月落向西去起視壁影無尋處

春江花月夜

我愛春江花與月光月光共一色還思三月下揚州猶恨
鶴遲騎不得飛身直欲上青天從頭試問青天月春月如何
溫夏月如何熱秋冬一片冰霜雪茫茫舉世人愁者見之愁
悅者見之悅佳人喜既賞光輝惡盜賊問月月不言問花花
不說花月不相知歡愁各自別奈何復奈何花殘月又缺不
見千古入夜臺呼李白披雪嘯一聲劃然天欲裂問月數語頗有禪機

研山爲道友題

山之精石之怪倪迂束手米顛下拜岩穴多坎齋峰巒多愁
翠我欲窺白雪白雲在洞外一絲裊裊東山腰萬里江流繫
衣帶吾將與子結廬其間一邱一壑爲樂甚快

滄詩拾遺卷五

二

遲黃子翫看梅不至

梅花開君不來眼望穿能自猜綠吐萼紅破胎山之阿湖之
隈眾香國玉樓臺伊人高卧何如議君不來風掃雪積成堆
雪九尺覆蒼苔韻短

送融公還楚省親

一葉隨秋風萬木減重綠知子動歸思家在瀟湘曲瀟湘水
冷蘆葉稀孤雁叫秋拍天飛白髮老人聽不得一聲寒泪迸
沾衣回首空江月正斜獨憐遊子不還家幾回夢斷感闌月
落盡當門老樹花世上忘情惟我爾最難忘處難於此此生
自誓報親恩與爾同盟若公天性真摯頗見於詩可敬可愛

贈別友蒼

客子何方來蓬首乃如此杖短不過眉鞋破露脚指知意忽
見之走報驚相喜語聲吐復遲嘔出心方已温款問微寒慰
言忘刺耳曾讀歸去來昨非而今是胡爲常辭辭虛腹自填
病鳴玉澗淙淙消寒石齒齒相引陟高崗着屐上層累眾響
答孤嘯行人遠如蟻湖光勢覆天掌上浮杯水我欲盪心胸
一吸無渣滓林木振悲風日落晚山紫離迷衰草間莫辨與
宮址宜其塵鹿跡化爲烟淒靡達人恣大觀俯仰齊成毀小
智徒勞碌茶然終未止知爾此去來所關在情理一線心長
牽江流疾於矢苦留未肯住恐負新知已夢斷古邦憐月照

滄詩拾遺卷五

三

三

空城暈暈聞鷓啼感懷中夜起瘦肩聳危峰雙眸爛鴛子
此時眉髮寒陰森渾身如坐空潭底虛空結箇活埋庵不碎
虛空心不死吁嗟老我生有涯眼中之人今去矣還將詩淚
洒滄波天河欲落孤筇倚

送一公主席栖霞

記得二年留一公太平小坐話山中蒲團打起不肯住直向
烟巒深處去踏破山山面與背歸來慈學青山睡了無一字
爾我爲商量作佛猶嫌累近聞栖霞之院主請公主席不待
許爲憐舍宅屬阿誰殘碑有字埋荒土山中草木怒生長服
食無人堪攝養齋板簷前挂片雲鏗然一片秋冰響君不見

六朝古跡冷雲封多少前人三意松他日相尋期破雪芒鞋
步步認行踪

畫歌為懷先作

層巒以爲山積點而成樹碎雨洒芭蕉點點紛無數世人徒
識山之面呵誰解寫山之變遠近朝昏自不同橫側看來形
轉換意在筆先進不得免起鶴落早已失了了成局于胸中
下筆氣吞千百幅尺幅茫茫千里勢起我烟波浩然思淡水
塵花不見人漁燈自照霜中睡小景寒汀出蕙崇葉公子高
非好龍潑墨暝水作雲霧 龍點晴忽飛去由來子道運乎
神明明畫松乃似真月明深夜鶴來巢踏枝不穩雲飄飄買
浪詩拾遺卷五 四

山況是我所欲囊無一錢手空束感此置身於其間一印一
窰老已足子所師兮吾所友傾蓋相知到白首詩名早已動
公卿衣鉢相傳賴誰某懶先畫懶先禪頑仙指點越塵寰前
荆浩後關仝畫識曾驚老范公彌大士碧雲僧衛洗馬王右
丞一自思翁題品後頓令聲價至今增我以有聲畫報子無
聲詩進乎子之技還以心爲師神拂溪簾平白地拈起毫端
在天際樹木山川高下分於無有處現一切張僧繇吳道子
古今手筆非不精望之惟有長嘆而已矣噫嘻乎技至於此
乃不特更有危言吾爲試看一點未生前問子畫得虛空
百極有賦
百會之作

送還同遊天台

晴空虹影石梁橋崖斷泉崩恰束腰我昔欲渡渡未得孤負
仙人舉手招爾將遊之正六月破扇打蚊時叫熱世間無處
買松風走向橋邊看飛雪雪飛陰捲瀑來溯江東去是天
台望烟乞食亦何事莫作遊山說水猜國清寺裡問寒食
前兩片指錫石縮入崖隙不見人踏徧空山飢虎跡

雙林道者歌

雙林道者氣英特萬仞懸峰置一室長楸古栢摩蒼天疊巖
層巒障白日山寂寂水寥寥山深水深誰可招白雲滿地風
蕭蕭曉有連韻

贈居山老人

山中老人無伴侶孤影榮榮自相許花開花落紀歲時白石
青松當炊黍山雲濛濛山雨來微風吹斷山禽語百年天地
彈指過撒手懸崖閱今古

瀑布

君不見大龍漱小龍漱瀑布水從天上流倒白翻青看不足
烟飛霧捲寒風來一截藕絲斷映日紛紛五色線長空
忽作吼雷聲大點雨珠打人面我欲窮源不可得涼風疎疎
生兩腋聳身直上青雲端長嘯一聲天地裂著公詩白在流
行與擔當詩境

界各別

登金山寺

地截洪濛界外天垂大禹功古今僧共老日夜水朝東孤塔中
流柱千帆破浪風潮聲聽不斷說法出龍宮似杜

懷章青蓮

青蓮懷舊隱白首釣滄浪秋色老詩句江流空酒腸一貧應
到洗多債不憚償翻覺名爲累移家漸近鄉

暮春西湖上二首

鶯花三月暮風雨六橋深湖水依然在春歸不可尋遠山羈
客淚落日酒人心短棹搖搖去鷗眠散柳陰此作即景爲詩情頗悠揚

越女貌如花耶溪曾洗紗恩讐俱不見事業竟誰家董路埋

滇詩拾遺

卷五

蒼雪

六

川七文

荒草宮牆宿暮鴉何如隱君子獨泛五湖槎此則懷古故多感慨

黃山道中

一宿投村曉幾家荒樹林溪喧春水碓月亂搗秋砧孤枕他
山客寒衣此夜心何年掃片石歸去卧松陰在王孟之間

自招隱至入公祠洞招隱即戴顓隱居處

欲識隱君面應堪扶杖尋寒泉不改色古木自成陰宿雨看
猶在晚山行更深八公渺何處衡宇任憑臨

琉璃宮望三山

咫尺望三島迢遙一葦通杳然出沒處半在水烟中竝峙爭
朝北分流直向東茫茫登眺者今古思何窮唐

楓江晚發

月黑江村外鷓鴣古戍邊才分漁火岸正及稻花天帆出村
頭去船深波底眠前程何所事來往自蕭然唐

簾溪平野堂雨師命童聯句

別後臨青野凭欄見遠山雲消村漸露師句日暮鳥初還草
迳幾於沒柴扉可不闕桃花溪上水微句非復是人間工力

侍雨師簾溪休夏

路僻客來稀因風畫閉扉卸花梅半熟帶籜笋初肥拂暑新
棕扇邀涼葛衣野禽如有約每趁夕陽歸

雪夜集白業堂賦得挂瓢

抱膝向空坐音人懷許由一瓢還自累何物更須留留落懸

瓠影風掀入夜秋幾時從定起猶見在枝頭三四句是神理

病中懷九玉

殘月在簾際微風入夜愁蟲聲何自急葉老不禁秋卧病一
峰寺懷人百尺樓瀟瀟湖雨外夢斷白蘋州

月夜有懷汰公

此夜同明月遙看亦有人不憂貧刺骨獨念病纏身山寺聽
殘雨江帆送暮春邇來消息斷何處卧松筠結句思之無着益覺難堪

初夏懷蜀友石公時聞成都有着酋之警

空林正岑寂何處送黃鸝髮白剃不盡草青生又齊懷人巴

水曲老我楚雲西十載音書斷况今聞鼓鞀

封門化城巷留別社中諸友

相送無意臨歧忽黯然回看吳苑樹獨上秣陵船春老還山路江昏欲暮天白鷗應怪我聚散碧波間

哭親

如此是何信而能不及情終朝空抱恨一慟到無聲思極還疑在歸遲已隔生報恩反負無益是虛名真禪家亦必有真性情如此

同陳百史分韻懷滇中唐大來

厭策南歸去名山到處春懷君三六二云我友都言幸得一人識不孤千里朋西風揮淚盡秋色滿金陵首句指大來以明經召試罷歸

滇詩拾遺卷五

水 川又

維揚送扈第入京

欲別反成笑與君非復情常年在客路終日送人行旅况同飄泊詩名近老成好堪襟被去秋色大江橫然

送德水還豫章

扁舟辭我去三月向潯陽別路知多少桃花水正長今年仍送爾無日不懷匡最是傷歸處青蓮舊草堂

送戶部四愚奉使還蜀

六代管弦地十年冠蓋遊宦情閒似水歸思觸於秋湖月聊杯起江雲斷峽流前程饒酒興一上岳陽樓

寄王奉常烟客

東門種瓜地時菊到西田人老筆椽下雲生硯瓦邊此生餘

世外一往悟生前笑指空庭樹誰來問畫禪

送明雁入匡山

獨向匡廬去安禪第幾重九江黃葉寺五老白雲峰落日眼蒼兕飛泉挂玉龍到時應為我致意虎溪松

秋夕遊山

手携三尺杖隨步入深松水落澗邊澗雲合峰外峰臨橋將見月近寺忽聞鐘坐到清涼處蒼烟起萬重音唐

黃山有序

予遊黃山僅作一宿於文殊院然雨雪陰晴變幻之

滇詩拾遺卷五

九 川又

蕙無不一覽而盡信於茲山有宿緣也

秋山釀雨氣如蒸曉起開門見未曾三十六峰齊下拜幾千萬仞有誰登雲翻海浪漫天去雲駛江流出峽奔欲隨軒轅

交鼎處丹臺煮石久無憎錄

普陀山

鬼斧神功巧斷關嶙峋石壁倚天隈浪聲似欲推天去潮勢莫遠挾海來嶺畔晴空飛雨霧洞中白日走風雷擣葦大士知何處獨立巖陀最上臺極雄渾極自然老衲具此才筆宜當時鍾公奉相推重

青原山送遊

祖庭獨立禮青原南嶽須知共發源派列九州相伯仲流來

一脈自崑崙潯陽出沒江光細雲夢浮沉水氣昏草長法堂
應丈許好遊絕頂看朝暎

次答詔之自荆溪見寄三首

露下風高天氣清宵孤寂偶關情寒深淮水人何在信斷
衡陽夢未成向月花陰虛自轉落首松子冷無聲秋歸只覺
牀頭近促織連綿到五更腹聯

獨在荆溪溪復東可無詩句滿詩筒涼侵塵夢回蕉鹿恐入
秋聲化草蟲老病攪殘霜氣後故交冷落雁聲中隨風為寄

滄浪曲自與時人調不同皆景

接書如接字肩歡見說銅官勝瓦官畫溪深殘暑盡其甚

漢詩拾遺卷五 蒼雪

湖近早秋寒燭隨分第三尺江漢交情綺一端獨有孤關

人寂寞黃花無語坐相看詩僧亦

送映公還山

雨夜社裏逢君日秋水溪頭送別時兩岸柳風嘯噪急一天
微露雁歸遲青山有夢憐同調白髮無家共老師自笑寒關
無約束白雲深處不相隨

送眉弟還山

一瓢歸去臥青山盡日看雲袖手閑眼底怪來輕世界詩名
贏得滿人間谷風不繫東西影江月平分上下環黃葉漸凋
峰骨露到門依舊石爛斑九佳

寄懷章青蓮

道德若君早已息機孤亭坐愛掃苔暉床橫白石猶連夢社冷
青山久未歸丹轉九還應不死鴉煊一粒亦能飛長生真請
元無缺自笑人間問者稀君公詩不使氣而氣機

讀章青蓮病稿因寄

西郊最愛草堂閑秋柳霜枯水半灣收得新租多釀酒種成
修竹懶登山柴門畏客朝常閉詩句驚人老更刪昨夜燈前
吟病稿松風冷激齒牙間

枯桐

風撼桐標百尺青嶠陽山畔十圍形寒鴉數點迷殘夢老鳳

漢詩拾遺卷五 蒼雪

雙飛有膽翎片石斜支撐破月浮桂倒影臥空庭夢同散木

聊供爨半死裁琴好自聽

鐵山師閉關

路頭忘却到於今此事知師亦素心不逐秋聲過別院已分
人影隔深林肯將耳自通聞見自有湖山和法音莫遣行藏
無覓處江南弟子正相尋從開關若想佳

奉和二楞師辛酉元日

四海歡呼舜日昇莫憂酒價問廬陵新頒丹詔逢元旦穩坐
青山到老僧寒氣已分昨夜火靈光猶續舊年燈不知春色
來多少細看崖前萬歲藤

歲暮山中懷一楞師三首

曉烟寂寂近香臺，白佛青蓮早課纔。
幾點宿雲穿竇去，一聲山鳥叫庵開。
只愁道大無人會，不怕身孤有杖陪。
應識象王回首處，王毫尤裏石飛來。

葉闌庭深不下階，日高獨自卧松齋。
溪邊棹響冰初裂，路斷樵踪雪尚埋。
臨鏡霜髭安用鑷，沾衣寒涕為誰揩。
相期預有梅花約，蹋破蒼苔買草鞋。

厚簷茅茨不剪簷，老人松下語喃喃。
墻更正缺峰尖補，窻口初開月半啣。
春聽流泉臨絕澗，感辭行客到窮巖。
多年苦寂甘相守，冬夏唯餘一布衫。
二首亦是才人吐囉學人涵養不圖老僧有此請力

演詩拾遺卷五 蒼雪

二楞大師久寂戊辰冬塔基始定志感次汰兄韻

履跡縱橫半雪坡，擁棺人送奈情何。
卜成一穴天非偶，占得名山地幾多。
寺廢始歸僧是主，名存不與石俱磨。
可憐無盡酬恩意，漫向風前灑薜蘿。
拈一情字為二首之骨所謂多情乃佛心者也

岩根鑿斷欲埋金，吞吐喉乾不下針。
臨去渾忘辭世說，到頭竟負住山心。
講隨花散一時盡，身化雲歸何處尋。
片石獨留終古恨，孤燈寒照夜泉聲。

戊辰冬中峰楞伽解制

一叩霜鐘響應同，却逢八百講期終。
瓊閣汲澗邊水錫杖橫擔松際風，赤手空歸黃葉外。
青山無語白雲中，前身我亦

支公鶴今日方開放鶴籠妙

清涼寺

賜額清涼前代寺，我來登覽在雲霄。
曉風入夢吹人醒，春雪無聲到地消。
山有五臺惟北向，江分二水自東朝。
眼中色相知誰是，坐對曇花咏寂寥。
頸聯從清涼二字着筆何等超妙餘句並佳

送長公請藏歸蜀

蜀錦重重裏梵文，三車滿貯許誰論。
東歸丈室松初偃，西向流沙路不分。
亂木排空掀惡浪，長江出峽走寒雲。
詞壇奪職休相望，塵尾拈來掃六羣。

草堂舊寺烽烟後，猶在浣花溪水頭。
眼底蓬蒿俱見恨，夢中

演詩拾遺卷五 蒼雪

桑梓不勝愁，寒灘漲瀾剛如馬。
高浪覆唐莫辨牛，一片布帆

戀別思隨風，直到古梁州。
起筆有勢餘亦相稱

夏日攜佩子過天菴藕花居

雨餘秋色破秋瓜，行到厨香正焙茶。
小鳥偷看低結實，游蜂仰采倒垂花。
懸岩架屋三椽就，蓮市鴉橋獨木斜。
身外一瓢即長物，白蓮開處是僧家。
三四自然不得以熟語目之

聖節日見新雪喜作并次行秘韻

一榻翛然無物存，夜寒修竹屢葉門。
寂聞山鳥不驚曙，望見炊烟始辨村。
奈爾酒瓢懸破屋，刺予蠟屐在荒墩。
深慚檣散遙明世，衲被蒙頭好負暄。

答魏雪實見贈次韻

客游何事問瀟湘下榻秋山自老蒼世路崎嶇行不易冷齋
清話夜初長一州用武全無地九郡徵詩獨擅場濯足濯纓
誰可擬高歌且復臥滄浪

雪公應講還山投詩留別如韻奉酬

老易生悲強不悲好懷猶覺似當時暫留清坐默無語久別
故人情見詩落葉風來寒到骨散花雪過白於眉明年煙水
六橋外三月訪君應未遲層次井然
遺詞雅鍊

寄友

剪燭行吟賦海棠廿年舊社冷西堂秋風白髮人千里明月

滇詩拾遺卷五

西

蒼葭水一方不覺交情今已老為愁詩債幾時償別離此後

真堪惜况有歸心念故鄉此寄滇中友人
之情致縹緲

久寓菩提菴留別若鏡淨日二友

靈隱細事懶關心自住中峰直到今生計始知投老拙時危
恨不入山深水寒有骨冰三尺夜落無聲雪一林四壁茶烟
誰澆墨詩成未許讓高岑五六句在菩提菴值明
季亂離故有時危句

送王子羽之任成都

古城天際出芙蓉新令承恩下九重濯錦江頭真壯縣浣花
溪上亦提封酒爐舊社尋司馬血食荒祠拜卧龍盡日紋歌
應有暇好將竹杖寄臨邛

次韻王奉常煙客首夏西田雜興

出郭應知塵事稀茅堂日日敞柴扉披襟池上風來好散髮
天高露下微盡向傍觀談局勢誰爭先着解棋圍遊人不欲
逃名姓半着緇衣半素衣散髮句
絕佳

次答靈巖繼公見過

淮粵滇翁原莫逆同門兄弟舊親知百年如夢輕彈指一笑
相看大破疑凜若眉梢寒挂劍卓然身外立無錐生平小善
何曾有慚愧達人說項斯莫逆二字一篇之骨五六能
豁出繼公氣宇品格尤奇

留別本山諸大護法

竹簡交馳未敢開相留相餞意徘徊白雲一片無心出明月

滇詩拾遺卷五

五

千山有夢回芳草為人封驛路孤舟載我過蘇臺多情最是

胥江水甘藪茫茫送去來氣象清
致俱佳

贈華山見月和尙

金刹恢宏選佛宜先朝龍藏兩頰施從來不識江山改猶道
何曾國步移一寸靈臺成淨土百年世界轉須彌誰人傑出
千華社四海聞名老範師此乃龍藏後之作見月乃著
公師弟贈見月亦自贈也

陳眉公

東余久寒白石盟談虎能使四座驚一自淹留蔣山寺幾回
遠夢安期生樵斧爛作燒丹土書燈照入機杼聲桃源莫謂
卽避世人間無處無浮名蒼公詩皆諧律其吳體只此
一首亦有單騎票姚之勢

和徐州來梅花詩

山翁野老話寒暄古意居然在寺門開到十分看未了飛來
一鳥坐無言斜暮月影春如醉凍斷花鬢夜不溫快雪初晴
詩思遠沿溪蹋破草鞋痕三四超脫五六研鍊

泊采石磯謁太白祠

學士祠堂何處尋我眉亭上月沈沈詩才鵬翼垂天大酒膽
鯨魚入水深峭壁與人同卓立流風到我及狂吟可堪不盡
宮袍色化作秋山楓樹林三四新警確是太白氣概五六句
雙管齊下直欲紹謫仙詩統矣
秦淮大社賦得投詩贈汨羅

行吟遙想放江潭遺事傳聞自楚南千古斯人沈不起滄浪

滇詩拾遺卷五

去

之水碧於藍浦壘可吊魂安在天帝無言問豈堪蘭佩荷衣
長已矣蘆花蘸月影幾幾次聯不作對語以氣行之唐人多
用之五律此用之七律亦一奇也

焚筆

鐵門有限漫停車那復臨池辨魯魚幾輩禿翁凋髮盡百年
過客燎毛如掃來風雨千張滿化作雲煙一管枯文友詩朋
從此散不須更寫絕交書三四及結語是詠筆
又是詠人無限感慨

聞計

尋常抱病只因循兀傲何妨徹骨貧向道一生元有命今知
九死竟無身燈前話別猶如昨竹裏吟詩不見人最是山齋
相約處西風冷落舊松筠蒼公贈友哭友請作皆情深
一往故知真僧必有真情

寶華山楞嚴講期未竟病中自解按蒼公即以是年示
寂於寶華壽六十九

山僧要我演楞伽老病人扶上小車南國遠鐘蕭帝寺東陽
古井詩公家蒼茫不盡岸邊草狼籍空餘臺畔花一自雲光
登講後獨憐歌酒送煙霞三詩並
皆在妙

南朝帝業幾興衰碧眼無人辨劫灰山抱玉泉荒寺在峰標
金闕天僧來針鋒一撥山河轉棗葉重移殿閣開衣鉢相仍
誰繼武法筵龍象見宏才

拈花一笑為談經列坐何人洗耳聽舌有蓮生言白妙頭如
石點性方靈離乾海水磨新墨縮小江山入淨瓶珍重莫教
蓮社散大家瓢笠又飄零

滇詩拾遺卷五

七

甘露菴解制送恒生還山

滿堂瓢笠各天涯雲水茫茫去路賒同坐那知君是客送行
翻覺我無家九秋露冷芙蓉色一夜風殘蘆葦花最是不堪
回首處夕陽江影片紙斜

夜雨吳中懷古

獨向豪華想寂寥蘇臺惟見草蕭蕭千秋血食誰堪祀一劍
雄心恨未消夜雨不勝恩怨淚月明送盡去來潮無情最是
吳宮柳折贈行人到幾條

同大司馬吳公達本月夜泛舟入山訪趙隱君兼探梅
花

艤舟何處問林逋梅信探來與不孤山在月中時出沒花臨
水際半虛無寒香一路添玄墓雪影連空壓太湖料得明朝
天歡好盤螭西去未全枯二四得神

諸公見過有贈

隱隱如雷貫耳存難忘隔歲語猶温已經久別長懸榻偶欲
相尋便出門四壁舊風吹墨浪一湖新水浸詩魂何堪邂逅
仍分手天遠荒寒日又昏

再到菴羅樹園

踏遍隔隄跡印沙凋殘猶是半烟花幾多世路無容足暫到
園林可當家壓樹青梅如豆大折梢新笋向風斜相逢時事

演詩拾遺卷五 蒼雪

休相問且掩衡門自煮茶

九月九日同友登鳳山次韻

雲逢水遇片時間燕北鴻南兩未閒今日偶然來握手重陽
難得共登山豈知白髮翻多事相對黃花覺厚顏惆悵不堪
回望處羣鴉飛盡暮潮還亦活潑亦沈着此老最擅場處

送許韻遠清涼山讀書

春雪無聲到地消梅花何意向人撩遠從絕頂探書屋才見
松梢挂酒瓢碑斷不堪稽往事門閉相對話前朝雙扉盡日
修篁裡莫是王猷敢浪敲春雪句凡三見皆用之清涼山足見此語為蒼公得意之筆

白門逢超宇師弟

與爾分携一十年白門偶見淚如泉幾同陌路不相識聽到
鄉音但可憐行脚漫無新意緒話頭難盡舊因緣殷勤且置
還山事還到山中事未然真華收句九見諷解

同一公吸江亭晚眺

空亭香語綠陰傍雙策扶來半夕陽隱隱風帆歸別浦紛紛
霜鴈落寒塘峰回日氣千螺小江東天根一帶長披討未窮
心未厭不堪烟樹漸微茫

苦雨分得漁字

桑麻深處綠陰陰餘風雨蕭然一做廬蒼蘚生連意隙紙漏痕
淫盡案頭書墊籬木樵花殘後山欄黃梅水漲初只恐湖船

演詩拾遺卷五 蒼雪

高過瓦難將生計問樵漁清切

雪後登雨花臺

彤雲散後雨初晴獨倚荒臺四望清暮色欲從孤磬起高寒
盡向衲衣生夕陽冷淡不知樹遠水虛無半入城穢惡人間
何處淨印陵眼底一時平詩家妙處多在可解不可解之間中四句頗有此境界

過蕙輝師兼探吉祥寺古梅歸宿菴中

尋師舊識清涼路來到臺邊無限情偃卧不離修竹下閉門
剛著一書成時師註南華經了知爲累有鬚髮久欲使人忘姓名探
徧寒梅留我宿坐殘山月夜三更

山居待雪望翠微

九

朝朝雪意欲迷天，直接風光到眼前。一片冷雲飛不起，數峰空翠尚蒼然。亭邊放鶴知誰子，橋上騎驢憶昨年。鴉噪晚林人散去，一枝鷺見豆梅鮮。

次答墨谷歸梁溪

鄉曲難忘老更親，秋涼歸棹語頻頻。青山舊社憐同調，白首相知剩幾人。臨別許還來度歲，送歸恨不解分身。到山爲問峰多少，每個峰頭住幾春。散筆靈妙耐人尋味

次答徐渭友

與君小別幾經旬，問訊天涯若比隣。不似夜深花睡去，只緣山靜月留人。半生狂態還如故，一字交情不厭新。詩到浪仙

漁詩拾遺卷五 蒼雪

丰

消瘦盡却憐無本，是前身。

問病詩爲鄒嘯白

相思撩亂杏花煙，隨意孤筇帶酒錢。只說勝情猶似舊，不因同病若爲憐。夜深犬吠橋頭月，春老鶯啼郭外天。最是愁來消不得，卧聽風雨藥爐邊。

丙寅金陵千華菴唯識論解制

世觀造論本真經，參透禪宗性始靈。我自無心聊爲說，人誰有耳不能聽。鐘殘放杵雲過隔，香盡開簾月滿庭。最是明朝分手處，天涯諸子各飄零。

次答范璽卿大家見問

城南夜市古揚州，清夢會同下榻留。黃鶴故人天際影，白狼高師海東頭。髮因病禿推於柳，詩爲愁攻冷似秋。采藥登山論往事，可容支許不風流。

與長公相接

三月巽崖水竹間，誰能分得此中閑。怪來塵夢一彈指，笑峰眉未改顏。納破尚留黃海雪，影孤不出白門山。何如踪跡俱無住，雲鶴蕭蕭任往還。結句九見

禮水田師塔

調養年來鶴馬成，幾株松下舊經行。嶺雲忽化西歸影，澗水長流說法聲。跡願去來無不可，塔留今古尚如生。淒涼最是

漁詩拾遺卷五 蒼雪

丰

拈花處，月冷孤猿叫五更。

送梵僧

本師偏袒翠袈裟，航海而來小釋迦。附杖登峰經火醊，舉烟招伴渡流沙。書傳印土全思梵，語學中洲半帶華。香漢僧中年八十，山形誰復辨楞伽。起勢如風雨驟至

次答徐樂友十嶽遊歸

梅花枝上隔年春，自顧青山翻累身。痛哭幾場當絕頂，縱心孤往有何人。遊非到處終爲債，詩獨秋來不耐貧。爾我相逢莫相問，茫茫前後事無因。

過望亭雪浪師翁飯僧處

負笈曾經暫息肩開堂難話舊因緣菴門破盡無人住野岸
重來一泊船秋晚登壇當此日水荒斷路是何年兒孫恐未
知行脚指點遺踪在目前

丁獻卿居士法螺菴避暑

令威化鶴莫知鄉就夏來居丙舍傍塞上因緣歸失馬夢中
歧路嘆亡羊解衣雨氣驚秋早安枕溪流人夜長猶憶梅花
相見日曾拈一瓣禮花王

題轍凡結菴園卷尾

茫茫踏遍跌鞋穿寬個團齋小結緣大地縮來無寸土把肺
占得幾多天兩三片石堪支竈四五株糕便作椽住到虛空

滇詩拾遺

卷五 蒼雪

五

川

如粉碎一爐松火白雲邊五六造句老橫結語亦有遠神

夜泊早林

胡爲牛馬走無端今夜蕭然覺被單兩岸人家霜裏宿一天
星斗水中寒波濤萬里江流壯燈火孤舟客夢關最是曉來
聽不得北風撼撼葉聲乾

寄友之浙中天竺

花外床琴坐不休滿懷風露思遲留淒涼蟋蟀聲中月斷送
梧桐葉上秋去夢每隨青苴遠尺書還寄暮鴉愁思君桂子
新涼夜正是天香第幾樓

西湖

爲愛湖心一草亭孤舟昨夜泊南屏三更吹笛人何處獨自
凭欄客裡聽宿鳥流連枝上月游魚咀嚼水中星幾年不見
雙峰影坐對高寒入眼青

早春送張胡長還蜀

春風夜度錦官城快雪時晴萬里程人影衝開寒色去馬蹄
踏破凍冰行客中常醉無知已亂後方歸倍繫情前路不辭
經峽目憐心最怕是須聲

紅葉

腐草經霜盡可刪楓林點染血斑斑夕陽在樹不知夜野水
流紅到幾灣桃葉凋零空有怨柳條黃瘦太無顏停車時見

滇詩拾遺

卷五 蒼雪

五

川

人來往前後携筇踏遍山

過訪錢虞山北歸

廿載藤溪路不忘重過溪上認茅堂東山高卧人依舊南國
同聲喜欲狂天寶衰時空嘆息少陵老去獨悲傷多情只有
脚泥靴猶自尋常遠畫梁蒼公詩牧齋爲之序兩人交誼可知矣

王公子升如自滇至吳得唐大來書問

秣陵廿載得親朋浪子何當遠念興數字隨風傳萬里兩心
相見只孤燈寒雜宿野啼霜草遶馬荒田嗅凍冰回首驚魂
知未定艱危吾亦過來會看孤燈句及後半首蓋時已經亂大來已出家矣

次趙太守赤霞餞春韻送王惠叔還江甯

九斗春光送斷風旅情消盡酒杯中家山高臥宜北野水
停留棹向東桃葉歸心牽一碧柳花別淚灑殘紅客仍送客
天涯久贏得詩囊倒不空五六歲春歲客兩面俱到

次錢礎石無家詩

斯人斯世已同無僅自留鬚不類吾蕉鹿夢中爭得失神仙
局裏看樗蒲山山水水三尺雨雨風風酒一沾誰不有家
鷄智累古來真隱盡如愚

金陵懷古二首

本四首詩略登一首子觀此三首皆佳乃悉錄之

倚樓何處聽吹笙二十四橋空月明岸斷青山京口渡江飛
白浪石頭城長生古殿今安在飢死荒臺枉受名最勞勞

漁詩拾遺

卷五

詩

亭上望不堪衰柳動秋聲此懷六朝時事

天子何年下殿走蕭牆變起事先徵挺戈一卒當洪武罵賊

孤臣泣孝陵青草天涯無限路白頭宮禁有歸僧乾坤莫大

袞袞片覆得雲山幾萬層此懷明苑文帝事

石頭城下水淙淙水繞江關合抱龍六代蕭條黃葉寺五更

風雨白門鐘鳳凰已去臺邊樹燕子仍飛磯上峰杯土當年

誰敢盜一朝代盡孝陵松燕子句謂兵禍復自北來非指成祖言也觀末二句乃明亡後之作

暮秋懷唐大來時開白下

白門芳草綠平鋪到處人猶問大蘇但得衣邊孤劍在不愁
囊底一錢無春風隨背刪詩草明月床頭抱酒壺燕子已歸

磯上去芙蓉未老莫愁湖此大來以明經廷對報罷用游吳下時事殆與蒼公訂交未久也

白燕

春社築林往事非素腰啣到信音稀白楊有樹堪棲止赤地

無家何處歸月落滿梁空玉壘雪深迷巷失烏衣最憐毛羽

翩翩不向他人簷此殆藉白燕以自况耶明李高僧用意大抵如此

采蘭

行行采蘭蕊采采心不已低頭欲渡江人影落秋水風韻獨絕

華樹林六首

發去亦何直近者不知碧問樹樹無言相與自朝夕

天氣秋晚晴坐看西山色前溪有故人草深去不得

漁詩拾遺

卷五

詩

天台肥於肉雁宕瘦似骨可遊不可居莫向寒崖宿造語甚奇

乞得稻糧來又慮衲衣壞可惜庵中人終日在庵外言遊

江村不見人人從何處去祇在斷橋西白雲最深處

天地考詩名江山餘酒債采石浣花溪留箇泥人在

送徐介白之雲間

寒江漠漠送行舟夾岸蘆花入眼愁別後更憐飛夢遠月明

人在九峰頭

贈范受之

日日花開酒有泉南山相對自悠閒不知朝代經多少喬木

當門七百年

戊辰冬臘月初四日送汰公入翁

三卷拂伽不了經臨行再四語叮嚀補天煉石難高手何似天然一色青

贈潘公子

年夢才情兩絕羣江樓見月忽思君不知昨夜聞春雨題破誰家白練裙

登山懷古

天風吹斷雨絲飛目極蒼蒼人影稀何處館娃宮裏樹晚來只見亂鴉啼

送唐大來還海山自劄

漁詩拾遺

卷五

美

X 1

小艇難禁五兩風雞山有路幾時通殷勤為我傳鄉信結個

茅園在雪中

蒼公幼侍雞足水月禪師年十九則飄然長往自滇至吳歷兩江遊天台雁宕登黃山參學於

巢雨法師住

篋溪住橫山任白門崇禎元年戊辰乃任中峰甲申乙酉陵谷變遷至丙申應寶華講席遂示寂焉時順治

十三年閏五月

十三日也世壽六十九歸葬中峰寺後虞山錢謙益為塔銘云予錄此詩念蒼公有歸雞山之志竟不得

遂發紀其顛末

神讀詩者觀覽焉至大來後亦剃髮入雞山此詩若為之兆亦一奇矣

普荷

一名通荷晉書唐氏子名泰號大來天啟中明經進士後聞中原亂乃剃髮為僧作雞足山世所稱雞足

和尚者也工書畫能詩

予得其極草於李庶常詩常得之能書畫德按表其詩七絕尤為擅

場今所得凡五卷

乃無七絕蓋供矣除詩畧已選外為錄八十四首

易水歌

如下四首樂府體易水歌思報國也如淵明詠荆卿藉題以自寫其志

怒濤鼓天盡黑羽聲鳴鳴山欲裂復古讀者須知此意

淋池歌 調荒宴也

冰如碧玉舟似青蓮風飄還將錦纜牽飛騰嬉笑有天仙繁絃急管喚不歇鼓聲低為催花羯風颯樓上懸秋月

關山月

念征戌也擔公雄才豪氣為征婦立言亦不肯盡作軟語性使然耳

關山月纔圓又復缺嫩寒未三載與夫永決絕更因明月太孤寒致使花柳無顏色花柳多情不耐秋徘徊只見月當頭

不知邊塞征人苦更與閨中一樣愁剪刀聲碎蟲聲啾少婦

停梭清夜永解衣怕上合歡床有恨都成明月影欲報朝廷

甘自弄女流饒有丈夫氣若得揮戈建大功妾願居孀爾盡

瘁前中寫兒女之情末筆作壯語以勸征夫所謂止乎禮義也尚武之風成婦人以其夫戰死為榮故能有此思想

漁詩拾遺

卷五

美

X 8 上

嗟哉行 傷世路之危也

嗟哉上層弋而下罹羅東西南北有足亦難過黃鶴鷄鴛紛

相比麒麟驛馬交相抵無行無止無彼無此是類依阿非類

死寸天尺地海無底亦龍亦蛇亦鱉亦鯉鼉鼉高飛蝦蟹徒

我欲從之滔滔者是噫歔歔世間若有真蓬島即不冷霞可

娛老寄與世人休草草蒼公酒養性虛故其詩活潑擔公帶氣負性故其詩生峭二公殊語如此

贈訪六首

性癖愛臨流駕舟棹滄浪水有方圓折珠玉為所藏窮島陘

異人上曜雲霞光我欲從此游岑空隔微芒澹薄伴勞懷遠

度難相望安得假翔鳥答此辛楚腸夕遲路益迴空嗟川無

梁

秋晨少厲風野曠天氣高投策叩靜者喬柯欵崇霄棟宇若
鱗次磴級松檜交下俯臨崎圻上陟阻岩堯少焉出平坂庶
免磬折勞霧迷反徑失涉澗問采樵忽聞黃昏鐘淡想嗟寥
寥

柔節竊際際出郭數里偏林箐封葦鬱無日不雨然溽暑生
陰風吹來亭宇邊有叟太瘦姿窮棲苦衣單何須蒼山雪用
點六月天但有超俗想遺宗便住寒從之方外游那不顏欲
仙得老子辭
勝熱之旨

我昔游江南曾渡呂梁壑今日訪幽人較音猶險若水聲如
瀟詩拾遺 卷五 游常 天 川文上

奔雷石齒如劍鏘攀枝以腹行蛇穩懸其脚那有菲半把穴
處乃大略晨昏叫寒猿來伴久寂寞此外皆外人切莫指下
落 攀枝二句寫緣木之狀
亦新亦確未經人道過

陸彼崇山阿相望爵尊巽倒流忽下斷脩坂那可躡我挽千
年簾飛渡見誅菲亦知其心人孤居宛迢遙任雲或出入隨
猿自啼號兀兀脊猶挺炯炯睫不交頓置何所適月皎天白
高悠哉歲時永樂此寧為勞

手把白藤杖方從谷中來臨眺木末高危巒巒鬼人跡迴
不到巖然聳僧齋亭亭物之表寥寥天之西豈惟小嶽山能
含雲亦低鸞鶴飛難過猿狖望欲迷橫襟揮一嘯開關復重

開始知區中隘此方濶絕哉 六首憂獨造是
不肯拾人牙慧者

曉行幽澗底芳蘭可為佩采之未盈把輒入懷袖內徘徊思
彼美道遠重增慨今春忽已暮何時得良對我欲問飛鴻音
信恐不逮洒然來清風知爾消息在

感懷三首 據公自序云歌慷慨觸時忌者不入則存詩
皆平易之作也意在言外讀者當善會之
乳虬多羣聚神龍憤飛騰豪奢固宜警株守誠可憎慧遠有
士氣陶潛續傳燈在古猶所罕於今豈易仍若無逸格姿高
超誰比能 未二是自負語然知其為僧之來歷則
自負語乃其所以自矜者也吁可悲矣

春風昨日起春花燦若此好鳥聞酒香爭啼亦矜喜世人
瀟詩拾遺 卷五 游常 天 川文上

太甚任從造物使悠悠百年內蠶蠶能有幾晦明暗相侵愁
多誰不死莫如未死前痛飲為生理富貴空自忙造物一戲
場及至同歸日何曾有短長 為僧而痛飲此何說耶蓋感念
促暑行北陸霜凜樹盡殞枯屋未葺通天徹無頂粟烈手
難伸擁膝安我貧約祛與狐白久矣陳貴人凍餒我自甘彼
爰烏足訝赤脚冰上行一苦無不罷丈夫有勁骨不煉那得
堅伊余百忍足萬事從此先 苦字忍字即丈夫
煉勁骨之要訣

萬帙菴
游俠輕萬里良晤在一日此道不為詛古今有儔匹顧余守
離落夢不及江州友朋自南來何云風馬牛天地感二至犬

夫以聲氣聲氣苟不乖投好婉相契閉戶同造車出門無異
轍一技尚復爾何況千秋業我陳皇澤詞君歌大風歌豪壯
驚海岳揚光耀太阿瑰璋高層霄縱橫前無古得君我我歡
僧亦能屢舞因唾塵俗子睨視詩酒場韻事讓我輩浮生日
不遑何如友名彥置身青天畔生前固昂昂末後猶煥爛

雜興

昔慕浮邱公殊未得所傳於今改其貌息心游祇園緬邈松
檜屈銷落塵土緣力食開廣畦吟眺度層巖何必散髮游早
已余無冠且自安恬曠免茲切怛顏

來以何爲近去以何爲遠山川自修巨壚踰自舒散市朝美

漁詩拾遺

卷五 雜信

三

川上三

冠蓋縱誕容吾懶相遇窄路間偏仄焉能返廓生有長揖頭
隨有偏袒

昨日東隣少未幾貌已癯今日西隣老奄忽成邱墟露晞疾

難留焉可緩須臾浮豫且逍遙天墜何與余

平生愛菊花種植苦地少何必餌所需何必佩亦好爲慕陶

彭澤拂衣歸去早願將九日名永懷以終老

班山

退居入荒谷非爲孤陋營幸有賢地主高簡薄世情結蒨蒼

山中延我老此生夙昔懷茲意今始脫市城日夕羊牛下日

出鳥鵲鳴既已無伴侶亦復無姓名幽狎全其天羣紛寂然

平自分無憂樂焉知有陰晴珍重在即時明日那不更

題畫

世大寫山川汨汨化工死只欲肖形似支離畫之理阿誰着
此筆形似焉可擬胸懷淡且虛鴻濛兆於此宛在無極前古
意生片紙墨經幾霜剝元氣流不止迫視迥茫然細觀見紅
紫山頭夕陽沒山根落潭底牛巷屋角出犬吠枯樹裏依稀
隣莊近樓臺不逾咫其中有高人焚香讀莊子欲往步前踪
無梁度深水拾公之畫以淡遠爲宗遺貌取神此詩自道其得力處

柬汪符倩

爾是黃山人而爲蒼山客蒼山形參差破凍難投策只待快

漁詩拾遺

卷五 雜信

三

川上三

雪晴携具方出郭相勸平生友阿誰年滿百卽滿百年期難

免生死厄生者不盡歡死者壟阡陌豈是曷刻短還因懷抱

容若解乘爛遊春花猶可賞所以古達者別具一肝膈銀黃

同堪榮禍福暗莫測丹砂雖有靈竊恐爲人惑惟有飲美酒

造物不見責莫管明日愁且永今所適

別友

帆疾亦可收無情在蒿漿寐則勞余夢寤則勞余想夢想空

爾爲江水深且廣

自述此指公小傳也讀之得其生平崖略而他詩乃可讀矣

我祖質肅公會爲家名臣垂老乞骸歸家於浙之潛題標友

恭里歷代產哲人明初從真晉祖訓儒術真本支世相行世
膺美絲綸迫余忝無似性僻喜素修尚論慕隱淪欲爲執鞭
謀隄勉事紙筆橫襟在千秋俯就明經役牖下不可留聊此
借公車實縱五岳游爲不露一命遍將名勝搜交游極寰宇
咏歌滿滄洲放浪莫知返常遣高堂憂嗟余鮮兄弟定省無
與儔及歸牽母衣每聞筮仕愁慷慨呈公具則向當事投願
學古泥冥水以布衣休不履長安道終養可力周母躋八十
一坐脫返日然余欲續舊盟時事紛多端雖有尚平志其如
杖難前回首念垂白益復增悵焉五女無一子似續徒濟濟
發憤出火宅刺染事竺乾干戈日未靖余志日益寒隱於雞

滇詩拾遺

卷五 諸篇

書

X 8 上

山岑足遂傳於滇因覽一大藏不啻三百篇山川容我老吟
弄年復年欲焚焚不盡恥爲木石愆誰知秋蟬鳴響在聲之
先有耳聽莫解不誣爲騷禪老夫一悠哉忽復歸渾元

趙元一署中題陳眉公畫梅

霧壓天低風似箭瀑流碎爛吹成霰老鴉縮頸不歸巢凍破
同雲鶴打頭大樹小樹盡撥眉樹身腫過鴉夷皮獨有古梅
差岷強迸出橫斜鐵一枝橫斜倒地筆難寫冰汁和膠霜滿
把李成寒林未足奇東坡墨未胡爲者相傳款識紀眉公天
下靡然皆嚮風彩似此類鐘鼎篆文與六書將毋同昔我忝
爲門下生躬親後櫛會寫此宜和墨寶雖云多不及我公貽

片紙把來高掛生寒威几案之上有翠微幸爾半腰已折斷
不然六月要添衣况在點蒼山下賞無日不聞雪花響一官
心膽冷於僧不是雪誰知痛癢吁嗟此筆非所長但云眉公
齒沁香藏於公署癖猶客何若移之大道旁君不見豪家宴
客開華堂金屏翠褥生輝光無奈牡丹偏愛暖惹得游峰浪
蝶只空忙吁嗟空忙忒無味惟有此枝最高貴

燒朽歌

危乎高哉我在點蒼山下拾得崑崙崦嶮之一峰白茆茆屋
兩三重兩扇破落柴扉常緊閉往來那有外人踪著書日久
不止松桐桂生鱗也成龍風摧雨折倒在屋前後不及杜甫

滇詩拾遺

卷五 諸篇

書

X 8 上

蜀門十八九枯樹老夫擔朽作柴燒燒完此朽腹乃朽若問
我今瀟酒處石頭煮爛雪烘焦奇氣倒海硬語盤空
太白昌黎合爲一手

早入山引

早入山齒未落面未斑白雲冉冉水灣灣冷處正消閑况有
滿園茶笋與鴉芋可爲晚食以濟荒歉之時艱又有黃冠皂
袖幾癩頑長歌短詠朝夕相往還所以丈夫回頭猶貴早一
早不了也能了若待鐘鳴漏盡始悲啼其如鬢髮已枯稿可
笑天明打五更任爾愴忙終失曉用筆如急風驟雨縱橫而
至讀其詩可想見其人

釋懷

但有牽繩皆可離何必常揮兒女涕既爲鬚眉烈士夫巢許

沈冥豈不分得半個人間世我有寸天與尺地儘堪供我小
游戲佩紉蕙蘭衣薜荔如今寵辱不足奇如今出處誰知貴
釣然喚雨挺父入柴擔連雲將藤繫泰山之高黃河深撐起
眉毛橫傲睨有誰妄搏與妄噬虎豹驚鳥與我有何可相忌
青泥飯飽打瞌睡纔知天下本無事本見唱道情却帶幾分
俠氣掃公性質乃爾

詩禪篇

太白子美皆俗子知有神仙佛不齒千古詩中若無禪雅頌
無顏國風死惟我劍知風即禪今為絕代剖其傳禪而無禪
便是詩詩而無詩禪儼然從此作詩莫草草老僧要把詩魔
掃那怕眼枯鬚皓皓一生操觚壯而老不知活何非至寶吁

滇詩拾遺

卷五 禪言

詩

詩

詩

嗟至寶聲韻長洪鐘扣罷猶決決君不見嚴滄浪胆識俱到
乃有此詩

趙也溪同封翁邀遊龍華寺
猛火燒天天欲燼古寺灰飛不可認甸南紳縉正惻然也溪
拉我來盤旋入門但見焦樹并敗瓦鐘鈕未化若可懸寺之
大者莫能救小巷八九皆奇搆柴扉幽窈無人扣幸我曾游
今復又也溪喬梓能先後指點令我無遺漏一泉一石不讓
人拾將塌塊歸懷袖松花如蜡葉如油遮掩天邊古佛樓朱
欄粉堵風吹破我雖叫跳使者愁乾沙陡石梯尤滑皮鞋線
斷山北北初甜圓營半個菴幾把玄言盡拋撒即不能飲爭
投轄更欲直上妙明居昏黑難行真苦殺暫時且止毘盧閣

有僧好客情不惡一室如巢難巢鶴使我弓腰又縮脚露出
頭顱與肩膊縱不怕冷也約略因知所取不厭小好大只恐
終難保前行况有趙封翁與我稱爲兩大老南山可六非涼
草萬古千秋同皓皓質而不俚其源出於古歌語橋公
平生以復古自期許知非謬言

寫韻樓歌

君不見撐天拄地惟氣節丈夫臨難當自決升菴大史重倫
藝觸犯天威杖以百悲哉百杖杖不死詔遣荷戈戍金齒去
來常愛點蒼雲爲樓寫韻班山裏書法專學鐵門限揮豪全
用藏經紙唱酬日日半中溪談諧處處弘山子戊滇四十有
餘年每上斯樓獨酒然掃落風霜公老矣葉榆千樓俱廢斯

滇詩拾遺

卷五 禪言

詩

詩

樓傳生憎斯樓太孤絕高人披覽常不輟我無酒要沽茶
冷竈塵生多扯拽幾株垂柳忒無情靠墻倚壁委柴荆其如
窟狐又穴鼠不憐舊燕與新鶯梁間阿誰貽此匾嘉靖丁酉
時代遠靈和之殿已成塵風光况復忘憂館山僧無力可重
修巴蜀鄉情重山邱蜀人首唱諸紳和金碧輝煌樓上頭挺
霄挿漢烟雲流使我一眺即能窮九川從此聲韻更清越顛
顛腰肢舞不歇國朝十九狀元郎公爲領袖朝金闕斯樓若
較成樓高賴有輒軻成大業大業既能垂千秋孤忠焉敢怨
遷謫君不見關山月起二語自血性中流出以之
贊升菴可以之自贊亦可

除文示友

老僧最惱是花信吹魂噓鬼只一瞬去年除夕美且都今年
除夕看蓬髮世事由來倒復顛慚余漸老漸堪憐謬云鐵鑪
難消鑠豈料手姿殊不然駒隙無情如此速在再居諸眉感
感回頭已無七十三說甚人生三萬六勸君珍重手中盃梅
胎一破牡丹開老僧尚且愛紅紫少壯生涯在花底豈可一
日不郎當古人秉燭良有以

渡海戒歌

噫吁嘻嶮巖嗟洱水之一勺兮謬稱海而不疑使水神之得
肆兮鼓妖風以亂吹從西去順兮差可從東來逆兮更危登
舟無厭兮中流莫知中流坦蕩兮到岸難期孽龍兮時虺鬼

漁詩拾遺

卷五 擔擔

弄

弄

弄

機鳥兮待陳尸擗折櫓摧兮蛟鯨震怒山崩石裂兮蝦蟇成
泥行人呼天兮氣竭梢子顛地兮魂飛大魚兮思食肉
而鼓鬣晝鬼夜鬼兮催代已以脫離苟一莫救兮豈非逐沫
之甚蠶龍宮罪役有爾河伯獄卒為誰入地無底叩天無隙
天陰不雨兮空自悲啼噫吁嘻嶮巖天下江河豈無長帆大
編曾不似此之瀾濤囑爾南來北去者寧可望洋而失所之
慎勿舍命渡不可測之洱而徒自獻歎學太白而老橫屬強
乃其本色此篇然他
篇亦

答許子與

許子寄我詩許子破我戒開函都是酒淋漓專以麩蕪為買

賣吁嗟五侯七貴不足誇酒天酒地酒人家萬事到頭俱偏
側縱情惟有酒無涯許子固得此中趣我亦借酒為游戲古
來幾不稱達人除了醜醜無底事吁嗟昨日已去不復還莫
把來朝當等閑秉燭快催春囊熟艱身醉倒在花間花開豈
可無知己我雖不飲聊爾爾當時亦是小劉伶今為曠素之
弟子酒器猶藏布袋裏興來豪邁與君抵歲歲朝恁如此
庶幾能使歷代騷人常不死

寄答朱謝媒

嗟哉朱公汝何好奇不已奇至此不須識面只信耳擔僧貌
醜膽魯粗聞雷即能翻海底直令鼉龍蛟龍怒目視等閑細
響不着驚朱絃疏越今纔始一彈夸我詩詩非大雅皆蕪詞
再彈夸我書書無古趣皆墨猪三彈夸我畫畫為壁疥不可
掛夸者既誤茫無考何以三絕誣我好一絕可為希世寶謬
云有三豎艸艸公雖過許而逆施胡不恤我行欲倒說甚文
有神兮交有道只恐天若有情天也憫何如我公學楷腕猶
後揮酒道勁龍貌晉大令懷慚焚筆陣區區顏柳與歐褚掉
臂頂從門外擯况有詩邁建安七寄我一篇鬼欲慄鳳鸞到
此底唧唧余何人斯辱公齒而以鄭虔為比擬但問入林誰
與儔舍我把臂無千秋指公長歌皆以氣行之有
黃河九曲一海千里之勢

漁詩拾遺

卷五 擔擔

語

語

語

贈方鶴山知已歌

與儔舍我把臂無千秋指公長歌皆以氣行之有
黃河九曲一海千里之勢

君子之交交以神脾曉千秋鮮若人世人豈不知相鳥待我

求伊隔一塵誰知我有皮袋于生與同生死同死嘗將痛癢

伏胸中獨苦難鳴謂之已歎歎此已孤又孤若無朋友誰相

扶豈期步改人不改尚有鶴翁一丈夫二十七載無音問一

朝遊返葉榆郡翁以冠裳作隱淪我以泉石安愚分髮眉相

對兩瞳然鶴長晷短情性偏必逢貧賤方投佩謂舍此輩無

神仙仙風酒酒不輕試嘗分一半與同志結契惟我為最先

如飲醕醕能自醉鶴翁於我會且自知我不有窮途哭會將

一笑薄雲天天下異姓皆骨肉因笑於今殊有黍覆雨翻雲

何夫險生情自首尚如新惡俗非翁誰不染吁嗟鮑子惟知

念一寒翁乃是我胆與肝肝胆如一古猶難多少今人涕淚

看此鼎革後之作

海詩拾遺卷五看當

山居四首

一池綠幾許荷破雨聲圓有夢自然冷無言不入玄晷饑將

母去燕老見孫還顧我癡於此行藏更可憐此棄家為僧感物自悲也

落日多餘氣吹來樹影寒臺高眠水獸碑老紀雲官既以霜

為骨還將火浴丹形容雖太古不戴竹皮冠

避俗元無競村稀山更寒人情思往昔世局惱闌殘雪是吾

家物松為何代官不投麟鳳網回首覺天寬見國亡不臣異代之意

誰云剛十九佳處迥重重塔外常懸塔峰頭更有誰蒼蒼千

點雪冷冷一聲鐘得句旋拋去何曾礙我胸

傳衣寺古松

法物何愁朽千秋此一枝身軀因土瘦色淡為春遲有骨纔

堪老非枯不見奇活龍來與鬪牙爪兩堪疑亦借松以自寫照

遲友

門外水盈盈橋邊柳橫遠公知有送而我喜相迎沃以尊

中酒鄙哉身後名古來稱大俠豈止一劉生

重陽前過李俊淮新樓卽事

但有黃花色應憐九日名埋頭消物忌苦語見人情城矮山

重出樓高月更明不堪漁笛響一半雜秋聲

海詩拾遺卷五看當

贈徐交伯結廬近郭

小閣非所狎大隱不藏名心已隨雲往何妨跡近城孤山梅

處士彭澤柳先生縱有新堂構難忘故國情

矮松

世上惟物莫過此把來置之几案前骨幹猶龍亦堪甚顏色

與我同蒼然屋裏天地未寥濶益中邱壑何連拳從此老夫

有朋好不事仰攀爾獨賢能為七古者作拘律自佳

許子羽相召同諸社友

傲骨難摧可奈何結廬深處鎖烟蘿尊前剝日常嫌少枕上

佳山不厭多脾曉定追豪士魄推敲亦是老僧魔明朝共筵

支節手敢保人間水不波沈氣韻

曉禽聲

何處鷓鴣會纔睡 醒翻翻鼓舌過瑤室 一聲忽把月催落 眾口能將花叫開 喚子學飛辭母去 思春如語傍人來 皇家近日疎羅網 身漸投明爾莫哀三四佳語

寄友

不逢搖落也 凄凉十載無家路 短長作客爾知尋舊主 逃禪我只事空王 客枯應媿逢漁父 氣勝何勞妬酒狂 雖是龍龍能自屈 壁間寶劍有光芒朱子語 隱者皆是帶氣負性之人 爲之吾觀 擲公益信朱子之言

漢詩拾遺 卷五 擔當

四十一

天下先聲在粵東 調高千古氣猶雄 名家品格冠寰外 才子風流孟酒中 去路三湘蘭未紫 入門五月荔初紅 欲求海上安生訣 自有烏頭百歲翁

楊又仁自楚武來滇洱喜賦

點蒼雪化水長流 有客携家恣遠游 買一扁舟來萬里 樹三大業在千秋 白雲縹緲仙人鶴 紫氣氤氳老子牛 料得域中無伴侶 直窮天際訪丹邱次聯是句蒼老 其餘亦工緻

贈蜀中杜培之廣文

莫惜春歸不舉杯 乾坤已掃陣雲開 一戔萬里爾家在 五岳一拳余袖來 疎簾餐炊苜蓿牢 騷聲調走風雷建安有幟

誰先樹古人稱七子才

九江萬耜菴訪余於麗水留之

丁丁聲氣久沉浮 伐木南來城外求 金欲盡時辭麗水 衫從濕處想江州 百年世上誰青眼 一代山中我自頭 聞道匡廬無古雪 留君且作兔園遊五六渾成

洞庭秋乃楚中郭天門所作也 羅三吉依韻屬和三十首 索余效顰勉成一律

岳陽霜冷奈愁何 遷客登樓一放歌 日月浮沉天亦小 小江河停瀆地無多 竹聲滴碎千帆雨 木葉吹平萬頃波 暮氣不開山欲裂 斥將雷電恐龍鼉三四即颺天 踏地之意

贈仙陀師

貧來事事盡成冰 到處難容破衲僧 買得松陰三十里 撥開雲磴幾千層 傳心久矣知梅熟 不語何曾有葛藤 自此一朝俱放下 眼空天地是無能

葉榆司李楚武楊又仁訪余於雞山不值及余還山公復他往賦此寄懷

踏破雞山雪幾重 各分歧路是殘冬 枕高爲避花隄影 樓遠難尋古鶴踪 我矮崑崙曾見若 君吞雲夢豈無胃 相思縹緲憑誰寄 望斷蒼蒼十九峰提僧律句對仗極工而 有氣象自是大方家數

萬邦菴從永昌來訪余賦謝

別久重逢又一朝蒼山非舊也蕭條侯門已閉休懷刺旅食
淮艱莫棄瓢裘傲黑貂寒欲至路臨金齒瘴難消相逢不必
嗟搖落擔着秋霜且過橋又一朝謂易代蒼山非舊謂陵谷變遷無可擔者惟有擔秋霜而已

送楊明府歸隱閩漳

得遂初衣也自豪東南天地盡波濤層樓控海日光紫榕堞
經秋霜氣高載道有人俱畏虎到家獨爾愛持螯靈均多辯
終歸隱楊子何須更反騷明莊烈既殉國唐王福王相繼而起東南遂多事故曰天地盡波濤

寄鶴陽舊太守李相如兼柬杜司訓

歌舞樓臺夜更長青蓮有客倒銀床半天綉織雙鴻鵠幾樹
梧桐一鳳凰枕上纒然無雪片籬邊元不喜春光幸存石竇

瀟詩拾遺

卷五 摛當

聖

又

多情月猶照民間舊草堂幾鴻鵠以比李杜一鳳皇蓋自况也月照舊堂亦以寓滄桑之感

同諸社友園林即事

一亭幽絕竹籬偏池水將枯禾種蓮夢蝶影空花已落啼鳩
聲古樹蒼然床頭宿甕重陽酒帳底圍爐十月天爾我不須
分出處但知小歇即神仙

山中寫懷兼柬將出山者

塵情如割一時休傲骨昂藏笑傲裘白社有僧堪結夏碧梧
為我不交秋半生事業漁家樂萬里功名狗監愁何若孤棲
衡泌者掉頭不識帝王州前四句寫懷後四句謝出山者失其所守也

贈鄭將軍凱旋

斗印輝金肘後携將軍事業在闕西黃沙積裏雙旌捲青海
城邊萬馬嘶專闕赤心光日月揮戈壯氣斷虹霓功成社稷
安如鼎勅領侯封靖鼓聲意態雄傑

寄懷萬邦菴游昆明

習榜長劍入昆明池上風波總不驚一日山川愁指點千秋
詞賦任縱橫御空有爾如天馬弔古憑誰問石鯨不把濁膠
澆礪礪過人豪氣幾時平

葉榆送羅二吉歸楚

雪影蒼蒼四月時輕寒未解欲何之經過瘴嶺春回鴈投宿
蠻城夜聽雞雜新釀初黃澆岸柳傲裘已黑扈江離行藏自分

瀟詩拾遺

卷五 摛當

聖

川上

同僧懶不必懷椒問九疑

社友吳小癖羽士葛嬉翁過訪山園

何意孤棲小逕通其鴻雙影落長空相如後至還居右老子
初來却向東官邸爾時多大隱詞林若個有仙風雅宜地僻
春光到文杏千株一抹紅

訪徐交伯頭陲村居

步短榜筇不憚勞百年今見兩方袍從來天地何曾閉自是
賢人要養高始爾梁巖歌泌水慚余不飲讀離騷但能回首
俱無恙那怕相看說二毛三目反用經語亦求新之一法

葉榆觀開閣步升菴太史韻

西南日月載沉浮不放天邊水逆流今古徘徊惟濁酒乾坤
漂蕩有扁舟一朝海鷗背人去萬里波臣喚客游襟帶雖非
彭蠡澤傷心却似洞庭秋

漫興五首

側身擺脫利名韉走入邯鄲俠客場無煖可趨裘已做有恩
未報劍生光壯驅馬走穿都會老厭人來說故鄉雖雉而今
知我性未禁一擊便翺翔捨公悲憤而隱於僧自有俠氣三句見歲寒高節四句見烈士熱忱
韻高千古大王風玩世居然直不恭新舊河山天鼎革羈離
日月我西東監邊不必逢揚意床下何妨拜德公莫妬短笻
常嬰鍊老僧元是布衣雄僧家詩多淡遠一孤擔公獨抗慷慨昂時局使然亦性情使然

滇詩拾遺卷五

揚當

器

八

怕將赤足走黃沙自分淨沉未有家歌吹難聽聲帶楚江形
不改字成巴雷階日日龍巖窟霜翦黃昏蘆荻花總為無才
兼引疾長安咫尺是天淮

怪來未老即稱翁拋却儒冠氣更雄逃死逸於三窟外謀生
若在廿年中山南隱豹吞立霧塞北神鷗攫大風因笑武侯
無遠略當時擒縱已成空

誰云太上無兒孫即今有我血尚存前三日非黃叔度後半
生亦李長源狂歌曾用鐵爲板大隱不須柴作門骨高若問
嶮強處携綠玉杖游崑崙運古於律奇峭處似黃山谷

寄友

英雄元自小蜂蟬出處無心一併休姓字響於仙子語動華
樹在帝王州居家背我難爲弟出塞今君小者侯知有赤忠
凌碧漢平生焉肯負千秋五六推健

題理釣圖

鼎革乾坤日影紅藏身地迥水雲空市城可奈人難語闔苑
如何路不通掃却榮枯無氣數不搜草澤失英雄誰知舉眼
茫然外尚有漁簑在雪中從鼎革說入是所以理釣之故通首縱橫跌宕大筆淋漓自足傑構
十九峰下喜晤楚中官素士

客路年年古雪存生憎芳草怨王孫點蒼有我真堪隱雲夢
非君孰敢吞縱飲未投新白社輸忠有效老黃龍相逢切莫
嗟蓬鬢不待推顏髮已髡處幽憂之中高自標致不作一儒語是此老本色

感懷四首

不因世事太顛狂其性元如桂與薑老圃種蔬諳月令豎儒
開卷讀春王昔時臺閣多晴色今日乾坤一醉鄉名遂不知
身早退良弓雖勁也傍徨春王句大義凜然今日句謂眾
一苦都歸雨雪時天涯近狀有誰知江分左右書難致粵有
東西路更歧客計隨風驅旌旆軍聲撼日亂旌旗去來總在
艱危裏何處逢人不九疑三句指唐肅二王四句指桂王言從君無路故退而爲僧
乾坤跌蕩近如何縹緲紅雲天上過中秘一函新制作左圖
萬里舊山河兒童畫虎終難似明季雕蟲亦太多寄語詞壇

諸大老會須重詠夏人歌若此詩亦慷慨語也安能盡刪

一點柴門被雪封好將拙骨傲殘冬

何妨隱卧龍丹有九還難續命田無十畝可為農壯圖莫問

千秋業豈少功名勦鼎鐘國命難續真欲難安惟有逃禪耳若鐘鼎功名則有不屑問者矣

過荒村有感

枯木橫槎路不通村墟多在雨聲中

文章難送窮壯士已今披短褐獵人何必怨良弓

天猶潤道軸吟成避世風

贈王綸如署中集事

羅雀門開一事無官閑依舊學操觚文章已駕前後漢邱壑

灑如大小巫花徑參差霜影碎酒船來去月明孤

鴛羣帖驚起游龍入畫圖

寓榆城喜葉天依從夜郎省親歸來在伊姪社中賦贈

獨衝雨雪詠來斯陟帖盤旋路又歧白日鴟號摧膽魄黃昏

澹火照驅馳幾竿阮竹移家處一樹唐梅結社時

有明月愁心一片少人知

秦中道阻汪周仲思家貽之

望斷關河正慘悽曉窗夢醒月初低

旌旗擁馱驥將士無家霜凜凜王孫有路草凄凄

鄉心切終夜如聽杜宇啼

雞山冬日有感兼懷呂一如題畫寄贈

阿冰懶作北山文隔斷黃塵縹緲素分貧病切身悲落葉豪華

遮眼笑浮雲別來魚信君難問悟後雞聲我不聞展卷莫嫌

梅影瘦好將寒色薦殷勤

王勅木村居

傲骨從來愛薜蘿山莊背郭少人過思居不改唐風俗射策

曾登漢制科晝牧夜漁生計足東屯西崦醉顏配形容雖槁

心猶壯讀罷離騷一放歌

漢詩拾遺 卷五 指齋 翠

詩拾遺

明

郭文一首	朱璣一首	朱克瀛一首
朱鳳一首	唐以敬一首	張含十七首
李元陽二首	楊一清二首	李蕃一首
丁大訓一首	王宗一首	趙端一首
邵圯一首	蕭文亮二首	譚景二首
王昱一首	王懋一首	包玉一首
孟瀾一首	蕭景時一首	唐佐一首
楊士雲一首	黃琮一首	黃敏才一首
黃明賢一首	黃明良一首	黃鵠一首
俞汝欽一首	木公一首	木青一首
木增一首 <small>附賦一篇</small>	惠一首	趙汝濂一首
周臣一首	段承恩五首	侯必登二首
廖楚良一首	梁佐一首	陳其力一首
羅鑄一首	閃應雷一首	許滋一首
許國良一首	王琦十二首	唐堯官八首 <small>附賦四篇</small>
唐華二首	葛仲選一首	史旌賢四首
張薰八首	李萃一首	易經一首
陶珽二首	薛繼茂一首	潘世澄一首

滇詩拾遺卷六目錄

二

文祖堯一首	文俊德三首	李伯春一首
陸芸一首	潘嗣魁一首	楊師程一首
雷躍龍一首	趙日亨一首	廖大亨一首
楊忠亮二首	王肅一首	黃麟趾三首
黃郁一首	張琮一首	楊繩武一首
周澤溥二首	張一甲一首	劉聯聲二首
耿希哲一首	傅宗龍二首	孫桐三首
方外		
普荷六首	古笑一首	如清一首
輝一神一首		

滇詩拾遺卷六目錄

二

此卷為李厚安庶常手鈔以付予者予既輯明代鄉先輩詩五卷厚安又為旁搜博采成此一册因列之卷六時代益遠網羅益艱附刻賦數篇亦以得之不易欲其不復散失耳厚安與予皆嬰世事偶於暇時隨得隨鈔故其人其世孰先孰後不及銓次姑存舊什以摭懷古之深情云爾宣統紀元三月榮昌識于昇平坡寄廬

滇詩拾遺卷六

昆明陳榮

郭

文字仲炳號舟屋昆明布衣滇詩畧載文詩入首合
於通志中復得一首亟錄之明人詩
况平居陳郭曾見
稱於升菴者耶

登太華蘭若

抗策登危岡前顧路猶緬隔溪聞清磬與飛雲遠谷轉泉

聲長苔深石徑輾行行入珠林塵累不煩遣

朱

璣字和齋晉甯人隱居樂道工詩知州李諤輓之
有詩裏有詩超李杜枕邊無夢到公侯之句

觀音山洞

觀音之山高幾重上有石洞雲常封地偏路狹人來少煙雨

滇詩拾遺卷六 郭舟屋 朱和齋

漫漫開蔓草鴻濛一竅誰鑿開天荒地老空塵埃搜奇乘暇

曠昔人好享信浮屠裝嚴金粟如來相怪石生成出入巧如

獅如象千萬狀朱筆題詩今尚留劄苔細認頰夷猶長吟拂

袖下山梁西風拂拂吹鬢涼

朱克瀛

字孔淵號清菴晉甯人磯之子也幼穎悟博學能
文尤工於詩以景泰癸酉舉人任定州訓導辭歸
養母著有清
菴集行於世

梁王山甲古

魚城東北古梁山百歲興亡似夢間迴輦已無當日路避兵

空有舊時闕父陽影裏聞樵唱古木陰中見鶴還四海於今

歸一統皇風萬里被諸蠻

初春登金砂望海

金山春早獨登臺萬里昆明氣象開巨壑曉風搖碧動遠峰

晴日送青來鷺沙鷗渚輕寒在鮭估漁舟返照迴橫海樓船

空習戰誰言漢武是仙才

朱

鳳克瀛子成化甲午舉人安樂縣
知縣告養歸著有東湖詩集

萬松寺

招提隱隱萬松深忙裏偷閒喜暫臨雲靜四檐含翠色日長

滿地落青陰寒聲慣入山僧耳爽氣偏諸野客心一點紅塵

飛不到祇容猿鶴伴孤吟

滇詩拾遺卷六 朱清菴 朱東湖

望梁王山

梁王猶記舊時名東北巍峩對郡城深谷難歸寒雨霽故關

人靜夕陽明屯兵尚有當年跡懷古空餘此日情來往悠悠

何足問悲風落葉自秋聲

唐以敬

晉甯人成化甲
午舉人官通判

喬松

古廟城南隅喬松何代植老幹數十圍高標千百尺號風作

龍吟溜雨添黛色下有茯苓精化為琥珀赤醲酒花可醉延

年子堪食大材合棟樑不採竟誰識

張

字愈光號禹山永昌人志濟子正德丁卯舉人
山嵩書中溪有歸太保山升明詩臺唱吟嘯歌舉

吾志矣之語今得數詩中即有明詩臺
二百千載而下庶有以見蜀山之志乎
寄楊升菴

錦城丞客棲真國綠樹青霞遠成樓字學名家推郭璞荆溪
高興屬王掾極天關塞歸心迴深夜江湖遠夢浮二十四年
金馬路海風山月不勝秋

常於詞賦慕相如獨坐茅齋讀子虛觸眼塵埃隨燕雀憂時
肝膽對熊魚猿啼巫峽憑牽淚雁過衡陽不寄書留滯煙波
滇海客秋風秋雨十年餘

黃菊風微過草亭白醪香滿勝湘醪丁年去國憐蘇武投老
還鄉羞管甯金馬樹寒清鶴夢驚叢雲起見龍形虹橋北望
滇詩拾遺卷六 張馬山 三 川上

傷心地江上雙峰晚更青

豪吟金馬復連然揚盡章郎五色履海上風煙俱作客天涯
雲物自相憐松涼月坐華亭寺花暖春游碧玉泉一別昆明
池上路沿沿流水入經年

天涯蹤跡歎殊方離夢中宵極渺茫子厚音書連百越屈原
詞藻遍三湘青山落日江湖白亦塞愁煙樹木黃花隱禪宮
孤月夜遲君同卧贊公房

二十三年滄海上此生端合老江湖碧雞金馬瘴鄉遠紫鳳
蒼龍雲闕孤雪盡終歸典屬國詩成亦有輞川圖淹留已覺
弁州好莫歎南荒歲月徂

謁方忠毅都督祠

都督祠堂秋可憐蕭蕭落木石城邊山河空抱孤臣恨動業
從教太史編鐵馬有時嘶漢月偏師何處哭蠻煙忠魂千載
風雲護况及金貂奕世傳

贈百潭觀察按部永昌

王褒空祀碧雞神稷契生來便許身劍匣含霜龍氣動冰壺
迴月海光新山中草木知名價天上星辰識偉人鬪虎鳴鴟
俱歛跡困鶯悲燕總回春

蘭津渡

黑水之西哀牢東岩峯山色開鴻濛魚龍戰鬪日月暗鸛鶴
滇詩拾遺卷六 張馬山 四 川上

喧呼煙霧浪水閣倚石架朱鳳鐵索橫空飛彩虹江流迸激

待禹鑿百蠻琛寶梯航通

龍池漫興

杖藜尋花祇可惱昨自看花今日殘煙迷孔雀金翠溼風逗
玉龍鱗甲寒羨陂白浪嗟杜甫冶城青山樓謝安落日禪宮
發鐘磬雞鳴新酒罄餘懽

風雲龍泉寺

金鐵宮闕耀龍騰碧鷲透翻阿耨池灑灑雨華香霧噴鈴鈴
仙樂雕雲移金榻燕坐常留得彩筆登臨定賦詩白馬傳經
舊遊地空王蹤跡使人悲

太華寺一碧萬頃樓

滇國地形惟此最青霄樓閣迥招提山圍雉堞籠金馬海城
龍宮浴碧雞雲裏鶴巢松樹過風前仙梵雨花迷諸天不在
藤蘿外中夜起看星宿低

延耳寺

江海閒身得漫游蓮宮一榻喜清幽湖窺冰鑑頻疑曙風度
巖廊易作秋千里遮圍山勢合孤帆迢遞海門收禽魚上下
應無數獨羨安眠沙際鷗

五華臺

五華臺上望昆明淨練微茫似掌平故國欲歸歸未得海風

滇詩拾遺

卷六

張禹山

李中溪

五

川文

山雨一齊生

紅硃

勞生害馬貢紅硃暗脛明投獻紫樞若得泰元憐赤子速移
寶井到神都

明詩臺二首

明月照孤亭瑤琴發清響冬樹敷丹榮倏動紫緞想
西樓叢雁驚南樓雙杵鳴皎皎一亭月中霄抱虛明

李元陽 再見

海棠憶舊

太史成都楊謫仙昔游同賦海棠篇今日重來花樹老回首

行風三十年三十年中人事改升菴垠溪皆不在縱然拈筆
更題詩山水蕭條失光彩

一搭寺樓看菊

雁塔孤樓在上方碧桃千頃接蒼茫干旄出郭看時稼菜菊
移尊到晚芳懷抱向誰會痛醉使君憐我獨清狂暮鐘不令
笙歌散斜月娟娟夜未央

楊一清 再見

林隱辭

嗟媿人兮好修羌遐想兮冥搜釋塵氛之機穿藉林石以夷
猶翫垂衣於象闕集洗耳於崇邱仰皇風之蕩蕩忘帝力而

滇詩拾遺

卷六

楊文襄

六

川文

休休裁雲霞兮衣被擷芳芬兮臆羞窺百家之藩圍探萬化
之玄幽啟蟻蝶之微喙吸河海之餘流嗤浮生之附贅嗟重
擊之藏舟已矣乎人生各有志外物亦奚謀軒裳非不貴巖
穴欣所投賦衡門以自適歌伐木以相求或賡或倡載沈載
浮莫綸巾於柔碧沐灌木之清颺邀漁樵於芳野話暘雨於
西疇維三樂之既足忘歲月之難留甘與物而俱化返帝鄉
而長游

拱華樓

澗水潺湲不斷流白雲芳草帶斜舟坐來山色無餘地占盡
風光是此樓雞嶺夕陽高樹合石橋新雨落花稠也知看竹

須乘與不用東君掃榻留

李

字庭茂河陽人正統戊辰進士授戶部主事出視
臨清錢穀及九江閘楮幣豪吏欲手以親老乞歸
賢祠

王孝子 珪 廬墓處

哀哀親之恩罔極如昊天一旦作遐逝相看隔重泉椿堂虛

白晝徒有遺容傳芸閣春風暖塵封舊青編哀慟切心曲血

淚常漣漣所以結草廬傍爾松楸邊朝夕親祭奠牲粢供豆

邊風雨不憚勞泣拜塋之前精誠貫金石至孝通幽元遂感

芝草生仙葩絢荒阡佳聲藹里閭不讓王祥賢往事今已矣

人猶動謳絃信哉偉丈夫裕後還光前我欲作表傳慙無筆

海詩拾遺

卷六

李庭茂 丁五樓
王守約 趙瑞

七

如椽

丁大訓

楚雄諸生自號五樓山人隱居日合驛姚安
知府李贊過必訪之著作散失僅遺一絕

仙人骨

五樓峰下紫雲闕鶴馭秋風甚日還仙骨不隨雞犬去只今

遠蛻滿空山

王

字守約晉甯人正統戊午舉人卒
於太學著有一卷集草庭吟行世

萬松寺

萬松青一色寺剝萬松間風靜鳥聲碎雲深僧意閒波濤喧

大壑日月蔽重闕蠖展空階裏徐行印鮮斑

趙

晉甯人正統甲
子舉人官知縣

登陽城堡

高臺一上目增明風景依然市井更姚岳廟荒秋草合梁毗

城廢野蕪平山多種稻無人問海半成田有賦征往事悠悠

只如此病蟬衰柳不勝情

邵

晉甯人正統丁
卯舉人官同知

羅漢寺

數載不游羅漢寺萬松依舊閣閣巒上方樓閣誇新創下界

山川入大觀杖錫僧歸山徑滑聽經龍去墨池乾銘文誰刻

碑亭古謾拂輕塵仔細看

蕭文亮

晉甯人景泰庚
午舉人官訓導

海詩拾遺

卷六

邵 蕭文亮

八

觀音寺

小橋流水老僧家時有人來問法華曲徑疏篁清不俗聞塔

芳草寂無譁片雲自護降龍鉢入寶誰裝駕鹿車徐步虛廊

看畫壁不知屐齒映苔花

萬松寺

十年不到此經過塵鞅羈人奈若何臺殿還如前日好松杉

秀比舊時多閑房寂寂門常鎖幽谷關關鳥自歌步入龍華

曲徑處數聲輕磬繞煙蘿

譚

晉甯人天順壬
午舉人官通判

登陽城堡懷古

天女今何在孤城久已荒
堞平多蔓草池廢少垂楊
雲散旌旗影花餘粉黛香
忽聞幽鳥語宛若詠興亡

遊金山寺

昆明池上金山寺迴隔紅塵地
自偏山氣飛嵐常作雨水光
鋪練遠連天開花野草空朝夕
滄海桑田幾變遷我欲長齋
學蘇晉可能醉裏去逃禪

王

昱字景陽晉甯人天願壬午舉人歷任榮昌榮縣丞服俸復知縣事後致政歸著有悔過錄

登回龍山土主廟步童學使韻

城頭古廟殿民居瘴霧乘秋盡
掃除五里人煙歸市井百年

風氣變詩書天高地下觀無極
水碧山青畫不如此日登臨

增感慨又驚寒雁報霜初

王

懋晉甯人成化辛卯舉人

盤龍寺

秋涼閒扣老僧家屐印蒼苔石徑斜
支遁能文陪笑語遠公好客薦瓜茶
松花落處多於雪楓葉丹時半是霞
倚徒珠林吟到晚不知新月挂天涯

包

玉浪甯人成化丁酉舉人官晉甯州訓導

蓮峰禪師遺像堂

蓮峰開山創山寺了悟真空跡不滯
自是棲身爲過客解使

深潭作平地呪龍一夕遺龍移神鬼
潛驚人不知披翦荆榛大基址積修
松柏鳩工師經營臺殿勢雄偉地布
黃金閣飛翠萬千宏願成具足盤龍寺有具足禪院多少含恩歸化利飄然雙屐
竟西還留得遺形天地間雲鎖空堂
閒白日一龕煙雨松風

孟

淵晉甯人成化癸卯舉人官知縣

羅漢寺

乘暇來蘭若山晴宿霧消林深昏白
月閣峻出層霄花氣三春馥鶯聲百
轉嬌遠公新結社清話早能招

善學時空應元晉甯人宏治己酉舉人任安陸知縣以不能尚事上官告歸作秋雨賦以見志著有可亭集

演詩拾遺卷六孟淵題元

盤龍寺

路入東山第一峰過橋日晏始鳴鐘
環玕翠立巖前竹琬珀香生澗底松
野鳥自呼聲婉轉山僧相見語從容
照師已去碑猶在漫說深潭有豨龍

唐

佐字朝相晉甯人宏治壬子舉人入太學聞父訃哀感赴萬里深潭自色後家水漿不入口數日卒

羅漢寺

倚空高閣登層層今日偷閒試一登
壁上有詩能記我胸中無地不歸僧
鳥知客至調新弄龍作人來問大乘
讀罷碑文思創始百年象教又重興

楊士雲

字龍號宏山人正德丁丑進士選庶吉士給事中以養母乞歸不復出嘉靖中強起之不

就人間之則曰吾豈能俯仰於人以求進乎自少至老
手不釋卷又精風角占驗之術著有皇極天文律呂詠
史諸集今並佚矣詩為揚門七子之一袁氏詩
略載一百六十首茲從演志得其七律二首

崇聖寺

岑樓無礙倚虛臺檻外平鋪十九峰
崩業三分非漢鼎佛都千載有唐鐘
林端細雨浮山黛天際微風變水容
冠蓋於今盡能賦楊雄偏得號詞宗

雨後望西山有作

鬢景初開爽氣生臨風獨立點
崢嶸芙蓉出水天邊秀翠黛
倚肩雲外橫積暑流塵渾不動
夕陽飛鷺更分明何當跨得
仙入鶴飛上降頭看八瀛

演詩拾遺

卷六 楊宏山 黃琮

十一

八上六

黃琮

晉會人官松滋知縣本姓孫河南九州人其
先世發於黃因姓別初及漢遂家晉甯焉

紫金臺登眺

石磴峻嶒鑿碧苔偷閒又上紫金臺
碑文細讀塵緣息滇海平鋪眼界開
弄色山花撥酒與爭鳴野鳥助詩懷
寶坊雖是僧家地莫厭靈鷲數往來

黃敏

字性之別字非陸球之子也正德癸酉舉人登甲
成會試乙科授馬程縣令已卯以薦典廣東鄉試

得人最感兩政順天訓導乙酉又典湖廣鄉試
州知州歲饑不待報出粟賑濟會大疫治藥全活
以萬計時有遺寇臨界設方略禽之遷九江同知疏
開河平江洋寇再遷石所知府督餉交趾道卒歸
國晉敏卷專問詔記各宜
刻晉敏則祀之鄉賢
九日遊龍華庵

秋來極目桂芳菲感慨登臨入翠微
稍熟滿場風習習菊開三徑月輝輝
塞鴻欲度征人遠野鶴一鳴高士歸
醉把茱萸看健石明年携酒更深衣

黃明賢

非菴長子嘉靖甲午舉人

盤龍寺同郡伯靜齋黃公賦

海上三山擁翠螺珠宮深在碧雲窩
禪林漫說曇花遍塵世甯知貝葉多
落日芙蓉煙縹緲西風橡櫨影婆娑
勝游不盡登臨興猶自追陪五馬過

黃明良

字時際晉甯人非菴仲子嘉靖乙酉舉人授溫江
知縣擢溫州知府內遷戶部員外郎出任按察司
僉事畢節兵備道清屯日理究獄武備修舉登夷
廠服罷官謝客以詩文自娛著有西牧山人集

演詩拾遺

卷六 黃明賢 黃時際

十一

川上

題盤龍寺

探春出郭恣狂歌問柳尋花到薜蘿
古寺頻來僧漸少夕陽西去鳥偏多
雲疑縮地連金界風若憑虛撼玉柯
遮莫江湖懸魏闕浪從光景混漁簑

黃鵠

非庵孫晉甯庠生

游萬壽寺

游寺無妨再扶筇信所之入門餘古壁
穿石有方池水影紅鷗潤苔階翠柏
欹何來絲與管侑我進殘危
俞汝欽 楚雄人嘉靖丙午舉人質性
清粹超然塵外居家不營產業惟以
讀書明道自任山居不履城市著

有山齋集

紫溪山

陟重岡入盤谷幽奇別有神仙窟轉危磴登層臺爽氣直隨
風雨來十里蒼松萬竿修竹怪石嵯峨虎豹蹲古湫滃潏龍
蛇伏野花爛熳好鳥聞闕遠峰拱揖碧水潺湲境勝地偏人
不到乃有谷伯弄丸於其間旭日當樓方牀睡起聞對朝川
之圖靜觀涑水之史或采藥於嶺外時垂釣於溪邊閒藉草
而命酌遂枕石而獨眠居奚宜莫如春千峰改色百卉新揮
塵老僧肅作禮載醪村叟醉相親又奚宜莫如夏無蚋無蚊
事亦詭梅雨終宵灑樹間松風一枕來窓下霜林五色忽逢
秋岑寂空齋萬感休試向青天搔首問曠曠皓月每當樵冬

漁詩拾遺卷六 俞汝欽 木知卿

三

XXXX

可賞更有雪一夕林巒皓以潔不觀造化工豈識人為拙閉
門卻憶袁安貧臥宅仍懷蘇武節山中風景四時佳有詩堪
詠酒堪賒過隙幾經更歲序憑軒時復飽煙霞吁嗟紫峰可
居有若此胡為浮沈於閭里驅逐於天涯

木

公字恕卿號雲山又號萬松麗江人世襲土知府性
於揚慎慎錄其詩一百一十四首名曰雪
山詩敘而傳之又名玉湖詩今佚矣

雪山

郡北無雙嶽滇南第一峰四時光皎潔萬古勢龍旋絕頂星

河轉危巖日月通寒威千里望玉立雪山崇

木

青字長生號喬昏又號松鶴麗江人世襲
土知府恕卿之曾孫也著有玉水清音

雪山

邊關一竇隔嶺岷固守提封去路難玉壘千年存古雪金沙
萬里走波瀾輿圖雖盡天猶廣月令無憑夏亦寒磅礴遠呈
精白意忽從日下見長安

木

增字長卿號華岳又號生白麗江人土知府青子萬
曆二十六年襲以助餉征蠻功晉秩左布政著有
雲邁初集次集嘯月函詩集芝山集光碧樓選草均經
董思白陳眉公序之蓋性耽風雅博極羣書又
能就正有道故在土職中可謂錚錚佼佼者也

若芝山

策杖携籃探露芽溪流盡處見桃花洞中有叟招予坐一鉢

青精一盞茶

漁詩拾遺卷六 木長生 木生白

西

XXXX

雪山賦

伊磅礴之巨鎮奠宇宙之坤維包胚渾之元氣標峻嶒之峻
儀肇鴻基於隘域邈千里而崩施西徑八狄北表三峻左連
積石右跨龜茲帶長江之潛滄成錯繡於倭遲起干霄之峯
峩列斗郡之翠巒其為峻也寧擊幹昇椒逼撐翠岫岌岌
巖嶂巖巖絕浮埃而駭賦指雲漢而屈屨疊空七澤培塿九
嶷訝三垣之甚迥嗟二華之翻卑迎扶木之蠹旭掛虞淵之
浴曦鴻鵠戾天而尚悖鵬鴉決颯而猶疑礙升沈之顧兔愁
攀援之捷獮其為也也銀峰璀璨玉級參差儼瑤京之樓閣
縮香界之琉璃陵璣環玦叢薄玕琪白鶴失素皓鶴迷姿

類注射莫敢停窺若戈矛之戢善恍環珮之陸離邁照夜之
騏驎走抱珠之蛟螭其爲氣也颯颯百里零曉四時上森圓
靈下肅柔祇夏無畏景春乏流漸霄雪未罷罡風繼吹彼歎
霧之淫淳此暗霓之淒其巖潛縮蜩聲嘯愁鴉涼生冷蛇之
袂寒浸白龍之皮虛掛壁之執扇閑在笥之珍綺其爲靈也
儻駭儻靈煩霧煩醜或丹霞萬狀或彤雲四垂或氣蒸蓬閣
或影益馮夷或汨泥而湧瀟瀟磅礴而轟追俄而叱咤魁魍
俄而驅使封姨張森駭之神異參造化之元施於是胞靈孕
瑞衍脈分支恒爭奇而獻秀胡愈出而愈奇山亭卓筆之巖
泉澄卧斗之池印元緒而鎮靜岡率然而蹊踞雉山騰風而
瀟瀟拾遺卷六 木生白何惠 五 八

何 惠 臨安人官
廣東提舉
仙人跡

羽人仙化杳難攀何日乘鸞出此間踏破井雲雙鳥遠立殘
孤石萬山閑香消十指痕如故雨溼千年汗欲斑久擬尋蹤
兼問訣共遊蓬島不知還

趙汝濂 字敦夫太和人嘉靖壬辰進士選庶吉士轉吏部
考工司主事會京察總憲欲調某御史汝濂曰考
察摘過不宜斥無過之官及上疏趙文華在黜中冓宰
以文華爲嚴嵩私人不欲黜汝濂曰文華不熟則無可
黜者矣竟持疏入朝閣寺難之汝濂曰第進之生死吾
自當耳疏入不報久之文華奉旨特留一日遇諸塗文
華曰昔日欲殺之今能否汝濂曰殺人而人不死恨刀
不歸耳文華怒曰去謀所以中之然卒不得後擇至副
都御史致仕歸築一
草庵日覺真以居焉

九鼎寺

九峰天外擁青蓮曲棧危梯日月邊上界有亭飛檻斷下臨
瀟瀟拾遺卷六 趙敦夫周盡庵 六 八

無地畫樓懸雲霞拂拭衣裳冷松竹紫紵屣屐偏京洛縹塵
塵外浣莫辭杯酒醉崖巔

周

字蓋庵雲南縣人正德丁丑進士任公安知縣性
狷介改常德府教授擢國子監助教致仕杜門讀
書著有翼聖傳及春
秋心傳蓋庵雜稿

九鼎寺

眾嶺遙趨水赴東誰扛九鼎如爭雄當門疑點齊煙碧絕頂
平看海日紅咫尺丹崖臨北極千尋鍊索練東蒙神靈嶽降
不須問回首五雲飛太空

段承恩

字德夫晉甯人嘉靖壬辰進士由工部主事遷御
史嘗扈駕承天出按遼東時邊事告警士卒驕悍
織輔貴勢恣承恩以法裁之皆懾服出守辰州採辦
廟材事集而民不擾以疾歸著有三巡疏要十書惜早

矣

登盤龍山

磴道盤紆三數回，昆池一半夕陽開。
樓臺錯落穿林出，筵屐相羊入畫來。
潭靜梵天有龍蟄，花深禪宇絕蜂媒。
清香爲說無生個，月色松聲共筋灰。

問訊禪阿日，幾回迴避峰色相。
逐人開罽，替蒼林松老盡悠悠。
華表鶴歸來，澆留霧縠豈吾願。
浪蕩花鐵空自媒，埽葉石牀墓太素，靈蘭一窠冷于灰。

法輪寺

法輪長鑿竺西，南雲在青天。
水在潭識得天光，與潭影在教。

滇詩拾遺

卷六 段德法

七

川

魯叟作瞿曇

金山寺

遙望西池萼綠華，天風吹我到金沙。
七重寶樹冥鴻島，萬頃玻璃貫月槎。

盤龍寺二首

龍山百丈倚層霄，不惜春游策蹇遙。
雨霽若逢霞色起，望中疑是赤城標。

新利嵯峨對海開，山茶樹樹倚雲栽。
共知此景同天竺，不斷游人載酒來。

侯必登

字履真，江川人。嘉靖己未進士，
港官潮州府知府。有侯警井里爲
侯必登詩，能一切苛條與民休息。

嘗以事至行省，道經盤龍山，見者羅拜之。
後擢江西參政。上嘗有以事強之者，必登曰：
吾頃可斷事，不可從也。時賢云。

雄文閣

閩魏然瀛海中文波，面面漾微風。
校書應感青藜照，題句誰如黃鶴工。
夜靜寒光射鰲極，天晴倒影入蛟宮。
磯頭百級仙梯在，回首雲霄有路通。

登瀛海山

瀛海汪洋千頃波，孤山翠湧一丸螺。
磯頭好護香楓樹，留待他年挂釣蓑。

廖楚良

屏山人

滇詩拾遺

卷六 侯履真

六

川

雲龍山進提閣

脫略紅塵坐翠微，山桃爛熳趁春肥。
江頭棹月客來訪，鹿苑雲封僧未歸。
藉草靜忘溪聒耳，入花晴亦雨沾衣。
采真遲我十年約，丹竈詩瓢願不違。

梁

佐 大理人，嘉靖丁未進士，官參政。

秋游元珠觀

七月九日風露涼，携壺繫馬山之陽。
巖花池草各幽趣，霧殿雲廊總異香。
鸞如棋殘聲亂落，鶴眠茶熟夢初長。
道人指點元珠竅，一黍中懸萬境光。

陳其力

字克相，號芸心子，通海人。嘉靖己酉舉人，
官南京戶部司務。著有芸心詩，餘七卷，續一卷。
國朝牧

人 四庫子部雜家類詩文散佚無存今於
通志搜得律詩一首亟錄之以存其人云

游龍華寺

白石江頭翠作堆玲瓏樓閣擬蓬萊已無介馬飛天墜時有
鐘魚響紺臺海月冷移山影去松風寒帶水聲來雙流疊障
今猶嘗試與枯禪話劫灰

羅 鋪臨安人贈
給事中

梨花市

南趾官路生磋研亂山深處藏人家花丈人家無百室花村
野市多梨花地偏氣暖時光早二月花開覺春老東風一夜
月滿林淡淡溶溶枝上小

演詩拾遺

卷六 羅 鋪 明 山

元

川 志 八

閃應雷 字明山保山
人 嵐 貢 生

蕉谷寺

翠擁芙蓉萬疊來招提迤在碧山隈潭邊花發春常住洞日
雲寒晝不開自是彩毫工作賦那堪蠟屐滯登臺憑君話卻
溪巖勝客路東風首重回

許

鑄 字國器石屏人嘉靖乙丑進士授嘉善縣知縣累
官監察御史時諫官詹仰庇鑿於廷杖人懼確瑞
真敢進鑄伏其尸大哭上聞之乃命收葬鑄鍊沐氏以
家事許於朝時論沸然將下吏議鑄以滇人習知滇事
累疏保其無他沐得不廢滇亦無他變會高拱當國鑄
其所取士也與拱異趨出為江西副使剛方自持後與
拱致仕歸

乾陽洞

羊腸一路入雲間古洞乾陽別有天石壁千尋青接漢龍湖
萬頃碧當筵山川勝概應稱最樓閣奇觀此獨仙惆悵羽人
蹤跡渺桃花流水自年年

許國良 石屏人嘉靖甲
子舉人官通判

鏡湖洞

天開一綫路靈氣入荒陬洞古風塵遠門虛日月留五丁無
鑿空一竅自通幽與窅徐徐進光明漸漸投窟深無堊怪地
僻隱仙倚湖影窺鸞鏡雲光接層樓暑忘白羽扇寒兔木棉
裘布履終隨足綸巾不上頭煙中晴帶雨林杪夏成秋更覺
塵心沈應知世界浮講筵方白鹿丈室即丹邱不數循良吏

演詩拾遺

卷六 許國良

辛

又 上 十 川

山塵敢自由

王 琦 字玉振一字石玉昆明人隱居安甯山中以詩酒
自放閒至城市人競邀之有酒即往醉甚索筆作
書淋漓道勁類李北海書學去不顧有怡然自得之樂
或曰琦為仲威先生子明末殉國難按仲威先生名來
儀萬歷庚子舉人官應州知州明末流寇入滇屬賊死
則謂琦為殉國難也宜琦字玉振一字石玉見琦所書
册子小印又有鶴竹齋小印意即琦所居之齋名
也數詩皆從册子中抄得有殘缺者略補綴之

華嚴庵觀許蓮岫太守傳括蒼大司馬書

龍盤覺樹地彩筆自生花並擅黃華妙倒披金薤斜松杉涵
碧落城郭帶煙霞蘭葉風光轉青萍蕩水涯

借玉潤游虎邱不果因憶余曾兩賞山茶感而追賦

芳樹因蕭寺盤根不計年壓檐紅葉亂穿徑綠陰連山色全

無賴春游半有緣，螺峰花事寂望遠更悽然。

失題

屢有尋春約，詰朝新放晴。溪山留勝跡，花鳥伴閒情。既醉石猶我在，山泉自清。携筇忘遠近，隨意步芳蘅。

題書詩五首

萬仞峰頭掛碧泉，巖巖谿谷盡生煙。撐天老樹不通日，漱石晴瀾好扣舷。策杖半橋逢逸叟，支檣虛閣映壺天。披圖便作幽棲想，清夢依稀日往還。

老筆紛披卽石田，松杉枯柏盡成煙。野翁醉飽無餘事，倚杖時來看瀑泉。右題陳官

滇詩拾遺

卷六 王玉辰

三

川三

疊疊雲山一草亭，嶙峋古木竹幽青。誰能既此成孤向，長日如年註道經。

翠屏千疊掛晴蜺，灑雪奔雷澹小溪。坐此自忘身世慮，眠高日出午雞啼。

點染溪山生計疏，嫗皇遺孽作菑畬。展來五岳應封石，寫入惟和一卷書。落落知交存海內，孜孜飯命在真如。余生已老君頭白，好約名山共結廬。觀孫惟和題贈之作

贈李茂先發解

昆華人物埒中州，德業文章帝所求。價重連城遲又久，品高照乘應時投。秋高已拔南雲幟，春暖當鳴上苑騶。奕葉盤根

原世諧好，捷黼黻贊皇猷。

和張喬星 進 秋日山行韻

愛山須景隱，臭味切同岑。近海迷雲窟，留光見月深。高峰夢楚岫，幽興訪山陰。讀罷行吟句，秋聲入夜心。

和雲林寓齋月影圖韻

淡影森陰筆不麤，宛然風動月魂蘇。斜拖五尺青鸞尾，印入書牕倩紙糊。

安寧八景為州佐王尊五壽册詠

曹溪夜月

葱籠山半古招提，石秀泉香寶樹奇。一曲清江縈玉練，四圍

滇詩拾遺

卷六 王玉辰

辛

川三

翠嶺界琉璃，微風徐動聞天籟。驚鳥時鳴起，宿枝景曠神怡。何所似如恒，且詠介眉詩。

唐堯官

字廷俊，晉寧人。嘉靖辛酉解元，屢上春官不第。遂絕意仕，進杜門著書。有五龍山人集。

明月石

西南盛招提，宅翠惟螺峰。捫蘿路詰屈，陟磴臨蒼穹。雲中仙梵響，大士殿益崇。山茶燦如錦，松柏翠煙籠。夕景色已收，明月升其東。秀出一片石，光彩照龍宮。寔寶主坐相，酬子夜曲未終。下方城郭近，歸騎且從容。

新城篇贈劉太守效初唐體

帝歷千年盛，皇輿六詔并。若非憑保障，何以佐生成。昆池森

森波迫狀天作雄藩莫南服
山金碧鎖重關四道軍民分
庶牧平疇路指响町近支郡
斜連滇海隩田父雖忻鼓腹
誦夷酋或慮盤牙伏樂生終
歲望幃幃建議何人與版築
劉侯風抱經濟才借寇甯陽
飛鳥來都城曩日隆聲譽澤
國甘霖潤槁麥天恩眷南徼
星檄下烏臺慮始防民惑經
營屬總裁材用三餘俟圭測
四門始諏吉聚徒庸分程限
時暑庶民夥雲集萬杵殷雷
起鑿石輦花場伐木諸松圮
花場松圮鬱相望天應人從
兆百祥蜿蜒紅光山際起鱗
鱗龍甲穴中煌會無四散哀
鴻雁况有斯千足稻梁奔走
殷勤百隸役落成便作千年
計層樓霄起麗飛甍百雲橫
聯書壁飛甍畫壁勢

滇詩拾遺卷六 唐廷俊

莫雄迤邐言言復隆隆誰云
全省三隅重自是專城一郡
崇岩巒朝霧紫睥睨夕陽紅
盤龍東眺五龍曙望鶴西迎
雙鶴翫南尋玉案接交衢北
通金海朝天路曲曲隍流瀉
海汀迢迢地脈孕神靈燕圻
不數長雲舞夏口空傳卻月
形甲第城中威平騎廓外輕
半拖海帶連空碧四座山屏
入望青灼灼桃花明遠嶠
參差楊柳暗新亭從來佳麗
說滇雲五馬諸侯樹懋動四
野烽煙邊塞靜一方屏翰并
隅分不獨豐功蓋南服別有
渥惠流邊境理繩渤海循良
稱傳經石室文章炳賦滅積
紅陳園空消黑管校士秋闈
桂子香行春下邑甘棠影楚
材音用夙所奇召父杜母實
相宜雞犬闔閭靜不擾鳳凰

樓閣看來僕自言作吏逗年華
那堪蹤蹟滯天涯
橋庭夢道瞻雲切楓陛心懸望
日餘澹志甯耽葉豪吟且對花
歲去年來幾寒暑民濱地僻堪
延仁富貴春風二十樓絃歌夜
月三千戶絃歌聲四起鄉魯化
邊鄙卓異邁前徽風流遺後嗣
偉矣哉劉侯績雙臺薦剡達宸
聰四境謳歌鑄樂石鷄棘難將
霄羽棲蟻封甯遂霜蹄適名姓
金甌覆寵光朱紱來仁看登八
座會見陞三台

古林樹歌

堯王宮前兩楸樹古幹亭亭倚
天際枝條圓成翠羽
蒼巖蔓繞作青羅帳一株西向
一株東朝煙暮靄霏簾櫳重陰
借宿

滇詩拾遺卷六 唐廷俊

蔽白日高花密密明晴空千層
萬層香不斷黃鳥飛鳴春又半
會歷周浮劫數多甯知塵世年
華變老余杖屨訪禪扉對此忘
言清道機坐殘斜日漫徙倚花
落閒階涼滿衣

觀音洞

崎嶇繁九折僻遠背孤城十月
嚴霜重單車曉日迎靈泉常涸
泊峭石自孤清洞隱仙人蹟山
留大士名土風沿六詔河勢接
三營樹淡荒村景林幽野鳥聲
詩書藥舊業伏臘送殘生
生已自田疇適甯嫌草莽輕往
來恒此地登眺有餘情

石將軍

不識將軍名海邊空遺蹟生前
戰功死後一卷石

梁王塚

梁王歿已久遺塚今猶在收笛一聲開崇岡煙曉

觀音洞

大士泐行蹟石壁松雲凍不是普陀山亦有潮音洞

龍王塘

獨坐一泓幽湛湛晨光吐倏忽烏雲生去坐人間雨

思友賦

歲闌茂之發春兮望燕薊而遐征叩蒼龍之帝闕兮罄夙志於敷陳方舉肥之是相兮迷俗尙而不能明墜健嗣於層霄兮阻九萬之雲程洵命數之違屯兮焉怨天而尤人攬余轡

滇詩拾遺

卷六

唐廷俊

三

川上

以言歸兮遵恒山以南驚波滹沱之巨津兮花暎暎其盈路聆琴音於宓堂兮羌浹旬而遠如心怔怔鄉夢攪兮走大石橋而日暮悼芳睇之倏違兮回首浮雲之莽互臨漳流以問津兮三臺鬱其崔嵬森九曲之靈河兮皇禹蹟萬世而興思訪卧龍岡以懷葛兮邈解珮浦於漢之涓感流客之依依兮登繁樓而悵悵級澄蘭而扈沉芷兮弔靈均之斥放渴飲馬於灑溪兮又魂銷於貴筑之瘴山索嶺而鷓鴣兮水麻哈盤江而暴漲望蜀道之險難兮旅孤燈而誰向記聯軫於疇昔兮空含愴於地兩儼滇雲之晶晶兮析咫尺於鄉閭算郵程越萬里兮得稅駕於歸歟坐集芳聊以醉愁兮滋情傲而卷

舒竹檀欒而籠煙兮風颯颯入夜而鳴梧戲斑斕以養志兮扣牛角而歌呼等塵劫於刻漏兮髮日短猶夫胡吾寒夾志於不朽兮慙今人之與居穿天心而出月脇兮非姬秦其焉如類強弓而緩箭兮又三十步之為吁獨余唱而誰和兮闐文社之盟虛奚陶縱於山水兮雅襟懷之磊落朝觀海於盤龍兮夕振衣於望鶴歌擊楫於昆池兮採芙蓉與杜若識盈虛於宇宙兮悵歸與於冥漠獸求曹而躑躅兮鳥失羣而啁啾矧離索之日以遠兮望列宿承夜而煩憂汎雲津航一葦兮溯蹤跡於舊遊聽鐘聲於東刹兮步空庭而悠悠萱叢叢其自植兮回寶塔雙峙而上浮策贏足於大華兮梵宮殿演

渤而方幽眈層樓於清曠兮龍蛇滿壁墨妙仿佛乎鐘繇一碧萬頃立青霄兮恍歌聲在耳而相酬遵高嶠以容與兮霞氣沈沈於海裔睎李郭於參商兮鼓蝗川之蘭柁上新月於曹溪兮豈清光萬里而云異浴碧玉泉瑩瑩仙液兮學蘭亭之修禊窺風景之猶昔兮感杖杜而橫流恁靜悒於侘傺兮吾真知所之也寫衷情於尺素兮不足以申此意也世豈無好修之麗澤兮水投石之不相入緬分襟迄二稔兮春與秋冉冉而易律發渴環於夢寐兮何徽音之阻絕怒焉臨風增慨慷兮恨縮地之無術惟宦路之險巖兮每悻心於荆棘苟行法之不詭於先訓兮奚較於崇庫之異秩幸策名於清時

滇詩拾遺

卷六

唐廷俊

三

川上

以言歸兮遵恒山以南驚波滹沱之巨津兮花暎暎其盈路聆琴音於宓堂兮羌浹旬而遠如心怔怔鄉夢攪兮走大石橋而日暮悼芳睇之倏違兮回首浮雲之莽互臨漳流以問津兮三臺鬱其崔嵬森九曲之靈河兮皇禹蹟萬世而興思訪卧龍岡以懷葛兮邈解珮浦於漢之涓感流客之依依兮登繁樓而悵悵級澄蘭而扈沉芷兮弔靈均之斥放渴飲馬於灑溪兮又魂銷於貴筑之瘴山索嶺而鷓鴣兮水麻哈盤江而暴漲望蜀道之險難兮旅孤燈而誰向記聯軫於疇昔兮空含愴於地兩儼滇雲之晶晶兮析咫尺於鄉閭算郵程越萬里兮得稅駕於歸歟坐集芳聊以醉愁兮滋情傲而卷

兮願努力而崇乎明德託鴻雁於歌聲兮實意悲而語澀

孔雀賦

惟炎嶠之遐遠偉異禽之挺生稟山川之秀氣含離暉之淑
靈因雷聲而啟孕巢雲海以棲身故其翔翳茂樹飛蹠山椒
珠冠秀頸翠尾錦毛飲啄嶸澗游戲蘭苕地必選勝林不妄
跳或翹首仁時或舒翼翾翾或蹠足踟躕或獻侶伊號與眾
禽兮聯隊而接羽實矯矯殊形而詭質彼隴西之翠衿與山
梁之錦臆若吐綬之影水與瓦化之比翼雖等艷而齊輝焉
采繡之足匹爾乃嗟峨秦殿舉翠魏臺綴以芳園滙以華池
東吳檄至西昌獻來豈其間關於郊南之域抑分穀於滇海

滇詩拾遺卷六 唐延俊

三

X: 8

之陲於是飛觴設几賓客萃止情盤景劇眎眺徒倚新聲被
之管絃雜戲兼之角觝展秘玩於芳時羨茲禽之獨美媿姿
芙蓉之沼拖尾紅藥之階戴金花以表弁垂綠綵以森纒繞
珠權與畫棟相掩映而嵒聽紫簫翩翩而獻舞傍芳叢窈
計同其感表浴嘉賓之燕賞觀既醉而忘歸溯峨眉於漢廷
寵獨專於飛燕文入宮而見嫉悲秋風於統扇胡嬰妓女
美服之爭著而欲備敵文章一身之獨擅豈妒忌之性成卽
靈與蠶而均之為可鑿世希有知為貴越遐裔而旁求或采
其羽以為蠶或織其羽以為裘或飾之扇而掌握生色或繪
之屏而丹青寡傳掩不見而尾聚故潛立於叢篁之陬乃羽

毛之自累於夫人兮焉九緊大鵬之南徙搏九萬之修程更

盤龍山賦

鴻鵠之舉千里豈矜傲之所能侵嗟爾生之不偶奇瘴域而
藏身籠桃柳之曉霧逗蕉葉之新霖惜娉婷以自衛孰文彩
之見珍忸門戶之是珥浪圖牒之虛名亡勁翮以神霄徒悵
望於青冥

滇詩拾遺卷六 唐延俊

三

X: 8

西南奧區滇雲仙界脈渾凝結而為山偉崇陟之相儷若金
馬與碧雞雖漢祀而曠異靈鷲為釋迦棲禪之窟雞足為迦
葉示寂之地信足以耀靈於九垓而稱雄於載記也然豈盡
章其懿也哉晉甯之東有盤龍山焉嗟奇峰之所挺拔寶神
明之所扶持陪井鬼以成形託坤維以奠基礎唐類顯碑磔
屨屨岫岫崒嶸駭逶迤摩赤霄接紫微抱回谷瀕深谿五
龍盤曲而澗潛靈湫滄泓而瀉瀉萬松之虬旋森古栝之
奇矯長風中起而怒號疑波濤之在樹杪於是王睢鼓猿寒
翠鳴谷鷓鴣催明交鶯變旭猿猿攀條而上下磨齧奔蹕而
突觸風吟雨獻宵馳晝逐旬迭奏於笙篳迅交擿乎梭軸至
若珍怪秀美物其囀天漿神漢涌其瓠石髓芝房曜其泚瑤
草精光沓其遠蓋嫺梅英而產環異直將與天台廬阜埒秀
而齊輝爾其陽景晨開露晞盡息天宇澄空四眺無極森平
原之莽賈望蒼翠之如拭環紫溪以為帶比羣峰以成櫺玉

案窮若部基金沙渺乎邱垤隨隨護之以爲宗雞馬掩之而

無色爾迺海勢厯騰鴻波滂汗浴義輪而漾暉蕩煙霞而變

幻迴曼嶂之雲聯則錦屏於這岸蜃氣呵嗽而曠曠亦髣髴

而乍見至若川嶽獻靈龍駒洩瑞儼蹠蹟於山麓不知其幾

千百歲遠而矚之似解珮游漢川迫而察之似寒蟬初變既

隱而探之似望鼻揮郢斤顯而賦之似若華光搖曳緬渥水

之亡奇炯屈詭於荒裔故蘇氣之所感召却山靈之所點綴

粵自比邱崇照者攝心了義棲真其間世丁元季薙草開山

紺宮宏構真宇氤連設獅象之座樹七寶之幡履黃金之地

拓曰玉之田陟翠微於上方既香臺於雲端度經藏於貝葉

滇詩拾遺卷六 唐延俊 芳

塗林構於旂檀清梵與禽音而並響慧光與龜曠而共縣施

青蓮之法雨幙翡翠之祥煙爾其融火初消葶收方啟金繩

薦涼攜盈結侶指天企於東岑度龍橋而抗趾冠以白纒之

巾著以飛雲之履飲以入水之甘拾以三花之藥捫蘿葛以

遊步弄飛煙而徙倚於是緇流集閣懷罔妙旨探塵空蕩悟

短劫之亡多苦情埃之爲障汎覺海之汪洋乘寶轅而咨訪

幻人法於雙亡軼三乘而直上庶幾乎生滅之俱忘或可以

邀太初而超無相翳茲山之靈秀諒無當於蓮峰湖招提之

鬱起聊以闢乎鴻濛彼靈鷲與雞足洵鼎峙於黔封應地靈

而偏起者千百世而下誰足以大倡乎民風

山茶花賦

滇土繁花品而山茶最奇十月即放蓋中原所未有也然鮮

播之詠歌者余親往籍陳思有芙蓉賦鍾會有菊花賦張協

有石榴賦虞繁有蜀葵賦宋璟有梅花賦古今豔焉余效之

作賦一首雖極意敷揚殊未盡體物耳

惟元冥之啟後兮歲將暮而凝寒嚴風凜冽以振壘兮霜霰

集而蒙覆草木搖落而變衰兮訝蕭瑟於林端梅欲綻而須

時公鞠東籬之既殘洵窮律之黯淡兮慘遊展而渺歡爰有

嘉樹植自滇域天集累巧地蠅殊色抽神穢與鬼秘宛葩列

而萼刻詭狀異態莫之省測或如粉傅或如珠串或如磬圓

滇詩拾遺卷六 唐延俊 芳

或如榴繁或如赤玉盤或如絳紗幔或如鶴頂之丹或如火

齊之餘稜稜兮翠葉是誰兮勻削縷縷兮金粟是誰兮穿節

既逐瓣兮心分復惹煙兮條悞其未開也扶疏磊砢惹惹青

青疑桂樹之冬榮迫既開也鞞蝶陸離煌煌葩葩恍飛霞之

爛熳邈東皇之未響兮絕朋援而先芳言霜雪而吐豔兮適

蝶凍而蜂僵眇南枝之纖素兮占春林而促彊矧陰晴之靡

定兮逞麗質而相羊爾其朔風飄飄乍起乍伏旖旎婀娜辟

彼飛燕則昭陽之妖舞也暮雨霏微演濛沾灑淋漓將玉辟

彼太真則華清之洗沐也清曠斜照揚輝蕩采掩映光華辟

彼西施則越溪之浣紗也皓雪飛颺瑞封榮積縞妝豔冶辟

彼文君則臨叩之新寡也震電倏撼披靡縹緲秀墮芳揉辟
 彼綠珠則金谷之墜樓也於是羣芳慙沮不知所營香蘭之
 孰楚晚叢桂之生淮南芙蓉之名益都牡丹之盛維圖與夫
 海棠芍藥桃李山樊或體裁公磨或格標瘦清或摧砭冰雪
 或墜落風塵惡朝粧而夕謝兮節欲變於冬春馳名葩之冠
 絕兮豈敢望乎等倫若乃書閣雲連形軒榭蔭參擬平臺別
 開三徑綺緋英之均瓌與交疏而相映綵筠翠柏助其精神
 朱絲玉笛添其風韻於是布几筵集賓客呼妙妓燕良夕曳
 文毅以踟躕兮戴金搖之曠曠揚北里之遺聲兮紹陽阿之
 清越雜蘭羞以兼御兮飲瓊節之仙液笑簪朵於雲鬢兮頽
 瀟詩拾遺 卷六 唐廷俊 三

唐 華 字六港晉甯人諸生美官孫晉符弟太和王聖峰
 之思萬我存命之痛時時見諸歌吟亦可謂超超然矣
 者矣近人但知大來不知六港猶之乎但知藥洲不知
 月村綺雲也 按詩略選六港詩三
 首今從晉甯州志得二首亟鈔存之
 草堂卽事二首
 日向東疇草際行茅堂初到即天晴田家萬事看秋穫詩律
 逾年費老成喜有文章推後起難辭雞黍待先生坐中且聽
 南隣與共與班荆說太平
 含東山色含西泉記得先公卜築年樂事當時依父母
 此日賴田園小舟自蔭柴門下雙柳仍臨舊館前一宅一廬
 知有自深耕端在後人賢
 瀟詩拾遺 卷六 唐廷俊 見堯 三

指點傍滄洲一脈春釀過漁父萬卷牙籤擁郭侯漸覺知希
堪自適居然川上一虛舟

遷里謁先公鄉賢

三朝清望擁詞盟月旦人評漢伏生一日賢名輝俎豆千秋
吾道衙干城雲霄偏傍官牆近日月常依海岳明欲憶趨庭
還自託青藜無恙見生平

星回節兵憲李海石邀飲城東最高樓

省方此日一登樓高炬將迎膜欲收遂有星河明才曉何來
風雨隱羊裘師看六月銷烽火地控三危見壯猷傲骨久拚
人共棄龍門何意李膺遊

漁詩拾遺卷六 史廷微

悲蠻莫

萬里雄藩計轉非瘡痍滿眼淚沾衣千秋天地龍堪卧百戰
山河鴻未歸白骨陣雲橫睨青燐瘴雨失霏微似聞蠻莫
歸侵地幾得休戈更被圍

張 薰字伯舜歸化人萬曆丙子舉人官大理司務西曹
即發無大小靡不稱平奉命繼因三川多所平反

賢祠

呈貢雜詩八首

桃花春水漲江鄉一望煙波入混茫爭怪人家都似畫家家

門外有垂楊安江村

春風吹水水漣漪趁水鳧鷖日滿陂客有忘機陂上坐二隄

楊柳碧參差富有村

古閣何年敞翠微巖陰欲共白雲飛憑虛亦有風堪御水遠

山長而四圍石城村

四望青天白日開山腰一帶雲飛迴不須更憶商羊舞知是

東君送雨來梁王山即羅藏山

石勢峻嶒接大荒四時秋色曉蒼蒼幽人家近青山下日日

看山引興長同上

界次山陰一鑿懸海珠上下淨涓涓莫言不是温湯水三月

游人愛往還界次山

聞并蒼茫暮色浮昏鴉初定訟庭幽闌闌何處巖更鼓知是

漁詩拾遺卷六 張伯舜

譙樓最上頭歸化縣

曉曉初日照高峰雙樹葱龍影欲重飛散羣鴉僧出定上方

臺殿數聲鐘萬壽寺

李 萃字晟宇號松軒萬曆中貢生官通江縣知縣疏積
通減船課惠民便商綽有賢聲乞養歸遂不出者

有台山晚詠前
後二集早佚

游白龍潭

巖厂陰森瀉玉泉山光如膜水如煙罽穿藤蔓鏡為屋乳滴

芙蓉洞作天錦鯉波跳微雨後石鯨風動素秋前觀魚亭上

人空羨神物休言結網便

易 經字人常騰越人宏治己酉舉人幼孤母病朝夕侍
湯藥者七年為文典實工於詩學使者特令就學

年逾三十始獲雋選部試卒於途
著有詩軒吟稿楊升菴為誌墓誌

游魯氏園詠老梅和楊升菴先生韻

雨雪忽開霽策杖漫徜徉我聞魯氏園老梅發古香乘興偶
來訪雙扉閉斜陽主人懽相迎小立梅樹旁樹高杈枒密垂
垂倚曲廊託根盤危石苔蘚色蒼蒼種植經歲月年年歷冰
霜究竟年有幾私付終渺茫願向主人問語焉殊未詳卜宅
將百載此梅舊芬芳數百年前物傳聞在瘴鄉我亦置不問
撫梅目試望著梢花臃腫幹老猶未僵枝條亦不醜疏影橫
池塘憶昔陸秀觀八十身尚強每到梅花下題詩酒盈觴我
今雖健在對梅增感傷行借扶笻力未免嗟積唐何若梅古
澠詩拾遺卷六李松軒易人常

澠

×上

永不

陶

斑字紫閣號不遜自稱天台居士慕匡禪圭之為人
故又號禪圭姚安所人萬歷庚戌進士由刑部主
事擢郎中出為大名府知府累擢武昌兵備道先是斑
備兵遼東時與經略袁崇煥籌備邊餉諸政皆中機
宜致仕歸築雪閣日研性理四方來學者日眾斑又善
書做米芾筆遠近爭重乞得片紙皆珍若拱壁著有陶
圃集錢牧齋序之又嘗纂說
郭續伯敬史懷諸書行世

古泉寺

卓錫何年闢老藤半山雲際碧流泓上方鐘磬摩空隱下界
煙蘿盪眼蒸自古龍湫原有法只今山鳥也留僧莫嫌布地
祇園小滿路溪聲演大乘

梅子箐看梅作

策蹇相邀過碧岑杖屨老樹愜清吟先春信報花千點破凍
香含月一林有路尋來逢雪印無人知處抱冰心和羹消息
殷勤問豈獨通仙是賞音

薛繼茂

字懋敬永昌衛人萬歷癸未進士授孝感知縣調
長樂憂歸服闋補文安旋召為湖廣道監察御史
慷慨言天下事不少隱諱如論郊廟不親請建國本諸
事語皆切直初並封之議神宗謀於閣臣時王錫爵以
為可及旨出舉朝爭咎錫爵能繼茂一疏最和平復上
書錫爵事得寢又疏出滇臬李材於獄旋奉命巡按貴
州請增解額五人為怨者所中
削籍後追錄忠直贈光祿少卿
開道歸省宿蜻蛉驛有作

三月征途未解鞍家山猶自路漫漫敲窗墜葉風聲緊繞樹

澠詩拾遺卷六陶禪圭薛懋敬

澠

×上

棲鳥夜色寒夢破三更愁漏永心驚萬事對燈殘簡書無奈

王程滿目送冥鴻羨羽翰

潘世澄

保山人崇禎
丙子解元

春日游金雞村

楊柳遙拖翠花飛客路邊探奇來野徑滌垢試清泉水氣溫
如許交情亦藹然風清新浴爽佳况動山川

文祖堯

字心傳號介石呈貢人天啟辛酉拔貢官江南太
倉州學正刊儒學日程頒諸生日記月考躬行以
率之時人謂之安定復生國變後服僧服從蒼雪游後
歸吳中士大夫爭為詩歌送之聞卒於道因就所常居室
飛之題曰思賢廬私諡貞道先生著
有明陽山房詩稿離憂集日程講義

丙戌新春偶成

56 447 811

老雨嚴霜一歲過入春煙景近如何北溪凍解寒將盡南浦
梅舒暖漸多人事忽驚新歲月夢魂猶記舊山河東風莫怨
無消息轉眼依然見太和

文俊德 介石學博子字未詳
著有餘生詠醉禪草

春日寫懷

出岫雲無意東風莫誤吹餘生甘抱甕老去學扶犁幾日清
明節半村花雨時晚來春社散分火讀陶詩

海潮寺招飲即席次韻

嵐光宜近水中看鷗鷺盟深對我安既許一陶歸白社何妨
五簋閒蔬盤調羹四座欽名手擊楫中流縱大觀清夢不離

滇詩拾遺 卷六 文俊德

毛

三川

昆海上羣峰歷歷秀堪餐

烏龍浦尋楓

霜楓賺我泛扁舟眼醉翻疑岸欲流月上湖光平似掌笙歌
滿載鏡中流

李伯春 呈貢人天啟中歲貢
生官羅平州訓導

古城曙靄

三村品埒枕龍溪一望西郊盡稻畦千樹垂楊遮古渡一彎
流水護新隄橫經負耒勤畊讀鈞雨樵煙足隱栖風俗由來

仍似古年年春社走旌旗

陸芸 金齒衛人宏治乙
丑進士官知府

騰越州龍洞河

古寺青松最上頭荒原白骨動邊愁石根僧定雲常護谷口
龍眠水不流日落草黃平淡淡風長溪碧去悠悠天涯杯酒
成何意塞上音書漫未休

潘嗣魁 永昌人崇禎丙子舉人滇志稱
事太父孀母以孝聞文行兼美

鉢龍庵漫興

浮生總無住隨處寄高蹤松影侵禪衲塵氛遠寺鐘清溪明
月印講席白雲封泛泛長安老那知鉢有龍

楊師程 字道南安寧人萬曆戊戌進士授湘陰知縣多善
政最推御史獻納糾彈指陳邊事多所補益德
譽河東詩餘深詔商通條議十數上咸報可母老三請
終養未許而訃至號泣歸廬未幾卒師程慷慨有大志

滇詩拾遺 卷六 李伯春陸芸
潘嗣魁楊道甫

乘

X.O.:

直節敢言所著
有疏草行世

同宋侍御游法華寺

蘭若間間看夕曛芙蓉片片削青雲山迴龍馬峰腰合水帶
螭脚燕尾分鳥跡千年神禹象鸞頭六字梵僧文登車乘輿
來游此勝賞還應屬使君

雷躍龍 字伯麟新興人萬曆己未進士選廣吉士野史稱
永明王至滇時官至尚書袁氏詩略載其詩五首

茲從滇志錄
七古一首

昆池篇

漢家欲擬昆明池油幢繡鵝晚風吹於今池上波獨濶枉度
清宵鼓角時五更鼓角三更歇石鯨驤首窺明月野鳧畫鷁

空無聲十里芙蓉連夜發芙蓉萬朵柳千條雙隄一鏡照花
 嬌三三五五菱歌女暮暮朝朝燕子橋燕子橋南煙複複
 畫樓臺冰霧縠明霞水際鬱空蒼綠鬢青黛瀟湘竹瀟湘昨
 夜雨茫茫不分昆湖杜若芳日月悠悠開出沒溪山歷歷自
 笙黃笙黃奏罷長天碧晴雪噴崖螺髻白太華峰頂揖桐君
 玉案山頭淹羽客羽客淹留玉案愁海風吹斷五湖秋賦香
 春粉樓黃蝶白鹿青荷傍彩鷗彩鷗初浴青波煖荷帶蘅裳
 流艷滿九十七泉瓊乳長五千萬項瑤華短瑤華丹靛會軒
 朱玉筍金蓮檻鳳雛繞過碧扉仍霧鎖醉餘紅樹情煙扶煙
 扶紅樹嵐扶鶴露滄脂堆翠琴四百八十寺雲橫飛來片
 瀟詩拾遺卷六 雷伯麟
 片歸晴壑晴空霏微帶遠鐘曹溪鉢底卧蒼龍珠宮絳闕疑
 蛟室銀濤雪浪拍蚪松雪溼銀濤蕪蕪泚秋蘆瑟瑟珊瑚紫
 蘇鷓杯傳白芷村水晶簾挂桃花里桃花千樹武陵溪杯亦
 羅浮月底迷鴛鴦錦水秋光冷鸚鵡芳洲曙色低芳洲錦水
 傷南浦十二峰西空暮雨解翠江皋憶楚妃懷仙渡口思交
 甫渡口懷仙去不還吹簫人在野黃鸝我欲從之橫別渚微
 風落日水潺湲君不見輞川圖鑑湖曲處土孤山棹蓼綠又
 不見溇江情歸帆杳徒悲天際孤鴻繞何似泛星槎歌窈窕
 銀河清淺寒光皎盈盈一水兩心懸年年照徹湖天曉錯采金
 亦復雲霧波說似此謠才絕
 艷而傳作無多益堪寶貴

趙日亨字真所安衛人萬曆辛丑進士任太常博士選御
 史山東歲饑民亂日亨奉命進按請蠲賑撫脅從
 賊皆散去出為川南兵備道值奢首叛相俸募死士斬
 叛目黃光輝率兵解省城圍晉秩賜金印雅開祠祀之
 嗣擢貴州左布政使致仕
 歸著有寤歌樓集今已佚
 媛露寺
 琳宮萬擁玉池頭萬壑氤氳午未收日氣微蒸仙掌熱雨花
 幾見佛身留珠跳澄水探龍藏金耀浮光訝層樓不是山靈
 洩奇秘何緣近世有丹邱
 廖大亨建水人天啟壬戌
 進士官都御史
 冬入雲龍山
 落葉滿香林人踏葉深厚積霜溼空谷高煙平霽岫山谷著
 瀟詩拾遺卷六 趙貞所廖大亨
 且寒溪毛碧以瘦宛轉為尋幽古徑聊相扣枯籐羅帶垂潤
 咽松濤吼一僧啟荆關選置轉幽秀眼曠天地開萬物謝彫
 鏤高深淡心懷清暖變氣候殘絲掛衰楊霜蔓紫寒柵楓樹
 淡山容草蟲吟凍後丹葩引斷香殊覺春光漏藉草傾玉壺
 花閒疑美遺孤坐看飛雲永矢忘晴晝
 楊忠亮字蓋卿一字元葛石屏人萬曆丁酉舉人官平武
 縣知縣權固原鎮同知嘗著籌邊裕餉招募屯田
 戰守諸議俱通達治體整然可見諸
 施行者又有素吟草山意漫言等集
 狎鷗亭歌
 入林林更密入山山更深鹿麕鶴子作傳侶此意但恐塵囂
 侵昔人買山隨買斧採盡山頭了無取而今山木交青煙况

復明湖照幽塢驚磴通幽蕙結廬臨水濱橫披鹿皮褥側挂
鹿胎巾牧羊與抱犢躬耕且灌園無慮無營葛天叟不識不
知帝堯人堯時巢許不可面暮暮朝朝何所見深山故曲武
夷睡滄波映出廣寒殿且歌且飲樂何如一遊一泳從吾便
風引松篁弄玉笙水侵菱荷戲鷓鴣數聲鐵笛驚長夢一帖
南華隨短檠夜識金銀如蜃氣蚤收杭稻有萼羹海鷗較似
浦鷗樂野老不與海鷗爭君不見漢時禽慶耽衡霍白裕芒
鞵背城郭煙霞泉石在膏肓具鴻肯效潘離雀又不見晉朝
酒德推劉伶鎮日藉糟復捧罌幕天席地酣余枕醉後安知
身後名登高泰山小飲水江海窄洗心洗不淨洗耳洗不潔

滇詩拾遺 卷六 楊蓋卿

三

三

XXX

芳菊漫開彭澤徑好花偏放銅駝陌深深酌浩浩歌綠樹青
山常不改年年江水慣魚箋

後樂亭水天謠

元黃闢靈境人工補造化異龍湖上既雙美應與湖山長聲
價遙遙浮石湖之南太虛一點依稀跨更有雙島峙中央千
流萬派趨其下前島先駕六龍出化城巉巖山嶽萃後島虬
龍相倚角傑閣岩巖文鸞萬壑千峰看不盡還從閣後結
雲幄此亭高駕琉璃海嶽首直摩闔闔天水共天一色天合
水若連極目遠無際雲影相廻旋與酣醉騎青田鶴憑虛大
叫洞庭仙此境何人構此韻何人傳默默空中一指數邇來

六萬九千年

王肅石屏人官知縣

游桂峰山

樹年已足厭塵氛四馬遊遊自不羣觸石雲生成疊開涉江
風迥展廻紋松根半露龍鱗老溪水交流燕尾分到處雲囊
收不盡留將空翠伴斜曛

黃麟趾 字飛月晉寧人天啟間歲貢官四川雲陽縣知縣

登盤龍寺

東山覽勝處紺殿古龍湫澗瀉泉聲咽林森鳥語悠蒼碑紋
餽蚪古柏紐蟠虬境淨塵囂息心清鐘磬幽經殘僧夢午禪

滇詩拾遺 卷六 王肅 王飛月

三

三

定月輸秋色相如如在雨花片片浮旂檀張華幔香篆鬪雲
樓了悟能吞吐真空任去留蓮堂金布地象教寶成洲倚檻
光天濶當軒爽氣收湖山咸在側身世復何求浩蕩登臨興
消將萬古愁

深秋泛舟還里

秋雨江頭晚扇舟興獨餘涼颯期候雁返照帶歸鴉霜浦紅
將暗煙村翠尚遮停棹看不盡魚水映蒹葭

九日同友盤龍山登高

巖岷龍山頂攀躋亦快哉風聲來巨闕雨意入街杯賸有登
高興慙無作賦才豪吟殊未已步履漫遲回

黃都字禹甸晉寧人生於趾子也麟趾卒於雲陽計閱圖之形神畢肖人以為孝思所感云

七夕借友游龍華庵

折燈迴梯取徑長
綫尋流水入蒼茫
川原一望平鋪綠
林葉初飛數點黃
迴響當筵雲自巧
倚空浮桂月生香
煙霞浪下真人癖
采采芙蓉綴作裳

張琮臨安人 諸生

仙人石坪

錯大名山作一坪
上方諸老適閒情
撒開手眼爭還讓
看破興亡負又贏
著意彈敲盤屢易
回頭審顧勢頻更
當年自燭

演詩拾遺

卷六 黃禹甸 張琮

樵柯後躡足何人向此行

楊繩武字念爾 蜀人 崇禎辛未進士 累官三邊總制 兵部侍郎 贈尚書 謚莊介 滇詩略載詩四首 此章刊初願園中 丞辰評中 懼易剝蝕故重錄而割剔之

楊忠節詩

縱橫萬馬一城孤
賄命還將半壁扶
宗社有靈鍾間氣
河山無恙鞏皇圖
九迴抽盡腸獨熱
七尺摧餘骨未枯
廟祀悠悠千載後
青霜細雨淚模糊

周澤溥字良人 崇禎丙子舉人

雲臺篇

雲臺臺高萬丈崔嵬欲與青天傍
朝樓煙雨暮樓霞眼前

紫綠紛千狀 垂簾數里路 陰榭朽朽 古木盡龍鱗 鳥去烏來 若相識 一曲樵歌不見人 飛泉噴薄懸圖畫 汗洶直向巖頭 掛玉龍吐沫 下九穴 翻空跌碎白鱗介 雪捲濤來萬顆珠 雷聲殷殷來天衢 冰化亂灑沁詩骨 奇觀得似匡廬無 吾將卜築來居此 置身常在冰壺裏 卧石穿雪不計年 浩歌去訪巢居子

削壁疑無路 捫蘿入化城 長河奔岸曲 孤嶼隔沙明 地僻階成 薛僧臞骨更清 竹枝閒自捉 媿媿說無生

之水庵

張一甲字退叔 號萊君 石屏人 崇禎庚辰進士 官禮部郎中 出為教馬 瀘兵備 道通志稱其臨發疏陳 傾名

演詩拾遺

卷六

周澤溥

詩

人上六

器覃實愛存 大體戒浮言 五事既至 蜀時流寇肆虐 以計擒誅之 旋平江 妖賊甲申之變 募兵四千 勤王嗣以母喪歸 著有止園集 古柏齋文 草按萊君為月桂 曾祖嘗讀書赤瑞湖之古柏山 房月桂致仕後亦卜築於此 萊君集早佚 今於通志中搜得一首 昔賢遺翰希如鳳毛 是可貴也已

浮石舫

異龍雙島峙 井石障瀾東 一點青螺小 浮槎徑若通 結廬去人境 古木攢窵蓬 四圍千峰靄 萬頃遠帆風 貝闕蜃樓影 鮫人水國中 相忘天與海 白鷗閒似翁 凭闌方一眺 客至已驚鴻 燒葦煮細鱗 酒滴小槽紅 對牀風雨夜 清話悟真空 吹簫偶弄月 雅調雜商宮 羲皇北牕下 月高正朦朧 那知感靡騁 此地若為容 談劇謀吞海 詩狂欲駕虹 伊人秋苑在 挾山陬

採菊一在飛來後今昔將同

劉聯聲

號毅庵楚雄人永明王在滇開科中式舉人明亡隱居不仕著有脈望齋詩草

神石

疑是擎天柱未磨岸然孤立碧山阿頻搖風雨堅心在飽歷
炎涼俠骨多南嶽不同封漢詔邊城空自薦雲和巨靈若展
分山臂移向中流砥逝波

西山紗帽石

砥柱江流願未酬飛來天半傲林邱逃名已作西山客為甚
朝冠尚著頭

耿希哲

晉齊人諸生流寓晉寧希哲與殷伯美余繼善助知州冷陽春城守及附同殉難

滇詩拾遺

卷六 耿希哲

雲

盤龍寺懷宋肖武

山寺門開落葉深平湖杉動秋陰危樓翠鎖雲嵐氣郡閣
高連霧雨岑白水橫隙空際色寒颯迴薄夜來心芙蓉泛泛
棲靈鳥情爾難通珉瑁簪

傅宗龍

字元憲號括若昆明人事見明史列傳滇南詩略僅載三首皆軍營中作茲於重修寶珠山能仁寺

記中補得二首
珉瑁簪

出都門作

長安城裏望時亦見西山未似當歸路為能開笑顏吾家近
巖壑晚歲喜躋攀若作山中夢滇雲咫尺間

游寶珠山飲瀑布前雨中即席作

為傍招提覓素秋又將幽夢枕清流雨絲忽共飛泉落雲蓋

平臨遠岫浮黃葉蒲葦共作字青林呼鳥代傳籌良朋此日

航佳勝不惜空山薄暮留天色已暝雨不少休去寺既遙短

勿亂舉此但聞風聲雨聲泉聲蛙聲一井騰沸而已夜半雨

止始得大踏泥下履投寺如歸痛飲就睡平生游覽之興未

有若此行之豪者蓋山靈有意相諷助吾輩之狂耳

孫桐字我僕自號碧孫山人鶴慶人有說石山房集碧

葉舉子業結茅雞足及稱爲明季諸生入國朝隱居

詩略亦編入國朝均覺未合今以之殿明詩碧孫有靈應亦許可

說石臺并序

桐山房門橫數尺潭潭心有奇石儼若人立因築臺

於當戶時坐而語焉

傅括蒼

雲

偶上說石臺儼然賓主迭未獲南宮拜卻來生公說雲根淚

不穩龍鬣怒欲穢疑是補天工墮空留一層君眼爲誰青獨

立門前雪

飛白听并序

山房北有螺髻峰孤處梵宿青長羣山學人雪屑雪

漫望而嘉曰既爲濟感友當獲絕奇山爰爲闢虛隱

築短牆梅屋北向獨對一峰余往視成適春雪初晴

夕陽半照虛空曳白飛來我所不禁心賞之謂二子

曰古人愛山必得其性情之近今知二子非泛愛者

爾

誰抹佛頂青螺髻高雲許風骨儼然立一介無取與穴總清
聽生聚石君堪語雪中一箇晴虛空懸玉杵殘照白俱飛倚
然來我所

月則軒并序

月以軒名軒得乎月也軒以月則名月師乎軒也寧
人雪經雪綻之始捕是軒也為闢圓門期與月相等
及軒成而月之來若適取以相為則凡風露之襲我
衣星河之燦於天皆為自此軒出焉

依巖鑿一門奇形若太極四面山氣清有時松雲黑明月望

滇詩拾遺卷六

卷六

山居

中來如同取一則披衣風露生欹枕星河即知子邈為期獨
揖混沌色

普荷見前

山居

避世不留影誅茅老一邱面紅慙入市心曠喜登樓漁艇晴
兼雨僧窓夏亦秋任教寒有信不到火鑪頭

楓林

丹楓明野色秋意滿山家半壁蒼雲合千林錦樹遮染成霜
後葉開作日南花似入天台路悠悠見晚霞

盤龍寺讀蓮峰祖師遺偈

盤龍老子骨已枯人云汝活胡為乎三界尙存何佛祖一言

難噴此門徒莫管爾時破不破直到於今無也無所以吐吞
未易測沈潭之下龍可呼

海門閣

西南日月載沈浮不放天邊水逆流今古徘徊濁酒乾坤
漂蕩有扁舟一朝海鶴背人去萬里波臣喚客遊襟帶誰非
彭蠡澤傷心却是洞庭秋

不謝梅海河下流絕壁深壑石梁跨之兩巖
激水潄珠宛如梅綻人呼為不謝梅

華春莫問路高低根蒂從來不染泥寄語浩然休浪踏盪舟

海門閣

滇詩拾遺卷六

卷六

山居

恰似西湖水渺茫中藏幾點是殘霜為就漁老孤山癖浮動
何須有暗香

古笑里居無考通志盤標列明僧目袁陶村有言僧本
無家在滇言滇可也因援斯義錄兩僧詩各一首

迦葉門

華首閉高接天此中之人千萬年此門一閉不復啟後之叩
者何茫然但見猿狖登降號空山我將彈指開元關復愁山
根裂地車翻蒼苔老樹萬古色門高有闕不可攀側身瞻仰
為長歎

如清

四桂

山從城外到城中樹杪分泉竹筍通一派南湖春夜雨曉來啼鳥惜殘紅

釋

禪字本無見明張氏子祝髮於通海秀山萬曆中繼

師乞大內藏經崇光宗賜紫衣並僧錄左善世之秩著

有老子元覽楞嚴懺法風響集禪林佛事並詩文偈頌

若千卷

絕壁千雲鳥道通下臨無地瞰滇中城頭萬竈高低霧湖面

千帆來往風漢相征蠻遺故壘梁王避暑有離宮天開形勝

侔華夏玉斧如何憚遠功

滇詩拾遺

卷六

孫魯編

完

川文

雲南叢書集部之八十五

滇詩拾遺補

共四卷

雲南圖書

館藏板

甲寅
三刊

滇詩拾遺補卷一

雲南叢書集部之八十五

昆明李坤厚安輯

妖巫歌

金陵初建滇南段寶遣其叔真自會川奉表歸款朝廷亦以書報之時有妖巫女歌云

莫道君為山海主山海笑諧諧園中花謝千萬朵別有明主來

永寧語

雲南永寧蠻塞矢不刺非於宣德四年糾合四川鹽井衛土官馬刺非殺永寧土知府各吉八合已命下

滇詩拾遺補卷一

撒襲職矢不刺非後殺之永寧人語云

土官數奇逢兩刺非

曲靖歌

成化中灌縣焦詔知曲靖府產瑞禾民歌曰

禾本二穗嘉穀滿田太守焦公仁德及天

楚雄歌

天啟中秀水朱大競知楚雄府政尚廉靜甫半載丁內艱髮不能治裝歸郡人歌曰

清貧太守一世難百鳥有鳳鳳有鸞

滇中詩

山巒不落葉地蠻湯自熱

蘭茂字廷秀號止庵別號和光道人嵩明州楊林人性聰穎過目不忘年十三通經史長益嗜學於濂洛關

之學淵源也賦性簡淡不樂仕進嘗顏其軒曰止庵園自號蘭亭心經濟正統間大司馬王驥征麓川吞其方

易通元記諸書行世與安寧張維維齊名一時學者宗之洪武三十年丁丑生成化十二年丙申卒年八十崇祀鄉賢祠

蘭

彼美葳蕤質先春吐穎長露滋時度潔風汎欲流光眾草馬能望無人亦自香空遺幽谷裏歎息為明王

竹

滇詩拾遺補卷一

每近幽人室暹同君子名堅剛鍾素節孤迥抱明心出白簷

簷谷分來淇澳林年年山谷下堂不改清陰

松

徂徠舊傳名樛枝點碧岑蒼蒼多節操飄颻有餘音自得雲山老何辭霜雪侵眾芳時可悅誰見歲寒心

紫菊

彭澤分佳種盈枝紫氣旋凝脂非本質清操喜林泉霜壓香逾爽霞侵葉倍妍儘堪娛冷眼偕隱結忘年

蕉

未展同詩卷開來比翠牋彩分窗上綠清助筆頭妍雨振三

秋響涼招六月眠雲苗虛體性果是出天然

桐

一葉藩封重三時鎖綠深席陰忘暑氣聽雨滴清音枝矯如
龍舞花森待鳳吟舉杯濃色浸香翠足開襟

紫木筆

昔日生江夢應疑卽此花掃雲輝畫錦拂漢灑春霞紫穎搖
丰韻青陽展麗華能教濡翰墨兔管未須誇

龍爪花

靈物曾遺爪秋來亦挺妍託根雖自地有勢欲騰天壯氣偏
宜雨潛神不在淵夜深含露見恍似抱珠眠

滇詩拾遺補卷一

楊林雜詩

崇山千百仞突兀聳晴雲日色曠曠曉嵐光紫翠分寸心猶
報國一飯敢忘君遙想龍鱗繞朝回景未曛

水外山如髻峩峩聳翠螺晴嵐宜晚照倒影入清波過客頻
回首漁翁或放歌不須歌沆漭爽氣近來多

奇石如蹲殿名邦故老傳綠肥春去日青潤雨來天鳥集巖
前樹人耕戶口田勸農曾過此幾度駐吟鞭

南山松百里歲歲足薪樵童稚勤樵採生涯自不憂歸來忘
早晏笑語雜歌謳賸得昇平樂山花插滿頭

四時行樂詞

春風淡蕩雨初晴水色山光照眼明向暖花添新氣象知時
鳥變舊音聲雅宜高閣憑欄賞莫厭輕車載酒行對景得歡
當作樂蘭亭千古但虛名

小簾嬌燕舞翩翩疏牖南風雨後天日色明橋鶯豔冶午陰
嘉樹結清圓畫長有客尋棋局水漲呼童理釣船消遣歲時
應不謬棟花香裏又鳴蟬

金粟花開桂子香碧梧聲滴雨生涼風前斷續蟬吟調雲裏
縱橫雁作行簾卷倚樓凝眺遠客來聯句引杯長百年清賞
渾能幾蕭鼓臨汾易夕陽

舞風紅葉下疏林雪意悠揚結盡陰春色照人梅爛熳秋聲
滇詩拾遺補卷一

滿院竹蕭森閒思潁水尊前令絕勝藍關馬上吟試待天花
醒醉眼溪山好處一登臨

賈維孝 字若曾號東畝楊林人嘉靖間州庠生性孝友隱
之嘗贈以詩云蘭叟和光臥白雲賈生東畝挹清芬何
人爲續嵇康傳題作楊林雨隱君與止庵並稱所以便
略者至也陳虛齋先生選滇詩拾遺錄十九首校滇詩
略爲多予又從嵩明州志得七首亟鈔之以補二書之
云缺

秋林二首爲周用驛賦

開窗閒遠眺清興逐心生海碧白鷗淨山青紅葉明晚春雲
確急夜釣月船輕地僻稀人問無勞變姓名

雪中過檀木箒

一點塵難著千山雪未消窮途心獨苦沽酒路偏遙白擁林
間屋寒迷竹外橋剡溪清景在詩興若爲招

題花二尹竹亭唐

愛著荷衣懶作官茅亭左右盡琅玕驚雷地聳蒼龍角過雨
林翻彩鳳翰已見霜中標節操何須日逐報平安閒階鷺見
茶煙裏應念樵青翠袖寒

山居

雪案半窗經史石田幾畝桑麻借問隱居何處前村杏橋人
家

春日彈琴作

漢詩拾遺補卷一

五

遲遲暉暉照著昔壇前昨夜綺桃開一簾琴韻微風起疑是
羣仙跨鶴來

長夏即事

清簟疏簾晝正長枝頭梅子盡生香楸枰纔聽棋聲歇一枕
羲皇夢未央

高曉見梅憶升庵先生

重上高曉紫翠臺臺西猶見老梅開可憐疏影橫斜月安得
先生一再來

張海字克寬寧州人宣德間選貢任揚州府推官有異政
適福州沙賊鄧茂七作亂攻陷八閩僅延平未下海兼
程而進激颺將士諒平之後置土木之變海諫于謙曰

中國之財有限敵人之欲無窮何若迎立鄭王以圖後
舉于是同于謙入奏孫太后幸詔迎立鄭王監國論功
放貴州按察使後英廟復辟副使李淑義御史楊貢先
與海不合奏海與于謙謀不軌英宗怒下獄二載不自
其責楊氏赴京擊登聞鼓聲冤值石亨曹祥敗始得昭
雪其罪下詔復官卒後入貴州名宦祠臨安鄉賢祠著
撫闕草

西沙環翠

孤城西壁擁層巒繞閣芙蓉秀可餐翠挹煙光春作雨清分
爽氣曉生寒繪圖有客惟摩詰高卧何人是謝安挂笏鉤簾
看不盡酒腸又覺許多寬

九日感懷

屈指俄驚九日來重關寂寞掩蒼苔青蠅點壁壘辭誇白鳥
漢詩拾遺補卷一

六

投羅亦可哀紅葉已從霜後落黃花又向雨中開樊籠不省
何時脫淚灑西風日幾回

縹緲居幽半載餘不知天意果何如候門有子頻供飯伏闕
勞人遠上書非罪不堪悲蓋以佳辰空自負茱萸胸中怨氣
知多少夜逐龍光上斗墟

蕭蕭囹圄困英雄咫尺衙門路不通刁斗有聲淒夜雨音書
無計託秋鴻霜華點鬢頭將白淚血成斑粒欲紅安得于公
來獻獄平反早得見蒼穹

秋夜感懷

紅葉黃花滿夕陽西風吹雁不成行愁城迴隔家千里好景

難酬酒一觴滯獄今朝添旅恨覆盆何日有容光傲裘不足偏生冷猶帶人間六月霜

張西銘 字希載海之子穎異博學登成化乙未進士任金

於是人皆感化會撫州饒諸屬競相劫奪獨金谿民相戒勿為盜縣有虎及蝗為文禱之患遂息以治行權監察御史按遼東修浚城壘疎濶行伍賞罰嚴明時虜寇頻仍兵將驕橫銘按律懲之不少貨假遼海從此肅清再按蘇松發粟賑荒冤詎代辦全活甚眾後督學北直士壽公明入北直名宦臨安鄉賢著有夢鶴軒集

題節孝婦李氏

日暮依修竹冰霜節不更欲同金石烈肯負歲寒盟白壁聲名重黃泉性命輕誰知幽潤裏蘭有暗香生

藥珠巖瀑布

滇詩拾遺補卷一

七

滄溟雙紫虬出海戰於野盤旋明珠爭錯落飛泉瀉聲雄鷲

野鶴勢急奔駿馬壽春縱奇觀陶然進杯尊

王紹宗 成化二十二年丙午舉人任宜賓縣知縣

甯壽山遠眺

為欠名山未了緣東風相引到層巖物情偏與詩情合人意

還同春意妍幾簇野花開錦繡一聲啼鳥弄絲絃斯文雅會

忘滇楚痛辭歸時月鏡懸

靈寶山秋夜

古寺秋風樹欲黃木樨開盡未聞香老猿叫破空山月照滿

通湖蘆荻霜

張鳳紳 字文彩西銘子登正德辛巳進士曆任金德丹陽

揚有佔種盜賣投獄者悉依法究治仍親行履勘其說會丁艱歸遂屢詔不起年七十有三卒祀鄉賢著有岐山遺稿

雙鬢垂雲授一經鯉庭心學講偏真開太極丸中味點出

梅花枝上春動止幾回微逝水精神何處逐流雲好風新月

重門靜惟有羊雲最慘神

和余草池兵憲春興

解組歸來自買山蘭畦茶竈共閒閒蝶花蹴粉隨香落窗草

抽春繡地斑詩入細吟添逸興酒排孤悶撥衰顏窮鄉親友

滇詩拾遺補卷一

八

零星久惟有松雲可共攀

花港春深泛小槎汀蘭岸芷燦雲霞蒼山白石新遊好青瑣

朱扉舊夢遺骸子且巡鄉社酒詞頭會論紫宸麻年來厭問

人間事靜坐松根數落花

移居

新構樓臺臺晚霞太微星吏又移家香藏蠹簡書千卷雲露

蛾眉月一牙滿屋兒孫樹竹葉倚欄子婦綉桃花開疑醉眼

無他望只願絲絲看瓠瓜

病起

斜日城頭畫角哀薰風病起一登臺暮江幾處雲如黛細雨

千山草似苦火樹明時慵舉目薇花開處又停杯年來百念
都灰盡惟有詩情遺不開

黃鶴樓和西崖詠

黃鶴樓前舟暫泊只見高樓不見鶴仙蹤杳祕古難尋留得
簾櫳壯城郭仙階齒齒雲根盤高梁寂寂蛛絲絡夜深星斗
護闌干日曉江嵐浮殿間戈戟卓樓前峯湖濤波隱仙之
宮洞庭高視數帆小吳越長江一綫通我來坐嘯生長風世
間那有虬髯翁登樓引想前朝彥南巡猶記江山半補天爭
羨復神州畫地借江爲屏翰櫟樟木柝蔽江表樓閣兵戈幾
回見樓高兵散成今古興廢浮謳空水面前歌深感後遊心

滇詩拾遺補

卷一

九

長歌故遺詞人練歌成天地寂無言海月扶雲昇遠漢

北山歌爲同年傅民望尊甫作

北山先生北山裏竹屋柴門掩流水長松倚舍戰雲雷短筍
生籬奉甘旨巖嵐送雨落簷花石鏤翻蠅煎新茶茗封行徑
俗塵絕琴引人來仙子家山前石鼎雲根鑿曾有仙人煉靈
藥藥成仙去歲華深猶有荒祠照林壑幾回攜友尋雲霞松
前坐石談黃芽熊經龜息訣自祕入甲空說金甲車一朝神
媪帶弓箠金鴨飛煙對山祝銀釭花落奇夢生雷雨分明來
繞腹自從夢後產靈雛精神爽健如冰壺五經百代吞入腹
裊然金榜題皇都靈椿正茂天風侮孝子忠臣淚如雨淚收

哽咽對我言願索新詞編四羽雲川西地原屑齒久向高山
生仰止青雲接翅年誼深衷揚潛德任當已但恨才如僧髮
長先生種德難掄揚短篇新就墨花溼泰山滄海難爲量

至馬鞍山思堂兄儀文

石田茅屋舊風煙野水寒沙各渺然最恨山中前度月夜深

猶照小窗前

張鳳翔

寧州人
布衣

簪亭八詠 錄一

亭上風光好高簷日氣虛晨鴉千點墨秋雁一行書鳩乳春

深後鶯啼客夢餘閒中無一事蒲寫自安舒

滇詩拾遺補

卷一

十

春遊寧壽寺

爲尋桃李出因過竺仙家風轉青松直雲開白日斜煙花春
世界詩酒老生涯袖有如椽筆留題付碧紗

對月有懷

秋山擎好月疏柳漾高風風月美如此可人何不同裁詩于

里外顧影一庭中莫怪鄰家笛聲聲怨斷鴻

楊九思

鄧州人
永樂
癸卯舉人

北村梅花

參差茅屋繞橫陂處處孤芳伴竹籬香暗齊飛和靖鶴枝高
猶識子山詩羅浮夢斷冰姿冷羌笛聲迴玉照遲寄語高吟

驢背客逢春相賞莫相疑

楊靖 安寧人永樂辛卯舉人官主事祀鄉賢

溫泉

石中流出暖源向火中尋萬古溫泉水清光共此心

施均裕

安寧人永樂間以貢入成均聰穎絕人過目成誦文皇面試奇之從大理評事改交趾道御史按部十七府五州在在懷畏一時吏治振肅論刻立石縣尹王國連不少假借贖化廣成升華諸郡開墾民田數萬畝報命入對款款中交趾機宜上嘉之交民相與建廟塑像祀之後改按南直復按交趾時益凜不可犯沐擊不逾焉

溫泉

遙望溫溪起碧霞原來石鼎煮瓊花若非神女嘘陽火誰識

滇詩拾遺補 卷一

源頭存主家

夏尙忠 石屏人天順壬午舉人官江西都昌縣知縣

龍馬古跡

力戰爭勞汗血驅山中風雨老藤蕪巉巖此日留仙跡奇骨當年待價沽雲路不辭千里迢霜蹄肯受一鞭驅房星落地無今古疑是周王八駿圖

楊洪 安寧人天順己卯科解元

遊溫泉

石竇玲瓏透玄脈乾坤造化於斯洩祝融驅使煮山根燒得靈泉煙氣結龍涎吐出沸波香丹窟漫來珠泡熱澄清一派

似青天縹緲光明同碧月彷彿玻璃漾水晶宛若珠璣感琥珀玉眞若遇此溫泉更有柔和照顏色予今遊此勝逍遙何須湯沐瓊瑤闕

李霖 浪穹人成化戊子舉人

護名寺鐘樓

梵刹經年久嵯峨殿宇高雞鳴天欲曙萬井聽蒲牢

蒲陀崆

萬壑裂雲根洪流渡海門龍歸巖穴暝獨有暮煙橫

池上

芳塘一鑑寬雲欽菱荷寒夜半秋天月清光照碧潭

滇詩拾遺補 卷一

濮宗達 字兼善建水人成化戊子舉人志高尚不求官達杜門卻掃不輕與人交著述甚富

景賢祠和張思紹釋大令原韵

久懷經濟在蒼生直道翻成戍遠行 祠祀王景常韓宜可皆明初言事蕭臨安者
韓愈潮陽遺諫草東坡南海擅詩名人貧賸有經書富道重能將利祿輕獨瀉椒漿祠下拜黃鸝碧草不勝情

徐瀚 阿迷人成化丁酉舉人

景賢祠和張思紹釋大令韵

底事青蠅玉上生二公眞不媿南行山川有幸經題品志義難通不著名去國可能忘寢食趨朝原不戀肥輕新祠更勒名公記喚起衣冠萬古情

馬文榮 通海人成化己酉解元家貧就

西山

西山向我屋我向西山熱到戶山透迤迤堂止暗峯盡登樓雲
在山雲去山欲伏泮池雙塔陰春雨一溪穆蹲豹白崩崖團
煙青埽竹紫葳時常生靈芝定可卜况浸玉湖濱遠開杏花
麓澗射朝暎歌下歸牧人知南山秀那知秀不獨龐公
隱鹿門寒舍遙相逐

趙子禧 字慶夫鶴慶人成化丁酉舉人自臨安訓導

龍華泉聲

卓錫何年迸裂泉竹林深處響涓涓玉盤珠落初霜夜華屋

滇詩拾遺補 卷一

三

絃鳴欲曙天浙瀝半如秋雨滴抑揚多逐晚風傳幾回清夢
因渠破錯迓乘槎近斗邊

羅鏞 字孟宜建水人治尙書嘗從王景常韓五雲遊能詩

軒集後

危峯夜月

孤峯峭拔尖卓筆岩巖直上三千尺嫦娥飛從海上來寶鏡

團團掛尺壁滿城一色清光生長空仰視玻璃青千門砧杵

斷復續山風吹老秋冥冥

張志清 字進之金齒司人成化甲辰進士宏治間任吏部

台黃元昭 齊名正德初擢太常寺少卿提督四譯館慈
入館子弟空名之弊一變舊習時給多之晉南戶部右

侍郎尋致仕晚年以圖書自娛所著有南園集西

銘通南園漫錄永昌二考記諸書年八十一卒

宗伯喬公字寄子一絕云六詔山川萬里餘三年蹤跡

之五首

歎離居題詩爲問南園叟應了人間未著書次韵荅

竹帛分排萬卷餘便堪瀟灑送諸居追遷迹柳能無意只恐

人疑是謗書

老來無復計三餘日日昏昏兀兀居天下已多投閣謂子雲

何羨太玄書

身名瓦裂更無餘獨有青山是舊居除卻南華經一卷案頭

拋盡向來書

十四

滇詩拾遺補 卷一
灌園心事外無餘寂寞柴門傍水居卻有誇張杜陵處手持
厚祿故人書

江右衣冠望久餘巖瞻旦夕待君居定知還有山翁信莫怪

渾無宰相書

馬玉 通海人弘治乙酉舉人任國子監助教尋擢御史言

行遂以忠

重陽飲秀山

碧海青山共白頭黃花綠酒對清秋詩來信口聊酬節老去

多情更上樓可惜塵襟忙裏過須知歲月靜中求乾坤此景

千年在細把茱萸帶露收

繆白字元素呈貢人去治乙卯舉人由曹襄縣教諭擢任

成楊府通判從征番寇嚴戒妄殺擢推官獄多冤
冤抑時有未姓者豪俠不法白廉得之欲正其罪直指
不可遂從後不樂仕進升麻哈州知州即請歸事母曲
盡忠養林卧四十餘年以
盛德稱及卒貧不能斂
泮池上作

半壁池塘抱學開芹香陣陣繞宮槐雨餘秀發添新綠風定

波澄絕點埃雲影收歸天外去月光引入鏡中來莫言變化

鯤鵬少試待春聽奮地雷

喬瑛字用修通海人弘治己未進士曆
南京戶部郎中遷湖廣衡州知府

和繆碌礪方伯促鳳亭秀山約

佳宴相期梵宇開高吟擬和婉非才倒衣便欲登山去取醉

真詩拾遺補

卷一

十五

何妨帶月回海浪雲翻龍正起簫聲天遠鳳還來良宵况是

中秋近爲愛清虛不下臺

五月登秀山

丹梯翠巘碧霄頭臺殿風生欲借秋對客圍碁臨北海呼兒

把酒上西樓雲開萬嶺供奇賞景會諸天試靜求清晝無端

清興發上乘禪話易淹留

繆暉字文顯通海人去治乙卯舉人爲清平縣知縣遷湖
北武昌通判有惠政其子宗周以言事忤執政謫鬱
林瞻遺書易之曰大丈夫
事業當如此其抱負可知

重陽飲秀山

攜朋九日試登臺萬里秋光一色開風急天邊鴻叫去雲穿

江上鶴飛來清空碧海茫茫接落木晴峰歷歷回縱飲未辜
佳節興黃花明月付深杯

楊南金字本重鄧川人弘治己未進士知泰和縣民有三
不動之謠以刁詐誇不勤財利惑不勤樵家不
動擢御史值通瑾之黨劉宇任都憲欲錮言官口公疏
論之且入堂抗直不加字欲縛之遠解冠服曰不傲此
官便了豈可屈於權奸乎遂指吐而出即日出都門行
二百里墜道人追之不及除其籍嘉靖初詔起者授
湖廣僉事晉江西參議尋乞歸卜築三宜亭於大市坪
玉泉巖下居之左鑄灌纓石鏡攻玉故又號兩依先生
年八十卒入
祀鄉賢祠

土著變

溪田三五雙祖父遺孫子笠簔事耕牧衣食甘粗鄙婚姻從

卜占疾病昏禱鬼祀先二石瓶肉稱三年不殷勤辦門戶禦

漢詩拾遺補

卷一

十六

寇力相倚老輩知佛書一生恥華美墮宅經數世等閒不更

徙年來混軍商逐末遠未却雖有讀書人未諳聖賢理狡僞

善刀筆大壞昔仁里用度無搏節衣食尙珍綺恆產刻沃雪

饑寒四顧起坐令擾攘與奮憐例目視焉得漢循良相與拊

循此

玉泉

昨夜山靈靈山足涓涓石竅激寒玉殷勤吹火燒竹枝一脈

須臾温可掬白苧裁衣美少年憑誰作伴到江曲飄然兩腋

清風生披襟閒坐芳草綠却怪世人尋不來滿身垢穢互塵

俗我將遍尋同志人何必童冠定五六

登德源城

梯山徐步上孤城極目憑高感慨生
鐵劍不隨松火化冰心
自矢柏舟貞并痕隱隱迷荒草
山勢依依拱舊營蒙詔友飛
千載後汗青猶記德源名

遊鶴林寺

西隔蒼山第一重叢林突兀入層空
峰頭雲鎖梵王閣洞口
路迷神女宮碧眼豈知非傲吏
赤松誰信是仙翁扶筇絕頂
歸來晚光照前溪月正中

收春臺

春意滿腔本故無眼前春色又平鋪
收春臺上閒來往收得

滇詩拾遺補

卷一

七

春回入酒觴

張雲鵬大理人弘治壬戌進士官僉事

煙渚漁歌

湖上漁人掉小舟興來鼓柁發清謳
數聲款乃衝煙出一曲
悠然遶水流日晚自爲風月伴
晝閒常共鷺鷗遊濁清醒醉
何曾管了却靈均澤畔愁

周機鄧川人正德庚子舉人官知縣

梅花村

路入前村一徑斜村人繞屋種梅花
歲寒百卉彫零後風送清香到幾家

朱尹字開亭安寧人正德庚午舉人初任崑山教諭升國子監助教聲傾六館守巴州多善政歸里澹然寡營

崇祀

鳳城春色

山留彩鳳三峰峙煙火雲連一萬家
極目江泉環錦軸半空樓閣倚晴霞
長橋翠拂風前柳小市紅酣雨後花
何處尋芳歸去客滿城明月弄琵琶

張含

字愈光一字禺山金齒衛人志清子正德丁卯舉人
不仕進遊梁宋間爲李夢陽所知深加稱賞及歸
與林慎友善學者稱禺山先生著有禺山集行世

玉山海棠五十尺樹不貼梗藥垂絲正月二月花盈枝倒照

玉山朱離離湖上風來花自醉那能更向面花吹曉妝帶露

滇詩拾遺補

卷一

六

勻蜜粉斜陽送暖著臙脂漫捲疏簾歸紫燕且隔深柳弄黃
鷗春光百里都收盡桃李爛熳空相知看花羅酒日千人誰
解長歌有所思香亭傾國成黃土憐爾託根得其宜

繆宗周

字疎溪通海人正德辛巳進士任戶部主事以議
變又爭留大臣某忤執政意謫判鬱林州尋令江西太
和甫任八月政聲赫異備兵松潘蕩平番寇屢官四川
右布政整剔中外風紀肅然尋遷浙江左布政告明農
不赴萬曆九年特賜存問曆官十四任致仕三十年杜
門願養壽八十五著太極衍義其
爲文章節概直與日月爭光可也

海門篇

長江雪消春水融萬里下聚滄溟東海門日高百怪息碧波
浩蕩連晴空排雲吸霧起倏忽潛鯉欲化爲飛龍鼉鼉無聲

慶母走馮夷不敢窺神宮張密樞頭笑李白騎鯨直與雲漢
通仙翁宜升豈人力方士未悟貪天功彼乘桴者失舟楫臨
川慨歎隨魚鴻世事浮沈付杯酒丹青妙契收良工金樽玉
燭引長夜來往須乘年歲豐登高扶杖看海日歡娛不患青
山中君不見西南逸老精神充卷舒宇宙追鴻濛門涵百川
浴龍子擬爲霖雨生殘癘笑取匡濟歸元忠

席上次王鳳亭約遊海金寺

病懷秋夕對君開歲晚欣逢作賦才絲蟻有情隨月泛黃花
不老向尊回欲浮瀛海移舟去爲約東山買屐來莫上新詩
招政府賓從日滿瀛金臺

滇詩拾遺補卷一

九

登秀山

銜杯坐對海霞紅海上晴峯望幾重極浦遠帆聞暮笛諸天
高寺喜晨鐘春花客路詩難盡夜月禪林酒不空東去匆匆
憐使節相邀偏喜與初濃

答喬海門山莊約

未緣節日供酬唱擬取今宵醉奕基西舍更聞花滿谷南山
時喜鳥鳴枝間歸萬事惟憑酒老去孤情欲借詩病後起憐
猶健在雅懷邀賞未應遲

西園和楊升庵韵二首 末首已刻滇詩略中

瑤湖北帶秀山西一徑煙蘿思欲迷爲愛將軍崇雅會叨隨

仙客賦幽棲綠倚竹裏憐題鳳紅槿花邊看鬪雞老共閒心
德野興何妨頻數事攀躋

西園會飲

名園曲檻枕山阿月色花陰滿翠蘿鹿過不知春草細鶴來
安坐白雲多閑尋野老便棋局會共高賢有嘯歌玉燭引絃
秋瑟倒相招不飲欲如何

題喬海門山莊四韻

屋藏萬卷環秋水門擁孤峯覆白雲夜靜月明空翠裏紫霄
何必遇元君

不負更長與燭明基聲歌思有餘清武藝日下休誇勝擬取

滇詩拾遺補卷一

十

漁樵側耳聽

晴湖浴日晚煙開四合青山送酒杯花徑更深漁笛遠月明
仍許故人來

園花野花相映紅晴日雨日波溶溶書齋兀坐休嫌淺醉看
南山落照中

滇詩拾遺補卷二

重南叢書集部之八十五

昆明李坤厚安輯

葉瑞字應期一字桐岡建水人正德辛巳進士官石門令

擢戶部主事與楊升庵王鏡庵交厚時以詩歌相酬

點左國文選尤精當謹嚴

登天馬山

玉筍高標千仞起峻嶒直向青天裏神工削出翠芙蓉羅列
千峯皆列嶺山林深密飛霞寒薜蘿牽往玉城端挾雨遙看
龍氣肅秋毫可數有鴻槃五雲高踞仙人掌飄飄欲作凌虛
想青蓮句詫雁峯奇少陵西嶽猶神往徙倚岡頭一振衣九
煙之外弄晴暉集許風高今已邈江湖廊廟思依依

滇詩拾遺補卷二

楊士雲

字從龍別字宏山太和人正德丁丑進士選庶常
改給事中以病辭歸環堵蕭然手不釋卷與昆弟
極友愛鄉里婚喪教以節儉一職於
禮著有皇極天文律呂詠史諸集

題樊沙坪園居

半點塵埃不受侵一川風月更多情新詩舊草三千首濁酒
清談數百觥雪裏梅花今夜夢沙邊鷗鳥昔年盟出門一笑
無人會萬頃滄浪自濯纓

楊九齡正德甲戌進士戶部觀政

梅花村

村裏居民十數家村邊多半種梅花香浮院落風吹動影到
門庭月半斜詞客每穿幽徑入野人遍築短牆遮憑誰更與

栽松竹太古渾忘老歲華

嚴表字邦正宜良人容之子其弟也正德癸酉舉人才
品卓犖初任四川黔江縣知縣再任陝西階州文縣

三任廣西德容縣知縣清操
卓著有趙清猷琴鶴遺風

湧泉寺

倚空一閣絕塵喧別是人寰小洞天鳥道縈紆蒼霏外龍湫

飛灑翠微邊源清任洗高僧鉢派遠還澆負郭田逸響時借

山磬發教人俗慮一時蠲

陳其力

字芸心通海人曾之子嘉靖己酉舉人官戶部司
務素負才名為忌者改官歸而培植風水建寺秀
山以詩歌娛志
著有芸心集

題寧海關夫子廟

滇詩拾遺補卷二

新祠結構臨湖口後漢孤忠儼若生山下怒濤欲捲石分明

長帶恨吳聲

錢若愚宜良人嘉靖乙酉
舉人官東鄉知縣

東山疊翠

雲山層疊大池東日照芙蓉金碧重九曲青螺盤翠巒千尋

絕頂秀孤松

沈霖宜良人嘉靖
壬午亞元

法明寺

半日偷閒叩法明滿庭松影鳥無聲山門鐘鼓自朝暮城市
煙霞任雨晴孤塔插天玄鶴近岑樓倚漢白雲橫我來為訪

蘭園侶丈室焚香百慮清

許鳳舉 字舜微宜良人嘉靖戊午年歲貢官程番州教授告歸惟以詩賦為樂年八十餘卒

野渡漁燈

暮夜江頭鑿子橫漁燈數點水邊明扁舟短棹歸何處只恐

龍龍夢裏驚

王璠 浪穹人嘉靖壬午舉人官四川江安縣知縣從祀江安名宦

歸田登華嚴庵

八稔為郎此拂衣秋風故里正鱸肥折腰往事歸萍梗載酒

問身入翠微王氏舊槐綠陰謝家芳樹靄庭暉腐儒自是

煙霞侶解得登危早息機

瀟詩拾遺補卷二

張素 字季安安寧人嘉靖癸未進士有異相額有肉如絳珠然歷官湖廣兵備道擢四川巡撫乞休歸里淡泊寡營家無儲蓄屢起用皆不就著有史鑑撮要碧泉詩集藏於家崇祀鄉賢

溫泉

香波煨玉暖如春欲載清歌為濯塵似比白雲鄉更好披風

弄月待遊人

俞汝欽 字蘇崖楚雄人嘉靖丙午舉人質性清粹超然塵外居家不營產業惟以讀書明道自任山居不履城市當事舉見言不及私惟直陳地方利弊莫修補志皆其手筆著有山齋集

交水酌二川兒室次日自馬龍東之

晤方一日少別忽十年餘再撥工生綽纜登戴子廬已憐隔

千里還魂滯雙魚藥榜名同列壁經疑共祛乏才徒險路薦

學薈幽居舊侶晨星擬高情濁酒如共鷺片時會獨訴半生

迂遠俗惟攜帙投峯只跨驢屨霜慙巖穴窮畫伴樵漁俯自

燒湯後遠觀混沌初子淵瓢可飲大舜草甘茹惹樹旋移石

疏泉便拽鋤每真歐老軸不羨石家儲頓置冠裳念渾忘

月徂調能拋寵辱絕勝耀門閭此意原非矯斯言固不虛二

朝願偶拂踰矜日難除重走天涯徭偏於世味疏人情非昔

者吾道合歸與不妨狼當道母驚鶴在與酒酒方舉世耿耿

豈惟余誰挽長河水歲疏大地滋積薪願上賈曲突更憂徐

使彼烽煙息咨吾嘯傲紆栽松環小院培竹影清渠倚檻調

新鷄供賜煮嫩蔬需時任僊仰養調待吹噓蘭室辭將罄

瀟詩拾遺補卷二

軒嘯可舒欲睽仍繼繼既別復躊躇尙想醅醪醉頻緘尺素

陳爵 字北湖通海人嘉靖乙酉舉人官知縣有賢聲性剛峻教子甚嚴子其力舉於宗官地官即爵嘗隱居玉山與縵宗周喬瑛唱和以樂天年

和喬海門明府韵

鷗館邀賓層翠微臺前空望白雲飛二毛種種花菱帽裏面

風醺酒溼衣袖叔元來頻愛我陶潛歸去已知非秋香明日

還堪賞肯尚清晏烈落暉

王鳳亭招遊秀山

學士筵開秀嶺頭與來借宿愛清秋風生花外初醒酒月上

松梢漸映樓萬事無能甘其苦百年過半復何求明朝佳客
仍如約醉卧青山任去留

喬棟 字海門通海人嘉靖辛卯舉人任灌縣知縣生平博雅能文致政歸與繆謙孫王鳳亭唱酬甚富士林稱焉

王鳳亭招登寶花臺陪縣學諸公

學士壺觴許我從神君風雅幸相容波平海上秋憐客鼓鬧
村中社慶農老去寧辭厄酒困興來不讓晚山濃鱸室更喜
雷楊在恍對衡藩萬仞峯

山莊同人暮飲

節會天中農事希小園邀客共彈棋輕語燕穿簾影細細

演詩拾遺補卷二

五

薰風弄竹枝香海墨高那計酒看山田蕩即裁詩故人相見

驚皆老良夜猶嫌秉燭遲

和陳北湖秋日小莊即事

疏籬晚菊透仙筵為愛風流過昔賢竹裏橫琴閒取適村中
打鼓慶豐年秋開湖壁雙眸遠地勝山園四面全佳釀醉來
清興發一麾筆陣掃軍千

九日同繆碌瑛方伯擬和杜工部

解組南還頻對酒懸車北望欲登臺浩歌得我連晨卧幽抱
逢君九日開風雨節中陰復霽雁鴻秋晚去應來看山不厭
杯樽列覽鏡那堪鬢髮催

陶廉 字介夫常益州人登嘉靖己丑進士居官九江知府有惠政卒於官

遊龍華寺

中天積翠俯崔嵬地壘龍山一脈來泉石有盟君是主乾坤
此地孰先開日影灑千叢錦雨過清磬驚雷明月酒樽
隨唱和地靈應喜入詩材

李元中 石屏人嘉靖年貢生官萬縣教諭

乘興探春塵外遊東風搖柳吐絲柔幾盤山路雲遮寺一帶
煙村冰映樓臺倚尋仙梅下著新詩遲我壁間留與來暫借
青筇竹直上雲岑看十洲

趙汝謙 字搗庵通海人年十六中嘉靖丁酉舉人官富順知縣清操不回治劇好大有風力被謫罷官父

詩拾遺補卷二

六

老持贈池道流沸一錢無所取真不愧琴鶴家風云

秀山白龍潭行

秀山多雲氣四時小陰晴山峽白龍潭晶瑩水一泓潭光似
可潑岸花漫不黑常浴金蝦蟇疏影澄曉色有時盪冥蒼六
月飛冰霜始知龍變化那可繫扶桑即看清和日城村報賽
出萬人沈豪牛春氣轉森深龍靈其水寧在深山如玉兮橫
素襟乘風鼓鬚周八極海內望爾為甘霖

曾倬 建水人嘉靖甲子舉人任瀘溪教諭升本縣令三任瀘溪有政教聲掛冠遊南海歸隱香林寺祝髮為僧名廣度蔡卓然子建玉皇閣開石屏壩湖洞建水月寺與侍御許鑄詩酒往來靜坐斗室有詩文集行世尤精

法書

遊九天觀

東君攜我九天來湖水連天一鑑開露滴曇花風入座煙消
百柏月沈杯寒梅噴玉香生閣嫩竹搖雲綠滿苔冷冷仙關
清人骨更於何處覓蓬萊

碧蓮臺

山靈與我久相期責我來遲竟咄辭撫掌吟風猿嘯嶺舉頭
玩月雀喧枝喜翻內典開新匣笑吸天漿煮玉芝一點塵埃
無著處雲封門外水流池

萊玉峯

往歲尋幽到曲阿青山一壁甚嵯峨入吟古洞敲清磬出望

真詩拾遺補卷二

七

蒼天浸碧波好弄漁舟翻白浪不愁危石掛煙蘿巖樓野寄

真吾事彈指輕輕百歲過

許子言

石屏人嘉靖庚子舉人
官江西袁州府同知

海潮寺

凌風鼓棹趁春遊直上蓬萊第一洲山色翠交湖外樹波光
涼浸日邊樓晨鐘雨過聲猶澗畫掠雲飛勢若浮登眺頓忘
歸思晚漁歌韻谷海天秋

九天觀

激灑浮光一鏡湖數聲漁笛傍蒲蘆扁舟一葉忘歸道夜半
秋深尚煮鱸

陳孟章 字靜齋安寧人嘉靖庚子舉人任戶部主事博洽
能文尤長於詩年老告歸怡情山水所著有靜齋
詩文集

曹溪夜月

林密山藏寺禪清月麗空天開銀色界水湧玉華宮鶴息松
梢影瀟瀟鳴樹杪風清光堪挹處幽興幾人同

吳懋 字德懋一字高河太和人嘉靖庚子舉
人官知州著有乘樓南霞等集今散失

石寶山

靈嶽何年擢音觀是此來錦匱天上鏡金相雪中臺靈寶參
差白蓮窈窕宛開手中青竹杖隨意挂莓苔

塗時相

字揆字石屏人嘉靖庚辰進士任南京戶部主事
有廉聲守大名多惠政置常平倉給耕牛種布所

真詩拾遺補卷二

八

轄十一郡任五年倉粟牛種計數十萬時朝議推天下
廉能第一神宗賜宴賜銀推北京光祿寺少卿遷南京
太僕寺少卿閣臣張位疏薦端方敏練宜備顧問告病
旋里雲南巡撫陳用省遠征順天鄉人士皆賀相獨以
書箴之又陳議增兵餉欲加畝稅相復改書力爭
乃已著有任學膚言養蒙圖說藏於家祀鄉賢
化龍橋

屏湖地潤水溶溶多少神龍化此中却訝導河成巨匯阿誰
鞭石駕長虹樓觀滄海穿波日戶納天涯縮地風題柱慚予
今漸老飛騰雷雨聽英雄

海潮寺

一鑑龍湖水接天芳洲誰氏結高禪樓臺地迴煙波潤鐘鼓
聲高日月懸碧落彩雲龍玉刹晴空白浪湧金仙早知淨土

遊塵境自願皈依禮梵筵

楊廷相 字台峯石屏人嘉靖甲辰進士仕至湖廣布政司右參議有政聲歸休三十年五福具備建閣修橋

焚券市義舉知飲大賓壽八十二乃終崇祀鄉賢

善覺寺

千年雄刹占名峯花草芳菲物色濃遊客有詩題古壁老僧

無事倚長筇黃鸝啼處金藏柳白鶴來時雪點松風景無邊

堪入畫夕陽一片數聲鐘

梁佐 太和人嘉靖丁未進士官參議

天生橋次韻

虹影層巒斷風聲絕澗來溜飛千磴雨湍響四時雷屨棟依

滇詩拾遺補卷二

九

山掛龍門鑿石開星河相對坐恍是泛槎回

王詢 浪穹人瑞之子嘉靖辛酉舉人

遊標楞寺

十月寒隈盡草萊淒風搖落此登臺山從西轉長虹立水向

東澄巨鑑開舊刹忘年存古柏空階蔽日長青苔野人無事

問扶杖喜見桑麻次第栽

楊燦 太和人嘉靖壬子舉人官四川榮經縣知縣擢大理寺評事

冒雨登天台庵

茫茫秋水浸芙蓉冒雨登山與亦濃南畝猶沈三尺浪中天

忽出幾層家速名自合隨飛鳥遁世誰能作卧龍賴有野人

遙送酒葛中日日拄高松

何思明 字志遠少孤貧力學有節操嘉靖癸卯舉於鄉為四川儀隴縣知縣升烏蒙府通判皆有政績解組

歸宦藁蕭條家徒壁立而自視怡然好學不倦正已接人鄉里式化會稱爲篤行君子云

壬戌秋與惺齋歸田泛寧湖

天上乘槎日扶搖上小舟水村煙尚暝山閣雨初收泛泛菰

蒲路搖搖自喚洲鷗眠驚棹起魚泳擁波流勝景當年別同

脆此日遊莫教辭劇飲便可發清謳往事柯中蟻餘生水上

漚青標傑趙抃浩首媿何休擬挂斜陽住還傾太白浮相期

同強飯長醉荻花秋

湖中閱勞

滇詩拾遺補卷二

十

茫茫一碧水雲天兩岸蒲秋不見田簫鼓邀遊閒笑飲有人

沈龜畫無煙

李昉 通石屏人字子微號仁居嘉靖壬子舉人授登封縣教諭擢石門縣知縣教養並著歸家以理學爲渙

士倡人比之張叔盛覽云歿祀鄉賢

乾陽山

拄杖隨雲步攤簑倚樹眠山靈應啟我洞闢本由天丹竈憑

誰煮歌樵有路還桃花開又謝點點落衣前

樊相 字汝弼鄧州人貢生任教諭博學能詩歸里而再結溪陽宏山楊雨依諸公相

倡和著有沙坪草堂集

秋夜陪楊升庵太史泛舟

溪寒油鯉肥湖霽筆菜香幽人發清興泛彼秋風航羣動俱
已息西月生微光輕颺拂扇白露沾衣裳蕭蕭響林簾唧
唧悲啼蟹棹歌雜簫鼓漁火點清湘層波激斷岸流螢度危
檣城高標聲急野濶山影長匏樽寄清興一詠遣一觴有客
抱奇才乃昔龍頭郎嗟與世相違埋藏天一方襟懷澈太虛
談笑動八荒扁舟學范蠡選穀同張良無客吹洞簫有琴伴
孤芳更夜一挑抹珍採宮與商初爲漁父辭再爲塞鴻章清
冷復淒切山高而水長感此三歎息碧天遙蒼茫

陪楊宏山楊琢菴秋日泛舟

偶隨杖履泛仙舟天醮湖光碧不流白酒須拚今日醉黃花

滇詩拾遺補卷二

十一

又是一年秋子瞻赤壁誰爲伴元禮龍門得與游擊楫浩歌

天地濶滿懷風月任夷猶

李元陽

字仁甫一字中溪太和人嘉靖丙戌進士選庶常
爲御史遇事敢言如止鞏奉天詔奸東朝等事一時推
重巡按閩中懲墨吏禮文學薦舉耆逸林富馬鳴衡等
居四十年精研理學著性圖說與羅念庵王龍溪等
相印可年九十無疾而終所著有
中溪漫稿墨雪臺詩等書行世

白雲寺

寺閣凭臨碧海頭邊城落木下長流五更鼓角停鐘梵萬點
漁燈起成樓老我尙能騎蹇馬野翁亦自狎沙鷗嘉魚穴在
迴瀾處煮酒何妨更泛舟

象鼻嶺

象鼻山頭下試風鶴林暹在翠雲東看花不覺行來遠回首
千山香露中

白王莊

鳥弔山前禾黍香路入云是白王莊量羊山斛今猶在剩有
西風積葉黃

過通湖

靡蕪行盡綠粼粼五嶽尋仙得盞簪
土壘花飛陌上春
明
清
似
在
野
陰
傳
郭
千
家
濶
山
色
寒
唯
四
面
嵐
休
向
萍
蹤
歎
飄
泊
殊
方
風
俗
等
閒
語

滇詩拾遺補卷二

十二

修彩雲橋

積雨村墟煙火銷馬前沙漲迴齊腰溝渠不治農人歎禾稼
常爲潦水漂鑿石苦闢鞭撻急募資愁殺路途遙瀉川無策
甘崖壑且向人間理斷橋

飛來寺

置酒平臨飛鳥上菩提樓閣枕松巒常年物色欺霞巖亭午
溪雲背日寒靈鷲峯天獻巧黑波千頃客憑闌青蓮邂逅
那能別落日高原伴馬看

安寧溫泉同升庵修撰

碧雞空翠滴堂川坐見湯池霏夕煙谷口招尋仙作伴自矜

同上元禮船谿迴谷轉瀆陰道霧散依違著花草奕奕紅亭
樊綠波遙遙金鋪依雲窩紅亭金鋪都相宜水閣雲屏原徹
麝地脈陰陽割天巧池心玉石攘人奇誰家羅衣著白苧繁
花點耀清江渚赤脚奴兒習游泳擊得銀瓶傍崖煮酒香花
氣薰遊人浩歌濯足春山春麗日温疑錦繡段香波氣鬱膏
蘭辛可憐巖窟淨如拭更向澄源理容色祇知毛髮鑿去來
詎意塵顏轉悽惻君不見驪岫氤氳水殿香太真浴罷宮雲
涼君王當日歌遊地決滌風沙西日黃

石寶中山寺

入境猶圖畫禪宮已劫灰馱經白馬去聽法紺蛙回石寶金

滇詩拾遺補卷二

十三

銀界花林錦繡堆登臨興未盡松壑暮濤哀

石寶道中

翠蓋蒼帷松路涼雜花千樹襲衣香踏平麗坂便乘駿憩息
芳叢快舉鷓鳴鳥嚶嚶聞白晝晴嵐裏裏屬青陽片雲莫是
催詩雨夕飯山家有裏糧

太元宮銘

鶴山四迴元氣結晞光洞開氛祲截太素神僧入共睨飛錫
一卓洪滔距至今后土留靈穴揭來遺甕頑愚媒膏薌弗修
祈饗絕雷靈歲有為民蠶誰其籲天聲哽咽周侯欲滴心頭
血構宮安聖天神列樓閣蒼然冠截真勝事難成勢中輟仁

哉都伯完其缺參贊江山賴賢哲兩侯相繼成峻烈靈祇至
鑒應無暫時有卿雲含藻椽氣候調和賜雨節疆場人民無
天折黍稷年年慷慨悅金堂玉室常芳潔

木公

字公恕軍人先本麥氏洪武中歸附賜姓世襲虎江
土知府有雪山始音萬松吟卷錢受之曰公恕嘗以
詩求正其愈光揚用修舍西陽水西諸土官靡不戶誦
國家聲教因說嘉萬之問西陽水西諸土官靡不戶誦
詩書人感德而公實為之前茅且以忠順自勵世廟
朝寵與有朝寧邊境之安可謂豪傑之士非漢代白
狼擊木之比朱竹垞靜志居詩話曰公恕韶年謫歸隱
於王山南亭曰翠雪塢曰丹霞堂曰一鏡種桃藝竹
環以引松又起迎仙之樓日以吟詠為事中年將兵却
敵功在邊陲承陵有律書之哀於時實竹二宋未之或
先張萬山稱其朗潤清越李中溪稱其得樂府音節揚
升庵許其體句俱新寫景入繪詠公之賞音若是

滇詩拾遺補卷二

十四

官家春會與民同土釀鴉竿節節通一匝虜聲吹未斷踴歌

起舞月明中

春遊卽事

綫絨緩拽紅羅膩吐撥頻嘶綠巷深踏柳穿花還未遍夕陽
又抹樹頭金

種柳

雙楊初種幾經春始見長條已拂塵萬里綠陰堪作幃一枝
不許贈行人

龍華園詠

松嶺真雲

摩頂松生樹夏雲長自陰山門無毒熱孤影傍雙林

池橋夜月

月來池有影風靜水無痕老衲坐橋上塵心洗活源

花塢流水

水迸麴塵喧花開蘆葑磨上方何處是先禮給孤園

經窗秀竹

翠雪當窗秀倚談久華文虛心對禪寂清影夢中分

俞維 嘉靖甲午舉人官知縣

回燈關

石磴迢迢過此關一重煙霧一重山昔年回燈人何在今口

漢詩拾遺補 卷一

十五

題詩人又還

繆守之 字貞庵通海人宗周之子隆慶庚午舉人官荊州都丞卓有治聲喜交知名士翰藻淋漓人推重之

九日秀山

人事天時不盡哀入門餘喘擬生回全無蝶夢真成幻更喜

年光去復來白髮未須愁作客青山重得賦登臺追隨且共

清秋夜潦倒休辭黃菊杯

蕭崇業 字允脩建水人隆慶辛未進士選庶常改兵科給事中曆戶工二垣先後封事數十上禁侈靡開瀾

河劫款弊共調驛傳疏中有云一命半通誰非王臣而

則持入難請自今定職名填實數勿使下掠美而上不

見德一特威是其言以為得大體奉使册封流球歸報

命升兵科都給事中曆官南京都察院右僉都御史以養母告歸尋卒賜祭葬

御金行

中山宴罷贈兼金遠人不諒四知心義利分明難可昧敢信
金多交始深金函開詔出殊方韓韓皇華眾所望薏苡還招
犀玉謗黃金媿入陸生裝帝子憐嬌貯金屋我易好懷賢書
讀書中道義原自貴孰識豪富悲金谷白晝攫金亦何迷金
兜絡馬遺傾覆燦爛金九韓媽修婦賢且解遺金辱君不見
燕王好客築金臺高土掉首去不回天生我才原有用散盡
千金還復來又不見鮑叔讓金交誼篤仲翁分金樂宗族不
疑償金同舍子幼安鋤金如草木祖榮一錢猶為多清獻琴
鶴良自足趙軌飲水范甌塵羊續懸魚苗留犢余誠不能比

漢詩拾遺補 卷一

十六

德於數子區區竊慕古人之芳躅

王來賢 字元德號用吾善書嘗徵為郡守章士元所識後登隆慶辛未進士授南京工部都水司主事以清

勤稱別惡藩臬官至陝西左布政使在任治績頗多而治河策為尤著

煥山

名山繚繞向城東秀色蒼蒼聳碧空霧暗碧紗籠翳翠月明

秋水漫芙蓉層崖有路何人到古樹無枝少鶴蹤鎮日相看

渾不厭丹青寫入畫圖中

香林寺

邸邊蕭寺晝常靜野外閒僧夢不驚林鳥和鳴如誦偈曇花
亂落似鋪英已將劫世溝中斷未了塵緣隴上耕守爾一能

知自足從來萬物有誰嬰

李居敬 浪穹人隆慶丁卯舉人官貴州思州知州

浪穹形勝

洱水西源第一流川名沃野稻先秋三春花塢近簫鼓七月星舳泛斗牛爲語遺封無舊俗熙朝文化已中州九關况復隄巡入多少亡羊不用收

杜克仁 浪穹人隆慶丁卯舉人官貴州思州知州

遊標榜寺

野寺何年辟草萊翠微孤吹此登臺湖間明月雙珠出雨後

青山萬井開景勝騷人留翰墨林深鳥迹映蒼苔老禪荷鋪

浪詩拾遺補卷二

十七

薛芝朮衲挂松梢謾謾裁

薛繼茂 字懋敬永昌衛人萬曆癸未進士授孝感知縣調長樂憂歸服闋補交安旋召爲湖廣監察御史奉命巡按貴州後削籍歿後

追錄忠直贈光祿少卿

巡按黔中歸省永昌宿大姚察院行署

木落霜清萬籟生無端離思苦相縈江山頓換思鄉目物候偏驚旅客情飛鳥天長依日沒寒蛩山靜聲秋明幾時不見家書到惆悵霞殘雁自橫

張宗載 字一寧鶴慶人萬曆癸未進士事母孝終身與昆民不擾土司楊應龍以兵萬人應調多虛額冒餼宗載俟其成列以實數詰之應龍驚服獨重賦沈沈寬一時

依爲父母後召入爲御史數上封事豪貴斂手萬曆間崇祀鄉賢

登石寶山次韵

奇覽何如石寶山我雖病足強躋攀千尋一徑斷不斷萬木四山圍又圍此是天上玉京闕誰將徒駐塵字間石波蹤跡由來古三島十洲當並數亂雲飛過山欲飛捫石未步寒生股

遊雞足山

投老浮名未息機難將杖履勝緇衣中天明月何時照出岫孤雲念與違空眼著詩高伯氏佛心說偈映東暉夜來楓樹鳴幽壑始覺從前事事非

但祺 字慎修一字雲岳建水人萬曆乙未進士由庶常曆江西道御史巡按直隸河南山東廣西祺幼時英偉

浪詩拾遺補卷二

十六

不羣年十三補弟子員讀書中祕嘗召對試以詩且命記賜忠節名臣額立忠肅公祠並館課若干卷出爲御史慷慨言天下事吏治民情罔不畢陳按南漕妖人趙古元倡亂淮徐劫阻漕艘祺治其首餘黨後爲良民祝曰但公又是一天顯宗嘉其績有雀鼠潛蹤豺狼屏跡之勅王事靡盬勞瘁以卒

遊雲龍山

靈麗橫地維巖巒鬱鬱佳景誰將兜率天超然置人境曠渺出層霄躋攀實幽靜上覆林木陰下俯水天影清響振涼颼餘霞帶清暝金碧樹杪懸鼓鐘聲炳炳雜以溪鳥喧但覺泉石冷疾雷破南山夕陽上高嶺幽壑斷復連羣峯散逾整白雲若流波明滅如龍騁自顧機事損况乃塵俗屏俯仰發長歎邀遊慚不猛

隕于宸蒙化人萬曆丁未進士官知縣

三台山

削壁臨江勢莫躋三台回眺斗星低宵征路問雲中狗露宿
魂驚天外雞推盤功施誇幻文章風力款依稀行行喜說
康莊近不復崎嶇蹶馬蹄

何惠石屏人萬曆癸酉舉人官湖廣長沙府通判陞廣東提舉

五塘春泛

春水炎蒸處遊人洗沐新總知能潔體未見洗心人

巖洞

萬壑逶迤天際來歸墟近在白雲隈波逼漲海時吹霧谷轉

演詩拾遺補卷一

九

盤渦畫起雷珠窟夜光搖砥柱石幢寒影護仙臺風湍咫尺
煙霞隔悵望碧桃花自開

秋夜宿樓上

寒巖高處宿深秋悵望遙空動客愁啼鳥接更山月缺殘鐘
映榻野螢流浮沈陸海雙蓬鬢咫尺銀河一釣舟便欲寒裳
謝朋輩似聞笙鶴白雲頭

孫思順

字克有號龍源石屏人萬曆乙卯舉人任吳縣教諭分校南關所拔多名士尋遷桃源令源當孔衝公條議法令不便者悉割去歲發力請發粟後轉威州地逼荒戎公思威撫臨邊境無擾值土番構訟公得其清番夷畏服會葬者入山得金慧公公不受即給其人時人謠曰玉山汶泉澄壘秀淑於公差比清馬生下子三薦賢書餘補學官弟子

水月寺

浩渺長湖水接天波涵皎月見嬋娟洗心頓覺諸緣盡坐照
應知萬象全兔魄送光來鉢上龍宮鼓浪到庵前寰中此境
難多得飲澤分輝不用錢

譚繼統字宗道建水人萬曆己卯舉人與包見捷友善共

李廷選為詩文信和任元氏教諭升國子監助教為祭酒

山某氏水西安氏院金刺平野寇阿包等以功聞會李

巖洞遊

丹崖插天路崱清溪穿地地脈深海山空處非人林小有
洞天晴日陰何年鬼斧剗雲根剗然一柱撐洞門白波春鎖

演詩拾遺補卷一

三

晶瑩翻青霞紫氣蟠氤氳美人邀我遊蓬瀛縹緲飛虹星漭
橫踏沙穿石青鞵輕玄洲象罔擊珠迎麟幢駕相續粉燭
龍石火爭燐燐三千色相銀界陳中天倒插玕琪珣真有十
二芙蓉城藥宮貝闕俱崢嶸蛟室屋樓疑削成踰獅踞象奔
龜鼈四時常滴簾雨新玉禾珠樹同杉杉奇姿怪態紛相親
不信別有天地春天花散亂如流星空中掣電轟雷霆排闥
虎豹驚而醒忽聞廣樂張洞庭灑然不覺塵心清泠泠兩袖
天風生狂來欲恣汗漫情乘槎竟欲窮瑤京道逢太乙遮我
云此中廣漠幾無垠玄之又玄那可聞一拳打破窟窟窟大
地山河皆幻形我聆此語常惺惺恍疑身世浮滄溟回首曠

雲新染巾玉芝瑤草寨且紉洞口緋桃私笑人臨流小坐鋪
雲齒細煮白石餐青精起向山頭騎鹿行憑巖試問山之靈
蒼顏皓首何年青此土惜在瀘江濱游戲罕逢仙與神夸娥
移置湖海壩武陵雁蕩何足論

孫光緒石屏人萬曆乙卯舉人官福建福州知州

水月寺

漫搖蘭漿問禪蹤精舍天開雲自封環抱寒潭開曉鏡浮空
峭壁起蒼龍漁歌初酒杯涵月僧聲翻經響問鐘禪室直從
塵外賞兼葭綠水映芙蓉

尹愉家自人萬曆乙酉舉人官湖南衡州府知府篤志沈吟學工於詞翰楚中名山大川多有題詠著有來紫堂

真詩拾遺補卷二

和李明府上元

天下車書喜大同千家火樹競春工行歌響徹青樓月遊騎
香飄紫陌風佳景偏令詩興壯良宵肯放酒杯空鳴琴堂上
情何暇萬里欣聞單父風

王慶龍石屏人字鳳池萬曆壬辰進士宰巴陵惠政有聲及入為侍御未盡建白列楚名宦崇祀鄉賢

九天觀草湖

岩巖三島萬山臨四面樓臺水勢侵苔徑竹交醒道眼空門
雲鎖定禪心九還丹熟金爐煖十丈蓮開玉井深弱水紅塵
飛不到惟餘爽氣透衣襟

朱化孚號岱庵安寧人萬曆壬辰進士初任行人主試黔而以虛名耗盡者悉驅除之出為湖北按察使刑法平慎予告歸里結詩社日與故人為文字飲繼奉旨講學

溫泉和韵
選勝寧辭攀陟勞一泓清占地分高蒸蒸日上擬蘭湯煖不數

咸池浴日濤

楊師程字道南安寧人萬曆戊戌進士知湘陰縣多善政課餘南遊條議十數上或報可或否三請終養未九而訃至號泣歸廬未幾卒師程慷慨有大志直節敢言一時重之所著道南疏草行世

真詩拾遺補卷二

同宋侍御遊法華寺
蘭若閒閒看夕曛芙蓉片竹青雲山迴龍馬蜂腰合水帶
堂琅燕尾分鳥迹千年神禹象鸞頭六字梵僧文登車乘興
來遊此勝賞還應屬使君

陳鑑

州遷廣西左江道副使有廉聲予告旋里見環屏多
賊土城非久遠之計捐金二千兩改築石城屏以彈丸
之地沙普龍賊三攻犯卒得生全公之力也公善詩
文精字學居鄉亦好施予及祀鄉賢

老君亭

穹窿仙子洞碑碣老君亭複道斜通極飛泉曲繞星微茫瞻
紫氣清淨想玄經擾擾睨塵世長湖一葉萍

滇詩拾遺補卷三

雲南叢書集部之八十五

昆明李坤厚安輯

何鳴鳳

字巢阿浪穹人思明之孫萬曆乙卯舉人崇禎間任四川郫縣知縣當者留獄後盡心安撫長興州教習修學宮表彰揚雄何武舊蹟升安縣六安州知州值流寇圍城鳴鳳親督率分隊堵禦日夜防守賊不能破民創生祠祀之歸置書萬卷以誘掖後進為己任著有半留亭稿嵩察集

泛寧湖步楊升庵先生韵

蘭橈去去直通幽水碧沙明翠欲浮魚鳥多情親舊侶煙波無地著新愁風來疏柳欲遙岸雨歇輕鷗浴淺洲隔浦歌聲頻斷續不知誰掉采菱舟

菱蒲刺水正移移雲水悠悠慶蓋簪細雨輕舟人向北殘荷

滇詩拾遺補卷三

一

斷葦雁橫南漁歌入浦浮清響煙閣含秋點翠嵐鷗鷺盟從今日訂風波世味已先請

一派漣漪漾碧流淡煙濃雨潤扁舟雲山倒映摩清景天水相和淨素秋把酒忽生吞海興尋源堪擬泛槎遊遂聲吹起江門月只恐潛蛟不耐愁

登標山一鑑亭

別構深藏香霽間石梁隱隱漬苔斑萬松團蔭疑無日一水遙光欲上山野性相關憐鹿卧塵襟盡洗伴僧閒尋幽暗度雲林外負簑微吟踏葉還

觀海珠

橫槎尋勝儼蓬壺肯使馮夷笑俗夫黑水澄源開朗鑑青山搖翠墮平湖舟楫浴鷺翎翻雪棹撥眠龍領抱珠雙社千年今再見一泓明媚擁河圖

何邦漸

字文槐一字北渠萬曆間選貢官無為州知州時千八百餘石由長江水行三百里解鳳陽既至餽車運二十里乃抵倉江風阻滯及虧耗需索甚為民害而鳳陽臨淮二縣故有漕米三千四百餘石彼民亦久苦北運邦漸請留三縣米充鳳陽倉而以本州之米併於黃龍河交兌將水脚銀代鳳陽買米三百石以抵鄂州未幾年告歸樂善好施信修學宮武廟邑舊無志邦漸采輯纂修凡征役水患重為民累者悉請於官而調平之至今士民敬考文獻獨推何氏云

登九氣臺真武閣

滇詩拾遺補卷三

二

平湖十里環煙翠何物中央騰九氣應知地底足陽和火龍噴出湯泉沸湯泉一碧如重清紛紛澡浴來遊人詠歌有時集童冠傍花隨柳娛芳春春花秋月間來往荒臺成市蓬櫳敞天然勝迹營繕疏遠觀幾度孤清賞臺中况復湧龜蛇蜿蜒突兀相周遮齊民亦識箇中景擬奉北帝成虛譁虛譁麗景遺蕭索無人點綴沂川樂地靈有分重花封仙令揮金架層閣嶙峋直上欲千霄四顧羣飛跨六橋罷源北泛滄浪艇蒲峽南轟濤瀕潮煙暮靄低欄樓秀麥嘉禾望中遍傳杯恍惚醉壺天吟嘯參差入雲漢宮墻從此樹文標儼映雲岡瑞色饒地圍景物增遊賞賦新豐酒價高我從作吏遊江

國岳陽記得先憂說投箸淚抱杞人思相望庚桑愧頭白登
臨此日共開顏向陽尚切同胞難願借神功起昏墊年年載
酒來遊觀

遊標榜寺

塵襟新洗釣魚磯偶得攜筇步翠微敲戶不驚僧睡穩掃階
猶溼客來稀波羅樹久參雲立無量花多繞殿飛十八隻田
能飯我好從蘭若伴緇衣

王元翰

字伯舉寧州人萬曆辛丑進士授庶常改工科給
報掛冠正陽門策蹇歸為王紹祿所誣土論冤之天啟
崇禎間兩次起用不就遊金陵卒著有諫草及凝翠詩

滇詩拾遺補

卷三

三

通海早發

策蹇衝寒曉色分路人先我更知勤盟鷗久共難為別候雁
新來懶逐羣湖氣直蒸山外雨溪流斜界嶺頭雲白憐傲骨
凌兢甚猶向風塵試運斤

趙日亨

字真所安寧人萬曆辛丑進士任太常博士選御
史福藩之國中使龐文騰田騷動連省亨抗疏詞
畫得允山東歲饑民亂亨奉命巡按疏請蠲免撫綏底
定時有監司恃婦翁為首轉行殊不法亨劾之并及首
輔由此外轉川南兵備道值奢酋叛募死士斬叛目黃
光輝率兵解省城圍晉秋賜金印雅皆有祠祀之會以
病請門人張星曰師動已勒眠暇撫在旦夕間何遽
言歸也亨曰年未中外任事率植黨營私大亂將作每
思匡救愧退跡力微忍逐流乎遂以
貴州左布政使致仕著有樂歌樓集

溫泉石洞

小徑兼奪虎豹蹲遊人展紹滿苦痕空垂紫蓋疑無路洞鎖
丹邱合有門醉石雲濤秋氣肅龍窩霧隱土簾昏疏鐘薄暮
催人去何日漁郎幾釣輪

趙以康

字宏宇涇州人萬曆甲戌進士官戶部主事典試
法選類以不登出為懷慶府知府視國如家視民如
子每警不振六年民堅碑建生祠視之升貴州按察司
副使請病歸內周親族外濟鄉閭五尺童子知愛慕焉
卒年五十三御史李東贊曰士以位顯位崇者驕功以
才德才捷者佻疾校公量雅著孤標完全名節今
古寥寥德人蕭玉輝映山松云啟元年題祀鄉賢
贈楊節婦 序生楊 卷三

滇詩拾遺補

卷三

四

廬丹陸青史看題節婦編

遊標榜寺

身挂青衫拂草萊不辭多病強登臺森森祇樹冲霄立隱隱
柴扉對竹開為覽題篇輝古剎儘教寄迹染新苔歸來笑指
青山裏白玉黃精日月栽

查偉

字警偉鶴慶人萬曆甲戌進士官戶部郎中出為
居鄉謙和
著有文集

西泉

一鑑連空白似銀羣山環抱競嶙峋淵魚適意堪論道野鳥
忘機自習人岸柳未彫經歲雪隴梅先放隔年春拂衣得遂

來棲息何必桃源去問津

遊龍華山

落木聲中石徑斜疏林缺處見僧家晴山入座來清氣夕照
浮空納曉霞雨雪未彫墜下竹霜天猶發澗中花銷閒更有
彌明偈小坐聯吟石鼎茶

孫德

字毅所鶴慶人萬曆甲戌進士為行人性骯髒與豪
隄以才望擢山東東萊兵備道鏡
瞻略善騎射倭人畏之不敢向萊

松逕

入寺青冥一徑懸側身鳥度欲捫煙幽泉落澗迷還出絕磴
穿松斷復連辰折苔根香屑碎筇支苔溜綠泥鮮振衣絕頂

西風肅咳唾

眞如落九天

五

許瑞麟石屏人子言子萬曆中
貢生官永明縣知縣

沸珠泉

屏陽風氣開洪武三百年來稱沃土科名人物埒中原遺俗
流風遵孔魯居然水聚與山環卓爾雲屯如鳳舞秀毓西來
地一區氣完噴出泉千乳浪傳玉豆水中生疑是明珠池內
煮石眼何曾一日乾浮漚萬點渾難數野鷗思浴鷺且飛鋪
鱗游泳吞復吐柳絮風狂滾不休荷盤滴露從何取時引遊
人玩賞頻炊金饌玉陳樽俎阮劉浮白酒情高陶謝臨流詩
思古狐疑偶語詫因緣主人底事學為圃菜畦竹徑遠塵囂

石橋花榭良工苦偷閒半日有餘歡尋前幸勿嗤鮑五

楊忠亮

字蓋卿一字元萬石屏人萬歷丁酉舉人官平武
縣知縣擢固原鎮同知嘗著籌邊裕餉招募屯田
戰守諸議俱通達治體鑿然可見諸
施行者又有素吟草山窗漫言等集

南樓遠眺

樓閣動薰風玲瓏開八面丹碧絢朝霞綺羅鋪芳甸芳甸朝
霞煥城隅滿目江山儼畫圖千年城郭君知否當代循良漢
有無我聞清虛屑瓊液此樓去天當咫尺四顧恍疑萬象低
海面平瞻一輪赤極外金波日夜浮海氣鬱葱結屨樓萬艇
駕風排怒浪三山砥柱時中流山西佳氣環相會層巒疊嶽
分呈瑞斜陽穿窗入晚晴疏雨過山迎新翠晚晴新翠淨無

滇詩拾遺補

卷三

六

煙南山斐塵勢奔前初擬赤虬趨北極猶如玉屏插南天南
天北極懸相向仙蹤何處頻盱望隱隱寶剎逼丹霄朝朝玉
帶橫青嶂山光水色兩爭奇正是風來月到時且聞靜夜發
天籟眼看金毛賈玉龜天畔銀河拖素練坐中罇疊挹華滋
披襟不淺庾公興愛月常裁謝朓詩詩成一嘯四天碧身在
雲霄因歎息濁金排玉自天開礙石崇壩藉誰闢遊人且莫
羨奇觀二十年來舊荆棘東聯海口北龍朋崔魏畫閣聳天
中推髻遠瞻皆昨舌買牛從此盡歸農屏陽已仗金湯固
不域重光大禹封文明新煥五雲起一日公門豔桃李星翰
形數嗣碧雞勳業直須高劍履台光時傍紫微明鳳詔銜從

陸裏城郭不朽政聲垂甘棠

包見境

字汝德建水人萬曆己丑進士選庶常為雋並董其昌所重改禮部尚書科給事中時遣中貴分出採

金桂嶺中官出擊力添章凡十餘上詞意激切上震怒請其出為江西北巡按宗以捷於典憲輒就諮詢多所匡正出為江西巡按宗以捷於典憲輒就諮詢愈著其能吏部左侍郎明年入京議喪之慶慶帝幸贈工部尚書賜祭葬

雙湖瀟瀟一川百里中有行舟日光湧起片帆欲青數峯遙倚匪沈匪浮忘乎春水

雙湖瀟瀟無風雨蛟龍之靈千秋或怒我壓驚波落彼飛

鷺渡既平矣適逢其素

漢詩拾遺補卷三

七

雙湖瀟瀟漁人何知竿不脫餌網則垂絲日涉風波誰了安

危雲英一片光景若茲

湖之夕矣月明於東城郭欲化煙樹半空欣然斗酒桃花暗

紅忘歸而思皇娥倚桐

陳銘

石屏人萬歷丙子舉人官陝西扶風縣知縣

南樓星運節

殘霞疏雨日將歇云是星迴南詔節簫笛牛羊時下來歸鳥

影從煙樹滅綺席新醅燭未光野燎村火爭先設三點五點

始熒熒萬紫千紅尋烈烈疑是騰霄上玉宸委地闔闔俯星

辰雄如周郎萬艘發江濱融如然燈千年佛通明綸如金谷

千花爛朗如丹砂不夜城對此酒酣恣大笑兒童更似元宵

鬧老我博懷達旦心使君應赴金蓮弱弄昇炎火在老農歲

歲南樓共登眺

吳堯稱

字宗聖鶴慶人萬曆丁丑進士選庶常吉士改兵部指其疵其舉人弼力與抗遂以他事中傷之廷議知堯

弼寬寔不著人誓不復反民類以安居官一載家無厚產蜀人請祀名宦祠

泛舟西潭

釣巖羈客自經秋彩鷁追陪亦勝遊海內論交失相馬天涯

共酌狎輕鷗波濤突兀山光動行漢參差樹影浮涼月娟娟

羣鷺寂不知身世在滄洲

漢詩拾遺補卷三

六

名見平臺賜銀幣酒饌紀恩

縹緲絲綸下五雲平臺瑞氣正氤氳龍顏快向彤庭觀天語

親從黼座聞內帑聯翩中使送雕盤磊落大官分繇來殊眷

知難際惟矢葵丹答聖君

遊龍首庵

松蓋儼孤亭前巖疊翠屏山僧說法處應有老龍聽

張讚

字定華通海人萬曆癸丑進士知杞縣行取禮部主事歷自貴州提學卒於官祀鄉賢

秋日讌集秀山

秀峰高閣倚城阿翠竹蒼松掛薜蘿春釀香浮黃菊細秋山

思入碧雲多詩成更對峰前月笛弄遙聞江上歌文武衣冠

今盛會高情休閒夜如何

和楊升庵太史賞山茶

才人常自愛名山况值庭花展盛顏張飲欲矜珠粉豔裁詩
每壓弱苔斑春風歲首先盈座紫氣東來正及關敢附素心
元亮信且憑沈酒賦情閒

金勒翩翩選勝來驚人特有謝公才花靈會解千秋盛詞賦
真看萬里回昭代英華傳海嶽野人名姓樂蒿萊此時傾蓋
情先結肯資流霞澆灑杯

艾自修字雪蒼萬歷庚子舉人由縣令擢湖南辰州牧所
至有惠政居期歸里廬墓六載手植松柏地溢甘
泉人名曰孝感應聘講學奉旨旌曰當代
名儒進四品大夫著有雪齋語錄行世

演詩拾遺補卷三

九

觀風閣

策馬尋幽佛地來登臨緩步踏蒼苔山巒古木連雲起花雜
清溪帶笑開座上跌跏空色相閣前蹊徑絕塵埃披襟共倚
闌干側滿院天風吹早梅

孔聘賢字涇陽通海人萬歷壬子舉人官戶部郎出視邊
諸會大疾念邊地不知醫乃著醫論揭之通衢每
升堂邊人皆投贖言其病狀隨方授之全活甚眾遷貴
州副憲升廣西參政歸以詩文自娛有金臺檜亭諸集
慈寧宮早朝

寶婺星光爛碧虛曉寒芝闕擬簪裾萬鴉聲逐鳴鞭動五鳳
香迎步輦徐碧水遙傳金母宴紅雲近仰玉皇居慈宮獻祝

天顏喜願賜仙桃慰倚闈

李問詩鶴慶人萬歷庚戌進士
官浙江温州府知府

遊垂珠洞

聯鑿入古洞回首翫清波樹豔承陰做潭深倒影多鸞魚浮
竹葉避雨就雲窩三日堪修禊追踪晉永和

飲龍華山

嗟峨殿閣倚雲開古樹蕭森映碧苔廿載依棲同豹隱芳辰
覽勝有鴻來蘭香酒氣頻相入梵語歌聲更幾回頓覺浮生
皆幻化何如此地馨新醅

泛舟西潭

春煙盡日泛溪頭興洽更思秉燭遊環岸柳桃堪共適中流

演詩拾遺補卷三

十

詩酒自相投波光蕩漾從前映霽色霏微向晚收未羨平原
歡十日何修得附此仙舟

艾廷獻字念泰通海人天啟辛酉舉人官池州江防同知
附之風致有政聲諸生時讀書甘貧有范文正斷齋書
品高介可謂不愧科名者年九十餘或抱膝山阿或長
肅湖筋不干世事有
司屢請鄉飲大賓

禪扉不閉朝猶臥金鑰遙聽夜未闌上界芝光搖佛座湖心
鏡影見漁船世情野馬憂何足吾道冥鴻樂在先今古閒忙

誰覺是山棲成癖自忘還

羅九有字雲石安寧人幼聰穎長於文詞屢舉不第應天
啟元年辛酉恩選入京授山海關別駕時以國事
捐餉忤撫軍改兩浙鹽運司判九有矢志不移後上疏
議羨金充餉再忤執政左遷蜀府審理遂歸里九有以

職羨金充餉再忤執政左遷蜀府審理遂歸里九有以

長才不遇見於詩歌著年九
多著作有鼻雷齋集行世
遊法華寺

露白風清景乍殊山多不復辨平蕪
豁迥疊嶂疑開合樹入
行人忽有無衡縱辟蘿引襟帶蒙茸
卉草藉跣踏憑高漫迥

邱林性直北天邊是帝都

楊應桂

字敬即號金粟子建水人工詩能文天啟辛酉舉
人官泌水知縣歸里閉門纂集著有書滌六卷文
變二卷大易點易集
玉壺研一卷俱行世

送友人結茹雲龍山

卜築龍山第一峯雙峯晝日情雲封初疑天竺三生石翻聽
華陽萬壑松千嶂煙霞浮紫翠半空鷗鷺下芙蓉幾回欲喚

漢詩拾遺補卷三

塵勞夢倚枕風來野寺鐘

姚載典字元升道海人天啟辛酉舉人官貴州知縣

題秀山湧金寺

蒼壁峰連錦樹潭每因煙雨憶江南欲知往代仁王剎來證
家山古石龕巖壑驚花禪自悅觸蠻羽騎夢仍愁虎溪歲月
人知少徙倚今朝過晚參

盡日看山不厭重非緣塵外有奇蹤曾聞梵典金鋪地况近
城闔玉作峰花擁石深滋薜荔雲移波粉繡芙蓉昆明鼗鼓
時時急肯任間情聽晚鐘

馬之騮

字存微建水人天啟丁卯舉人初任桐鄉縣知縣
旋棄官歸常以書自娛有小學註解行於浙

寄東林寺

久飲東林趣悠然寓此間心隨琴鶴遠身借水雲間混俗非
同俗遊山不礙山虛空形影寂無往自無還

朱竹

亦是渭川畝上枝卻緣殊色借胭脂清陰忽訝繁紅借勁節
難隨染絳移結實定為丹鳳食騰空堪作赤龍騎多因血淚

湘妃盡客賦梁園總未知

廖大亨

建水人天啟壬戌進士官都御史

冬仲十五夜泛舟泮池

靜池澄素練夜魄發寒光子月泉心動葭灰春意藏晚煙飛

漢詩拾遺補卷三

市細淡影墮山蒼印渚珠銜蚌 星屑吐 空中樓上下水

面樹低昂鸞駕比魚目等擲落雁行燈螢紅趁月觴鶴碧欺
霜香霧沾衣溼波星逐棹忙仙槎探宿海赤壁醉江黃抱兔
壺中轉騎鯨天上狂曲仍彈水調聲亦繞河梁欲訪支機石

來維青雀舫子飲乘夜興元禮竝仙航醉逐魚龍舞纜牽符
藻香宿飛鳥鳥鵲睡起錦鴛鴦閣擁青霞女屏倚粉面即天
山晴雪曉仙客羽衣涼灑金盤露崑崙白水漿劇談星欲

落刻燭夜偏長湫澹人如玉淋漓醉是鄉

王錫袞

字龍藻祿豐人天啟壬戌進士改庶吉士授檢討
歷侍講南國子司業論德庶于祭酒以吏部左侍
郎兼翰林學士丁母憂歸永明王立於肇慶拜禮部尚
書東閣大學士沙定洲之亂被劫欲假之以資號召本

從遂遇害事聞賜祭九
壇附太子少傅諡忠節
聖駕臨雍恭紀

乍挹方諸水來湘泮水片金樞澹華月玉露展蕭辰俎豆三
千士都俞十九人公庭看萬舞未許羽衣陳

樸學泉謨古昌言聖主聆硬黃纂斷碣淡墨捧名經曹子齊

欽洽真儒足典型自今隆祀典長昭簡編青
按朱錫鬯靜志
同年八月大學當釋奠思凌有詔再臨辟雍於是罷遣閣臣
及分獻官時龍虎山真人張應京遠在都疏請入監觀禮尙
書張公簡係王公咸持不可駁回十七日王公幸禮祭夕
月二鼓始詣園子監十八日卯初刻駕自長安左門出由
紫雲街至成賢街入廟門兩公尊帝升階坐御帳內官持金
幣金匱金鐘者六人天漸明行釋奠禮畢幸奠倫堂祭酒南
居仁講泉陶謙自天敘有典至敬致有土司業釋大任請易
成卦尋命賜茶文班自衍賢公及閣部共一十九人武庚三

演詩拾遺補卷三

十三

十八人分東西坐帝命禮臣將進士題名碑并石鼓悉摹拓
進呈又論閣臣周程張邵朱六子不當在先儒之列乃定議
改稱先賢云是舉也蔣公紀之
特詳今節錄以證王公之作

孫光祚字承之一字懷龍石屏人思順第十子年十九中

錯而道通鄧水道寇氣猖獗漢川無城人情驚畏公創
築石城會大饑設法救荒全活甚眾撫軍請命勤王委
公入衛閣臣以楚方多事推重公才疏請留任斬州知
州捍敵長江公固圍畫守清務更著勤勞居里素重鄉
評屢次蒙警賴公調劇屏保無虞州人至今稱之歿祀鄉賢

遊秀山

夜來靈雨沐煙鬟徙倚蘭宮望遠山入午一鳩鳴翠塢有時

雙鷺點銀灣江村樹鎖晴煙裏沙路人行畫畫間幾度攀蘿

遊不厭日斜倦鳥自飛還

周澤溥字自天號八百宜良人天資豪邁為文下筆立就
年二十六中崇禎丙子舉人性好吟詠作書以宋
人為法

遊巖泉寺

扶石上巖泉宜川青未了飛閣俯層雲危壁斷歸鳥亭樹偃

天關沼池開樹抄遠眺獨有吾千山低且小

西浦溫泉

野色迎春綠相携浴碧湍問源非禹穴借鑑識湯盤著體柔

何滑澄心潔不寒披襟延爽坐詩骨覺珊珊

重遊岩泉

樹密疑天小巖巖訝水奇松濤千壑湧雲影一潭移陰溢涼

演詩拾遺補卷三

十四

於骨詩清沁入脾重游仍肯酌坐久竟忘疲餘興更殘酌停
杯送夕曛鳥聲頻上下人影欲參差良會誠難續勝遊不可
期邀將山月吐相伴得歸遲

楊繩武字念爾一字翠屏彌勒人偉貌宏聲兼資文武登

隨池完通練歲設粥濟民全活甚眾妖賊以白蓮教
聚眾捕獲首惡其黨立解巡按河南土賊郭三海眾至
數萬率兵對平臺稱旨權僉都御史巡撫順天駐遵化
陳數事召對平臺稱旨權僉都御史巡撫順天駐遵化
時流寇猖獗宗以勦賊任之督兵部侍郎總督薊遼
軍務賜尚方劍總武治兵有法泚地無虞復命旋京會
松山告警廷推起援再令督師總武時病甚劇與疾
行至豐潤卒年四十七上聞震悼賜光祿大夫太子少
傅兵部尚書予祭葬廕一子世襲錦衣千戶

瀾聖

野雲全浮水穿林渡小橋煙花開伯雅苦石總離騷竹密圍

斜徑山回護衍皋草堂重問社借徑一逍遙漢詩略已刻此持小異

拖我山

奇勝冠圭竹西南第一山三乘隨月指入甸繞煙鬟佛國青

螺髻仙人碧玉關元雲封竇所半嶺可投間

甸溪煙雨

武陵何事苦迷津一再逢春只自春烏鵲枝頭千里雪鴈鵝

煙裏百年身濃雲正穩梁山夢過澗頻搖楚水神夙債日深

風景悵幾時卻肯倍還人

陳璽字泰錄號石寶安寧人幼穎異稱奇童十三補弟子員弱冠中崇禎庚午舉人辛未聯捷成進士始任維

演詩拾遺補卷三

揚教授調南太學博士南禮部主事轉北禮部主事山

僉辰元兵備時流寇對擄璽禽獲訊實覆璽沈之江湖

南稍靖丁艱回籍及明亡隱於邱壑短褐藤杖陶然自得

元詩集若干

古負山莊

門前數畝地卽斯是深山朝望雲飛出暮看禽飛還人煙叢

樹中雞鳴流水間金光耀斜日倒影明河灣磐石釣人坐柴

扉童子關悠然見野菊猶是凌霜顏禦冬何所事詩成旋復

何星文

浪粵人鳴鳳子崇禎間歲貢生撰有道德經讀飲

一爲之說又有何氏琴譜一

卷考訂音節悉據中州派

菖湖唱和

剩有湖山在何勞別治生功名今日幻家世不來清古硯猶

勤洗時文漸懶評焦桐存壘下爲我辨琴聲

宿松隱庵二首

筠作疏籬嶺作屏小窗透揖一峯青此時誰是西風主領取

秋光到竹亭

巢雲久擬向孤峯讓讓清堪洗客慵我夢不從人境寄半牀

空翠幾株松

張一甲字通叔一字茶君石屏人崇禎庚辰進士官禮部

郎中出爲敘馬滬兵備道通志稱其臨發疎陳慎

演詩拾遺補卷三

名器軍實愛存大體戒浮言杜異教五事既至蜀時流

庸肆虐以計擒株之旋平合江妖賊甲申之變捐俸募

兵四千勳壬丁內蒙歸者有止

君爲月榭會祖集早佚前僅於通志中得詩一首今復

於石屏州志

得詩五首

準提閣臨流懷舊

臨流遠瀟賞逝者如斯夫混混源泉窟勞勞車馬衡問誰結

社者上我嘗膏其每許清如水常求明得珠何如桑變海莫

識塵爲管田實轉眸事蝶翅新構區鴈流已歇賦佛在猶聊

跌白石留僧煮青門愁獨劬蒼茫雲外樹蕩漾波中鳧洗耳

思巢父舉頭見二姑近鐘清梵度高枕春潮呼感歎情何極

循環事有無人生委造化千古一須臾但愁綠樽盡忙問酒

柱石庵和韵

異湖驚鳥石障瀾東一點青螺小浮槎雙徑通結廬去
人境古木蒼蒼蓬四圍千峰露萬頃蒲帆風貝闕層樓影鮫
人水國中相忘天與海白鷗閒似翁凭闌一以眺客至驚飛
鴻燒葦蒿細鱗酒滴新槽紅對牀話風雨清夜談真空吹簫
弄明月雅韻調商宮義皇北窗下月高正朦朧那知蹙靡騁
此地若爲容譚劇謀吞海詩狂思駕虹伊人秋宛在挾山羞
采菊一柱飛來後今昔將毋同

弔楊羽揚 五畝文學

草玄人去不復還蓬蒿病叟思拳拳思輾轉兮尋之遍尋不

漢詩拾遺補 卷三

七

見兮清淚漣秀山之麓新鬼燐光怪陸離迴異人忙呼眷屬
親認識勁骨遺痕洵有神英雄應恥南冠冠緊敢攫白刃罵言
厲氣作河山繞秀雲魂騎箕尾飛天際噫噓草玄竟歸玄回
視墨池迹猶鮮文章擬步長楊後節烈更軼新臣前人生劫
世俱渺渺潛匪鱸兮戾匪鳥只將殘喘聽彼蒼易暴知是何
時了君不見子青翹首城門東看看越來吳其沼

乾陽山

峭壁峩峩石徑通乾陽古洞半山中溪邊流水巖前綠谷口
桃花雨後紅變幻煙雲分遠近升沈日月自西東登臨到此
疑仙境奚問蓬萊第一宮

柱石庵次韵

茫茫萬頃水和煙柱石中流獨巋然畫棟朱簾新殿閣綠楊
芳草舊山川胸吞雲夢會無蒂家在方壺別有天人代不知
秦與晉幾迴惆悵落花邊

俞聯輝 楚雄人崇禎癸酉舉人

閩廣嚴寺鐘聲作

烏藤七尺倚匡牀雲度疏鐘月轉廊多少塵心殘夢裏隨風
散入白雲鄉

闕應乾 字爾健通海人博學強記素有才名中崇禎乙酉當事薦之不起日飲醇醪以自放云

漢詩拾遺補 卷三

六

秀山桃花溪行

清溪南山麓溪徑盤春谷桃花三十樹二月一茅屋老樹花
淡紅初蕊赤如腫顏色間相照碧柳搖溪東我來看花怕花
落昨夜大風吼雲壑尋到溪邊問流水花片不曾遭風掠萬
物榮枯各有天白沙精湛小龍泉穿花樹底坐泉石眼空世
俗眞神仙桃葉渡口落星岡千花萬水飛春觴雙湖我已具
舟航望望江南思渺茫

張垣 字五瞻通海人崇禎丁丑進士出牧高郵勤慎著績疏濬有功署上考後贈太常寺少卿

題紅雲殿茶花

誰借春陽金殿頭南天佳氣爲花留柔枝偏解凌霜發異夜

刻看素燭遊丹穴成羣文鸞下元都迎歲錦雲浮東風若選
千紅冠京洛林園遜幾籌

官祠晴嵐

一碧嶙峋有洞天雲根氣散滿晴川煙霞點綴空山景靜裏
乾坤自往還

闕應祥

字爾履通海人崇禎己卯舉人官廣西知州操行
純潔以禮經薦薦為通邑開先其弟應乾接踵禮
魁邑推
二難云

通湖白鷺行

不見白鷺幾經霜白鷺今積雙湖陽羨爾有羣皆自潔飛上
青天成一行十載烽煙歸何地疏毛濯濯猶生光波濤不入

漢詩拾遺補

卷二

十九

城不近新垂岸柳舞回翔太液池頭池水春文鶴彩鳳曾接
隣胡爲萬里濤湖濱呼食日飼風開蘋田間遺穗官租盡漁
人網密無細鱗我知白鷺心清如其色織塵無染脩羽翼泛
泛沙鷗莫等閒高雲一片聊與息

張啓賢

字夢懷鶴慶人著有夢懷集文四卷河陽趙士麟
為之序按志稱啓賢為九賢弟九賢崇禎己卯副
榜官六安
州知州

遊龍華山

鳥道穿雲上重重翠磴懸密林花竹合古寺雨煙連殿倚千
尋壁池開一綫天峯尖青可數間坐古松邊

春遊

春晴風日好出郭喜眸開紅杏村邊寺清溪橋畔臺柳條金
萬縷桃鵝鋪千堆更上層樓望羣峯擬翠來

張九賢

字心騰鶴慶人崇禎己卯副榜
官六安州知州著有路霞山集
垂珠洞

幾載衙門屬卧遊傳從杖履步林邱曉巖奇幻金仙狀袍笏
寒侵玉露秋六六洞天翻鶴馭三三島嶼見麟洲儻教此勝
生中土多少名人翰墨留

白衡

字字通海人崇禎己卯舉人官四川知
縣致仕性嗜茗種花集友聯詩人稱雅望

九日濛雨望秀山

興以登高盡秋隨遠望來既當風雨驟何羨菊花開萬里兵
戈日百年濁酒杯搔頭渾一醉肯教雁空回

漢詩拾遺補

卷二

二十

仙人坡

何年仙子過坡頭遺跡於今沙面浮識破煙塵隨鶴去機忘
天地有神留山形東向連雲起江勢西來帶月流登眺恍疑
仙路近飄飄紫氣擁青牛

張煒台

字圖南通海人崇禎庚午
舉人詔選未仕多所著作

題紅雲殿茶花

每於京國看名花選勝還推秀嶺茶密葉細分金谷障高枝
全起赤城霞千年錦繡留宮翦十丈珊瑚共海槎恰是雪情
丹陛下紅雲多處玉皇家

陳世箕 字子屏人下悼誦讀精治春秋與世美世言世治兄弟相師友永慶中自翰林院檢討文學稱州中景

海山亭

一水塵難到孤亭暑不侵來雲停良日過樹起甘霖醉意濃
於酒詞餘似金湖山登眺後白雪仰知音

孫皇之 石屏人

海山亭

雅集適乘午孤亭愛遠風笙簫猶覺舊山水自然工侑酒催
花月拈詩付竹筒懶予無雅調指點就文翁

楊泰 字天開安寧人崇禎壬午舉人父卒哀毀踰禮終身妻亡不再娶著有虎邱溫泉志

滇詩拾遺補 卷三

和楊厥開遊溫泉

輕舟移棹晚池邈即溫泉日入春山暗波明夜氣鮮浴沂思
點瑟解愠憶虞絃蕩滌同今古流連老歲年

陳士恪 字元敬楚雄人崇禎壬午舉人著有庸書鴻雪草

遊虎邱寺

予性愛山水偶從山水招寒花露沾葉落木風鳴條詩思
震廟神心水月寥清歸得句夕霧曳山腰

李友蘭 浪客人明拔貢生官四川新繁縣教諭諱有生徒多所成就士民德之從祀名宦

靈沼屯魚

碧鑑悠悠一水浴羣魚屯遠翠鱗峰時人不敢輕投釣只恐

驚飛盡化龍

王琦 字玉振昆明人來僕之子布衣隱安寧

溫泉和壁間韻

頻遊無倦意莫道是溫泉磐石蒸雲煖春波浸玉鮮獨病疑
危靈解愠即虞絃開闢當何代氤氳不計年

何蔚文 字稚元浪客人鳴鳳第五子生而穎悟讀書過目不忘九歲能詩九好讀古書與兄星文輩居寧湖

詠歌自適與江蛟許鴻普荷畫詩筒谷來於蒼山洱海
問著有浪棹稿
享年七十三卒

聞星

長尾長星爾何以掃彗并射鬼柳吾不記何年戰何年守厭

滇詩拾遺補 卷三

聽金戈鐵馬聲已久食熊不肥嚼龍不盡織女停機牽牛荒

歌今用削月斧截去星尾首星敢不晝匿夜伏免得人家流
離四郊哭不爾又見旌旗紅吾不能如任公子騎白驢上雲

中

浪穹懷古

浪穹名號問何時洱水尋源幾箇知廟貌至今傳白姐 按縣有相
夫人俗號呼為白姐塔尖猶說鎮紅兒鳳閣烏弔荒山冷馬
出龍驤古洞奇六詔當年真可笑煙消龍谷動遐思

寧湖感賦三首

五華山外讀書聲猶記燒窗劇短檠今日三秋仍乍到昔時

百感忽生槐柳紅說看飛鵲柳岸空愁聽轉鶯一曲琵琶
彈不竟嗔君怨處總關情

白蘋洲畔草萋萋片舫纒東又復西長恨欲將歌擊棹不平
道覺氣如霞米因高價多難買詩為傷時竟懶題稚子牽衣

聊自解破鏡風雨一聲雞

高樓遮柳帶斜陽倚棹柴門數鴨忙秋水養葭人自遠故宮

禾黍恨難忘孤舟不繫煩教去三徑無妨任久荒稽首空王

稱弟子壯心銷盡一爐香

湖居即事

桃源何處問桑麻自愛江村傍白沙不辨鄉談如作客常遷

漁詩拾遺補

卷三

三

舊案似移家舟橫南浦隨風去笛弄洲前悵日斜客到呼童

纔漚金待他舉網亂菱花

何素珩 字衡白浪寧人蔚文從子也讀書自撰無志

漁家往來乘一小舟以
琴尊自隨出入煙波中

此湖秋泛

攜鶴囊琴自放舟湖頭章絃雨初收朱絃不入時人調一曲

平沙天地秋

陶冠 浪寧人
明歲貢

游無盡庵

結宇宜城外雀鬼連市朝山高庵易盡林古葉難彫併酒闌

懷久尋幽得句豪松根留月坐莫厭酒盈瓢

游花笑庵次韵

別業俯山城人疑曲島行竹深蒼露亂溜扶絲苔明霜菊秋

先綻風鴉晚不驚體關跌坐久涼月草湖生

廖楚良 石屏人明諸生年少敏悟能
詩文著有觀草詩集行世

開化寺桃花

空門著名賣安排水自流時花自開多是兒孫曾面壁高山

絳雪又飛來

層層錦浪是誰排綺樹新妝媚日開人在維摩獅子座晴雲

天女散花來

漁詩拾遺補

卷三

三

桐柏靈墟面面排春風著意豔陽開寄言洞口人休笑前度

山翁採藥來

張孔昌 建才人有詩
集時藝稿

雲龍精舍

是是非非擾不清焚香閉戶絕經營夜來試看窗前月惟有

空山分外明

滇詩拾遺補卷四

雲南叢書集部之八十五

昆明李坤厚安輯

任希班

建水人萬曆己酉舉人戶部主事淑女

獨坐

唧唧蛩聲遠迢迢漏點長獨居無箇伴明月照深房

咏梅寄夫

冰肌一樹梅蕊發心如豆獨占百花先反落羣英後

向與弟

建水人隆慶庚午舉人向俱孫女

咏白牡丹和韵

護道姚黃貴比金天香雪影夜來深玉闌干外梅花伴一捻

滇詩拾遺補

卷四

何會動爾心

過異龍湖

搖曳空青盪小舟海邊突出化龍樓城連山色春園住盡在

雙眸一望收

李升瑚

字九華廣西府人明歲貢官蜀府教授博學能文一時無偶居鄉恂謹勤學不倦府志藝文多其筆

陪觀蔡喬公郡伯陳公遊阿盧洞

數聲笳鼓出巖城十里朱旛結隊行雲氣渾連熊軾至山光

遙映豸冠明逢僧未得聞聽偈入洞何妨數舉觥賴有濟時

公等在採芳今動故山情

張時宜

鶴慶人明拔貢官教授

樓雲庵

山齋涼月卧之房白髮飄蕭尙楚狂草屐獨憐黃鶴夢竹枝

徧唱彩雲鄉二三兩兩借童冠水水山山共詠觴亂點桃花

岡十二空令風雨意難忘

會祺

字先安寧人博學多才善誘後學爲文起衰振弊不遺餘力冠軍因場屋者近三十年老而家

志於山

水竹石間所著有四書管見片詩文集

冬遊龍寶寺

落葉寒山寺蕭然見物初竹幽知地迥柏老亦庭虛有句誰

留識無心且自如生平聞見業欲向此中除

過龍樹庵

滇詩拾遺補

卷四

青山青未已處處起松風流水依茅宇秋禾漾碧空樹煙紫

石翠離果亞枝紅且坐留幽賞並行興不窮

遊法華寺

塵世澹聞見驚遊山谷深峯巒不可議面目總花林小草皆

不俗幽禽時一吟生平何所適對此愜初心

遊法華寺

松蘿紫路生煙雲護遊處何處有青山此時得佳句

題趙璞函館堂

空虛本一氣春至若爲工花邊鶯燕語聲色有無中

石竇雪梅

同年片石立青山香韻相從辭子班鐵幹挂雲高歲月瑤花
雜雪響珠環幾宵夢入羅浮遠一日詩敵廣嶺刪得儼然
呼丈石擬將袍物拜崖間

遊曹溪舟中口占

坐却人間不繫舟偶然今夕得清遊舟行更到溪深處不是
溪流是石流

楊資治石屏人

山莊卽事

溼雲漠漠雨瀟瀟混跡深山伴野樵一夜石橋聲不斷曉來
門外水平橋

滇詩拾遺補卷四

李恪

字儼思別號柳岑性簡靜好學博覽經史日誦數千言上文善書九長詩歌家慕貧授徒自給晚歲隱大姚普湖山下杜門著書年踰八十而卒有梅岑詩集行世

除夕還山吟

斜陽挂樹寒風吹短景催年年欲辭余亦倉皇出城郭驅馳
欲赴山僧期穿林猶踏今年葉遠岫已嬌新歲客入門鵲噪
犬銜帶笑我還山胡太遲風景不殊人事改村庭煙斷香離
離城中計有千餘戶歸燕覓主知是誰幸有碧峯間半榻晚
與淨侶參牟尼煨芋燒筍度寒夜平生除夕今番奇韶華盡
被干戈送寶鏡新來添白髮幾年病裏空皮骨此身雖在能
勿疑羞囊瘦馬常來往法涵微祿心所嗜只恐空山消不得

閉戶且尋春酒厄

劉聯聲

瑯井古梅

古幹離離挂夕陽頻年未肯洩春光魂銷廟額三更月瘦滅
羅浮五夜霜雪踏江皋難覓偶煙迷驛路漫尋芳倚闌忽見
瓊瑤色繞砌重簷淺淡妝綉約層臺清曉夢蕭疏並蒂倩誰
忙影斜碧水晴波麗枝帶萼暮晚徑涼素質偏同松節勁孤
標不逐柳絲狂行吟銷得詩千首洗滌還澆酒一觴莫道調
羹須耐冷應知徹骨自生香暮雲斂盡鉛華態一點冰心映
玉堂

滇詩拾遺補卷四

弔杜瑞先孝廉天正城樓死節

城頭高處旆旌紛恨寒關山鼠竄羣一命未邀恩報國三池
雖陷敢忘君淋漓手墨留高壁披瀝心丹對夕曛怪殺孤忠
無論祀千秋煙雨弔空墳

登峩峩有感

峩峩高出萬壑羣俯眺川原日影曛複閣夾城雙塔近危橋
截水一江分書藏古洞人何在石響空山客不聞惆悵當年
歡笑處蒼苔一片枕閒雲

贈俞喙崖孝廉

南中高士萬山阿萬壑牙籤映綠蘿擬向羹牆登道岸肯教

雲霧臨天河神巖日暖花生靈丹壑風恬鳥放歌欲覓堯夫
安樂地微溪高處有行窩

南安神石

疑是擎天志未磨岸然孤立碧山阿頻搖風雨堅心在飽歷
炎涼俠骨多南嶽不聞封漢詔邊城空自薦雲和巨靈若展
分山舊移向中流砥逝波

遊西山看石頭寺行人

西山瀾轉水潺湲此日登臨眺遠天斷續歌聲青嶂外依稀
歸騎短橋邊石頭有廟歌千載南詔無初享百年遊覽不須
嗟往事夕陽芳草總堪憐

漢詩拾遺補 卷四

五

驃川道中

匹馬乘香出驃川山根斷處水相連暖風細拂梅花岸晴日
頻舒柳葉煙酒不辭溪路狹敲詩忽過小橋邊興酣已覺
歸來晚不聽鶯聲弄管絃

趙忠獻

論語真堪任太平託孤何事轉相傾可憐開國青宮胤再世

難申金匱盟

李東陽

潔身劉謝已辭官伴食東陽去不難只為託孤恩義重甘隨

恭顯立朝端

陸象山先生

摘句尋章千百年誰將聖道揭中天追塵直接思與後振鐸
遺居閩洛前合浦珠清波自見碧峰雲散月常懸淵源不向
真心覓萬古空勞影響傳

王陽明先生

東魯楷模百代遵陽明復出指迷津撥開碧漢雲千丈透出
清溪月一輪直向根源參化育不從章句覓經綸闡揚洙泗
傳心訣江漢秋陽萬古新

高桂枝 明諸生鄧川人築室德源山下名曰崎庵逸居其中嘯歌娛日

崎庵咏懷

漢詩拾遺補 卷四

六

天地吾席幕而以崎名庵殘山一卷石剩水半畝潭高深兩
莫問邱壑常可航我生若泛梗逐逐誰能堪何如巢居子瓢
飲有餘甘薄田數隴在荷鋤理東南時或伴漁父清濁還相
參陶廬適所愛詩書恣討探自得環堵趣豈必樂珎簪斯意
孰與解梁燕聲喃喃

遊雲龍山石竇香泉

此身自問如懸疣了然於世無所求一瓢尚覺苦多事人間
誰謂無巢由偶來龍山窺石竇滴珠泉香暗浮崖荒井深
終不食空此清潔埋山邱入山到此清且寂却有村舍偃雲
稠黃童白叟笑相問疑是桃源春水流擾擾塵埃胡為者我

欲與之結良儔雖無于頔買山方一枝易作鶴鶴謀話久頤
忘歸途遠牽衣執手相款留夜關寒雞唱未已朝暉忽射西
山頭起跡平川色半曙曉煙漠漠風颯颯

衛軍行

國初以來設衛軍幾家團練幾家屯屯軍但願年穀熟練軍
惟恐邊警聞年穀順成邊烽靖爲屯爲練咸欣欣有時歲凶
邊警擾軍儲不供野無草屯者遺賦走四方悍吏追呼無時
了練者荷戈急赴敵爺娘哭送博南道屯苦守練苦行千家
只有十家存君不見思任狼子據麓川征西將軍冒瘴煙饑
夫戰士多少骨換得蠻塞木籠山功成凱旋當堪瘡何况失

滇詩拾遺補卷四

七

律與戶還吁嗟呼民人累公徭屯人累公租惟有練軍差少
累摧鋒陷陣將何如吁嗟呼軍耶民耶摩寧居試看三春草
木多扶疏紛紛雨露常霑濡

雨後聞防河

霖霖將雨月積水欲浮庵僻巷猶如此長河那復堪隄防喧
晝夜金鼓震西南此際郵民隱誰爲分苦甘
春日遊大市坪溫泉
爲尋佳麗景來問玉泉津點志當春暮湯盤在日新洗心盟
白水插腳遠紅塵寄語臨流客乘時好潔身

諸葛寨懷古

荒陬自昔來諸葛遺寨於今仰大名鐵馬金戈空壁影石潭
銀洞老龍聲佑那錫姓安邊寇呂凱封官省戍兵一自攻心
心已服天威無事再南征

挑河吟

挑河復挑河沙磧淚痕多秋登未可望筋骨已消磨

杜莪 鄧州人諸生選授訓導不在詩酒自娛

西湖泛舟

雨散西湖秋色晴渡頭借問葉舟輕長天雲影開圖畫隔岸
漁歌作管笙杯落不驚沙雁宿蓬移却見野鷗迎月娥更助
游人興水弄金波一片明

滇詩拾遺補卷四

八

春過舊州有感二首

閒問玉屏涯蕭條剩幾家杏村明月影空自照荒沙
象嶺猶翠微花村大半稀翩翩春社燕不得舊巢歸

阿子賢 鄧州人

煙渚漁歌

煙渚遙連水竹居醉時高卧醒時漁平生不作塵勞夢一曲

滄浪樂有餘

林憲 昆明人

遊廣應寺

蘭若瀟瀟寄客蹤山深寺隱倩雲封晴空白鷺飛如雪古樹

蒼鱗偃仰龍日暮寒煙吹牧笛月明貝闕響僧鐘人家隔浦
紅塵遠耐冷秋花倚夕春

李獻歲

字言心安寧人性孝慈事親色養撫兄子教育成
立安貧好學工文詞每試皆優等晚歲志益高尚
嘯歌自娛不求仕進以菴
經教授生徒文風丕變

赴陳元敬文字飲遊法華山

法華千仞尤景奇巉岸絕峙天爲歛中有深林走風雨覺之
不得長淒其山高置屋懸簾急山下通泉寒葉欹古龕石佛
世莫效或眠或坐何披離昔傳蒙段遊幸日歌臺舞榭相透
迤百年勝事塵爲掩故園荒煙繁所思邈哉太史興何極搜
窟探穴尋高碑千秋火盪嶧山麓萬古龍擎蒼頡悲抹青破

滇詩拾遺補卷四

九

鮮不能讀昌黎慘澹衡之帽堂瓊太守山公癖結騎來遊略
形跡空中傾蓋皆巨公石上題詩響金石東山苟令今可追
談笑風流各有適華筵此日芳草萋一月新香聞茶蕙楚客
於茲紉而佩公子時或舉而攜鳴絃幾曲春風醉四壁空明
鶯亂曉

張廷璧石屏人著作甚
多尤擅書法

孝感泉

配帖卽思親况乃隔死生所以至性人存歿同一情誰爲內
舍側風木聲相驚吁嗟志之壹能忘虎豹爭泉石亦獲動感
沸根於誠備聞君本末繩孝通神祖世皆稱奇事公視實庸

行移此事君上詎曰匪艱貞再拜書簡册人倫著紀經

海山亭

午日連相邀晴光盪石橋汎舟雲霧靄揮塵韻蕭蕭杯醴流
霞影詩翻過海湖芳洲多社若詎用楚辭招

雷石庵

字羅龍新興人見任宜中所脩新興州
志有公小傳死事未詳省志竟無公傳

玉溪橋

試問溪橋古有無於今高插一虹孤屋構異氣浮霄練銀漢
長煙散曉珠雙鎖五雲翼翡翠倒流九峽引蒼梧龍城歸騎
爭旄鼓驢背詩囊自畫圖未許溥潮通近信肯教明月下平
湖西南絕巖誰相似銅柱橫斜大海隅

滇詩拾遺補卷四

十

玉溪雜興六言詩

坐卧玉溪沙畔嘯歌白石江邊樹頭樹底秋色橋北橋南晚
煙
前溪花滿草滿隔岸雲寬水寬一樹高梧未老千家明月驚
寒
溪上春遲秋早天涯水澗山遙在畫屏風江雨去寄參軍鮑
昭
一望菰蒲楊柳萬家煙雨樓臺江南何處相近桃葉渡口歸
來

九龍池倚樹問溪

爲問溪流幾變遷 溪流曾否是桑田 浮雲何事常舒卷 皓月
奚爲也缺圓 載酒可能方赤壁 題詩若箇是青蓮 相逢今古
人多少 那容於君有宿緣

九日園居

不登高處不狂呼 幽竹千竿酒一壺 習飲更裁彭令菊 傷離
懶讀石堂與亭臺 寂寂疏煙晚風雨 淒淒荒草蕪獨有 醉來
心後事堪堪作 杜陵圖

杯湖亭憶舊

杯湖亭上不勝思 爲憶年年秋早遲 同是好花開落處 可憐
明月缺圓時 參橫斗轉鷄鳴矣 人去臺空室迢迢 而誰道別離

漢詩拾遺補卷四

千古恨悠悠 此際卽天涯

李言恭 浪穹人 明歲貢 性孝友 端方 耿介 言動有法 取與不苟 毫而好學 咸奉之爲典 典型云

神驥遺跡

南林村小豈沙邱 踏雪痕從石上留 也識而今無伯樂 只容
蹄蹟在溪頭

寧湖躍珠

水湧潭心一樹珠 移將合浦到寧湖 石家有斛誰量取 明月
皎宮買得無

趙珣 字璞 涵安寧人 崇禎間貢生 日亨子 性慈慧 工詩文 幼隨父日亭任川南道 奢寅倡亂 攻臨邛 城幾陷 珣

命珣歸 珣不忍去 從父死 守珣人爲之感泣 事平以 禦賊功 晉黔左轄及崇禎元年 珣遇恩 遷學使 陳公深

器之公卒 事母以孝聞 初以幼姪爲詞 撫育無異 己出 既筮仕 築隄 緝盜 多善政 所至有聲 沒祀 鄉賢祠

曹溪寺

雲巖卧起曙光寒 賴入江聲響人泉 好鳥頻聞皆法演 琪花
何處不香傳 中丞題後青松古 元亮歸來黃菊殘 爲愛名山
留客住 幾回吟破碧苔錢

丁大訓 楚雄 諸生 別號五樓 山人 隱居 呂舍 驛 萬歷間 姚人骨 一首 近復於郡志得一首

龍岡夕照

峭壁層巒一抹煙 斜陽返照透山泉 龍岡無復龍來卧 賸得
長林翠碧天

漢詩拾遺補卷四

羅鏞

危峯夜月

孤峯峭拔尖卓筆 岩巖直上三千尺 嫦娥飛從海上來 寶鏡
團團掛尺壁 滿城一色清光生 長空仰視玻璃青 千門砧杵
斷復續 山風吹老秋冥冥

姚谷相 字相 錄通海人 明貢生 官四川 隆昌 令 廉能 多惠 政 負性 倘儻 喜交遊 讀書 不肯尋章 句下 筆立就 千言有古豪士之概

東華流泉

風翻泉漸急 巖底樹常浮 欲擬黃河曲 還探碧漢秋 情開孤
月冷 景靜白雲收 千古空巢父 誰人更枕流

小居春寒

春前楊柳半舒萌春後桃花不破紅漠漠山雲陰欲雪冥冥
水露清細風吾生豈惜霜垂鬢人事常憂浪轉蓬寄語東皇
開令序氤氳一氣萬方同

包瑑字星王安寧人負氣節善屬文工行草書家貧閉戶
有慧心以恬退
終其身年七十

松華閣梅花

冷蕊疏枝不愛看幽香馥馥動寒林孤山處士堪為侶月白
霜華歲歲心

施采昆明人
官學正

漢詩拾遺補卷四

七

海潮寺和韵

秋風江上遞微涼共指諸天興轉長湖水幾層沈碧玉飛鴻
數點落新霜樓頭有鬢驚辭富泛渚逢鸞笑世忙漁笛吹來
何處曲煙波海上詠滄浪

郭鏞字希聲建水人治易經通
醫學能詩著有桂林集

煥文山

巍巍重鎮對孤城一帶容屏畫不成絕頂尚存仙隱跡寒巖
不斷鶴鳴聲煙消螺髻青猶溼雲歛蛾眉黛欲橫翠巖登臨
攜謝屐憑欄極目自心清

趙以相高慶人

秋園雜興

無事臨流水花溪一樣平秋隨荷葉破地觸土蟹鳴日落橋
無影風來樹有聲要知安穩處憂樂不關情

江聲

洞尾拖流急濤聲怒不平衝門驚兩岸入夢二三更石響樓
遺寂風停樹尚鳴聞來堪洗耳洄溯到山城

山樓卽目

廬舍中田外三三兩兩家斷隄分井澹蒼樹共煙霞日落雙
巒合橋通一徑斜更當松月下雞犬自相誇

宿圓覺庵

漢詩拾遺補卷四

四

夜夜生成自枕流幽棲豈但爲悲秋多年心事風塵裏取次
情思水月樓臺後無琴鍾子去資餘有酒謝公留強過竹院
追前約桑海如今滿數籌

遊石竇山歸來

西南天幕北山低四處煙雲望欲迷不識此峯眞面目徒勞
足下儘攀躋

孫桐字我儀鶴慶人幼穎異明末諸生古文詞清健詩出
入襄陽轉川間晚歲舉子業結茆雞足山博極羣
書九契伊洛淵源後以母老歸築說石山房於朝霞之
麓講學授徒彈琴樂志益精性命之旨著有說石山房
集碧菴集驢
背集行於世

山居漫興

道人迹跡朝霞塢朝霞山在州西十里原名鹿阜山讀書悲
泣當歌舞劍得心盡似芭蕉奇枝亂葉鬪秋雨青山照我兩
悠悠坐卧相將無去取有時雙手摩風雲松間散髮談龍虎
龍灣虎變總由心拈過六爻顛倒數憑虛走馬陸乘船動靜
隨時自參伍等閒長嘯裂蒼空海底塵飛日正午

華首門值雪歌

頭陀萬古石門關上有青山下有天下者爲雨上爲雪分明
白晝兩人問狂如朋淨如僧雲來已崩復將崩濛以渤開以
月左右咨嗟磨毫髮咄咄靈山有阿師一曲風流老更奇當
機一笑長空碎至今猶挾天花飛

滇詩拾遺補卷四

十五

秋日題說石山房

衡門深寺立古木入雲齊飛瀑掛低日隨風吹下谿聽楓沿
鶴步種石向仙樓坐嘯晴窗下秋心別是稽

秋霽登靈光寺在鶴慶城東東山

山逢秋自喜幽路入疏鐘雨斷香生石雲歸翠立松平溪銜
定虎深竹繞嘯蛩客至僧停偈夕陽載一峯

遊雪石巖在鶴慶城西北拱面山一名九鼎山有石如雪積成者

面峙鬚眉淡臨流襟帶涼行來分亂石坐久盡空香對客思
鵬武登臺憶鳳樽前重問字原注雪石巖馬太史柳泉書 孤壁森秋霜

秋日泛蛟河賦得浮字

晚霽蓬窗雨斜陽趁小舟山形驅象至河之南有象嶺水勢湧蛟流
雙劍虹橋合孤城煙樹浮蘆洲鷺雁下寒落數聲秋

山行

秋靜易成響深山音未希嵐光清欲滴落葉墮仍飛巖古石
輪髮漏寒峯乞衣我心非泛愛安得說忘歸

張學懋鶴慶人明諸生

寺名朝霞而余以晚至見其山景可愛賦二詩以紀之
共說朝霞勝偏於晚更奇白衣籠象嶽文綺濯蛟澹曲徑山
花掩危樓古柏支禪心何處見月滿入功池
不盡晚山景殘陽依翠微松陰圍寺暗塔影掛林肥酒盞星

滇詩拾遺補卷四

十六

搖影談鋒夜逗機熒熒前路火疑是帶霞歸

飛禪寺

躡屐飛禪寺林深海暑藏鑪煙焚柏葉花蔓擲丁香鶴度松
坡月禪衣薜壁霜坐令疏懶者身世頓相忘

石寶山

石寶嶽岑獨處尊攀緣幾似躡崑崙山連螺黛攢天外水繞
蛟河入洞門雨後晴光開絕壁春闌花氣惱黃昏驚人卻憶
青蓮句搔首我眉十六言

西潭卽事

侵辰車馬卽喧闐齊赴城西第一泉千戶小開松下幕一舟

隨邊鏡中天杯傳鸚鵡難勝酒龍放鷓鴣數得鮮飲到鳥呼
人散後滿城燈火醉翁還

泛舟漾弓江

江心沙軟草芊芊雪幕高張沸管絃春水似藍船似葉梨花
如雪柳如煙一樽細按滄浪曲兩岸爭看李郭仙莫羨桃源
真隔世武陵風物不如前

龍華四詠存二首

花塢流水

曲曲放泉聲高高復下下惟有破顏花迺是知音者

經筵秀竹

滇詩拾遺補卷四

十七

貝葉對疏樵天花飛許許真玉何處聲幽篔簹自相語

贈龍華海藏上人

路入雙林杳霭間禪師跌坐老空山問渠指我西來意雲自
無心鶴自閒

碧殿沈沈香霧濃漱聲老衲定回鐘相逢識得年高否石上
親栽百尺松

龔葵

為王公祖縉親插賦寄

王縉四川人當明末兵亂有土賊鄒自貴率入府城
逼縉從逆不屈遂遇害明年大師入滇

幾年搔首想承平今日逢君湖水清擊楫西南嗟半壁登樓
譚笑羣長城訟庭飛鳥閒來往沃野耕牛狎雨晴莫道治成
無可象農歌到處點民情

附方外

讀漱

空香

春來無不可一杖隨所之花發千峯外鶯囀二月時沾衣空
翠冷拂面綠香吹日暮忘歸去逢人或笑癡

新綠

春雨不時歇苦痕徧處封始從兩三點染出千萬峯一綠無

滇詩拾遺補卷四

十六

遠近隔溪成澹濃何人解搖落獨立撫孤松

隔林火

野燒出林際林霜葉盡枯遠風撲不滅深雪點來孤燐影吹
明滅書聲伴有無更疑漁宿處寒照白頭顱

樹抄泉

聽從一葉起響落五溪秋夜雨何來急江聲泛樹頭切堂思
覆水大壑可藏舟莫向人間去清泉混濁流

當門柳

家住柳溪口溪流灣更灣喜無多種地自不礙青山愛馬橋
堪繫傷秋未忍攀幾經花落盡一夜雪封關

鄰鶴過

短柵囚難住，開門偶自開。一鳴驚夢破，大步踏花來。直送天風去，翻憐毛羽翹。盈盈池水上，孤影照低回。

度黔中鐵索橋

去國萬餘里，西行不計年。海風人面改，沙路馬蹄穿。虹影雷門過，江聲鐵鎖懸。危橋難並進，幾度望朝煙。

南遊普陀

何年鬼斧鑿峭壁，倚天開浪欲推山。去潮能挾海來半空飛，雨霧一洞走風雷。大士端然坐盤陀，最上臺。

再至崇川

滇詩拾遺補卷四

九

地盡應臨海天寒，欲授衣月隨秋水。上人共夜潮歸一犬無，聊吹羣鷗自息機。橋頭燈火真猶記，舊僧扉。

朱雲子明詩平論選成濫及拙作

著作觀前代，無如勝我明。大音歸正始，元氣自和平。手筆操斤斧，人文託死生。怪來刪定後，三百有僧名。

渡江訪師利居士阻風

偶爾犯蛟宮，淮南訪桂叢。潮來天勢側，浪打樹根空。沙鳥爭翻雨，江豚逞拜風。何當山月好，此際卧窗中。

戲和久知月夜踏花影

步來浮動薄於煙，宛轉春心不肯眠。眼底分明難却掃，腳根。

有物若為牽花猶未死人猶在爾自無心人自憐何事癡狂偏我劇煩看栩栩蝶飛還

柳浪

濯濯無聲走浪遲，纒舒青眼便波隨。一弓水光相牽動，五兩風輕不斷吹。長恨空勞拋碧縷，狂瀾無力弄柔絲。行人欲渡隋隄上，脈脈春潮帶雨時。

孤松

秦宮五樹刺單丁，秀入天台上。畫屏遠信似傳歸，異域一枝斜掩到中庭。枯將化石封苔蘚，老不空心抱茯苓。欲把折來聊當塵捲簾，突出半峯青。

滇詩拾遺補卷四

二十

焚筆

問奇命駕漫停車，那復臨池辨魯魚。土塚不封毛盡禿，鐵門斷限字元無。興來風雨千軍掃，望去蒼茫一管枯。從此案頭焚却後，不須更作絕交書。

移梅

豈是尋常獨愛奇，品題古淡更無枝。花前記取春先覺，夢裏移來蝶亦知。消息隨頭今使得，飄零湖上久難期。黃昏弄笛人何處，不自關心只自吹。

雜草

芊芊春雨綠新抽，妒殺微風滿地揉。送盡王孫歸去後，望來。

何處不堪愁輕扶蝶夢搖 宮扇冷化螢光度御溝古道萋萋
鋤未得夕陽佇立在溪頭

將遊黃山留別友人

孤舟明日發再宿校公房 莫惜通宵坐懸知此別長草花粘
露重山色入春黃遙指丹臺月心期一片霜

自吳門之雲間

春南夜濤滄海意幾尺添荷花搖短檣柳揭高簾三兩家
柳落一行書酒帟華亭看不遠的的九螺尖

入林

入林不知深但覺衣裳冷新綠滿空山低頭不見影

漁詩拾遺補卷四

雜詩

天氣秋晚晴坐着西山色前溪有故人草深行不得

如一字恆如明季
雞足山僧

遊一鑑亭

蒼忙霞谷冷香臺野鶴林梢報客來亂竹深藏青草徑一亭
枕在白雲隈何年居士重營閣昔日高僧已渡杯好是松風
邀露坐時從石上拂莓苔
九鼎插雲際春和倚怯寒松聲當戶盡佛閣倚闌看削壁登
橋清巖巖措步難山僧平等視危坐自身安

如清字聖之明季
雞足山僧

遊標榜寺

花間仙徑小藥紆樹裏樓臺乍有無着氣釀成香世界水雲
華出玉浮圖坐臨白石泉堪濯指點青帘酒可沽不使暈腥
纔雜味只須童子進伊蒲

遊九氣臺

春泉曲曲繞花田水面人家似朝川桃李長隄風過去亂飛
紅粉上漁船
好春多在野人家背郭湖山盡是花今買小舟還載酒與君
隨處醉煙霞

漁詩拾遺補卷四

三

秀水董氏五世詩鈔

WTC

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

秀水董氏五世詩鈔

杭縣徐珂仲可校

董世勳

字廷偉，號若愚，生於清康熙年間，官至太僕寺卿，諡文獻。其子世勳，字若愚，生於乾隆年間，官至太僕寺卿，諡文獻。

畫梅

除是幽香畫不如，寫成半格更清疏。化工養到天心見，和氣渾含大極初。萬朵自從枯管發，一陽先向彩毫舒。華光古法能參悟，好讀楞嚴與道書。

董

鴻，字瑞江，號愚堂，若愚先生子。生於清雍正癸卯，隸居尚志，雅好詩書，法宗微仁，教序渾厚，如其人。

風

來往無踪跡，憑帆萬里遙。長天歌雁字，晴日振松濤。春散園林豔，秋催草木凋。南山雲五色，由爾上青霄。

董

涵，字性天，號養中，若愚先生子。生於清雍正乙卯，隸居尚志，雅好詩書，法宗微仁，教序渾厚，如其人。

八十初度

流轉風光八十年，那堪病緒太纏綿。因愁覓句茶為酒，小補揮毫硯作田。貪睡每虛良夜月，愛花多訪午時禪。身閒盡日渾無事，放浪還同不繫船。

秀水董氏五世詩鈔

同不繫船

董

宇樂，字樂，號若愚，生於清康熙年間，官至太僕寺卿，諡文獻。其子宇樂，字樂，生於乾隆年間，官至太僕寺卿，諡文獻。

題白畫登杖夜

華纓朱履漫相干，戴笠真成天地寬。自喜老來猶健足，勝游常把一筇看。

牛

放牧平疇夕照中，短腔橫笛有村童。莫嫌蠶繭爾闌牢，物卻有終年稼穡功。

題畫仕女

茗椀爐薰醒畫眠，佳人執扇試輕便。風前眾綠香如此，莫到秋來忍棄捐。

澹妝慵寫

遠山眉獨抱天寒，日暮思最是玉階。明月夜背人無語，坐來時

來時

佛手柑蘭

談心時入善人室，訪道常來古佛庵。悟徹香生須如意，真禪不向指頭參。

蠶婦

小姑入厨下，分我蠶事忙。催郎採葉去，蠶飢攪妾腸。一月首飛蓬，紫山時防火。郎看箔上絲，累累皆辛苦。忽聞織車動，儂家十分收。緩作兒女計，畏寒有白頭。

題畫仕女

庭院深深裏，嬈婦獨自憐。停針慵坐久，無語到愁邊。新製紈羅扇，迎風翠袖涼。午窻茶色嫩，輕拂雪酥香。

題畫仕女

莫道嬌無力，腰肢瘦益妍。空階人獨立，殘月曉風前。姊妹花開未，庭陰綠滿窗。最憐人似燕，飛傍故雙雙。

題畫山水

兩竇林容澹，烟開岫色蒼。山巖無客到，綠筆仿倪黃。明媚春山裏，閒來把釣鉤。鐘聲何處起，烟際盡危樓。

秀水董氏五世詩鈔

陶晴皋七十雙壽

貞白清芬遺紫桑，世澤綿綿少徵端。碩望東越仰耆年，五福符符箕範雙。星耀女嬋餘慶知，善積大壺喜齡延。緬昔鴻文擅，爭譽綺歲賢英聲。蜚泮壁遠學富山，淵淵鶚薦鋒頻試。鵬搏志不羈，丰姿珠濯濯。書記本翩翩，籍甚才名噪。飄然客夢牽，郵亭尋院豫。驛館歷幽燕，秋詠燕城月。春吟鄂渚烟，閣中探勝蹟。郭下著新篇，津步揚蒲嶺。山嶽跨錦繡，風流如昨耳。鬢髮倍稱焉，識面二衛始。傾心十載前，須江曾染翰。雲岫又題箋，水鏡憶懷抱。冰壺見性天，欽君才似錦。愧我暮非蓮，幸接光儀久。能知梗，斲全族登蘭綺。貴胄潮鼎鐘，鑄愛鞠開二徑。聽松拓幾椽，借陰動晷刻。伏治謝塵緣，繩武修堪述。到家教早宣，一經貽訓。詰七葉，授丹鉛。器宇郊，不秀詞華。流洽妍膠庠，珍竹箭米廩。重榭榭，長君食。錦帖果金花，報班應玉筍。聯文君中，戊升庭。皆杞梓，羅砌盡。蓀荃。歡已門，闕聚康宜。菲祿聯休徵，從此備頤養。得其全，赤奮支。初記朱明序，更遷林鐘方。協律柳宿乍，臨驪建未杓。旋指逢辛，塞待詮。哉生占，臚臚上壽。炮喬佺受祉，長熹屆陳。釐吉日，涓降寅。當介雅書。亥正張筵，火棗瑤池。散冰桃，度索。奉木公，迎鹿。馭金母，駐鸞。耕祝噎。

萬扶健添籌算運楮壹慶並茂孤悅慶同懸黃譜由房韻琴調在
御故涉安微憶舊去人洪氏淑承光梁采空瀟瀟桓車職倍度弋鳧
欣靜好卜鳳快飛翾春戀陔笙委班燭舞綵鮮令始孫繞膝鞠麗輝
齊肩神佩黃階列環玦甲第闡煥招真率會樂為自怡編若著南漁
浦歌偕老樵涇羨小仙願申南極頌桂魄共團圓六月十六日

題睡為野蒿薇
月出明如畫山空鳥不驚野花自開落風露下殘更

障斷菰蘆水一涯漁燈點點返疏籬寒深澤國菊黃節人憶吳江霜
下時幾日輪芒偏有信連宵對酒鎮相思年來不羨鱸魚膾為有雙
螯左手持

題雪竹麻雀
寒雲凍不飛數字皓且潔野雀欲何求獨噪空庭雪

題秋荷蘆月鷺
破盡衰荷折盡蘆亭亭鷺立影憐孤江清露冷月初上一點白光看
欲無

秀水董氏五世詩鈔

三二天齋閣集刊
二二集之五

放鷓鴣翁
持篙縱艇出漁磯鷓鴣浮沈任指揮飽獵得魚圖一醉不知人世有
危機

題畫山水
柴門深鎖綠陰稠幾曲溪灣漲碧流隔岸數峯無限好幽人畫意在
廉州

峽口奔流百折灣雙帆飛出兩峯間忽聞山寺鳴鐘響回首蒼蒼橫
翠鬢

題百合花蝶
莫道秋來分種遲幾叢花發弄幽姿小闌香散日當午正是狸奴戲
蝶時

題菊花秋鳥
霜落秋深老圃清晚花作意更多情何人送酒來簷下好聽枝頭幽
鳥鳴

題畫和合

落落襟懷天地寬拍肩相與話團圓對君如坐春風裏打破愁城到

虞歡
題畫
門對青山霽色明清吟獨坐亂書堆忽聞隔浦鳴榔響知有幽人訪
我來

題畫
青天明月不可呼蕩漾在水如連珠水耶天耶看莫辨黑雲一片光
有無

兩松卓立似高士一峯峭拔如孤僧伴我茅龕時靜坐楞嚴夜讀對
秋燈

一路迴盤烟霧中忽聞亭畔響松風高人靜把琴三弄落日梅花香
滿空

董字拙物類小農樂開先生子生於清嘉慶庚申秀水附貢
生通經學尤深於易詩篤信性理家通釋老詩學陶韋年
八十重游泮水著前漢文錄學詩集若干卷

題畫
遠山淡冶樹蕭疎一片秋光夕照餘流水石橋楓葉晚亂紅堆裏野
人居

題畫
秀水董氏五世詩鈔
四二天齋閣集刊
二二集之六

題畫
為愛林泉好閒從畫裏尋沙鳧烟水外漁艇蓼花深雲淨淡溪色松
高落翠陰茶香午夢覺披對濼煩襟

尺幅雲山外江村景最幽鳥啼深柳岸花映夕陽樓水閣長橋臥天
低遠樹浮何當任孤棹此地日夷猶

題研齋雲壑探奇圖
仰見白雲生極目浩無際幽人攜屐來頓發凌霄意高步跨虛空行
行轉深遂前途望欲迷冥濛但一氣白日漸無光陰壑故多態回首
忽飛泉百丈自奔涉清冷時洗耳空中聆鼓吹亦既攀筇窈窕更復造
幽異絕壁聳遙天蒼蒼橫紫翠山石虎豹形松柏虬龍勢浩然一長
嘯白雲向風碎斯遊豈不快歸來一一識援筆補作圖高情足遐奇
羨君懷奇才弱齡通羣藝况復雲壑心於古有深契愧我風塵中苦
為人事繫披對發狂歌徒然此翹企何當趨俗氛共作入林計

再題次汪子逸夫人趙韻
不知山路轉但覺白雲深密氣積如雨林風吹滿襟藤蘿緣絕壁溪
水瀉鳴琴耳目窮奇異何辭竟日尋

題畫大小山韻

海水涵天開長風快怒雷登臨雙眼豁月榭夜潮來
塔影插晴空高原結松蓋一水望歸舟帆落青天外
雲下暮天冷梅花江上開扁舟乘興去月出未歸來

陪周平畦丈游龍潭寺

古樹在人境尋幽許客借香雲分佛座老樹對空齋鳥語因風墮花
光映日佳悠然此靜坐相與滌塵懷

為友人畫山水冊即題

落日遠山橫江邊渡寒雁霞彩照疎林風泉響幽澗靜者心自怡坐
久不知晏

攜琴入幽境飛鳴度遠天一彈還再鼓獨坐心陶然

秋月懸空林松風間鳴泉悠悠山水志乃向圖中傳

策杖向寒山頗愜靜者性獨立眺微茫江天自空淨

暮靄遠峯連殘霞樹頭映俯見清泉流默悟心無競

曠然入幽境塵心何處生不見山居人但聞清澗聲

巖花自開落崖壁村雞鳴懷哉淳樸地俯仰有餘情

秀水董氏五世詩鈔 五 天 蘇 關 數 則 集 之 五

長林隱茅屋山居樂深靜夕陽下前灣危塔立孤影讀罷無聲詩羨
泉吸春茗

寒江積雪和沈復初

積雪萬山白江寒風捲濤鐘聲沉古寺秋影亂平阜
沙滅斷人迹松高下鶴毛往來簑笠便一葉泛漁舫

自題畫

山山青不了極目最高岑遠樹橫殘照空江起夕陰雨添烟樹重雲
護草堂深地僻堪長任人幽許獨尋圖成還自賞披對絕塵心

登梵天閣

傑閣凌空起登臨意興兼浮雲拂檻宇白日下危檐水抱城腰折雲
分塔影尖僧閒無別事趺坐課楞嚴

晚過僧院

寂寂安禪地蕭蕭滿徑風溪流環曲陽天翠落晴空竹院虛生白楓
林半著紅爐香留茗話歸路夕陽中

秋日偕歸雲菴僧陪石丈登道場山望伏虎洞

突兀上層峯峯峯空翠一徑杳然深到此生遐思平生畏險巖攀

蹟或恐墜杖者導我前高僧把我臂縹緲白雲屯隱隱露紅寺高啼
風聲碎松竹吟清吹亂草沒巒腰山田方枯瘁行行向國絕嶺
隨心至塔影插遙天林烟含雨意不見伏虎人石洞自深閉何當共
結隱符仰謝塵事

曉起

鐘聲分曙色荒雞鳴清晨開路見殘月天空無片雲曉風檐際來吹
我几上塵檢點尋常事盪手爐香焚晏坐讀周易人世徒紛紛

湖上晚棹

微雨忽開霽湖光如此清好攜孤棹去遙見暮煙生天淨秋偏好山
高晚更明倚舷看不厭雲水足移情

蘭石詩韻

清晨入招提把臂共陶性日照潭影空雨洗秋光淨仰觀松雲書屋
梁猶輝映榻來謁遠公妙偈豁豁蹊徑客至試冰芽禪餘響韻磬

到處結清緣焚香此安定

庭中閩蘭不開一花作詩嘲之

孤芳不媚世空谷甘寂寞移種庭階前幽懷欣有託真意不在花勿
厭得氣薄不見木槿榮朝開暮還落草木有本性吾將藏吾樸

停琴竹月圖

夕陽下前山林樾窺方與囊琴必清響石泉繼幽聽天高孤鶴遠風
寂微雲定欲待寒光來披襟坐苔徑

冬日同周堅庵 鈺 過梅涇庵訪讀書臺遺址抵喜乃歸用王血襄

陽宿終南翠微寺詩韻
烟光蕩湖水荒村橫夕照天寒木葉稀野曠縱遠眺松風作濤響天
機暢幽妙逶迤涉前途清遊樂同調茅庵足小憩孤僧出迎笑相與
石橋坐隔林見野燒荒臺不見人高蹤逆雲騎瞻望弗能已臨風發
長嘯

前題用王摩詰酬張少府詩韻

黃雲飛隴首落日蕩湖心雁齒埋霜葉梅花寒一林讀書空牘迹堊
古欲移情與客尋歸路徘徊意獨深

祀龍

朔雪卷地風號寒龍神奏事升天壇豆子乾鬆猪頭熟家家酒肉釜

不乾杓長于五短說無已粉大膠良可冀
猗等犯干我家累世守貧約乞取利市非所歡
願菽水長飽高堂安

題畫

峭壁立千尋孤亭雲護深幽人抱琴去一曲遠山沈
晴煙蕩空際濕翠凝崖墮落日望漁家蒼茫一水遠
日暮放漁於江上志遊眺青山綠水間我意不在釣
紙窗酒飛雪詩思更清絕滌筆寫寒林無人共高潔
終日持竿往不得一魚來此中自有意山人莫浪猜
烟樹結層層青山行不盡欲訪仙人蹤白雲下相引

題畫

江村雨過欲浮嵐烟樹重重隔翠藍明滅斜陽絲柳外畫船撐出小
橋南

題馮柳東先生楊柳岸曉風殘月圖

披衣先鳥起江上悅晴曉曉和露陰沈春波烟線繞殘月墮沙嘴疎
星帶林杪何處一聲鐘隨風天外杳獨立發清吟超遙出塵表

題陸定圃以瀟西湖載月圖

湖光夕澄霽皎月升前峯峯峯照成雪萬朵明夫容幽人發奇興蕩
槳颺清風姮娥不可招瓊樓深萬重攬衣徑飛渡長嘯凌空濛如見
廣寒仙飄飄下青穹嫣然出素手贈以天香濃更攜流霞杯醉入蓬
萊宮高歌霓裳曲逸響驚魚龍我有少文癖曾窺臥游蹤西湖奇遊
想惜未支吟筇何當挂帆住放迹烟波中徧探六橋勝眼界一為空
况復光明境可拓萬古胸借君載之去清輝長相從

題沈歸鉅夢逸圖

吾生夢幻間終古為之然遙遙從羈役矧伊愁苦纏達人解其會重
觸忽忘天曲賦豈傷冲任真無所先形體久已化聊且憑化遷俛仰
終宇宙靈府長獨閒

荏苒歲月頽無以樂當年榮華誠足貴於我若浮烟正宜委運去朝
起暮歸眠情適萬里外八表須臾遠悠悠迷所留欲辨已忘言歡來
苦夕短雞鳴桑樹顛

鶴守菴圖

梅花繞處開無人共幽境孤鶴忽飛渡空山伴瘦影戀茲臭味同卷

此色香靜林月墜殘雪夜迴駐澄景時有仙人來踏破清夢冷

丙子生日

歲月不待人一去三十年深得困窮節無復東西錄豈不實辛苦任
真無所先草草謝屢設窺窺不見烟怡然有餘樂心住復何言
養真衡茅下於今定何年衣裳無新製虛室有餘閒所樂非窮通終
古為之然詩書敦夙好相見無雜言極遲延為拙心遠地自偏
鼎鼎百年內歲月相催迫人生似幻化我如當夫客益復知為親談
話終日夕衣食當須紀我唱爾言得四體誠乃疲素襟不可易
草屋八九間取足蔽床席弱女雖非男樂與數晨夕青松在東園遠
瞻皆奇絕懷此真秀姿我心固匪石願君取吾言勉勵從茲役

蓉洲秋爽圖

颯然秋意來汀洲競蕭蕭爽隔岸芙蓉花香風逗林芽月出烟柳疏露
下草蟲響展卷豁煩襟孤吟愜幽賞

倚樓聞笛圖

萬籟碧空路高吟人倚樓江邊何處笛天外一聲秋寒雁橫沙清疎
星帶荻洲倘逢桓叔夏乘月放扁舟

漢童語

秀才不知書孝廉父別居食字尚成仙人不如蠹魚君不見村農胸
中一字無爾然孝弟生民初

米南宮

江湖墮浩蕩一葉米家船造句銅關險論交石丈堅胸中志歲月腕
底空雲烟若遇洪崖子翻翻笑拍肩

題秋葉硯和淵湛夫人

琢成片葉古爛斑摩鍊英雄石豈頑一任西風感搖落獨留不朽在
名山

再題鶴守菴圖

日落月未出梅花溼上開山空人獨住天迴鶴歸來疎影橫茅厂仙
蹤留石苔披圖風雪夜詩思絕塵埃

題畫

老農力穡最關情杖來聽叱牘聲水漲塘泥深幾尺綠楊堤外挽
船輕

石壁凌嶒翠露封山莊林木望重重披圖漫說倪高士我是低頭黃

一峯

霜冷蒹葭水國秋與來一葉盪輕舟明吟溪上不歸去落日寒鴉噪未休

題錢小林梅花亭圖

亭前香不斷無數梅花林明月忽當戶幽人空此心舉頭見孤鶴揮手彈鳴琴應夢羅浮去雲山深復深

王雲潔聽泉圖

老屋面高峯飛泉響百重門前空翠落天半白雲封忽送千林韻能開萬古胸余將抱琴去相與聽淙淙

讀書臺

峻絕橫山頂上有讀書臺登臨慕真隱高呼通翁來為唱短歌行白雲翔蓬萊雙峯忽落日橋首重徘徊

讀書堂

洛陽勵志日蔚為風雅林恬復非奔競明君知此心昇平淚猶拭朋儕樂可尋至今空堂裏如聞銅笛音

自詠

陶詩歌字倪黃畫吟到梅花字亦香目不窺園心有主玉杯相對接公羊

會休

陶詩歌字倪黃畫仙樂佛音鸞鳳聲洗盡耳根塵不染性空千澗一輪明

輪明

壬辰新秋錢穆堂招同蕭又舟計蒜土曹杏江遊南屏即事

輕舟泛空碧烟光明前峯煙深不見寺隔水聞清鐘愛攜同心侶拾舟理枯筇筥徑轉深遠石泉鳴琤琮空亭不受暑相與憩幽蹤清談忽忘返長嘯開心胸行行至蘭若林外高僧逢為言時亢旱赤地愁

三農所望霖雨下黑雲翻墨浪願乞廣長舌咒起鉢中龍

題將仲離湘江思圖

渺渺思若何謫謫湘江暮佳人隱脩能幽情把毫素蘆月澄遠流竹枝墮殘露擬棹木蘭橈與君恣汎汎

已酉秋日陪岳笑山師浙春朱飛泉崧芳星河洛祥陳濬齋戴亮金杏園壽椿同游葛林園訪半願僧出示其虛梅花橫幅

案頭適有舊墨敗筆率爾誌此

同為湖上游尋僧入烟蘿葛林懷文莊國為梁文披圖與古會高僧不可作蕭疏留妙繪枯管試臨摹孤山正相對飽餐香積飯澹然心無礙寫罷臨吾師云得畫三昧

題夏古畫廣文畫曲江觀潮圖

丈夫眼界貫橫充乘風破浪過江去江上徘徊恣大觀波濤瀾拜奮武怒有如空中張素車有如天際下白鷺令我胸次氣浩然隨地騰湧過不住忽驚橫奔似雷行蛟龍烟霧相吞吐韓潮蘇海作是觀大塊文章頓可悟灑練一空芥蒂胸我欲從君共浴漱

題畫

湖流唱遠渚杉韻澹清風江上看秋色閒吟一釣翁

題畫

深畏塵俗喧山居事幽屏隔嶺疏鐘鳴風泉響逾靜有客攜筇來談話夷清若烟樹看不盡但見濛濛翠翠溼滴深林蒼靄復交至遠望白雲中塔影落秋寺

題畫

巖居屏塵跡泉遠入清聽為有幽人來呼僅掃蘿徑

題畫

老屋凍雲垂疏林寒霧結有客扶筇來相與沁冰雪

題畫

須花雲影上漁竿竹懶詩清現筆端幾點幽禽依釣艇故留秋色與人看

摹破琴畫贈陸定國

我讀破琴畫寓意轉高逸墨暈玄空濛不惟尚枯筆巖際石氣深林間叢翠密澗泉響石橋疑有烟霞出曠望長江邊帆懸數可悉摹贈素心人臥游在一室

題畫

來自湖邊寺杖筇過板橋山光千疊亂鐘韻一聲遙到此種心寂因之雜念消何當訪幽士談笑樂今宵

題畫

偶然石上坐談笑值奚翁不覺秋林暮前山烟靄籠

題畫

烟樹翠色鎖松杉結構危樓倚峭壁杖策曾嘗凌絕頂神游天際數
秋帆

窗下纒書相鶴經又構短棹過前汀朗吟溪上不歸去落日數峯天
外青

長松落日搖絕島幽谷風生盪白雲歸鳥欲棲羣動息行歌曳杖隔
溪聞

疏樹平橋水一灣高人曳杖晚來還丹邱畫意雲林趣只在青山澹
澹間

題畫

童子抱琴去高人吟未闌石泉有清聽一曲為君彈
溪瀾瀾千尋松濤響半嶺不覺入山深侵衣雲氣冷

春初草色齊歸雁落寒渚欲寄一行書故人在何許
山樓凝眺處清遠看秋山高舉呼黃鶴襟懷相對閒

不斷山村路尋幽獨遠行還將塵耳洗靜聽澗泉聲
董令茶

秀水董氏五世詩鈔

友人以詩見贈為祝母壽並索余書梅賦此題其福端

鐵崖居士老吟客索我畫梅出奇策新篇郵寄曼延辭來祝吾家慈
壽百揮毫數點暗香催不作嫣然舊標格鐵幹天矯活色生香若有神玉

物同奇關虬枝苦重幹都青鶴頂霞蒸砂半赤活色生香若有神玉
裝珠蕾乘時茁與所未到筆已至園兒童豈福非窄院底梅花伴歲

寒定知君壽如松柏故把繁英無數開為君返祝長生籍年年花好
壽無疆無限詩箋為君贊

許贊之先生壽辰畫菊花贈之

自裁清豔滿東籬欲與幽人共賞之只為湖山際兩地奇將粉本當
霜鞋

宅邊秋色最佳時壽客丰神若為披料得先生老逾健金英下酒萬
千卮

表忠觀碑歌

井中袞冕真人相龍驤虎步雄四方鐵履帝業全民命功在萬世超
尋常龍山建宇昭忠靈越域宮殿長輝煌豐碑高峙卓天地千載而
下見錢王風霜剝蝕鬼神護字青石赤生光芒憶昔異人九文武天
祚忠孝子孫昌褒功特啓妙音院壽以貞珉報馨香蘇公斯文善敘
事西山品評類歐陽更有荆公不厭讀葉揚座客費評量云是體裁
等年表驅馳上下與子長淋漓大筆追吏部注西之碑爭低昂金印
玉冊成却友高文於今重琳瑯公之斯文垂萬古宜與錦衣功並光
銘詞大書做在位勳此實畏慎勿志

秀水董氏文獻之家也夙聞以詩書畫聞於時者五世矣予既納

交於詢五詢五姓尹名宗會乃語之曰雲間王氏有十葉詩存近
之詩曰王氏七葉詩存君家五世亦有詩可得聞歟詢五乃出其
所輯五世詩鈔以畀予予讀之俊逸清新使人忘寐而海內承平
嘯歌自適楹書傳世不求聞達之高致亦可於此想見之習藝齒
之論繁仲皇也曰雖無名德重位世世作書生門戶見其書於
董氏今亦云爾博味若予又何幸而得友詢五且因之而得友其
兄東蘇蘇氏名長壽耶東蘇善詩又善書詢五乃善畫是皆

秀水董氏五世詩鈔

能繼志述事各得父之一絕而工書畫文當世能三絕者
問以文詞名其第之傑以勇力而不墜家聲者也今之若是者
幾人耶讀竟并以所知五代六先生之履歷履歷生平經歷之事
其履歷法華則其履歷不註於姓名之下焉癸亥十一年
徐珂仲可識於上海寓廬

張

氏

藝
公

文

海鹽張氏託上海商務
印書館用活字排印於
民國十七年四月出版

吾國有史以來歷數百年必有一大亂亂之方生士大夫習於頹靡恒怯無所措而獲悍無識之徒風起雲涌競以武力相尙本其殘酷之性濟以平日忿怨之氣所至之處一切破壞無所顧惜吾輩生古人後欲求一千百年前之宮室器物而瞻望焉摩挲焉不可得也焚書之禍麻秦而後無復再見然試檢歷代藝文志其書之存於今者有幾蓋不亡於帝王之火而亡於民衆之火矣而猶謂詭然誇於世界曰我四千年之文明古國也能不差乎能不差乎余家海鹽號稱舊族歷數百年讀書種子不絕家乘所紀先人遺著凡數十種中經洪楊之亂大半散佚余蒐求數十年所獲僅什二三最後得張氏藝文二卷爲桂垣公華胥公之作明季樸全公所刊一稱天香館一稱鼎泰堂意必彙刻先世遺集不僅限此二種不然如以成公之被薦賢哲克明公之刻意經籍敬哉公之旌獎德壽龍洲公之遺愛八閩親泉公之崇祀鄉賢寧無一字之留貽者是必張氏藝文序

張氏藝文序

一 涉園叢刻

闕獻之亂禍及文獻甚於洪楊先人手澤爲家乘所不載不傳於今者不知凡幾也余生也晚丁茲世變懼祖德之隕墜舊存家集先後印行已如千卷其專集就佚或偶有題詠散見他書者成爲茸錄次之凡得二十八人仍以天香館鼎泰堂詩冠於首總稱曰張氏藝文承樸全公志也繼自今民智日啓世局演進其必不復有闕獻洪楊之亂茲之所集吾子孫孫其或能永保勿失乎戊辰春海鹽張元濟謹敘

張氏藝文目錄

- | | |
|---------------|-------------|
| 張大有 詩十七首 | 張季文 詩三十四首 |
| 張奇齡 詩十八首 | 張宜齡 詩二十四首 |
| 張頤 詩五十首 補遺五首 | 張肫 詩三首 |
| 張阮 詩二首 | 張胎 詩三首 |
| 張本涵 詩一首 | 張宗枏 詩四首 |
| 張元龍 詩八首 | 張宗枏 詩四首 |
| 張宗樸 詩六首 | 張載華 詩五首 |
| 張宗本 詩六首 | 張柯 詩六首 補遺一首 |
| 張謬 詩二首 補遺一首 | 張訥 詩二首 |
| 張玉輪 詩十三首 補遺二首 | 張玉臨 詩三首 |
| 張鶴徵 詩八首 詞一首 | 張玉田 詩二首 |
| 張鸞振 詩五首 | 張雲揆 詩一首 |
| 張慎 詩六首 補遺一首 | 張默 詩四首 |
| 張秉綸 詩一首 | 張世基 詩六首 |
| 張以壽 詞一首 | 張應奎 詩三首 |
| 張孝思 詩六首 | 張家聲 詩一首 |
| 張壽康 詩三首 | 張大任 詩九首 |
| 張德明 詩十九首 | 張劉冠昭 詩十一首 |

一 涉園叢刻

張大有

秀水朱國祚太學桂垣張先生傳 傳者傳也非三不朽曷克傳桂垣先生余少讀其文知其人可以傳嗣君孝廉質侯泊余子大猷同榜同門誼篤知益稔一日孝廉過從道其先人一經勿售泣下沾臆曰願得先生如椽起白骨而肉之余感其誠爰為之傳先生姓張氏諱大有字思謙桂垣其號也為雙泉公采長子生穎異博聞強識治蔡氏書弱冠傳諸生事父母王母謹友愛諸弟以兄兼師且晚督訓帖括成名備有長枕大被風王母虛節婦勸所天卒歲鮮色喜每子夜聞伊唔聲為之粲曰此兒當大吾家不負吾一生孤苦為文雄沈古宕嗜五經性理先秦兩漢文弗悴手錄硃墨淋漓甲乙詮注每試輒高等冠軍三食饋蚤督學諸公成國士器之一時同社賀令尹雲樓彭比部冲谿劉比部陳南采外翰玉泉晉推狎主齊盟奉南指踵接成名士先生七鑿浙棘弗售文宗先正學不逢時點額劉費厥有絲也或勸先生時趨先生正色曰讀書務本實踐窮理致知豈弋獵青紫已哉先生名愈噪郡邑大夫咸借西塾而金閭姚江海昌雲川罔不負笈擔簦執弟子禮先生立教首德行次文學及門蔚荷遐邇更僕難數同邑錢刺史惺吾沈茂才蓮洲輩其白眉至陸茂才部偕其兄郡先生於其韶年即奇而教之皆舉奇童部弗齡中乙榜九人占先生冰鑑先生雖艱一第志不在溫飽凡國家禮樂戎兵刑獄錢穀迄歷代治亂興亡政事得失隆中論斷當世心折隱然文正秀才時天下自任先是某科先生卷落某房已毅入緣邑侯某類科首選先生是科侯減諸生里道費羣罔然相戒毋謁謝先生亦勿往侯銜之會同考見而抑之則先生之數奇也而亮方不阿所

張氏 藝文

一 涉園叢刻

好概可見已先生逾艾志勿衰迨升貢南雍載戰載鍛其羽始浩歎命也何復與造化爭途裹足掩扉出所藏編迪子曰吾未了志願付之兒曹間則偕二三故舊挈壺攬勝分韻賦詩蝸角蠅頭勿問也先生搗謙嫻睦慷慨慈和重然諾夷寵辱與人交白首不貳至愍外母陳之嗣迎養終身喪葬如禮尤古所難操履醇備正誼明道澹泊寧靜殆其人乎蔣播人名族媛姻內則先生壹志制業不治家人計賓戚凶嘉應酬居平米鹽零雜鉅纖賴之綜理先生歿齒無內顧憂蓋梁鴻之似樂羊子之妻云

送龍洲兄廷試北上

長風吹柳繫離情畫鶴朝飛動遠征十載功名曾比翼三千禮樂獨蜚英纒紆驥足追先進始信龍頭屬老成翹首五雲天際見應知大對說蒼生

張氏 藝文

一 涉園叢刻

方今天子重公車多少英豪每曳裾鮑叔正當推轂日賈生初上治安書池邊芳草年逾綠徑裏梅花意自如他日泥金來報曉佇看佳氣滿門閭
句曲道中雨後同學豐丈

四野陰雲幕地生翩翩公子踏沙行蒼松引佩風成隊碧草銜珠水作程老驥豈能終下乘神蛟端合奮滄瀛白門秋老真堪羨怪底先雩玉露榮

贈江右習君

習家池館舊綿袍何幸翩翩挹鳳毛玉表乍開千樹曉英標端傍五雲高庭前詩禮推山斗海內文章屬俊髦況是白門秋正好願追騏驥沐重褒

遊牛首山同鳳洲湯六丈懷蘆下一丈學豐馮三丈

北固峯高幾欲登偶來偏喜趁秋晴千尋古樹穿雲迴百丈流泉出澗鳴塔影倒涵山日白梵音齊唱晚風清十年幸得酬知己莫事躊躇負此行

雲陽歸途

秋風捲地客東歸無限塵勞滿目非白鷺溪邊徒隻影黃花徑裏未全緋天涯
遊子思行李旅邸慈親走重幃時吳淞一士夫婦獨有一枝偏嬌娜頓令馬首
幾依依

答徐秋沙

適歸自禾承秋沙社長以見懷詩示教卽武原韻奉答并謝

黃鶴高飛久不還卻憐洪客獨登餐氣凌五嶽丹霄迴詞倒三湘白玉寒秋淨
瑤臺曾共眺沙明員嶠好相看鏡湖自昔饒風景安學投簪操倚蘭

初春雨雪

咄咄書生鬢已皤那堪風雪入春多問關好鳥聲猶澀爛熳花名景尙蹉蕭瑟
獨嫌詩思煩烟霧誰共醉顏醜幽窗寂寂渾無賴深媿當年馬伏波

張氏藝文

三

涉園叢刻

同玉泉丈郊外觀梅

幽香一種傍城隈攜杖相看首重回不但浩然能踏雪也知和靖占先魁折來
驛使憑誰寄沁入詩脾取次裁爲道江南春信早調羹應待出羣才

送直卿兄尹永福

琴堂乍啟午風輕使節誰諱夾道迎自是福星當一路須知利器握專城恩露
雨露圖書潤氣轉洪鈞物色榮况是河陽花正滿獨憐池草不勝情

海上祥光正早春東風搖曳接驂馳向來桃李雄三輔此去絃歌播八閩白晝

公庭閒鳥雀青山几案理絲綸鱗堂自昔稱佳慶奕奕聲名徹紫宸

贈心泉崔丈且招入社

名園開向少城傍識爾雄心尙未償白雪調高驚別鶴崔有別鶴詩綵雲光燦見橫
塘論文忽憶榮桑侶彈鋏應憐玉樹行麟閣自來君舊業肯同潦倒賦滄浪

答沈介林翁

偶同仙杖綠陰傍樽酒相酬興欲償徒倚白雲流海嶠坐看青草長池塘幽心
已逐禽魚伴壯志空違鷓鴣行攜手歸來明月上數聲漁笛在滄浪

和徐秋沙丈

海上秋高灑氣開百年幾日此登臺紛紛落木玄霜下杲杲晴空白雁來蕭瑟
尙蓮花滿徑歡娛何意酒杯相期凌絕巖頂安得乘槎帶月回
九天晴日午雲開攜手同登海上臺古木露樓榮復瘁寒濤風捲去還來籬邊
尙藥陶潛菊檻外空傳袁紹杯獨媿予才非作賦漫勞佳句兩三回

悼門人陸謨廷

經便年少力攀龍頻歲黎然丙夜同伴爾鵬搏名日下鷲君蝶夢賦天公子淵
短命生賢任伯道無兒樹德空義重不禁分灼艾最憐原鶴泣西風

張氏藝文

四

涉園叢刻

輓門人陸雲津

才名二陸氣豪華快我傳經塾爾家六載燈窗思曷已千秋道義愧無涯曩憐
玉碎長鳴咽今慟珠沈重嘆嗟贏得赤難堪奮翻清臺翹首表天街

附候龍洲兄簡

隔歲言別翹首燕雲未嘗不搖搖神往冬仲奉華翰知我兄手足之愛不以
遐遺五郎倅列子矜亦辱芬齒骨肉綫繆有加無已深切感佩聞我兄遂養
倍常且器重諸大老間名益隆學益贍清秋奪錦開歲聯鑣當立金臺一大
赤幟與吾鹽湯劉諸公後先相雄長今春方融池草欣榮如椽更作何狀弟
每從寤寐儼然如對但株守海濱殊乏佳况少俟或上留都作白下遊恐不
克赴遠注也大姪雄文鳴世二姪克家訓子足稱家千里駒我兄福德隆茂
正未有艾如弟止有望巫氣索再家使來京敬附一緘馳問興居伏惟順時

珍攝以應不日天眷

張氏藝文

五

涉園叢刻

張季文

海鹽縣圖經 張季文字質侯舉壬子鄉闈與從子孝廉奇齡齊名比
 林下二阮天性簡穆謝世務日閉戶讀書或為詩歌以寄與與人交澹
 而能久館于高足劉子元家二十年如一日也未及中壽卒
 上饒鄭以偉孝廉質侯張公墓誌 質侯張君余不穀壬子典試浙闈
 所舉馮也先是質侯為同考官生游公弁取薦額讀其文超秀研密意
 必醇備息深俠烈其人乎既又得文孟朱君卷不相軒輊兩皆尚書傍
 徇久之勉置魁選撤棘來謁汪度丰儀昂然丈夫私心得士慶乃一再
 上公車凶問陡至素車白馬道阻且修唁賻空馳可勝淒斷越歲質侯
 從子孝廉符九持其遺孤竄齡狀泣請予志曰從父一介草莽辱公國
 士知慚負所天但生以公攜死必公表竄石之石匪公無敢當乞一言

張氏藝文

六

涉園叢刻

生死不朽余惡能辭按孝廉姓張氏諱季文字質侯別號華胥國子公
 桂垣又次子文章節義夙有紹明幼不喜嬉度若成人六歲就外傳經
 史左毅游目成誦十二從名賢武原朱先生元弼學即善屬文靈機泉
 涌藻思雲蒸出人意表先生為邑宗匠負笈戶屢滿獨奇質侯越歲督
 學林公第一補諸生曰此汗血鳴駒行當千里飛去民部袁公主粟過
 海上質侯持文往謁驚訝曰此童子秀才殆非常兒國子公喜曰我一
 生辛苦艱一第此子必不長貧質侯攻苦力學日偕文孟朱君讀書慶
 壽山房風雨晦冥砥礪勿輟業益精一時社友侍御彭公天承憲副沈
 公原萬方岳許公合若比部王公樞寰咸推執牛耳會伯兄歿時弱冠
 哭之慟負其孤教之恤之曲慰二親至不知戚西河粉里咸以閔曾重
 之辛卯從父文學杏里歿之後遜立兄仲孝得量授田愀然不為毀始
 分授弗染甲午邑令止庵王公錄科首雋質侯屢試高等應闈試凡七
 壬寅補增副卷不售癸卯國子公病侍湯藥坐臥不離左右者數月卒
 哀毀骨立殯殮務豐不以家涼節壽每馮棺一慟失聲幾絕國子公析
 產時仲兄出繼例不與意質睠子姓胥相顧不語質侯毅然以此菲薄
 莫匪二人櫛沐風雨臥嘗膳薪所致安忍不以悅親首白願惟命國子
 公限亦色喜國子公歿事母蔣孺人益謹清溫靡間母性好款語質侯
 頻引古今佳話母為解頤丙午母卒五七飯僧設薦一哭嘔血伏地恍
 見母地下起殯力喪葬如父質侯歷落數年中哭兄哭叔哭父哭母哭
 妻哭外父哀鴻銜恤風木長號鼓盆重戚瓜葛分痛涕淚洗面日困愁
 城融融復崇礁類無遺左右支吾肘襟畢露憂危坎壈有朝夕而考
 古證今靈明愈湛論文制藝解悟益超非宿秉慧根當不如是壬子寶

與質侯憤發治舍謂此戰不售當焚書投筆披髮入山矣邑侯認齋齋
 公負冰鑑類科冠軍以天下士盼昧遂魁浙闈名藉基王司忌奇南宮
 運蹶下帷憤悱心口卒瘞里舍經營形神况瘁乙卯再上公車時全魯
 洵飢流亡載道質侯撫轅嘆情見乎詩讀之子邑先憂後樂萬物一
 體質侯良足當之其為古所難者仲兄出為人後歿復經紀後事保護
 遺孤憫元配王孝敬拮据齒及雪涕慟繼奴王誕允廣業撫前弱息欲
 守曾子王駿之義雖以藐孤續奴每自道念卿淚未乾外父月樓王翁
 家饒乏嗣嗣子歿宗人羣譁力為排解立後王氏遂定嗣以金弗受族
 黨高其義以張孝基再世翁配黃從婿老事之如母閱歲十餘喪葬如
 禮內舅王翁卜壽域得吉于質侯膏壤慨然與之姪某不克娶引為己
 辜急為之購林某窶人子念載設塾當湖袁有脩脯為好所拾覆嫁重
 張氏 藝文 七 涉園叢刻

王公女再繼馬孺人世肖晚川馬公女女士天釐賢淑適著子寬齡海
 甯庠生娶構李外翰昆吾王公女即繼奴王女姪女三長適茂才願元
 碩次適茂才朱鏡前奴王出次適劉治與寬齡俱繼奴王出孝廉生隆
 慶辛未十一月十四日未時卒萬歷丁巳六月十九日戌時年四十有
 七元配王孺人生隆慶庚午十月十一日巳時卒萬歷辛丑六月初九
 日戌時年三十有二繼王孺人生萬歷壬午十月二十九日午時卒萬
 歷庚戌六月十六日丑時年二十有九馬孺人生萬歷己卯四月初三
 日子時卒萬歷庚申四月二十七日戌時年四十有二以天啟乙丑十
 二月初十日丑時奉柩合葬于北關外之新阡而為之銘曰西京之制
 孝廉特隆名實勿符古誼攸敦緊三不朽曰功德言至節雄文如君鮮
 匹道堪型式風足羽儀予以千秋奪之一息歿安生順歸于其居樹滋
 張氏 藝文 八 涉園叢刻

發祥繩繩螿螿
 壬子重寓天長寺
 韶華過客迅如流挾策重來覓舊遊紺宇依然瞻慧日朱顏倏爾變霜秋多君
 青眼風雲許老我枯腸竿瑟愁天地自寬偏我隘英雄涕淚向誰收
 瞻拜岳武穆墓
 千古精忠廟貌崇孤墳兀自有高封可憐寂寞諸陵骨蚤已茫茫衰草中
 過岳墳宿子墳
 孤墳遙對兩山頭人世惟應正氣留熱血一腔無地灑卻翹千古茂松楸
 戲題扇扇
 物情好醜亦常借手扶搖一樣涼莫道秋來便無用桂花叢裏撲天香
 中秋後五日夢先繼內君王夢中有語

朱弦再鼓悲還絕兩易春秋日嗚咽何來此地尚依依精神造化分明說我自
念卿淚未乾卿亦憐予魂豈滅醒來殘月照窗櫺孤枕空餘淚成血

臨淮道中

聞道臨淮近征車冒雨行馬蹄迷故步雞肋愧微名煙鎖人家隔雲封山徑深
幸瞻湯沐地何日是燕京

迎春日思鄉

遙憶風光徧海城滿街仕女踏春行朱樓霽影連霞燦歌妓嬌喉共鳥嘯駿馬
馳來傳柳信畫船預作探蓮聲我今空寂一羈客希里看花何限情

過徐州哭外父海山王翁四首

慘澹陰雲日掩啼翁今旅魄竟何依故鄉不盡江山恨應向寒鴉帶影飛
釀酒無從意惘然臨風空憶大招篇茫茫客舍知誰是幾度低回馬不前

張氏藝文

九

涉園叢刻

去年含殮已無親執紼今還少一人不是報翁恩誼薄可憐死葬隔關津
每憶遺鞋淚欲流思翁併作十分愁傷心只恨逢年晚虛負相期二十秋

曝背老人

車馬縱橫門外過蠅頭角逐長途老人曝背茅簷下爲問行人知也無

晨行卽事

雞聲乍鳴急征鞍月透清光風送寒兩岸蒼葭渾點雪卻教極目盼長安

除夕抵京

壯行初試入長安希里風光馬上看市有黃金知骨貴囊懸白璧騰光寒雖驚
歲月隨殘臘喜見韶華又履端况復得朋家小謝明朝再醉五辛盤

癸丑春仲朱君升年丈邀同門昌化章際元江山徐菴心新昌潘我白秀

水金雙南賢朱文孟陸道符諸年丈遊御園海子植駕幸壽皇殿喜而

紀勝

獻策瞻仙仗尋芳躡紫宸砌花疑解笑官柳若迎人鳳閣依雲近龍舟倚日親
妝樓餘黛色員殿接華津御苑深如海瓊林遍是春乘輿臨萬壽贊介媿微臣
遇合誰爲主機逢若有神瞻顏非迴隔借箸可前陳踉蹌重關越氤氳兩袖新
歸來歡劇飲簪筆紀良辰

京邸答訪沈原萬值雨有感

匪學趨炎輩多君施偶先前途經雨溼投刺悵予傳來往皆無意親疎別有權
應知昏夜客多少乞哀憐

其二

四十無聞我交情抱癩疴貴人隨浪長寒士逐塵多昔是論文定昨猶折簡過
聞人望冠蓋奈未識吾何

張氏藝文

十

涉園叢刻

道中卽事

兩歇正清曉歸途早促裝淡煙籠樹色霾日漏波光地識江南氣山踰薊北霜
可憐芳草路空踏馬蹄忙

劉子元育女

王母池邊下小仙蘭閨分得美娟娟一枝先報芳非信百葉從教次第傳爭道
瑤天占瑞氣况當寶筵正齊年韓慈壽古報劉好把屠酥勸歲歲欣看茁玉田

悼老僕李能癸丑夏

僕遼追隨二十年赤心一片獨殷然蠶時可罵還堪笑好處堪嘉復可憐有酒
鯨吞軀不惜無錢蠅逐夜安眠主人貧病依依久未滿相期遠九泉

立夏茗溪思歸

瞥眼春歸去看花非故鄉千峯雲樹暗十里吟茶香道味無過淡禪心不惹忙

忽看飛柳絮僕子促行裝

讀坡翁問琴偶戲下轉語

偶云若言琴上有琴聲放在匣中何不鳴若云聲在指頭上何不于君指上聽

若言琴上無琴聲彈向指頭亦不鳴若言聲非指頭上何不于君匣裏聽

輓劉伯臨

造化闔靈氣懷奇殞茂齒嗟此漢王孫短于顏氏子封股壽親生嘔血爲書死
天池摧鳳毛玄室斬麟趾二十名未成百年景何駛藉有智無涯大年只如此
贈潘道尊奕世高懿

筍江有逸叟萬石君儕偶邂逅道遺金默默爲伊守傍徨驚復疑輾轉暮夜思
行李寂然主人訝四旬留滯將奚爲道傍吞聲誰氏子自言金盡惟一死笑指

張氏藝文

十一 涉園叢刻

囊頭阿堵存慷慨授之如脫屣卓哉高誼凌蒼穹千秋喬木生華風孰云盛美
鮮繩武賸有弓裘紹阿翁濯濯明珠號南浦更有瑰行高千古一豎爲苗伯氏
危百身莫贖甘封股陰德長祥受帝恩蟬聯甲第緜後昆謝家玉樹且莫數燕
桂庭槐未足論吾師岳牧懋綏祉矧覘燮亮襄天子欲知世澤幾許深試看筍
江源源水

道中流民有感

到處停車只說荒瘡痍載道悉逃亡伊誰畫卻流民狀哭爲蒼生請發倉

宿三家店次壁間韻

半生魂夢未能平幾度令人按劍驚自媿歲華真浪擲敢乘春早發光榮漢槎
猶幸支機穩周道從教如砥平咫尺五雲梅有信上林好去聽啼鶯

乙卯除夕四憶

憶符九姪

把酒堪嗟小阮除昔年此夕慰風沙可憐秋老池塘草誰共春風上苑花

憶婦子

牀頭離卻呻吟婦膝下拋將同字兒千里信音頻日到不禁魂夢五更時

憶婿姪

骨肉相依本俗緣怪來情緒去還牽人生總向離愁老兩地相看又一年

憶劉子元

傳來雁字黯銷魂縮地無絲有淚痕千卷標緇一杯酒梅軒猶記月黃昏

都門新月

春仲二月哺新月朗然時與諸丈散步有謂春五月盈而然有謂借日光未甚下而然有謂都門天較低每夜星斗去簷不遠諺有之北京月

張氏藝文

十一 涉園叢刻

豈比別處月其然俟詢之天官氏

笑道皇都月不同何來此夕已懸空釵橫敲斷應沈海弦細希微欲上弓豈是
哉生隨日影卻疑晦朔轉玄穹高天不覺燕雲近翹首明光尺五中

仇敬父兄冬孟五日懸弧社中稱觴爲壽予病不及與遙贈

吾儕兄弟束髮時榮光相照爾若居風生意氣爭相許後先策馬馳天衢斗酒
耳熱燒高燭淋漓唱和開元曲秋月春花興不孤尋芳攬勝趣常足敬父逍遙
藐世緣社中差長諸少年清標疑是陶元亮爽氣渾如李謫仙咄茲彼此皆僣
蹇授經先生顏面轉英雄拓落漸瀟然酒債花情恩分淺去年此日惠好申酬
錢遞慶懸弧辰三萬六千可行樂誰知榆景頻催人喜今冬孟屬敬父憐予善
病艱步武咫尺山陰阻過從心旌飛越陪歌舞莫言無酒暗綠慳有酒還嗟聚
首難人生有幾好兄弟忍無片語祝南山初年予最稱小子今日肩隨亦老矣

但願年年介壽耳

送玉川禪師歸終南二首

草龜兀坐竟忘眠解道蒲團湧白蓮日夜潮音隨法轉海東應是接西天
金光幻影亦虛空自有慈緣到處逢飛錫碧空秋正淨等閒秦越孔毫中

張氏藝文

十三

涉園叢刻

張奇齡 詩十八首

浙江通志 張奇齡海鹽人宋丞相張無垢後父綱有隱德夢唐相張
九齡與騎入室而奇齡生故名齡字符九奇齡幼穎異八歲徧讀經書
九歲能文祭酒馮夢禎奇之弱冠登鄉榜第九人開講席西湖茗嘗問
與黃汝良韓敬相切磨華亭董其昌張鼎爭聘之使子弟游門下奇齡
名益高巡撫劉一焜徵之主虎林書院奇齡一無所干謁老病謝公車
著國家大政筆記六十卷未成以疾卒以子惟赤貴贈中憲大夫崇祀
鄉賢
海鹽縣續圖經 張奇齡字符九號子延宋贈太師橫浦先生裔世居
海甯至明遷鹽之聞琴里代有隱德祖申萬曆初潮益建議開新河分
殺水勢父綱夢唐相張九齡與騎入室而奇齡生故以爲名字焉公幼

張氏藝文

十四

涉園叢刻

穎異十二歲補博士弟子員文學雀起最爲祭酒馮具區所器重萬曆
癸卯年十八秋闈試畢以文呈馮公馮公方置酒湖上語坐客曰此文
當發解否亦斷不失房首坐客愕眙未信榜發名果第九是夕宿於舟
中馮公遣使馳報漏下四鼓鄰舟寂然或疑之使曰奉馮公命十名以
外可無庸看故速爾馮公管序其文稱其氣沈骨堅且曰以舉子業擅
名細事耳勉其大者可也其後凡十上公車不第然身愈躋名愈高志
亦愈堅研窮濂洛之學開講席於西湖茗嘗問與黃貞父韓求仲沈無
回諸名流互相切劘華亭董宗伯其昌及張少宰鼎爭延致令子弟遊
門下四方學者稱爲大白先生云撫軍劉公一焜徵之主虎林書院公
一無所干謁莆田林侍御慎日來按浙公素交也不往謁邑令樊公維
城每造廬第相與抵掌揚推古今不一及私也其方正耿介如此嘗訓
學者曰古人讀書各有原本如焦氏京氏之於易大小夏侯之於書公
羊穀梁之於春秋杜元凱之於左傳皆竭一生之精力或合一家之研
摩故其著述卓然足以自見今則買五經旁訓一部獵取古奧數語置
文字中斑斑剝剝便侈然自命爲經術矣掇拾性理腐語以飾其固陋
周程張朱諸書無論體驗尙未寓目已傲然自命爲理學矣取塗愈多
而心術愈僞施功愈捷而收效愈換故與爲經術不若爲真詞章與
爲理學不若爲真訓詁也聞者歎爲名言自謂恆於冷澗中覩出聖
賢機關作用處故讀經傳更覺有味其論史事有曰趙韓王對藝祖云
臣以半部論語佐陛下治天下以余觀之普尙未識信字何論半部甚
矣普之誕也聞與人談時藝則曰今人惟祝時藝爲獵名位釣臭腐之
具故一切游詞卮語叢集筆端不知古帝王將相聖賢豪傑之大肯綮

俱在五經四子中即在八股中祖宗功令固欲借文存質借經生帖括
存經傳典禮以挽天下於唯唯盱眙之盛也觀其言論可以知其學術
公蓋因馮公言勉其大者而不徒以舉業見長矣所著有鐵庵集存笥
集識大編問業紀事諸書以子惟赤貴贈中憲大夫崇祀郡邑鄉賢

渡瓜步

岷江直走七千里飛出夔門下揚子畫斷中原十二州滔滔獨自開南紀孫郎
一旅來江東未朝天子先稱雄魏文會獵事未果荷堅投鞭力亦窮潤州城西
瓜步樹煙水微茫盪海霧橫江鐵鎖竟銷沈何處尋求五馬渡猶記昔年少壯
遊畫船角吹咽中流卽今樺木哀窮鳥聊爾忘機隨野鷗布帆一葉簾花曉細
雨輕風身渺渺萬里扶桑指顧間扣舷一歌天地小

蓮塢晚坐

張氏 藝文

十五 涉園叢刻

孤村細雨落疏花繞屋鳴鳩喚種麻臥聽一林煙外磬一峰正對晚晴霞

柳上招提憶友

水郭招提淨層層鐘磬深妙音空色界晴鳥散春陰落魄難爲客扁舟共此心
那知江海際一騎日駸駸

夏日晨起

爛爛晨星稀垂晚光發攬衣步庭除清露濯我髮葛衣不被肘皎然侵肌膚
野人寡所營坐此悟下月久之朝霞升遙與海霧接開軒納早涼琴書亦盈囊
倘無世事櫻高臥存靜業

西湖僧寺

蘭若帶巖隈芸窗倚水開未知龍出聽疑有鶯飛來香氣連庭桂疏風落晚槐
貝經翻誦處壯士亦心迴

海上

海上層層列戍城高風落日見懸旌蜃雲正對口門結繩鼓遠連角吹鳴井邑
牛羊新有禁魚鹽狙獒故多爭猶聞父老茅檐語此語當年見太平

柳湖舟次與董思翁老友

久與君相對那知老已侵饑寒常簡出風雨獨長吟且酌一杯酒重論昔日心
霜江來暮色鷗鷺共追尋

海岸煙波闊空灘雁鷺長故人同老病落日共蒼茫少壯難回首桑田似故鄉
賴君發高唱得意在清狂

聽琴

松風掃石磴蘿月滿夕陰吾友靜者流往來共披襟雖無斗酒樂亦可絃素琴
願君一拂拭寤寐懷所欽不爲廣陵散不爲梁父吟試爲猗蘭操悟此望羊心

張氏 藝文

十六 涉園叢刻

高山自爲高流水自爲深曲終無一語相忘古與今

超霖和尚靜室

蒲團安勝地斗室見諸天海上 一峯秀窗中萬象懸春簷啼乳鶴古鉢吐青蓮
何日塵機盡來依惠遠禪

與超霖和尚談

浩浩江湖水滔滔日夜流彭殤同有盡田竇幾時休野衲無多事秋風亦白頭
與君坐談笑咫尺是仙洲

開歲三日置酒東叔氏華胇

歲歲韶光不負人重將曉色報新春海天雲物無多異暮齒嫻朋轉覺親羔酒
未堪諸父醉詩書不厭老儒貧眼看殘雪初消盡何物風光又及辰

柳上禪院

小結招提澗水涯月明如水護葦葭鐘聲低送潮音落幃影平分雁序斜雲海
千層同噩夢滄浪一曲盡忘家我來欲問津梁處古佛無言手弄花

思友董香光

宛彼露葵植我中庭有客戾止言采其榮予以烹之亦孔之馨以進我友陶此
天真

燁燁芙蓉在江之湄言往從之我用是怡逝將去之于心有違道阻且長有懷
如饑

飄飄鴻雁卷舒有文柔風引吭入我南雲嗟我君子寧不樂羣永言無斃好德
維勤

樂彼之園有菊始花衆草不萌其芳孔嘉麗以栝柏被之雲霞同心之臭千里
匪遐

張氏藝文

十七

涉園叢刻

渡蘆溝橋

萬疊西山翠色迎一鞭落日近神京十年五渡桑乾水倦馬頻嘶不肯行

張宜齡詩二十四首

海鹽縣續國經 張宜齡字樸全號儒伯孝廉季文子生秉英委就傳
力學博極史漢唐宋大家幼失怙恃哀毀中禮事繼母委曲承志嫁幼
妹資送甚厚體親心也名噪甯岸益攻苦與孝廉黃耀如從兄奇齡調
元論文講藝寒暑勿輟屢入棘闈數奇不偶杜門卻掃詩酒自娛晏如
也置祭田輯家乘纂世藝身任不惜勞費若助婚代葬焚券行之勿倦
邑令湯令其升器重之兩舉賓筵壽六十五而終著有佩言我娛初錄
等編

海鹽鄭宣文學如伯張公墓誌 公諱宜齡字如伯號樸全系出文忠

公後元末有諱留孫者避兵海上入明被徵不就因家焉子孫遂世爲

浙之海鹽人八傳爲公祖大有負學行以康例升宮成均文章經術屹

張氏藝文

十八

涉園叢刻

然爲海內斗山繡水朱文恪公國祚嘗爲立傳父季文萬曆壬子舉人
崇祀鄉賢公其三子也生而魁岸擬重具器識甫就傳即游日成誦長
而志力矯勁學不專博士家言孝廉公絕憐愛之常榜其齋曰能貽豈
必藏是金肯構試看堂有玉蓋厚望之也年十五抱文謁秀水金雙南
銓部深器識之曰此張氏白眉也公歸益下帷發憤矻矻不少懈每拈
一藝必獨標新解清藻颯發庚午受知於武進鄒公嘉生先是鄒公衡
文嘉屬公格于外內艱未服闋至是選士武林遂得採芹海昌一時同
舟獲雋者九人張氏居其半人文稱極盛焉然公雖籍名膠序恆肆力
於揣摩不以寒暑輟業居常惟好友三四輩時共論文角藝士非參元
氣者不得一規其眉宇爾時先輩若然水寫伯明海昌范文白查伊璜
暨同里胡孝轅徐印臺支子壬劉子元姚叔祥陳則梁陸鳳書諸先生

皆以文字知敦麗澤之好者也而性尤恬退不屑於奔競以故前後郡邑長佐往往藉文章為特達知從無片牘之入邀盼棘闥屢試雖再願再北終抑抑自下安以時命會勝國季中原擾攘戚友凋殘遂絕意經生業每一僮自隨探幽勝訪故識時或焚香兀坐手不停披凡經史百氏以及累朝典故經濟諸書無不洞晰理窟遇花晨月夕舉觴對景流連忘倦間為詩歌小詞亦不俟推敲彙脫即棄去故工於詩而不以詩名於時稽古格言手錄二十餘卷以為省身克己助顏曰張子佩言又嘗探輯遺聞韻事彙而成帙名之曰我娛錄晚年當道疊薦賓鄉飲兩叙名憲曹公辭曰吾儕讀書窮理而不能匡國長民少抒其素抱徒曳絙掖以與達官長者相頡頏亦奚面目為卒堅謝不赴丙午春邑大夫湯公其升式廬固請親知亦為憇慮始勉出一聽鹿鳴非其好也生平孝友出自天性痛孝廉公早歿奉繼母馬太孀人承顏順志服食與居之需罔不畢盡孝養初太孀人以厚值得外氏欣田若干逮太孀人病尋劇馬宗人以公非太孀人出求歸其產公慨然歸券無難色上世祖墓歲有祀而費苦無措公力割己產以歲入為春秋需通宗至今沐浴其澤兩從兄歿卜兆得吉於公壤公曰若翁吾同氣况而安所親正孝子事也吾豈吝此尺土為卒授之地而不責其值蒼頭徐某替人也與同里角一夕誤經他姓之門某紳挾其子以為訟公廉得其狀即為具棺殮通邑為之稱德邑有某負通期割所愛侍兒以償公曰吾豈以錘刀末地而白頭好乎終身不償責同族某貧不克葬公曰予責也即為窆窆之他若修譜牒以收族明姓系之流委輪祭田以展孝思遇歲歉必首唱設糜以賑捨棺掩骼助婚嫁戚族貧乏者養予賙給之此又陰

張氏 藝文

十九

涉園叢刻

行其善而德配王孀人貧佐之力居多也孀人故橋李學博德晟公女有麗聲年未笄歸張競競惟婦事是謹莊靜有度無纖首膏脣飾尤不廢女紅事操家乘勤儉米鹽瑣屑一不以聞公公素親孀人每為嗣續計廣選良家以充副貳進皆婦德所難若孀人者固德耀備也夫以公之內行修茂無妄影失抱慚於夙夜與孀人白首相莊終身如一日而卒遇不副志巖穴終老天其或者厚封培之以克昌其後耶不爾何天之豐其學宏其德而竟齋其施耶公生萬曆壬寅十月初一日卯時卒康熙戊申九月初二日午時享年六十有七孀人生萬曆甲辰十月初三日卯時卒康熙己酉十二月十六日酉時享年六十有六公逝之後序立兩仲兄子節敷以為子卒後四年辛亥節敷等卜以十二月望奉公與孀人合葬於慶豐里孝廉公墓左新阡又二十年余自淮上歸

張氏 藝文

二十

涉園叢刻

省會公孫胎執經家季之門勒公狀乞銘於余念張氏與寒家世有姻好因勉副所請而誌以銘之銘曰於惟張公青箱代殖家學淵源父作子述志潔行端學充質直見義必為惟善是適綽有高世之風先民之德鹿門偕隱梁孟是匹紹前修於不替裕後昆以餘澤惟茲慶豐之里永綏君子之魄土龐脈蜿昌以吉松楸鬱芊高突兀我銘高風愧蔡筆世世子孫其永式

王岫青肅賓

青原繡芳草布席會羣英枝底鶯聲滑簾前花事榮徵歌紅袖媚調管玉瓊清飲滿不辭醉陶然遺世情

山叟

尋秋攜杖笠緩步楓林還白雲繞茅屋明月照青山

讀書有政堂

登堂思孝友惠和真翔治授書均子姓不作親疏別

廉下鳥和鳴分飛比連翼時謂年游省俱同研席雲程九萬里羽毛豈異飾

筆生花入夢酒對月當懷桃李公門樹春風絳帳開

疏簾格風露映影別殘燈孤月碧天淨午夜聞書聲

舊薇

滿架繁英鬪豔妝凝脂笑對紫微郎舉觴試倩嬌花伴絳綠叢中暗送香

聞顧仲若應薦賢才

鸚鵡元無匹雲飛羨有因觀光賓上國挾策對天人制行謨猷展匡時道誼伸

席珍須待聘今日重儒臣

春寓西湖

張氏藝文 一十一 涉園叢刻

水漾碧瀾涵菱影花蒸紅霧薦香泉春流不盡澄湖月鏡面無聲印碧天

山口口月挂青蘿雲濕香林鶴在阿洞裏桃花嬌未睡夜深飛入野人渦

閱邸鈔 殉難諸公

世運逢陽九瞻烏歎爰止殉節良獨難廷臣何累累生寄鴻毛輕報國重一死

慷慨復悲歌安計垂青史浩氣凌山河千秋共流峙高為砥柱峯深作龍門水

屠三朋喬梓歸禾

昨秋初對因兵火今夏倥偬又送君流寓半椽慳席暖浮生何日長榆枌

觀史

流觀青史具隻眼萬古陳人開生面危疑心事難告人撥霧披雲待後彥

惜陰

梅報先春方破臘梧飄晚夏又驚秋韶華不戀朱顏駐珍重清光莫浪遊

夢醒

昨夜夢見君醒來愁耿耿遙憶夢中人宛在龜茲枕

春院

階前春草細羊酥一架繁紅落更妍生意滿前收不盡綠陰深處浣花天

春莫

黃鸝鳴徹陰晴樹繁李香來遠近村和日暖風芳草路快攜童冠出青門

秋汛

遠樹翠口滴楓林紅欲然扁舟渡深澗野色映晴川

述懷

短髮先添白修脯不放青烽煙何日靜無恙舊傳經

自嘲

張氏藝文 一十一 涉園叢刻

老女困閨中猶將嫁衣理笑殺畫眉人日高還未起

閒

閒來學圃問桑麻昨夜東風養稻花但得有年多納稼社期須醉老農家

維元姪邀同楚琦徐翁琴臺看牡丹歸飲卽事

相將遊賞豔陽天小園咫尺琴臺前世故本先紅紫嫣然若醉倚濤聲浩蕩春光

妍阿成年少肩隨後達觀呼作忘年友言旋緩步詣龍門錦堂取次開樽酒紅

兒雪兒進玉卮歌罷櫻桃舞楊柳時地翁有女重攜綠綺自調絃高山流水吾

何有

漂泊

飄零故國真如絮浪蕩浮家半似僧豆粥布袍支歲月翻口世眼幾能清

過季開始故居懷葉金枝親丈

夙昔稱良友鬚眉各皓然不因老廢學翻勝少求全鈞古多玄解評今每破顏
千秋業何限彈指已飛煙

張氏藝文

二十三 涉園叢刻

張頤時五十首詞五首

海鹽縣續圖經 張頤字二養號我任符九先生從子也幼聰穎爲符
九先生所器重弱冠補弟子員著藝英俊文壇推爲白眉九試棘闈不
售結廬琴臺之畔博綜今古廉隅峻整裹足公庭慷慨有羊舌之仁友
讓多郗成之義足以維風俗傳家學

伯牙臺觀潮次聿仁韻

躡屐躡攀百尺臺飛濤東望海門來千尋澎湃驚晴雪萬疊奔騰駭疾雷風聲
影消秦駐翠鷗夷怒撼浙江迴琴中山水依然是寂寞疏花點綠苔

客中苦雨

曠野陰火微嵯峨日西岫嗟哉行域難況當風雨候策馬問前途主僕互先後
須臾詠周飢悴惟已心坎長林起疾風赫赫若猛獸猝遇異鄉人殷勤等故舊

修途過屯艱功名復何有

新蟬

泥塗纒脫跡西陸漸高飛喚晚聲猶怯吟風力尙微行藏隨世運語默識時機
幸勿嗟遲暮禮春性所非

送及門徐爾斯公車北上

把酒旗亭離思餘涓城曉唱動征車黃河水急孤帆遠岱嶽雲深匹馬徐擊楫
當年稱祖述題橋今日羨相如好將綵筆承新寵寄我佳音慰索居

落梅

五更風雨玉魂銷素手亭亭不可招舞月自憐羅袂薄凌波誰惜楚江遙曉妝
已就香猶在午夢初醒恨未消羌笛吹殘煙漠漠孤村官閣迴蕭條

午日西湖同陸孝廉嚴比部觀龍舟

張氏藝文

二十四 涉園叢刻

客邸欣逢競渡辰攜朋覽勝到湖濱殷殷鼓衝波急擾擾口旗逐浪屯風俗
猶傳荆楚舊人情更覺歲時新且將濁酒酬佳節獨醒何須弔逐臣

海上卽事次駱龍媒韻

大壑波濤迴遐觀實壯哉朝宗成到此歸宿可曾來鶯鳥摩風疾驕鼉負雨迴
平生何限意對此一爲開

舟次語溪簡勞羽士

輕舟移小浦風過疊生波擊楫懷名士攜尊待遠過柳煙篷影亂水氣棹聲和
坐久羈愁發斜陽挂薜蘿

阻風泊虎邱

百結幽懷傍柳條春風吹瘦沈郎腰千人石上歌聲細腸斷吳儂碧玉簫

秋日螺浮弟邀飲城南別業桂林間

小山昨夜桂初芳邀我園亭共舉觴鴻雁影聯口口口磨檳香細粟堆黃樽浮
綠蠟流霞豔歌度紅兒鄂雪涼良會欲忘歸路遠露華蟾影照橫塘

教陳烈婦

錚錚女俠出村家不逐輕盈陌上花搜鐫但知名節重留芳寧羨古今嘉黃墟
掩恨悲背月素塚埋香照晚霞笑殺館娃傾國者扁舟重泛是非耶

閒居草堂費學博見過

江雲一片擁新秋兀坐閒齋事幽有屐穿林鷲鳥雀無尊空對感交遊十年
豪俠貧猶在千里河山夢未收忽憶少時頭盡白羨君獨繫漢臣裘

海昌早發

作客鹽官久晨興放小舟雞聲催月落帆影逐煙浮睡少愁侵夢涼多露濕裘
故園黃菊好歸去正逢秋

張氏藝文

二十五 涉園叢刻

登真如塔

躡足孤雲外憑欄古刹中一溪惟鶴鷺三徑雜梧桐香霽春浮殿煙花暮鎖宮
滿懷湖海氣飄泊任征鴻

鞋山

弓鞋窄窄浪花攢踏破滄波萬頃煙帝女夜歸蓮瓣墮靈妃曉涉襪塵乾禪攜
雙履浮杯渡風送秋潮響屨寒幾度欲行還且止斜陽竚立傍流湍

雨中桃花

東風淡蕩雨餘痕溼透輕綃一斷魂渡口有情憐白晝陽臺無夢入黃昏已知
嫩綠無多在更憶輕紅幾許存寄語莫隨流水盡鶻聲啼血滿江村

禾中曹侍郎招飲因病不赴賦謝

北窗臥病聞剝啄對鏡那堪髮禿百年心事付東流遠愛閒雲出溪谷良朋

折簡興何限除塵百斛拍浮面閒身力疾嗟赴難尺素手持空戀戀人生嘉會
良有期春風况是花開時神明相照為君契停雲落月徒相思

登石塘望江南山

水國氛氳白日低海門澎湃浪花飛迢迢天外雙峯起望斷江南倦眼迷

十年霜雪老黃門為螺浮弟賦二首

十年霜雪老黃門麴鏡樓臺印酒尊螺浮製畫圖蘇尊冶綠嵐光涵草色輕紅

塵影浣衫痕困基壁繫東山望退食心懸北闕恩邱壑不教容獨樂鄭圖賈策

徧村村

十年霜雪老黃門約法曾沾白獸尊待聽曉鐘嚴對仗補陳前牘綴留痕環升

左省還臣職橋訟湘潭感聖恩况有松莊容賜沐月明無恙舊烏村

秋海棠

張氏藝文

二十六 涉園叢刻

石欄花草徑叢發闢秋光宿雨含嬌淚斜陽妬晚妝睡餘香夢香脂冷夜更長
一種風流態相思合斷腸

冬夜懷范文白先生

挑燈懷宿昔折柳賦將歸留飲鱸香脆揮衫鶴影依路非千里隔書借一春違

芳草知人意相思碧葉肥

過茗溪

朝逐鷗鷺泛客棹晴川百折斷還餘孤城遙望歸何處靜聽漁舟唱落花

投贈梁別駕

鴛水澄秋一鑑明甘棠處處起歌聲陽春有脚窮簷暖肺石無冤訟獄清花徑

客來聞犬吠桑陰春到有人耕葉黃茂績通丹辰竚聽綸音出鳳城

雲間阻雨懷歸

孤館匡牀半擁衾枕邊浙瀝夢全醒紙窗滴破羈人淚蕉葉敲殘故國情烏鶻
巢寒風不止鶴鴿音斷溼無聲何時撥得浮雲盡一棹滄波趁晚晴

湖頭有遇戲贈素文

緩蹋尋詩到小橋偶逢春色賽花嬌不須攜贈江皋瑣贏得羈魂已暗消

徐逸人山居

廬結亂峯下閒花繞徑紅啼猿深書靜歌鳥逗春融樵去丹崖北漁歸碧嶺東
醉眠江月白夢斷紫宸宮

賦得人比黃花瘦

起來無力斂雙螺減盡腰圍奈若何籬下秋英渾似我垂垂不耐晚風多

同諸子姪晚步默庵

精廬迷四望杖屨逐溪花風急蛩聲碎雲低雁影斜傳煙外杏燈照荻邊除

張氏藝文

二十七 涉園叢刻

寂寂滄波遠草鱸莫浪嗟

秋日懷螺浮弟掌科都門

一別相驚行路難可憐消息斷長安爾能忠孝符先志我亦詩書口口口燕市

風塵悲擊筑河橋兩雪勸加餐遙遙情隔二千里隻雁南來未許看

同湘潭王山長過伯牙臺次韻

尋春獨步到東郭水鎖石橋何寂寞于中兀立有高臺云是當年伯牙作抱琴

有意海上來刺船人去徒徘徊窅然神喪移情志流水高山安在哉可憐琴意

誰能惜千古知音竟難得荒臺寥廓閉寒煙過客題詩滿苔壁嗚呼古來絕藝

稱入神相知還記在知心只今竿瑟千時徧媿煞焚琴與碎琴

弔岳鄂王墓

欲雪先王恥其如數已傾金牌非主命白骨是臣情名節千秋重安危一代輕

忠魂應不散庭樹卻南生

秋杪同蕭大梁登秦駐絕頂

崖口秋天迴登臨在白雲叢林蒸雨氣曠野列星文海關蓬萊遠山空麋鹿羣
沙邱無限意愁落葉紛紛

陳太史簡遊西湖玩月

千載西湖月三秋正好時那堪今夜色偏照故鄉思露冷鐘鳴杳風迴雁落遲
閒愁無賴起坐石且題詩

重至西湖有感

不到蘇隄已十年湖光山色總堪憐畫樓花柳皆非昔古刹煙霞口口口日暮
健兒吹觴栗夜深牧馬散溪田倚闌無限增惆悵黃酒旗亭一醉眠

七旬初度

張氏藝文

二十八 涉園叢刻

韶光堪歎逝如川花甲週來又十年日月盡從忙裏過功名俱作夢中緣難償

夙負惟詩債且喜生涯有硯田俎豆只今添一輩殘編堪付不須憐

錫山感秋

霜滿孤城曉色寒忽驚時序又秋殘吟成紅樹羞鬢摘得黃花懶插冠歌風
莫言狂者僻披裘還羨釣徒安起來獨向東山立望裏浮雲倦眼看

送玄覺上人住錫草菴

爲愛清齋好因辭古法堂渡杯心自靜飛錫世相忘澹澹松千匝疏疏月一方
安禪常獨坐龍虎盡深藏

村居三首

幽棲北郭只梅花絕勝桃源避世家夜靜一腔口短笛暗林深處月將斜
春雨霏霏筍厥肥板橋零落過人稀扶筇欲向花深去沾得村醪又典衣

柴門晝掩靜滄洲綠漲平湖水面秋最愛淡煙芳草裏釣舟斜繫映湍流

秋夜與竟陵毛世兄話別

論心交不淺此別意何深把臂邀吳月狂歌送楚吟淚揮千日酒俠刺一囊金
鷗鷺悲星散河山雨雪侵

閨情

春入南園花柳香鴛鴦倦刺倚迴廊無端最是枝頭鳥叫得愁心縷縷長

集吳磊齋先輩宅時有江左之役

春靜招攜具當筵別思生銜杯花影墮剪燭雪痕明落魄常居客驢馳總為名
莫言清夜久明日一帆輕

菊花二首

凄凄露冷白蘋洲逸士偏珍澹漠秋高下疏花分短徑纖穠清蕊影斜邱風踪
張氏藝文 二十九 涉園叢刻

沅水神為往夜奪巫雲夢欲留日涉東籬成野趣披襟不羨五陵裘

東泉淨豔日離離淡雨微煙亦自持有酒不妨歌白苧無愁何用讀騷辭幽語
逸性開頻晚靜對閒心謝獨遲潦倒清樽款短髮干戈未定莫尋思

元宵小集緩步觀燈

閒窗春早典驢裘招集羣公上小樓知己不妨千日醉同人人口六街遊光搖
火樹疑將曉影燦星橋訝欲秋信是才高多曠逸豪觀不減晉風流

訪盧白上人不遇

北郭春光晚東林物色新已遠來訪意無那少緣親門靜苔花厚庭空野雀馴
扶筇隨所去惆悵為誰頻

同毛紫斯夜泊漢江

十里蒹葭雨乍收遠空一望月初浮野袍白曠同幽賞菰米蓮房作好秋波靜

驅龍揮醉臥夜涼銀漢逼漁舟此生已寄形骸外用逢人說勝遊

過金粟寺

第一東南利羣山繞鬱蔥篋留淨祐葉寺存宋紙五僧續貫休風老樹迎村綠
殘陽入座紅條然忘世處何必更談空

詞附

點絳脣 舟中

快挂蒲帆澄泓秋水扁舟渡天涯雲樹望斷行人路 隔岸霜林短笛聲相和
愁無那無端梵鼓憶我情禪破

點絳脣 秋夜宿王伯達書樓

獨寤孤樓漏長野曠人喧寂蛙鼓歷歷三弄漁陽息 忽聽鴉鳴報東方白
田家出行人如織柔櫓歸來疾

張氏藝文

三十 涉園叢刻

菩薩蠻 雨窗懷所知

荷頭映出佳人面芳情宛轉如嬌燕忽憶掌中珠深憐那得如 素口櫻桃匹
溫柔聲歷歷不恨見時疏還嫌夢去疾

點絳脣 懷人

夜雨聲頻簷前滴滴相思淚和衣閒睡想入風流隊 怎奈情深繫心如醉
牙籤背心香暗墜形影空相對

點絳脣 對鏡懷所知

對鏡沉思鏡中何日人添個歡娛儘做備把離情訴 擬泛金樽共醉池亭左
回頭顧笑嬌柔也覺紅顏過

張 胎詩三首

家乘 字弦上號淡存康熙附監生考授州同知

和李邑宰涉園雅集

翠深隨避暑雅接令公香蓮瓣催杯渡冰微映座涼翦燈留繡綺題墨羨飛揚
勝集傳他日風流繼未火

又

風流初日照紅葉消夏溪灣佩解魚賭酒快搗車打鼓聯吟縱寫學窠書林泉
趣得揮絃外裙屐遠從退食餘且喜雨坵頻在顧花邊分駐使君車

碧活參橫露隱葉談深城漏下銅魚蒙追十日平原飲勝擅西園雅集書小隊

花間分帶緩詩家瑞公總成撰
家成九關參借座明珂月底度龜餘清時上客同休沐酌對三騶

就趨車

張 氏 藝 文

三十一 涉園叢刻

張 阮詩二首

家乘 字升菴號宇乾康熙丁巳恩貢歷官溫州府遂安縣訓導

涉園雅集和李邑宰韻

花雖非解語傾國卻輸香帶雨浮輕潤翻風送遠涼□□□□□□□□

獨羨神君化膏濡正未央

又七律

共諧心賞瓶池藻樂意真同戲藻魚座上班揚皆擅賦筵前韓白總耽書追陪
幸綴英游末吟和惟慚咳唾餘□□□□□□□□□□□□□□□□□□□□

張 胎詩三首

家乘 字函暉號端葵別號竹莊康熙嘉興府學生

鴛湖卽景

雙湖屈曲萬家連激濺騰空起素鷺百丈浮圖迎曉日千章喬木護平川凌霄
傑閣憑沙渚野寺疏鐘到客船莫道女蘿山徑折葦杭飛處卽塵禪

煙雨樓春望

高閣摩空氣鬱蒼凭欄四顧正春陽文峯突兀湖邊出郭郭稀微樹底藏岸北
煙雲凝暮紫村南花柳發新香登臨漫說抒豪素點筆慚無崔顥長

送蔡邑宰

海上方需主計才賢侯皎皎幸初來鳴弦頓使羣鷺息保障先教積弊裁憶澤
七旬歧麥秀諷思一旦淚碑哀挽留何限車前臥空對棠陰暮寇萊

張 氏 藝 文

三十一 涉園叢刻

張本函詩一首

家乘 字餘村康熙縣學生

寄馬墨麟

坂輪下白日黑髮垂星星惟有惜別意始終自牢局憶昔春日暖水碧天宵冥
桃花夾兩岸絲柳搖長亭繫纜鴛鴦湖執手兩涕零芳時不忍祝臨發棹重停
子言家食難敢不勞其形曰歸幸早賦要使白髮寧我時與子期桐葉飛中庭
那知逢世拙衆醉輕獨醒悠悠落人海踽踽悲伶丁五年鳥過目飄轉隨流萍
故園渺何許歸夢夢幾靈子文金石響跌宕六經謂如庖丁刃砉然發新矧
何緣比鈍鋒未脫一矜青秋風吹蟾窟如兩颯芳馨努力磨修斧快斫高輪碾
我衰學久廢五畝堅自銘莫待歸來日松根對茯苓

張宗枋詩四首

嘉興府志 張宗枋字敬貽以副貢授瑞安教諭歷官粵東徐聞縣知縣以經術文飾吏治著有南垞文稿 按公尙著有羅陽紀游賦歸小草見續橋李詩繫

海昌許焯廣東雷州府徐聞縣知縣南垞張公墓誌 公諱宗枋字敬貽號南垞一字顛山姓張氏先世爲宋崇國公無垢後家錢塘明洪武初有諱留孫者入籍海鹽遂世爲海鹽人高祖諱奇齡明萬歷癸卯舉人贈中憲大夫曾祖諱惟赤順治乙未進士歷官工科給事中授中憲大夫祖諱膳康熙壬子舉人歷官刑部主事授徵仕郎父芳涓康熙丙寅拔貢歷官刑部郎中授中大夫母鄭繼母陳俱封淑人兄弟八人公爲之長以康熙辛卯副榜選瑞安縣教諭遷紹興府教授陸廣東雷州

張氏藝文

三十三 涉園叢刻

府徐聞縣知縣授文林郎雷州海防同知致仕歸越十年而卒年七十有二乾隆十九年五月二十九日也公性馴謹無執務風年十七補學宮弟子員時大父致仕家居父官警京師公侍大父左右得大父歡迨父乞歸終養未抵里門大父病不起公嘗藥以及含斂罔不竭情盡慎父於途次聞訃終天之恨賴以稍掩焉其在瑞安也與諸生砥礪廉隅講道不輟數年之間士風丕變秩滿量移紹興府教授會大吏督查浙省錢糧積欠稔公賢能徵委清查四明之鄞縣賦重戶繁官吏未免侵漁而里戶狡獪者藉以推卸公以爲民間失票情或有之然串根紅簿有數可稽者方准銷算不憚煩勞分毫必核兩月間鉅萬通糧悉皆清釐官吏無由隱冒里戶勿致重賠一切供應出諸已彙無纖毫染上官嘉其才保舉咨部紹序起行之日諸生焚轅賦詩設餞蓬萊之驛一

張氏藝文

三十四 涉園叢刻

如章安就道祖餞繪圖以誌其居官之賢勞概可見矣暫假歸省即赴都門揀發廣東以知縣用公念粵東去家五千餘里父母年老不能迎養又不忍遠離嚴冬冒寒繞道歸省依依子舍難乎爲別蓋其純孝成性也庭訓以王命不得滯留且家有諸弟克奉甘旨即趨裝溯粵偕行者有婁江徐雲村花溪許硯村相與涉章贛度嶺達珠江游歷名勝各賦詩倡和抵粵即委署文昌縣縣居海外多盜藪民被盜劫牒訴倥傯公搜緝窩藏以清其源力行保甲隨獲盜首二名正法一年之內四境晏然文邑有險津凡外國貨船遭風擊壞棍徒乘機搶掠公訪渠魁懲之迫還原物後無再犯者撫恤遭風遠人給發口糧俾其守候順風覓舟歸國遠人感德往往焚香至縣庭叩頭作嘯嗚聲旋丁父憂奔喪歸哀毀骨立後起復原省委署電白縣縣素稱難治公以雷靜治之盜首林自新者捕役畏懼不敢搜其鋒公親自督擒民得以安獄有疑案公立爲剖鞠奇冤得雪民苦賦役之繁公盡除官吏中飽積弊而賦役以省署韶州之曲江道鎮同城兵民雜處前令以少年剛愎不得民心被參之日民擁衆喧嚷前令愧忿上訴袒護者將釀成大獄公泣任訪得愚民無知土音難雜實無聚衆辱官情事物實爲首數人民情帖然上官以公練達凡外邑重案徵委覆勘多所平反曲邑有曠場爲藏奸之藪部行開採商民射利相趨而烏合之衆一旦失業易爲盜劫之招公條議不宜開者有七上是其議題覆中止地方賴以安堵嗣是而署廣甯署開建並有卓魯聲迨其宰徐聞也徐爲海疆地產雜貨商賈輻輳東西各設巡檢仍歸縣令督理公撫循有法別弊與利多善政徐邑科第百餘年來竟成絕響公考與圖知四門外西南隅向有文明一門贊

峙學宮之前自明季兵燹後塔塞土風因之不振遂倡捐重開建文星閣於城闔設立義學集生童之穎異者肄業於中不數年而秋闈獲雋者鶴起文風丕振其撫字之勞較前攝篆諸邑時益以清慎動自矢時郡司馬缺出學委護理深爲上官嘉許然公年逾週甲淡於宦情且於錢糧倉穀出納嚴謹無少短虧去就自由遂乞休歸居涉園之西偏十年來杜門卻掃侍萱序樂快意林泉繪撫松圖以誌樂頗自得也無何病一夕而卒元配徐工部尚書諱元正女繼配袁庠生鳳苞女皆封孺人均有懿行爲女宗子四人照炳燦燦燦燦先卒炳燦皆太學生女四人長蕩次字施者仁福建丁卯舉人光祿寺署丞次字朱廷掄同邑貢生次字沈方堯俱未嫁卒孫男四人乘綸復基世基乘經子炳等將以某年月日葬公於和平港之新阡啟徐孺人之兆而合焉請銘於余余

張氏 藝文

三十五 涉園叢刻

按狀而次序之不敢增損焉懼失實也銘曰才非百里爲廉吏錯節盤根別利器歸老故園無餘累不肩一官如匏繫百年考德石以識

登西山紫霞峯

摩空石壁高峭拔垂雲布上有女蘿纏天矯龍蛇附大窾復中虛如彼五石瓠窅冥不可窺仰觀眼欲昏返照入平江蒼崖翻古渡聞有如椽手大書走毫兔豈謂擅靈奇反被造物妬嗟紫霞峯三字成掌故奈何竟沈埋零落同殘雨山靈應笑人君自來遲暮

重游仙巖

八度桃花嶺三過梅雨潭瀑花看未厭泉注酌彌甘薄宦流連久游蹤與致酣林樹應惜別巧樣設雲藍

石門洞

棹入寒江水一涯圓峯拱峙擁銀沙劈開山眼飛香霧湧出源頭瀾紫霞巖碎瀆珠珠濺雪晴樹排雨兩吹花摩空石厂玲瓏礙枕漱天然可當家

縉雲山

溪橋小瀑聽潺湲身在流雲紛郁間青眼相看青不了縉雲山外更無山

張氏 藝文

三十六 涉園叢刻

張元龍 詩八首

上虞趙金簡學博曉堂張君家傳 君諱元龍字魯良號曉堂姓張氏世籍嘉興海鹽人高祖諱奇齡萬歷癸卯舉人以文學致大名曾祖諱惟赤順治乙未進士官工部掌印給事中奏議盈帙直聲震一時祖諱賸康熙壬子舉人官刑部福建司主事考諱芳淵康熙丁卯拔貢官刑部江西司郎中兩世歷職郎署並著清廉妣鄭淑人繼妣陳淑人比部公令嗣八人君其第四子也甫三歲遭妣鄭淑人喪至性異常兒稍長岐嶷穎慧無執袴習比部公與陳淑人手持一編課之盛寒暑勿間也凡經史子集百家之書輒與同志切劘講貫故發爲詩古文詞章卓然成一家言年弱冠補秀庠博士弟子員每試屢冠其儕偶旋食餼試牘一出膾炙藝林乃屢躋棘闈聞者惜焉而君初不以得失介懷雍正已

張氏藝文

三十七 涉園叢刻

西學使者交河王公拔文行兼優者君以秀水籍貢入成均同時選拔如李吧望梁詩正皆題材碩望成賀王公爲知人能得士也余忝同譜始識君恨相見之晚庚戌入都廷試魏塘沈椒園先生留寓京師一見定交當日名宿雲集而君獨與椒園先生及吧望與余尤爲莫逆詩酒唱酬樂共晨夕適比部公有手諭寄君勉以進取科名善繼家聲毋與揀選試後卽束裝南還是歲十月比部公卒於里第君方在道及抵門始知大故一慟幾絕哀毀骨立每以旅次需遲勿獲躬視含殮爲憾君孝友性成不與戶外事陳淑人在堂伯兄遠官嶺表借仲兄及羣季承歡膝下極庭闈之樂宗黨感禱之乙亥陳淑人棄世君年近六旬矣然盡哀盡禮備慕之誠終身不改服闋後絕意仕途辛巳以親族敦勉需次就選得杭郡昌化縣教諭廣文雖冷曹然教育人材職禁重也昌係僻邑士習文風素稱樸陋君日與諸生砥礪廉隅課講不輟乙酉科試方子起鳳首膺選拔蓋前此所罕有也由是數年之間翕然丕變色幸雷江方君以文爲壽方之胡安定之治蘇湖覽者謂無愧詞焉余與君自庚戌揮別後聚散不常於是君以試事詣會城適余亦承乏郡繹問水尋山撫今追昔我兩人亦皆老矣壬午恭遇覃恩勅授修職郎君司鐸六載年逾古稀遂以年老致仕昌邑諸生環署攀留君臨別贈言有從茲海角遙相憶長在青山紫水邊之句師弟之情盡見乎此歸田後杜門不出掃地焚香日以圖史自娛初大白先生嘗讀書城南之烏夜村其後給諫公因以築園樹石池館之勝甲於一邑君晚歲優游其間一觴一詠當花月之良辰享林泉之清福而余願羈縻首肯徒聞其勝而未能過也猶憶客秋謁椒園先生謂余今昔語娓娓不倦精神矍鑠

期頤可卜相與慰藉者良久豈料椒園先生已返道山而君計音梓至嗚呼所謂天者誠難問耶君生於康熙三十六年正月九日午時卒於乾隆三十七年八月七日未時享年七十有六配袁孀人先卒子男五人長玉輪次玉臨嗣弟舍戶後袁孀人出次玉嘉玉調玉鳴側室徐出女三人袁孀人出者一側室徐出者二孫男五人長輝對先率孫女二人曾孫一人所著詩古文集若干俱未梓君素行純粹其課子若孫先德行而後文藝蓋自大白先生迄今五世流風餘韻被服深矣與人交胸無城府人無賢愚僅一接君無不誦君爲仁人也乃若交君最密知君獨深者莫如余不敢以不文辭謹論次其梗概云

頌海監王令

張氏藝文

三十八 涉園叢刻

海邦稱劇邑牒牒理芬縉明府才無匹清操世莫儔銅符初攝篆竹棒對籠街部署精神肅蒼生屬望皆下車諸疾苦微服混塵霾伏莽青山畔沉寃淥水涯訪聞期得實公論信非乖滯網名隨記藏窩戶必挾神工煩獨運號令密添差漸逐穿埔鼠先除當道豺雷行驚擊電風掃疾飄飄懸鑑形難遁盤根器未埋鴟昔憑反覆鐵案少推排暴戾羣心帖歡騰衆口諧補牢孽蕞畜安枕守荆柴夙夜冰霜厲春風雨露潛吹噓新草木披拂舊根荄濟猛仍寬惠開誠布坦懷庭清無滯獄術退卽高齋翰墨身常接丹黃手自指定知花滿縣共把酒如淮僚佐情相洽芝蘭氣更佳琴堂沾化澤講席樹模楷報績循良最同時薦擢倍秩應推五馬門已植三槐早晚刀州夢行看展綬綯

繅夫諒

繅夫苦繅夫苦汗如漿面如土糧艘不動高於山河水逆流疾於努一帶僵僵魚貫行神速安能敵檣櫓前人邪許後囁于唇乾舌燥音酸楚吾聞此聲心忤

然中宵伏枕難酣眠寄語黃綢被裏放衙官食俸豈事膺千石耕耘輸挽民力
疲慎勿官廚誇飽食嗚呼慎勿官廚誇飽食

山行

四圍鬱翠溼人衣一徑幽香藥草肥行近溪頭頻駐馬晚花開到野蒿薇
路轉山坳見梵宮諸天瓔珞總塵封頽垣斷棟香煙絕枯樹一枝懸古鐘

和寒坪兄移居感事原韻

北窗一榻任高眠老健非關藥駐年季雅買鄰原有價清翁使鬼獨無錢閒揮
塵尾譚鋒直靜燕龍涎篆影旋捫腹舊圖題句好此中應索解人傳

趙北口

畫橋連接水拖藍煙柳絲絲送客驂若使輓紅清十丈風光未肯讓江南

漫興

張氏藝文

三十九 涉園叢刻

廉泉讓水耐清寒山下沿洄幾度看豈是臨淵無羨意有風波處怕垂竿

春日久雨

東風不停吹時聞瀉簷溜偶或逗晴光雨勢旋復驟溼雲障虛空老眼迷昏畫
莫笑杞人憂我亦疑天漏庭梅惜被摧寒勒香遲透不然桃李花漫山已如繡

張宗枬詩四首

海鹽陸以謙太學舍廣張先生墓誌銘 海鹽涉園張氏自大白先生
以名孝廉著於前代國朝螺浮給諫繼之門戶益大後兩世爲主政爲
郎中咸在比部世濟其美園亭之幽書卷之富甲於一邑故子姓彬彬
皆以讀書爲樂不惟如世俗子弟挾兔園一册博科名已也先生
諱宗枬字汝棟別號舍廣孝廉諱奇齡高祖也給諫諱惟赤曾祖也主
政諱膳郎中諱芳湄祖若考也母鄭陳皆封淑人先生陳出也兄弟八
人先生第五弱冠就昏河南密縣娶於莊甫一年卒繼娶楊又卒最後
娶於馮相莊有年善理家政先生始得一意讀書凡經史子集舉業外
博覽綜稽家有園終年不窺人比之董江都詩文不肯率爾下筆卽制
藝高雅絕倫省試十五回屢薦不售年五十餘陳淑人下世先生不復

張氏藝文

四十 涉園叢刻

作奉檄想矣因憶就昏古密時取道山左宿曹縣夢見新城王尙書來
攜衣再拜延居上席王公藹乎其言若引掖後進者然今思有以自見
或者附驥尾而彰乎漁洋詩爲本朝大家詩話一册未盡精蘊嗣後讀
書南曲凡屬公著述語論詩者悉錄焉或疑文集諸條筆勢與雜
著有別不知竹垞先生明詩綜輯評亦有剪裁序跋者且做靜志居詩
話史論軼事博極蒐羅又取本朝諸大家緒論與漁洋發明間有疑義
借花溪許嵩廬暨兄寒坪弟詠川芷齋諸先生互相剖析曉牖夜檠三
易稿而後成爲門八爲類六十有四總三十卷啟前賢之扁鑄作後學
之津梁其書尙集大成已先生性嚴肅危坐一室儀度儼然不妄交遊
不畜妾媵讀書著述以孝友端方爲根本有聲藝林虛懷若谷晚年更
不臧否人物齋中懸一聯云莊語漸爲流俗隱素襟偶對好花開其高

簡丰神益可想見平生詩古文散佚不自收拾僅存吟廬小稿一卷度
香詞一卷歲乙酉臥病立玉臨鶴徵爲後孫男五人女二人曾孫男二
人生於康熙四十三年十一月二十二日卒於乾隆三十年八月二十
七日享年六十有二丁亥十月葬於半邇遊祿里之原前兩孺人附焉
後二十年馮孺人辭世長君玉臨已前卒戊申十一月二十六日次君
鶴徵奉孺人樞與先生合窆禮也謙與次君交最久常至度香池館見
先生所遺書籍鉛槧如新固依然無恙也且率其子若姪早夜誦習則
先生洵有後矣次君請銘於謙其又奚辭銘曰君家兄弟有八人第五
之名最嶙峋風流著書常閉門纂言記事鈞其元繼姪爲子子有孫選
編克守勤討論詩書之澤宜長存

喜楊甥雲根歸自平番得詩二首

張氏 藝文

四十一 涉園叢刻

行客誰何定隔江信已真先數月得荒村來盡日殘雪夜歸人歲酒春翁熟梅

花凍粵新故鄉情話好勞苦問西秦

曾聞樂府曲絕傲古涼州擊缶猶遺俗驅車得壯游王師傳羽檄幕府亟邊籌

莫道從軍樂高堂漸白頭

東湖漫興

愛聽鳴榔泊弄珠澄波如鑑影浮圖鐘聲日暮飄煙際直送春潮過湖

黃泥浦早行

故鄉歸夢忽驚還雞唱催人早出關燈影漸稀村砧暮柝聲遙落女牆轉溪邊

宿霧迷荒堞天半初霞映遠山曠景儘堪開倦眼不辭辛苦履屨顛

度清流關小憩山寺

落日關山古寺邊解鞍徐步思飄然踏盤曲磴疑無路雲度前峯別有天山扇

中開叢樹列松寮半掩一鐘懸禪僧不受人間暑閒把軍持細酌泉

張氏 藝文

四十二 涉園叢刻

張宗楠 詩六首

家乘 字詠川號思巖康熙國子監生著有詞林紀事輯晴雪軒雅詞

按公尙著有樂是盧詩稿見續橋李詩繫

石瀨山房詩話 思巖家多藏書性好吟詠尤工詩餘婉麗不減秦柳

歲杪感懷呈嵩蘆夫子

昔別曾經歲今來又幾年光陰真過客離合豈前緣強制延陵淚難迴別浦船

不知池上月可許話重圓

題蘭榭東谷兩弟對牀風雨圖

幾年游宦各江湖三徑歸來尙未蕪閒話田園還借別倩人摹寫對牀圖

願影誰同剪燭譚離居卅載我奚堪眼中似爾真奇福不讓陶庵與邵庵

臘梅

不道冰霜裏檀心獨吐香蕊凝殘蠟淚花綴小蜂房品自涪翁著名聞京洛芳
南枝猶未放讓爾占年光

弄珠樓懷孫子蒼舒

春光暗似錦登眺最相宜樓曠天逾闊湖平浪故遲夕陽明梵宇疏柳隱叢祠
不見興公久臨風獨爾思

靈巖寺尋吳宮舊蹟

巖翠層層隱上方竹兜搖曳上崇岡吳宮草色仍新碧梵宇鐘聲又夕陽響屨
廊空名尚在琴臺石蹟蹟全荒老僧不解閒情思說與途人總斷腸

張氏藝文

四十三 一步園叢刻

張載華詩五首

海鹽縣志 張載華字佩兼貢生藏書萬卷遇一善本手自鈔錄刻有

初白庵詩評 按公尙著有寄林殘編見續構李詩繫

海鹽陸以謙明經芷齋張先生墓誌 海鹽出南郭門里許卽烏夜村

望之林木蒼鬱蔚然深秀園亭第宅衡宇相望是爲涉園張氏園之東

相隔不數武中川有廬是爲芷齋先生所居先生詩載華字佩兼兄弟

八人行第七高祖奇齡萬曆癸卯舉人爲韓求仲馮開之兩先生器重

學者稱大白先生曾祖惟赤順治乙未進士工科掌印給事中所著入

告編悉圖國計民瘼祖厝廣熙壬子舉人刑部福建司主事考芳湖康

熙丁卯授貢刑部江西司郎中皆有清望妣鄭淑人繼妣陳淑人先生

陳出也此部公歿年甫十三事陳淑人至孝既析居故第悉讓諸兄或

勸先生徙居城先生曰有母在朝夕何以奉侍卽以園傍築室費不足

則以所受遺金貯質庫者補之先生有田三百畝治家有程度他無所

好而獨好飲酒讀書先生晨夕定省越陌度阡宛轉如家術陳淑人亦

板輿時時往來年十八補弟子員旋貢成均棄舉子業肆力於經史百

氏之書苕溪書賈持祕册求售或爲諸兄所得先生戲曰於此微有妬

意然彼此傳鈔各藏一本互相讐校以爲樂先生著述甚夥其已付劊

鬲者初白庵詩評考訂精核如東坡集劉貢父見余謂詞數首以詩見

戲聊次其韻半山集嚴陵祠堂兩詩原注偶誤引悉爲掇正他多類此

仲兄含广纂輯帶經堂詩話采擇羣賢評論與漁洋發明附識諸條先

生商略之功多焉諸兄相繼殞謝先生任家長不辭勞動季弟斗臨早

亡撫其遺孤兩世弟婦朱守節請旌他若開園前河溉田數千百頃斃

張氏藝文

四十四 一步園叢刻

築馬路便行人之達於郭門者先生固不以風雅廢經世務也涉園係

先人舊業池亭樹石之勝甲於一邑先生不敢任其頹廢與從弟蘭榭

東谷葺治春秋佳日偕羣從及里中名士彈琴賦詩讀書讀畫非有大

事終歲不入城市嘗語人曰近日有快事三三伏曝書數十日不遇疾

風暴雨檢酒庫得數年前所遺舊釀一罇嗚呼亦可想見先生高致矣

臨終遺命不作佛事生康熙五十七年正月十五日卒乾隆四十九年

九月二十一日年六十有七配楊孀人康熙丙辰進士內閣學士禮部

侍郎兼詹事府詹事瑄孫女康熙己丑進士候補中書錫恒女孀人生

長華閱習儉勤嫻禮法數十年如一日子二人長鶴徵嗣兄含广後次

鸞振女三人長適金山縣楊凌次適同邑蕭嘉植次適海昌許奎孫男

三人思曾嗣鸞振後思續思繼女一人曾孫男一人鋪余與先生父子

相交在卒紀之間鶴傲於乾隆五十一年十二月二日葬先生於涇塘橋之原以余相知深且質直無諛詞以狀請銘余不敢以不文辭謹紀其實而系之以銘曰家有質庫不習執務家有藏書不飽蠶魚修治園亭副緝詩評是為大白元孫初白功臣涇塘之阡碧水鄰鄰幽宅既安以啟後昆

東湖曉發

一片東湖水扁舟去復來夢隨雞唱覺棹向霧中開野燒青方苗垂楊綠半回春寒殊未減倚枕撥鱸灰

西冷橋送春

空濛山翠撲人衣柳絮漫天作雪飛愁煞西冷橋畔路落花微雨送春歸

自石壁絕頂下牛鼻嘴濯足太湖用歸愚先生韻

張氏 藝文

四十五 涉園 叢刻

石壁枕太湖勢若牛鼻狀奔騰赴水濱直欲攫龍藏余生夙好奇鼓勇踞其上俯視三萬頃風濤一何壯晴空淨纖塵縱目群碑障七十二峯翠一一羅盆益冒險下山趾藤蘿肯輕放行石且盡伸足濯寒浪高詠滄浪篇孤懷絕依傍回首來時蹤白雲渺樵唱

題馮曠庭先生觀弈圖

軟紅塵土外蒼翠石苔間世路人方競松林鶴與閒一杯聊寓意二客亦忘還我欲濯纓去泉流長在山

初秋和許絲如韻

暗裏年華換流光忽屆秋兩催涼氣早風捲火雲收砌蛩如訴花間露欲浮何人明月下吹笛倚高樓

張宗本 附六

海鹽縣志 張宗本字蘭樹乾隆丙子副貢候選鑾儀衛經歷性孝友事母壯年猶孺慕好接貧士有貧者未能償又告又貸之終不能償折其券有至數千金者家以是中落而施與不倦

錢塘梁同書蘭樹張君墓誌 君姓張氏諱宗本字禮耕蘭樹其別號

也先世居錢塘明初遷嘉興之海鹽遂為海鹽人高祖孝廉諱奇齡隴

德不耀曾祖給諫諱惟赤祖主政諱胎崇祀鄉賢考諱芳潢贈徵士郎

原聘母汪氏吏科給事諱煜女妣俞氏吏部侍郎諱兆岳女俱封贈孀

人汪孀人未成昏卒贈公奉父命以婦禮喪之俞孀人生子二君其長

也君少有大志與弟東谷何相切劘奮然欲有為於世年十有七入邑

庠連試不第乾隆丙子應順天鄉試僅中副榜入貨就京職亦未銓用

張氏 藝文

四十六 涉園 叢刻

其設施不可得見然觀其孝弟行於家恩意決於宗黨及於僕婢與夫振興風俗知其得為於時所裨益於斯世者不少而惜乎其未也贈公讀書務實踐尚義輕財出於天性晚年事修養結廬郊外置家事不問四方道流聞風踵至君患之念神仙家言惟魏伯陽參同契為正朱子嘗為註釋因講善本從容進質並婉言他非所宜留意贈公領之道流旋稍稍引去歲時祭祀贈公自郊外歸君與弟詰朝灑掃屏息迎侍肅若朝廷後有微疾勸歸盡養居喪一粟朱子家禮人皆歎之而事母壯年猶孺慕與弟朝夕不遠左右一人歌謠則一人撫背抑搔更互為之率以為常與弟友愛甚篤事無鉅細必相咨以行財物無分爾我東谷訓導定海烏程時凡米鹽出入子女昏嫁君治之一如己事給諫有別業曰涉園建先祠於中四時花放薦新而後燕私於遊觀之樂而寓敬

宗睦族之道其具饒潔而不豐每歲修葺棹而不華至今其風不替君維持之力居多嘗慨然曰俗尚奢靡胥吏之徒尤甚主持轉移之吾輩責也豈復可爲其所染次子原聘余氏即君仲姊女世俗禮文悉屏汰惟以二襖妻衣物令蒼頭擔之去至期率以步至姊家旋返遺兩肩輿迎之歸而已邑里傳爲美談有效之者平居管製一單布袍春秋衣之多則以襲裘人又以爲美觀轉相仿效如郭林宗之折角巾矣同邑孝廉吳燈庵文輝潛居里巷足跡不入城市贈公墓其文行以君女妻其子以敬其賓甥館方病肺性且孤介恒默坐一室如處女君獨愛之治其病病愈補學宮弟子尋奉其繼母就醫雲間致咯血疾君招致治之不愈瀕卒請於君曰婿家治喪不用浮屠既卒或議用之君揮涕厲聲曰誰敢壞伊家法且我死亦不許用浮屠也識者乃息其愛人以德如

張氏 藝文 四十七 步園 叢刻

此君風度偉然嫻禮儀人望之心欽而接之藹然胸無城府亦不隨人是非尤好接貧士委曲周至能體其意之所欲言性極仁慈饑者與粟寒者與衣疾病者與藥急難者與排解貸者未能償又告又貸之終不能償則折其券有負至數千金者家以是少落而施與不倦君家本素封足以自娛以急人之急憂人之憂用搜其懷且自喪母以後內外戚屬疾病死喪類仍以故意忽忽管若不自聊而一病遂以不起卒之日親疏遠近下逮廝養莫不哭之痛以爲斯人而不享大年天道固不可知矣乾隆四十四年己亥七月十有八日也距其生康熙六十一年壬寅九月初十日春秋五十有八越八年丙午十一月二十有一日葬於秦駐山之平湖洋先是君曾祖給諫下葬地買此山若干畝誅茅種茶延僧守之後以山峻不果葬君考嘗以葬母二年遷去至是卜葬君他

處不吉卜此吉遂以葬云君配命孺人即侍郎公孫女癸卯舉人諱鶴赤女子四長慎邑庠生馴謹工書畫後君四年卒次逢泰太學生次承繼後君十三年卒季承愷太學生女四長適吳以敬邑庠生次適沈光祖次適胡屋次適查世恆並太學生孫十有一人君弟東谷秉鐸吾郡因與之交其人蓋長者一日以君行狀請銘遂次其事而銘之銘曰秦山有壤厥祖貽昔葬不葬孰爲疑今以葬君孰爲推萬事溟漠知有司厥子若姪班班之其班班云以厥配同穴寤且治明禮地官卜葬兆甫葬月寤來實註寤寤也厥配同穴寤且治註始爲穴也顏延年詩寤寤人謂寤曰寤寤也寤寤也又厥弟天顯篤怡怡百歲之後亦藏斯古云族葬禮不違我惟君德後必照爾歷億載徽銘辭

題張顧堂大令符橋遂行圖 甘雨和風是處宜陽春有脚化無私柘湖本析鹽官地一路恩波到水湄

張氏 藝文 四十八 步園 叢刻

延堤綠樹叫鉤輅脈脈離情接水流白苧一帆容穩坐東風吹上弄珠樓 頌海鹽王令 秦臺明鏡共盟心鳧鳥長瞻福曜臨衰職九重思製錦潮聲千疊和鳴琴如山 鐵案真難動似月冰壺肯受侵幸托甘棠叨蔭庇緝將政績入謳吟 暑夜遲友人 晴雲高不落暑氣逼空林永夜洗塵俗清談見古今微風來木杪淡月度牆陰 子靜歸來晚軒窗有素心 秋夜聞笛 鐵笛吹來動柳枝清宵底事最情移一聲響徹關山月風到疏簾入夢遲 題彭愚山觀泉圖 峨峨者山混混者波波勞激蕩口口口晝夜琴筑鳴山阿緬彼聽泉者心遠神

恬和泠泠萬古意
滄入雙卷阿水
設有取豈私見
意出孔孟本
同科俯思時出
意仰歌滄浪
歌波流自混混
山高自峨峨

張氏藝文

四十九 涉園叢刻

張柯詩六首

海鹽縣志 張柯字東谷由慶貢生官杭州府訓導與朱炎陸以謙輩

相唱和著有琴雲樓詩稿錄工書出入蘇米之間人爭寶之

華亭王顯曾學博東谷張君家傳 君姓張氏諱何字晉樵號東谷海

鹽人也高祖奇齡登萬曆癸卯賢書曾祖惟赤順治乙未捷南宮官給

諫祖膳康熙壬子孝廉官主政考芳濱能矯志勵節以有聲於時妣汪

氏俞氏皆著婦德君性和易好讀書篤於孝友年十七爲學官弟子以

貢生謁選得定海之司訓四明自黃梨洲萬充宗諸子講學山中一時

之能士秀民翕然從之君至則橫經藉書丹鉛錯互蠶鹽燈火以刻苦

相尚以故鄞之人皆多氣節而能文章君精明才幹乾隆乙酉間聖天

子省方至浙凡掛纜南巡大典咸屬君手恩賞荷包緞疋人以爲榮未

幾遭父憂除服遷吳興之烏程郡城南有碧浪湖歲久皆葑沮相望

郡守楊公成龍素與君契知君能委會紳士涖之君躬率畚插淺者堰

之深者坡之腴者稻渚者漁渚者藪夾隄植柳萬本行人藉得美蔭

龍骨翻翻聲相續也案有疑久未決守與君謀君指陳之下必中其隱

乃如君言而獄成守爲之歎服曰此非特百里才羈縻首領烏足爲人

才勸將會中丞熊學使者錢薦諸朝而君以母命年高力辭之既而俞

夫人歿元配杜氏亦卒長子默略血又亡兄蘭樹相繼謝世數年之間

死喪接踵踴蹶事獨居佗僚形容枯槁欲追時曩環顧之歡不可復

得會壬子春銓授杭州府訓導慨然曰本不欲出奈枯坐無聊西湖一

片水殆堪從省會士人講論泳游吾將終焉可乎挈二子之官其課士

一如在定海烏程時學舍外多隙地君徧栽芙蓉其上經年花如錦城

張氏藝文

五十 涉園叢刻

至今游槐市者思遺澤矣君工書凡摹仿古人筆意無不逼肖而於蘇

米猶得其天趣山舟梁太史一見定交每論書法有水乳之契造訪特

密故君歿時太史哭爲之痛歲在戊己避肺疾亟告歸大宗丞阮雅重

君慰留者再因強視事然精力憊卒以不起易簣之夕諄諄以讀書爲

善克繼家聲教兩幼子無一言及私烏夜村有林亭爲給諫娛老地君

攜琴載酒日與者英朋舊異僧田父據梧坐嘯其中水益加浸木益加

章有持絹素踏門請乞者率欣然應之醉墨淋漓浪漉衫袖弗惜也親

在時就學職歲必歸省兩遭大故皆乞假在籍躬治舍殮居喪盡禮時

祭必親滌器每宦遊以兄蘭樹尙家食爲對牀風雨圖以寫懷蘭樹忠

背疽君力任醫藥之資蓋其孝友天性然也著有詩文集若干卷未付梓

君生雍正二年七月八日卒嘉慶五年正月七日年七十有七以覃恩

教授修職佐郎配杜孺人繼配胡孺人子默邑庠生先卒次瑛次承望
題胥橋送行圖

胥橋瞻望處欲別意茫然化雨三年澤春風一葉船魚鹽饒海市桑柘徧湖田
極目蒲帆遠迢迢水接天

頌海鹽王令

鵬飛鸞薦舊騰聲快觀仙軺展曠程邑有仁風稱父母衙無弊竇誦神明千村
狐鼠紛逃匿百里桑麻並發榮早晚形庭膺顯擢喬遷世德佩刀橫

到普陀

停柑桃花漾招提得鉅觀平沙噴激浪飛瀑濺危灘雲臥嵐煙遠潮迴蜃氣寒
晚來幽興劇歸路溼層巒

題李慕迂先生照

張氏藝文 五十一 涉園叢刻

李侯相士如相馬羅致英歸陶治權奇假儻無留良一朝羣空冀北野李侯

愛馬如愛士獨賞神駿標微旨雄姿矯矯精爽緊霜蹄蹴踏志千里秋風蕭騷

秋草肥平原漠漠柳暉微顧影驕嘶屹相向風鬣霧鬃勢欲飛古稱八駿名非
誣得一已足驚凡夫王良伯樂時豈無臨風一笑相招呼昂頭蹶起莫踟躕追
雲逐日走天都

學署登閣

四圍桑柘綠陰叢傑閣登臨氣象雄繞郭山川屏障外萬家煙火畫圖中西來
爽氣浮城闕北望層樓接梵宮最喜鳥程酒市近攜觴高詠坐春風

題彭愚山表兄觀泉圖

先生淡蕩姿澄懷若止水下榻來蕭齋三載親風軌論事必探原無本獨深恥
倩友畫作圖跼坐標微旨逝者如斯夫水哉有取爾寫貌更傳神愜意乃傾耳

石磴瀉潺湲松聲落澗底紛紛人海鬧素心澹然矣

張氏藝文

五十一 涉園叢刻

張諤詩二首

陽湖洪亮吉檢討端峯張公家傳 檢討名諤字廷一端峯其別署浙

之海鹽人也高祖給諫諱惟赤曾祖主政諱膳祖贈公諱芳溶本生祖

比部諱芳淵父贈公諱宗松贈公生六子先生次第三生而敦敏無子

弟之過孝友肫篤內行重於鄉里早歲補博士弟子績學能文困於場

屋年幾髮應己酉恩科鄉試同考官開化令杜君得先生卷歎為實學

薦之不售大吏奏請賜舉人明年應會試賜翰林院檢討乙卯入都恭

預千叟宴賜杯杖緞荷包等物閱數載卒於家先生為海鹽望族家有

涉園林泉絕勝為六世祖大白先生讀書處藏書之富甲於東南先生

家居力學兄弟自相切劘篤誦經史百氏之言生平有所述作最矜慎

不輕下筆必求字字合於古人顧濶淡潛修世無知者同時有吳君澹

川與先生皆青年頗學浙西稱魯靈光澹川遇舉翁山尙書羅致幕府
爲之延譽於四方賓客以是老而知名先生獨不介交遊以自通當是
時海內名公鉅卿多負人倫藻鑑舉凡高才俊民一藝之長莫不求通
聲氣博稱學交相引重以取傳於當世而先生悠然養晦獨以老儒宿
學自全其天不樂一時之浮名卒之年登大章神明不衰恭逢盛世身
膺曠典其學問之深醇雖不見用於時而天之所以報其苦志者亦良
厚矣先生妾李氏秀水諸生諱承曾女有淑德治家有法是以先生得
專力於學子二長貴裕國學生次書圮諸生皆以孝友稱能繼其家學
論曰余丙午過吳門訪潘君晉棊梟爲余言端峯之篤學適端峯自
其弟山陽官署還浙余因得訂交舟中後端峯往來山陽道出蘭陵余
必出所著以相質端峯亦以所爲文示余余曰君之學流俗何能識之

張氏藝文

五十二 涉園叢刻

端峯曰吾但計學之不至初不計人之識不識也嗚呼此可以知端
峯矣余自塞外歸知君已下世因其孤之請爲之傳蓋益深老成難再
之慨已 按公著有筠心堂稿見續橋李詩繫

謁開化明府杜老師

寶田世澤近燕京早步蟾宮冠俊英久識晉陽留治績還聞宋縣著仁聲一簾
花雨琴心靜滿架圖書鶴影清好入他年循吏傳口碑聽取頌神明
木天名列荷皇恩爲念師門感獨存匠遇不材能妙用鳳將倦翮亦高鶩登瀛
偏詡桑榆晚鼓篋欣承笑語溫忝竊濫竽難報稱白頭長把寸心捫

張 訪詩二首

家乘 字敦六號厚齋乾隆國子監生 按公著有晚香樓吟草見續
橋李詩繫

弄珠樓看月

遙夜登樓望朱欄映碧波不知湖水闊翻覺月光多倒影孤峯立長空匹練拖
游魚應出聽宛轉試吳歌

午倦

掩關長日靜無譁攤飯書牕好夢餘
綠雨一簾紅簌欵東風吹盡碧桃花

張氏藝文

五十四 涉園叢刻

張玉輪 詩十三首詞二首

家乘 字星讓號練峯乾隆縣學生 按公著有粥粥翁拾餘草見續
橋李詩繫

橋李詩繫

汪氏雙節旌門題辭

汎彼柏舟迺左迺右哀我征夫不顧其後 予室翹翹維風及雨願言思伯綢
繆牖戶 彼姝者子聽用我謀及爾如貫亦又何求 維彼忍心如蠶如鬣左
右綏之莫知其尤 及爾顛覆葦茶如飴式相好矣德音莫遠 念昔先人孔
填不寧是烝是享以保我後生 肆成人有德棘人變變兮母氏勞苦終不可
緩兮

泊桃花隴

煙水淡無際扁舟欲問津
落紅流不盡疑入武陵春

范蠡湖懷古

陶朱霸越後飄然泛扁舟卻載苧蘿人五湖同夷猶云何棄富貴而乃戀溫柔
往事數千載未知信與不或云梳妝臺遺址今尚留綺羅渺何處碧水空自流
我來訪古廟喬木蒼煙稠徘徊湖水畔但見雙白鷗欲尋胭脂匯落日啼鈎轉
須臾新月出彷彿蛾眉愁

漫興

跳擲雙丸肯暫停不才只合守遺經幾番攬鏡鬢添白何處逢人眼放青把酒
原非澆塊學吟詩莫漫感飄零口枝一夜花爭發春色先看到小庭

燕

王謝堂何在春歸爾亦歸纔聞三兩語忽見一雙飛細雨芹泥潤濃煙柳影微
營巢偏不定還似認烏衣

張氏 藝文

五十五 涉園叢刻

與藻庭弟

可記開樽樂事稠韶光無奈竟如流長貧愧我凋雙鬢小試期君出一頭初三月初
縣繞屋不妨多種樹看山何必定登樓弟嘗居獨無樓程夢回春草紅花燦
弱弟欣傳疾有瘳弟小愈

春日與同人散步

早約尋春去聯翩不待邀一尖城外塔三板屋邊橋緩步心彌愜閒吟趣各饒
村童來賣菜笑問幾回挑

題華陰行旅圖

華陰地接古潼津聯轡無緣共適秦玉女蓮花都在望披圖翻羨跨驢人
三峯遠翠插晴空往返炎風朔雪中不為高堂添白髮歸心那便逐南鴻
聞蟋蟀聲有感

四壁疏燈外俄聞唧唧聲那堪搖落後如訴短長更弄杆風無賴侵牀月有情
屢遷終未穩斂翼莫爭鳴

秋夜不寐寫懷寄杉溪

落葉響窗前那堪倦未眠月明孤雁度風細一燈懸感事愁今夕論詩憶昔年
知君吟枕秋思更飄然

看村翁種菜感賦

蕭然烏夜舊時村抱甕猶憐老叟存萬事終當輸學圃三年自笑懶窺園栽培
縱歷冰霜苦採摘休忘雨露恩肉食於今殊可鄙菜根家味向誰論

對菊懷友

睽言秋色好籬畔燦黃菊有人淡如花脫巾酒頻漉酣餘山月斜快把離騷讀
何以寄我思采采不盈菊

張氏 藝文

五十六 涉園叢刻

詞附

天香子 詠淡巴菰

翠葉勻揉金絲細翦生香暗繙蘭蕊恰稱茶前偏宜飯後倩作消閒花史西窗
燭短話不盡相思滋味得春寒料峭紫簾碧煙吹遞 行吟漫巡簷底握筠
筒繡囊斜繫知此情否應笑熟陽未已句引癡兒睡女也折取蓮莖去偷試滾
倒爐邊宛然醉矣

邁陂塘 題吳石帆南湖酒圖

問南湖誰釣艇翩然清興如許浮家擬訪天隨子茶竈筆牀都具拚小住愛
巾漉春醪醉眼迷香霧翠篷容與認楊柳絲多鴛鴦冷箇裏覓愁句 吟懷
好寫偏蕩汀蘆止欲眠聊伴鷗鷺棹迴穩趁纖纖月指點石帆青處客喚渡看
故態狂奴側帽尊前舞他時記取約第五橋邊吾棹重泛把盞肯來否

張玉臨詩三首

家乘 字字立號香島乾隆縣學生

退思軒閒坐

梅影橫窗瘦蘭香繞室清閒來無別事時時聽讀書聲

題彭愚山表叔聽泉圖

坐愛空山託迹幽嗒然靜聽與神謀清音激越松濤應知是源泉滾滾流

絡石繁林瀉碧波不辭風雨亦來過憑誰繪出空明鏡冷笑江湖瀾浪多

張氏藝文

五十七 涉園叢刻

張鶴徵詩九首詞一首

家乘 字選巖號雲汀別號鳴舫乾隆國子監生 按公著有鳴舫小

草見續橋李詩繫

汪氏雙節旌門題辭

佳山碧連空潘水清徹底比似兩節母千秋永芳軌淑質懷椒蘭同心相夫子

忽訝所天傾神魂迷定止不惜死相從破莫誰可恃敢以十齡孤上為老姑累

勉作未亡人并命空閨裏門戶我當持春容爾堪委調侃不忍言疾困不暇理

夜鏡麻絲絲曉井冰塚指豈無外侮侵柔謹終能弭倚依三十年雖鳳搏漢起

所悲鞠育恩祿養不及俟念往三歎息尚冷江有祀

題馬愚菴少白兩上舍鄂讌聯吟處

隸華華讌列書楹坐向春風句共厝可似玉溪好兄弟他年編集定齊名

求友無如弟與昆堪饒遞唱對家園偏教展卷增新感羨爾鴿原好細論

題咸仲和竹垞太史鴛鴦湖權歌一百首後

新春花鳥伴吟哦水調翻成妙語多料得鴛湖應唱徧不教朱十擅清歌

百篇續和更搜奇莫便尊前付雪兒他日蓬窗同載酒漁榔臥聽月明時

題文魚鴛鴦湖權歌一百首後

長水塘長日扣舷春煙秋月任流連新聲別譜湖船曲寄語旗亭莫浪傳

吟成百詠比堯同風土都傳欸乃中一笑儂今須記取酒邊徵令也英雄

客語者每酒一行以各陳風土為命部人重舉權兩權以對吳越相傳為笑談頗兄權歌不勝枚舉故戲及之

上巳日同人涉園修禊分韻得林字率成短律二首錄請南人世長兄教

正

佳節逢三已趫然喜足音尊移臨水坐鳥聽隔花吟晴日春爭麗清譚味轉深

張氏藝文

五十八 涉園叢刻

不徒修禊好良會占家林

况入春風坐追陪愜素心不分賓與主還視昔猶今樂事當觴詠清遊仿竹林

柴門相話別後約待新陰

詞附

行香子 題竹橋送行圖

橋下珠光橋畔花香喜年來春滿河陽緬懷仙令事業文章是錦為心玉為骨

雪為腸 一東琴篋三尺書牀掛輕帆帶水偏長驪歌唱闌夾道凝望正萍初

生桐初引麥初黃

張玉田詩二首

家乘 字英石號太僕乾隆國子監生

頌海鹽王令

仁聲夙著浙西東飛鳥鹽城政益隆花縣纔臨先別弊鼓樓不築已擒雄催耕
大沛秦溪兩轍獄清來激浦風從此陽春真有脚公庭無事樂熙融
循良治績古來傳幸遇吾侯姬昔賢宗道隄前看接踵伯牙臺畔聽鳴絃烹鮮
小試調羹手問俗爭稱報最年指日超遷徵異數甘棠餘蔭自綿延

張氏藝文

五十九 涉園叢刻

張鷟振詩五首

家乘 字在廷號圭塘乾隆附貢生 按公著有圭塘偶吟見續橋李

詩繫

題晉橋送行圖

依然琴鶴一帆輕夜月晉橋別情如此水光如此月映來亦讓使君清
三年治績頌聲傳忽唱驪歌對別筵從此甘棠常勿剪披圖還望聽鶯遷

龍井

名山吟屐往來稀一徑松篁轉翠微春雨每看千澗合暮禽時帶片雲歸香紫
茶筍知禪味翠滴嵐光上佛衣泉石幽深塵不染惟餘白鶴繞巖扉

放船

連日春光好沿流自放船小桃纔破夢高柳未飛綿谿轉疑無路村藏別有天

維舟何處所獨木短橋邊

水中雁字

筆勢高從霄漢翔卻留妙蹟在瀟湘殺紋細皺波三折鏡面平鋪札十行饒有
煙雲供點染偏於飛動見鋒芒兼霞霜老無消息目送伊人水一方

張氏藝文

六十 涉園叢刻

張雲揆詩一首

家乘 字藻庭號曉碧乾隆國子監生

題晉橋送行圖

仁風政績邁黃黃相送晉川別恨長三載勤勞留惠澤一官廉潔凜冰霜關情
共下攀轅淚報德空憑祖道觴看罷畫圖難挽駕海濱從此頌甘棠

張慎詩六首

海鹽縣志 張慎字謹臣諸生能詩善畫尤工書法有石刻蘭亭樂毅論十三行臨本行世

海昌俞思謙文學南廬張君小傳 士有百行惟聖人能得其全大賢以下卽有不能兼備者况在希賢之士哉孔門弟子分爲四科史傳亦有忠義孝友儒林文苑循吏之目而後漢之獨行五代之一行宋之道學則又前無古人後無來者而獨著於一時者也後之修郡縣志者官至三品以上必欲入於名臣苟叨一命之榮無不歸之循吏稍能講學儼然儒林略識之無便稱文苑惟忠義非實有死事之節不敢妄爭其不能得名臣循吏儒林文苑乃退而入於孝友以孝友爲人之庸行尤易假借也嗚呼文筆之濫至於如此而人之品始不能得其真矣而孝張氏藝文

六十一 涉園叢刻

弟爲仁之本尤不能覈其實矣張君南廬余之中表弟也弱冠補博士弟子員工詩文更精書畫小楷出入二王六法逼真衡山常戲署其款莫能辨也能鼓琴性好善惜物澆用慎交尙義故邑人多稱之然余謂此皆不足以傳君君之可傳者在孝友也君考蘭樹先生抱病君日侍牀第衣不解帶者數月既居喪哀毀幾不欲生以老母在勉食飯粥蔬食者三年事母先意承志能得母歡心弟患痼疾竭力醫治弟幸不死而君遂得咯血症天其天年臨卒惟以不能終事老母爲恨嗚呼如君者可以謂眞孝友矣而非憑空結撰者之所能比也君名慎字謹臣南廬其號也用進士官給諫直聲聞朝野諱惟赤者君高祖也舉孝廉官西曹諱膳者君曾祖也性慕黃老隱居不仕諱芳漢者君祖也以明經授鑾儀衛經歷諱宗本者君考也余之祖姑爲君祖母余之姑爲君

母君又爲余妹婿故知君獨得其眞甥敦善請余爲君家傳余深厭世之虛譽而無實者故不敢一事涉於虛而實言之庶後之人無疑於余之言歟

得胡芷航書

別久情逾切迢迢會面難故鄉明月夜客路幾人看鐘響孤山迴蕪聲滴露寒雁鳴搖落處兩字報平安

獨坐悲蕭瑟寒窗漏幾更聲棲鳥夜月潮落馬鳴城逆旅三年別傳書萬里情何時重聚首相對話平生

問簡言何瑩綠知誼更眞相思一夜兩極目未歸人豈謂飢寒迫胡爲久客身佳人渺何許風雨自相親

木落寒風至征衣苦見侵數聲江上鴈千里故園心落拓襟懷古天涯歲月深張氏藝文

六十一 涉園叢刻

停雲殊悵望魂夢杳難尋

登樓

孀婦西風始欲愁無涯煙景望中收雲飛烏夜孤村夕潮打青山極浦秋自昔佳期懷北渚祇今清興想南樓行藏回首眞岑寂鷓鴣詠何緣共薄游

題杉溪兄洗寒圖

雪風凜凜苦寒月萬木槎枒凍欲絕獨有江梅不受寒要顯平生冰玉色因知造物工鐫雕特遣孤陽迴地脈竊窺佳入世外姿肯同粉黛標俗格羨君豪舉振疏慵倚樓一見春愁破淋漓百榼不知酣揮灑千言纔離坐少年意氣定如此不信寒蟲號得過卻笑富時驢背人浪誇詩思坐窮餓

張默詩四首

海鹽縣志 張默字聲雷諸生事親以孝聞母病饋天願以身代及母

歿哀毀成疾不數月亦卒

秋夜

林表起秋聲感此衆芳歇何以遣清宵把酒招明月浮雲動夷猶風光時出沒
悠悠愜素心徙倚望城闕

春江花月夜

駕言泛春江花月延孤舫花明野岸幽月落寒沙廣景色淡相成揮杯適俯仰
花月自年年幽期與誰賞欲采仙山芝臨流結遐想

城南僧舍

消夏城南好僧房不遠來野陰連竹徑雲氣護香臺清磬深林出新詩驟雨催

張氏藝文

六十三 涉園叢刻

淹留佳客共更進碧筩杯

題消寒圖

嚴陰凜冽朔風斜紅袖清樽興未除笑我寒酸拚到骨年年和雪嚼梅花

張秉綸詩一首

家乘 字翰階號蕙江乾隆縣學生

頌海鹽王令

期年治績百年箴澤與秦溪等量深彰輝有經千里頌恩威無我萬民欽清於
秋月明於鏡行似薰風德似琴盡說潘花與魯雉定知古者不如今

張氏藝文

六十四 涉園叢刻

張世基詩六首

家乘 字畬堂號榆堂乾隆縣學廩生 按公著有湖海詩人稿見續

樵李詩繫

題張顧堂大令胥橋送行圖

桃李公門盛春風笑語溫長令親几鳥亦得伴琴樽無策酬知己非才愧受恩
陽關歌一曲不聽總銷魂

浪遊淮水上未獲送河干鶴徑春風去琴臺夜月寒坐來渾似夢畫裏幾回看
便擬重迎拜兒童共怵歡

夜宿平望

遠近春波漲夕曛煙中柔櫓夜深聞淒涼一派吳江水江北江南此地分

山陽官舍卽事

寂寥官舍冷樂事儘堪誇只有花歲印從無吏放衙詩成常在夜客到便思家
唯我多吟思依人望正除

聞雁憶家兄始堂客滇南

聲聲嘹唳欲黃昏響徹關山吐復吞孤館燈青霜有信連江蘆白月無痕雲間
似訴三秋怨夜半偏驚獨客魂一種相思何處寄滇南遙隔不堪論

寄雞窗弟

歲月堂堂病裏過蹒跚無那半人何看花偏試尋春屐分寄閒情到薜蘿

張氏藝文

六十五 涉園叢刻

張以壽詞一首

家乘 字開先號雞窗乾隆縣學生

點絳脣 詠淡巴菴

按拍紅牙新聲別自杼機袖百篇珠玉試譜霓裳曲 日涉園畦慣看煙生熟

余家涉園前後左右徧栽煙草種有生熟之別吟情觸瓣香披讀綺語慙難續 家東澤詞名約語債

張應奎詩三首

家乘 字揆庭號雲槎乾隆戊子舉人 按公著有雲槎吟稿山左草
見續構李詩繫

題蘭江兄觀泉圖

松風吹不斷落葉隔溪聞流水香無際空山獨有君鐘聲傳絕壑潭影瀉寒雲
孤坐尋遺賞相期待夕暉

踞石此高坐脩然涼意生因知心不競但覺夢俱清風月饒佳趣煙霞澹俗情
出山亦何愧曾與白鷗盟

題汪蕪圃刺史白雲紅樹青山圖

三年燕趙栖遲久八月尊鱸感慨多我是南人愛南土夜來歸夢繞滄波

張氏藝文

六十六 涉園叢刻

張孝思詩六首

家乘 字歷耕號吟蘭嘉慶庚申歲貢候選訓導

同人北郊尋春小酌

城北行遊好春光緩步尋隔籬雙吠犬隱樹獨鳴禽酒愛沽花戶人欣比竹林
幾回歸未得還望月華侵

清明日東郊踏青

清明走馬出城東迢遞晴光曳暖風十里煙開山聳翠一枝花謝水浮紅閒看
戲蝶高原上靜聽鳴鶉古墓中永日尋春歸未得青堤回首月朦朧

寄懷許兌初

垂柳忽青青懷君思不禁五更遊子夢千里故人心把酒經春別裁詩對月吟
幾回相憶處庭際落花深

鴛鴦湖權歌

十里湖光萬頃秋阿儂扶棹出中流呼郎莫便移舟去多少鴛鴦古渡頭
清風淡月夜寥寥一片湖光入望遙前度女郎船未遠相招同出五龍橋
蘆葦蕭蕭兩岸低鴛鴦湖景物盡堪題阿誰種得鮮菱在采采歸來日正西

張氏藝文

六十七 涉園叢刻

張家聲詩一首

家乘 字誦芬號衣聞乾隆縣學生

觀競渡

浴蘭采木輕風柔晴波十頃何悠悠誰家少年誇競渡靚妝炫服蕩龍舟龍舟
掉尾衝波入採船綵鷁紛紛集夾岸紅旗閃電光滿江畫鼓鳴雷急萬馬奔騰
巨浪迎羣龍鼓舞遊魚驚公然奪得錦標去瓊林高宴爭先聲

張壽康詩三首

家乘 字景春號熙臺咸豐縣學廩貢生候選訓導

題背立美人

彼姝與我是何仇幾度輕呼不掉頭幸得年來空色相也無嬉笑也無愁
入時髻挽妙風神不顧閒人背後論縱把嬌姿空自掩依然漏洩幾多春

題宣甫族姪置酒契菊圖

青蓮斗酒詩百篇醉來自稱酒中仙淵明愛菊賦歸田園林日涉趣悠然逍遙
酒地與花天高風千古長流傳人生行樂須及先役役塵勞吁可憐何用富貴
慕高齋坐令出入深煩煎百年烏兔倏飛遷虛擲光陰奚爲焉我披此圖喜欲
顛一樽笑對黃花妍勸君莫辭酒十千我將來就東籬邊一醉直上南山巔喚
取長庚在眼前選石高眠三百年

張氏藝文

六十八 涉園叢刻

張大任詩九首

家乘 字佐庭號星榆同治乙丑補行辛酉賢壬戌恩科舉人歷官江

蘇震澤宜興等縣知縣

已宰何士循之 行將交代以留別詩見贈答和原韻

民心借寇竟難期留得棠陰繫去思并月絃歌規雅化一生琴鶴訂相知窮黎
猶待深恩沛寶筏如何半渡辭況復仁聲聞遠近活人心術久欽遲

州贊孫清
活人無算

平時風雨守遺編治術須根學術傳講藝虛懷能下士掄才雅鑒副求賢

義校浙閩所得皆知名 琴鳴絳帳施時雨 餅錫紅綾羨昔年 文教潛

敷黎庶化頓看百里靖鋒鏑 移風易俗擴良圖 甘雨隨車溥濟濡 誥頌頑民如薤拔 修明吏職禁撻蒲

移風易俗擴良圖甘雨隨車溥濟濡誥頌頑民如薤拔修明吏職禁撻蒲

日華賭博公訟庭似水清懷激野老瞻雲素願紆政清人民以雨三善悉符

蒲邑治思劉能得復來無

廉讓官箴未忍拋化民因悟解牛庖恍途卓茂賢良治免却邊韶好睡嘲於公

事發明碑紀閭閻字衆口碑以頌公德量周民物感同胞福星一路馳東海

公題補漫就匡廬自結茅

戊子秋初題宣甫族兄置酒契菊園

酒能掃愁號歡伯菊可延齡稱壽客劉伶荷鋪一樽隨陶令辭官三徑闢古來

駭客與詩人愛酒愛菊皆有癖阿兄志趣適羣倫不慕市朝慕泉石畫圖寫出

古人風酒與菊兮共晨夕生平好古復多能詩酒琴棋羅几席尤精於詩興

來兀坐發長歌一盃在手常不釋我們腹筒慚空疎况復飢驅勞形役時任

將有白門之行茫茫宦海歷風波胸次俗塵三斗積視君雅量清且高相去奚啻霄壤

張氏 藝文 六十九 涉園叢刻

隔吁嗟乎人生富貴幾何時一轉瞬間成陳迹何如移酒菊花叢對花狂飲杯

三百陶然一醉天地寬萬慮全消百體適

辛卯菊秋養疴里門復祝是圖有感於中爰步原韻以和之

百壺美酒菊千枝高會羣仙快賦詩寄語風塵折腰吏莫將五斗傲東籬

黃花紅友訂相知名士風流處士姿人與秋容同澹雅詩情畫意共欽遲

知兄甘苦早親嘗難得清閒俗慮忘萬事不如杯在手此中真趣自深長

得句歡傾酒十觴君才如許斗難量清芬世德知無負兄修其宗祠制修

還同諫草香先給諫公入告編兵變後板付規灰今擬重刊

張德明 詩十九首

家乘 字絨庭號宣甫著有契菊晏如室詩草

秋日東行留贈嶧山汪丈

嬉遊樂泉石我徒羨彭澤僕僕喚奈何年年仍作客偷閒伏里門寄傲略形迹

秋花繞砌香寒竹盈窗碧有時五柳翁笑入三椽宅高論異俗情春風盃几席

年老交愈深堅貞同松柏興至酌村醪狂吟玩月魄物外悟因緣性中求順適

馳驅本自謀慚愧為誰役吁嗟乎百里東行雖咫尺離情當為知己白釣徒十

月賦歸來晚菊迎風笑自開

謁岳武穆墓

千秋正氣鎮山樹白鐵蒙羞草色寒漫說世人同一盡賢奸畢竟兩般看

閒居

張氏 藝文 七十 涉園叢刻

花氣壓欄香心閒晝倍長春風何作意吹蝶過東牆

午睡

新竹粉俱香綠雲繞榻涼飯餘人意倦清夢入瀟湘

邀月

停杯捲疎簾再酌復歌嘯花外新月來清光喜相照

探梅

踏雪段橋東衝寒破曉風暗香疎影裏彌望玉玲瓏

晚泊東湖

移舟泊渡口入覽浩無窮新霽一湖碧夕陽滿樹紅風聲驅晚漲水影上孤篷

宿烏槽何處弄珠樓外楓

已卯秋夜夢中得詩一聯因倚枕續成之

睡覺聞雞欲曙天，心清猶自記吟聯。因循歲月惟安命，落拓風光不計年。此一聯於
夢內夢裏敲詩聊寫性，枕邊續句強成篇。浮雲富貴邯鄲道，省識晨鐘便是仙。

重過舊遊地有感而作

繁華草草莫追論，偶爾重遊過此門。回顧壁間腸欲斷，舊題詩處墨留痕。
樓臺閒煞綠楊春，燕子雙雙絮語頻。剩有海棠花一樹，依稀猶識詠詩人。
冬日至田家即景

西風獵獵傲裝輕，楓葉蘆花戰晚晴。流水半灣堪坐釣，遠山一角不知名。閒情
轉向忙中得，俗慮宜於野外清。籬落漁農相聚飲，同邀杯酒話平生。

秋燕

虛室清閒獨卷簾，一雙紫燕立斜暉。秋來猶在喃喃語，可戀烏衣不忍歸。

張氏藝文
九世祖素隱公八世祖大白公祠宇頽圯與柳姪合費修葺工竣誌喜
七十一 涉園叢刻

報本先安九世親，宗祠修繕不辭煩。自甲中至辛卯修葺三次誰憐老馬堪同道，幸遇家

駒免問津。辛卯春與柳姪合費與修不另捐款稍盡孝思差自慰，重瞻廟貌喜如新。來朝種植

森森柏嘉蔭，葱龍百代春。嘉前補植松柏

紅梅花

冰雪風神絕世姿，自憐何處可相宜。羅仙豈愛濃妝好，不點燕支不入時。

桃花

不是桃源也是春，花開似笑問津人。無言自有超塵致，何必頻頻說避秦。

題曹芝嚴稻香樓田家雜咏遺稿

吟情農事兩評量，劫後猶餘翰墨香。想見當年好風景，柳溪深處有書倉。曹氏有書

室盒

別具詩腸迥出儔，不吟花月逞風流。占晴課雨一枝筆，賺得稻香香滿樓。

六秩初度

五十九年甘苦嘗，而今六十幸康強。天生傲骨磨難盡，人訝餘生老更狂。毀譽
不關容，我懶功名無分爲。誰忙朋儕若問桑榆景，契菊培蘭興倍長。
衰年已屆杖鄉期，魚鹿催成兩鬢絲。漫道青氈原我物，卻如黃菊寄人籬。動搜
妙句貧猶樂，補讀奇書老未疑。孝友傳家欣有後，抱孫常誦白華詩。

張氏藝文

七十一 涉園叢刻

張劉冠昭詩十一首

家乘 張樹源室無錫劉書勳長女蘇州蘇蘇女學校師範畢業生

夜雨不寐

連番春雨釀清明，聽盡江南杜宇聲。滴碎五更心，轉情喚回千里夢。難成風窺
窗隙長吟細漏入，苔階冷咽清爲問。天涯舊知己，何時剪燭話離情。

乙卯仲春遊京江雜詩

第一泉

夾道垂楊新翦裁，中冷舊跡費疑猜。問誰識得清涼性，徧灑瘡痍萬點來。
第一泉邊數落花，塵封亭閣半欹斜。一杯洗盡胸中俗，苦盡甘來識此茶。

焦山道中

彳亍山腰回首看，京江城郭似彈丸。前程遙指凌雲閣，莫道崎嶇行路難。

道旁桃李自年年狼籍春風劇可憐誰是東皇時雨化一齊移植到門前

衡峯樓在甘露寺相傳為蜀漢孫夫人梳妝處

樓閣半欹兵燹後河山四面畫圖中舊時花木今誰主暮色蒼茫夕照紅

吸江樓

登樓遠眺大江東淘盡英雄萬古空烽火邊城驚四起無情去浪自淙淙

江天寺塔

七級浮圖階百廿自平地至頂共一百二十級直登絕頂勢凌雲疏櫺繞徧玲瓏塔檐角鈴

聲處處聞

秋雲時在塞北

白絮卷舒雁字籠魚鱗千疊奪天工輕穿客路八千里半截寒山十二峯似霧
偏隨風力亂非煙卻伴月華融秋雲漫說多澆薄怎及人情到處空

張氏藝文

七十二 涉園叢刻

題寄伯兄小影

花間戲稚犬莫謂體態狀阿妹年二十須知心尙孩廬山真面目海鷗漫相猜

旅思

浪跡風塵裏家書一紙遲夢回千里塞腸斷五更時雨滴鄉心碎雲飛別意隨
故園何處是冷月隔簾窺

補遺

題畫菜

張柯

淡抹濃添次第甚不須辛苦費長饒先生粟肉知無分飽看霜葵也解饒

千叟宴恭紀集唐

張譔

天屬尊堯典市杜恩光共此辰游韓長筵鳩筵集李朝賦管絃新張春豫靈池會宋

同 鶴連北斗醇明小臣持獻壽杜竊抃荷陶甄賈

中秋泛月南北湖

張慎

把酒問明月清光為誰發當年孫許爾何人早來高占煙霞窟今我來思蘆荻
秋湖風山月進扁舟鶴歸不見雲村隱吟罷難邀鐵笛遊湖北湖南浩無極明
月迢迢總一色水底峯嵐看欲飛煙中笑語聽難識何日還攜鷗鷺羣百壺傾
倒各殷勤此間自有湖山主可惜風光不待人

張氏藝文

七十四 涉園叢刻

籀

十

德

四

數

衆

久	梨	十	輯	略	二	行	以	季	光
丙	版	四	編	因	卷	舊	聚	修	緒
申	以	卷	校	廣	頗	存	珍	家	己
春	垂	謹	成	為	患	詩	字	譜	丑
初	永	雕	一	搜	漏	文	印	畢	冬

舊德集卷第一

繆 鑑 宇君寶元處士有

張宣序昔石效擊集失於至正壬辰之兵宣兒時撰
及見其手書其孫恭循訪諸故老口授三數十篇
錄諸祥復命宣錄其遺稿夫古今文學之士上無指
世賢大夫之言以光厥祖夫古今文學之士上無指
神之授下無子孫之賢浮沈乏偶隱約以終其身
者何限恭是舉也此之得為而不為者有間矣
陸文主賦客况句云雁沈秋驛雨雞送曉窗鏡書壁
云門當車馬道蕭蕭隔利名塵寄友云病猶有藥扶持
老貧為無心俯仰人遺興云門因好客時時掃窗爲
看山面面開右登江詩人苦石翁得意句也詩家與
文章家不同詩家最難刪後三百篇經聖人手識
不敢到建安稱七子李杜蘇黃集大成波江初誠齋
放翁後村號三大家其餘江湖詩人聯半句雖
是小康人皆入社澄江人者如江西派中人物彭城
南康人皆入社澄江人者如江西派中人物彭城
憶今有人矣翁名鑑字君

自題小像

白髮蒼顏谿藤兔顯水月光中梅花弄影

詠伎

花木最無情春風一番好人憐新態度一歲一回老

題竹

甚矣吾衰矣深居不用名瘦因詩思苦貧爲利心輕有竹堪
醫俗無花可問盟醉眠閒聽雨饑鼠齧書檠

舊馬

錚錚金鐵夜交鋒酷敵秋聲殺氣雄戰退曉天塵不動依然

橫槊待西風

鬼燈檠花

老死儒生習未除殘膏分得燎原餘一枝冷燄搖清夜要讀

生前未了書

懷歸

折柳期春春便歸叮嚀好與護柴扉東風怪我歸鞍晚調接
楊花到處飛

紙帳

龜紋薄薄勝紈紗不用銷金學党家卻似矮篷晴載雪白雲

橫幅亂梅花

詠雜

數載書窗伴讀鳴翠中剛雉羽毛新今朝命試牛刀手望斷
函關夜度人

無題

漠漠冥鴻萬里飛倚闌身與白雲齊中原山色青如舊惟有
時人眼力低

海棠

滴滴妖嬈睡未醒碎花猶帶馬鬼塵少年正抱憂時恨更有
因花比太真

寄劉澹齋

聞說商山有隱仙劉郎引入洞中天誰知白石蒼苔客獨守
孤燈夜不眠

詠鶴

青山修竹矮籬笆彷彿林泉隱者家酷愛綠窗風日美鶴梳
輕毳亂楊花

詠菊

誰去東籬號菊莊，飢來三喫飽。詩腸何如陶令歸，南圃天賜

西風萬斛香。

詠圍棋

午香簾影靜浮華，對面機心萬里賒。夾騎倒戈窺虎穴，亂鳥
橫陣占鷗沙。當人不讓爭先著，袖手須饒老作家。欲訪爛柯

山下客，洞深春染碧桃花。

解嘲

莫笑詩翁懶出門，詩翁樂事在山村。鶯囀楊柳金一作春歌舞

蝶宿梨花雪，夢魂卷畫丹青。分曙色，壓醅醪，漲溪痕。燕簾
風裏茶煙外，自選唐詩教子孫。

舊德集卷一

三

端居

修竹垂楊映戶栽，清風長送午陰來。門因好客時時掃，窗為
看山面面開。此樂恐於兒輩覺，長貧能免俗情猜。儒衣不似
牛衣好，叮囑糠粃放窄裁。

白髮

老矣無心競寸陰，不知公道為何人。晴梳櫛齒千絲雪，靜掩
梨花一鏡春。鑷處癡兒愁是種，染來因藥怪無嗔。兒曹共日
誇頭角笑說非熊有，消濟

題悟空寺

不到招提二十霜，眼明猶識魯靈光。雲餐已供伊蒲塞，風鐸
猶傳替戾岡。新寺金湯龍化遠，舊家王謝燕飛忙。行人指點

替戾地十里春風土尚香。

得女

得駒未必真權奇，中雀未必有淑姿。男兒未必勒鼎彝，女子
未必光門楣。吾今素髮紛如絲，得此一笑春生眉。蒼蒼天道
不我遺，猶勝伯道全無兒。

春題

江雲漠漠水悠悠，望斷春風燕子樓。書寄碧雲千里雁，鏡分
明月半匳秋。來時楊柳陰連陌，歸路蘋花雪滿洲。遙想瑣窗
挑錦字，淚珠如粉冷銀鉤。

梅花

鐵石槎牙玉粒姿，詩中圖畫畫中詩。半稜山色初晴後，一截

舊德集卷一

四

谿煙欲暝時，流水帶雲棲。瘦影小窗和月上，橫枝老來自覺
吟情拙。莫道孤山怨鶴知。

月屋

一室虛明萬境寬，水晶簾映玉闌干。不從此處逢仙子，爭信
人閒有廣寒。梅影夜窺霜鏡滿，桂香秋吸酒壺乾。客來試問
推敲字，笑指湖光上下看。

詠伎

誰去江雲問牧之，玉樓人醉半離披。獨搖窗影三更月，人醉
花陰十二時。訪社秋娘惟我老，夢揚州鶴有誰知。臨風笑卻
垂楊下，重解連環寄所思。

春雪

撩亂春風作陣飛曉來餘片尚離披細看山色空明處應似
乾坤混沌時一轉陽和回土脉十分清氣入詩脾芒鞋踏碎
瓊瑤窟問著梅花總不知

贈僧

兩腳行來鐵石堅相逢去住總隨緣談空舌本原無語打破
機關不用拳山檻看雲齋鼓後竹窗聽雨夜燈前客來淪茗
煨寒袖味勝廬峰第一泉

繆

煜字季光明洪武戊辰進士官至
吏部員外郎靖難兵起不屈死

江上

江上疏林返照濃攜鋤野老尚雍容一家骨肉增兵氣千里
關河警夕烽此日戈鋌同草竊當年帶礪愧桐封高皇原廟

舊集卷一

五

誰呼顧回首鍾山翠萬重

舊德集卷第一

舊德集卷第二

繆

遂字定海... 人祀名宦... 朱紹曾... 字雲曜... 志草學... 政仕海... 民垣不... 乙未復... 內地至... 化皆有... 同歸壘... 詳耳問... 詳盡洞...

舊德集卷一

於考古... 攝德波... 衣冠墓... 故址立... 拜墓門... 概到子... 今歲撤... 紳士左... 也公讓... 開置公... 教及與... 實無茲... 以衡頭... 院將一... 節留餘... 掩映西... 厥所由... 最久善...

左右學舍... 如昨嗚呼... 僑地余... 置一開... 節俾緒... 海隅樸... 何以報...

翁浦山

耕者得... 翁山浦... 之如脫... 正

桃花山

安期乘... 蹟在千... 見花盈... 者

次韻答偉上人

山水氣... 此來承... 穀務先... 黨琴書... 幾十秋... 達以造...

安享相期拾瑤草高蹈風所仰

同歸域放歌一首 并序

蓋聞號鼎攀龍莫改忠臣之節盟津叩馬不加義士之誅其
血碧千秋化虹貫日張巡之齒存孤壘騎尾歸天身雖
與國同亡名乃到今不死同歸域者葬故明與難翁洲之諸
縉紳先生也飲淚田橫之島猶奉殘曆於春王抗節崖山之
舟恥投降表於河伯衣薪蹈刃賦詩絕命者十人裂帛環梁
入室如生者百口他如子死父幼死長僕死主僵山背不屈
之骸以及婦從夫媳從姑女從母填塹盡含貞之骨肝腦狼
籍鬼神環擁而長呵齒骨縱橫風雨偶過而作淚火以埋諸
深坎哀而瘞之北邙爰有參軍爲之義舉雖逢尼父難題墓

舊集二

三

於延陵縱有中郎曷勒銘於斷碣寒食則萋萋芳草常儼若
敷之魂斜陽則黯黯殘榆孰酌王孫之酒逢

聖朝之寬厚復舊邑於滄桑移橫海之樓船建牙鼉背標伏
波之銅柱吹角鯨頭燕麥未生種花故同潘縣豺荆初蕩尋
薇遂過商山見將壞之一杯滅城浪噴謀不祧之兩祭負郭
畝香何幸羊山來登漢峴下諮單父共舉蒸嘗買處芮之開
田承春秋之芳薦猶恐明禋未秩几筵不逮夫百年旋將幽
躅分標姓名具臚於各憲稽彼表忠作觀祇爲吳越恩私方
今宥過澤枯眞沐

皇仁浩大固已封同比墓共知義異崇鄉者矣燧以邑乘雖
登衷懷未暢念茲窮瘁禾寂寒阡韓愈不興莫過亡王之墓

陸衡已往誰云大漠之墟乃於暇日偶作放歌揚已逝之幽
芳聞不朽之奇節用貽同志共發高吟嗚呼君父人之大倫
安問興亡何代忠孝闕乎至性不分羣怨皆詩下筆含悲行
歌當哭效挽辭於蒿里豈同瘞旅之文追哀些於楚江聊補
招魂之句

甬東東海海中洲中有隆隆土一杯忠臣義士同日死火而
瘞之萬骨哀參軍題曰同歸域域夷地棄狐貉遊芳草不生
寒日照排空濁浪將與讐

天子仁明置鎮邑忠魂磊落無長愁摘星挹露清不餒何須
俎豆及荒邱帥臣過此心慘然曰此不祭民無天灑血塗肝
報君父安辨商與周年借予建祠并守冢瞻以負郭半頃

舊集二

四

田義魄貞憐得從祀春禴秋嘗潔菜牲宵碑未勒封墓石下
馬誰不拜山嶺欲令義烈長垂後文章力與天地久出師表
後正氣歌兩丞相今曾死否鯢淵張公雪交亭六帛齊懸如
生首吳公抱主死類官火中吟詩不絕口赴海蹈刃沈與李
諸公從此聲雷吼千忠萬節同日歸石爛崖枯終不朽滄桑
倏忽才十春蓉浦作歌懷古人寄語天下同心者不分出處
扶天倫

定署思鄉

廿載嗟懷落酒尊蕭蕭白髮鏡中存微官雞肋初無味舊夢
純醴只獨論極目煙波愁海國比鄰言笑憶江村劇憐黃歇
墳前路夜夜寒潮自到門

潮音洞

層岡如欲渡臨虛疑負巖崖洞深不測曲折藏波濤相傳觀音現恐是蛟龍巢地底鳴空雷晝夜風怒號復扇走相向延巨環週遭凭臨不敢窺激浪前衣袍海潮駕羣峰顧盼引興豪孤立當秋風俯仰宇宙高

梅岑

子真隱吳市胡為在海涯豈慕巖谷幽與佛成一家梅岑爾遺跡高迥凌青霞我來當三月滿林杜鵑花披襟一長望海濤浴浮槎三山如可到蓬萊路不除雅川晚得道豈真在丹砂一令復一尉超然不可階

六世祖蓉浦公前令沂水後令定海均有惠政久於定

舊德集二

五

海任卒於官民懷其德畱葬衣冠以志遺愛距今百七十年思慕之懷猶如昨日事蹟其定人黃敏等遺愛錄并趙欠山侗敦所撰傳荃孫搜得舊帙均已開雕公會

修定海縣志八卷詩文無專集今采定海縣志普陀山

志家乘共得詩七首文十餘篇略存梗概舅孫荃孫謹

識

繆

字深培歲貢生青陽縣訓導

風阻燕子磯遊至三台洞

枕江一片石透迤十餘里峭壁插長空高崖噓江水仰面神魂飛一望寒生背崎嶇路不窈嵌空錯難理猿狖不得攀鳥鵲無棲止初洞敞盈餘小結依崖址山腰二洞幽喬木秀懸

萬百折到三台倒挂石垂葉中有一泓泉汨汨流山麓彷彿敲清磬聲隨風遠邇高瞻見草菴欲達無由抵吁嗟我遠行浪薄孤舟艤程阻得勝遊雖憂亦成喜慷慨問山靈來此人几幾

旅懷

晨開六合關夜泊三山鎮行李雖蕭條孤蹤實輕迅同舟自紛如知心願亦僅蕭蕭風雨來墨墨燈煤燼暢飲情自怡高歌目微瞬不辭行旅勞且喜歸程近擬入鳳鸞翠乃逐鳩鴉陣心誠與俗違形豈將物徇捷徑輸厚資營求胸後進侯門仁義存斯言良足信誰能脫利名一往成豪俊

烏江項王廟

舊德集二

六

霸王氣蓋世至死亦英雄重圍既已脫不忍見江東一點羞恥念頸血^圖膏鋒即今瞻廟貌凜凜欽英風漢高千載下威名終遜公

記振

江南大旱年康熙四十六平野無總稔高原失新綠皇仁恤蒼黎平糶兼散穀明年值水災巨浸連平陸監門繪圖陳冬春更振粥官吏各分版予偶任監督屢閱艱苦形傷心實慘目叟媼競奔趨襁多號哭不拘商旅工漁樵與耕讀蓬頭而缺齒黃冠及緇服或夫妻子女或鰥寡孤獨跛者步槩跚跚者腰屈曲暗者呼嗚嗚者行于子疋者而皺黃裸者身糞瘠或操篋與瓢或攜鉢與搗或持囊來或卷

衣束左去右旋挨前推後仍續鄉有數千人郡邑難更僕凡
經予老眼強半粗相熟有為田舍翁有為衣冠族有曾業舟
車有曾事芻牧裙布與荆釵某住某村屋疇昔有秋時各各
快情欲寒不愁布絲飢不少梁肉連歲遇凶荒生理遂窮蹙
繪纈不掩身稅稗不盈斛少壯苦蠅營老弱多枵腹鬻龜屨
無煙乾糗和水掬眾口盡嗷嗷仰此官倉畜大吏等長孺請
發淮揚粟

恩詔自天來痾瘵念彌篤振荒截留漕遺黎免溝瀆四路分
領振晨昏擾喧逐米或遭漏撒雜取泥沙漉粥或偶傾翻就
地噉匍匐迹雖鄰乞句且喜恩膏沐所重在軀命何暇顧恥
辱生死而骨肉陽和迴黍谷今年勤樹藝黍稷方或不取

舊集二

七

望羸餘聊冀充半菽茅簷且安居餽糧暫粗足既得守鄉邦
還依舊風俗民痛幸蘇息仕宦悲轉軸近餉劉公錢攀轅徒
懸轡中丞于公未幾解任遠送萊公葬遺澤生枯竹使相邵公卒于官署
帝復簡賢良烏臺風紀肅中丞張公自閩調蘇百吏飭廉隅三吳承煦
育情勢鞏金甌光明調玉燭又有獨租詔海宇蒙禔福噓植
徧閭閻周詳且重復嬉遊化日中敲彈爭與筑何以答

聖明惟有華封祝

秋江濤

浩浩乎大江之水連滄溟長風鼓巨浪千古不暫停每逢八
月十八日秋水方至號潮生子胥之濤怒方盛武肅之箭射
不平江皋士女來紛紜攜酒挈榼藉草茵相與坐觀激浪之

嘈吟初時猶見水淺露洲吐漁者捕魚遙入水頃聞隱隱雷
鳴聲其聲來處當海門遠瞻濤起如銀城又如百萬鴛鴦結
成隊乍低乍起連飛騰眼前沙汀漸汨沒漁者赴岸忙逃奔
銀城飛鷲忽不見但見江心列高壑聲同萬馬齊騰勢扶
陣雲來撲面觀者驚呼起走旋怖若長蛇猛虎來江邊橫排
飛卷轟且擊沿江千里同噴雷轟轟拍岸三五回前濤拍過
後濤催一拍一催復相值激成飛帛橫千尺呼吸之間百瀆
盈長天已同色水勢猶崩傾嗚呼人生百年百過潮生日幾
見雄闊險怪若此之驚人見者心膽頭數日神不靈無怪乎
清溪曲澗流洑洑小水轉足怡人情

虔亭射虎歌

舊集二

八

吳興虔地山深曠有亭翼然峙其上亭畔人傳虎負隅藜藿
不采魂驚喪紫茸碧眼吳侯知校獵登亭開虎韞彎弓飛鏑
山君摧錦毛供御羣歡暢霸圖三國已成基雄才千載猶稱
壯嗚呼生子當如孫仲謀虎踞江南入十州荆襄虎將君何
仇賊殺臣曹不附劉屈身狐鼠不自惜射虎雖雄亦可羞

君山短歌

青山突兀磬城邊崎嶇石徑隨攀緣山亭碑臥草芊芊山巖
高閣臨江懸江流浩渺波連天遠入滄溟近檻前江山隙處
盈桑田綠蕪千頃呈鮮妍極目登臨意慨然坐收風景白雲
巔浪濼站站欲墜鷺爭如漁艇宿淺煙汀洲牧馬羣遷延內
有名駒未著鞭珍禽斂翼低飛翺玉莎瑤草長蕩綠眼看百

物搜冥筮曠情勝讀逍遙篇登高眺遠懷飛仙山行手拍洪崖肩

嗔張天其喪子

吾兒患嗽君來看君兒患痘醫無幹生惟一子痘中殤知君痛子腸應斷腸斷呼兒魂不還蓬蒿淚洒皆朱殷淚盡眼枯痛何極為君說法開心顏父子本從情想得情想因想遂糾結要知情想若空華我性如如不生滅此身生滅尚非真兒死兒生安足論情纏自覓苦中苦情脫何悲身後身不見黃梁炊罷人初覺滿眼兒孫幻作塵

仙蹤詩

周家王子晉緣嶺試吹笙既已登仙錄宜其薄世榮長空看

舊德集二

九

月皎餘韻逐風清可望不可即迢迢上玉京

嶽嶺望

華表千年立丁仙化鶴歸歸時畱勝跡仰首緬遺徽城郭猶

然是人民總已非遼天空闊處振翼任高飛

華表鶴

梅花

稟性自孤潔瓊姿帶雪眠香因幽倍遠色以素為妍淡蕩寒山月淒迷野水煙羅浮幽夢幻長此伴神仙

訪僧不遇畱題

坐此兀須臾身猶入太虛窺庭常寂寂觀相只如如有鳥歸高樹無人寄尺書錫飛何處往使我獨躊躇

病

生死尋常事何勞老病催老將生作客病與死為媒筋骨霜

前草形容雨後坏爭超諸劫外長自脫輪迴

浮圖澄徹六十

不迴禪宗觸背關蕭然雲隱寄高開過從伴侶成三笑指示兒孫了八還祇為澆花勞手澤偶因覓句聳肩山其餘塵俗無相染宜爾蒼顏得駐顏
攜筇造興樂園田入室觀空見聖賢檻外煙蘿空闕地盆中出水蔚藍天忘年豈覺周星改無我何求彼岸邊莫道劫塵催物化須知難壞火中蓮

春晴甲寅

四圍新翠接蒼穹九十春光景不同
燕剪纖芳叢柳侵書案窗分綠花覆村溪水借紅試問韶華

舊德集二

十

誰領略太平佳氣在江東

時三藩初叛天下洶洶而江南未動

新柳和韻

萬紫千紅鬪豔時獨舒新綠挂輕枝鶯遷屢擲金梭過魚避還疑餌綫垂煙鎖深沈牽別怨風吹搖曳繫愁思東君若是無情者誰教春添如許絲

竹林

幽居不用買山錢獨坐深篁隱碧天
時發數聲蟬煩憂頓卻如除疾清思頗增似入仙
隨意得眼前何必數淇園

第二泉

九龍盤鬱據幽岑下有名泉出茂林
隱隱白雲浮石檻琅琅

清韻入瑤琴催詩解渴人俱羨
汎酒盛茶味愈清只爲人情
耽險與故將名目亞江心

紙鷲

三春花柳正紛然鎮日兒童放
紙鷲得勢纔離三尺地乘風
直上九重天箏聲漸徹煙霞外
鐙影常搖星月邊縱爾翱翔
雲路闊高低難逸一絲牽

病中口占

物候推遷似轆轤堪憐衰病到
鰥夫衰年疲懶憑兒屬病骨
支離倩杖扶整夜不眠非醒也
連朝絕粒豈仙乎酒腸枯涸
詩情淡何日重還一故吾

病後疊前韻

病機果亦似旋轆世上還須老
此夫腸胃只憑湯藥潤精神
猶假兀荅扶道遙外境應生矣
混沌中央豈死乎生死本來
原不二吾今忘物并忘吾

誕日

乾坤加意老吾身六秩稱觴慶
誕辰檢攝身心防大過殷勤
禮數動家人隙駒過去光猶在
蕉鹿參來夢亦真但得幽人
常履坦一年贏得四時春

壽劉姑丈

然黎天祿舊家聲此口江鄉曳
杖行采藥有時曾失路看山
何處不知名陶家花酒風常在
馬帳詩書味愈清更喜清和
風日好夜看南極照窗明

庚申奇夢

夢後頻經大旱年丙辰夏訪曾有牛戴帽無半月晴幾番漲
溢幾番平句己未大旱又有春交五月方
復雨夏到重陽未涇埃句復遭奇湧水連天
閩通別渚青鳧戲野單陰雲
白鷺翻樹短枝頭多聚藻屋低簷
畔行停船何須遠覓江湖
勝滄海於今在眼前

從來剝肉是東吳頻歲流離肉已
無老弱自憐終自盡妻兒
相戀只相呼懷思昔日塗山積感
慨當年鄭俠圖靜盼使君
能軫恤誰將此景達
皇都

偶成

向平四十慰心期我越兼旬始及之謂六旬
外也女嫁男婚粗自
了家私國課淡相辭無懷可遣聊
成詠有病防深自解醫似
此真成無用物隨人評量巧和癡

讀書若但博浮名空自咿唔過此
生解得一經傳子讀畱將
百畝勸農耕如逢山水欣佳趣苟
免兵荒樂大平耐盡世情
容我老海天空闊有誰爭

七十自吟甲辰

電逝波流七十春徒然碌碌混光
塵未來榮落杯中影過去
悲歡夢裏因物謝已同無礙木任
天猶作有情人何由把得
眞常定幻化中畱不壞身

宿山寺樓

寺小因山僻樓高見樹平烏鶯喧日
暮狸鼠逐星明爐火松

風警神堂鈴鐸聲有僧聊伴寂無酒暫消醒不覺塵寰迴惟
聞秋氣清巖巒環繞處此地可逃名

六世從祖深培先生住蕭崎風過莊自號風過逸叟縣
志列傳云為人和厚邑有公事悉心經畫著有詩詞通
韻譜鳳過草堂詩集以歲貢生選青陽縣訓導未至卒
庚申之亂子孫無一存者所著更無從收拾矣荃孫從
顧季慈江上詩鈔錄出三十首詩鈔小傳云詩文甚多
陳泓選百之一按泓所著為江陰文獻錄今亦未見然
顧選從文獻錄錄出是季慈亦未見全集也從弟孫荃

孫識

繆民垣 字紫宿 歲貢生

村居

岸曠林塘野籟生鴉鳴聲裏喚春耕申浦上潮初長季子
祠邊雨正晴十畝未成巖壑隱一溪閒結鷺鷥盟年來壯志
消磨盡耐可扶犁聽曉鶯

桃花鎮即景

匳巾迴唐汎棹輕一篙春水暮潮平漁人去後仙源隔不見

紅霞照眼明

繆民垣

字漁澗 監生 考授州同知

道光江陰志繆民垣字虞陶幼失怙恃叔燧撫之及
長事之如父所為必稟命而行叔父母歿服三年喪
諱日素服涕泣減食居家言笑不苟訓子嚴而有方
與人交坦率簡易親族貧乏者周之無吝色
劉星煒撰家傳先生十一歲遭大父憂其甚師節
吟杜句云思家步月清宵立應聲日念天涯散夜

說學庶幾歎

感懷 有序

辛巳季秋天氣遠和臥病旬日小事觸心即氣填胸膈皆由
平日未體吾父母心故耳癸卯平且忽悟乳名妙義即成數
語以志不忘起書數紙徧黏座右如道家持咒每無事時即
誦數遍庶或劣性可改得吾父母命名遺意云爾

想我厥生初父母命日和顧名即思義使知切與磨終天長
抱恨有失誰謎訶書紳以自警所得日或多躁妄苟勿禁其
如命名何

繆廷錄

字嗣俊 號雪堂 太學生 有雪堂詩鈔及焚餘稿

徐馨撰家傳先生諱廷錄字嗣俊號雪堂幼端重勤
誦讀年十一母楊孺人見背哀毀如成人十七遭大

父喪重罹父變呼天搶地痛不欲生抑鬱成疾幾不
起郡城將紫真先生名醫也精易工詩謂之日若回
不惜軀命其如大母何先生懼然日是也但心有
觸便決裂欲死奈何將日無傷也送傳以坎離交濟
之道岐黃調劑之方且引之以歌詠詩詞舒其鬱結
之氣先生謹受教積數年病稍愈博覽經史旁及醫
書四子親授經俱克成立惺惺獨得方書遺蹟生靜
瘦鶴同清影上苑難鴛送巧奪偶檢方書遺蹟生靜
中滋味自遊瀛益實錄也壽七十有七一無疾苦易
贊之口占一絕云泥跡塵寰八十秋難無業瘁苦
多愁只因未了終身事長歎一聲歸去休詩成即
目而逝

秋夜

虛庭生皓白月色淡如水秋聲何處來林間落松子

登上海城

振衣上危樓旭日綉新皎凭闌逞流矚曠望周物表野壑雲
氣生天空住飛鳥斷岸鬻千尺波洶浴處少枯草積頽牆塵

煙起林杪海色入山青支流到村小萬木抱貞心靜候春風
曉春風有時來客懷常悄悄

題李宇清妹倩秋江釣叟圖

江雲釀秋雨江風吹散煙日色暗晴空雲聚如山連山光煙
雨潤欲滴百頃兼鼓白於雪一葉扁舟泊岸頭中有荷蓑釣
菴客借問君何爲名利兩不干但見江涵雲水樹影寒飛颿
涌擊鳴清湍直欲招隱同盤桓不應僅作披圖看

九日登季子墓

獨立俯原野人閒山亦空故宮秋草外遊屐夕陽中漫擬長
年慶宜存易往衷相看歸鳥盡猶自倚西風

掃墓卽事

舊德集一

五

一別松楸已二年清明拜掃意悽然老翁倚杖窺盤饌稚子
攀枝挂紙錢心斷野花春色裏悲生杜宇夕陽邊歸途忽遇
濛濛雨相率褰襟喚渡船

贈四弟虛中

讀罷華嚴咒幾篇蕭然吾意欲逃禪一肩瘦削影堪笑雙鬢
蒼浪秋自憐碧漢懸河初去雁綠槐沈蔭乍來蟬與君竹馬
嬉遊日屈指遙遙數十年

遊仙詞

仙侶朝眞鶴駕還祕添瓊笈返三山半天花雨飛幢節萬壑
松風雜佩環丹鼎夜寒光氣斂石臺春盡薜痕斑逍遙物外
渾無事那管人間禍福關

三男綵秋捷喜成

分經課讀每三更戶外希傳屐聲細數落花香入夢間看
歸鳥靜怡情安貧自爾求名淡守分常於養拙營忽聽鳴鉦
人語雜衰年頗覺步趨輕

登君山

挈伴登臨散寂寥偶攜春屐破荒郊曉前雙屐連雙屐足底
江湖接海潮浪穩漁舟還汎汎風輕岸柳自搖搖三千珠履
成何事獨枕洪流望鄂遙

陳廷慶山莊次韻

那有閒愁假酒降槽頭猶聽暗鳴缸鳥傳詩韻留花逐月寫
梅真上紙窗跳澗瀨後時兩兩沿崖馴鹿自雙雙山中澹泊

舊德集二

六

風多古誰道幽居喜近江

偶然寂寞坐山隈徙倚時時笑口開野寺半藏煙樹裏人家
多在白雲堆千山風緊迎雷急萬壑濤奔繞電來雨過小塘
添漲綠沙明石淨好徘徊

顧影鑑前任笑頑一觴一詠性安閒玉蟾有意明芳桂蒼狗
何心補斷山出水鮮菱校自厲連泥碧藕體全鬱草堂縱酒
酬佳景怪我生來飲量慳

浩然天地可爲舟山色凝煙碧玉浮一笛西風鶯鶯夢滿林
疏雨洗猿愁看花隨樹來香逕尋寺聽鐘到嶺頭處世莫親
轟赫客波濤滾滾幾時休

詠竹次石衡山韻

曾與梅花作故交
琅玕骨格好丰標
虛心只待春雷發
勁節偏宜臘雪漂
雨過荷陂頭角見
月明湘浦佩環搖
偶然風撼簷頭吼
彷彿柯亭製洞簫

繆

字思安
邑庠生

秋日偕湯明書姪倩遊蓮花寺和嘉會俞社長原韻

野望興蕭蕭
閒吟破寂寥
橋通池水靜
柳受晚風飄
茶熟雲煙關
詩成海岳搖
林深秋不到
綠葉未全凋

不是草堂東
如何杜老同
道貌渾非俗
清標自可風
流泉依夕磬
落日隱歸鴻
此席堪爲侶
梅花與竹松

送敬敷十五弟南歸

月落烏啼劍佩寒
蒼茫雲樹一征鞍
臨風雁咽秋聲慘
折柳

舊德集一

七

人垂玉箸看歸路
不堪仍陟岵
時丁內難
此心應是悔彈冠
雪窗如有餘熊在
願附雙魚寄一丸

風雨

簾卷西窗昨夜風
濃雲密布倏千重
驚寒雁斷秋聲裏
滴淚花翻暮雨中
霜氣暗催楓葉赤
鄉心愁對蠟燈紅
長安日近宜先露
策馬來朝頰轉蓬

舊德集卷第三

繆秉政 字昭村 郡庠生

嚴州道中

七日嚴州道灘聲慰寂寥野花攢石角溼霧束山腰嚴子高
風遠荒臺積雪饒歸期仍未卜道里尚云遙

贈敬亭汪明府

神君作宰海之涯不數河陽滿縣花舊續南溟碑在口新慰
東越雨隨車無塵冰鏡當空照有脚陽春到處誇更切君親
雙戀意捧將綸翟出官衙

題李羲河觀鶴圖

灑落風神孰似君相逢高士意偏殷王喬放去應無侶丁令

舊德集三

歸來樂有羣閒整素儀秋月潔時傳清唳暮天聞卻嫌白鷺
非仙骨長伴漁翁宿水雲

和吾三弟新月原韻

恍疑弓角挂雲端塞上經秋已戒寒壯士不忘邊地苦每於
靜夜幾回看

又和夜度仙霞嶺原韻

浙閩相隔一仙霞峻嶺縈紆曲徑斜莫歎行程無駐足溪邊

煙火有人家

繆 字汝舟有汝舟 詩集及蜀遊草

旅况

雲色迷山色灘聲雜雨聲他鄉多勝境獨客憫離情路遠青

難到囊空處盡輕憑閑遙望處亂石自縱橫

柳隄

弔古傷今復怨離幾株疏柳挂長隄五更殘月流鶯語十里
寒煙客馬嘶無復錦帆歸故國空垂玉筍憶深閨由來此處
消魂地一度經過一慘悽

花港

千紅萬紫趁風斜誰道生涯寄水涯南陌雕鞍移畫錦西湖
瀟灑汎朝霞當年零落隨蓬梗此日嬋娟笑若耶分付王孫
休浪折使君早晚降仙槎

水村

羣鷗飛處澹煙痕曲曲清流抱水村半壁蘆花閒釣檻初更
漁火映柴門芳溪會入詩人棹晚唱頻驚客夢魂憶昔扁舟
訪雲水幾回潦倒醉青尊

僧舍

白雲深處訪開門斗室優游傲五陵占盡名山求寶笈營成
精舍覓金繩千尋老樹留僧侶一縷茶煙麗佛燈欲把浮生
參妙諦懶殘何處說三乘

和叔明三兄玉蘭原韻

可笑穠華鬪豔陽獨標素質倚東牆蘭心不藉蘭為佩玉骨
何勞玉作妝已許仙山尋鶴屐枉教月府試霓裳等閒漫續
離騷賦靜對東風雨不忘

登古釣磯

寂寂橫塘一鈞磯訪求遺事已幾希江東星隕子陵去渭北
瑣陳尚父歸浦外篝燈紅隱隱清邊雲樹碧依依千年古蹟
留杯土極目寒流問是非

繆秉綵

字萊庚乾隆庚辰舉人

感懷

婆娑庭前樹花落子離離風雨密葉護子熟還拋枝上有雙
棲鳥覺食無停時哺雛雛羽滿高飛竟長辭嗟彼無情物偷
理安足知白雲起南山客子空懷思

嘹唳南征雁一一若聯綴陡然發狂飊橫吹雁行裂眾翼隨
風翔一翼歎孤折失侶鳴嗷嗷霜寒聲不絕旅館夜無眠聞
之心哽咽

舊集三

三

對影忽不樂展卷若有忘寒蛩泣草露疏砧擣秋霜四顧人
語闕明月上我牀因思閨中月寂寞同清光

五排四十韻寄示建常十一弟

憶昔登車日依依別思牽蹄歧言努志把袂屬加鞭點額難
心折凌雲望眼穿杳圖春已謝雁塔路無緣飄泊蓬何著淹
留馬不前囊空蘇益困途哭阮非顛共說長安道由來沙漠
邊朔風尖過鐵飛雪大於絲斟酒傾燒栗烹茶酌苦泉蒙頭
塵土塞聒耳馬牛鬪性懶同株守才疏幸璞全世情姦似蠅
余道直如弦媚俗無柔骨豪門恥逐羶謀生嗟素手餽口寄
青氈蜨夢疑歸楚萍蹤尚滯燕一盤寒對雨半榻冷凝煙行
雁悲零落吹燠歎久懸南來看越鳥北去識吳船回憶羣英

聚悠遊逸興騫流觴飛翠羽開宴挹紅蓮笛弄隨歌發花催
擊鼓填斜行題粉壁短句學藍箋悔為浮名挂翻將真樂捐
綠衣愁對舞春酒借誰傳虛擬蟬賦難親玳瑁筵心酸秋
葉落目斷暮雲巖定省余多曠晨昏汝獨肩殷勤捧巾櫛笑
語進枯棧勸食朝嘗膳驚寒夜侍眠何須官俸米還贖典衣
錢順氣蒸雲雨和聲韻管絃祇因短生計常為苦糾纏出入
伊司箬盈虧爾執權待哺人入口容膝屋三椽門有催租吏
家無負郭田要知貧匪病須識命由天自念留京邑何時返
故塵羈魂隨去燕旅思泣唳鵲已矣肱三折嗟哉客二年爾
來臨曉鏡兩鬢髮斑然

旅懷

舊集三

四

堪嗟遊子逐風塵膝下睽違已二春遙憶堂前雙白首淒淒
魂夢繞征輪

嗟予伯仲應修文我為虛名又強分試看庭幃誰侍立雁行
寥落不成羣

繆一經

字吾三監生

述懷

人生無百年半乃棄寢夢忽忽日復日歲月更相送灼灼園
中槿青青陵上松草木有修短自顧何蒙蒙荷無後凋姿將
與日及花別名同弱質易摧靡勁節全其終修名以為常庶
幾壽無窮

鬱哉崑山隅往往輶良玉連城價未著光彩已若燭自非下

和愚誰則別其足物緣自愛貴學以迥售辱時哉不可期願
言守吾璞

夏日喜雨

月落騰雲黑風馳挾雨流乍驚孤館夢却破故園愁石徑淨
如沐江城清若秋明朝問歸路翻恐漲蘆洲

秋日偕賀君梅坡滙川弟遊蘭亭

勝地留名蹟登臨慰客思依稀修禊事彷彿暮春時竹暗泉
流曲林深鳥語遲一番憑眺處今古盡如斯

過回雁峰

陟嶺依巔際峻嶒路折盤雲埋雙壁暗雨過數峰寒客遠天
涯近時清海甸安雁回畱舊蹟今古幾人看

香齋集三

五

瀛洲署中詠雪和徐怡亭原韻

霏霽連瀟下白雪和難成曲院光無際疏窗夜有聲銜寒吟
半壁鑪擁話三更有酒何妨醉盈瓶好共傾

送丁仙僊

落日南屏起梵鐘紫陽西界探靈蹤天開古洞迷仙篆山關
虛窗倚晚松竹徑畫陰遊鼠出蓮池雨過落花封攝衣絕頂

憑空望繞郭村樓幾萬重

滕王閣懷古

王韻

雲帆數點收煙渚閣俯洪波似飛舞帝子繁華變古今騷人
詞賦埋風雨汀花山月兩悠悠送盡年光春復秋壯遊我欲
乘風便極目長江萬里流

飛來寺

在廣東英德縣

何年何處飛來寺此日歸然俯峽流傑閣參差雲影沒亂山
重疊梵聲幽風徹水暖沙鷗戲日落巖深過客愁底事浪遊
雨越地巒煙瘴雨一孤舟

送季和弟赴任粵西

十年蹤跡寄長安幾許艱辛博一官捧檄莫嫌行篋遠代耕
應念折腰難移舟江關帆如葉市酒湖村月滿灘此去從容
裹製錦休將薄秩等閒看

秋海棠和劉百男韻

嬌姿綉約占秋光紅粉輕勻別樣妝畫譜不教傳有骨騷壇
何必恨無香三更露冷魂歸月五夜風殘鬢欲霜幾度凭闌

香齋集三

六

癡燭照可憐無語倚東牕

寒食口占

春風澹蕩送行舟嫩綠輕紅野岸稠倚語故園舊知己行人
寒食到揚州

消夏

客中未唱竹枝歌荏苒流光夢裏過蟬韻一聲新月上遠山
烘翠暮雲多

槐柳陰陰日正長薰風披拂芟荷香蕭然一樹當窗隔夢覺

黃鸝送夕陽

題沁巖弟荷鋤圖

仔肩民社寄非輕報最欣看政績成飛鳥不教琴鶴伴披襟

任意隴頭行

溪嘴杏花殷似火，砌唇菖葉碧於霞。勸耕風景分明在，底事

鋤雲學種瓜

秋日借馮君瑞廣叔正中弟匯川江口觀潮

玉宇新晴夕照殘，風高葉落大江寒。奔騰赤岸濤聲壯，未許

錢塘一樣看

隔岸江低樹影微，浴鳧飛鷺渾忘機。老僧煮茗松閒坐，爲愛

寒香待月歸

清明泊華陽鎮

停棹極目晚蒼茫，萬頃寒煙一葦杭。隔岸江空微有樹，不知

何處是吾鄉

舊集三

七

繆秉源 字匯川 附監生

秋月

西堂歇疏雨，夜靜見明月。星河澹素秋，餘輝散林樾。照我懷

中琴瑟，我臨風。葛彼美天一方雲，水意遠闊愛茲明月光。清

宵最幽絕

午日登南臺寺

客中逢午日，走馬上南臺。雨過濤聲急，雲晴黛色開。首陽時

仰止古寺暫徘徊，亦有登臨者相將。艾酒來

東軒雜詩步續菴弟韻

披襟新雨後，新月夜如鉤。風細雲衢冷，陰濃花徑幽。蛙更傳

曲岸鼙鼓聽，誰樓不寢懷。鄉國琴書好，破愁

節序看初夏，風光臘晚春。山花紅自綻，芳草綠還勻。揮塵懷

名士攤書見古人，窗櫺經點染。眼界一鮮新

萬里江南路，年來音信稀。山川行處遠，雲樹望中微。晝暖花

依座，宵分鶴護扉。他時理歸棹，此景尚依依

眉江放舟

山城新雨霽，客艇亂流爭。石逼水斜出，雲堆風暗生。漁舟漾

燈影，荻岸急蛙聲。轉眼趨明烈，羣峰走馬迎

遷安道中望冷口有感

先公昔日曾分闕，此日經過意惘然。羊峪至今餘壁壘，康熙

高祖哲侯公曾龍河無恙羊峪龍河護桑田。先高祖曾率兵

官冷口守備思親去職知全孝，守志尋蹤識所天。獨向蒼茫生百感，山山

舊集三

八

落日滿寒煙

登山海關

好奇成癖輕炎熱，懷古登臨第一關。關額曰天渤海南橫千

疊浪，黃崖西接萬重山。壯夫許國攜長劍，名將籌邊改舊顏

惆悵崩城傷往事，孟姜祠畔暮潮還

舟次塘樓

波漲船輕遠岸低，片帆瞬息過塘棲。系園帶雨鋤還秀，麥浪

因風翦欲齊。護水六橋雲外落，插天三塔夕陽西。餘杭此處

多名勝，爲訪蘇隄與白隄

和施大衛卿種山懷古 山在紹興城中 種葬此今已湮

種山古墓今何在，石磴參差鎖綠苔。翠黛自來陶氏舫，怒濤

空撼越王臺最憐種水千秋恨不盡與王九策才惆悵蠡城
憑眺晚高飛有鳥世無猜

繆汝梅字一峰邑庠生

中秋後一日天色晴霽對月懷歸并寄家澹園弟

明月何皎皎喜見天色晴此夕是何夕良辰難合并客心久
苦澁散步花階陰悠悠三處心共此千里明明月知別苦流
輝分外清遷延古柳下四壁秋蟲聲

重九日偕陽邑舊友楊漁溪遊浦口觀大江

重陽不登高臨流以爲說性僻迴不猶所如惟所適彭城戲
馬臺相傳古之傑落帽說參軍文峰亦膾炙今古或不同何
必襲陳述吾友漁溪子交道稱莫逆亦復興不淺欣然縱遊

舊德集三

九

屨憑杖前復前出郭越阡陌行經伍相祠僧家茶正熱去去
橋之東漸漸江之磧放眸杳無際頗覺豁胸臆一笑掀吟髭
卽景聯詩什

甲戌春澹園弟招飲族兄弟暨猶子輩均以有年者與

謙維時和風徐引梅徑生香接席深談銜杯話舊不

啻姜被蘇牀誠暢舉也賦紀事詩一首

人生有真樂厥在家庭閒君不見連村接葉紫荆樹階前開
放年復年竹林佳話炙人口芳園太白曾開筵高風逸矣杳
難接踵事還當步陳迹矧復韶華百歲指一彈試問爲歡幾
多日吾家惠連字澹園天性友愛品格端掃盡浮華務誠懇
遺規恪守家之傳去年春謙主殺核茲乃相邀蓋諄切敦倫

一再成騰歡家禮由來崇宗伯余今杖國年弟今六十七桑
梓聚首六七八時余與兄塵圃懼樹影元相看彼此頭共白

差喜飄然興未闌童姿鶴髮如仙班統積七人現年歲四百

九十還逾三須臾重整麟文席市遠還期味兼得山看海錯

行且腴火棗交梨並羅列麴蘖必時器必良莠椒椒馨紫霞

色主人導引神愉愉奉觴奔走吾家駒猶子敬之等從旁揚

座中酬勸十分說此日開懷飯努力雍然相對心相怡互祝

長年若松柏君不見海屋添籌算無數人瑞天佑受多祐古

梅香暖今年春春光轉眼重更新又是遐齡各增一俛爾期

願遊登插維時總計五百齡人人健在想可必繼今良會知

何時乙亥春初復雲集

舊德集三

十

村居

卜宅江鄉絕世華編茅插竹寄生涯灣環碧嶺門前合迢遞
青山郭外遮一片溼雲和霧舉半翠梅雨帶煙斜街頭買得
河豚好佐酒欣逢令節佳

八月望日閣中對月

舉帷冰鑑恰當頭鐘鼓聲中鎖院秋五夜文光橫北斗一時
人物聚南州青雲路近梯堪接丹桂枝高斧正修自笑此身
仙骨少今宵也作廣寒遊

將往建平舟中寫懷錄贈朱子誠齋并寄澹園弟

揚帆南去浪悠悠滿眼風光祇益愁古木經秋搖落而青山
疑黛枕寒流只綠棹夢情難忍尚擬嬰鳴誼可求客路家書

剛兩接昨宵飛夢到杭州時滄園弟在杭途中屢次夢晤

舟中懷弟滄園卽錄以贈

曾託行蹤廣德州秋風湖上又歸舟檢裝正苦囊如洗借箸猶虞事未周惜昔韶光難再共撫今清況竟相侔余與滄園齒下今此境不可一聲鴻雁雲天遠喚起新愁與舊愁

閨情

懶畫眉峰鬢影鬆小桃紅雨怨東風王孫信斷無消息欲寄征衣少便鴻

拂拂垂楊南浦頭凝愁生怕下西樓碧窗夢醒情難認漫卷珠簾對玉鉤

繆執玉字元圃號庭心附監生乾隆丁酉順天鄉試挑取賸錄

金謂撰家傳先生屢試不遇歷遊齊魯所至皆虛左以迎學使某公素重公延校文藝以密記授之凡試卷有密記者概行登錄忽有割卷尾密記移置他卷者先生察出更正之絕不露形迹其任事小心而不慕人短皆此類也癸卯七月奉母諱盡禮盡哀幾至擗絕庚戌五月父亦辭世哀毀尤甚嘗庇治喪事緣擗登閣精神迷亂視爲平地失足顛隕良久方甦

春日雨中登平山堂

春光如此過淮東賢守風流說醉翁煙雨溟濛堂上下果然山色有無中

殘僧相對話空畱閱盡繁華已白頭自到此山無此客扁舟風雨一來遊

哭妹

年來愁恨總難舒况復情深同氣餘親故朋零今過半依依

兄妹汝惟予

消息頻煩尺箋問君終夜未能眠慨慨病體知何似春去秋來又一年新正得病直至十月中

病容消瘦覺衣寬幾許愁腸欲話難猶記秋初相訪日余秋陵順道探妹小爾半日勸君排悶強加餐

忽驚人至啓書函衰病難禁二豎參極目西風多少恨重泉不見我何堪

聽從婉婉是家風先母諱太孀人恭儉仁愛婦職還如子職同姊妹遺在粵西家母恪遵母訓無失禮焉天君遠出未言旋待得歸時已惘然妹文回家妹難一而傷心望極嶺南天

有無黽勉累心神廿載操持倍苦辛兒未成婚女未嫁相看俱是可憐人

再冉光陰若逝川嗟余身世兩茫然秋風瑁璫今如此余屬屋歷三十餘年又向空闌哭杜鵑

繆炳泰字紫堂乾隆甲辰召試欽賜舉人官兵部職方司郎中京察一等記名道府有紀恩詩全稿

王世孫撰小傳繆炳泰字象賓少讀書家資資遠避以養親歷漢鼎學不得意久之以能寫像薄遊吳中無所遇轉入武林聲譽忽大衆會尚書福長安奉使過浙扶與俱北問於上立召入寫像御容拜奉

綸之賜先是院工爲上寫像以諸生引籍禁門由是時貴人咸欲得繆生寫像華下名此技者皆爲炳泰細乾隆四十九年上南巡炳泰獻詩紀六巡

之盛遂與召試既入選上南巡炳泰獻詩紀六巡

能爲人物花鳥雅不自負獨以寫像受上知遂以

名天下其寫假懸然天得不山師投爲兒時未塾師
出稿紙筆隨所見人默圖之有不似百方塗改廢其
其課以是爲父兄者過既長補以試之儻俗見友以
或至一二年不能得然炳泰爲人燭燭若無能者遇
人無貴賤少長接之如一又以是見重於世云炳泰
今官內閣
中書舍人

南巡恭紀 三十首之八

禮樂遵虞典山川奠禹功

六巡符

祖德萬化叶天工署郡恢恢無外耕田賦屢豐東南齊望

幸

位澤徧春融

百靈咸效績波靜勝鋪銀樓閣千重倚金焦兩點勻民風隨

賞德集三

處樂花事過江春北固推雄鎮琳宮

御蹕新

鳳舸排如屋龍駒馳若雲毘陵初日上錫麓夜鐘聞萬頃桑

麻映千村菽麥分不辭

宵旰慮民事及時勤

恤民周且輦土木不重煩虎阜因初地獅林問古園近

天沾露渥就

日煦春溫江國稱同慶家家拜

聖恩

地利關

宸算湖山駐馬看具區惟震澤勝境說臨安景入三春媚靜

傳萬姓歡湧金門外路扶杖聽鳴鑿

浙西濱大海波浪勢掀天久藉柴爲障今看石永堅一勞成
承逸民力仰官錢百萬工程鉅俱憑

唐慮全

蔀屋

皇仁浹圓扉瑞靄疑罪因疑予赦法以勸爲懲鳥語傳金鎗

雞竿繫翠繩屢聞

寬大詔感泣徧黎蒸

籤名行在近課績重東南計吏廉惟六掄才俊有三秩遷方

自勵瑕棄亦同甘更得從收錄

深仁比海涵

賞德集三

恩榮恭紀 有序
江滙府恩華門孤陋旅京華而幸安萍泊逢

盛世而自撫才疏猥因藻繪之微得瞻

天日之表縫掖之賤幸暗

內廷末技之嫻深慚供奉初升

仙苑

湛恩與春露同沾旋扈

山莊

聖澤共薰燭並膺籙

鳳陞削楮

螭坳近許瞻

天温同就

日深仁疊沛

帝語親承徇異數之特加非夢想所能到至如佳肴玉粒展

飯

天府鳳錦蟬紗頻頒

內府名香燠沐雜佩玲瓏

錫寶筵以揚風

賜香羅而疊雪比懷視之米芾無此

殊恩即題卷之鄭虔遜茲

奇遇此蓋

幷幪罔外

寶德集三

五

恩並育夫微生

雨露無私

澤不遺於小草臣涓埃莫補

高厚難名竊效律章敬詳

愷澤蠅聲蚓竅非敢附文章鳴盛之儔髓浹肌渝竊不勝葵

藎傾陽之志詞皆紀實意各銜

恩謹瀝微忱恭呈

乙覽

幾餘

朵殿靜朝暉

天語分明召布衣

召見於奉三無私殿命臣恭繪聖容

大化不教遺曲藝

繡繪忽幸及寒微蒙家世并及祖父恩垂問葵心向日春先到草野邀

恩世所稀恩旨以臣知視準用眼鏡

覆載無私原自昔更從今日切瞻依

瞻

天親向五雲端

帝語温和置對難并

温旨問能作詩賦入殿否自願雕蟲論今歲可應京兆試

慚藝苑敢言倚馬角詞壇幾回矮屋秋風冷十載慵書舊業

殘何意下情歸

睿照一時毛髮盡生寒

跪領生衣例近臣名香佳筵更奇珍蒙賜棕色大緞一扇

五香珠二香巾香牌香袋各五頁來海國刀圭秘

寶德集三

十六

賜並堯廚嬰脯新天府每承丹禁

詔江村回憶華門身始知

睿顧恩無量不止初沾

愷澤勻

仙莊冠暉羽林閒捧

日雲開識

聖顏絕塞共球朝

紫籞一簾詩畫對青山詎請願陸添毫技也廟鄒枚待

詔班感激

帝恩憐舉業槐花黃處許教選

行宮傳著回涼應京兆試

繆

字繆利州知州有子役吟及蘇南再至

和家兄瓶梅用東坡松風亭下梅花盛開詩韻

荒涼官署疑江村誰從月窟追花魂蠻煙瘴雨八千里故人
難得同晨昏暗香喜近荔枝浦秀色猶帶枕椰園豈惟能遠
雪冰冷已覺情多顏笑温江南春信渺何許一枝昨夜明朝
瞰山川悠遠阻歸夢月明何處尋柴門巡檐索笑迥超俗開
軒坐對真忘言幸有墳笈發清詠不須檀板揮金尊

泊孟河口

乍別蘭陵去猶傾江上尊雲山新客路歲月舊衡門晚波回
潮急荒村賈舶喧三年仍放棹從此隔庭萱自戊申間計歸
里適居三載

雜詩

開軒避歲月流彩下簾鉤淪茗神俱爽揮毫興自幽疏星臨

舊集三

七

北戶微雨過南樓翦燭留嘉客清香豁旅愁

忽憶西園侶花時足嘯歌危亭敲密竹小飲瞰清波風雨春

芳晚實朋別緒多謂平南署
中諸客荔丹猶是昔不見醉顏酡余昔
在平

南時曾建蓮香亭於西園池上為
賓朋醵詠之地今常追憶及之

烏巖灘謁伏波廟

桂碧松蒼廟貌尊停舟盥手薦芳尊雲臺銅柱當年事惹苒
明珠萬古論風送灘聲春漲急草荒山徑暮雲昏客帆此去

侵煙瘴款段方知戀里門

送屠笏巖刺史入都兼寄中浦舍弟

幾行雁字點寒天客館愁生送別筵浪海隨肩三見月京華
分手十餘年宦情恬淡非關癖酒興雄豪即是仙從此參商

又相隔暮雲回首一悽然

桑梓知交有幾人宦遊相聚倍相親朝
天此去滋新澤于役何時拂旅塵畫舫琴書隨萬里晴江風
月占三春憑君問訊蓬瀛侶詩思何如舊日新

除夕寄昆季二首

星軺彈指歲華侵溟海吳山萬里心每向春前勞望眼何時
林下樵閒吟梅花江館遲歸夢燭淚寒風點客襟街鼓聲聲
催曙色椒觴清引共誰斟

兩載滇南度歲餘不堪風雪滿衣裾雲高待展排空手雁遠
難憑寄客書此日臨華懷靡及當年樽散合閒居鶴鴿原上

情何限每有良朋總不如

舊集三

七

歸途寄伯兄季弟

三載馳驅各一方吳山滇海兩相望暫憑彩鷁旋西粵何日
宮袍拜北堂嶺上浮雲和夢遠瀾邊流水笑人忙到頭歸臥
茅簷穩世路功名總渺茫

全州道中贈友

水程千里接長沙盡日懷人覽物華晴雪飛殘湘北雁春風
開徧嶺南花維舟綠浦因尋友入眼青山似到家薄暮溪橋
攜手處最憐尊酒話桑麻

題方漱霞詩集後即以贈別

送君南浦悵何如一卷新編幸啟余荔水相逢三月候湘川
憶別四年餘才高鵬隼盤空去詩好芙蓉映日初從此臨風

望瓊樹莫因山阻雁書疏

題畫

華堂深處掩蒼葭坐對煙波似若耶古樹參差藏釣艇遠山
重疊著晴霞園依楚澤多芳草路入桃源見酒家歸老定應
尋此境終朝科跣飯胡麻

自荔浦赴任永安

半載分符似轉丸一肩行李又之官境運舊治風光好山過
新墟氣象寬永安東接平南北鄰荔浦皆平昔宦遊地屬吏冰衙郊外候村童竹
馬道旁看獨憐地僻稀賓似望遠時吟澧有蘭

署齋卽事寄友

公餘小閣獨徘徊製錦深慚百里才流水碧環州署過遠山

首德集三

五

青出女牆來香凝燕窠頻題句夜靜花村數舉杯欲寄離情
悲驛使幾番親折嶺頭梅

熊甥海巷庶常過訪話舊兼示都門見懷之什次韻答之

鷓鴣迢遞憶

帝京天南萬里話離情麥舟有願空懷范椽筆無才愧對甥
江館別延俄四載山城今雨近三更自憐官舍如冰冷卻稱
新詩氣韻清

年纔四十已衰顏况抵蠻煙瘴雨開僻地賓稀宜纓帶公庭

吏散好看山琴彈古調知應寡鸚唳清宵聽獨閒多少繁華

放昔夢一尊相對訊朝班

和家兄雨後登城南山亭小飲呈諸同人二首

紫陌塵清乍雨停尋春緩步到山亭千村煙靄浮空碧萬戶
桑麻入眼青列坐賓朋閒似畫繞城巒岫遠如屏天涯聚首
前緣在蹤迹非同水面萍

年華客裏苦相侵迴首鄉關祇越吟對酒未妨拌醉酣開顏
難得值登臨嵐光抵雨當窗秀樹色含雲擁郭深萬里眉江
流

帝澤有人閒坐詠甘霖

海庵甥已赴江口三疊前詩械函遠寄軌再效舉以摭

積愍卽送其行

江湖滿眼望神京久別談心倍有情千首詩篇誰說我一肩

首德集三

五

行李最憐甥山城聽雨尊仍在客館挑燈僕未更小住忽忽
催解纜陽關三疊總清新

一讀新詩一破顏餘芬常在齒牙閒清談最喜風前竹華髮
多慚雨後山話舊不嫌官署冷宦遊難得醉鄉閒石渠早晚
虛前席史筆千秋重馬班

雨後登眺

天末長風掃積陰東皋吟嘯豁胸襟煙江雨足灘聲壯山郭
春寒暮靄深飛鳥投林欣有託閒雲出岫本無心政園桐葉
新逢閩誰與題詩寄好音是年四月值閩

客愁

積雨兼旬引客愁瘴鄉時節易遷流四山雲重常如墨五月

56 811

11 2

風寒忽似秋丹竈每懷句漏令桃源難覓武林舟何時把釣
煙江上竹徑樵溪認舊遊

聽雨

聽雨東軒詠濯纓年來籠辱漸忘情山城地僻無黃菊江館
秋深有綠橙夢裏苦吟妨飽睡宦途勤政損循聲何當寄迹
紅塵外萬里清霄一羽輕

繆

字端寅例監
生侯選縣丞

減暑偶成

風風雨雨乍涼天浪迹他鄉未判年最是五更敲夢斷夜寒
衾冷欲裝絲

偶成

舊集卷三

三

天涯漂泊意何窮獨立蕭齋對晚風壯志易消憔悴後功名
難慰寂寥中月明秋圃敲紅袖露滴寒塘瘦碧箭欲遣愁懷
看落雁瀟湘聲斷又誰同

寫懷

生小庭闈掌上珍誰令鞞馬試風塵寒窗月落嘯烏夜孤館
鏗青夢虬身彈缺侯門誰市義乞光貧女愧無鄰那堪多病
重回首別卻家鄉又一春

驚蟄後京都大雪

春城二月雪漫漫蟄戶將開尚覺寒掩逕不容芳草碧堆枝
空學落花殘青旗酒暖尊常滿紫陌人遊興未闌玉宇瓊樓
何處是繁華白昔數長安

舊集卷三

三

舊集卷弟三

舊德集卷弟四

繆

字中浦乾隆乙未進士翰林院編修山西平陽府知府有岸齋吟藁十二卷

江陰王蘇題詞月明偏向客窗多夜話尋常乘燭過
滿耳秋聲聽不盡想天鸞慵最清和風韻天然葉思
流好春強半佳滿洲心香一瓣憑誰出千古江山太
白樓

大庾戴衢亨和韻翰林風月性靈多島瘦郊寒未足
過清廟半絃遺韻在頓教金石一時和文淵共把楚
岳陽樓
思新添杜若洲八九宵中小雲夢與君試上

趙州師範和韻士衡原不忠才多貫甲穿楊一箭過
老向詞壇瞻大手滿裝珠璧走隋和把舵偏能據上
流青青杜若滿芳洲江山如畫人如玉吟向元龍百
尺樓

早發龍潭

雨夜投村店瞻星又啟行雞聲催客子曙色偏行裝露溼秋
林暗風清客面涼不知江畔客一輩否曾杭

舊德集四

卓犖開行燈彎環取道艱林深團宿雨霧重隱秋山愴悅畱
餘夢蒼黃解睡顏白門瞻在望遙指林陵關

移居

春光婉晚賦移居欲遠鷺塵自結廬檢點蝸巢安僕從料量
斗空置圖書紫藤蔭滿芸窗靜紅槿花開異馥徐米市菜園
俱咫尺好炊黍米摘嘉蔬

需次京華暫寄身竹鑪茗碗足怡神新知冀北沙搏客舊雨
江南巷聚人尊酒日邊銷寂寞吟詩暑月關清新城南苦我
多飄泊刺啄過君莫厭煩

寄懷玠堂金表弟即用贈別元韻

難兄觸暑卸征車火急攜君寄我書珍重開函驚雨絕編珠

綴玉未能如

款款深深便面同一篇三復意沈雄情多不減司動杜瘦我
腰圍七字中

別君猶記怕登車離緒臨風未忍書此夜客窗酬夙韻不知
吟興竟何如

芝草蘭枝氣味同少年才藻倍稱雄士衡應擬誇文賦何日
鞭絲入洛中

玠堂疊前韻見懷仍依韻答之

思君何自駕飛車贈句貪看便面書辛苦蓬窗搜枕祕南鴻
憑問近何如

又手吟詩潑水同西崑雅調玉溪雄浣花箋寫如花句人在

舊德集四

江村雲樹中

似我宜乘下澤車堆胸絕少十年書逡巡未獻津門賦飄泊
於今汎梗如

問道名場偏仄同黃金臺畔士材雄然犀欲照深淵底珊瑚
誰收鐵網中

如意簪歌題鈕祜祿氏節孝傳

春風吹羅幃良人行役今且歸贈以如意簪插善長願母相
違秋雨淒復惻良人一旦成永訣空存如意簪對之涕泗長
嗚咽自從初結褵敬愛而不疑詩書唱喁誦聞閣朝夕討論

忘寒飢嗚呼好事多磨錯自古紅顏皆命薄良人構重疾親
身侍湯藥侍湯藥百計窮判股願得精誠通誰知通眉郎能

作玉樓賦死者不復生者將安附此時深滴羅衫紅恨不
地下相追從卻憐弟妹與兩女年幼未免孤兒爲夫忍死
十餘載泉下知夫久相待得諸孤婚嫁成從容就死夫何
悔遺書何諄諄題壁明苦辛戴此如意誓用慰泉下人

秋柳和孫寄圃同年韻

瑟瑟金風拂御溝兩隄柳色已經秋抱蟬臘葉含嘶瘦繫馬
殘絲入暮愁疏雨幾番增黯淡斜陽一片僅句留水遙亭畔
徘徊人物候驚心豈自由

秋郊展眺暮煙含張緒心情百不堪萬縷幽思縈冀北一春
舊夢繞江南月斜樓角猶疑黛露冷梢頭尚帶藍望眼周遮
無盡意幾行疏翠影凝甃

舊集四

三

葛雲峰同年五月初度適新遷御史詩以賀之

稚川望重策勳高學海文瀾足自豪馳馬朝乘趨

北關星辰夜看憶西曹冰心不愧清如水

寵命頻膺澁似膏正值年華稱大行懸弧佳日奏雲璈

上已筵看娛綵開又逢初度共銜杯榴花菜映新綸燦蒲酒

觴浮舊雨來自有才名喧日下於今姓氏重烏臺如君早應

蒼生望他日爲霖海內推

甲辰六月下浣移寓椿樹街汪文瑞故宅宅有時晴

齋卽公所題也今齋額不存因和趙雲松前輩題時

晴齋元韻三首

暫僦城南屋數楹司農故宅久聞名料量自昔同三徑賞鑒

於茲得四井不速到門惟舊雨空傳題額誌時晴綠陰滿院
尤宜夏十丈紅塵懶送迎

曲曲疏籬短短闌古藤歷架恣奇觀花光燦爛驚非易石勢
空靈得所難北牖當風偏灑落喬柯近月倍高寒休嫌池水
坳堂似古井微波可助瀾

怡勝圖披郭恕先此間託迹有深緣居官不礙清如水得句
還愁薄似絲自有看山塵外屐還須觴客杖頭錢分題更藉
如椽筆生面重開地以傳

典試楚南次戴修撰蓮士韻

漫云鑒別在驪黃銜

命重看入楚忙天與軼羣才子伴我乘小雨驛途涼雲開衡

舊集四

四

岫文應壯詩詠江離句亦香仗有曲臺經術貴扶輪大雅嗣

音長

往歲持衡鄂渚秋今從岳麓展雙眸星沙蘭芷成新賞江夏
風煙動昔愁楚地才多緣早定湖天路遠記前遊別裁敢把
初心負辛苦惟將杞梓求

方觀察曉園招飲蓮池卽用前韻二首奉贈

驛騎星馳賦乘黃畿南暫憩馬蹏忙忽聞竹葉行廚啓得近
蓮池曉閣涼座挹琴風人盡韻波傾荷露水能香所欣疆壘
多青眼酷暑幾忘道路長

治宗恪敏政勤修曉園係直督監察能明豁遠眸易水防秋

河順軌災黎作堵雁無愁曉園治北河款賓投轄綠鸞座按

部乘聽可當遊我本新知逢傾蓋嬰鳴應許友聲求

古樹歌為真定太守邱鐵香賦

索我古樹詩為作古樹歌甬東邱氏古樹堂前茂自宋元明
迄今森庭柯古樹主人賢太守愛素好古情婆娑三株古幹
勤護惜不啻先人手澤長摩挲徵詩海內奇文富傳此古樹
千載永不磨我從金臺驛畔策騎過忽逢邱君五馬停玉珂
把酒論文及家乘囊中探得古樹續集詩駢羅各體林立不
厭百回讀如見三樹森然獨秀無同科一松屹立石壇左虬
枝盤拏無妍嬰一松對峙石壇右迴環拱揖縈雲羅中有一
柏獨挺發蒼蒼官凜凜清陰多三樹相向成三友棟梁之質匪
嗟我代閱四朝如轉轂年逾六百隨飛梭三樹永不改柯葉
當有神物為搗訶天生大才必有用根深實茂受福那要知
故家喬木在世守得令天南地北才士資吟哦君不見王槐
寶桂後賢多嘉樹垂蔭洵無訛邱君樹德能裕後長與雙松
一柏永承樂天和

題戴蓮士震无咎齋詩藁二首

大魁當代江西首妙製多篇山右詩句必驚人方出手詞堪
入史耐尋思集中過鹽池等
作可備史乘洞庭霜橘醪醇候陽羨春旗茗
熟時如此色聲香味備一回擊節一神怡
橫汾珊網恣搜尋星使流傳片石吟士氣已登三晉古

君恩不忘去

九重深枝分枯苑悲荆樹謂哭石士
三兄同年詠寄清娛憶竹林謂可
亭七

叔同 大雅文章可傳世箇中滋味待知音

趙州雨花寺烹茶和壁間九華山人韻二首

欲解行程賜來烹蕭寺茶雨花參法界詩筆看橫斜晤舊慶
陽守趙州牧諭公椿
本方略館同事談禪注禮家謂戴
蓮士早知無住著暫憩抱
清華

何必劉伶酒聊評陸羽茶灌苗禾井急直省多於田中身井
用轆轤汲水灌禾

吹野柳風斜沙草隨千里村煙聚幾家南行已旬日回首望
京華

曉渡滹沱河

星駕問滹沱相將共渡河暑風消宿漲朝日射洪波官舫印
須涉與人取次過怪他馮異事豆粥策勳多

舊德英卷四

六

內邱早行遇雨憩圓津寺和壁間遲字年字詩韻二首

珠濺絲飛策馬遲四楊橋畔早鐘時門當孔道林間寺薛剝
題碑壁上詩說法臺高花雨幻渡人津在寶航慈直督方恪
敬未遇時
水阻四楊橋南寺僧以籬回籬渡之款詣寺
中及為直督修寺懸額題詩并置寺田云 我來似有三生
約西閣憑闌晷漸移

深柏搖風歷歲年通幽竹徑曲廊邊蒨亭蕉影詩人畫午榻

茶煙古衲禪境入清涼無六月心空魔障契諸天門前更好
看山色秋杪能來遂宿緣

湯陰謁岳武穆廟和戴蓮士韻二首

上將冤沈權相姦圓扉橫貫淚斑斑垂成李郭難酬願無敵
關張可抗顏痛絕魂歸蕩陰里悲深誓躡賀蘭山思陵曾有

精忠鑿狂獄何成三字閒

義膽忠肝本性生神州戮力匪求名燕雲唾手無多日士卒

同心抵萬城報國捐軀死不惜班師下理恨難平

聖皇重惋金牌促

御筆褒題勳曜橫

明港驛曉行

點檢晨裝趁早郵軒車遙指信陽州四圍曉氣白於水一色

雲陰淡欲秋稻穎畦邊飛鷺下荳花棚底語蛩幽此閒風景

江南似豫尾將離入楚頭

贈信陽州牧諸詒巷同年

宣武坊南接宇衡五年契闊話平生地逢舊雨頻遲宿人向

叢山趁曉行早稻登場農戶喜漸河流潤長官清感深握手

旋分手別緒偏於驛館繁

登岳陽樓放歌

我不能袂挹浮邱子肩拍洪崖生又不能隨列子冷然御風

行黃塵局促日趨走安得矯首雲煙兩腋輕湖到洞庭廣且

大八月波平接太清今年銜

命來三楚星軺暫駐岳陽城訪戴登樓暢遐願戴蓮士駐岳陽樓旁行館

湖波浩渺搖瓊英天光水氣共一碧纖埃掃盡餘空明三湘

七澤相洄瀾銀闕蕩蕩掀長鯨東南一望杳無際蒼茫今古

雪浪盈吳船蜀艦並出沒千檣各與湖流爭軒窗洞啓秋日

晶水府空闊蛟無聲日光射水水回薄波紋閃爍鱗甲生

風忽至濤聲起湖水頃刻光怪呈須火風定漾金碧蒼然暮

色水面橫世閒此景即仙境何必海客談蓬瀛肩輿促駕歸

驛館自出金石相敲鏗盡卷全湖入吟筆銀瓶茗熟詩即成

只嫌未覽洞庭秋色容待歸程九月將望儻心盟時七月廿二日

七月初五日薄暮偕周勉齋登黃鶴樓卽和其韻二首

簡湖督畢秋帆先生

憶昔持衡曾餞此今因使過又登樓江天鐵笛梅花雨楚國

煙雲鄂渚秋羽客至今傳鶴駕崔詩終古擅風流庾公賓從

由來盛悵望湘南道阻修時秋帆先生駐守辰州

攜朋拾級趁斜陽黃鶴樓高接混茫繞郭萬家鱗瓦碧滄隄

千舸木蘭香何人賦就誇江管有容詩成壓馬當清賞恰逢

初月上高吟不覺水雲涼

茶船

製就偏宜陸羽茶芳名韻事擬秋槎風生片葉浮鳥几盞借

虛舟映畫又恰愛花瓷多穩稱微礮主角去敲斜詩成飲豈

虞翻水木豆金盤未許誇

簾鉤

銀葉燒殘透簾玉鉤曲曲篆煙黏晴窗一片雲縈縷畫檻

三更月挂纖別恨句雷懸玦影秋懷婉轉上眉尖水晶的皜

蝦鬚活卷起頻聽雀噪簷

茶煙輕颺燭光殘盟誦連番徹夜闌豪句得從關塞助雄文

可作異書看河山奇處題詩壯畫壁傳來學步難名士襟期

仙子骨隨風咳吐卽琅玕

題師荔扉同年孤鳴集卽用谷西阿卽席元韻

鎮南英傑芷蘭芳翻水吟成彤筆忙懷古千言唐杜甫量才
入斗魏陳王等身著述歸詞苑把臂論交借酒場雅勝碧雞
金馬頌臨風舒錦盡鴛鴦

送侍御張息園同年告養南旋

柏臺霜節自嵯峨將母縈懷受福那短疏陳情

天聽達尚湖歸棹

主恩多心殷菽水頻瞻祀迹異漁樵豈衣荷樂事人閒真莫
並白華雅什補詩歌

輕裝檢點便言旋綠樹新涼七月天驄馬客行秋雨後斑衣

舊德集四

九

人到菊花前高堂雙鏡欣華髮煖閣團樂集綺筵精得抵家
稱慶日鄉閭嘖嘖羨神仙

蘇門孟博爲娛親歸養於今業幾春謂范誰料琴川推孝仲

又隨鳩杖樂天倫望雲桑梓稱同調別雨關山懷故人如過

楓橋逢范老爲言宣則問音塵

萱蔭依依奉北堂春暉報答荷

恩光鳳威早著風稜峻鶴鬢今看歲月長鄉園舊交聯久闕
京華親串繫難忘從今何處堪相憶脩竹蒼松綠野莊

六月廿四日用舊韻抒懷四首

花甲過頭便暮年追思往事總雲煙雪霜滿鬢難還黑整柄
蓮心不入圓拙宦下場仍卷軸長貧無路覓林泉傲居且住

城東角雨後新涼引倦眠

歸心時繞暨陽城盡田園夢亦驚童冠釣遊原有所松楸
鹿麕慮交縈不矜竹筍江頭苗可憶樵雲舜嶺嶸儻似少游
羈下澤老懷何至類風旌

暮天健翮盡飛空垂翅春秋羽不同乞巧柳州慚轉拙送窮

韓子恨難工女方輓鹿行良月兒許牽絲待好風欲學向平

游五嶽無如婚嫁尚磨礱

搖落先秋齒髮疏較量筋力不如初得閒脾肉圍仍減扶劣

丹丸補或餘午榻茶煙來舊雨暑窗蕉扇展函書交情孔李

如分俸買得山莊好負鋤

甲寅三月七日出永定門訪家寄雲兄於南城副指揮

舊德集四

十

暑中不遇卽用寄雲兄和稽筠心前輩韻四首

侵晨出南郭訪舊致流連麥短翹春土桃肥釀雨天綠波當

屆漲弱柳受風偏野色迎眸好應思信宿緣

吾宗風雅士案牘馭紛繁舊澤留雍隴寄雲兄曾在新猷振

冀原交情流水淡詩思錦雲翻寄傲容公暇高懷擬漆園

城南君啟廨城北我營巢每苦重關隔多疏常棣交登堂公

早駕看竹句誰敵用看竹何須歸路斜陽照詩情未許拋

當門遮雀網來雨盍別簪酒冷牀頭劍囊空爨下琴去畱漁

父意得失塞翁心越日尋諸阮天涯慰素襟

送徐鏡秋同年赴荆溪任鏡秋由攝修

毘陵驛畔赴征程百里今爲撫字行銅嶺雲暮才子麗沈溪

水繪長官清潤分掌露人思澤和挹琴風史有聲卻喜暨陽
頗密邇可能移治到江城

蘭譜欣叨姓氏聯瀛洲接武幾經年誰云失馬非爲福我看
飛鳧卽是仙舊榻深譚頻執手新劄往試等烹解政成仁見
名都擢銜閣何須羨木天

鄭燮堂外舅九十壽言五章

對酒歡 八言

君不見李白月下飲白邀月對飲成三人又不見陶令釀秫
酒取葛巾自漉甕頭春無錢可得清風明月有酒能藉餉客
延賓朔方一之日二之日開春酒令洽比其鄰將進酒進進
歡樂陳舉杯客舞今爲公壽歌非楚兮聲何必秦一杯一曲

舊德集四

兮妙入神與眾共飲今娛芳辰

置義田 九言

公才足理盤錯邀

主知征輪報效亦稍陳己貲頭銜特膺

國家五品職錦囊裝得

花誥光陸離每念浙東家世多中落自買義田呈官官與稽
田能祀先贍族悠且久仿范文正仲淹之所爲往者隔歲理
棹省鄉土今雖及耄神往越汀湄西湖靈隱時時入夢寐說
到佳境口沫右手抵卻於國門東啟鄭公里子孫相繼可保

創垂基

賦閒居 十言

將欲奮足追王喬爲執鞭未易口嚼紅霞身凌紫煙將欲斗

室禮如來焚檀旃未免六根入苦身世糾纏公言百年三萬
六千餘日適吾所適任運以待其天論交師鮑分財不多與

己恤發掩幣義所在皆吾肩今吾已老可坐享兒孫福不須

奇花異卉魚鳥林泉眼前儘有四序良辰美景縱覽莊騷左
國史漢諸編興到呼杯不厭百壺清酒新知舊好相與暢飲

忘年此卽人生行樂最快事也他人嘖嘖稱道眞地行仙何

必參西方舍衛上乘禪

膺異數 十一言

歲在丙辰元年正月之四日

詔宴臣民千叟恩禮有獨隆公以大年五品職銜入

舊德集四

榮宴特蒙

天語垂問年居九十翁

御厨山珍海錯絡繹陳左右食不能盡并許橐載歸家中法

酒千杯轉瞬分頒徧千叟公亦拜手稽首快飲面發紅須臾

記珠緞錦紗羅稠疊

賜更有刻鳩寶杖如意玉玲瓏受

寵歸來親朋好友登堂賀不覺精神煥發意致俱融融膠庠

本有養老乞言各巨典宇宙不乏龐眉皓首諸巨公如公卻

遇逾格非常之曠典坐致百齡以外綺皓顏如童

祝椿齡 十二言

我嘗讀詩懷嶮固誦書懷伏生謂耄而好學不獨衛武爲專

精今見公九十神明強固崑崙嶧可與宋文潞輩比肩而入
者英誕惟二陽初動建丑月爲嘉平看朔南戚友履舄交錯
同稱觥吳歛燕曲清濁并奏者移公情偃師優孟戲舞交作
者說公晴霄祝公之久享黃耆以躋商彭繼自今期頤而上
崑崙耀長庚

題羅兩峰山人所繪周載軒前輩移居圖應載軒屬

先生詩才敵萬夫先生酒量傾百壺出都六載遊楚蜀補官
僦屋城南隅有書可當下酒物有酒竝作吟詩需神仙眷屬
能位置數椽卽向長安租海晏將關報井梧移家點檢忙妻
孥先生策馬神清癯從以一騎惟奚奴一車載酒數十甕一
車載書三兩廚後有一車行緩緩仙家嘉耦姬人俱兩峰山

舊集四

三

人擅妙墨一一寫入移居圖先生自喜居不孤酒能愛我書
伴吾裁詩畫閣鬚攪雪試墨晴窗袖瀆烏銜杯可藉纖手奉
醉酒不倩花枝扶同儕聞此羨真樂披圖題詠供清娛先生
自謂已久客連年楚蜀勞馳驅新居從此息梗汎得廬聊亦
愛吾廬函寄此圖屬題句詩分鱗爪慚驪珠報章渴望示大
著典型前輩容追摹

涇州道中過靈鷲寺

曉行涇河濱路出靈鷲寺叩門尋古迹拾級登階屺古洞甕
城開丈六金身麗佛座鎮山腰瞻禮輒宜喜道人前致辭左
右有洞二分有光無光明暗不相似須臾引我入呀然天光
啓鑿石成天神一一環相峙神上復有神人莫敢仰視鍾乳

空中落生氣蓬勃起遠巡隨道人繞洞跬步耳轉瞬看天神
上下復層累道人告我云進此黑洞矣聞然有微光天神離
尺咫乃知天地閒奇境難意擬此中有百神懷柔禮難已是
時正月吉秣穡事方始聞道冬無雪待雨農舉趾稽首禮百
神乞挽天池水翻覆作天漿灑徧甘露美過客無所預樂此
陰陽理

抵伊犁

萬里閒關百折遭今來帥府仰戎韜謫居未減書生習逐隊
辭戍士勞畫諾隨班磨盾鼻儀文例許佩容刀搏沙不少
江南客慰我頻頻勸濁醪

冬至月七日書家言後二十韻

舊集四

西

去年建子月初七西行順道過家室門前人鬪馬長嘶悲喜
交集親朋恤鍾離太息杜陵遙謂呂妹文漪園蘇轍街悲長公出四
弟光有女憤願替從軍有兒泣訴无妄疾謂小同被驚馬跌傷老妻傷
我絕塞行欲爲久別言難悉豫籌糧糗包裹嚴料理寒衣鍼
縫密傷心七口無憑依努力萬程膺戍卒休言作宦媿妻孥
陡遇風濤割膠漆歸期默計話西窗客夢空紫向東日且從
北去傍六親待我南歸同刈銜淒風落葉助離聲白草黃沙
隔親暉將吏橫行促去程征囊迅發傷誰卹悲莫悲兮生別
離慘莫慘兮遠放黜今年子月七重逢戍守伊江免關失寄
書恰遇朔燕飛問訊略點征人筆朝襄髮覓髡鉗徒夜吟伴
賴阿咸姪盾鼻勤磨十二期謂每月叩房當詩箋勉和七五

律程尉相逢盡弟兄謂在成雞竿只盼開羅畢謂各部待核
守身長矢待字貞憶遠空懷斷流術李太白詩抽刀書成素
紙附家言月上三更吹筆策

冬至日楊雙梧觀察招同張械齋郡伯芝亭上舍小飲
度節以敏捷詩千首飄零酒一杯為韻呈雙梧并柬

械齋

伊江古烏孫歸化忘城吟風勁彎弓雪晴下霜隼登樓感
仲宣墮瓶悲孟敏今日一陽生將展義和軫
戍客來邊城授塵遠心貼佩劍試千將短衣衿袴褶魚書寄
塞艱蝶夢還鄉捷小技慚雕蟲刻成同楮葉

舊德集四

五

爾爾得句或遲遲不少風騷將孤軍欲卷旗
磨發一之日邊寒臘以前問年踰五十編甲附三千絮敗衾
愁鐵裘枯坐擁旣安心西塞外未敢計歸田
早歲趨明光衰齡依細柳沿波溯其原謂戍客皆稱原在引類成我
友榮載許隨行鬢絲衰皓首葭管又春回不忘歲在酉
吳山際萬里鄉思繞千條管蒯容兼著蚰枝願後湖西來懷
日近南望感風飄萍聚多知己天涯慰寂寥
抽毫臨牒帖開卷讀騷經軍府資磨盾燕然愧勒銘枯枝回
舊藥芳草發新馨再詠東歸日情深靈雨零
食指顛昨朝子雲招飲酒兩詩燦紅霞百蓋傾大斗綫引說
鐵樓杯光滿容手醉飽飲南烹寒宵圖九九

同座張南軒庚塵極星一吟詩翻水成把酒毋陣出彼岸將
誕登謂瓜期萊衣舞安吉謂芝亭應憐稻叔夜自恨不堪七
書雲今日宴佳話著龍堆不假悲投閣謂雙梧相將共舉杯
灑江看綠柳灑江在廣西淮水訪疏梅謂械齋至日占芳訊天人
理可推

伊犁雙岐麥行

伊犁古屬烏孫區井鬼星野雍西隅
天家戡定五十載土田肥潤宜黍稷令公教稼籌兵食濬渠
分畝

舊德集四

十六

帝允俞荷戈丁壯衛邊微田以閒散起餘夫乘春布穀及雪
澤首夏清和瑞麥敷雙岐競秀波浪湧五穗爭翹晨氣濡玉
粒千苞實穎粟金莖一簇同根株轉瞬如雲蓋阡陌登場比
榴臚歡呼前村香送飽餅餌高原儲盈免晚輸仁人觀稼日
未晡往來屯畝路盤紆農夫采得麥苗獻諦視枝葉瑞氣孚
搆歸作詩志盛事表瑞好進來牟圖
將軍時雪感與古詩一首應令和韻
震海食
帝德重農守土職伊犁極天西土壤雍梁色文成創兵屯阿
成公宛伊犁後緣營足黍稷駐防重八旗素未嫻藝植轉餉
資軍儲餉給尋行墨戶口實繁滋養殫繼無力仁人令學農
稼穡溫飽或一疏乞耕牛
聖恩越常則濬渠水足溉西成裕兵食望

關陳歲功得

帝歡心克三白兆年豐天祐無差忒

九月二十七日入嘉峪關

回首辛春出此關心期如夢念家山五年冰雪邊城住九月
風煙匹馬還魚鳥江天飛躍遂竹梅巖谷葉枝間今朝門啟
揚鞭入也抵榮歸百慮刪

此是西陲第一關巍巍雉堞接崇山天教玉塞重門畫人道
江干舊守還萬里途長將過半六旬年近好投閒知來乾鵲
迎余噪寫入新詩可勿刪

陶朱公

知子從來父識賢陶朱家督惜財堅一封呼送莊生簡轉遲

舊德集四

七

中男死赦前

太史公報任少卿書追冬至

計定旋移聽婦言楚中計至各煩冤如何獨向西風笑偏作
明於料事論

凡論古必須自立主見人皆贊陶朱公有先見之明吾獨
怪其聽婦言而易其先見致迫中男之死於赦前也家哭
已笑矯情甚矣至莊生負友請託本非端人亦不足論也
己巳小春月廿六日寄卷自記

追和安西牧胡息齋紅柳四首

柳色偏從紫塞嬌東風茜出短長條經年怨別空嗟血竟日
無人漫舞腰冶葉卻看合紺碧柔枝多慣繫紅綃此開切莫
愁攀折好與詩人慰寂寥

萬纓荒原欲化煙施朱作態效飛仙魂消塞漠寒林瘦影逐
空山晚照鮮惆悵一春飄絳雪低迷五月落紅繇陽關唱徹
應腸斷忍使青青泣杜鵑

白草黃沙悵遠遊柔條難繫紫驂驪舊絲如結珊瑚網曉日
空懸翡翠鉤好伴元戎飛赤羽誰憐少婦倚朱樓移來南國
傷心樹種出金城一段愁

金鎖朱門莫浪誇江鄉風景隔天涯初疑前渡逢桃葉忽訝
深秋見蓼花羌笛驚心吹豔曲星精換骨試丹砂胭脂山下
行人少獨斂雙眉映落霞

舊德集四

八

舊德集卷第四

舊德集卷第五

繆汝和

字協衣號澹園乾隆癸卯順天舉人官浙江餘杭縣知縣有紅薇軒詩

陸賦恩撰志銘君為富商安為嫡所訟商祖之僕朱提獄尤明令稱雲有富商安為嫡所訟商祖之僕朱提為壽求緩其獄君立斥之論如法又有富家子詭寄名童子試而通蕩無行以博事被控罪當笞其父輩之力也業油者挾數百錢入市偶於肆前石上置之俄而求不獲妄意其旁人方開閉君適過之命昇其石歸置堂皇觀者鵲時君令閉門取一盞滿貯水人投一錢其中忽一錢入賦然上浮訊之而服其他踴獄甚多設法擒治通盜慮有大於是者而此數事長老至今猶傳之

男梅撰行述府君涉獵淹博與同時諸名宿訂交學益遂而交益廣同邑如屠巖書包尹農陳柏謙同郡如洪稚存孫淵如左杏莊諸先生皆至契也陽湖楊汀州清輪府君中表也同客京邸遇疾甚危府君急延名醫診治為購參藥數百金調護周摯俾得病愈入關楊深威府君而府君無德色

舊德集五

自題荷薪圖

戴笠依然老布衣昔年心迹近全非入山豈竟閒無事荷蓑

歸來日影微

衰年常抱采薪憂小憩林閒且暫休怪底近來精力儘不堪

霜雪已盈頭時年七十有三

遠近樵歌唱晚晴羨他負擔一身輕山童願我應相笑此擔

何人為負行

題雲巖弟劉海圖

聞說詹諸是化身掌中擎出證前因廣寒既已超凡界何事

重來潤俗塵

繆

字理齋例監生批取膳錄有理齋遺稿

和沈虹樹韻

諱同本撰家傳先生晚歲曾一遊山左旋治任購書數篋攜回課子抱孫怡然自足長于吟詠所為詩錄麗觀密望而知為儒者之作故於春秋佳日與朋舊往來道故視世之紛紛營競泊如也又善誨人後進修謬與之言忠孝大經而不及功利古所謂鄉先生歿而可祭於社者殆其人歟

澱山湖最好縹緲水邊亭修竹藏深鳴紅葉露遠汀波開平野闊雲補斷山青此際炎氛隔悠然塵慮醒沈有炎天十詠

炎天偶詠

炎風吹不到草閣依江干入夜魚龍靜先秋雲霧寒江聲清枕簟星氣隔林巒何處聞漁唱輕舟繫遠灘

春燕

烏衣公子說司分芹潤泥融正憶君故壘有情遲柳絮晴窗

舊德集五

無影掠春雲花開陌上簾空卷風暖閣中草自薰自向鬱金堂上去雙棲雙語藉殷勤

牡丹盛開憶伯兄啖過荔支即作歸計手示漫成一律

殿春又見鼠姑開金谷繁華未到曉露凝幽傾國豔春風拂檻謫仙回空餘亭北霞成錦莫問尊前綠滿臺兩度花期

成帳望紅蕉丹荔故相催

舟泊金山

層翠千盤峙絳霄法雲低擁激寒潮鯨音曉落金山寺鶴首橫翅玉帶橋欲汎空明遊汗漫肯隨龍象寄逍遙長風有願

酬宗懋樓櫓臨江氣益驕

重九漫吟

老去追歡客裏過，菊尊黃酒異鄉多。
魯王宮殿餘衰草，賈傅文章歎逝波。
舉目江山傷舊侶，驚心風雨抱沈疴。
去秋臥病寓中場
來又到重陽，節酒近顏顏最易配。

蠟梅

一樹梅葩拆露房，清霜徹曉月昏黃。
枝頭春意疑封蠟，花裏冰心已逗香。
檀暈似凝銀燭淚，粉痕不改漢宮妝。
歲寒自是留真色，獨向三冬殿眾芳。

江城懷古

城闕芙蓉入望遙，江流依舊事塵銷。
弩臺夜雨迷金鏃，石筏秋風激怒潮。
荷鋪有人畱廢宅，采香無徑趁歸樵。
芒鞋獨徧春申路，閒取軍持拄杖挑。

首德集五

寒窗雜詠

碧玉枝枝愛此君，一窗寒色渭川分。
相看饒有凌霄意，雪壓霜侵欲拂雲。
竹

月華冷浸素琴張，閒拂冰絃譜暗香。
彈到散音寒入指，一亭梅影五更霜。
梅

繆逢吉 字春江 監生

詠菊寄偉書大兄

朱朱白白暗飄香，獨伴疏籬傲晚霜。
瘦影不教同俗豔，清姿自許並秋長。
半畦冷露千莖碧，一夜西風滿院黃。
此日淵明須盡醉，天涯知己共傾觴。

繆執方 字司直 號浦南 邑庠生

晚步即景

衙齋臨水驛，日日送行舟。
不道他鄉客，能忘異地愁。
征帆千里月，暮靄一天秋。
汎汎觀漁者，停橈傍晚樓。

七月初一日借諸同人遊湖賞荷，余因舟壞失足，什岸遂不果遊，因詠詩以記之。

返棹歸來意灑然，晨曦初散一溪煙。
布帆喜報身無恙，塵劫相逢宿有緣。
簾外曉風清徑竹，階前麗日映池蓮。
閒情自有忘機處，裁翦新詩寄水邊。

律 弔蘇烈婦 項邑蘇氏良家女也，其夫不良，死於非命，婦從母家歸葬，畢即夜自經，人咸哀之，率成一

投繯限命湖名媛，太息芳徽耀華門。
抔土未乾流碧血，寸心何忍戀黃昏。
甘從地下悲同穴，不向人閒了宿冤。
節烈應傳青史冊，梅花香繞秣陵原。

首德集五

題畫扇

淡淡羅衫疊雪輕，不調琴瑟不彈箏。
芳情正在無言處，月照深林一色清。

立秋前一日魏公蘊山招遊昭陽湖賞荷

百里湖光一鑑開，芙蓉望處錦成堆。
含情尚憶昭陽日，閒倚東風不忍回。
太液池邊幾朵蓮，而今散作滿湖煙。
蓬萊宮闕歸何處，獨在波心抱月眠。
湖有荒涼景象故云

歲水游魚傍綠荷，忽聞人唱采蓮歌。
幾回喚醒鴛鴦夢，又到

花前弄碧波

汲水烹茶暑氣清知君雅興溢方枰閒敲半局花陰午幾度

漁歌稚子聲

前度劉郎阻客舟初一日高公招遊因事未赴今隨仙侶步瀛洲風光六月依然在畢竟名花待客遊

興闌某罷湖歸舟花色湖光一局收料得催詩人也到半帆

微雨渡溪頭上岸時適遇小雨

繆麟書字文載號紱庭歲貢生有未刊詩稿

水底雁字七排一首和眉山原韻

一片秋光照水涼衡陽雁影度蒼黃波清潭底連繩漢字織雲頭落畫檣有伴招搖煙過楚無聲掣曳雨雷湘衙丹篆送

沙邊日飛白書傳腳下霜何處龍圖勞遠負誰家鯉信費端詳埽開藻影都無迹撇去苔紋好自商可有魚梭拋幾尺豈

令鷺序亂三行浣紗谿畔低頭看水面文章接混茫

梅花詩用歐北集原韻

一枝春信澹煙微已覺寒餘減卻威老幹不嫌花漸少芳粲

還趁雪初飛前生應是心如鐵今日偏看玉作衣問我韶華

年半百瓊箋壁處和香隸

本無詩興怯凭闌為是尋簷索笑看舊日丰姿憐太瘦眼前

霜氣帶餘酸卻看鋤月連松種已具調鹽和菊餐莫欺無知

空歲暮要將領袖百花端

七夕

無限人閒乞巧時秋來今夕最相思星河澹澹涼初際月露

微微影乍移何處鵲橋成暗度誰家蛛網喜相窺東窗動我

吟詩興嬌首青雲只自知

風光已隔一年看欲寫離情緒萬端月姊帳懸初夜冷雁奴

更打早秋寒天船橫處低將挽星影沈時曉未闌莫是仙家

猶恨別白雲遙望正盤桓

可憐默祝到天明乞巧何人得巧呈曾說令公祈富貴更聞

妃子願長生如何世事長差忒只有星期不肯盟玉露金風

當此夕難禁物有不平鳴

梅花

欲問南枝何處邊嶺頭剛好物華妍本無野氣稱香祖可是

神人號謫仙月滿空山原自照煙籠繡幔為誰舉瓊英絳萼

難描畫入定應同枯木禪

月中桂

琳宮清馥本無儔吳質閒來幾度修豈有人閒移作種自來

天上獨為秋古香不許塵心玩落子安容下界收何處白榆

星作伴還應百尺仰高樓

燕泥

春社元禽到畫堂拈拈營室事雕梁分將芳草根頭滑銜得

梨花瓣下香雨溼難乾情睥睨風斜欲墮力恩忙悶斯鬻子

年年憤曠汝綉繆作主張

鏡

鷺鷥臨春別有神江心鑄就此中身非關憂喜能如我只爲
妍媸自在人月寫空庭清是色水含元氣澹爲眞何如胸具
千秋鑑溫室虛堂一座陳

簾

疑城一道白爲光懶上蝦鬚蘊夕香珠押當風憐幾曲湘文
織雨漫成行塵遮燕寢秋雲薄月漏雞窗夏簟長儻有話私
情不斷春波搖曳滿蘭堂

牀

珊瑚七尺好攤書此際蘊蘊味有餘陶令羲皇從此上幼安
箕踞不曾居高樓語罷挑燈後旅館魂驚夢楚初反側幾時
春睡穩還應月落小窗虛

舊德集五

七

尺

中和節物賜天官學得裁雲不爽難一匹新人休論短七襄
機畔漫嫌寬定知有幅工難巧爲欲程材興未闢界尺端方
如在手補天錦繡此中看

杖

何事來龍迥出羣只須邛竹仗殷勤有心相愛吟金策無恙
歸來問鐵君一笠西風常拄雪千峰北上慣拖雲最宜翠杖
投坡者千里歸程日未曛

帳

坐謀決勝事原非甲乙橫陳有翠帷蜀宰扶持梅欲上莊生
防護曉還飛樓頭秋月誰曾障閣外春風自解圍爲問紫絲

爭結構豈宜王石醉忘歸

香

蕭齋寂寂淨鉛華何必沈香學佛家安得朝衫搗滿袖自然
書案等生花竹牀自在安禪穩默炭無須逆鼻嗟恰好博山
添百和芸窗結作赤城霞

繆椿浦 字澹成 邑庠生

新柳

媚眼纔開鬢未絲春光將及杏花時輕煙溪上籠漁舫細雨
樓頭颺酒旗妙舞每憐人太瘦清歌偏恨月來遲風流此日
思枚叔得句還吟白傅詞

牡丹

舊德集五

八

魏紫當年信足誇德培世家舊有魏紫 已枯今僅存玉樓春玉樓春色也繁華
綠雲鬢鬢雙鬟護紅暈輕盈百寶遮笑我疏狂拋富貴憑君
豪興說瑜瑕明宵莫負酬花約醉倚東風看月斜

白燕

偶向春江際雪衣春風裏裏故飛飛夢遊舊苑繁華淨人在
空樓縞素歸玉翦頻催雲黯淡金泥輕吐雨霏微謝家子弟
頭都白悵望平蕪伴落暉

項王廟

項王有廟臨江渚漢王宮闕爲塵土從來成敗論英雄當時
不識龍與虎嘯龍吟各性天風行雲散空靈兩楚歌四面
起悲聲虞兮慷慨同死生月缺花殘千古恨傷心還勝戚夫

人爭名奪利須臾事誰欺達者指迷津

桂花

一片秋光爽氣新花枝搖曳啟靈椿風前郁郁香初透月下沈沈味更醇靜坐卻忘衣浸露閒吟乍覺夜將晨菱荷久謝惟存葉黃菊何時澆酒巾

題畫鯉魚

聲價何由十倍增龍門突兀凌清日日出沒無纖塵雷電條忽風雨頽天生異種六六鱗儻嚇千里遠絕綸不隨東海稱波臣赤文成字如有神鬚尾皆動如吼噴點睛妙技罕與倫

繆述祖字少瀛邑廩生

舊集卷五

九

睢陽廟懷古

范陽鼙鼓轟雷起常山失守平原棄睢陽控扼障江淮中丞獨奮螳螂臂指揮疲卒數千人激以忠義氣益振高懸帝象拜堂下呵斥叛逆明人偷月慘孤城陣雲苦張拳力戰愁風雨矢亡糧盡夜吞聲賀蘭帳裏猶歌舞嗟哉南八真男兒指血淋漓澆酒卮裂昔不見援軍至長呼殺賊麾瘡痍一朝城壞無遺珠碧血空餘馬革裹羣兇未滅身先亡祇今野廟愁煙鎖可憐歲歲陳犧牲嗚咽重圍呼癸庚君不見髯張如戟顏如生干賊猶聞嚼齒聲

讀徐霞客游記

我聞垓垠二億三萬數千垠四極茫茫不可揣大禹梯航歷

不毛著就山經譜奇詭邑東騎士徐霞客生平雅有煙霞癖徒步百里行如飛捷擬青猿走絕壁玉門關外稀人蹤江河

銜折山千重鳴沙振衣日色黑人馬積骨高於峰虬根奇樹拄杖末雲外浮屠出復沒聳身不怕罡風吹鬼魅成羣顧而咄手援瓊父招王孫孤巖跌坐迎朝暾有時然松拾枯穗摩崖走壁龍蛇奔世間奇文鮮鏘刻疑是探之從石室危巖急瀾列眼前光景窅冥路若失吁嗟俗士皆窅步先生獨有濟勝具安得巫陽下招招君魂歸來為說方壺員嶠瓊闕金銀臺

登招寶山觀海樓望海

片石孤撐倚大荒憑虛高閣瞰重洋峰前半襲魚龍氣波外

舊集卷三

十

平吞日月光地圻東南鼇作柱招寶山一天分夷夏虎為塘名鼇柱

百年爭戰多陳迹滅遠城邊城在山頂明總督胡宗憲備倭時築下夕陽

和史丈問樵客夜韻

不羨金膏與玉醅消愁時借掌中杯蓬瀛有路何年到風雨無情動地來客況蕭條殘燭冷狂懷歷落短歌哀君今莫道江南近一夕鄉心百轉回

懷徐晴臺表文

聲聲鈴鶴放新晴此日蓬窗倦眼明木落西風山骨瘦湖添夜雨浪痕平呼羣自是同歸鳥對酒何曾失老兵半載遊隨操几杖儼人有句動離情

祝匯川大叔五秩

行伴伯玉道初成霞舉翩翩物外情腹有詩書真大雅眼無
仙佛亦長生卅年筇屐名場徧半世星霜俗慮輕澄靜自符
仁者壽叔有別墅願其堂曰澄靜想從黃老悟朱程

錢梅

惆悵南枝與北枝殘妝零落訴將離梨雲路隔難追夢杏苑
春深好寄詩人立溪橋風細細酒醒山店月遲遲最關情處
君知否紙帳輕寒索笑時
巡簷常恨卷簾遲憔悴何堪瘦影披月地招魂爭翦紙風天
解佩擬徵詩遠懷歸思憐春老半爲離情減蒼姿檀板金尊
都寂寞祇餘殘雪伴來宜

晚步和韻

舊德集五

一片丹霞海氣晴閒行西訪大林城水心無罣雲心淡都付
松風與磬聲

霜楓幾度夕陽山山寺僧寒暮掩關行過雲菴無往脚東風
斜卷月彎環

繆

字晴峰附貢生聖公府賓奏廳執事官

短歌行

長歌當笑短歌相續四十無間何不乘爛龍門之桐曲高和
難面山臨流可以鼓彈琴瑟在御宴我親故去我親故行彼
霜露使劍補履不如一鉞使驥捕鼠不如一魏升高慮危哀
此曠野我有涕零誰當知者

夜雨不寐

一夜雨深合空堂涼氣生離人耿不寐落葉正多聲潮長波
平岸天空月滿城徘徊無可遣愁坐數寒更

與陳綺巖夜話

與爾同清況相逢意倍親一貧惟類我萬事總輸人才爲艱
辛老詩從患難真批鏡風雨夜戲語亦傷神

憶向三春別重逢又暮秋分財曾識管聯袂共依劉肝膽因
子盡才華信汝優相知更相若天地兩黔婁

繆

絨字芷亭乾隆乙卯恩科舉人任順天昌平州判有未刊詩稿

山行

獨上高峰頂蕭然景物稠煙光凝嶼嶼風籟響松楸曲磴千

舊德集五

年古層崖萬象幽纔從一徑轉忽又幾峰頭石畔生青草泉
邊戲白鷗一聲何處笛日晚路悠悠

贈別邑紳

卅載離家已倦遊罷官正喜得歸休只嫌三徑無松菊又放

西江月夜舟平泉卸任後即乞休願赴江西

歸途贏得一帆風草色花香兩岸同從此再驅車十日不須
重蹋輭塵紅平泉至都陸程十日

曾記從戎絕塞前刀鋌何意復朝

天莫嫌官比長沙謫又沐

恩波十五年

一行作吏廢吟哦枉說奚囊好句多數首詩成比三壘又攀

楊柳唱離歌

清明山行

春光山色正新晴借是清明結伴行滿路垂楊皆點翠一灣
流水小橋橫

一片花飛燕語輕眼前妙景也難名今來只在空山裏臥聽
松風夾雨聲

高峰百尺峙琳宮望斷雲霞興未窮畫棟燕巢新歲月江湖
煙水自濛濛

日暮行吟過小村村煙迷處欲黃昏山家清靜人知少月到
松梢客到門

繆 桂 字漢階 歲貢生

德集五

短歌行題晴峰大兄海闊天空圖

非做放非清幽浮沈人海閒如聽天風瀕洞蕩八極一醉能
消萬古愁不垢亦濯足不熱亦科頭蕭然意氣凌滄洲無人
把臂相同遊

繆 桓 字果亭 邑庠生

途次書懷

離村別業景清閒活水滌河曲沼間薪木庭前應護惜異時
重訪一房山

追陪數載與總縣無限情懷付舊編觀水觀山憑認取前程
迤邐且加鞭

歲暮歸來雪舞辰扁舟獨客黯傷神尋思舊雨情相洽不盡

沈吟桃李春

身世由來不繫舟此中自在挽沈流瞬看再過緣溪路回首
青山是舊遊

繆 霖 字蔭之 國學生

弟柁撰家傳伯兄蔭之先生富藏書博覽而強識之
學以淹貫尤精詩詞中年遊燕齊間為濟水李此山
駕部所契延先生課讀先生秉性嚴端生徒雖授室
者責猶不少假其善誘也深遠因共時而進退
之故造就有純無疵迨孫君星行熊君方受先後
察山東先生時相往還唱酬無間及孫君勸校諸經
尤多所參贊焉生平不釋卷丹鉛評說幾無虛晷
李駕部之卒也握公手而屬以諸孤先生館其宅垂
年二十

傲東野古意

臨別贈郎言歸莫遲誤不願郎念奴願郎自調護

德集五

暑樓夜望

長空雲斂月光澈四面青山盡凹凸煙柳迷離鳥鵲飛美人
不見心愁絕

有懷

天遣征鴻故故遲謫仙消息杳難知自憐顧影思鄉日轉憶
臨歧把袂時沽酒破愁嫌少力賞花添恨惜無姿倚樓正復
深憫悵簾外偏聞叫子規

繆 新 字錦如嘉慶庚 恩科舉人

擬庾子山遊山原韻

青雲梯可上翠嶺翠微山歸雲生足下落日滿塵開澗寒泉
脈遠風高樹枝舞峰頭排似眉石乳滴如雨我欲化鄧林長

看玉芝豎

季子基

佳城鬱鬱獨長居采藥句吳派自如煙草難埋君子德風雷
交護聖人書蕭牆飲恨盤魚禍泉壤遺悲稻蟹虛麥秀青青
三月暮寂寥雲樹憶當初

春申墓

三千食客枉施恩誰識儉王是李園女色荒耽原禍水土心
競附亦仇根楚宮久共殘陽杳封地猶借薄漲存開闢已通
淮北路頓教猛虎肆鯨吞

杜康宅

古寺荒涼煙雨中杜康遺宅尚蒙籠花邊恍對飛觴月水面

香齋集五

五

應多釀酒風到處可棲成逸趣此名不滅亦奇功劉伶衡宇
聞鄰近麴枕千秋臭味同

繆文增

號對亭嘉慶癸酉舉人安徽太和縣教諭

金誇撰傳先生選太和縣教諭抵任即招諸生訓以
敦倫紀重廉節閉門讀書毋干豫外事月課文一以
清真雅正為宗士風大振拔貢某兩子皆諸生不
於庶母送學究治某從眾中捷兩子流血被而君變
色叱止之因反覆勸諭卒歸悉孝吳某豐于財兩子
亦諸生長無子納妾有娠次觀其資因給妾賣與他
姓妾忿爭不從致墮胎次復懲酒其父控長子性父
縣移文至學取年貌君以實情未審駁還申郡定讞
乃釋長子罪而罪其次縣吏某與諸生閉清選有隙
誣問他事縲繫往聽鞠問不服縣令以咆哮聽事
申院已斥革矣君得實情為白於院復其矜其
善處人骨肉之閒保護善類不隨流俗類如此

搗衣曲

冽冽寒風淒皎霜月白秋閨搗衣婦中宵不遑息君行踰

隴關妾搗素羅紵砧聲隨風急哀情寄明月

秋月行

月以秋得名秋緣月自潔況屆秋正中流輝倍澄徹碧空雲
淨天寂寥秋宵月色勝春宵玉盤晶瑩擊獨正一時煙景光
昭昭緊余逸趣本夙好空階獨坐恣瞻眺對此清輝動遺思
曷禁臨風一長嘯

雨後偕諸友至秦望山

二月春光到處宜輕風似翦柳如絲笑他野老行山徑身在
畫中不自知

層層石磴路欹斜挈伴閒行興不除忽見炊煙千縷起萬松
深處是人家

香齋集五

六

白秋海棠

開徧牆根小苑東曾傳血漬染芳叢而今也作梅花樣風緊

全消淚點紅

怨

字粵亭有東遊詩序

黃金臺

古人愛士不惜金今人愛士兼惜金臺上黃金安足惜惟恐
賢士困資格昭王昔日賢路開延攬為築黃金臺士益重今
金益輕此臺千古終雷名

秋砧

嫩寒瑟瑟西風急客路衣單都飲泣驚秋檢點舊時裝欲探
空囊復羞羅忽聞四野起砧聲逗滌深闈思婦情腸碎九迴

催五夜夢殘千里咽三更幾回待倦機中素遠寄征夫孺與
榜新絲溪畔浣將歸歸向窗前日已暮連宵不憚晚涼侵早
寓愁慙一片心敲月阿誰憑逸暫擣霜惟我獨哀吟最憐斷
續音如許寫出離愁益悲楚梧桐葉墜絡緯嗁金井關邊和
玉杵

賀朱先生七旬壽謙

斗山遙望白雲邊喜見長庚耀
這天笑我頻年懷舊雨羨君
久客作行仙洛中恰趁羣英會
幕下爭開履道筵屈指婆娑
看醉舞杯承瑞露慶華頭

酬和同人

高情似海水難量博雅宜觀上國光
氣暖華山調玉屑心清
祁圃裂瓊漿拈豪巧琢琅玕句展
卷閒評錦繡章敢賦俚詞
期附尾笑余端欲效詩狂

舟中口占

坐聽風聲夾水聲片帆斜挂一舟輕
閒來不敢題詩句惟恐
濡豪繫客情

武城懷古

雲帆一葉客舟輕回憶先賢宰武城
當日牛刀供小試而今
比戶誦歌聲

菊花 限韻
交三韻

黃菊無煩羯鼓敲一天霜冷豔花梢
偶逢月地疑傾墨妙手
難摹影淡交

傍籬對飲小詩敲秋色盈盈上眼梢
休笑俗人多汎酒古來

陶令訂知交

繆松齡 字石亭侯
選縣丞

晚步

層霞生處起寒風秋早霜遲葉未紅
白日晚依深樹裏粉牆
遙映小橋東

秋夜苦雨不寐

空階點滴夜瀟瀟明日秋園木葉彫
正是無聊燈影暗更愁
風雨伴長宵

夏日偶成

薰風畫起颺茶煙消暑當窗撥卷眠
午院無人槐影合偶然
風颺下池邊

立秋

客燕呢喃戀故巢已探秋色在西郊
清晨蟬韻隨雲逸昨夜
砧聲帶月敲

子傅再姪塾中菊花盛開用同人韻

羅合宅裏勝金黃幾度栽培列講堂
籬落僅畱三徑月屏開
獨傲九秋霜一銜情況聯疏影半樹
牙籤伴冷香憶昔繁華
成底事且憑東壁借餘光

憶菊

故園籬菊爲誰黃猶記移來貯草堂
當日銷魂連冒雨於今
作冢半彫霜多情欲比如花瘦一枕
偏教入夢香寄語主人

毋戀戀來秋依舊伴黎光

白蓮

瑤池分種雨餘天洗淨塵氛賞白蓮
解語神疑秋水畔賸環情動玉壺邊
五更殘露珠同媚十里清香月共妍
似妒人間多麗質獨標高格晚風前

玉簫聲起晚涼天仙袂翻翻寶界蓮
號國淡描朝鏡裏楊妃新浴液池邊
遙看幾訝煙迷色細認非關月伴妍
相對素衣如闕豔自明高潔綺窗前

舊德集卷第六

繆庭柱 字實生一字文舟號雲道光乙酉大興拔貢官四川巴州知州著震无咎齋集十二卷

涿州郊外

河見琉璃水循蹤問阪泉四山晴雪後雙塔夕陽邊野闢田如罽橋長路似玆驅車經涿鹿誰為著先鞭

于產廟

年少居然秉國鈞古來遺愛屬斯人像畱三代衣冠古廟蕭千秋祭祀新民俗不聞歌勺藥路途爭願薦繁蔬衣僅得登堂拜東里經過倍愴神

灞橋口號

折柳分襟贈灞橋昔年此地慣魂銷吟來風雪詩千首磨盡輪蹄路一條碧水揚波平雁齒紅開架板折蜂腰輪他驢背行來穩不解離懷破寂寥

渭橋懷古

東風灑然來吹我渡澧水更上西渭橋徘徊水之涘緬想虞政時驕奢鬪淫靡離宮象天漢南北矜奇詭須臾楚炬焚頓失秦橋址我昨行驪山遺陵訪秦始茫茫亂石間淡淡斜陽裏金雁石麟空蔓草墟煙起繡嶺已荒寒秦川又如此興亡何足論且看山色美 終南山在望

由馬嵬坡抵武功縣宿旅店壁上有陸古山題馬嵬坡

七絕二首甚佳即依韻作此

不須哀怨唱秋墳羅襪香消送夕曛一死蛾眉真報主玉環

知否感將軍

慘綠愁紅鎖碧山芳魂渺渺幾時還土花豔絕雷香粉好與佳人永駐顏 填近出香土俗稱楊妃粉顏面甚佳

過鳳嶺作歌

丹崖翠壁旬然開一山如鳳天飛來我行雲棧已見慣私揣邱壘同輿僮誰知奇險不易測一徑天開如矢直肩輿仰上繹夫俯石路纜平坡又側舉頭已到山之巔雄心直欲捫青天迴頭有徑自旁出方覺山腰僅及肩欲上不上挽輿走人似蛟螭強翹首霎時丹鳳側翅下醜石噴泉阻山口解繩倒挽繞山傍冰寒路滑走且僵天吳駭波山谷應深恐一落千丈強以手引手聳肩送前山後山如磬控天陰路暗雪花飛

誰是仙人騎白鳳依稀望見白雲間一笏山尖高眾山欲前又復縈而曲蛇行歧伏忙登攀僕夫揮汗顏色變併力牽輿如脫箭振衣于仞上天門 上有一關榜曰南天門四面山川低首見忽聞清磬韻飄飄喚我驚魂聽鳳韶俯視人行如蟻豆始知身已到雲霄吁嗟乎人生不可老牖下名山巨鎮足舒寫鳳兮鳳兮應瑞生保障江山福民社

馬道懷古

逃項逃劉事總同英雄末路歎飄蓬知心只願酬蕭相論背何曾聽蒯通鹿逐中原誰定鼎雉謀暗室等藏弓鄒侯反復何須計彭越銜悲一例中

不追他客獨追韓青眼蕭何亦大難一騎未容馳問道三軍

從此識登壇當年儻卻齊王命異日○遭呂后奸寵辱憐君
太輕受樊河嗚咽水猶寒

臘八日大雪過五丁關步蘇東坡聚星堂雪韻仍仿其
體

閉門向火燒黃葉天公戲灑千山雪曉行不敢學袁安恐惱
虬龍塞路絕眼觀不辨石高下脚踟躕頻驚坡曲折峰迴磴轉
太紛擊雲影波光互明滅重泉陡落渴驥奔危橋直上長鯨
擊五丁力士斲雲根一笑維摩散花纈湯溫有佛聽粥鼓泥
滑何人鋪木屑見三預稔卜雙歧膝六斂威纔一瞥乍霽欣
看塵馬來難行休信金牛說呼童穩步莫躁進良驥猶難恃
踏鐵

舊德集六

三

劉寬夫同年三疊聚星堂雪韻一詩專贈仍步韻以謝

之

花樣翻新安意葉一首詩來高和雪長城久信工五言寫畫
兼能擅三絕感君投契同心交愧我無才义手折鴉塗仿體
未分明鴻爪畱痕易漫滅虛空起勢口難擬寒相殊慚肘煩
掣作態誰爲點額妝投詩頓覺舒眉纈如席同君去歲看高
論繽紛霏鋸肩蜀道借君今日遊前緣離合風花瞥大才賦
雪比瀛洲九斛甘輪橘叟說邯鄲學步強寫成方池冰凍堅
如鐵

劍門關

昨上天雄關險絕驚神魂今日登劍閣前險無足論怪石起

而立羣峰狂欲奔或阻如步障或排如屏藩或如巨象俯或
如猛虎蹲如鼎或折足如繩或批根磊磊而落落巖巖兮軒
軒奇險莫測擬歷數難更番兩巖忽地坼雙劍開天門前者
俯而上後者跋而援後行忽顛躓齒觸前足跟青天乍黑暗
白日成黃昏此身任俯仰倒挂與中存願爲垂天鵬翩然脫
籠樊願作升木猿捷走上高原又恨無健足一霎登天關又
愧非巨靈一手開崑崙徒有叱馭心而我非王尊豈知艱險
境閱歷休憚煩有懷矢忠義此命歸乾元默存惟靜證心不
搖旌旆霎時登雲霄風景真續翻碧山豁朗朗紅日當頭暄
不有險阻歷難息議論喧此關登者眾我獨悟道源長劍倚
天外勸人休大言

舊德集六

四

戊子三月朔日權家符陽買舟東下舟中書懷感而作

此

不因修禊錦江隈買得蘭橈喚渡來此去當知于水監有懷
敢負作舟材堅心未許危灘動壯志先教濁浪開鞅掌自今
追治譜那容書劍問金臺北關京兆試恨未能與
蜀都教化溯文翁循吏曾披列傳中製錦自慚多舊樣發硯
人望是新礪願將經濟寬嚴用何必詞章字句工奉大刑驥
足漫云猶未展蒼生待命本相同
汶江流脈遠無涯唐宋羈縻莫浪誇
聖世拓疆收九姓小民樂業住三巴四山雨潤連畦麥一水
春滋幾縣花先氏讀書莊在否闡揚文教望尤奢

祖訓家聲念及今人官何敢負初心鑿楹書誦貽謀遠傳視
田耕舊澤深江上停雲浮鶴首昨接季仙九孝廉書知欲買舟北上牀前聽雨
斷鴻音久未接家兄信故交如慰相思切珍重先彈宓子琴

題楊采町孝廉課兒讀易圖

有子不能讀父書生兒未必真充闞兒讀父書父課讀得此
佳兒真式穀況占大易筮童蒙蒙以養正開其聰四齡讀盡
章編字無雙岐疑超黃童我讀君詩如讀易滴露研朱君手
澤爲君推測羲象功畫一生爰有千百一索再索至少男厚
終之理敦良探受之以漸歸必大駟馬門高飲易三先生課
兒有至理體用兼該道在邇詩書刪後春秋修無過一生聖
人旨寫就橫圖寓性真青氈坐視隅坐人眼中犀角崢嶸長
籟少黃金莫畏貧展圖盼切惟親申我喜君兒總角非青燈
最好是兒時讀易一編堂構基

協州歲暮書懷步陸古山刺史元韻

捧檄曾行十月中南臨六詔此閒通地偏尚有三苗種吏隱
堪招八桂叢拜石有心追米老珠石甚佳移山無力遜愚公羈縻
休說唐時郡楚道多年不伏戎

邑乘名分上下羅古志有上下羅計之稱萬山深處采風過
士人不僅歌芹藻蠻俗誰知賦葛羅夷人尚有徵雪白鋪高
暉薄得雪甚難大寒夕陽紅上小城多民禮讓與原易作
育菁莪詠在阿

製錦新花樣屢更故交於我最關情范袍莫贈知無幾馮鍊

頻彈每不平鳴鳳伊誰誇日下探驪有客賦春明憶及于小
廉諸人季雲書孝年終寄語燕山友石硯荒蕪久輟耕

戊子除夕書懷仍步古山文書懷元韻

京華居近五雲中作宦無端蜀道通春小記曾辭鳳閣歲終
纔得到蠶叢丙戌朝考後給假三月出京符陽幾日同京兆天府連年作
寓公此夕協州初守夜狐裘何必歎蒙戎

魯酒頻斟金叵羅莫教佳節等閒過門辭俗客封苔蘚窗納
奇峰引薜蘿嬾送寒威餘日少賀迎春色隔年多明年元冷
衙官鼓瑟琴急枯坐渾如住湖阿署在萬

過隙駒光去不更每於除夕倍留情韶華屢擲頭銜舊閱歷
真深眼界平墨綬漫虛今日挽青燈猶憶昔時明師恩幾歲

舊德集六

六

空稱報愧我荒莊尚未耕前接毛雨伯師手書慚無雪中之送

庚寅歲暮書懷用季仙九孝廉四月初度詩見寄原韻

兼寄仙九並東在京諸同好以志離索之思

黃綳被底送殘年三試鳴琴改舊絃待兔有時株自守求魚
笑我木空緣僧稱退院尊無佛酒破愁城學近仙彈指韶華
流水去出山泉似在山泉

轉蓬蹤跡恰相同羊木逢場技未工敢謂政嚴除害馬不妨
心靜送飛鴻連朝雪點蒼前竹昨夜春生座上桐廿二日到
眼裁眉山色好底須阮籍歎途窮

驛使梅花寄一枝好詩臺閣自成儀東華射策年方壯西蜀
烹鮮日守雌情重粉榆傳雁帛我吟風雨寫烏絲春明門外

天涯客同是停雲悵望時

暑冷官閒意緒寬散衙兒女話盟樂楚天雪阻新鴻爪久不

信端石雲磨舊馬肝徑啟三三虛買夏圖描九九半消寒癡

猷自笑真難賣且酌屠蘇應節歡

自林埧溪至荷渡舟中偶成

滑笏浪影翻嘔軋櫓聲住不辨渡頭船但認崖前樹

憩迴龍寺和壁間吉茶農大尹韻

曲徑轉叢木小山當夕扉迴龍開古剎策馬趁斜暉碧水寺

前繞渠河至寺前白雲門外飛尋幽到初地游息印禪機

頓覺紅塵隔僧來啟竹扉好花散摩詰佳句法元暉指豎機

能定眉低靜不飛勞薪吾碌碌相對早忘機

舊德集六

七

坐久香消篆風來自散扉煙霞投癖好山水送清暉我亦鴻

留跡歸同鳥倦飛漫期紗護壁隨意寫天機

題吳梅梁都轉補袞圖

玉尺量來恰稱身錦雲織就色絲新天衣欲補真無縫且把

金鍼度與人

儉約原於補綴宜舊朝衣好付佳兒玉溪笑指雙雛鳳贏得

嘉名說袞師

卿嬾書讀識神仙紅裏添香夜未眠怪底繡衣瀟灑甚當年

曾惹御鑪煙

絲繡平原擬繡吳羅浮想見貌清臞知公早負鹽梅望合寫

詞羹鼎足圖

春草以春風吹生為韻

霎時吹得燒痕新大地和風入早春翠漲暗添流水活碧煙

輕點遠山嫩臺邊盤馬嘶金勒陌上聽鷓鴣坐錦茵不盡韶光

誰領略閒情先到踟躕人

杏紫桃緋爛漫中看朱成碧隔芳叢暖薰蚊蚋三竿日穩牧

牛羊一笛風飛絮黏雲上新綠落花作雨襯殘紅離離纔得

輕颺拂如海春深小院東

綠接湖南萬里思恍如塞北恨春遲別懷江水牽愁日夢醒

池塘得句時相對庾袍猶故我欲開周徑寄新詩入簾青影

遮書幌袖有清風取次吹

雨中嗷微鷓鴣聲聽到窗前韻倍清隨意沿階青不掃所思

舊德集六

八

遠道碧無情幾番風信難尋迹如此煙痕費寫生最好夕陽

金粉麗自然圖畫本天成

舟中望見薛濤井花竹茂美樓閣參差率成截句

校書才女到今無送客當年我醉呼記得梅花曾折取薛濤

井畔第三株

舟中望凌雲山作歌

乘舟忽有凌雲意望見凌雲山色異山欲凌雲雲讓山山耶

雲耶滿仙氣凌雲山冠古嘉州一峰斜對山鳥尤三江會合

抱山走絕勝金焦水上浮樵叢雲吟憶往載選勝曾借樂山

幸追隨學使暢躋攀景純題筆探瀛海物換星移又幾年依

稀風景尚如前大蘇樓畔書楹帖人化名垂字欲仙辛卯年以代辦

提調事赴嘉郡僧復齋大尹隨郭蘭石先生遊陵雲山一
日先生台雷題長勝今先生已歸道山矣蘇今追昔不覺
然山靈延待登苔徑我來頓滅遊山興欲行原未引迴舟不
顧何須同墮甌望望凌雲欲再來山靈爲我好栽培一池勤
洗東坡墨三徑休荒爾雅臺系健爲文學注爾雅處非景純更願研朱點周
易洞主雲深留手澤大佛泉流自髻中廣長舌說江聲寂山
靈笑聽發浩歌扁舟送我風不波凌雲山外雲忽散對面又
見開三峽

章初香 以雜感詩見寄作歌以答

錦江水繞波紋綠君寓華陽我來蜀合江瓜代月山秋君在
資州我協州蓮花幕下頻相見耳熟詩名先識面詩律精研
讀律深生花妙筆活文心哦松懶向紅塵走贈劔論交酬故

舊德集六

九

友謂張安舟刺史翩然歸去錦官城人誦君詩不容口愛友先裁魚
腹書雜感詩來勝瓊玖長壽山光極天淨秋入吟箋消競病
入首工愁步少陵四難寄興殊長慶謠詠何能道義孤死生
方識交情定南華蟲鼠喻言多北徙鴟鵂隨遇聽豈無詩賦
動江關且翦蓬蒿開門徑鶴非不舞愛耗耗驥自空羣謝鞍
鏡丈夫磊落開心胃是真知己方相逢爲仙爲佛任位置一
飲一啄歸從容感君勸君休快快日月雙丸自跳盪叢桂匪
人付酒杯晚花寫影連書愧長爪通眉慣苦吟闌風壁月起
凡響再讀君詩冷宦情何時掃徑許相迎古來名士天心忌
坐使風塵若輩輕故園君莫歸田賦我未買山何處住

歲暮書懷有感

宦海來遊已十年冷官笑我尚依然文章虛切韓蘇望政治
難追卓魯賢雪壓梅花支骨傲霜侵松柏鍊心堅山城寂寂
香何在連日明窗發水仙

春竭宮中命早安罡風吹墮五雲端徒驚鼠勞窺管莫信
鮪魚易上竿得路終南皆捷徑空羣冀北孰彈冠吳鉤藏匣
光芒退休向人前拂拭看

問學揚雄賦解嘲一官久繫似懸匏世間塵俗憐吾輩天上
神仙憶故交添債買琴身不避借書送酒手仍鈔黑貂裘敝
圍鑪坐細撥寒灰句自敲

雁行渺渺楚天秋回首京華有舊遊小草出山慚遠志歸田
無地種忘憂乘風破浪懷宗慙聽雨聯牀憶子由伯兄應有書來故尤

舊德集六

十

初服遂心何日共年華如水問東流

四十初度

一官匏繫在西川覽揆俄經四十年歲月頻遷增馬齒功名
如故笑鳶肩壯心每動劉琨舞豪氣誰加祖逖鞭一様雙鳧
在高處風塵中有幾飛仙

七尺昂藏墮地身懸弧自昔慰雙親無多鶴俸偏違養已去
駒光竟絕塵吉日漫云占戊午小年有願守庚申簿書鞅掌
勞心力懶向堂前譜壽人

頭童齒豁誦韓文蒲柳先零尚業勤高調幾多翻白雪故交
大半上青雲京華回首蠅居渺楚澤關心雁序分初服遂余
如許早西山卜築對斜曛

浮生大夢等閒過看徹窮通養太和舊債已添書尚買新知
難得剗頭磨宦當遠道歸應計人到中年感最多今是昨非
同覺悟不生不滅問維摩

題裴淡如大尹半日靜坐圖

製錦題圖意雅嫻曾見有製錦圖昔年恭履共追攀本來名士由經

術多人以名士稱故及之每遇同僚樂往還十載早知尊北海一官未

許臥東山待君綠野堂開後清福容消鎮日閒

半日親民半養心靜中消息叩瑤琴荔枝莫動還鄉念茗椀

何妨退食吟書案葉飛當夏杪訟庭花落自春深幾人洗盡

風塵態一幅橫圖坐綠陰

薛濤井

舊集卷六

三

翠竹娟娟映畫樓昔年有客暢遨遊枇杷何處尋門逕芍藥
誰來作蹇脩千古橋梁稱萬里一江風雨似三秋浣花紙上
桃花色畱與詩人寄唱酬

歲暮書懷

日月忙如赴三蛇連番風信送梅花詩心虛擬淇園竹宦味

清嘗顧渚茶麥菜畦思庾信雪車冰柱詠劉叉又放衙鎖印

閒無事檢點麟毫紀歲華

記畫連牀聽雨圖十三年別恨分符書來魚腹縱橫錦詩寄

蠶叢咳吐珠輕薄伊誰驚蛟蜨網羅有願隱蜘蛛無端根觸

同懷念何日扁舟汎五湖

矛頭浙米曳鞭刀空入深山膽亦豪有客城中工草檄何人

江上暗通漕運籌未借謀臣著扶纜曾捐戰士袍憶自邊陲
歸馬後終南西望雪峰高

曉行望龍泉山

雞鳴聲膠膠辨色曉行路遠眺龍泉山蒼蒼積煙霧湘雨頻

沾帷初陽忽生樹聞風吹雲開陡覺青山露蜿蜒勢欲飛一

片全神注那得關仝來放筆寫濂素清風不受羈千里條回

顧爲我語山靈今夕山中住

竹公溪

竹公溪畔竹郎祠曾記漁洋詠竹枝銅鼓蠻歌今不見遠山

一角望峨眉

由江津取逕茶江途中雜詠

舊集卷六

三

底須頻阻石尤風連日上風舟行頗遲坐上籃輿曲徑通綠水青山看

不足牆邊一片蜀葵紅

初夏分秧過幾朝農歌起處又耘苗行來看放秧田水已沒

溪邊舊板橋

盈盈綠點蜻蜒水嫋嫋紅搖蝴蝶花忙煞田家渾不見栽完

黃豆刈青麻

樊溪曲折抱山流棊水迴環達上游千樹橘林無雜木此間

風景最宜秋

橘刺鉤帷露未晞斑斕怪石臥苔磯懸崖忽斷寒風颯瀑布

千重作雪飛

縮板誅茅老樹根橘林萬樹自成村蓬窗鎮日何曾掩山色

江聲直到門

燕麥沿坡青穗密馬蘭當路翠花稠羊腸一徑穿雲上聽到

灘聲易白頭

水聲流出石欽崎萱草開花映竹枝舊雨定歌蕭艾句空山

先詠采藍詩

山中種藍甚多

朝天關

曲徑盤修蛇峭壁絕飛鳥上下殊天淵陰陽判昏曉折腰觸

石稜仰歧行樹杪路縣恨地縮崖逼詫天小危磴忽中斷細

逶自傍繞大壑風竇鳴亂石雪花擾一落稍差池千丈墮深

杏行山已十日崎嶇見不少此山甫一登奇險出意表朝天

高我我嘉陵激晶晶霏玉天公戲煙雲愈縹渺我非躁進人

舊德集六

七

何敢輕心掉

馬嵬楊太真墓

重鎮雄兵授祿山漁洋鼙鼓震潼關六軍不發蒙塵日強把

香羅付玉環

莫將薄倖怨官家私語長生記不差拌得妾身畱社稷佛堂

一樹隕梨花

天迴龍馭雨聲悽密檢香囊未化泥那及漢家恩寵厚英陵

許近坡陵西

塞外琵琶冷夜臺金城公主幾時回中原究幸埋香粉齏與

詩人弔馬嵬

茂陵懷古

武帝攀龍上鼎湖金盤月冷露凝珠玉魚已見昆明劫天馬

誰從絕域國臣朝上書遊獵諫子卿歸國節綵枯茂陵惟望

萋萋草王母神仙事有無

閔鄉縣懷古

秦豫疆分畫關河氣倍雄女媧陵不廢魏武壘全空湖縣曾

留鼎荆山尚采銅軒轅遺迹在遠古湖高風

三月初八日引見得加級回任候升 恩旨十七日

出都旋蜀卽事雜詠

荒莊連歲負師門故舊晨星幾箇存自愧雲泥殊分際有情

風雨慰寒溫徐卿寶劍多心許范叔綈袍半淚痕涓滴廉泉

難澗潤何曾知己不堪論

舊德集六

四

檢點行蹤赴益州曉風初日度盧溝征途好看佳山水鄉夢

難忘舊釣遊握手行來傾蓋地朱春泉于小蓮視荷伯均關送出郊惟小蓮送余最遠

心別後寄書郵燕雲蜀棧迢迢接不唱驪歌怕白頭

弔銅雀臺和壁間蔣子瀟韻並作一詩美子瀟

鐫成銅雀有如無賣履分香計更粗空紀黃初窺漢統早看

赤伏紹皇圖幾多疑冢臨漳水不見荒臺向鄴都細撥寒沙

尋片瓦斜風料峭夕陽孤

氣含疏筍到公無東坡詠入花箋語不粗論古直傾三峽水

憐香合寫十眉圖春風絳帳詩傳弟有高足石生和詩畫日丹墀賦

鍊都珍重才華問金馬訪君何處慰睽孤

擬古詩

蟬鳴嘒嘒清螳螂捕其後黃雀翩然翔又復窺伺久忽逢弋
者來軒眉運毒手彈雀捕螳螂一時空諸有此時飲露蟬埋
憂避林藪吁嗟塵世閒蟬冠等芻狗

松柏本性在不隨凡卉榮當其黯淡時羣芳各舒英鬱蟠多
傲態謂難繩墨程迨至秋氣爽凡豔都無名回視棟梁材獨
立方蔥菁繁霜隕弱草有心仍含貞大匠今未逢運斤何須
爭且保後彫質嚴阿全其生

李廣不封侯馮唐年亦老遲暮何足傷榮名乃可寶天且西
北傾地不東南保天地尚缺陷伊人何足道力體天地心形
容任枯槁卓哉張季鷹秋風動念早

銅山千尋高老餓猶不免胡椒八百斛勢敗如雲卷一杯尚

舊集卷六

五

無存何必爭軒冕悠悠路上人畫眉看深淺用心苦太多失
足難獨善泰山喬嶽身不作隨流轉

蒼鷹好逐雀水獺惟毆魚逐毆失其當鷹獺不樂居笑彼沐
猴者自甘作唾餘奔走媚鷹獺面目忘其初一朝鷹獺集爾

又供獵漁嗟嗟林泉中雀魚今何如
不贈無爲藥願作摩兜堅金人自緘口反爲緘者宣星尚有

卷舌天譏居其前詩尚歌貝錦寺人能弄權天譏與寺人爾
亦真可憐有時自受謗回思應赧然

荆山有璞玉渾厚存其真抱獻遭別足質恨終其身砥礪發
光怪反爲說目新圭璋未磨琢難爲席上珍況遇被禍者多

非懷瑾人以此相天下碌碌皆風塵

癡聾作家翁糊塗在小事平日此存心習慣將任意遠大略
悠悠輕重必倒置沈潛與高明兩言賅至義家翁宜涵容小
事貴周備木雞養胡爲麒麟植可棄

庸庸多厚福此語良不誣生兒愚且魯公卿皆坦途讀書無
所用大半爲狗屠憤極發斯語掩耳傍人趨不如且識字氣
質化魯愚磨蝎命官坐富貴任有無羨彼披裘翁胸中有智
珠大澤自垂釣涸迹同樵夫

家貧無贖錢得罪入蠶室造物忌斯文不按金科律李陵名
將材太史薦得實勢窮外援絕空抱孫吳術武將阨文人千
古冤難述三長壽世閒獨擅龍門筆

初秋將出都門書懷遣興兼寄諸親友

舊集卷六

六

伏雨闌風暑未收治任京國暫稽留蠶叢遠道五千里雞肋
微名二十秋老我頭顱成久宦看人骨相易封侯衣緇塵浣
將歸去回首何年認釣遊

不買胭脂畫未工葫蘆依樣竟難同羨魚徒自逢漁父失馬
何須問塞翁豈有懷疑譏慧苴休將隱語寄芴鶩榜嚴一卷
窗前讀坐到銀缸綴玉蟲

無恙松楸繞墓門綠槐高柳蔭前村詠荈擬補頽垣缺贊石
應洵廢井存書課青烏貧豈救段星舟同年精堪與相度曲
陰陽云修改方免貧之
忘朱鷺痛難言先聖何係亡友朱春
泉照料今墓草宿矣振衣敬向泉臺告雖展
微官可望孫

廿載睽違雁失羣更傷遠戍荷戈勤入關幸喜霜威減記甲

平從日下分萬全距京五百里鶴料無多舒急難雞竿定許奉明文
野狐嶺畔秋風早欲寄寒衣望夕曛

憶從魂斷女嬰碓姊聲重逢慰精深六載我驚青鬢改百年
君痛白頭吟文章自古憎高第于小蓮姊丈自中詞賦而今

值幾金暫乞馬融離絳帳銅壺數盡細論心
宅相息恩赴濟南謂視荀伯五甥荷花開記月初三追隨切祝頭街

顯送余赴園見侍奉難違手札談因接視姊丈來尊酒直廬情
太重膏車就道我何堪一麾莫誤銓曹選有弟榮歸進旨甘

仲申七甥適中進士同歸
蠅頭小楷寫冰紈詩律精工學步難舊雨歡期金鼎重罡風
吹墮木天寒以庶席改大令吳江學製悲劉季皖水居憂擬范丹今

日京華重聚首六年別緒扇頭看劉菊泉同年作七律四首書扇扇見贈寫作絕妙
敵廬何處得安眠客裏僑居寄一椽旅館揮毫參屋漏胡牀

聽雨坐繩穿店中代友書楹聯適值屋漏夜間淋被濕淫坐胡牀達旦花溪老杜同流寓
陽羨髯蘇未買田蜀國燕山秋燕似漫云桑梓足腰纏

風雨雞鳴動遠思故人何以慰將離識途馬受黔妻困涸轍
魚承鮑叔知衛翁代向親串通融琴硯買償書券債雲山用貯錦囊詩

更欣溧水梁公裔代備歸裝屢致辭狄立甫世交亦代經營學向知好擬瀕俸裕費

四知謂揚入詠崇如喜登科為慰離羣屢次過入棧我先開
道路雲卿入月方維桑君莫歎蹉跎崇如因病未與殿試蟲聲唧唧鳴

秋早駒隙堂堂去日多振觸百憂聊寄興莫臨祖帳唱驪歌

川中方言大同小異就其最著者各紀以詞於本題下

標注其說藉以觸目警心關心民瘼爾
拉肥豬通稱富人為肥豬拉去剝衣弔瀾以刀加頸腹索銀錢累百盈千方釋

拉肥豬拉肥豬中人薄產耕田夫趁墟忽遇屠伯呼何來人
棄重負途不求牧與芻比作看財奴拉之即走供行廚磨刀

霍霍向體膚媚以金錢饒爾屠人立而唬誰恤辜傾家不足
子母輸豈敢食言而肥乎嗚呼野豬反以良民誣須知王法

如洪鑪立投鼎鑊如摧枯歐刀一下身首殊爭取其肉澆百
觚噉如糟蕘良民蘇

敲釘錘藉故索財之謂其類不一亦在其人之為不為耳
釘錘敲木釘入木釘錘敲人釘入肉木不知痛人痛心心痛

髓枯合家哭仁慈尚不加蒲鞭是誰鑄此釘錘堅貪頭幻出
三昧火匠心別具工倕先敲朴喧囂慮顛倒眼中惟見季倫

好欲求拔去眼中釘金窟銅山破煩惱有時分別輕重敲滴
水不漏杯堂劫丁丁之聲在何處妙手每向空中抓釘鉸工

詩見之笑我費推敲為汝弔揚錘自受腦後釘應悔當年痛
難療

帽頂兒帽匪中盜首也川東之咽嚕川西南之梓客其渠魁則均謂之帽頂兒
虎而冠者有差等或執鎗刀或白梃百十成羣烏合來中有

一人稱帽頂某管事某領班繫帶鐵竿年滿三羈囚脫網半
為匪跟隨帽頂死亦甘某家場趕難某家場趕易尚有些須

畏官意沐猴而冠本游戲莫教匪類假名器脫帽露頂體投

地當作黃巾紅襖市中棄

紅黑錢白晝為匪者曰紅錢夜竊者為黑錢亦有紅黑皆能者

紅錢為盜黑錢賊橫行白晝夜深黑赤生青熟私錢多紅黑殊名聯羽翼大五小五名不同紅尚黑尚盜賊通小錢飛來大錢去晝拉肥豬夜偷覷一霎偷空博進錢拔刀紅黑都隨肩俾晝作夜本易酒肉弟兄何畏忌吁嗟乎阿堵物捕盜作賞需阿堵賊被獲為囚奴輕則黑鉛灌鎖軍流徒重則金刀過頸血熱燒紅鏽將見吾民解慍囊內皆青蚨

燕兒毛鄉中痞匪之稱倏去倏來橫行場市所謂滾刀皮飛石豪傑亦其黨類也

解衣磅礴心膽豪腰間挾有干牛刀路人畏稱燕兒毛飛行滅跡工翔翔滾刀皮見相嬉敢飛石豪保呼同袍藉其翼覆

舊德集六

九

願服勞鄉鄰良善橫逆遭索來錢米供既醜差池下上為喧嘈一毛不拔常食饕燕啄人人痛號況有羽翼同鉤撈蒼蠅怒解紅絨縲搜身一擊毛血撓禽奔獸駭青天高

貓貓魚民家十餘歲幼子被匪奪去晝使在場潛竊人不及防夜則挖牆割壁使之入內行竊

大魚游行喜水深小魚無知愛水淺貓貓魚兒水上行捉魚人來身不免可憐人竟魚不如匪徒忽謂人為魚貓貓尚未解捕鼠使學鼠竊好趁墟潛伏稠人私抱布捕獲貓魚失主怒叩首街前免送官縱歸又探穿窬路貓貓魚兒常食葷頭鐵打刀思出羣晝為棒客姪兒子每夜號為梁上君大魚尚望小魚得覓得魚兒酬重值招帖通衢墨幾行誰知魚子今為賊山君勇猛應有神長嘯風生問水濱迎貓祭魚在何處

爪牙立地攫漁人

繆玉銘字右屏號薇初嘉慶己巳進士內閣中書宗人府主事

路問生云鐘無在心刀尺在手括吟詠詠均自經營慘淡來被省押豪不愧紅詩人之目完顏麟慶題詞擊鉢快詩成詞華氣骨清丁年推國士甲第振家聲悲遺傷潘令才長笑馬卿一斑今已見讀罷素心傾

賣花聲

東風幾度暖披霞花影搖肩入擔誇紫韻爭傳春一刻紅腔唱徧路三叉瓊樓夢警迴身變金屋嬌聞理鬢鴉聲和鴿簫行處喚青蚨選擲幾人家

小集紫藤花下卽事

窈窕繁葩灼夕曛紫香深處集仙羣魚鱗刻鏤三階雪龍勢

舊德集六

三

盤拳一角雲繞架蔓延珠絡索盈庭月寫藻糝粉圍將錦帷春難駐潦倒情懷酒易醺

悲遣三首

自詠于歸百慮侵未曾交譏勉同心我拋懶袴貧猶昔君泣牛衣厄自今為斷炊煙傾盡篋因償逋負售華簪音微如昨人何在風雨蕭蕭淚不禁

從容陰禮信如斯猶繼宣文作女師翠幕薰香朝讀史綠窗燈火夜論詩輸君縷晰千秋事讓我一昇棋此日悲涼餘隻影九原何以慰相思

平生性質是溫良短折何辜叩彼蒼數月貌疏情自洽三生緣淺恨偏長金鈴纜墮人千古玉燕空投夢一場淒絕不堪

回首問背人彈淚暗神傷

病中遣懷

惡緒常縈柳萬絲況經落漠病侵時起居自顧真憐影佛懣
人誰爲解頤千古離愁明月證一腔心事落花知微軀自揣
非金石憔悴天涯淚獨垂

鏡下

花月清於曉孤綺獨掩門病欺雙鬢老愁逼一鏡昏客自攜
紅友人空對綠尊西風吹夢覺惆悵隔芳魂

落葉有感

一夜風喧雜雨零夢魂搖蕩畫檐鈴朝來溼翠侵階冷未入
清秋葉滿庭

舊德集六

三

世父薇初先生能文辭工楷法嘉慶己巳 恩科通籍

適內閣缺員 特旨用二十四名遂預其選時以不得

詞館爲恨例升宗人府主事年未五十而卒辛巳典試

貴州庚辰丙戌分校春闈門下士如陳芝楣制軍鑾徐

遵峰編修寶善朱采山給事員 賈周蓉帆方伯起黃劉

運使萬程皆有名於時世父無子以堂兄長齡爲

後兄官四川巴州吏目早歿孤孫三人依荃孫爲活先

生遺稿全佚今搜得近體詩八首猶手書也詞一首荃

孫編入常州詞錄續編臨桂況夔笙中翰月儀又選入

薇省詞今不錄從荃孫識

繆恩照 宇紫總 邑增生

文選樓懷古

我欲問蕭梁遺基半難指同泰寺既墟儀賢堂復圯屹然文
選樓畱有昭明址遐稽天監年恂恂來太子讀書目數行吟
詠無乘紙有時登斯樓選文彙終始漢魏擷古香齊梁采餘
綺編翻杜鵑雲筆點曲池水謝月與宋風紛紛堆案几廣開
辭賦源上體詩書旨文章百代宗棟宇層霄峙滄桑閱幾更
金榜徧翹企翰墨豔南朝瓣香懷彼美少海舊登臨貽微深
仰止

詠史

孫子臨戎肅指揮吳宮講武似銜枚臙脂結隊軍無敵羅綺
登城將有才韜略早教南國習兵書畱與二喬開他年伐楚

舊德集六

三

侵颶越俱自嬋娟小試來

艤舟亭

行脚頻年雲水游蘭陵城外偶停舟客來南國欣維繫亭爲
東坡示款畱宦海波瀾何所繫佛家泡幻擬同浮先生解纜
辭歸後長見軒檻倚渡頭

漁鏡

乍聽漁歌唱晚天漁鏡幾點逗前川魚又紅樹須論值月買
黃昏不費錢照水恍銜龍燭冷澄波似引蚌珠圓江干星火
明三兩指點高低夜釣船

舊德集卷弟六

舊德集卷第七

繆

字旭之邑岸生

自序余少時讀唐人詩即喜效其體裁少壯出門謀食接見名流時時論近年來情懷皇皇足跡幾半天下凡傷今弔古登臨投贈憤鬱感慨一寓於詩辛未長洲王揚大舉博學古法時帆祭酒爲點定劇存二冊癸酉秋由燕赴豫道出滑臺院過八卦教匪隻身跳出衣囊書篋悉委路隅半生心血付之流水自比遂絕意吟詠偶於友人處見所錄有及自能憶誦者暇復以素冊寫之近尚不能家食依人所至聞多此與意隨疏放詭任支離亦如時鳥候蟲自鳴自止聊舒抑塞且紀歲月云爾

輓宣化李烈女

宣城有女堪勵俗生長閨中嚴自束鍼綫惟勤繼晷燈隔阡不涉尋春足守貞待字鄰里爭交口相稱徧親屬前村鼓樂慶秋登父母偕行俾處獨習慣徒知往賽神疏防條已來戎

舊德集七

一

伏空庭長日闕無人啖者視爲几上肉乘虛凌弱橫相干獸心乃在常備僕倉猝奚奔號莫磨此身可死不可辱恨漫碧落氣燭虹爪裂姦容姦手毒石點紛紛星雨飛血灑桃花軀

潔玉軀玉潔志冰清二九春光逝水輕綱常巾幗千秋名

題畫鷹贈達將軍繡廬

由來勁氣稟金方風力霜毛搏擊強萬里秋心憑繪取將軍

英武震要荒

春日至泰山觀水磨卽事口占

花明柳暗別成村誰逞機心截水根溟海飛濤浮日月殷雷

挾雨破朝昏山誇幽折窩藏壁容怪衣冠犬吠門信步不尋

來去跡指迷猶見古風存

號寒蟲產萬全泰山中

茲山有怪鳥厥名號寒蟲四足不習飛躑躅山之中盛夏絺毛羽文彩光人瞳鳳凰不如我鳥聲似者夜宿溪沙朝啄螺夜宿朝啄北風來逐蓄踏殼棘棘禿瑟縮得過且過亦鳥嘯聲聲我行見之笑且憐維鷄載詠人亦然綺羅狐貉輕而圓爭誇時樣矜多錢翩翩者是誰家子諺有之曰衣箱是中無所有只衣耳此衣此衣將毋同君不見號寒蟲

春寒獨酌喜友過訪

怨春紅豔冷細雨溼流光嫩蝶牽愁夢嬌鶯整舊鳴鐘偃宿火梅帳戀餘香且莫登樓望相逢各盡觴

有見

舊德集七

二

爾乃浣紗女胡不遇范蠡可憐傾國貌只有鏡相知

紙之蚩蚩匹聞見安所鄙如入吳王宮未必非禍水

絕句

仰屋著書慚筆澀尋簷索句怕心勞何如花下冥冥座靜聽

兒曹讀楚騷

獨立

晚晴庭院逗微涼狼籍殘紅惜海棠一縷遊絲風不定暗隨

飛燕過鄰牆

荒店

竊食飢鳥起瓦盆老牛垂潮道傍蹲幾間茅舍無人出一角

斜陽半閉門

有去志

人生求適意不若居家庭家庭難久居驅車更揚舫經途有
夷險涉水分渭涇而況人心雜不同如面形道乖遭眼白氣
合亦眼青喜不伴君王君王王忍逆鱗遠茲勢利場勢利多增
腥堅貞秉吾素澹泊自芳馨避色復避言遐哉窮八溟

折柳

旗亭驛館徧凝凝攀折無端一再三送者自歸行者去人原
如此物何堪

欲寄相思折柳枝柳枝果否繫相思人閒本自輕離別翻使
柳枝重別離

春日同人游大石山看桃花復由仙人山而返時在深陽

舊集七

三

三月四日春風柔十里五里桃花浮花光在天不存地紅霞
一抹迷吟眸吟眸豁處山迎面竹裏藏花花抱院院僧掛客
煮山茶泉汲龍池快清嚙云池之泉清且沈飲罷招我登山
尋背屋池方不尋丈早時一滴皆為霖求雨皆於此取水探幽莫問
斜陽暮荷輿復繞西山路一聲清磬出雲遲就中條見精藍
露仙子空傳舊日碑塔門長鎖紫苔圍桃花雖遜前山好傍
水依巖亦有之傳人索句花爭吐響答春山亂樵斧桃源儻
許問津來願向花開作漁父

蹋青詞

風花煙柳西復東壁人自控玉花驄一往情深不知處隱約
誤入光明宮正逢清明與寒食翠光蒙密爛如織雲斷山凹

望欲無鳥嘯深樹疑相識斷雲嘯鳥夕陽天晚晴如畫逞餘
妍十里潤沾紅杏雨一溪斜綰綠楊煙暮景霏微芳未歇曲
曲引人入勝城風流端的蹋青人鳳頭鞋子鴉頭鞵叉手笑
經兩三畦叢雜芳菲路欲迷村店野溪人迹鮮笑儂尋過小
橋西相逢故老粉榆社意氣丰神自瀟灑展齒印雲春色濃
羅帕兜霞暗香惹望中風物自清華春入尋常百姓家苦人
無限低徊處祇今依舊月鉤斜

三月十五夜登溧陽太白酒樓樓在城上
城樓春深三月望月滿樓空心目曠謫仙買醉苦曾經愁殺
楊花發高唱高唱如春盞錦城謫仙去久樓長名碧雲溼堙
搖碎影玉笛隔水流清音笛音吹澈誰家閣驚起嘯鳥飛羅
霍落花風細露珠瑩權煙艇小漁燈灼憶昔任城登公樓憑
城岌業齊雲伴賀宰知公公與游浩歌一闕吞百甌溧陽酒
薄難入處釣魚東海思遐舉春樓寂寂懷公深醉月茫茫共
誰語太白任城縣廳壁記云邑宰賀公非指知章也閱新舊唐書知章並未嘗為任城令
忽有所感

舊集七

四

寒梅小別隔重雪花事惜過幾分判得雨聲聞昨夜飽看
山色到斜曛春江舊夢潮痕暖芳草閒愁客思紛畢竟東風
能爛漫行歌陌上見紅裙

詠折枝海棠

春風著意勻脂粉綽約真如處女時最好膽瓶斜臥處一枝
沒骨寫徐熙

初夏早行

曉上征驂月半斜
居人未起露沈沙
兩鳩南北隱相喚
濃綠香來清勝花

叔孫通

江山甫定爭羣雄
酒酣拔劍日論功
若曹非禮不能束
乃公謾罵真書試
為縣蕞習其易
肅敬先徵長樂宮
今日方知天子貴
叔孫無愧名曰通

悼流民

河南癸酉罹天殃
旱魃為虐農事傷
樹皮剝盡草根絕
民生無計多流亡
偏遭河北紛寇賊
烽火薰天塗路塞
十室九室斷爨煙
扶攜何處堪求食
陌上流民接踵來
肌膚枯槁筋骸

舊德表七

五

摧陷下飢民
屍枕籍
獸蹏鳥跡處
塵埃陌上回
頭見陌下半响吞聲淚
頻灑玉石至此誠無分
翻悔離家死橫野
茲聞聖主布深仁
發帑給粟振爾民
可憐仁人穀難入
死者腹可憐仁人恩
難返死者魂
噫嘻乎悲哉
生民不幸值此荒
我行見之惻衷腸
願天早以甘霖降

詠晉鄧攸

攜姪棄兒行
此心對天地
追及樹繫之義
至仁不至天道豈無知
買妾遭親誼
傷哉所棄兒
懷哉遂斬嗣
既入井而身奚急
救此聖賢時中之道也
伯道仗義而滅性
矯矣矯則非正宜其後保祿位而媚權貴也

夜讀

鐵羽歸來歎索居
侯門寄食漫踟躕
笑他濁酒瓶長罄
雨冷

燈微讀漢書

冬日郊行見野菊獨茂

眾芳皆摧隕
籬落忽相見
無力仗東風
幽然舒冷豔
友人下第客中邀
為長夜之飲
即席口號慰之

邀君歡勸君酒
南山月上大如斗
座中誰者苦思家
舉杯忘在天之涯
儻來富貴恨不早
提壺且樂風光好
多疑黃河之水
天上來
漫漫飲如渴
驥奔馳千里
臨急湍君醉歌
我醉舞醉歌金石裂
醉舞鸞鶴舉
鸞鶴一舉千萬里
蠢蠢浮浮盡眼底
勸君酒邀君歡
東方日出圓如盤

自慨寄劉大司農信芳

越雲燕樹等閒過
枉負栽培愧琢磨
怕聽桓伊三弄笛
年來

舊德表七

六

祇自喚如何

客中借得漢書藉遣愁寂

日與古人對一編
曲几凭庭虛聞遠
籟宵迴坐寒鐙
靜若窺魚鶴
枯于入定僧
家書猶未達
其奈客愁增

思歸

隋珠和璞嗟無識
雞肋蠅頭笑不恆
枉負春秋饒勝日
最難風雨饑良朋
時送友
故園松菊懷元亮
鄉味蓴鱸羨季鷹
得計買山甘小隱
如城書擁酒如澗

不眠

朔飢欲死羨侏儒
生未逢辰笑丈夫
夜半不眠時露立
恆星灼灼豔如珠

書草泉傳後

魚龍變化氣縱橫節鉞傳來節度驚莫怪公卿皮相士平原
猶自失毛生

備書

羽折秋風愧不才備書寄食日腸迴莫嫌澹薄思鄉國更有
人從鄉國來

讀江介臣明府撫字災黎道中即事詩因憶去歲走亂

卽和原韻

民居寥落不成村天道人心且莫論我亦被兵幾失路一鞭
殘照過夷門

欲睡得句

舊德集七

七

此外更無行樂地就中偏值困人天翳窗梧竹涼生簟著眼
詩書熟引眠若到漆園欣栩栩偶捫腹竒笑便便昨宵恍涉
南塍路吞草池塘憶阿連

七夕有感

風風雨雨暗銀河客裏俄驚七夕過天上悲歡已若此人閒
聚散更如何扇拋蟬翼秋心薄扶邑多棄婦女曲奏霓裳古恨多時著
演埋玉聞鈴等戲紅友不來清漏永蛩聲四壁答長哦

秋夜

絲桐空撫知音香美人遲暮悲芳草迢迢銀閣燭光涼漏靜
月明花夢悄

秋暖

曉晴映蝶粉衣勻疏竹間花一徑新淡客不來簾學靜午窗
詩夢暖于春

規友

憶君時接夢中魂昨識沈酣北海尊烏縱忘機難止暮蘭雖
抱馥忌當門無妨把翦裁雲樣莫便攜鋤斲月痕記取秣陵
秋色好一編對榻細評論

自笑

江南冀北暑寒更落落因人笑此生物外有緣餘酒債世間
無賴是豪名蛙翻新夢添秋思雁墮空音觸旅情裘馬紛紛
表同學少陵何日草堂成

貧女

舊德集七

八

如此韶光劇可憐祇憑歷綫度流年羨他牆外開桃李也到
春來一逞妍

無花

客裏無花不算春無花也自醒迷因惜他風雨勤調護看到
飄零更損神

臥起

臥起悠然斗室寬何妨我與我盤桓陰晴一日成三變興廢
千年執兩端月到圓時知漸缺花當足處看將殘近來學得
齋心法不問餒甜并酒酸

六言

充義必求至極泯情先絕二三於陵不如蚯蚓柳下未若魯

男

兩兩三三斷續樹果田瓜自落今日假書游日明日還書空

腹

牡丹

國色天香春滿亭清平三調譜宮伶近來詞賦無人識莫便

疏狂學酒星

乞酒

把簾掃落花人嗤兒女意拔劍擊唾壺我搵英雄淚不如陶

然一醉天地寬人不知我此中果蘊蘆廟山林何者志

春盡口

客裏無端又一春落紅庭院草成茵年來閉戶憑春去春去

舊德集七

九

留連怕損神

纔見春來春可憐可憐又展送春箋含毫別有開根觸不惜

青春惜少年

醉中吟

綠陰深處聽提壺且醉村醪一再沾情似落花真灑脫夢如

時事半模糊淮陰漫把老漁釣燕市閒尋舊狗屠川涿雲飛

觀自在阮生何必哭窮途

放歌

丈夫未遇虎如狗南北東西牛馬走沈枯一室若逃禪游戲

百函聊餽口雖知混跡在泥塗不敢隨風等杞柳開心漾漾

出岫雲浩氣英英互星斗自食其力同工商屋漏不愧古人

友憐他蠢蠢與浮浮不識天高井地厚呼馬呼牛皆應之丈
夫未遇虎如狗

新正月初四喜見新月

新月西南挂一鉤飲餘當戶喜擡頭莫言寶鑑初探匣已見

清光徧九州

卽事口占

強將濁酒滌煩襟聚散無端慨盍簪獨立斜陽情一往滿庭

飛絮又春深

和諸城劉大司農贈作元韻

追隨廿載想前緣今復羈縻假數椽愧我饑驅傷往事感公

悲憫話當年癸酉九月途遇滄
縣教匪幾不免山樛半朽經秋後月桂常榮

舊德集七

十

得氣先公子今廉下傭書欣不棄餘閒請業理殘編

追感前事復呈一律

每因文字結深緣大匠知無棄短椽越水吳山陪歲歲燕南

趙北學年年金沙細揀心常切余質鈍校卷常
遲公每諒之廉俸頻分惠

獨先公知余貧修膳
之外時有餘贈尤幸姓名今不沒憑公懷贈到瑤編

顧鄭鄉過訪不值

不甘貧賤老延陵敝居即吳季
子所封地每逐京華逸驥騰茶酒味清

情易引尖叉韻險步難勝漫言待嫁貞于女且託逃禪懶若

僧風雪鎖窗欣過訪多君元著自超乘

讀漢姜肱傳

彭城姜伯淮五十始慕學六藝皆窮通聲名遂卓卓我今年

已幾猶然未鵲琢可不急困勉以與前賢角豈羨買臣榮欲
如伯玉覺問昔蘭陵令苟卿惠民渥趙人五十始游學於齊我乃蘭陵
人蓬廬謹守璞世若有知人無妨一馳逐勢利遂長年且自
樂其樂

聞子規

得荀復得蝦謝豹來何遽我更不傷春莫便催春去

讀史

文君真知音私奔司馬氏阮籍真好色鄰家慟處子惟此真
之中邪正亦倍徙然盪側其冠不必納其履刑罰可失出褒
貶須逼裏歷觀史傳中競豔每書此一時愛其才春秋素大
旨且令炫才者越禮有所指風俗自茲靡責歸作俑始

偶詠

春風本無心開花任紅白紅白不堅貞風飄委阡陌情樹護
花幡謀設當風帶灼灼於春光幡帶倏然摘風自行其常花
遂失其魄人皆怨風狂我不爲花惜凡物貴自強憑依究何
益如以言之非試與觀松柏

及門孔又韓問橋過淮而變枳未識枳返淮而仍橋否
喜其心思靈活書此廣之

橋過淮變枳土易性隨失未聞枳返淮可以復成橋偶緣子
質疑恍起予載筆適惟物乖常而人亦莫必秦檜伯夷頌居
然伊周匹鈐山堂十年冰雪志士律一朝利祿榮頓改廬中
質所以聖賢尊終始守貞一

有感

楊柳垂絲草展茵羊曇西醉過州闈低徊許子淒涼句儂與
將軍是故人

偶感

南山有松柏蔦蘿附其根植體雖不同相依朝與昏纏幹復
牽枝保此真質存美哉伯夷傳所喻乃名言蒼蠅集蟻尾萬
里得騰奔顏賢失孔聖胡能到今尊士貴識所託終始無翻

語傷之

蓬萊羽士尊禽族點綴園林珍眾畜何來負腹一將軍也附
風人講說日不乘軒輿不艇浮擔頭束縛同雞鴛嗟哉脛折
并翎摧化去後先止隔宿爾雖願學丁令仙我還欲效唐衢
哭殺風景笑類焚琴嗚呼誰其瘞爾焦山麓

郡中舟返四絕

欵乃一聲幽兩岸浮翠綠風來水而馨詩懷不自束
薄醉敞襟坐桑麻話舟子橋低壓過篷一鳥驚飛起
一郭又一村行行皆畫意懸臂坐老漁知是待潮至
夜氣如此清水闊沙不礙遠火逗深林村尢相問吠

出門口占

書劍無成學兩遊論交偏白慎脂韋飢蠶乙乙待人倒野鶴
丁丁何處飛的噪冰心原是淨伶俜詩骨不能肥蹇驢馱我

出門去太息荊州已掩幃劉信芳家辛於去歲身故

偶占

揀金當披沙采蘭當披榛我來沙榛區揀采良艱辛其如鑑
賞者猶豫狐疑頗金仍委之澗蘭仍雜之薪不傷金蘭屈轉
幸沙榛仲因悟世間事無為認太真

宿獲鹿

落日雷行客征車卸驛亭短牆堆敗葉破屋漏疏星下榻多
敲側流餐半臭腥大員過竟州縣供應謂之流差明朝前路險門外數峰青
入井陘

曉出固關平定州界

善利兩不營雞鳴起胡謂破月半天斜山氣冷成塊

舊德集七

平定州道中

十年寒偏烈天空落木前亂山晴插雪小店野舍煙丹柿沿
村賣黃梁比戶研江南春信早約到嶺梅邊

登平陽試院後平臺

春草飽雨青春樹搖風綠院後一廢臺服登仗童僕屋瓦合
層層市闌通曲曲西穹姑射山云有仙人躡汾水出其陽桑
麻賴之沃熙熙去來氓負戴儉成俗遐想此堯封胸懷真不
局苦無賢聖日高瞻難遠矚

過豫讓橋山西太原平縣境

得刺固報仇失刺亦盡義到今有此橋國士遇者幾

哺飢坂在絳州城北五里傍有靈輒廟

昨由靈石謁淮陰等是酬恩國士心聞說哺飢當此坂翳桑

日卓影沈沈

再過平定州山道去秋余乘大車經此石道瑣碎頗眩不安今來肩輿緩眺覽有風景因成

律二

崎嶇傳險隘兩度踰清霜紅葉肥斜照黃花瘦晚妝四圍山
色迴一溜澗聲狂收穫村村急兒童各滌場

種山田作級穿土室成陶瓜蔓牽籬癟槐根捉石牢輿行危
徑仄風到暮秋高明日由平陸肩夫少告勞

過分水嶺有感寄弟水在山西武鄉縣界南水下循環鋪北入祁縣界

卽此一條水南北兩分注在山本同源出山各異路念我同
懷弟廿年一室任聯牀興寢偕就傅後先步衣服遞相披飲

舊德集七

食交推哺嗟哉爲飢驅燕雲隔并樹春鱗不卽浮秋雁常遲
度弟苦兄豈甜日夕惟思慕願保此頑軀畱與貴者雇等是
三代民直道行吾素何日得歸歟共守先人墓縱爾凌雲書
放我驚人句黃髮兩扶持樂此桑榆暮

接次兒所寄家信喜而勉之

大兒復出門愁之書家信家信忽然來開緘就燈燼認是次
兒筆文理頗明順先言母氏安次述年荒僅幸不大摧殘族
黨皆無憂大姐嫁鄰縣其夫旅歸概恐傷老父心宛轉設疑
陣小弟少培植亦肯自精進府縣令其試得覆名尚儔己緣
家道艱往教受人聘童蒙十二三功課勤而慎縷縷悉成行
固封還密印因徵付小詩人生當自振勉哉毋懈怠以作干

里駿

登太行山上黨今之潞安府

千里延袤勢縱橫遠跨河南山西直隸三省當年秦晉此紛爭河從遠樹

蒼茫見黃河繞其下人向低天咫尺行上黨據太行之脊雲顧每思親舍

在唐狄梁公登太行遙瞻雪飛應苦客車征曹孟德有經太行苦寒行也

因涉險與徒戒心一持平路亦平

行上黨山中偶入廢寺於叢草中見斷石似碑拾枝剔

薛乃元時趙孟頫行楷存八十一字可辨者二十三

神采奕奕真妙蹟也惜恩促不及撫之因知世間非

無佳刻惜人不能遇即遇亦徒然耳口號斷句拾白

泥書敗石壁上

舊集卷七

三

勝地由來妙蹟垂何年寺渺僅留基閒尋夕照荒榛裏太息

橫陳耐辱碑唐司空圖自名耐辱居士今以此二字名子昂碑似覺相稱非敢輕名士也

澤州試院聽濤軒酬諸同事詠松

昔聞四松今止一獨立中庭標勁質風聲謾若濤聲前人

名軒額載筆一柏凌虛隔院塵青蚪相接蒼龍身飽霜傲雪

等閒事不結為友應為鄰又聞西司有嘉偶冬秀亭顏謹護

守未知較此年淺深三株兩亦今烏有偶緣義合多詩人閒

窗爭詠思爭新韻搜競病格李杜松兮柏兮描形真松兮柏

兮良足企憶昔曾勤三岳履裂苔屈鐵莫計圍商周秦漢代

堪紀茲雖涉爾罕即奇空堂滿嵌琳琅碑物美斯愛愛斯傳

後彫重此歲寒姿君不見左右高撐兩槐胡不一及之

遼州道中

日落山光寂天寒樹色遙民居偃土窟馬足滑冰橋星火鏡

迎驛爐香酒挹瓢一輪新月皎旅興信清饒

至靈武謁明周忠武公祠

孤城圍再合血戰鬼神驚有婦同殲賊劉夫人發矢射賊無不殲矢盡發火自焚

無鄰肯乞兵遣姪乞援吳總兵不及而宣火降書已至賊處矣守疆原誓死殫力遂

捐生魏煥瞻祠廟千秋祀典明

廣武道中

緩轡歷邊關時清喜往還烏亭徒盡盡雉堞自開開沙闌牛

羊健風高草木慳居民生聚眾耕破亂尖山

過白登即匈奴關漢高祖處

不是封侯骨無端過白登九邊膺屢廓歷代成頰增大野跳

龔兔寥天叫餓鷹衣絲添夏五寒氣尚凌兢

塞上即目俚言

江南楊柳枝二月枝堪折塞北穀雨過春光纔漏泄

杏花開春深云豔若霞錦我來已飄零此閒推上品

杏枝枝接榆花簇如郁李佳名榆葉梅簪滿村巾姊

地寒無牡丹芍藥稱奇絕有花亦無香開俟天中節

玫瑰少色香巖畔眼亦青珠纍子般紅云是油瓶瓶

青青抽麥苗短短疑田草問之肩輿人夏至割還早

雞犬棲窰頂老小居窰腹煤氣燭窰中長年炕火煥

油麥似江南野生燕與鹽齏菜並榆柳葉醃酸為終歲旨藟富室供七箸六

月菜園開相邀躡青去雲中風土記六月六日東郭外菜園開鄉人爭攜壺榼往謂之躡青

砂磧滿羔羊牧之貨作息盛夏亦披裘婦女不紡織

士而逐什一試也競詞呈貿易非游學爭歸歸化城南方生員次歲

考者選詞云游學此處則皆云貿易歸化城

水中丞偶插草花數枝起身時猶未殘落惜而瘞之戲

系以詩

我本三生杜牧之尋芳無處慰遐思折將野卉酬春眼分得新愁伴酒厄未免有情同此席若為繼見待何時牆陰土淨

堪藏豔寄語花神好護持

忽作

忽作非非想無聊解一時世情竟若是天道豈如斯或者三

舊德集七

杯酒因之幾句詩閉門還閉口客裏自扶持

觀吟香仙館圖即寄楊補帆圖為補帆作

百樹梅花一草堂人間雅俗本難量儂家五畝田中宅牆下

團團種女桑

卅年前共西泠榻中一相逢在溧陽此日展圖見三絕補帆詩皆超流輩

知君猶未善刀藏

戲仿桂幅紫溪翁歌

一室之假其居處也且吾覽天下一几之陳其詩書也珍吾接古人一窗之隙其延攬也窄吾陰寸惜和性情略形跡吾

不知在家而在客

劍飲莫彈兮食尚有魚劍飲莫彈兮出尚有車左圖且書右

尊與壺時歎命歎榮歎辱歎

病中率吟

從無得意還知失絕少歡踪那識憂在苜光陰同過客朝冠袒褐總吾憐

身腹飽溫憑手口多時辛苦少時閒死生夢覺夫如是不入空門入道關

閒吟

安貧豈慮鬼傍笑處賤難禁尉醉呵長佩張公書百忍家庭如是況其他

無才不對天人策無德不營安樂窩閱盡古今夷仗傳辦香私淑展禽和

舊德集七

淮陰釣臺

把竿本屬英雄事不見興周八百年屢過淮陰重回首封齊

畢竟遜前賢信自請王齊殺機實兆於此

金筠莊家居困甚聞有四明之招尚不即赴作此以勵

其行

食葉青蟲化蛺蝶落花依草恣蹂躪昨宵猶抱枯枝眠朝忽翩翩鬪蜂捷樹頭黃雀躍且鳴入水為蛤更其名伯勞子規

視相笑泥塗何若沈寥清可知物亦惡葺闢雄飛蛺蝶雌伏

蛤丈夫處世何歸依不為雌伏為雄飛

清宵

誰家急砧杵吹墮空階前征雁又南飛秋人涼未眠

寒意

庭菊初齊瓣山楓正媚枝曉衾寒欲動獨客最先知

詠紅白二盆梅

下相之墟風俗樸不為說目佳植無兩林梅來自袁浦艇浮車載殷相於我一見之如掌珠時當嘉平風雪凜溫室煦育同嬰雜物亦受人愛晨夕歡而娛初如稼軒所云十三女兒學繡繡牀扶含羞匿笑能婉愉終唇粉臉未全蘇漸吐何所似東鄰處子西村姝三五二八靜且都春思無端引芳心不輸輕敗淺林形神俱忽然爛漫滿綴錦彷彿杏林桃樹春益爭敷腴紅林開無際枝我昔屢過鄧尉香雪海為雲為霧途又曾買棹江山一涉宮春道黃墳之南卅里成花衢萬千

舊德集七

九

蜂蝶鬧無隙下止鳥雀爭喧呼轉失暗香疏影之真吾似此無多足清玩蕭齋三月伴傾壺鉛華洗淨別生意碧芽繁茁青融膚尚恐託根瓦盆土膏薄雨露長養還時須

漫興

不羨榮通不醜窮莊子榮通兩字分解借用連之抱書握筆倏成翁石渠天祿無緣到杜庫曹倉有路攻辛苦也知啣畫虎寂寥未收鄙雕蟲兩年此地尋佳句時節蕭條景物空

散步

清明來客邸雲物猶淒淒散步向南郊雨晴途半泥纍纍高下冢不埽紛收瓶豈無一主者太息風俗迷官隄曲北轉官楊皆生穉河水流洋洋漕艘雁字齊浮家反知節沽酒且殺

難過渡少村落接湖多荒畦桃花何處尋得句無門題

閱坊刻注釋杜詩

詩緣情性發難言故微辭三百傳葩經無邪足蔽之固哉止高叟小弁亦索疵意逆志自得子與氏堪師小序出聖門無差宋儒紫陽翁知之有不知奚怪議後者聚訟無已時湖漢至前明詩人各懷奇流聲金石振命意風雲馳而況杜少陵萬卷蘊心脾注釋苟專家豈不淺學資其奈射利徒逞臆而妄為開寶時事錯陝蜀道里岐微探非根源識解尤凡卑亥豕遂傳謗魯魚不闕疑坊賈固可賺大方能無嗤枉然驅紙墨冤矣災棗梨畢竟夫己氏志曰猶中眉杜詩注其其意蓋唐時無忌諱此老之詩已明白曉暢

舊德集七

三

重九對菊

何處登高把韻枯乞來畦菊列茅檐可憐花亦如人瘦瑟瑟西風怕卷簾

少陵對菊黯神傷每到重陽鬢益霜半為離家半無酒奈他

秋日較年長客中真有此情味較年長謂比去年長也非一日三秋意

畢竟淵明百慮刪有花無酒亦開顏白衣未必源源送獨采

東籬對遠山

閒論

伍員暨樂毅二子皆孤忠一破楚一齊事業將毋同所貴主臣契一心成大功先王死已矣後王為人蒙相國乃浮鷗將軍送冥鴻後車鑿前車哲士保厥躬

載妻作富賈范蠡逃句踐醇酒近婦人信陵事淫瀆英雄際
末路無奈而豪遣辟穀張子房豈真棄軒冕白衣仙骨人衡
山隱幸免尉遲迺東施雲母餌懶懶

簽下讀武安君傳

白起小豎子爲秦開封疆可憐三晉卒如虎驅羣羊八十九
萬命疊疊魂歸鄉彝陵至武陵楚尸莫殫詳一劍賜杜郵人
胡爲之傷若使再將軍天下罹其殃不必應侯忌神鬼咻昭
王展卷恍血腥陰風蔽燭光

讀儒林傳

正學原非阿世材可堪輶叟老難回司空城旦書何用莫怪
公孫側目來

舊德集七

三

漢家天子好文詞揚厲鋪張乃得之迎得申公偏尚簡虛他
臧縮上言師

呂不韋

釣奇賈嬴氏呂賈賈絕奇尚父尊無上妖姬樂不疲禍緣私
假宦死迺道眞兒依樣楚黃歇嗟盡室夷

雷別學生孔又韓卽送北上

柳花化爲萍到處相依結簇簇水之涯有時亦薦實風來倏
爾吹東西各蹤跡所以旅遊人緜茲三歎息
浮雲眞無定明晦態常開日月隔雖遠河山俯視開未爲雨
潤物不作霞弄顏蕩蕩復悠悠飛同倦鳥還

崑山有良玉他山有礪石以攻年復年過者視默默奚至賈

不售所虞瑕未潔琢之又磨之連城價無匹

攬衣陟高山不上還卽下中道無容足眷言古學者雪窗螢

案間一胸釀裁寫漫詡春華濃春華不我假

京華流品雜結交須老蒼旣得良友師函席此徜徉多聞且

多見勿正亦勿忘門外車轍深無殊居僻鄉

十年相聚處遊歷況與俱善子久而敬鄰予德不孤歸途快

佳日免世笑非夫家食儻卜吉一編友古儒

聚首未有時懸懸思兩地江南歲月深冀北風霜厲天雁與

河魚音書各爲寄有訊及陳人爲言同老驥

古語得才難違經而往教所期女器華不病舍田耗努力策

高足行遠自邇到秋來丹桂芳盼折一枝報

舊德集七

三

附和詩

孔繼鏐

陶鑄因成我師門恩敢忘志懷當沒齒錄別最迴腸意氣
同千尺居遊倏十霜纏絲離緒結根觸詠言長憶自庚辰

歲初叨弟子行年猶遠婚冠剝本近苞種未厭披吟苦無

殊心目盲歲華方鼎鼎道路轉倭倭淮甸家閒寄遊蹤烏

遠將不虛侯門履爲闕讀書堂薄具先生饌翹瞻夫子牆

植先憐本撥挽幸及瀾狂小鳥纔舒翼游駒乍繫繯初基

心未宅故態臂還攘舉盡三隅力窺從一綫光引繩判奉

曲斫石析毫芒蟬噪欣初脫蠶醒痛半僵派原別衣鉢祕

遂奉巾箱家世惟勤學庭闈樂具慶嚴親事奔走慈訓本

周詳重荷提撕久全予性質良師眞兼父母德豈拜尋常

況復隨函丈相將去朔方郵程勤遠涉客味笑新嘗野宿
雞號亂山行馬骨強魯城宮闕壯岱嶽嶺雲荒風土資聞
見輿圖藉品量異人自迢遞帝里信巍煌甫脫征驂轡同
支古寺牀僕頑勝井曰廡賃及鑑鑄喜少高軒過越分上
舍香術原疏蛾子臂且學螳蝦鎖院秋蕭瑟鈞天夢混茫
光陰從去住身世任低昂我暫留燕市師將去晉陽依人
愁滿臆別我淚承眶回首家逾遠臨歧意轉惟崎嶇自關
塞辛苦向津梁心北汾流潔才徒幕府勤有懷同結轄倍
念我擔囊獨客勞歸鞅居人已滌場戒行聞雁警到日及
冰藏居憩林亭暇神遊杖履旁笈移慙李固鞭縮失長房
一紙千山隔三年兩地望遠懷緬流水別思幾垂楊惘惘

舊集卷七

七

遠遊子叢叢未嫁娘國重過却子臺又問昭王燕石宜難
售歸雲亦太忙拙真居廁鼠窟比失稀獐山石多離紫淮
濱少顏顏價難增結綠品孰定雌黃何事燈花喜爭看徑
草芳喧呼候車轍顛倒著衣裳別久歡如昨言多敘不遑
襟懷猶落落鬚髮訝蒼蒼迹又羈淮海謀非爲稻粱肺肝
相現示意氣許飛揚歲獻疆圍首星占橋月祥老親初捧
檄薄宦託宣防敬奉烏皮几相從羊寨鄉屋搖風浩蕩地
近海滄涼小市薪屯野官廚蔬滿筐叢編寄岑寂鄰圃借
翱翔水樹紛唳鳥郊原好牧羊來樓同社燕數候又寒蟄
小訂三冬別重來一葦杭春光期入洛遠水共浮航附載
因稅稻行蹤混賈商家荒岸斷風雨夜帆張過眼經齊

魯沿波辨酒漳問名當水驛計里達金閭塵髮重看鏡
關更解裝客同僧寂寂佛笑我皇皇三匝驚鳥鵲空羣愧
嘯嘯放懷終抑鬱歸鐸又即當渺渺愁無著庸庸自不威
重勞借跋涉頻爲我傍徨親宦兼牢落微名任顯藏新除
還下相山色接芒碭辛遂留書劔何曾棄稊稷交鄰依几
席僻處類柴桑示法皆心現談經每夜央半生勞切琢何
日到主璋餘力閱慘墨孤吟漫弄簧因時資拾取學步審
踰踰壺碎能無唾嗚枯尚引吭積年珍敝帚倒篋乞詩章
化石金何用施斤鼻豈傷史才教式杜詩說示承匡擊愛
深肌骨良箴佐桂蠶大名期早立小枝懼相妨盼我如蓬
歲前途奈望洋別離將祖帳南北各風檣絮語重看鬢愁

舊集卷七

七

書不滿鴈奉衣心惻惻回首度茫茫履蹈知逾健高深恨
未償從茲勞夢想何日置田莊安命從蕭道消憂且杜康
百端并一別辭敢涉荒唐
嘉慶庚辰獲從夫子遊迄辛卯十有一年矣中間杖履游
并未過隨者此十一年中僅三歲耳憶錄受業時未成婚
冠今年逾三十小兒女漸識之無尚不獲撥一第以答教
育之勤今又將北上應京兆試夫子亦返蘭陵賜留古詩
八章敦勉勸懲有無窮之意無不到之言敬當書紳無忘
獨走數千里外卽不啻前此玉乙兩開舟車共載晨夕相
依也河皋春半離思夢如臨發抒毫裁成百韻追維今昔
不自禁其拳拳蓋緣師弟情深無殊骨肉言多俚質竊附

至親無文之義道光十一年二月

冬月病中即事成吟時閱庾子山集即擬其詠懷體而

次其韻

我飲阮籍酒不彈嵇康琴索索病氣短英英無俗心躍魚偶
離水翔禽忽失林風雲時變態松柏長高吟柳下豈枉道樂
觀苔與岑

渺哉父處巢逝者在川下學奚問世上達惟知天三代雖
已遠斯道直如絃閒上南山岡雲樹漫相連胡不耦沮溺而
無津畔田

足迹徧西北所至稱南冠曹子肉食鄙顏公太璞完拂衣接
浙去投分賃春安變道常思魯憐才每景韓陸車并水船省

識行路難

惟忠且惟孝為子復為臣我相無祿食養悲不逮親飢驅離
里門術又恥儀秦豈無一顧者含意難俱申茫茫天地間長
為懷刺人

男兒生七尺深愧受人恩金夫躬不奪滄海氣全吞衣振立
千仞瓶周守一言寒風悲烈士春雨感王孫垂老徐霞客

故園渺音書帶水絕經過辰朝憎市闕子夜惻鄰歌豐腰圍
減束凍淚盈波揀曆歲驚暮憶懷喟歎多竝立大隄遙南
北望長河

一棹五百里絕江非隔河杜鵑盡情囑何如鷓鴣多安愚不

處谷尚義恥修戈有感云然撫此交讓木同病嗟如何酒渴彭澤
翁中宵發浩歌

北自下相里來茲入寶城故人尚高義下榻無浮情各患居
先覺才慚非客卿十年去復來相對樂友生吾業得所託何
用鳴不平

對菊獨酌醉中成吟

病糾三載身心倦病釋一朝魂魄健好風吹夢歸九州矇騰
忽入豪華宴歌兒舞女紛兩旁如灑之酒冽且芳座中有酒
詢酒史把酒高談興莫當吁嗟劉伶李白去已久極目伊誰
解飲酒無量須從不亂稱索郎歡伯皆良友人生落拓最可
憐何須還問種秫田鄰坊香透口流涎牀頭搜索青銅錢

亞慰幽獨籬邊幾重菊性傲常希彭澤風途窮不效嗣宗哭
戲折花枝當酒籌奚羞髮短強簪頭酒癡未罄日光下轉盼
月上花光浮月既明酒更盈督郵從事來相并但願有花有
酒百年如此日底用悠悠世上之虛名

桂馨有獨

促膝談心寂寂蕭齋空把臂鮮入林條條歧路叢解憂惟
斗酒時之三百銅前村雖可賞賈多吝老翁閉戶披經史性
疏畏鑽攻愛閱未見書鄉陋借無從若遂日閒閒將毋負天
公庭桂香飄來詩懷觸融融于意果云何非雅亦非風人言
詩窮人無詩余固窮窮非君子諱且喜詩不工

族父旭之先生文翰雙美最工古近體詩客劉信芳侍

耶銀之幕最久晚客哀浦孔靜遠主簿傳坤官舍宥函
觀察繼錄其入室弟子也早年所作悉沈沒於滑臺之
變後復錄所記及晚年所作手稿一帙不復詮次荃孫
幼時曾借讀之手錄落花新綠夕陽等詩庚申粵逆陷
江陰先生之孫庠生鈔全家殉難遺稿更不可問荃孫
所錄亦付劫灰辛卯回里忽見此冊於族兄禹臣案頭
驚喜乞歸首尾斷爛爲錄出一百四十首彙入此集落
花諸作已不存僅記落花斷句云諱戰項王羞返國依
人王粲怕登樓未了詩情多繼繼生憎離恨又淹畱夕
陽云最高枝上紅猶豔可惜黃昏已近時數句矣宥函
寄呈先生長排百韻心嚮往齋集所不載荃孫從他處

舊德集七

三

錄得亦附原倡之下姪荃孫謹識

舊德集卷第八

繆煥章

字仲英道光丁酉舉人貴州候補道有塗樵詩草

年家子屬鴻文真詩

乙卯八月重賦悼亡滇南楊祺海明府招往蘭溪閣歲

試卷道出杭州晤錢楞仙司業於西湖茶社司業時

主紫陽講席因出課士題相示余心緒惡劣無暇搦

管越二日買舟由錢塘江沂流而上江光山色滌我

塵襟因賦成八律返杭時司業已返里門無從就正

其中穿鑿支湊固自難免然邇時襟抱正流露於不

自知也

皆藹長空列畫屏輕羅新樣織瓏玲無心又向遙山出有夢

舊德集八

都隨別浦停風侶高寒千仞碧雁程迢遞一痕青妙髮繞徧

重重樹誰倚樓頭認客星

秋雲

玉宇誰脩七寶成廣寒宮殿儼分明祇憐圓影遲遲上已有

離愁黯黯生畫角千山閩裏夢霜砧萬戶客中情夜闌孤雁

聲嘹唳不獨淒涼廿五鉦

秋月

記得秋高太華過振衣絕頂瞰黃河金沙風疾青盤鴉玉女

煙銷翠擁螺久客方知歧路險閒情畢竟故園多何年學種

陵巔黍長柄重攜掃綠蘿

秋山

遙空漠漠澹浮煙衰柳長隄瘦可憐蠡勺泉枯愁北陌鮫宮

波靜憶南天月明珊瑚誰懸網露冷蓉江好繫船我已塵緣

參一色南華畢竟費言詮

秋水

已有秋心感酒鐘劇憐花徑未全蕪游仙玉贈雙環在買笑

珠量一斛無錦上愁痕紅淚灑簾前瘦影碧闌扶何堪更憶

黃陵廟苦雨淒風聽鷓鴣

秋花

韶華無復綠成茵一徑依然著色勻鴉鳩先鳴逢此日蓬蒿

偕隱問何人涼秋紫塞三千里舊怨青蕪九十春欲向西堂

吟謝句永嘉消息隔江濱

秋草

重看仙蛻試輕盈露井桐飄片葉聲一桁樓臺迷舊徑六朝

金粉夢前生簾開卻妒將歸燕花安空憐老去鶯牆角零星

香幾簇雙飛莫更負秋英

秋蝶

芳草庭前綠未刪聲聲嗁近瑣窗閒萬金游戲誇三捷一代

平宜誤半閒寫入琴絲商調苦催成錦字淚痕斑笑他兒女

偏多事籬角呼鈴屢往還

秋蝶

左泉先生賜讀伴雲仙館卽事詩八首賦此奉酬

寶釧金尊鬪狹斜阿儂生小豔情賒芳辰偶放琴川棹得遇

瑤臺第一花

綺樓曾占十分春霧鬢雲鬟畫裏身一事難忘惆悵處徐孺

半老尚風塵

蛾眉曾許汝南王同炷瞿曇座下香底事歸雲仍出岫蘭因

絮果兩茫茫

宛轉吳歎按拍低半酣笑勸玉東西春風秋月依然好如飲

潯陽估客妻

我亦龍華會上人十年春恨細於塵風流最是張京兆打疊

閒情賦感甄

才子傳神筆一枝驗來恍觀舊丰姿左泉原開第五首云一生愛好是天然曉起拈花貼翠銅十樣眉痕描不盡螺旗亭他日翻新譜絕妙人歌峰恰在鏡臺前可謂呼之欲出絕妙詩

宿新安不寐作

曉風催送一程程聽徹鈴聲與鐸聲空有壯懷增感慨愧無奇策奮功名雲山萬疊家何處烽火連年恨未平殘燄欲消眠不得純鉤拂拭到三更

入函谷關和壁間韻

行李蕭條風露寒無端西笑上長安入關翻訝聞雞早下坂方知勒馬難塵世奇身同歷劫河山放眼且凭闌前途儻遇

舊集卷八

三

騎牛與尚有名經要借看

冉石雲丈賜和舊作仍步原韻

驗鞭曾歷萬郵程怕聽天涯杜宇聲人過中年懷遠志山探二酉早知名每因月旦期長晤敢向風胡訴不平從此高軒同抵掌良宵莫問短長更

書生骨相本清寒底用金門策治安覓句轉嫌秋夜促歡悰預想別時難桂華杳藹香侵袂月影玲瓏魄覆關猶幸龍門今咫尺舉頭不向白雲看

石丈又用原韻成述懷二律再步韻

支榻衙齋謝旅程堪誇同氣又同聲門牆許列新桃李刺字難磨舊姓名屢向秦關探柱史偶來蜀市訪君平朱顏鏡裏

渾難駐祇覺堂堂歲月更

策策西風送薄寒木樨香裏憶長安敢云京洛地名早翻恐風塵作吏難趙璧得完仍奮翻謝池覓句偶依闌何當躡屣從君後玉柱金庭取次看

冉右之明經夢韻惠贈依韻和會

杖策重探蜀國程巴渝慣聽竹枝聲衙齋幸接高賢講舍尤飲小阮名佳句如珠勞慰藉深情似海契生平劇憐老境催人甚華髮無端只自更

擾擾紅巾劍影寒江干未許臥袁安烽煙數載驚心久兄弟中年聚首難調協壤窺頻按曲花開錦繡每巡關豐城寶氣知何在慚愧司空刮目看

舊集卷八

四

憶別江南第一程二分月色玉簫聲水鄉浩蕩迷前夢山徑崎嶇懶問名我幸對牀聯骨肉君將簪筆頌

昇平志思儻遂襄裝願翦燭西窗話五更夙開生計一甌寒枳棘棲鸞恐未安聲氣應求知己少文章遇合解人難新詩字字堪酬錦步障層層穩護關從此神交

通寤寐過江洗馬例爭看

右之復疊韻見貽再和二章

蹤跡相違百里程祇憑詩句附同聲十年中壘談經席一代司空博物名詩為苦隘饒蘊藉境緣多累愈和平因君盡滌疏狂態不獨邯鄲故步更

幾日清風已戒寒衙齋支榻幸相安性偏嗜酒逃名易生判

多情作佛難夢繞蘭陵時倚枕香盈菊圃偶凭闌秋英多少
悲零落幸有高人破格看

和朱鹿巖遊大酉洞

勝侶借遊興倍耽仙源指點路初諳四圍金碧沈斜照一帶
清蒼起夕嵐坐處人疑星聚王序來我忝齒居三不須更覓
蓬萊頂與壤神奉已共探

到處飛鴻印雪泥吟鞭忽指夜郎西掠人花月思吳苑入畫
山川憶會稽萬古眞靈通指顧半生蹤跡付輪蹄紀遊舊什

偏零落手洗蠻箋刻意題

書顧耕石侍講元惠西湖雜詩後

煙水空濛萬象虛西湖畫景付樵漁一從學士新詩出縱有

舊德集八

五

荆關畫不如

星使詞曹節屢頒三巴五嶺駐征鞍巫陽底事催歸早長吉

笠篔付廣寒

長安結隊走名場觸目珠璣夜有光畢竟心傳家學遠虎兒

妙腕繼元章

哭都狂客最馳名夙抱清才雜豔情讀萬卷書行萬里詩家

例住錦官城

鷓鴣高唱大江東詞句堪稱一代雄從此弓衣傳繡徧好將

佳話播吳中

羣紀交情託麝煤一回展說一顏開憑他半幅鴉溪絹抵得

黃金百鎰來

題閏月圖

是客問天天不理君今問月又何辭缺多圓少無窮恨萬古

秋一任之

水輪不減舊時圓錦瑟淒涼五十絃挑盡玉缸眠不得秋聲

如雨夜如年乙卯歲重賦悼亡在警溪題葛嫩若女史詩集得此十四字

增臺絳闕恨如何元九悲懷棖觸多脈脈柔情深似水悄無

大處訴嫦娥

題許春海紀行詩

香裏相逢累舉杯得吟佳句倍低徊身經百戰干戈地胸擅

千秋著作才蜀國山川餘舊蹟楚天雲雨祇荒臺巴東有宋玉宅少陵

豈夢思滿懷鬱積憑君掃展卷頻浮大白來

舊德集八

六

和沈菁士夜話有感韻

蜀南烽火徹江明四見天涯歲月更千里蕭條餘赤土萬家

轉徙痛蒼生包胥有淚聲俱碎鄭俠描圖意未平我欲通天

臺上表莫教天鼓靜中鳴

少年詩境悟空明中歲邯鄲步漸更薄命文章艱一第多情

風月誤三生尊鱸有願追張翰婚嫁無多做向平且自守難

兼養拙順時飲啄與飛鳴

半輪秋月照窗明臥聽譙樓欲二更萬事到頭難逆料五旬

彈指悵浮生空嗟榛莽連江表欲築茅庵畧太平放翁名其庵曰太平

似水涼宵無箇事啜啜草畔做蟲鳴

和子英韻

憑陵漫詡布三懸雞肋難當石勒拳故墨久蕪嗟覆轍余性
軍戎幕殊方重晤亦前緣戎冬晤於偏四年浪迹拋駒際將提
里鄉書信雁傳獨有客懷猶跌宕秋心不減杜樊川

唐鏡歌

沈朗山觀察潤格 惠一鏡分書仲英二字與余字同
鏡製字畫定為唐物作歌以謝

開匱一視大異事此鏡逼真為我製不知是我是古人二千
年前有此字八分之書刻畫精其右曰仲左曰英尋繹唐隸
適脗合輪郭如故朝代更友人沈君得此物反覆審睇勤披
拂縱然寶重如連城觀字謂為予所獨當作瓊瑤贈故人菱
花秋水露精神將邪豈是塵中物珍從來席上珍只我自
疑還自笑金環小劫紛難道雖信陽休匪古人何知乾德同
年號昔之仲英果若何毋亦與我同蹉跎麟開功名男子事
如何名與氏俱磨幸哉形製猶完好小於襟子偏明了不用
蟠螭與紐龜已知隸古來天寶因思唐政昔不網金鏡購彩
韜光芒上東門外胡兒嘯長信宮中帝業荒釵擘釧分俱莫
保況如此鏡尤微渺照影無能共輓聲墜簽止合埋蓬葆物
生顯晦真有期因果果漫狐疑鏡存當日伊非我鏡在今
時我即伊惠魚莊變誰先覺色相虛空渾不著混沌池休令竅
竅通靈源只覺頭頭活本來面目知不知翫觀轉復笑詭疑
君去我來墩屬我荆公曾為謝公嗤我亦於茲增一解從來
世事皆桑海一鏡存留付後人要知自有李程在

和許曉東謫杜陵草堂及遊小天竺詩韻

江左風流繼玉臺草堂祠畔又銜杯欣逢壽老懸弧日共返
元戎小隊來川合東西憑想像酒爭膝薛互遲回粲花妙舌
生花筆公本登高作賦才

芒鞋曾蹈浙西山廿載西湖夢想閒一自崎嶇來蜀國那堪
烽火徧鄉關楞華小證三生業柔柘聊同十畝閒蝦菜饅羹
渾不羨願憑佛力駐丹顏

和許曉東韻

少陵詩一編光燄騰萬文章堂有遺祠花時恣探賞良朋聯
勝會馬齒慚虛長盤與窈窕入野竹凌霄上百花媚古潭千
載勤遐想許子今詞伯高吟共繁響瓊瑤昨見報清激絕慕

仿祇愧坳堂水難為滄海仰小池一簣盈杜廈萬閒廣臨淵
深淺殊問君焉結網

答徐運生

憶昔宏開選佛場已欽文字固金湯道光甲午梓鄉試
差擬東西舍獲售仍聯伯仲行是科余報罷堂兄薄宦其爾
來舊雨賃春蜀國閱新霜衍波變寫清詩在回首黔靈感喟
長

茫茫人海歎重來龐統原非百里材卅載朋儕餘我在一時
襟抱向君開追思往事低徊久幸接清光笑語陪難得相逢
遽相別關心又盼隴頭梅

題琢如中表同年遺照

曾記丁年共締交我沈滄海爾雲霄低徊五十年前事陵谷
滄桑閱四朝

當君中禁揮毫日值我黔陽佐幕時家業飄零生計拙累君
輟轉費籌思

十年

紫陽任翱翔排此

天章日萬行底事銀河纜洗甲除書條及下蓬陽

幾度青陵夢故人諦觀遺照倍酸辛盈庭蘭玉昔英雋聞酌

玻璃話夙因

先君子喜吟詠而不甚故拾少年撰作悉燬於庚申

之難在黔中戎幕與楊雅林兆瓊年丈龔潤珊秉琳

自德集八

九

沈菁士丙壘兩太守唱酬甚夥又在成都寓所為白

蟻蛀蝕今搜輯叢殘僅存數十首并非先君子所

欲存也男荃孫謹識

繆重熙

字心農又號星熊郡序
生有桂陸軒詩十二卷

洪惠方云近體典切古詩更有奇氣從此浸深唐賢
深造自得難拔哉自成一隊星熊素工制舉文於
詞賦不甚究心及觀近作所造已卓然可觀蓋其好
學深思起絕流輩充以工力洵堪入面受教耳
呂淵斗云詩人少達而多窮承叔序死陵集言之詳
矣昌黎亦有言權愉難好窮苦易工蓋親其事故耳
目真受其害故言之深痛而有旨予讀桂陸軒全集
亦云

題麻姑僊人小影

仙闕高依碧落中往來跨鶴馭長空游天戲海潭無足糾絮

神蘆半露紅

手神綽約曳輕裾鳳翥鸞翔任所如爬背當年遭斥後可曾
香款蔡經廬

四月十三日延陵季子廟劇賽神謹步股外王父會

詹公季墓原韻賦長律一首

子畱遺墟申浦季子墓周四百餘步宋知常
州軍朱彥表識之為設像其上春申紀舊封

知音先哲翹挂劔古風存禮讓規模遠躬耕氣局敦冕旒垂

禮度袍笏肅宏軒四字

寰書壯仁皇帝賜
光前額三人至德尊明鄭鄭顯額曰
至德第三大崇臺

漢日月寶碣鎮乾坤墓碑十字傳為至聖所書字大徑尺唐
敬殷仲容摹大歷十四年刺史蕭定刻

疏盤古木墓前後有古
銀杏四株金碧登朝瞰氣盛碑能長康熙三
十年碑

自德集八

長成一片天衣無縫矣觀回火弗燔乾隆四十年鄰寺災江
火及殿角息燄反風

湖流繞寺山色送當門詩對面諸山人傳
即季子耕田處綠嫩樓前麥青濃

砌外孫芳蹤多濯漑仁義每追論

哭適洪季姊

孺人係中表洪劬仲元配幼懷舅氏冢婦也道光乙

未姊夫病殂姊年三十悲鬱成疾纏綿牀第者七年

至癸卯暮春病劇而逝遺女子一適山陰周福均

臨予鮮兄弟雁行仰諸姊季姊最溫柔能得吾親喜喜之滋

益恭孝思殊無比清晨潔房權傍午進滄瀟婉孌十二三操

伴成人擬幼聯中表姻天然合兩美綵帖外祖書忻忻以翁

委入贅在庚寅奠雁人所企姊也固端操壻兮亦吉士伉儷

能相莊勸遊策誠是文旌赴梁園銳意圖進取妙乃歸佐家
龜勉籌食指文園忽善病抱疾旋故里侍奉姊益勤勞勞無
暇晷一朝殞所天沈痛不能止措拄身雖存鬱結心已死從
此力不支委家與其姒憐姒處艱屯屢為質釵珥憂貧復悼
夫病發艱步履廢疾年復年纏綿困牀第有女泣呱呱提抱
牛衣裏嗟哉苦節貞磨折乃至此溘逝為悲嗟慘狀不勝紀
童年資調護恩厚難酬矣回憶矢冰懷卅載清於水守義例
得旌孝行復爾爾行當乞傳銘闡幽垂彤史

海忠介公祠

剛介本性生俠骨天所值時事慨以慷抗疏股彈劾市棺乃
進言愛君敢緘默下以敦人倫上以補衮職外提倡儉勤清

舊德集八

士

風誠可式卒至死鞅掌奇貧一無得豈第古遺直南都沐其
德

方忠文公祠

燕啄皇孫大業空枉教籌策振英風兩朝宿學聲名振四字
爰書詰責工誤國景隆偏宥罪憐才廣孝竟無功煌煌

賜諡昭殊典聊慰忠魂冥漠中

金陵雜詠

梁代君王只慕禪臺城何事更求堅半灣斷生圍春草儘有

閒人學放鳶

江令幽居傍驛邊小姑祠畔草生煙繁華歷盡來平野賸水

殘山滿目前

石城猶是五桂幾勝國宮廷已就推何物壯觀供放眼報恩
塔與講經臺

竹裏茶鑪裏家煙雨花岡下水清漣閉中細品龍團味不
江心第一泉

半壁晴湖半壁山勝基樓下水灣環莫愁畱得無愁地到此
愁人也破顏

卽事

行來風景漸清華亥市遙聽笑語譁高屋容車新客館野蔬
入饌老農家雄楓塵樹秋聲急荒戍鳴笳落照斜怪底近來
雲色暖江鄉咫尺接晴沙

聞楊司馬承洪仙遊遙晚二首

舊德集八

三

積歲應官著積薪何期蓬島遽歸神聲名循吏兼廉吏風度
詩人並學人壘守昆陵爾善政繼權首郡沛深仁憐才客路

還收我太息論文跡已陳道光甲辰余館江寧縣丞者初見
君謬邀獎許及君攝府篆遊揚湖

陸紫峰先生及
余校閱試卷

天中記得謁臆旌白下依依話舊情丙午仲夏君因公
晉省接談竟日宦久

卻憐添短鬢功多方擬請長纓如何應詔來旗鶴還望揚靈

跨海鯨鴻筆辛教傳令子賢書早達振家聲謂令嗣校
卿先生

薛茂才鋪手詩見贈奉酬一首

梓里聞清譽蘇門誦好辭共深遊鏃恨聊慰望雲思詩酒論
文日溪山攬勝時贈君無縞帶落莫愧相知

哀絃篇

入世息恩卅四年如何痼疾竟纏綿忘憂有草難消病起死
無醫祇費錢身後俗情曾豫燭宵來夢覺已先傳可憐撒手
垂危際猶戀高堂涕泗漣

僕忽蘭枝遽就摧陰風庶逐一陰國殘匱在室彌增慨遺桂
雷窗半積灰此日幃空勞夢想何年月夜待魂來撫衷最是
傷懷處卷帙多資寶庫財

鎮日憐君亦自憐何期鸞鏡缺難圓今生已領貧家味再世
還祈繼續緣龜勉佐家恆存苦瓠牽多病竟遊仙此來儂亦
頹唐甚何日高飛慰九泉

憶小湘從姪介眉
聚首京華握晤頻劇譚記得別離辰風流才調宜時俗凝落

胸懷見性真北坵未看榮奪錦中州倏忽痛歸神萱堂雙隸
今猶昔足慰黃泉餘戀身

輓族祖 謹 執鈞

少時入幕老來還游屐爭迎抱笑顏仁是曼嬰周族黨才如
王粲愛溪山已看獨行垂型遠自覺和光步武難只我更深
知己感每懷高誼涕將漣

晚年杖履樂優游和靖風標冠等爵被館賞花棊局淨竹溪
放棹月華秋繪有竹林
放舟圖生前屬望垂青眼及後關懷到白頭
前夢公謂余曰汝父須服黑歸厚意如公真愛我幽明無間
脾九已而抱恙果服是丸而愈

旅夜書懷

揚子江頭雁飛來又幾時有懷牽別緒失約爽歸期碧月悲
舞夢青燈放夜詩寄書長不達膝下寸句離

哭舅氏洪芝齡師

外家祿秩合縣廷作令如何弗永年湖左政成偏卽世孟氏
出辛東湖補至
卅月卒於官所粵東累重遠遊仙舅氏僅署新枉教學究天
人策未得吟傳悵悌篇他日靈輻回故土清風不愧孝廉船

豈第才華冠等儔先生詩才新穎
尤工駢體文字生來至性此人優節喪厥
守三年禮應試堅辭一第謀先生道光戊子副車辛卯丁慈
母憂守制諸親友望其應試先
生堅執編纂父書繼世澤推詳地理紹前猷先生著補承先
梁疆域志

啟後仔肩重地下宏文又待脩
幼年卽抱不凡資闕揜恭旌但下帷先生自小勤學
晝夜亦不解涼敏捷詩

才迫白也清新賦筆例微之文名自昔傾流輩家學從來著
妙辭花甲未周人遽化師承回溯動悲思

記得當年請業辰先生說頌向人行文每喜詞華富質句
常稱格律真累試未能償痛望熙應鄉試十一大僕
見黜深負先生期望曩時猶

辛亥陽春從今函文誰提命講學彌慚謫陋身

義勇前朝紀忠貞

聖代需不驚烽燧邇自有鬼神扶邑令傳鈞諭紳耆募壯夫
邑令諭各保張上舍恩規畫機宜與從弟
按戶出丁各圖營組練四野萃車徒申鎮首董張備瑛從
叔庭楷召團鄉勇爲

守禦牙戰同心演餼糧勉力圖才思任規畫機宜與從弟
榮綬亦該張殷二董會同總董吳
局分理成師宜決勝轉戰擬前驅英出援外鎮寇退進援

常郡聞城 豈料龍城陷還令馬隊趨進援斯已矣返旆盍歸

陷而旋 子庚夏鷓張甚申鄉豕突俱寇來偏讓攘兵集正于于勦我

熊羆旅殲茲鬼魅舉善師同奮發擊賊共歡呼甫看蛇成陣

旋憂虎負隅雌雄爭未已眾寡勢懸殊賊分三路來攻遂使前仍御

因之勝轉輸精軍先覆歿全隊盡趁起棄甲誠堪恨焚旗亦

可吁雄空揮劍戟慘直剝牀膚兵勇禦寇余借堂弟重勳集

九處血如湧泉重照及其子基均被掠去未回逐北揚長策

追逃走健奴編氓頻被掠頑彥半遭屠吾族自族廬下死者

庶母兩女甥避劫奪齊貧富侵漁何有無篋中收下玉輦內

搜隨珠不惜超羣士誰憐絕世妹艾夷猶草芥踐蹋等泥塗

仇儼應難庇田園孰得娛藏身依葦麥匿影情菰蒲當局心

舊德來八

五

原怖旁觀目欲瞿蓉江隨失陷草野悉淪鋪即日陷江陰邑

相持數月梟獍偏頑梗豺狼盡蠢愚貢苛田萬頃宴侈酒千

壺若鎮之有才幹者會同各保士慶詩書業農荒稻蟹區紅

顏填礪壑白首歎桑榆只是施威脅何曾泯詐虞輕窺工劫

奪戲侮肆擲揄攻昧時毋失成謀策勿迂殊恩憶廊廟勁旅

盼京都鵝鵠軍將集貔貅勇不誣羽毛陳若日旂旄望如茶

亂世懷平世今吾感故吾聖神蒙檄蔭蔓毒敢長痛

輓從兄 元善

一病竟不起何期遽哭君風神難再挹生死此長分性靈懷

偏直情真意每殷青冥安可返悵望蒲頭雲

古槐遭劫歌

古槐屈曲枕市邊質幹蒼老如龍眠栽培傳是宋所植閱盡

興亡骨格竊忽然客春碧葉不復妍婆娑枯樹盤青煙豈知

定數應遭劫先事豫燭同神仙中浦橋東有古槐一株斜五

其蒼古必撫摩熟視之去春槐不發青四斧斤鏗鏗挫折逆

月十三日為賊斧作次槐有前知如是斧斤鏗鏗挫折逆

魂目鼠耳屏迹韶華前回湖得天獨厚數百年一朝屈作爨

火尤可憐

亂後懷外家更生齋藏書處

外家多殉難長物本無儲獨惜嫗煨地都成劫火餘粟聚拋

世業蚶蚌惜楹書未必風雷護空教富五車

庚申四月十三日賊至余疑避至江口行抵石柱廟梁

氏寓居始知沿江亦有賊余遂不復前進下午被賊

舊德來八

五

搜出端坐聽天帛打索斷柳余於地遂以刀斫余頭

頂七八處血流斗許又以刀擊左臂筋骨幾折幸未

發革逾時就臥草間睡至者見受重傷不復加刃至

十九日昇回寢室家已擄掠一空六月杪勉強渡江

始能徐步

清晨災幸免余同梁甥亦橋小仲在石柱廟午前被下午避

難用索斷身隨墮刀揮血亂流思親忘痛苦居江北哭姊

益悲愁削鉅殊堪累剛逢借箸籌受傷後臥地難起飲食包

之

草廬栖七日寇退昇回家病勢欣方滅兵災忽又加五月十

至家余又省親辭故里侍疾到新沙余聞母六日賊

備受威脅

涼悟進瓜吾母積受暑熱每日寒熱下痢飲食不思如是入
西瓜水半盞同食力阻余不飲之服下藥
燒遂止瀉痢亦亦明日遂食粥從此向愈

母子遊天幸羈樓境倍屯誰憐赤手厄仍此素心人余抵北
思廷進子弟遠來門安饑以惠異黔救食寒嗟范叔身後先
錢米從兄詩及未君榮繼之張君不待告急則卹及
資接濟時故去年尚堪敷衍酬報是何辰

余至海陵不過因訪小雲姪於射陽口占一律

范叔真寒士途窮轉欲歌才疏知己少貧極累人多衣食
奔走關津受折磨阿咸情自厚幸得復相過

余在海陵諸承成齋從兄關照感賦一首

回憶趨庭日頻聞說項斯十年嗟契闊兩載共流離客路能
分潤幽齋只暫隨性天真學處情厚繫人思

舊集八

讀唐人亂離詩有感

烽煙未靖切憂思步月看雲百不宜

皇旅行看風掃穽妖氛應是雪融曦勸餐每拂家人意臨幾
常懷履險時縱獲安居廬內願江鄉何日慰斯飢

月暗秋城柝十二韻

碧月連宵朗中秋倍有情如何敲急柝陡覺暗層城桂霧迷
長嶺難雲卷太清笛撓都院韻砧寂隔牆聲望詔蟾光斂
從雉堞盈肅霜寒九節雜響聚三更冷想催刀尺巡還和鼓
鉦忽韜明鏡影定乏旅人行漠漠重關影淒淒細柳營蒼涼
鴻又到嘹唳鶴偏鳴遙夜千門靜鞦韆百感生誰家蝴蝶夢
擊破寸心驚

憶母

讓閨睽違又一年此中迢系正無邊驚魂漸定身應健遠思
頻添夢亦牽子不如人慳蔗境婦難盡力慨桑田寒衣未授
寒風起佑我慈雲祝向天

夢姻丈殷子厚先生

嘗歎如親接誰知夢未真可憐長逝魄還憶遠遊人積瘁
傷命通靈足立身葭草叨庇久相契有前因

內姪殷子祥陷虜不回連宵入夢

寐寤關懷切宵來入夢頻如申依戀意不語別離因勞瘁連
年積音容此夕親拔歸期迅速老母淚盈巾

洪表姪用勳與余別三年矣旅館相逢喜生意外爰賦

舊集八

二律以贈之

一別浮雲世態更晉陵劫火尚縱橫心頭遙溯深離緒海角
相逢話舊情往事不堪重記憶宦游應許遂生平烽煙未靖
需材急捧檄馳驅好請纓

親知此日半凋零卻喜英風振北溟荆樹駢枝留棣蔞先外

世孫淵如先生題楹帖曰菴菴有草家風在荆樹生花古義同助請身氏茲引以方見玉菴菴遺閣憶窗

橋看君繼述承先志慨我浮沈守一經日暮途窮徒悵望擬
呼將伯盼垂青

清明客感

新柳垂條起復眠清明春老欲飛鶯花早謝尋芳夢鴉雨
還防做冷天子舍久違驚節候余自客春抵申江乍暖換風

煙傷簫聲裏添惆悵空憶松楸遠近肝

清明何客不思家況復狼烽處處譁真假亂傳訛戰守陰晴

送見幻雲霞紅深桃鴨方迷蝶翠滿楊枝已匿鴉此日屋烏
殊得所不攜書劍走天涯

春晨即事

暈綠裁紅綉麴塵清明甫過石泉新江豚吹浪千層闕山鳥
鳴春一曲勻秀野煙迷楊柳月晴窗錦浣海棠春綺羅風裏
增愁思回首鄉關隔水濱

年華彈指又東風九十晴光點綴工谿徑停雲拖淺碧槽花
醉日褪深紅情斷燕乳鳩鳴裏春老鶯嗁曉怨中戰伐未銷
金鎖甲羣芳綺麗爲誰同

香齋集八

九

綠楊如縷草如茵荏苒駒光歲月新寄遠未通江上信思家
怕覽客中春紙鳶風冷清明節喚鵲時鶯故里人聞道西冷
近乘勝松關不復設遙巡

藁筆年來傍海霞思鄉心緒亂如麻爲珍遺澤垂黃卷也學
傳經設絳紗磨鐵生涯非淺薄式金風度要清華虛懷只有
婁師德瑜瑾溫和自古誇

幾日花檣捲碧陰蕉窗展卷薄寒侵未妨坐定消春晝真箇
書來抵餽金謂校家書貧賤只憐慈母老平安聊慰旅人心擬除

煩惱如無事妙悟當前仔細尋

茫茫天道竟無知泡影生憎變幻奇陷虜瓊枝方折散護庭
慈竹復傾敲殿子祥內既擄入賊中其母呂孀人衙問望切未唱刀環日昨驚得孀人凶耗添屬學未深爲

感劇憐懿範從茲杳太息旋歸未有期積善門庭偏阨塞心
傷畢竟少良醫

述懷

顧影長爲永感身何堪慈蔭失三春病中憊矣猶爲客夢裏
居然尚有親此後銜哀難稱意當年茹苦最傷神欲書懿範
揚先德幾度悲酸未忍陳

倥偬時勢苦相催轉眼慈雲卽夜臺一拜豈知難再見九原
何日得重回光陰入秩等閒過閻範平生遠近推病極彌留
慳一面可憐金枕未量裁時際亂離概從薄禮

官軍恢復蘇省三首

香齋集八

十

聞得蘇門復私衷喜不禁轉傷萱蔭杳無復樾雲臨故土欣
堪返仙蹤不可尋此身同稟昇未肯昧初心
亂世謀生拙全資眾力扶劇憐榆景迫不使病魂蘇借箸籌
空密傳方藥未誣心旌何日定鬱極動長吁

里中閒步

滄桑時世欲如何轉眼豪華慨逝波毀到室廬人跡少居鄰
墟墓死亡多屏驅久病傷遲暮浩劫當空歷折磨古往今來
常若此儒生只合悔嗟詫

聞湯秋史師在蜀詩以志慰

繫懷函文幾多年不道文旌已入川怪底宦遊難問訊況嘗
天末熾烽煙會敷漢代師儒化壘結程門文字緣此日風前
勞望眼崎嶇蜀道隔雲煙猶子荃孫亦受業門下

記得提攜廿載前風塵憔悴客幽燕范張舊行超流俗揚馬
宏詞煥昔賢自別陽春造化雨空教山斗金遜天而今始得
平安信喜極應歡寐失眠

憶里中應試諸人

吾鄉雖片壤耕讀能兼資自遭兵燹後人士多低離况復卷
無人大概困阻飢卽有好修者何處可下帷茲當

國威振醜類都誅夷所在重文運學校豈遠衰舊匠采詩菲
勤者入泮池今年舉曠典數寒萃一時故里纒蕭索不乏磊

落姿累試火候足固將絕塵馳觀光在初學亦望驥尾隨家
駒與時彥何幸逢昌期雲梯聯步上駿足貴不羈拔茅以其

彙占吉當無疑一一償厥願此心良足怡所恨南冠繫被攜

舊德集八

字

為淒其何日得重見各遂昔所期其閒有佳士是我積年知
臨風拭望眼鬱鬱長相思

繆壽昌

字鶴田浙江諸暨縣丞

同內兄張遜侯昆仲游仙姑洞洞在浙江上虞縣界

筍輿結隊出郊坰草色迷離一抹青最是春風多得意依稀
情景似蘭亭

小小籬笆短牆彎環溪水隔中央神仙境界清如許襯出

天桃分外香

名山有約喜重來此日登臨霽色開何故青鸞知客到其地多青鸞時作笙簧鳴每對舞於流泉錯落之際遲遲天外始飛回

長清道中口占

東道石麟詢五年已三度勞觀笑癡愚謀其不安素世事每
難平更甚崎嶇路人在坦途中尚有未足處况我嘗艱辛幾

數浮名浪往來閱歷多舉趾皆所懼今朝復出山一步一日

願戀戀別語咩未了青無數

繆贊淵字和卿四川候補知州有薰和吟館詩存

冬郊偶成

斗酒不盡醉寒風吹我衣歸遲遊子倦食甚故人稀匣劍光

芒斂鞭絲雨雪罪何如江上客蓑笠自忘機

雜感八首

轉瞬繁華總是空閒從物外尋癡野鞭雖可執非來雷文到

難工枉送窮漫說造樓人類鳳都同印雪爪留鴻此心不敢

榮名利知足還推塞上翁

仰視浮雲幻有無映來面目等模糊婦能鼓瑟家非趙客善

吹簫市遠哭座上不辭儀狄酒江干願釣季鷹鱸食貧居賤

皆前定奚必洵洵擊唾壺

蠻觸紛爭壁上觀無費何必慶彈冠釜邊蠅集都因熱階上

蟲號豈為寒太白不求醒酒藥陶朱慣著返魂丹高呼縱免

風塵苦險巖還多蜀道難

莫嗔坐井學觀天坐井觀天天自圓不入輪迴仍有劫毫無

稜角便登仙順風鷹隼非關力失水鯢魚也乞憐讀罷南華

尋妙理逍遙第一是名篇

宦遊到處便為家甘載萍飄失路嗟紫綬金章成幻夢黃齋

快飯託生涯坐中未割窮儒席門外難逢長者車老圃從來
能養拙買園學種故侯瓜

絲絲遠道短長亭死別生離幾度經枯樹何堪悲庚信青山
有幸葬劉伶花如常好誠妖物人到多情見性靈柳折渭城
高唱處陽關奚忍把杯聽

家贖遺書讀未能敢傷落拓少人矜探懷自抱歸真璞舊事
堪慚有味鏡縱喜奇文宗八代漫言慧業敵三乘心香一瓣
酬詩史靜几推敲學定僧

當窗草長莫輕艾新雨過亭綠映衫住我祇須臨水檻看人
常使飽風帆藥能延壽宜多蓄書不干私莫固緘堪笑丈夫
無大志願成脈望判仙凡

別離歎

舊集八

五

妾貌春前花妾心巖畔石花好有榮枯石堅難轉易憶自別
君日窗前繡蝴蝶蝴蝶已成雙君猶客湘江湘江遠莫見綠
鬢朱顏變不怨君不歸怨君與夢違

驚秋

颯風西陸來落葉下庭樹客子悲異鄉去去還復住塞鴻帶
遠音卻向當頭度把杯不忍聽三唱河梁句

秋鏡

空庭冷月逼窗紗兀坐焚膏隱恨賒顧影自憐秋裏客連牀
分照夢還家雲山萬里經飄梗霜桥三更正落花辜負兒時
書味永寒缸伴我尚天涯

秋扇

曾將越絹製當初幾陣金風起敝廬在暑奉揚難釋手乍寒
拋棄孰憐渠漫勞班氏三秋賦那管羲之六角書告爾團圓
休自怨炎涼意氣本來疏

秋礎

征袍未寄素秋深擣杵聲聲響復沈粵海甲披勞戰士燕山
裘敝感鄉心寒霜九月廬家怨落日孤城杜老吟許
國此身何日致籌邊願聽鼓聲音

放言

頑石本不靈鞭之使流血枯樹少生意漑之忽萌蘖薑桂置
沸湯其味已不烈璞玉遇吾刀雖堅亦致缺惟柔可克剛惟
誠能立節物理易淪亡物性不漸滅從來格致功變化賴賢
哲

舊集八

五

關中遇華黼堂北上

他鄉忽相遇正值早春天歧路別千里交情話十年長安花
滿地蜀國樹含煙去去行蹤遠離懷一點然

清明

魂斷清明雨又風天涯作客苦飄蓬空階點滴愁都碎歧路
奔忙遇轉窮五處鄉心同白傳一宵春夢感蘇公杏花節裏
歸耕未落盡村邊幾樹紅

浩歌

莫學詩莫學詩詩到能工苦不支杜陵野老家何在孟郊賈

烏寒明時真學文真學文文多奇氣難福君昌黎送窮鬼
笑萬言空上悲劉黃君不見東鄰年年起大屋雕梁刻石興
土木婦女裙布乘街衢傷身羅綺日梁肉金錢人羨積如
家餘尚有千倉穀羣言目不識一丁投身大寮如厮僕弄權
分賄飽私囊充盈從此俸華族又不見西家新置田千畝秋
登禾稼如陵阜接壤連阡盡膏腴居鄉賽冠纓春酒相傳精
粟博一官官卑非牧亦非守能將聲氣通上游巧宦由來善
奔走領縣未過三五春盡卷民膏爲我有利足更得報循良
通來富貴誠唾手吁嗟乎四顧茫茫忽若失始疑我輩當放
黜摔碎東坡硯焚棄蒙恬筆掩柴荆管陋室避驪塵安容膝
自蹈東海眞無補行吟楚澤亦何必不聞世事轉蕭然檢點

舊德集八

重

牙籤歸甲乙

贈張謹齋刺史

我先君歸歸未得君到秦中暮春日計與君別在都門十六
旬經寒暑易君返家庭承親歡斯時我尚滯長安茶鏞藥鑪
侍左右朔風卷地雪漫漫今日逢君話杯酒灑橋已綠千絲
柳去來攀折盡長條頓令風塵催白首不禁相看笑鬢髮
生聚散竟如斯送君先歸我亦去兩地相思十二時

舊德集卷第八

舊德集卷第九

繆徵甲子少微號布廬邑岸

張文虎撰序嗚呼予與布廬以詩定交十五年未嘗
對一室而今不可復得矣悲夫君為人伉爽質直如
義當王辰秋予應試金陵閣中聞君與人談詩酒
微且俄予卷汚題詩號壁將出君見而驚咤走筆和
之為同舍生傳鈔殆明日集泰淮水閣誦近句皆準
青橋議論風發泉涌明人月擊君訪予逆旅步月准
然有所見已而別去嗚呼孰知其不復見也君家世
積德君尤雄於文人方以遠大期君願秋賦屢黜是
年喪其耦劉孺人無何君父自嶺右歸卒於家君母
繼之祖以衰老于女皆幼謀徒不足以自給歲王寅
避海氛徙家常州日疾屢發境益窘秦筆依南昌曹
太守於淮於揚旋依昌黎韓給諫於清河丙午秋扶
病入關榜發仍被放還鬱鬱以死嗚呼詩人多窮少
達自古已然然君之為人豈徒以詩人盡者方其既
塞困窮且謂天故屈折之俾盤根錯節以老其材而
大其用而孰意竟止於斯哉自十五年來凡有書問
率以道義學術相規勉不暇言詩君沒後徐君蓉鏡

春雨

江南有客罷尋芳煙罩樓頭水滿塘日日乍寒還乍暖絲絲
難織亦難量早催風信三番過為送雲行一夜忙此際濡毫
應五色借他春氣入文章

肯讓晴光獨占春隨時澤物化工神宮鶯喚轉先回潤隄柳
眉低亦效顰有意為霖蘇綠野無邊小草活紅塵尋常江海
兼溝壑一樣分沾一樣均

要催春色徧天涯不獨分陰到碧紗歸燕暫教酣午夢狂蜂
未許亂朝衙無聲早洗千林雪著地能開萬國花脈動西疇
生意足如膏先溉野人家

揚子江曉望

五更殘夢雁聲催草閣臨江眼界開收盡春寒紅日湧隔江
柔橋帶潮來

題張睢陽廟壁

力障江淮第一功孤城雀鼠亦全忠桃花刀上蛾眉血不比
尋常薄命紅

盆蘭

先生齋頭莪盆蘭花苞怒發如玉攢有客入室青眼看云此

舊德集九

珍品殊等閒子然几案非飾觀位置宜向紗廚安詠歌請為
徵詩壇不然移琴來就彈先生聞語心骨酸俗眼幾人別木
難去年得此同茆管鄰家棄置風葉乾庶下我憐梁伯鸞三
熏三沐土自搏一飯庶比淮陰韓蔽以嫋嫋青竹竿挹以清
露宵溥溥參差莖葉根屈蟠孤鴻息影修羽翰纍纍珠初
發端對之忽若忘憂護其時八月秋未闌素花七朵香可團
離離瘦影垂闌干似勸知己先加餐小雪已過大雪寒帷車
閉置重繕完松斂擁護根不單菽乳灌沃冀使蕃周防黠鼠
智力殫中夜拂拭憂摧殘一朝嬌鳥辭籠樊青芝赤箭鬱以
繁幽香遠勝羅旃檀訪者屢滿言者譎安知當日棄涸藩先
生長吟客淚潛蘭亦無言暗自歎

寄內

局踏鶴鶴寄一枝貧家門戶賴卿持老親奉薄餐須早稚子
衣寒睡莫遲雨夜斷薪愁爨火霜晨汲水裂凝脂更餘逋負
當殘臘盡篋搜羅強自支

終實無聞交謫聲寒宵倡和憶深更才能蘊藉方為福詩到
奇窮轉更清年遇老泉頻誠我世無德曜定推卿祇憐林下
長飢鶴不及朝陽采鳳鳴

題畫馬

伏櫪何須試一鳴昂昂千里見平生王良伯樂世安有不受
鞭笞自在行

哭薇初叔

舊德集九

列宿郎官秩正加每從塵土夢京華三膺

帝簡衡文尺辛巳主試貴州庚辰丙戌分枝春闈兩見門生及第花朱朵山狀元陳芝裙

探花皆叔分枝所得士慧地春風悲畫省空餘香雪慘天涯有香雪江齋詩集

湖濱倒慚符朗軼足誰憐壯志賒

新樂府

新嫁樓

五千買羅襦十千換珍珠納采不可一件無新樓三日入庖
廚阿姑歎息晨炊虛

泥菩薩

泥菩薩何時靈易欺者昏夜之黑黑難欺者上天之青青上
天命爾鎮一方幘頭象簡何軒昂爾須扶善鋤豪強莫貪豪

強陳酒漿

倉老鼠

倉鼠飽腹田鼠夜哭田鼠夜哭倉鼠起屋田鼠從今莫入田
一石米上倉須折錢六千

地頭蛇

勸君莫闕地頭蛇蛇之穴大樹遮大樹不倒蛇不死夜入人
家吞骨髓長成十丈猛於虎口噓毒霧為雲雨

麻姑仙

仙乎仙乎何飄飄白雲在天不可招海南珠山東嶺送入仙
家聽仙選天醫星能活人仙人一笑化作塵城頭狐恃虎符
仙人一怒伏厥辜仙乎仙乎真仙姑

舊德集九

傳聞

舊德集九

四

傳聞猶逆未成擒騷動荆襄又桂林雞羽朝馳軍餉急旄頭

夜落將星沈

宵衣自定平蠻策大吏應存善後心我有老親千里外干戈

阻斷嶺雲深

苦雨行

歛如萬馬天上來白波日夜鳴喧應蛟龍怒觸銀漢決啞啞
時震雌雄雷屋旁楊柳柳下橋橋今不見柳沒腰魚蝦入屋
古井塌助以風勢聲蕭蕭估舟何來逆風走一霎舟沈露人
首柁工呼救氣憤憤殘喘俄延到村口村口農家正相哭初
時誤喜甘霖足新秧漂沒茅屋淹爨火蕭條苦枵腹明朝剝

啄吏催租更向前村賣黃犢

丹陽道中

百里舟行逆水灘半帆風順覺平安花香火路半含笑塔影
當橋宜倒看城圯已憑人上下年荒誰念戶凋殘遙憐遠近
砧聲急蘆荻蕭蕭漸作寒

方正學祠

大書燕篡表臣忠如雪麻衣染血紅高煦後來家法肖九原
含笑問周公

景隆誤國千秋臭正學旌閭十族香萬子萬孫天已定那容

公再輔成王

孝陵

首德集九

五

真人彷彿大風歌王氣誰如沛上何緝甲難曾聽馬后開基
龍本諱豬婆託孤都尉金牌密垂老功臣鐵券磨翁仲一朝
聞夜哭明宗麥飯已無多

悼亡

新婚半月去依人慨典羅襦代養親佳節暫歸翻似客同聲
相敬儼如賓情怡翰墨偷餘暇書報平安不出旬此日鰥夫
腸百結愁來誰與話諄諄

母病剛逢脚病時病人扶病倍堪悲為調湯藥常終夜自忘
膏肓不及醫竟以事姑延療疾從來孝婦勝男兒慈幃今日
頻增痛一度雞鳴一涕洟

豈少柔腸念藁砧御無細語泥情深少年我愧飛揚性良佐

君多勸勉心肯對牛衣同掩泣教藏龍劍待知音閨中琴瑟
兼師友長使黔婁淚滿襟

秋風瑣瑣賦歸來片刻愁顏強自開檢點征衣親薄料量
冬學苦煩催離方五日緣偏斷聞到重陽夢不回最慘彌留
前半夕寒衾欲寄手還裁

遺雛百病幸初安兩歲違孃育倍難錯認暫眠呼覓乳未勝
扶杖抱凭棺謂他人母悲何恃問爾諸姑意更酸片語泉臺
差自慰一盂麥飯當承歡

家大人自粵西旋里喜賦

歸路八千里離家十七年登堂扶大母喜極淚翻漣

讀史小樂府

首德集九

六

竹筒火萬卷燒阿房火三月焦竹筒燒出孔壁阿房焦秦祚
革博浪沙中壯士擊圮橋一編受黃石高皇稱善陸賈書天
下黔首何能愚君不見指鹿為馬纔二世應恨織兒不識字
呂易羸牛代馬不血刃得天下柴繼郭李繼劉不黃鉞臣王
侯劉淵冒頓徒藉口尊高光沙陀李亞子建國俾後唐君不
見側室之子承高皇老夫臣佗氣不揚隆準子孫宜君王
萋亭粥飯厚思報真人大度越高廟功臣保全骨肉疏東海
王疆屢上書上書幸得全母子此事差強人意耳朱弘未免
曠官家娶妻當得陰麗華

蛙鳴公私乎禿鶯嚙來乎有子如此父不知手挈九鼎輕付
之彼蒼者天奪其魄不使奸雄行遺澤魏魏昭烈續漢緒禪

降謫尚得死所能種豈同狐媚羣天下英雄惟使君

王夫人死如生堯母門生令死外戚之禍鑒呂雉後世殺母

立犢子作備御自漢武始傳至鑄金拓跋氏竟謂漢家法如

此天遣靈后亂國紀瑤光寺尼奪作婿燕銜楊花入窠裏

阿兄友弟如龍虎燭影搖紅灑柱斧中令何曾讀論語金匱

誓書棄其土皇弟殿前淚如雨太妃已誤莫再誤喚作閒人

尚心妒君不見火羔碑字驗分明披髮秦王上天訴

尼山告定哀困勉特為愚柔開鄒嶧告齊梁貨色臺圍皆與

王豈不願君作堯舜中人以下循序進南宋諸君聽講學如

聽古樂臥不覺

汝父如龍汝兄虎汝何人斯作舜禹殺癩心中尚無主之才

舊德集九

七

一言登九五從來不臣敢跋扈實國求榮由賈豎朱三本是

黃巢伍獨斥鴟鴞事可取

喜願秋碧 槐三過訪

秋雨聲中舊雨來堆盤苜蓿且銜杯黃花似待先生到臘藥

還畱小雪開

春燕

重疊樓臺對夕暉偶然借此息烏衣教雛學語呢喃苦謀食

歸巢欲啄微自笑處堂原計拙何如振羽任天飛東風半卷

湘簾意去住明年早見幾

宛陵雜詩

不挂蒲帆緩緩行秋風吹我到宣城出山泉水潺湲急可似

山中徹底清

太尺飢驅惺忪中塵襟孤負對丹楓敬亭上下雙溪水曾照

青蓮詠謝公

茅店三間席作門瓦盆新釀醉黃昏西風打屋寒星射添盡

衾裯不覺溫

磷磷碎石映流泉隨意幽尋夕照天獨木小橋當路出情人

換過水西邊

呈薦師雷雲峰先生 時夏

蓬山遙望自沈吟孤負王陽汲引心月窟未容凡骨到春風

偏護落花深縱教方叔重通籍難似鍾期此賞心鍛羽況兼

愁力弱駑駘行槐鳥投林

舊德集九

八

小范終身拜晏公只因薦剡在途窮後生敢擬前賢樂大匠

能虛國事衷想到夜闌搜萬卷定將秋水洗雙瞳標藍八字

分明記 薦評有識力高超情文並茂入字 一度披看一淚紅

示徐生靜三 蓉鏡

珠光劍氣總堪珍劍匣珠胎貴養真花欲芳菲先斂萼月將

圓滿自無塵讀書豈僅科名計閱世徐看意氣馴九十韶華

騎過隙少年休負豔陽春

賢陽懷古

有吳延陵君子之墓 至聖先師書十字碑在申浦

嗚呼致其哀有吳表其國延陵本其心君子重其德十字旨

甚微衷以麟經筆後儒多致疑真贗說憑臆家疑漢代書石

指丹陽泐風雷怒赫然特爲顯而出頃刻碎復完初不假人力迄今無縫衣豐碑江上植聚訟障先賢神來解爾惑

白鹿山 夫差出獵得白鹿因名

美人采花香山花發如綺鳥喙方臥薪君王樂未已色荒復禽荒顧眄雄金矢朝出姑蘇臺一箭雙鹿死歸來誇美人此亦如皋雉拜獻千秋觴君王大笑起屬鏤愴忠魂扶眼懸胥里無端蕉夢醒逐鹿人來矣安得射鹿弓早射太宰嚭

胥歌村 伍子胥擊劍歌此里祀爲社神村在華墅

父讐固當復臣道不可無處宮復鞭墓千載議子胥夷考楚棄疾弑兄奪其居新臺醜莫掩殺賢信詔諛天倫既漸滅曰君實愧諸衛以順逆義孝子刃獨夫開關出虎口憤激生窮途所惜屬鏤死前智何後愚胡不早引退伏劍明區區我來胥歌村荒煙弔平蕪漂女今安在蘆中人亦殊但聽社公鼓幸未訛髭鬚

舊德集九

九

善於謀國論從橫上書能止十萬兵闖於謀己亡其身食客空有三千人身爲大臣居奇貨卽無李園禍亦大君不見呂仲父於國何親蜀道苦黃山蒼蒼申江洋洋祀君名宦陳椒粟千載民情尚如此遠勝太牢祀公子

君山 黃歇葬處

道成墩 晉旌陽令許遜宅遜作令時瘡金治後國令民錫地得之以輸納善治民疾旣開丹陽港母孝往師之屢除毒蛇孽蛟之害晉孝武安康二年百三十六歲八月朔卒墩在青陽鄉

嗚呼許公仁者非神仙代民納稅法外意後之繼者難爲賢

瘞金償賦諱施與詔爲黃白母乃偵醫師之外設方相周禮廣立仁政篇張魯世傳斗米術驅疫乃以符水專公能納民躋壽寓豈藉符水爲和扁禹役庚辰益掌火爲民除害神聖傳斬蛇赤帝行大澤搏蛟孝侯入深淵事本尋常不足怪要皆一念爲民堅後堂拜母重母孝大孝必得壽百年先生應笑樂大輩妄希白日能昇天世儒自是眼孔小故神其說何實焉烏乎許公仁者非神仙

長房村 晉郭璞宅在黃山北

舊德集九

十

世訾郭景純所學任術數身卒蹈危機任數爲數誤吾謂郭求仁任數理卽具當其對逆敦順逆翼一悟臣命盡今日殉國無他願若有趨避心生死先失度聞昔葬母昆江上來封墓葬經失真傳後人多依附宣城竝歸魂太眞復短祚幽冥負伯仁忠義爭豎樹淮水有時竭銜刀上天訴如何中吳人帶祀短主簿

文選樓 昭明太子讀書處山茶一株其手植也枯輒復榮在願山

朝如傳舍君奕棋南北紛紛曾幾時蕭衍老公手篡逆佛果有靈不佑之同泰爲奴得復失天心不使存佳兒佳兒仁孝勤學問館開博望延賓師蕭郎若早傳賢子江東磐石安無危傷哉蠟鵝等巫蠱燕雀銜土千載悲臺城血水呼荷荷湘東一目何能爲梁家寸土竟安在書臺選樓到處遺池揚二州旣志勝江陰亦復傳下帷帷空猶照青宮月書帶紛披綠滿堦樓角山茶覆如繖劫灰燒盡生孫枝梁溪海虞都人士

靈光殿下高吟詩詩中盛稱手植檜徘徊愧憤深長思滄桑
屢易文在茲

牛跡山唐魏璞隱居
題詩石畔

舜過山下隱君子飢飲山雲渴江水杜門不出三十年世事
營營任朝市詩成和者陸與皮千里同心室則邇愁殺思歸
張季鷹秋風祇說蓴鱸美

梅花堂肥蘇文忠公堂額即公手題在香山又馬嘶
鎮蘇聖明時錫得古碑亦有東坡田舍四字

陽羨田常州宅表乞居計亦得未幾乘風歸玉樓田宅雲煙
盡陳迹何時自毘陵移來江上展田舍留殘碑孳窠存手澤
我折古梅花為公作生日

悟空寺宋錢判江陰軍陳剛中題詩處詩云人微言
或乘歸休從此始益紹興中邑值水災備征

不已剛中請錫普以去留
決之也寺在青陽金鳳鄉

為官視民瘼了不關其心豈無愛民意戀棧意更深一言儻
見斥褫帶歸山林欲保五斗米與世姑浮沈所學究安在清
夜愧影衾緬懷南渡後此地橫潦侵征斂迫未已哀鴻有餘
音知軍人雖微建議可斷金心傷彈丸邑田舍漂雨淫流民
竟誰繪食子痛不禁臣心為民碎哀淚時沾襟催科實不忍
臣罪當抽簪仁人一言溥如旱蘇甘霖豈不戀一官所憂在
蒼黔今誦蕭寺詠如聞宓子琴後有司牧者願為座右箴

由里山宋同知樞密院事文
定公邱嵩墓在山南

孝宗嗣南渡未能驟復警痛以陵寢故哀為祈請謀曰請實
驕敵朝廷小可羞百年既和好侂冑欲渝盟果函太師首級

境乃罷兵日變自我啟他日變所生吳氏握兵柄父子相繼
承乾綱不能斷優容留後俾日挺死勿嗣藩鎮漸可懲老臣
謀國是著蔡勿是過金使正以禮帝曰卿力多江淮死以守
敵日無過河築隄衛田畝楮幣除偏頗邱葛邑世族公德尤
可歌酌酒拜公墓由里山我我

駙馬祠宋駙馬曹址祠理宗朝址尚魏郡長公主上
封事不用賈似道禮禮送謝朝請德祐改元

歸鄉里晦跡與齊民埒養廢親黨詢以國事不應
裔孫淵洪武中糾社中義兵禦孽監賜書榜為義
軍帥後禦賊觀山死之
詔贈卿祠在虞門里

半間堂開朝無人蟋蟀聲裏飛邊塵都尉憂時書早陳匪曰
直臣臣國親封章數上不報聞臣心已盡臣乞身鹿車夫婦
歸如賓宮花蛾鈿不再勻夫耕婦鋤儕齊民孝我父母睦我

查德集九

三

鄰五丈夫子皆麒麟詢以國事不敢辱騎驢湖上養晦遵富
貴於我如浮雲粉侯之中絕等倫觀山死戰公裔孫大義奕
葉猶能伸神絃侑食祠明禋靈風盡日吹谿蘋

梧厓里宋逸民千一隱居處
姓氏不傳明宋濂有贊

生不能為枋得為天祥又不能為豫讓為張良乃效靖節居
柴桑金華先生為之贊曰千十一姓氏亡我後五百載定以
逸民其允當隱梧厓里生馬鎮鄉仕承仕即宋亡而心傷鴻
鵠遠舉兮清風揚俯視王魏如批糠

空谷里元鄉賢翁之近故居之
近名遠世備空谷先生

空谷先生神仙姿生當擾攘不遇時嘯歌一室樂其樂里中
人士尊為師先生厥考名奕性好施千人仰給力自支遺命

敘葬一遵古屏御世俗黃與福克家有子抱異風菰蘆晦迹
人莫知賢人在野吾道隱元祚八十宜深思

席帽峰 元徵士王原吉隱居處原吉名逢

有元至正間暨陽成盜藪鄉民多脅從帥欲駭民首徵士為
帥言民特失父母本無樂禍心撫之皆我有聞言帥感悟片
語活萬口豈徒誇著作千金享敝帚大府薦其才前後徵不
受偽吳及洪武兩聘皆御走矯矯雲中龍矚然絕氛垢桑梓
銘其功懦頑化其守是古鄉先生宜飲社公酒遼東管邴王
千載乃有偶

萬卷樓 元義士陳傑藏書所

讀書不求仕振饑不居功有詔拜副使辭辟何從容藏書及

萬卷披吟老此中裁裁百尺樓千古陳元龍

徽墩 元烈士吳重死難處洪武間詔旌其門官其子遠

彥古侍郎七世孫姓吳名重元隱淪偽吳竊據黨朱定借糧
不許族重門一妾攜雛出遠匿返取嫡子刃已吞孤兒入歲
天所存老漁拯此蘆中人雲亭日暮過重增相對涕泗交沾
巾存孤濟險陰佑耳瓊弁之報何足論孤兒曰遠從增姓五
子其四仍歸根以死抗逆古壯士義烈自足敢後昆妾張漁
顧增姓陳至今軼事傳徽墩

高士舊居 元倪元鎮避亂散家奉母由無錫來江陰夏雪洲築館居之在長徑鎮集禮村

倪迂隱詩畫亂世全其躬平生喜盥濯世以迂是翁時世多
穢德恐浼塗炭中潔癖聊寓意誰窺高士衷散財免世亂奉

母天年終季世守錢虜鮮不罹兵凶觀題婦像詩庶幾梁孟
風

虞門里 明太祖故人焦丙隱此

有詔急求焦先生大索十日無知名忽持斗酒馳甬道故人
歡飲如生平玉角金帶拜帝賜何慮旦夕非公卿能從我遊
帝方喜挂冠忽作陶通明高帝忌刻本性成功人功狗多遭
烹先生少狎知帝隱遜迹甘效鴻冥冥羊裘大澤故事在祖
德況對焦山青虞門故里今寥落一顆長明處士星

砂山 明孝子趙鉉墓

思善 孝子死賊舅吳士益 存孤如杭母子失窮途義僕承信翰
呱呱其姑得之育姑蘇承信為主刃賊通明祖代元開康衢

孝子還鄉血淚枯先養海虞幸生雛別妻尋母走越吳三年
瀕死焦髮膚後得牛商載與俱畫錦坊前鄞縣居有姬似兒
痛貌耀十八年前述舊符迎母歸養一紀逾得終天年首正
狐孝子不願旌門閣願葬先隴砂山墟

夏港 明孝子吳鳳坊
吾邑志載兩吳鳳字翥仙者多雋才前明吳鳳夏港住目未
讀書無所裁鼓擔簫簫覺微利市餅娛母如嬰孩受侮不校
性非懦惡言若反傷親懷白楸為棺蠶布殮喪具草草無餘
財庸身報值貸錢葬廬墓號泣悲泉臺世儒論孝事修飾沽
名不顧旁人哈隱微抱坎根本失讀破萬卷何為哉鳳不識
丁業賤業孺慕奚翅參與萊一言不敢忘親在事死如此生

可推我每過廬必矜式悽然風木生餘哀

九里山 明嘉靖三十四年乙卯倭寇江陰知縣錢鈞拒之戰死九里山

江陰障各郡江海之要衝勝國遇倭亂憶在嘉靖中豺狼逞

荼毒居民懼洶洶我邑仁父母鶴洲錢令公登陣集義勇斬

獲屢奏功賊自無錫至架石來相攻三箭賊大御公亦中賊

鋒楊 吳允 二團長蔽公股血紅吳死公親祭哭聲振蒼穹

翼日戰華聖覺賊賊勢窮復合常熱寇三千團門東兵備王

崇古坐視孤城凶公以死自誓印衣表孤忠狼兵先遁走陷

公所乘驄易馬裏創戰殺氣流白虹同時死難者陳 裕金 鳴

邢 惠 郭 城 從時天大雷雨晝晦吹腥風崇古奏不實蔽此扞

禦功贈卹需後命天道非夢夢嗣有夢公者執戟捍長弓賊

曹德集九

五

來旋卻走膽落神聽聰睢陽終殺賊毅魄為鬼雄至今九里

山雲氣常濛濛

實園 先文貞公 讀書處 落落齋 明李忠毅公讀書處

高皇范鐵訓嗣王內臣無得干外政英宗感振僂先生關寺

居然竊國柄曹汪劉魏相繼生義子千兒勢逾橫大江西來

入海門渾茫正氣生偉人文貞素仰貢克仁二十四罪侃侃

陳嚴刑鍛鍊斷指死大呼高皇鑒微臣李與文貞本姻特初

官南康已僭職列論崔魏扶周高誓以骨鯁死報國國步艱

難難力移完臣分內事無奇從容被逮臨危日自序生平絕

命詞寂寞園齋繆與李懷古而今空仰止寄語枯燈擁卷人

讀聖賢書有如此

遺塵房 野雪徑和尚傳聞是天潢遁跡為僧者善寫

四字後不 知其所終

惠帝傳遺荒今疑大師墓有國走蒼皇終少君人度雪徑本

天潢掉頭去不願掌窠善大書逍遙江上住聞昔隋王孫布

席向佛訴其生帝王家兒為帝王誤明季賊陷藩終以改天

步福祿酒頰謝和尚早已悟行遜心搖搖豈有神仙慕

栖霞菴 順治二年乙酉八月 王師定江陰明故江陰縣典史閻應元死之栖霞菴應元死所今改為祠祀之及同城守死事 典史陳明遇訓導馮厚敦

我

朝定鼎越周漢救民水火平暴亂頑民義敢昧壺漿自取滅

亡死糜爛

曹德集九

六

深仁厚澤有殷遺各為其主

綸音垂承平百載觀舊史疾風勁草咨涕洟應元姓閻官典

史麗亨其字為明死前後勦寇多有功撫按交推臥不起乙

酉

大兵定江陰方亨失撫乖民心民心本未忘故主脅以屠城

懼益深陳馮何人逞螳臂不明順逆頻失利應元時隱砂山

崖迎入孤城為爾帥火藥鉛丸發舊封輪銀輸粟感義公東

縛草人收萬矢四城列守嚴乘墉軍法不緣豪右貸重者割

耳輕筭背病醫死殮哭甚哀恩義纏絲士心戴搜羅義勇集

眾材鉤弩球箭聽所裁或潛納款斬以徇五更聲轉楚歌來

諸生許用作城 勅降者誰劉鎮府指畫興亡徒自苦微官不

外聞者悲之

敢冀封侯願死趙家清淨土女牆修葺完復傾空棺實土以
障城大雨兼旬礮不發滿城士卒仰神明開公負傷守益急
登城慘見中秋月祥符寺中紅光飛芙蓉帶破臣力竭城頭
白鵝飛上天忠魂未死先成煙可憐六萬七千眾八十一日
如狂顛前湖水淺死不得眾擁闖行僵立直回頭笑殺降將
軍自愧當初身負國八月廿一鬼夜號栖霞禪院血洗袍陳
尉前期引佩刀廣文自縊腰間繚馮訓導繚於明倫堂介子黃生號舍
人戚勳倚寓邵君康與程壁俱歿更有裙釵死魄香萬骨瑩
前京觀積思陵失在誤用人熊煥楊昌之輩何紛紛良材若
得早建白謀國何魂盧與孫惜乎棄置投下吏猶為朝廷激
忠義

聖朝寬大

詔褒忠父老傳聞尚流涕

五里亭乙酉城破有女子自縊於亭尸腐逸其姓名
或題詩哀之日三月孤城未肯降裙笄腐骨

枕江鄉寄語道傍休掩
身活人不及死人香

無名氏一女即殉國難骨尚香亭五里詩兩行擬配饗露筋

旁被女子知綱常

十方菴別故國誰開元為僧於此自號
藥菴和尚終於廬山真濟寺

朔風吹盡回陽春景星卿雲天運新宇宙雖大無所託託於

方外來江濱江濱說法機滾滾十方諦聽悟性真有時下座

忽大慟旁觀太息師前因師曾瓊林咲綵餅師曾鐵面彈閣

臣周延師曾執法劫中使王應師曾誦山西隨風塵師

曾南朝卻徵召不與馬阮同精神弘光召師曾浮海護少主
歸路誤觸飛龍鱗崖山舟溺國安在芒鞋破衲餘孤身孝
陵歲歲哭寒食一盂麥飯誰招魂聞說江南訪遺逸出山泉
水清且淪微臣不及攀龍去梵侶鐘聲淚滿襟

江上故明遺逸就所知者
七人概以江上懷之

養時朱子殉魯藩負石投海心煩冤海上今有忠臣魂大育

頭陀諸生張狂且奔蘆花燕子悲荃蓀手彈離騷多血痕盲

靈諸生劉攜筐敗絮存孝陵痛哭七旦昏仰天鳴嗚愁帝關

覺浪丈人諸生黃髮未髡東林講學昔討論不履城市常居

村漁舟一葉雲無根諸生陸風雨長號聲自吞一衿雖微亦

主恩席帽峰巖道士門華山和尚俱失風好敦共陳芋栗呼

至尊餅師實創者失名善歌大江百歲饒兒孫大江東去酒

一尊濯磨正氣還乾坤

寄山陽魯通甫孝廉一同

秦淮幾度苦相尋見後離情恨又深千古文章多涕淚兩人

心迹在苔岑我仍豹隱含神霧君定鸞遷到上林詠罷霓裳

應轉憶江鄉尚有爨餘琴

太平何用剗贊策錯比劉蕡更惘然久病本如疲乏馬不耕

況是下中田重修破網魚終羨再補荒天月定圓寄語仲連

休念我梅花三徑近安眠

題錢唐許季青乃春無盡意齋詩集

無盡復無盡風騷兩得之悠然絃外響讀者意中詩今古心

方寸湖山筆一枝微吟生靜悟花放水流時

漫興

海內徧傳黃霸疏力除痼疾啟陽和危言本慮滋螟蟻善後
先期料鶴鶴與塊野人天自棄耕煙瑞島幻偏多遁仙愁絕
梅花驛強剔殘燈救火蛾

詭託爰居譯姓名玄廣竟敢藐于城幻人莫恃條枝國大帥
新連細柳營往復書誰通鳥使兜離語轉效豺聲擁旄建節
雄開府宵旰云何體

聖明

瘴雨蠻煙及甬甸毗連繡壤此咽喉時平民不知兵革海關
風難辨馬牛莫遣戈船輕下瀨可知帷幄重持籌材官多少

舊德集元

十九

馳星檄畫住吳淞水一鉤

輕寒六月似秋深積雨愁看十日陰帶疾軍猶擐甲臥滄溪
天有洗兵心江湖滿地家無定星火催租吏更侵自笑杞人
憂甚事漢軍旗幟盛如林

河決開封有懷洪生彥光 金頁

飢餓出門去偏逢河決時存亡渾未卜生死况分離 時彥生
之大
及父相繼歿於里中憐爾尚年少如何辭故枝征衣儻無恙須早定歸
期

捉船行

船來船來船莫回明日大兵絡繹來大船千計小船百汝不
載兵官汝責吏胥藉兵橫索錢大船小船愁不言商賈裹足

行客遠但恐捉船去難返大船額足小船留腰纏已滿憑歸
休小船歸休下流走逃命渾如喪家狗大船戕戕行載兵沿
途需索倍取盈行船一萬坐者半船值日向縣官算縣官供
給稍不時健兒一怒鞭梢笞

大雪行

北風徹骨大地寒同雲四佈天漫漫武人東征馬不進狐裘
貂帽相盤桓玉龍銜箭六花舞未到天明盈尺五牙旗半卷
凍不翻白戰無聲寂桴鼓明州城頭凍雀飛姑蘇臺上烏衣
呢吳姬沈醉尚歌舞健兒執戟寒且飢斯時龍公戰未息海
水掀作琉璃碧毒霧遙連龍子蜃明珠照徹鮫人宅羊羔美
酒花冥冥春風早入滄浪亭誰何獻策母亂行吁嗟李愬方

舊德集元

三

治兵

十年

十年使節一身輕朝吹暮重催萬里行何日中華相司馬幾
人碧海掣長鯨堤防自盡疊臣力功粟還勞史氏評回首南
雲天似畫 初夢 夢魂飛過受降城

喜從弟達春自乍浦避兵回

前聞乍浦失舉室方驚惶今見我弟至痛定猶傍徨傍徨中
夜說破涕為喜說手拍百結裳猶帶兵閒血憶自去年秋風
鶴生煩憂煩憂歸不得王粲徒登樓因循入今春警報日以
至吏先著逃心民久無固志三月初七日賊船聲如雷初八
賊轉退初九賊復來自辰至酉戌已報全城失弟在火光中

輾轉不敢出出恐遭官兵更防偵姦民兵肆淫掠刀下無
完人三日竄空屋飢鼠同枵腹中宵不忍聞遠近婦女哭迨
至十三午倉皇脫網罟夷酋偽安民巡視禁焚擄歸鳥失舊
巢呼天但號咷沿途且乞食性命如鴻毛路逢仇離人詛言
何紛紛畏敵某都統殺賊某將軍某也得夷賄某也賄逾倍
確黃易鴉片礮發不到海行急勿服聽聽亦增暗鴛平日講
武備今乃知空名歸來具尊酒尊酒召親友大母臥在牀嬌
兒抱在手母呼汝小字相見疑夢中兒索汝梨棗不知遭鞠
誦阿兄牽弟衣醉後拔劍舞願將泰山雲散作洗兵雨

病目

雙眸炯炯秋水清一旦忽作盲左盲病之始作由外患癩疥

舊德集九

三

偶發微且輕當時良醫用藥猛眩眩奏效如空青譬之殺賊
務殺盡方免流毒殃民生忽有庸醫在旁笑執中用藥須和
平一時過聽得小愈漸覺障翳遮星星雖未眇眇作雙瞽視
近則見遠則眼墜臍之悔嗟已晚所恨俗見殊冥冥囊錢告
竭庸手退良醫覺額悲紛更此時急須補元氣欲投惡石先
參苓憮然再拜謹受教敢乞大寶還光明清光大來雲霧去
刮膜似點飛龍睛乃知小道有至理無怪和緩享盛名

寄杭州王兩峰 武楹

明州烽火望連天喜接魚書又悵然春雨已愁三月夢故人
況住萬營邊狂瀾東海迴何日芳草西湖憶昔年我輩匡時
苦無策蓬蒿棲息老鳶肩

寶山哀

不畏江南百萬兵祇畏江南陳化成相傳夷中語如此將軍愛兵如
愛子入百背鬼擘一死比年粵海與浙東強敵寇邊且內訌
賴有將軍振威武江南按堵無所苦長溪一戰虜氣豪將軍
久置鞞中刀海氛漸逼吳淞鎮猶畏將軍不敢進將軍一呼
健卒興驍然萬礮交飛騰海上遊魂魚在釜軍潰城中忽無
主將軍孤注無所依馬革裹尸血滿衣愚民尚倚將軍力夜
半喧傳公破敵搖搖箕尾爛有光可憐亦在南斗旁

一望

一望澄江似戰場西風蕭殺雨淒涼田園將熟無人管屋舍
全空避寇忙千里鏡中窺日月六輪船上餽牛羊此身未是

舊德集九

三

遼東鶴城郭居民已半荒

六月七日奉大母挈眷屬避居毘陵

傳來風鶴忽如麻倉猝西行入夜譁未必婚姻能毅我那堪
衰病更離家眼前骨肉還欣聚身外風塵不暇嗟見說將軍
能卻敵全師應向玉關遮

送徐生入山

避兵我向毘陵來奉母爾向丁山去伯勞燕燕無成心但安
親意姑且住丁山近與蜀山鄰東坡買田曾此處路幽徑僻
民氣敦俗儉資單盜賊忽待親之外堪讀書時於此間得佳
趣歸期僕指明年春好記桃花幾千樹

夢徐生

夢裏不知別西窗坐夜談醒來差記得與子說江南

還家

平安且得慰高堂一葉扁舟返故鄉庭樹亦知人意好西風吹盡不嫌涼

老屋

老屋重歸秋氣深蟾光涼透薜蘿陰鄰家亦有新還客夜靜初聞隔院琴

贈寶山詩僧鐵岸 妙塵

鐵岸不滿五尺長酒酣芒角生枯腸世無知我行已矣收拾智慧歸空王禪說劍吾不曉但讀君詩每絕倒蛟龍蛇蠱雲錦張塵垢秕糠一筆掃儀秦抵掌壯士羞抱關屠狗騎王

舊德興九

五

侯六朝而後開釋典豪傑往往逃緇流昌黎關佛重大顛歐陽亦偁祕演賢二公具眼有真識肯與流俗相周旋鐵岸十五二十時抗懷經濟酬所知如何一蹶不得復大江南北徒奔馳海旁樓臺多蜃氣可憐立錐竟無地將相公侯何足論破衲芒屨小游戲夜坐蒲團萬緣寂舊劍飛騰欲破壁有時醉臥錦瑟旁一聲玉笛花芒芒昨日毘陵乍傾蓋落落行蹤太無賴冷官席上訴平生痛哭狂歌見者怪問君何不還儂宗掉頭大笑如癡聾君看傲岸好男子坎壈那得全其躬鴻飛太空脫網罟歸歸大海息風雨不在天兮不在淵一箇說僧有千古

呂城舟次莫先慈及亡內悽然有作

十年失恃慈顏隔顧我還從夢裏來猶是幼時歡樂境渾忘今日死生哀荒村舟楫魂何處游子衣裳幾久推一掬窮途飄泊淚無由拋擲向泉臺

精糠怕憶舊酸辛草草浮生了夙因卻感隨姑來慰我相悲作客是窮人後妻前子雖無隙破硯殘書不療貧夢裏已知君故鬼片時相對倍相親

丹陽阻風口占

荒村喔喔聽雞鳴蓬背顛風怒作聲遙憶白頭親不寐通宵屈指算行程

壯志何曾為別難只憐兒女忍朝飢誰將此夕思鄉夢寄與閨中話片時

舊德興九

五

夜宿京口銀山門錢家樓旅店題壁
蕭然琴劍走天涯王粲登樓暗自嗟烽火營痕餘瓦礫村莊生計復桑麻風寒水弱潮無信木落山空暮有鴉不為離鄉情緒惡頻搔短鬢感年華

月河水淺不得渡聞遺問

上流舟不來下流舟不去一開橫中間齊唱公無渡天厄飢驅人無適非窘步我來自毘陵百七十里路觸藩似羝羊進退皆自誤堂上白髮親年已迫衰暮懷中黃口兒呱呱索乳哺可憐牛衣人蓬首悲莫訴此行殊茫茫未必即有遇況復行路難徘徊望江樹

魯生行贈通甫

君家仲連不帝秦風高七國推奇人後來魚頭老參政立朝
蹇諤稱直臣君生自顧非錄錄肝膽照人炯雙目讀書養氣
四十年鶴立雞羣邁流俗國家正逢全盛時朋儕尊酒但論
詩惟君憂深且思遠抱膝長吟多歎咨前年烽火連京口銀
山鐵瓮無人守半壁東南幾劫灰空城往往無雞狗君爲死
者表忠貞三公哀誅昭精誠君爲生者激義勇功罪分明見
者悚書生一言何重輕談言微中四海傾補偏救弊元氣足
鞭箠自足驅長鯨我昔逢君建康道捫蝨而談見懷抱我今
訪君黃河邊聞雞起舞心如擣乾坤雖大意氣孤杞人之憂
何其愚我謂其愚不可及終看軼足馳天衢

金山懷古

舊德集九

五

大江東去繞金山坡老當年此往還一曲銅琶歌水調千秋
玉帶鎮禪關雄才脫略疑青兕春夢浮沈付白鷗等是鴻泥
留爪迹那堪塵土對愁顏

九日聞蟬

落帽風吹落葉吟古槐衰柳氣蕭森憐他不識炎涼意空向
高枝覓賞音

秋興

明月潛移葳蕤陰凭闌獨立自沈吟路難咫尺遙千里親在

齋鹽值萬金碧海青天良夜恨悼莫嬾樓也夕陽紅樹故人心于

也 休論石上三生話未了今生悵已深
無術乘風借羽翰馮公長缺向誰彈河隄歌舞消金易水次
遷延轉漕難鹽菜漸成羣盜藪薪芻久絕腐儒餐三年此地
登高望去馬來牛已厭看

栖遲久擬返衡門引疾何勞醴一尊豈有黃金酬漂母空餘
芳草送王孫葫蘆長柄仍依樣野菜連畦儘敲根窮餓本來
天玉汝只愁霜鬢漸添痕

秋日書懷即寄謝酉卿

仗劍出門去飄然客又歸黃金從古重青眼覺今稀淮北涼
先到江南露欲晞故人千里外應亦念柴扉

舊德集九

五

吟蘿墅別松雲叔之粵西

風雨春將歸征人亦言別憶昔全盛時亭臺繞曲折轉瞬卅
年間家貧花亦拙族父召我來開卷時披閱今將有遠行離
思如百結梨花爲人愁片片飛香雪以下從舊譜錄出

送泉初雲士二族叔北行

京華十載暫言歸謝屐欣陪坐翠微似愛阿咸戀續禪過誇
逸少冠烏衣趨冕正喜春風拂鳴鳳偏從客路飛附尾自知
才未逮臨歧拜餞思依依

詠物三首

蟬

一夜涼風催曉露半林黃葉戀斜暉也知樹小棲難穩欲曳

殘聲向遠飛以下從手
素錄出

蟹

渾身生就甲和兵
蠶爾無腸太薄情
到底未忘公子性
高低不識亂橫行

螢

分光照字抵青藜
伴我秋窗夜詠題
莫道出身原小草
等閒飛上與星齊

舟行雜詩

羅衫添罷覺新涼
夾岸垂楊葉乍黃
一點斜陽銜塔頂
舵工遙指是丹陽

登臨久欲訪金焦
無奈舟行趁晚潮
惹得山靈應笑我
順風

舊集卷九

三

貪走不停橈

鐵甕城邊雨似絲
泊船又是掌燈時
豆棚一縷青煙曲
傍水人家正晚炊

龍潭曉發

舟次龍潭星斗明
停橈一夜浪縱橫
大江無限才人意
雞唱潮生又五更

臺城

得失何妨在百年
英雄末路也堪憐
君王荷荷攢眉日
可是西方樂極天

昭明仁孝竟先亡
早識蘭陵祚不長
漢武好仙槩好佛
蠟鵝

巫蠱恨茫茫

莫愁湖

海燕雙樓到畫樓
湖光如鏡照梳頭
當年若入昭陽殿
未必長門竟解愁

綠散紅消瓦礫場
湖上樓臺附大水盡傾圮
盧家難訪鬱金堂
蓮花似有興亡恨
送盡遊人不放香

族兄少微先生早飲才名垂老不遇
悒鬱而卒其詩稟為陽湖弟子徐君靜三蓉鏡所錄
舊友張嘯山先生文

虎藏之三十年光緒甲申為刻於南菁講舍而印本罕見
荃孫復從家乘及手彙選增十餘首並得文二篇

入此集秀水于辛伯源作鏡窗瑣語載其佳句云路難咫尺遙千里親在齋鹽伯萬金狂瀾東海迴何日芳草

舊集卷九

三

西湖憶昔年今皆在集中想無遺佚矣弟荃孫識

舊德集卷弟九

舊德集卷第十

繆葆忠 字秋坪 邑庠生

十月五日同人張謙岳陽樓並送周彥昇歸海門

江濤作勢驅雲奔魚龍出沒氣吐吞君山靚面銜晴暎照我樓上開金樽金樽滿引言笑溫縱譚八極小乾坤自昔名流不一存紛紛興廢更安論屈原何事叫帝閭雲中帝子空招魂至今惟賸荃與蕪氣含雨露經朝昏范子憂樂大誼敦暮年僅得參樞垣賢豪遇合且難言曠懷在昔徒煩冤丈夫品望奎斗尊更兼意氣凌崑崙胸藏雲夢吐湘沅洞庭空有聲潺湲巴陵城郭枕江干此樓當作砥柱觀勸君且飲靜勿喧眼前有酒來源源醉呼四座豁窗軒吁嗟此樂不可讓坐對黃菊憶金萱將送公瑾歸邱園揚帆東邁駕巨龍君家遠在海之門是時縱飲已夕曛蒼煙暮靄橫江村長空日落江湖暉面帶岳陽新酒痕

有感

天亦傾西北日亦有晦朔人事更何常變遷為轉軸昔年公與侯笙歌競華屋田園盈陌阡猶苦不知足一朝失所資東陵待瓜熟北平故將軍霸陵受尉辱何如張子房歸隱事辟穀鄴侯贊李唐長抱山人服不學巢與由逃名守空谷不學胡伯始固寵徒覆餗功成身則退姓氏壽河嶽寄語要路人富貴原非福

重登君山偶成四律以博同遊諸子一笑

靜觀魚鳥亦忘機勝地重尋是也非心事久隨歸雁遠詩情又逐曉霞飛荒岑臥松篁老古井泉疏橋袖肥昔歲幾人攜展過湖山依舊有清輝

南國騷人賦九歌可堪帝子閨山阿鼎湖終古沈遺鳥湘水長年瀉恨波幾輩朋吟曾控鶴一聲清磬聳潛壘登臨偶觸遷流感楓葉蕭蕭落已多

輪囷大木不知名甲子何因問杳冥雨露飽承貞晚節滄桑閱盡幻奇形蘭成對此還增感宣武當年獨未醒且醉湘君千歲酒飽看山色鬱青青

青衫落拓幾人知又向山神寄所思鴉點蕭疏銜夕照雁行飄泊各天涯泉鳴深澗桓伊篳風卷靈旂柳毅祠獨鎮洞庭

八百里千秋砥柱障清時

夜泊

今夜月明人靜昨宵風急潮來惟恐霜楓飄盡又將詩思吹

開

舟中卽景和紫珊作

樹樹秋含畫意家家門掩斜陽澧水清於湘水他鄉何似故鄉

望月次紫珊韻

揭來湖水上望月幾回圓獨客驚秋早狂吟得句先買鄰酬十萬歸夢隔三千安得光常滿團樂不計年

屈大夫宅

一代風騷聲此鄉汨羅千載尚流香魂來只合棲蘭芷何處
入閒寄草堂

賈太傅井

一水渟泓萬古春至今父老誦軀臣治安已竟先生學尚有
餘波溉楚人

送柚岑出游俄國兼寄傅茂原庫部陳變卿水部

同持使節出都城萬里風雲壯此行天為書生開異境

帝從郎署起羣英島夷慕化爭相附胡馬當秋靜不鳴休道

遠來探勝蹟籌邊樓築朔方平

介子英英起若耶傳君元龍湖海氣應華補天先鍊焗皇石

汎月何誇博望槎行部諸洲宏遠略編成新語整歸車故人

黃德集十

僻處湘江上為賦楊考當鼓笳

遊衡山

凌晨出西郭草明露未晞山翠拂人面荷風侵客衣縱觀心

亦爽選勝願無違直造祝嘯頂手攜星石歸

矗立九千丈置身霄漢閒縱橫盡雲海咫尺即天關風厲佛

應冷鳥鳴山更閒諸峰環足底何處著塵寰

三高祠

名爵各美餌鷺趨入網豈猶嗟范少伯五湖當茅土典午倒

太阿強藩日跋扈季鷹思首邱純鱸易華膺卓哉天隨子騷

壇刻旗鼓采葑願渚山絜身謝塵網奕世感清芬合祀隆醴

脯蕭蕭歲歲寒松勁節風千古

桃葉渡

峨峨石頭城盈盈秦淮水鳥衣年少年風采無與比輕舟載
越姬涉江采蘭苳顏如朝霞升翩若驚鴻起昔居若耶溪今
移金粉里借問渡口人名馬安足擬僕僕莫僕僕儂心亦如
爾入市買吳綾裁成合歡被桃葉與桃根壁合成兩美不知
景陽井風流似此否

梅花嶺

南都擁屏王宵小日以暉烽火逼長淮國步誰與恤北平史
道鄰涕泣爭朝失一朝忤權貴竄身遠出諸鎮夙鴟張乃
命公統率黑風卷地來日轉天無色慷慨獨登陣風雲怒吟
叱壞雲壓城摧誓奮常山舌偏裨覓淨土卜兆梅花窟興亡

黃德集十

本由天馬阮何足責至今花數點乃公淚所結鐵幹撐風霜

表公歲寒節

投金瀨

明鏡照妾影瀨水照妾心妾心與瀨水皎潔安可侵閱世有
漂母乃受楚王金妾心獨分明安肯託苔岑同此進一飯令
昔殊知昔年金結祠宇何如瀨水深

繆祐孫字楠岑光緒丙戌進士戶部
候補郎中有稽茲詩存二卷

擬曹子建贈白馬王彪

修觀辭金門駕言養皇都率彼東南路我馬久踟躕悠悠洛
水濱鬱鬱太谷嶠葭葦夾長流菰蒲竟河渠波濤觸寸心傾
愁鼻音徂骨肉傷乖離山川險且紆迴睥睨帝城雙關雲煙

扶鶴鶴摩蒼天下顧榛莽墟客子多傷悲驢車詢征途

征途未云已同氣隔山阿山阿薜蘿深淒其風雨多別時悲

已深別後情若何北林晨風興哀音振寒柯忽報連理摧大

野無陽和貝錦與蒼蠅顛倒一由佗能令五達衢中間生嗟

峨峨不可登哀此生死別偕行何敢期獨往車輪折孤鳥鳴

我前聞之聲惋咽洲渚既淹時素懷鮮怡說浮雲歸遠山荒

草綠斷碣物情亦依依相望不忍決感此益含悲抗懷念明

哲

明哲本猶人涕淚對昊天幸賴人命長豫順久則然灑淚傷

子弟凋零蒲柳先戕責屬伊誰未免徒自憐魂魄返舊居應

識路縣縣大海匯百川乃有精衛填高岸雖崔嵬為谷傷他

年逝者不復追此恨曠能捐懿德良不渝努力志聖賢

聖賢金石心詎憂冰霜侵天地一幕席須臾一古今親愛遠

不阻奚用增悲吟款曲片言據開顏披淵襟勿執婦孺意而

易傑士心去去無復道日暮馳山岑

山岑萬仞齊回顧河漢低百事焉能足貴賤同羈栖服食希

神仙世人不我擠赤松恆見招中心乍然疑人生華屋處塵

垢汗鬚眉辟穀絕俗緣長生與子期

瓜子金

錢王造罷金塗塔餘金十瓶汴京納國家事果由書生臥榻

之前軒睡成臣未發書何用驚嗚呼趙普村學究貪恣召賂

有餘臭史官執筆不汝有

鐙籠錦

潞公勸業天下知目之曰佞中官詩此語毋乃千古疑白璧

微瑕世亦有君謨團茶騰眾口忠義至今無人剖方物之獻

有常輸斯錦乃進張妃娛熱中不覺鄰詔諛嗚呼冠準祥瑞

胡為乎更有王旦瓶中珠

和賀又村句圃海棠三首

弱歲賞花在西蜀海棠香國競相誇何時再作成都客惆悵

江天疊暮霞

問說江南瘴癘地豐姿麗質古來無欲往鄰園待偷暇下帷

爾日效江都

秉燭三更試賞之神仙風格定能奇良材恆要十年樹莫恨

此花繁較遲又村云此花植四年矣今始繁

同許少玉長怡秋夜聯句擬唐十二首

太白與夏十二登岳陽樓

獨酌一杯酒抽岑曠觀天地浮玉龍驚欲起少玉灑蕩洞庭

流月出水光滅抽岑猿嘯嶺色秋登臨懷故國少玉迴首徒

離憂抽岑

太白太原早秋

雁門秋意早少玉不見北山陽遠樹凝愁雨抽岑寒花耐薄

霜客心悲塞草少玉漢影隔河梁悵望途云遠抽岑臨風憶

綠楊少玉

少陵客亭

桐陰留旭景少玉 露氣冷空山雁叫愁雲破柳岑 泉啣怪石

頭生涯嗟喪亂少玉 身世笑清閒莫灑羈人淚柳岑 相看鬢

未斑少玉

少陵野望

山色暮蒼蒼少玉 蒼茫草色黃煙塵三萬里柳岑 濁酒一千

觴紅葉村邊路少玉 青旗水面航鳥飛聲不斷柳岑 爲我奏

伊涼少玉

摩詰山居秋暝

漠漠雲飛鳥柳岑 盈盈月近城渚煙籠蟹舍少玉 江水應懸

更秋色干林黛柳岑 鐘聲一杵清好尋樵父話少玉 相與把

舊德集十

七

杯傾柳岑

襄陽夜渡湘水

水深湘岸曲柳岑 孤棹任遨遊月照平沙雁少玉 蘆藏淺渚

鷗遠嵐三楚接柳岑 漁火一星留客思浮雲外少玉 勞勞往

事悠柳岑

達夫使清鑿軍入居庸

行行關塞路柳岑 策騎入雲低秋草何年綠少玉 嚴風向暮

淒沙飛孤月暗柳岑 笳動萬山迷瀚海桑麻少少玉 誰云物

我齊柳岑

嘉州送張子尉南海

薄宦嘗親老柳岑 胡爲萬里行山川添壯色少玉 煙瘴損風

情日落滄波渺柳岑 舟移海宇清將何宏遠略少玉 國計費

文房過顧山人橫山草堂

曲徑少行迹少玉 蕭然去更遙欣看茅舍近柳岑 不見酒旗

招窗宿梧桐雨少玉 溪橫楊柳橋環山青萬里柳岑 目斷幾

峯巖少玉

仲文送夏侯審校書東歸

三山微雨裏少玉 江水送寒流一棹秋風穩柳岑 雙鬟永夜

憂窗虛迷翡翠少玉 詩捷走驂矚明日知何處柳岑 杭州又

越州少玉

飛卿商山早行

曉星千點亂柳岑 殘夢據鞍醒柳折灞橋曲少玉 馬嘶秦塞

營溪波青玉鏡柳岑 鳥語紫鸞笙無限江鄉感少玉 詩情付

旅程柳岑

巖夢游傷春

匹馬事行役少玉 鄉心旅夜多風光隨路轉柳岑 春興讓愁

磨燕怯花迎雨少玉 人慚鬢映波我情何日遂柳岑 起舞發

吳歌少玉

江南村太令壁 家在江南黃葉村圖

幽居十載掩松扇城北橫岡入望青二頃每懷蘇玉局一邱

終遂謝咸亨文章江左推壇坫往事棲賢說典型圓官進賢

落葉半牀花滿屋寒鐘社酒樂談經令時作

寄嚴峻雲崇德二首

豈是林間懶拆書幾回忘却報雙魚愁無邊老貯經笥亦廁
棲筠講學廬余適館李小湖熱念不隨流俗競索居端為利

名疏知君坐擁百城富安得相從討石渠

回頭海角論文日電掣雲驅歲再更乙亥冬同襄莫擬青春

各年少誰令白袷尚書生蔣王山下芳草歇召伯湖中明月

橫悵恨一江界南北相思不見酒孤傾

種蕉學書圖

素公大草希二王瘦肥齊騁借願張就中學力乃獨到零陵

萬葉松煙芳綠天百丈圍僧房老僧筆破雲藍光奔泉抉石

掣不得迄今如見驚龍翔互垣新種青干童油衫宵卷涼風

涼博山鑪燒沈水香臨池神注壁垢動暮蛇一洗坡谷病

雨後步至書局訪劉恭甫明經書曾同登飛霞閣贈恭

甫兼感舊游二首

雨霽欣草木風澹息氛塵終朝跼學舍駕言尋幽人齒蠟靈

運履角墊林宗巾啟扉一握笑堆案書鱗鱗論文溯遷固辟

支刪荆榛慨世罕樸學吾道方斷斷倡率良不易力乃迴千

鈞鯁生初慕古亦欲甘廉貧願君具晶飯為析儒墨真

茲閣夙所登十載去如箭山仍昔年青林增今日禱同游二

三子宿草秋墳徧謂許少玉獨有剛水翁尚遺標題粲莫個

榜尚既切嗣宗悲復深濟仲歎白衣倏蒼狗真妄俱泡幻撫

景嗟勞生未覺風塵倦滯俗無乃傷枳鸞等蒿鴉何當藉半

半

楊希蹤華陽彥

寄林頌夔擇焯

灌夫坐貪飲東坡思能詩於物有偏嗜乃為造物咎奈何負

美疾不尋折肱醫情至令莫禁意摯理無違林子居松柳久

矣吾心期去年來秦淮殷勤索我辭君猶六月翻我誠三北

師立名苦不早掉舌思柏耆平生少年氣抑挫幾靡遺終朝

勞齋鹽已蒙頑鄙嘗夙諾曠未報中夜心為追秋水平三江

鱸魚初肥時喟然祝加餐五字緘相思

汪仲伊宗沂藏紅尤山館印冊

汪侯堂堂天下士經術淹徹輕暈董平生乃抱藜藿心已將

百憾散毛孔故鄉新安大好山俊異由來成傑躡奇境月塔

仙鏡間誅茆韜迹志尤勇十年江上塵勞羈歸夢繞巖中宵

竦族先昔有快士翁名區所歷鐫繁總偶然遺編獲半冊如

觀卅峰雲海湧此卷皆黃山名勝遂初未賦念差適譬彼賦蜀先割

隴吁嗟富貴徒紛紛快意還同蘭上蛹何時從子容成臺鳥

升免降參真永

自作畫

小亭斜著青松陰飛泉百道知山深峭石壁立類削玉枯樹

剝出如抽替清游有客攜詩筒扁舟無帆不要風疑是昔年

經過處稀歸西上峰叢叢

李越山莫愁湖圖

故老都隨浩劫盡新圖端為舊游栽豈獨俟青浦湯雨生雨

雨

詩叟不知今日尚樓臺

乾坤故物湖山麗今古浮雲冠蓋新名將美姝留萬口多因勝地屬詞人

三十初度同人以酒食相遺賦賦四首

夙世龍吟水上人九千行脚卅年身論才且愧支離叟學道方疑澹泊神一羽載躬終是福二毛侵鬢不嫌貧余髮歲華早白袞袞追風馬回首勝衣似隔晨

晴云經術便為郎漢代流風未易張著論陸機仍野服讀書劉峻况殊鄉詎期寒穴因人暖為惜春光作意狂盲左充囊塵垢久要將舊學與評量余十歲便熟左氏今久不習

舊德集十

上

何因賦魏收說世語防達縮鼻立身記早計擡頭從來窮達非人力火色鳶肩未必侯

正筮需文九五言果然薑薑饋炮燔翻觴向被神仙笑得酒不妨賢聖尊信是安車多長者並無華履曳王門五陵衣馬他時詠記取尋巢覓舊痕

贈郭晚香 傳璞

談經公倖獨耽隱工賦景純殊異才書到研微從砥錫詩成樂聖笑銜杯一灣碧吐幽懷契千仞金峨爽氣來君齋日金山館

會與東征執鞭弭新篇和徧向天台時將同游天台

次韻晚香發錢塘畱別遜侯家舅及同伯子縵幼亭

君定前身願虎頭山陰道上儘句畱雲迷禹穴蒼松雨波靜

耶溪白菖秋願效前驅尋舊夢仲春曾游越郡不須津吏問從由使星南指剡中路謂舅氏少司空青雨隨車潤似油

次韻晚香西興

鼓吹夕陽天迎賓小驛船雲容垂遠故人語隔秋煙柝擊長街肅鐙懸使館獨欣前事在郭李說登仙

柯亭

錢清直上廿餘里懷古江亭朝日遲書寶論衡成祕本碑嘉孝女賡慶辭要知笛竹世恆有獨喜中郎意不私多少良材成瓠落空山風雨忍淒其

山陰道中

舊德集十

上

山水越州勝雅遊逢早秋峰高粗辨樹橋矮不妨舟禾穎碧於剪槿花紅欲流願癡今在否為畫林塘幽

卽事

中秋屈指十餘日殘暑肆虐乘炎陽任爾舟人苦牽輓我今方愛逆風涼

晚香既和柯亭詩復用前韻見贈賦答

著手妙文君自富搜腸拙什我偏遲森嚴旗鼓條侯壘騷雅源流屈子辭反正自慚才思乏背公敢怨有司私來詩有未盡真賞長

晚香復用柯亭韻和再疊前韻

但期一世鄉人善漫道十年宰相遜祇有安心初祖學更無梅邊寶酒辭來詩有須續迴波棹花辭之句鳩盤願獻闈中諺鴻寶休將枕

內私元圃夜光囊古錦藩身請恐獲梁其晚香懼內而破書甚多著作亦富

觀唐昭宗賜錢鏐鐵券券瓦形長角尺一尺八寸三分闊一尺一寸厚一分五釐重三

十二兩嵌金文共三百三十二

鍍金煌煌字三百咨爾彭城上柱國鎮海鎮東軍開府持節

中書太尉職勳漢鄧騭衛孔悝褒德策勳視斯敷有吉金

經千年懋典法器稀流傳重以浩劫遁獲浩既失復得非

天台州諸錢始南宋守器曰忱賢不卷翠華南幸稽乾隆衷

選拜進隨雲從

天章巍煥錫琳瑯使臣樹銘鐫嘉頌別一漆版亦瓦形製大御筆詩外木匣前學使徐樹銘製上題於平盧龍萬騎潼關

走藩臣跋扈龜泉醜河朔三鎮尤猖獗不反而反惟懷光人

舊德集十

臣謀反賜鐵券其辭雖悖非無見幾曾丹心貫日月必要信

誓兼金鍊我思昔日唐昭宗紇千山雀愁窮冬太師尚父王

行瑜魏王九錫朱全忠中原生民成瘡痍節度恣睢玩天子

董昌之輩不足誅大梁逆禍肘腋起鄭畋壁壘驚黃巢處存

赴難麾旌旄晉陽招討李克用死遺三矢忠肝昭矧此勇懼

錢塘潮誅昌定額精兵饒河山帶礪銘勳高胡弗驅馬入淮

汴朱三之願力可斷胡弗連兵楊行密斫頭穿眼仇奚益乘

亂獨為割據謀母乃鼠竊兼狗偷可憐江東一羅隱曲諷勤

王志悲憫拜恩乾曾幾時名馬玉帶臣受之雖云屈節完

江表得勿慚對沙陀兒吁嗟乎取以為式號虓虎不學無術

笑洪武

巾子山

百丈飛泉懸碧嶂七層危塔俯平岡禪心孰果參蓮界景德寺前

有妙蓮法界四字故址今猶賸竹房徑繞微風松籟古坡涵曉露枳

花香摩挲寶祐殘碑字高閣當年接渺茫巾峰寺即翠微閣

元年知台州軍州兼內勸農事金華徐士稔重建翠微閣碑額篆文記分書

拗嶺

山以拗而奇文以拗而宕我笑王荆舒辭章誤宰相

釣魚嶺

無水乃云釣有才祇負屈縱已陟林端求魚奈緣木

次韻葉淮山大龍湫瀑

孰彌潭中老龍怒昂頭瀆漬飄長空千尋直下佩天劍一道

舊德集卷一

橫飛纏錦虹不欲摩巖審言續巖字曰審言來翻思築室詎那同

暮歸更語郭聞喜咫尺迴車在後侗晚香至彌刀

東甌懷古四首同郭晚香作

啟疆騶氏長蠻夷逐鹿中原佐漢基明德裔應馨俎豆炎荒

地自固藩籬發兵莊助功存弱遺憾吳駒怨見欺華蓋山前

修祀事豐碑猶志故王祠

富覽亭荒賸郭公山松臺日映鸞波紅南朝已是衣冠蔽東

海仍開郡縣雄雅韻客兒春草夢春草池在積穀山清游逸

少藕花風捷柁守土終貽笑謂盧欺亂還推宋祖功

海邦軼事攷叢殘圖獻禾芝四境安白鹿城高原重鎮黃駒

品賦入朝餐文章寶祐六君子陳直中黃鑑劉蘇林則祖氣

陳宗魯惟也見官中傳

節羅陽兩諫官吳哇晚唐人許景衡南宋人伊洛漫云周許接仙巖千仞

紫霄端書仙巖

蒼蒼海上上欽岑日落風帆白塔陰萬馬湖聲悲卓敬三磨

神夢感文林休疑橋下窺仙鏡底事泉邊斲素琴畢竟此邦

忠義著冬青樂府紀哀音謂林景熙

晚香以直幅屬書舊作臥樹贊且遺以詩次韻答之

昨借郭叟飛霞觀縱看華蓋之嶽崎高巖迹摩謝客字古柏

韻讀黃侯詩恕皆侍郎臥樹詩用杜老古柏行韻小文妄託三語據博識奚援

五總驅珠玉在前誠自報報章試祈儻惠而

次韻晚香桐梓山灘

汎海舶忘深過灘舟忌淺遇險百聲噪入隘一箭勉脛寒辛

舊德集十

五

應疑肩重稟亦俛洵洵水吞鯢齒齒石矜贊旁牽索慮戡橫

負具微輟垂釣感嚴情劄木搜軒典下瀨漢將卻望月吳牛

喘十里行竟日尺寸苦旋轉宗快良難求楚基知不免嗟予

入世塗舉足輒蹙蹇聊因故人詩狀此以自遣

嘉禾道中次淮山韻

臘雪經番歲欲更急催歸客並舟行連月與淮山離懷湖上

髭楊色鄉夢江頭亂葦聲休問酒徒燕市筑擬尋知己宋廷

筭宋文帝賜何承天銀裝第尸褻將母榮吾抱默數天涯放雁程

贈李秀峰秉時

日下君重歷君丁卯南州我昔游君家都昌交情逾十載佳

句足千秋劍信龍泉合臺憑駁骨收眼前朱勃器未是伏波

儻

魯酒傾燕市銜杯感喟多壯懷銷國士舊夢付春婆孺子亭

邊柳蘇卿祠外荷因君重回首三宿紀東坡

爲人題畫梅四首

縞袂林中裏佩環蛾眉天上影鸞鸞底須更作羅浮夢冷豔

狂香鄧尉山

雲階月地漫相呼粉本初描世外姝我亦孤山舊游侶神仙

眷屬羨林逋

冰雪清姿別樣嬌枝枝澹墨暈生綃一般根觸伊誰喻南浦

東風紅板橋

春色江南孰與爭神人姑射可憐生不堪暖日明蟾地鐵石

舊德集十

去

心腸宋廣平

周自盒師七十生辰獻詩四首次陶心雲韻

尚述蘭臺令史班功蹟大漠勒銘還師纂漢書補注實爲班氏功臣書徵楚

醴應稱浦漢書地理志引書又東至于滄作醴與史記同據

正義已索隱知卽楚詞所稱醴浦也鄭以醴爲陵名尚書

辨之詩識齊嶼亦號山志又引詩遺我乎獮之間館閣風

流前輩盛林泉著作此身閒服膺漢聖非今始儻許財成等

鑄顏

卅載恆依日月光投簪早向讀書堂人傳張傳能先退世有

于公定克昌樸學浮溪親授受師少時曾從于庭名篇柏根

示周行官京師與伯言梅先曾於侍坐披文籥恍陟金墀聞

玉箱

如玉休教說彼汾超然神馬與尻輪進推李杜文章伯退養

夔龍強健身碩望祇今崇大老和光是處見天真更饒紀載

傳千古掌故從來賴舊臣師雜著甚富

坐到春風禮數輕著書病後似虞卿南衡宜界鄴侯隱東海

咸欽玉局名朝辭使來必謝師求書畫願則書帷窺錦軸師收藏書畫極博已知

門弟廣簪纓從茲炳燭光陰永會受丁桓稽古榮

酬費肥懷念慈

君家東萊有長翁十篇易學文言通我家蘭陵有內史嶽嶽

申公詩弟子千載墜緒誰為傳授受要及西京賢高相法據

卦筮說大戴書載驪駒篇罔羅搜討貴無軼博綜始自隋唐

日昔者問故臨川門謂李湖師教以師法專家尊導源許鄭隸

舊德集十

賈孔近儒論纂乾嘉存乃如河伯觀海若百歲一經恐猶略

那劬已自懲書多王通還虞讓借作篤契數子真無儔孫氏

周禮劉春秋謂恭甫蜀岡今過絮酒冽永嘉昔別滄波愁來

言及比歲席帽寄京國人海茫茫疇孔墨鑰石乃令冒南金

荆山遂見連城泣憶從靈運識長瑜涵秋閣上騰豐觚半而

俄別劇悵恨益哉喜復同姑胥翁華擢姿展清宴尊前更萃

吳中彥酒律嚴如兩甄軍談旨妙儕三語掾歎我彈鋏羞馮

生客賓對燭寒蟻鳴經月不向城西去啟明出沒違長庚一

篇新詩初入手衝戛瓊瑤沫流口交游海內多瑰奇樸學期

余意良厚羨君才如截玉刀况君坐擁百城豪曲臺后蒼大

官庖來詩謹近將疏小載箋疏典與挾紛吹鱖生識業那足省公羊小

家等賣餅

舅氏張少宗伯輓詞二首

風義雍容舉世傾何庸赫赫說功名尚餘舊治傳三輔曾為京兆

尹嘯信仁人遽九京秋士尊鱸虛風抱公嘗有退志春官桃李盛

門生帝閣無計捫星叩楚些招魂涕泗橫

昔別尊前剛夏五猶云相見約春三無端欲去揮清淚豈識

從茲隔勝談南省官能終趙秉西州路忍遲羊曇雨聲黃葉

蘇臺下回首行窩百不堪公曩居為宋雪帆侍耶行窩

呈醇親王二首

天才聰達重屏京慶毓珍符拱治平九萬狼隄歸鎮衛三千

犀甲仰經營論文逸與招枚叔設醴隆施到穆生謂族兄嘉玉宋

舊德集十

室濮陽奚足擬歸然勳德大橫庚

賓接微僚禮數寬倍憐萬里歷艱難自從風引蓬壺渺祐孫丙戌

殿試間已列前十名有讀卷大臣見用減敢怨霜嚴關塞寒

北海親賢殷好士西戎校尉愧彈冠何時報

國甘陳傲竟發烏孫取可汗

宴集崇效寺賞楸花一首并引

丁亥四月二十六日沈子培比部子持庶常李越縵王蒿隱

袁重黎三同部邀同從兄後珊陪黃漱蘭大銀臺暨公子仲

張編修游崇效寺讀青松紅杏圖時鼠姑已謝楸樹方花子

培索圖記之接爾雅楸類釋者不及花昔見巴慰祖寫祇花

正似疑稱名謠誤然楸祇音似相近亦無確證以申之爰系

小詩妄進一解

載酒游精藍韻事名流介高樓臨遙曠超然謝天城林扶城
堞迴雲卷山容泰鐘聲吼蒲牢一一聞梵貝在昔老比邱遺
圓牛腰大展卷睹故人題詩寄慷慨謂文芸所題句劇談資畫永
俗慮頗滯汰繁英垂古柯靜豔拔埃壙援名蒐雅故此類椅
梓最釋或羅塵散錄罕律芳禍曩見祇林圖厥範紅藹藹坐
想兜率宮天女散如芥疑茲佛國種移根流沙外故能壽而
華體不金剛壞郢說實匙徵合關如蓋貌景聊就質考訂
行祕句

題張樵野少司農運甓齋話別圖

用圖中靈字韻

才挾五嶽驅八靈文章論蜀恢遯聆罷廣李白采石句思拓

舊德集十

九

令史燕然銘三十六國紛來庭銀河迭矚鋒車停唐恪撤衛
李瓌揖關門奚特泥丸扇二萬餘里夷唇展幣拭圭馳颯
輪更跨西海馭米雪瑪璫鏘瀉蒲萄青殊鄉苛例殊不經捆
載迫止百越胎擁節要約喻威信矢草桀黠滌羶腥專對之
偉聞

天廷陳書瑋瑋窮厥形

公有進呈日記

方今大農兼典屬沈豫

設施靈甘零憶昔寬田恣游訪

昔游俄至裏海即元史之寬田吉思海也

曾考漠

北服匿瓶道踰風塵竟二載綠莎未識河中廳俄屬裏海之東爲西遼河

中府惜未

展卷感念望江叟

圖爲祝翁

當年惜別愁雲辨願

祠雅繪椒繁馨

丁亥夏翁在都因祠文恪師之請主祀願亭林先生亦曾陪從翁作圖紀事存祠中

清言松下無由聽噫嘻肇春令甲布流天照曜合譽星

次韻宋芸子同年育七消寒畱別同人卽送贊使英倫

我今止酒獨酒連我今寄慨黃公墟劇疾更生慶此日還從
諸子狂謳呼伊誰持節浮西海開諭威信今相如壯夫之志
在簡里快哉餞飲頻催酷博望定遠何足數敦槃旁取弓彤
盧一帆直度師子國炎蒸紅海鶯陽島俄頃冰霜齒牙繞長
筵左右侏僂徒開操修史如椽筆翩翩書記騰七蘇默覘彼
國情勢頗要有囊括四海圖縱橫術噉蘇張粗歐亞將使通
風衝三島神仙雲中下盡化瞿瞿而狙狙聖人能慮不能至
茲乃履坦無腳踏昔吾遠游徒自放敷張偉議惟君須獨念
遂逾亞丁島袖中詎止錢塘湖勸君勤讀旁行書勝斬郵支
及溫禹崑崙金玉幸勿羨計臣之計終疑疏

舊德集十

十

舊德集卷十

劉

陰字佩宣陽湖人... 張文虎撰序歲序... 交明年春得書... 自其遺稿然後... 也士不得已衣... 苟不足猶不免... 論或稍識字日... 爲何事米鹽凌... 職食其方寸亂... 閒畢力於學問... 憤之聲與村橋... 讀之隱然見陋... 試仍被放又連... 橋人已手編此...

日精練之誼可知也... 蓋古梁鴻孟光... 此少薇之言曰... 悲已強困作噩... 願槐三撰序大... 跋從古星娥上... 終返清虛之月... 人景娥孕質結... 藝早玩睡經風... 情託財幣者壯... 品識陶謙於總... 妙質本不謂乎... 報聘孺人乃毫... 作馬芝申情之... 脩之婿費下展... 脂盞勻紅碾陰... 飲之下酒惟碩... 香之降張碩彩... 壁梁鴻寄廡仰... 門外之車轍常... 擘以佐酒漿撤...

豈惟鮮交誼之聲... 照酒塵而孤心... 靈均不免娥眉... 而乃玉龍騎折... 楊一雄彌指非... 舉之嬰心感威... 降自不交盟構... 次骨立矣沈沈... 蕭蕭調壁問天... 征靈時遂成永... 棺無通替慰體... 音塵已隔每值...

古詩

風詩十五國半出... 兩大稊米在太倉... 素生清香傳世豈... 玉成石先缺絲成... 宛在塵粉情割愛... 之詞雖抑情割愛... 存屬余撰次知長... 而始淚潮紅作小... 諸石火仙官眷屬... 去也徵大覺是編... 既靈膠之可通操... 不許爲詩弟子儻...

可期何必謀瑣屑圭璋煥明堂錦繡耀旌節還問玉與蠶寸
心定愉說自古保身人豈必盡明哲

東鄰人衣錦西鄰子無襦只此一牀隔已覺寒暖殊而況九
州大萬事何所無膠柱而鼓瑟磬磬徒拘迂拜地可得水格
天可雨珠此中悟消息差許稱通儒

大塊鼓噫氣萬彙生成多當其缺陷日補之煩女媧可知數
所定天亦無如何論事倚成敗英雄遭折磨欲返日三舍除
是魯陽戈

美女篇

寒梅著花時美女多所思思作中秋月浮雲不能欺思作妝
臺鏡纖塵不能迷勿作釜上蟻附熟成灰糜勿作機上杼聽

舊集十一

三

人爲轉移富貴人所欲貧賤人所悲衣手勢難久幽香發多
遲安得伯鸞婦復起爲文師

長歌行

青青松柏枝獨耐歲寒時斧斤且旦伐強幹亦奚爲與其生
大路何如生山隈山隈多雨露歲久無人知大路在戕賊不
及蒲柳姿

白頭吟

新花開故枝舊花落多時耶今勿娛嬉聽妾前致辭妾爲耶
後婦恃愛忘妾醜耶心實妾懷妾心印耶口東市買明珠南
市買羅襦西市買美酒北市買銀釧膏澤面膚說衣食信無
缺長跪問前妻請耶一一說前妻來歸日值耶貧賤時無蘇

炊屨屢無粟朝忍飢畜妾今日富忘耶昔日貧豈惟忘昔貧
并忘舊時人舊人爲耶死死後幸有子勒耶續絃膠家事須
料理瀕危執耶手惜此呱呱兒棄置從後人生死從爾爲妾
身付泉壤妾魂守家門孤兒眼中血新人掌中痕耶言聽去
終新婦聲暗吞結髮尚寡恩新婚何足論願移愛妾意先慰
泉下魂

飲馬長城窟行

月落天未曉夢醒聞嗚鳥嗚鳥一聲聲觸動玉關情玉關春
氣寒遊子跨征鞍故鄉歸不得上馬且殺賊殺賊博封侯生
還應白頭紅顏坐衰朽君歸妾在不君當奮雄飛妾行守柴
扉柴扉行跡稀志卻春芳菲堂上親在闈堂前子牽衣願君

舊集十一

四

勿相憶妾有流黃機

昭君歎

明妃生長荆門時布裙照耀傾城姿心高不肯廝養嫁年少
常期天子知漢家天子勤宵旰後宮佳麗無心玩單于賊入
雁門關羽檄紛紛常待旦待旦何人侍至尊三千宮女競承
恩可憐雪貌花膚女閉置長門有淚痕淚痕終日對東風月
落烏啼朝暮中春光不管垂楊碧秋雨誰題落葉紅千金恥
買相如賦况肯低眉暗行賂畫工能竊太阿權顛倒媿妍君
勿顧羸得烏孫下嫁名天顏慘淡在臨行早知我見猶憐汝
卻恨圖窮已誤卿卿辭漢殿向黃沙回首長安不見家淒絕
城頭吹篳篥愁來馬上撥琵琶琵琶幽怨分明語碧眼胡兒

淚如雨六月邊風愁殺人雪花如掌當風舞生作紅顏命眞
薄死雷青冢土還香青冢年年鴻雁過願將妾意報君王
王若紀和親績妾抵燕領平異域麒麟閣上寫蛾眉翻使丹
青有生色

團扇篇

團扇承恩日妾心清似湘靈瑟團扇捐篋時妾心愁如寡女
絲不愁妾命委泥土卻愁君室搖風雨君家昨成白玉堂
涎燕尾棲雙雙堂成本是長孫子那知燕子工啄矢燕燕啄
人勢如虎君尚憐他掌中舞含情欲向君前訴轉恐君疑妾
心妒手持團扇不忍看長門長信秋風寒

江南曲

江南柳絮飛飛飛莫上征人衣征人衣破時歸未歸

行路難

難莫難於上青天青天無梯可昇仙難莫難於入紅塵紅塵
無路可側身側身向東行東方杲杲日未明側身向西行
方陰陰月未生側身向南行晚人山鬼嘯出聲側身向北行
當路豺虎縱復橫何以爲車堆黃金黃金斑斑多好音何以
爲馬穿神鍼神鍼引綫能刺心何以爲媒道醜烏醜烏能令
老鴉笑何以利見夜爲臺夜臺能容沒字碑從此羊腸鳥道
風雲通瞬息千里去如龍

長相思

長相思路漫漫欲飛上天無羽翰山高冥冥風又寒征鴻何

日還長安書來爲君勸加餐

望行人

登樓望山山不斷山外有天不許看何當五丁力開山青天
盡置眉嬾間眉嬾間無復舊朱顏朱顏容易老行人何日到

采蓮曲

江南采蓮花江北采蓮子是花所成花開子在藥江南采
蓮花江北采蓮葉葉與花相扶花殘葉不接勸君采子采葉
莫采花采花日已斜

春江花月夜

春江江水搖天明江月初生涵太清月印江心江湧月一片
春江畫不成春江江上花初發花影低徊待明月月攝花魂

舊德集十一

六

流入江逆作銀九成月窟江天晝暮雲收此際蛟龍不出
遊斂宅夜寒珠有淚錦帆天遠客歸舟歸舟頃刻行如駛十
年不見長千里今夜春闈花正香夢墮江鄉月沈水水涯同
此夜迢迢別有離人魂暗消花月爲人愁減色春江催別夜
生潮潮生人去月將斜游子江關苦憶家可憐茅店春分月
不照蘭房夜合花花枝雖好不常鮮人生聚散自年年東流
江水無窮盡爭得蟾光夜夜圓朝來鳴鳥感春深也向花間
送好音似說江頭春欲去似知春去月無心江月茫茫自今
古何人老不成抔土手折春花江上行江波夜靜聞更鼓

春日登樓

有意遣春愁湘簾挂玉鉤近城煙火密列市酒旗浮一望碧

無盡四山青未收催歸聽杜宇明日莫登樓

征馬嘶

邊塞草枯處將軍乍列營驚駘甘戀棧驥願從征戰死骨
難朽生還功已成昂昂千里去不帶別離聲

古藤書屋弔東坡先生

建中靖國元年坡公自海外歸乞居常州寓顧塘橋
孫氏宅以是年七月卒今方氏古藤書屋即孫氏宅
也七百年來不知更幾主人矣

端明曾小住宅在水雲湄儻耳頻年謫我眉故國思乾坤窮
此老烏鵲弔空枝月下重相訪藤蘿似古時

過青山莊故址

詩德集十一

七

歐北集青山莊歌有畫寢香消空堂氣冷之句當日
莊雖入官寢堂尚在也今則鞠為菜園漸成墓地以
視歐北賦詩時又何如也

荒莊變墓田人指舊平泉卽此流螢徑曾開射鴨筵花神無
片土見歐北集園戶絕多年興廢非天意方知疏傳賢

秋日舟中

落葉正紛紛秋聲是處聞農忙喧早稻市小趁斜曛蟹籩編
如織密煙起似雲平蕪柳極目殘綠學羅裙

苦寒

欲雪不得雪寒風徹骨侵擁衾成潑水惜火勝兼金瓶膽無
端裂蕉心何處尋鴛鴦餘半幅凍指畏拈鍼

哭從妹佩芬

妹以家貧幼畜於同里張年十二張翁即聘爲子貽
謀室年十七成婚十九貽謀以療亡妹持喪及期吳
卒姑老且病無子爲存一詩以俟采風者

幼作出巢雛中途鳳又孤早知生薄命決計死從夫堂上孀
姑在衰年兩淚粘旌門他日事泉下也知無

赤壁

萬弩臨流欲斷潮連環一計舳艫焦運先西晉成三國天遣
東風護二喬半壁撐知吳地險滿江紅勝楚人燒英雄贏得
坡仙笑鐵板歌成斗酒澆

春雪依韻

詩德集十一

八

風雲色已換殘冬卻鎖韶華一萬重楊柳依依將送別梨花
寂寂莫尋蹤無邊光景搖銀海有脚陽春跨玉龍若使朝曦
能借力願爲膏澤慰三農

一樣風刀剪不齊紛紛六出自東西非關礎潤蒸成雨卻恐
霜晴化作泥買笑筵難招月姊相思魂已瘦梅萼鳴鳩那管
人憔悴誤記春陰歷落蹏

玉峰殘雪尚嵯峨御喜連旬漾白波天意欲遲花世界人間
畱住粉山河賞君預借元宵節有客偏高刻羽歌送暖推寒
非易事欲張廣廈力無多

莫道人間拾翠忙大羅還自舞霓裳都疑潤灑三秋露豈有
冤飛六月霜泥我馬蹏歸帶溼冷他鴨睡騰餘香朝來百鳥

嘯聲寂爲有青天白鳳皇

遙望迷漫失素鷗暗添新浪碧於油柳腰欲鬪紛垂手草夢

初回怕出頭幸我文章非曳白賺他老子暫披裘一團團舞

渾何似沈醉三郎去打耗

病中

幾番伏枕思茫茫此病空將藥餌嘗哭子怕看雛燕壘思親

嗁斷乳鴉腸鷺儘苦被千絲縛鶴瘦惟餘一頸長聽盡階前

秋夜雨五更燈火亦無光

寄外

勞能生善古人思夙奉曹家作女師績紡夜深頻顧影窗櫺

天曙早寒帷替未掃三三徑絲萼能開九九時荆布自甘

舊集十一

九

恬淡意敢因柳色感春遲

我娛親老手調羹君向書田莫嬾耕素志原非望溫飽男兒

分合立功名轉憐切責牛衣話翻少柔腸鴻案情旅館有誰

來共語朝朝應憶聽雞鳴

子夜歌

翦妾衫上袖補歡衣上襟歡襟連妾袖他年思妾心

人道蓮花香不識蓮心苦朝露綻如珠零亂成秋雨

天上雙鳳皇人間雙鴛鴦人間與天上兩兩各成行

偶成

有書意難盡無夢心轉安悟徹維摩理初生月似殘

春去

游絲和絮亂嗁鳥戀花稀長晝原如昨春從何處歸

題畫蘭

臨風香欲沈著紙春有迹美人峻丰裁高倚一片石

守宮

三十六年中秦宮驗守宮驪山殉葬去猶借舊時紅

古意

蘇武雪中甕李陵臺上月河梁送別時知心未知骨

西施

吳越春秋逸篇云吳亡後越浮西施於江令隨鸚夷

以終鸚夷指子胥言越沈西施以報忠魂也自杜牧

誤以范蠡之鸚夷子皮當之遂有五湖一舸之訛是

舊集十一

十

未見墨子之西施沈其美云爾因才子無稽遂使美

人抱屈矣若夫子胥忠於吳西施果亡吳霸越亦越

之忠也曷爲沈此以慰彼耶詩爲芒屨解穢并鳴不

平

夫差鑄錯在荒成不盡城因一笑傾到底邱明眞信史未將

吳沼咎卿卿

清歌妙舞館娃宮能使吳僮迫甬東合把黃金鑄紅粉緣何

烏盡竟臧弓

綺山明月夜團樂茂苑春深不覺寒爲問捧心因甚事舊君

嘗膽妾承歡

甲楯長嘯竟入吳是誰教鹿走姑蘇鸚夷也付胥江死湖落

羞逢伍大夫

絕代佳人葬淚花幾曾含垢抱琵琶范蠡亦是奇男子肯學
監軍愛麗華

讀史有感平原君為門下客殺美人事漫成

美人度曲士援琴同向人問覓賞音聞道花殘綠一笑儻真
國士定寒心

為雷珠履斬蛾眉彈劍門庭洵足奇雖處囊中仍碌碌兵符
救趙仗如姬

邯鄲吃吃固金湯雀鼠何曾報絕糧千古紅顏甘伏劍圍城
殺妾有睢陽

水仙

舊德集十一

十一

簪弟梅兄品尚差渺如姑射立窗紗肯將水上凌波步來散
人間女史花

石榴

自然四照有榮光不借燕支不借香莫把真人呼阿醋看他

百子衍星房

玉簪

莊嚴季女閉衙門雪魄冰姿白鶴魂只恐西風吹太急玉階

敲斷玉釵痕

忍冬藤 即金銀花

記得炎天香氣濃深黃淡白繞如龍蓬門不識金銀氣換取

芳名作忍冬

木香

素面朝天秀可餐錦棚兒付掌中看如何一樣飛香雪輪與
梅花徹骨寒

抹利

暗麝分來媚洞房玉搔頭趁磨人妝江奎在自修花史小王
呼他第一香

詠明逸史

長公主

破鏡休言缺再圓神傷精衛恨難填
與朝恩澤高千古彰義門前

賜墓田

舊德集十一

十一

卞玉京

翦就黃羅服已更夢中蕉鹿有餘情琴聲彈出南中曲愁殺
滄桑老許衡

李香君

姓名香附黨人留燕子箋輪燕子樓聽說相公新按曲小朝
廷上月當頭

柳如是

尚書老壽偏難死侍妾孤魂化杜鵑青眼從今開不得悔將
春思問榆錢

陳圓圓

只為紅顏負國家間關生死出塵沙將軍已拜平西爵賤妾

終非陰麗華

悼亡兒旦雲

空說懷中玉燕投一暮纔過便回頭重開白首腸都斷我縱
傷心淚敢流

生來六月識之無其說聰明掌上珠早識曇花都一現何如
生子任癡愚

寒宵續紡暑纜絲那有工夫更弄兒今日思量慚鞠育任伊
嗟笑沒人知

誰憐鬼小爲招魂點點流螢盡淚痕昨日粵西王父信殷勤
葛里問桐孫

宮詞

舊德集十一

七

水晶簾外引春風花爲承恩頓覺紅博得天公開笑口玲瓏
窄袖試調弓

何必金蓮步步生桃花無語自含情近臣新進江南曲譜入
雲璈別樣輕

蟬翼新翻漢殿妝有人團扇自淒涼官家不射長春鹿一箭
憐他母子傷

早秋憶弟妹

橫空鴻雁惜分飛不見春暉見夕暉鬪草禪碁都在目小時
魂是夢中歸

枝頭結子復成陰愁賦秋來落葉心鏡裏容顏看慣我不知
憔悴變而今

寄翁儂蘭表妹

與君碧甌便忘形屈指分離六載零可記甲申三月半兩人
攜手數春星

僵蜨

也曾花底效溫存小逗輕羅落粉痕夾入破書拈上畫何人
翦紙爲招魂

胡瓊瑤浙江山陰人胡宗堯三女縵邦基聘妻因兄胡燏
基毀婚另字服毒自盡光緒丙戌御史殷李堯奏
請
旌表

有感

寂寂空庭月似梳徘徊竊自憶當初階前攜手看飛燕窗下
談心伴讀書春去惜花同感慨秋來賞月每唏噓從今破鏡

舊德集十一

七

無圓日想到多情淚滿裾

絕句

二十年同夢一場思前想後斷柔腸而今永別無他贈一縷
青絲字數行

十指纖纖敢自誇朝來刺繡晚描花可憐轉眼成枯骨寫到
傷心淚似麻

雙親違侍已多年恨不能飛到九泉身後君家休詫意此心
本不願人閒

寄語

聞道多情因我瘦恐將志氣日銷磨人生有命何須慮寄語
光陰莫浪過

絕筆

人言月老最多情底事而今智獨昏剪斷紅繩吾去也靈魂

終到繆家村

聞君家祖墳及祠堂均在江蘇江陰縣之繆家村中

記得昔年慈母在朝朝課讀女兒經敢言終未違親命至死

從君不二心

不必狐疑不必癡此時不死待何時妾身只有天知道白璧

歸來未有疵

富貴榮華非我願此生最喜是芳名輸將一副骸和骨贏得

千秋道烈貞

舊德集卷第十二

繆 燧 見前

定海縣志序

西鐸周君創邑志不數月即遷秩去雖規模粗具而求其信
 今垂後正有未易言者某以寡陋適承其後每從簿領之暇
 注神竭慮廣諮博訪覈故實定經制欲補周君之所未及而
 彙為成書乃遂巡日久而迄於今閱年十有九彙凡數易而
 始告竣蓋志之作也凡山川風土禮樂兵農古今沿革事變
 至繁極重本不能一時釐定垂諸圖牒而兄弟之邦凡百
 出於更始者乎此某之所以惴惴是懼也甘濡滯之愆而不
 敢苟簡以從事也夫政事之成其始必有所甚難而後著
 為成法乃歷久遠而不至於速壞不觀富民之起家乎方其
 創業伊始經營締造未必百無一失也及歷試諸艱而成敗
 利鈍之數瞭然於指掌故稍稍就緒始舉平生之勞心焦思
 辛苦以有成者如租賦錢買僮指器用簿冊之類靡不筆記
 以貽其後人夫治邑猶治家也志新治之邑猶記初造之家
 也震撼驚悸之所歷艱難勞苦之所嘗精神慮慮之所殫苟
 非累歲月以圖之豈遽能綜理條貫一一可指數而籍記乎
 某幸獲久於其職勉循
 聖訓以牧民而又推各憲宣布德音之至意惟憂凋瘵之後
 生聚未蕃休養未至墾闢未廣防禦未周風俗人心未正蚤
 夜圖惟不敢苟安則夫據事成文而迂遲委曲蓋由此也然

舊德集十二

一

何敢謂果能該括當意可信今而垂後也哉亦惟往復慎重
 要實求詳以備後人之蒐采以成一邑之典故或於此見端
 焉耳嗟乎自載籍以來郡邑何在無志其最善者獨稱楊升
 菴之志蜀趙浚谷之志平涼為其得班史之體格兼歐陽之
 文章也而此又何足云

沿革說

郡有甬江而甬之東即定邑也未置郡之先甬東一海中洲
 耳自秦至漢即以甬東名郡置鄞鄞句章三縣在定邑之實
 為甬東者猶未分疆置吏也唐開元中始名翁山與慈奉並
 列為縣旋棄於大開至宋熙寧間重建昌國割望海以益其
 封元復升為州逮洪武而又廢設衛立所附於象山而繼隸
 於舊定海焉夫以東南要害之地倏置倏棄久不得定矣茲
 苟
 聖主賜名之重貽小洲以盤石之安金城湯池永建不拔豈
 非遭時極盛氣運使然乎然今日之鎮邑向亦名定海矣海
 定則波寧且申其義以名郡而要之海豈易言定哉風逆波
 揚其蕩於邑者且不於舟山止也而有險可守有兵可防闔
 紳捍收圍於外宰令輯民人於內得藉
 天子之聲靈以為東南鎖鑰則海恬風靖而定於邑者實自
 舟山始矣享王商賈紛來雞犬桑麻四鄉安堵向之棄
 為荏苒者茲且為儲胥而山峙水環莫不安於光天化日之
 下斯定者誠定而

舊德集十二

二

睿慮改名非度越千古之舉乎余博求掌故既慨前之建業
難久復幸今之風波永定也謹臚列而備著之

山川說

自古稱山川為地險故管城邑置關隘相度阨塞必襟山帶
河一山一川皆形勝所在可倚以為固定建治在海島中尤
非尋常形勝可比矣夫百川咸匯於海故海以外無大川而
高立海面之山則如碁布望之懸崖翠聳聽之崩濤擊撞則
千仞之壁環萬頃之波地未有險過於此者也有近境之山
川有外洋之山川在近境者或方廣可田或深遠可慮密林
灌莽之中率皆居民聚處此山川隸乎邑治者也在外洋者
為貢道所經為商舶所歷窮島孤洲之所為瞻望巡哨之地
此山川屬乎汛防者也是故國皆以山川為重而定邑之山
川所係尤重也且夫今之郡縣即古之諸侯魯頌之命侯於
東則言錫之山川而周制以封內山川邦君皆得祭告一有
司土之責非獨民所依亦為神之主故予志山川倍加謹焉

形勝說

言他邑之形勝以地言定邑之形勝以海地則扼塞有盡海
則浩淼無涯其勢不同翁山孤懸海中據險而成邑城以外
皆海也城以外之諸山皆際海者也舟艦所至潮汐閒之風
濤撼之亂礁逆流又掀簸震蕩之險莫有過於此者夫險則
易於藏奸難於列戍險則易於飄突阻於窮追就近境而論
東為沈家門西為岑港南為旗頭北為馬目此皆險要也

舊集十二

三

界在境內猶易守者也遠而至於羊山大衛遠而至於馬蹟
蘇實又遠而至於盡山花腦今作劍石林立鯨波飄湧立堞

則舉烽難望維舟則觸矚易傾此險要之當守或在在大洋或
屬外洋而實未易守者也易守者不容忽視難守者尤當
籌是故形勝之遠近不可不周知也懸海建治江南則有崇
明浙隄則有定海兩邑形勝略同第崇為長江萬里之門戶
其捍衛在內地定海為東南諸省之門戶其捍衛及外島崇
為四山封疆其要處在高廖二嘴定則嶺巒疊峙四面皆障
防維其要處未可一二數且崇建邑三百餘年經營修治業
有成迹定當新復百廢粗舉保障東南者正宜慮慮於未防
焉是故形勝之異同又不可不較論也燧臺守茲土歷有年
所凡浪舶風檣往來身親之地亦云多矣然目可遙睇地難
徧歷往往望洋而興歎竊恐後之蒞事者視為海外孤城治
止不復講形勝之要而馴至於衣袂失戒也爰撮其大
要附著於篇

田賦說

明代條鞭之名酌古而歸於畫一因地定賦取民有制我
國家所以因之而不變也定當遷鎮之後流庸方集舊時田
土先為營卒所僭民曰此我故業兵曰此我新開獲奪相
容主難辨歲徵之數比原額減大半及予下車多方疏理須
業息爭因而勸相勞民俾各盡力於南畝然而操耒之農或
隻影單丁依棲無所或扶老挈幼飲泣不言加以剝棘誅

舊集十二

四

苦辛萬狀予當是時方緩恤之不暇豈容急於徵求頻年以來家室稍盈課額漸足第四鄉之中猶有雜草其宅況塗田蕩田之濱海者未盡可耕也四野之桑麻未莖而農夫紅女未勤率作也於是賦額難定之詳有隨墾隨報之詳有田地升科永無增額之詳有聽外邑認墾築塘修硤之詳民始安其土而樂從所便力其私而先輸於官負擔之租不迨催科之考不下矣其最為定民計者煙戶之煮海未有也忽而熬波撥下則民大有累爰為按丁包課以杜之本郡之貿易其常也忽而關市索錢則民又有累復為設禁勒石以除之夫此地之民祇藉力耕為業遇歲歉則正供猶虞不敷況益以鹽引乎涉險負販不過利覓蠅頭同屬鄰民豈鄰邑無關津之害而定獨為厲階乎故於此兩者綢繆預計嚴於方始遏其將來區區之心惟期興復之速成樂國而慶居耳若夫務材勸農撙節愛養封圻康而蕪田盡闢生齒眾而比屋可封則

水利說

志水利凡為農田計也瀕海之田變斥鹵為膏腴者以有蓄洩之水也隄塘以捍其衝激則怒潮不能入硤間以時其啟閉則靈雨不為災自張家關開於宋平水開創於明邑中數千頃之田賴以溉種四鄉各畝分流環注如白泉湖黃馬溪而外為浦為港所在多有而土壤滋沃不虞水漲而田坵者皆賴隄塘硤闢以蓄洩之而已嘗覽郡志竊歎鄞之廣德湖

舊德集十二

五

廢鎮之顏公渠塞而憂旱殊甚水利之難於經久大抵如斯定邑田未盡墾地有餘利相度周防要在循次而舉行之庶無令鴻隙坊陂專美於漢代也

學校說

甚矣興建之難也定邑立學始於周君時雖官給工費然距建治時已越數年予繼周君來初謁學誅茅荆棘祇有大成殿明倫堂及啟聖宮敷楹而已海風搖動漏雨淋漓茸理者無幾歲每念萬仞宮牆規制未備何以為久遠計私心經營者久之因斥俸不支諸生又貧甚莫能仗助逮四十三年認墾例行始克次第落成焉認墾者為捍塘計也邑初展復童子試不足於額他邑就試者有之予命墾田始許占籍然必捍塘乃可墾田而他邑人不能自築也須僱就地工役若干則估費該若干於是乎有備直矣邑諸生謀曰吾輩宜任鳩工之事奈乏資今各家有子弟貨作移其直可以修學因具詞來以為一舉兩便予可之遂以墾直予諸生黃灝楊漢昭等任其役自是崇殿廡翼樓閣鑿泮池駕石橋樹櫺星植表石列名宦鄉賢祠建兩廣文齋署郁乎成偉觀矣占籍者更歲遞至故其直亦遞輸而學之規制亦歷數年而始告竣嗚呼豈不難哉至義學之設專引土著之有籍者迪厥秀良廣其紘誦而建塾延師饗飧庖湏等費予復殫力經營以裨人文于萬一者也夫學校之地風化攸關興建雖難余勿敢辭惟來者思其難而保茲勿替俾鼓鐘振響俊髦雲興則溥海

舊德集十二

六

人文之盛於返古也何有

軍制說

定之置鎮久矣考唐元和時以翁山為望海鎮至錢鏐而改
靜海夫不言縣而言鎮是文與武猶未分也宋昌國之建武
衛未備海島為之不備明初廢縣立衛所衛有指揮所有千
戶逮中葉而又設參將其治民止有巡檢一員而文教又缺
如今

聖天子在上威德遠敷建萬世不拔之業海疆一開從鎮立
縣既綏封圻以示無外又立重鎮以備不虞未有如今制之
善者也第今日定邑之設兵將與有明不同明則防倭寇之
害民故嚴於內地今則慮商船之被盜故嚴在外洋明則以

曹德集十二

七

近境易於應援故水寨兵艘加意在沈家門馬基港等處今
則無地不當巡哨故遠及於陳錢花廳諸山明則分門戶數
重故相其險要由內達外今則輪次遊巡遇有賊船期於聯
絡圍繞爭先用命由斯以觀凡舊設之營汛官更置者幾何
要地之巡防當添撥者幾何推之各營之戰艦有從不出洋
者其當移此就彼幾何見在之哨船有不時應用者益寡衰
多又幾何隨時應變因地制宜庶商旅可以無憂井邑於焉
永賴此維屏維翰之道也但軍民既以各別文武業有專司
雖令以禁奸除暴為職而不能及於大洋絕島之間哨探無
卒伍駕駛無船隻地既阻隔有策難施一有疏虞罪難諉卸
此尤窮海下吏苦無聲訴者也因論軍制而并及之

名宦說

吏治之事撫字維艱千城之責綬靖為尚皆所以循分稱職
非微譽譽而弋華階也邑自開元置吏治及宋明皆文武兼
攝號稱全才者寥寥可數我國家展復荒區即設縣令置大
帥內外彈壓職有專司較諸宋明之世官制獨備以故或磨
吏治或作干城無不踴躍報稱余考古今宦績大紛殫心
竭力期於無尸厥位而已然而黍苗陰雨流澤人間甘棠蔭
芾追思去後俎豆千秋之盛伊豈無故哉夫樹不刊之鴻猷
斯有不朽之令譽吾願居官者無徒冒榮名而視面目也

閩里說

嘗讀詩至小雅鵝雁之篇竊歎當日流離異地呼號失所幸

曹德集十二

八

在上者遷定安集之始歌百堵皆作然猶追念其轉徙之苦
爾曰爰及矜人哀此隸寡蓋不勝憂勞之感焉以予觀定邑
之民何其適相似也方其兵燹之後廢徙又數十年故里邱
墟田蕪茂草極目祇崇山劔立大海狂瀾而已始復邦族之
民不替矜人也哉其地未建縣先移鎮未集民先戍兵播遷
死喪之餘留遺者無幾人情莫不安土重遷非予之以甚樂
誰肯棄比鄰挈妻子涉波濤而來耶人情又莫不避難就易
非極意勞來之拊循之又誰肯入污萊之鄉與荷戈帶甲者
爭鋤稜角樹畜耶至今日而軍伍既輯井邑漸盈詩所云雖
則劬勞其宛安宅殆庶幾歎然未易有此閩里也予初至定
即以招徠為事其來者如久病乍起廷羸頭仆投藥石不可

惟口呵而手撫之迨有田可耕有山可樵有廬可居有衣食可謀有室家可聚民始羣然樂爲赤子而視其上亦若父母之果能拊我畜我也嗚呼亦烏知內則作之屏之外則攘之剔之幾竭心力幾費經營而始及此也耶夫治國家者比之作室始作室墉塗墍茨次之丹雘又次之治邑亦然今之間里成聚猶是垣墉之始作耳厚其生正其德由土物愛而厥心臧則異時之間里其必室盈而婦圖也其必戶詩書而家絃誦也

風俗說

眉山蘇氏言風俗之變由聖人爲之摩揉遷革之道本未易言矣而況流亡之後民不聊生宜於鎮靜而不宜於紛更將欲變之適以擾之非所以安集之法也句甬之風俗舊矣君子尚禮庸庶敦龐非隋志所稱述耶恭謹篤慎敬愛官長非士龍所贊美耶今者城邑之內兵多於民民乘轉徙之餘樂爲兵而不樂爲民村寨之間土滿於人人惟飢寒之救知爲農而不知爲士且什備之時虐以旱暵災疾之後加以天札向之所爲質遷者今苦無貨向之所爲漁采者今苦無資以是而言風俗吾見誅茅力耕之下惟與木石鹿豕爲伍耳遑問其他雖然其地樸陋其民憂勞夫勤而不怨風詩所以采錄也勞則能思瘠土所以成材也當邦族之初復而遽欲移風易俗勢必不能然誠始以嫗育繼以薰陶需之以歲月俟之以積漸亦安見句甬之遺風不可復覩於今耶蓋他邑之

舊德集十一

九

風俗貴乎變定邑之風俗期其復未復其舊而漫言漸仁摩義可以旦夕奏效者予未之前聞

流寓說

賢人君子之輕去故國而流適異地其遭時不幸乎况僻處海外宅窺窟而依猿林顛危震悸又不知幾何也聞祥興之末宋室遺民多避跡於茲今欲考其姓氏而回首荒原闕然無復可問者自漢梅子真而下僅得數人亦從兵燹野燼之餘聞其燭火耳嗟夫士各有志彼尋幽遜勝棲隱蓬萊罔超然塵埴之外卽其避難遠害汎宅浮家甚而天末孤臣流離瑣尾蹈湯火而不悔亦皆身困而道亨者也念君親之大義抱國家之深憂鬻鬻風塵驅碎首流傳百世而下不使絕島生輝高山興仰也哉是賢人君子之不幸實此邦之幸也夫鳳凰景星隨所見而目爲嘉祥物固有然矣

舊德集十一

十

物產說

自古殷民足國其道多端農殖嘉穀八政首重焉畎畝之外山澤爲材用之藪故官山海管仲以之治齊而齊富強夫海之利莫大於魚鹽定居海中而不得魚鹽之利何也春夏之間汎大舟操巨網集數十百羣而業漁者皆鄞鎮之人而定邑無人焉鹽則居民皆漚漚調羹無竈戶可配商無牢盆可供煮利亦無自而興也山從兵火之餘美材不生萌槩止計終歲勤動之所入五穀外惟茗荈一種而山寒土瘠茶多

不肥是以宋時權利設酒坊十五所而茶場無專司以是而
言所謂海府者安在歟惟幸民勞而俗儉無甘食美衣炫其
心無奇技淫巧紛其志故此土之所出聊可以自贖焉今采
其名類略為區別而民生疾苦宛在目前惟為政者急加之
以愛養生息而後品類蕃殖百貨阜通庶乎其有望也

災祥說

春秋謹災異凡星殞日食水旱蝗騰之類靡不備書而於祥
則否垂戒之意至深遠矣古之為政者出一言而星退度省
一身而桑立枯感通一何速耶予竊慨宋明之季吏治隳廢
繁霜朔日之詩相繼而作而盜賊滋起民不聊生若夫至治
之世冬無愆陽夏無伏陰民生和樂萬物咸若初無天札疵
癘之患今其時矣而於舊志之災祥特為附載邦之君子其
有鑒於茲乎

舊志集十二

七

宸翰頌
欽惟定海山之名出自

聖主所更定灑翰頒發既以名山旋即名縣於是建治設官
而邑以興復益東海中洲必經

九重之寵命然後苞桑永固此誠創千古所未有者矣至浴
迦之山隸在定邑兩寺重新皆

上所大書賜額又撰碑記二道立石殿前俾寶地龍宮得以
廣津梁而振鐘鼓亦以昭無外之宏模匪徒啟有生之覺路
也況此地鎮臣曾於馳驅扈

釋時值額有賜詩查有賜類皆摹勒高懸照耀塵事而臣
與活湛露之恩獲捧華星之宇雖廟末吏並叨殊榮可不
揚盛美垂示萬年乎敬為哀錄

宸翰冠諸簡端復拜手稽首而作頌贊於赫我

皇握元化樞文思超唐文明軼虞軌中遙傳體道崇儒宏開
黃象允協乾符炳光翕翕勅勳與天俱玉軸編覽奎章時據鉅
製鴻冊絢爛石渠如龍銜燭如乘照珠上薄兩曜下輝九區
在昔御筆體勢各殊未入化境有階可踰

聖由天縱默契法書休暇揮毫墨池遊娛螭盤虎臥日麗雲
舒神妙獨鑿作此垂模百王俯視何數其餘雖茲海宇出日
之墟瀾翻不靜向委榛蕪白雉芳獻長餘忽除城邑新復倘

舊志集十二

三

睿謨錫以佳名其永莫諸銀榜特懸畫閣高扶莫不震疊
乎煥乎天作定爾民有[○]居環帶三鄉治在富都乃安耕
乃樂樵漁乃養乃教矜佩鏘趨屏息罔象綏靖桂符文武守
臣咸宣德守恭逢巡幸負弩前驅或捧珊瑚鞭或侍

鸞車煙霏灑落霞綺橫鋪欣承

帝賚雷動嵩呼拜舞捧歸鐫勒撫摹彩流宦馨榮映干旌
白難比鏤青身如亦有花山釋氏所盧巖巖著見洞壑紫紉
聲教四訖尚塵憂劬普濟念切佑此戮孤手提法雨灑潤
枯題額撰記博稽毘盧蓬島藻宮重吐鄂苧穹碑最負巨楸
神翰凜前

繪音豈崇浮屠等諸讀法化頑醒愚凡厥頌賜自古所無光
天之下爰及東隅爛若星漢寶若珠圖龍伯永護海若驚吁
萃於下邑抑何幸歟

天子萬年雨露常濡綠宇丹函遐寓覃敷炳蔚晃耀奉為珍
儲以澁雞林以諭象胥以照暘谷以歌康衢遠近稽首蹈舞
歡愉小臣作志聊備方輿海外有截仁風載塗首列

宸翰用志厥初庶傳百代永遵弗渝

御書亭頌

國家道洽化孚聲靈四訖版圖之廣曠古未聞

聖天子神明天縱之姿權輿方夏裁成通變皆合機宜康熙
二十五年從文武大臣之議展復舟山

舊德集十二

三

御書定海山三字即以名縣舟為動物莫之以靜大哉王言

侍臣齋榜到山羣工百司忭舞交慶迺建

御書亭一座鄰於學宮竊以丹垣鑰重門施黃幄而額焉小

臣熒每當朔望率屬偕師儒從鎮臣之後叩頭瞻仰講

上諭十六條對揚之下不遑咫尺定之臣民何幸而際斯榮

盛也猗歟休哉敬拜頌曰

屹茲翁山扶桑之嶠南溟之湄矣民居置州立邑時有緩

急舉而棄之歷年三百恢恢皇圖坤與乾符罔弗亟載爰建

大謨可耕可牧連岡邃谷以舞以歌復我邦族

宸翰用頌哀鴻始還奠茲荒域以定名山萬峰矗列重樓高

揭赫赫王言天威咫尺別有湖音其義甚深龍騰鳳翥揮灑

祇林神山浩貌匪

帝所好威宣德孚惟民是保禾稼屢登菑符不興玉燭四照
泰階三平爰詔海若凜茲書閣凡我民人片帆勿虐浴鐵三
千將軍在焉風柔浪穩銀瓮金船按圖稽史斯成黑子孔道
諸番說而成市雲海風翔絡繹梯航驥首形庭愈日
天章東南南朔無思不服燧領萬年維道是卜

環海圖記

定邑素稱海國南北東三面皆環大海西距鎮海約百四十
里由橫水洋黃山礁而西歷蛟門虎蹲然後得抵內地蓋自
直隸而南以至閩省沿海七八千里未有特設一縣孤懸海
外者惟定海一邑延袤四百餘里周圍山嶼橫見側出星羅

舊德集十二

十四

碁布不可勝數毋亦扶輿靈異之氣鬱勃磅礴不能自己故
環定皆海者亦環定皆山也由定邑衙頭而西為竹山門為
螺頭門稍北西為金塘山相對為大榭山與鎮海縣穿山接
壤一葦可渡東為釣山又北東為馬墓山西為烈港又北瓜
練山又北五指山又北漁山洋面最廣俗稱此山正對錢塘
江口然由鼈子門而外至此奚止四五百里萬頃汪洋自漁
山西望惟慈谿後海龍頭山屹立相對西北則東西霍七姐
妹許山灘江山望之如黍如錐如浮萍東望橫列為大小衛
山回顧兩頭洞裴港門姚姓浦直至肘腋之下矣北為大小
洋山江浙水師會哨於此上羊府廟忌金鼓聲相傳鄭氏統
舟師數百將犯金陵泊山下金鼓喧闐是夜颶風大作舟覆

溺其愛妾幼子數人何威之赫耶抑以逆犯順天奪其魄而
神特附之顯耶將大風雨前一二日城郭宮室樓臺變幻不
測古人所稱蛟宮蜃市者是也浙俗呼為海現云由衙頭而
南為火燒門為竹葉山為旗頭洋轉行而東洋面約三四十
里北為灣山為洞嶼為大竿門為沈家門為荷葉灣南為樓
花佛頭為桃花港為馬蟻山為點燈山為烏沙港兩岸旁立
又東為蓮花洋為普陀山山脈互五十里前後寺今

皇上捐帑金鼎建賜額普濟法雨金碧輝煌僧眾數千人南
望為青山朱家尖山山峰特出秀矗天表西南為金鉢孟石
牛港東南為洛伽山東為東福山東北為青幫廟子湖山麓
為香爐礁由普陀歷黃大洋而北為灌門為劍山為長塗港

舊集十二

五

為鯨蓬礁為鮮子山稍西為燕窩為秀山又北為岱山長四
十餘里廣二十里為定邑東北屏障居民頗稠密焉岱山
東北為胸港洋洋面六七十里為大衢山長廣稍次岱山為
定邑外障西北為小衢山隔橋門東南為鼠狼湖山隔乍浦
門自海禁既開江南浙省福建沿海諸郡漁船四五月間畢
集於此名為漁汛大小船至數千隻人至十數萬停泊曬簞
殆無虛地蓋亦物產之最盛者也由大衢山而北洋面百餘
里為馬蹟山甚小為江浙分界之地西為羊山東為深水山
東南為浪洲山北倚蘇寶大山東北為陳錢李西壁下落華
相子東庫西庫大盤陳錢者即中國諸山盡處俗呼為盡山
天氣清明從蘇寶山望之歷歷可見陰雨時天風下垂海濤

上立身世茫茫有如一粒矣由旗頭洋而南西岸為糧長
為星羅為梅山港為青龍港為螺子港東南為六橫山為
嶼港為佛肚山又南為孝順洋又南為東西嶼西望為象山
港口東望為糊泥為白馬礁皆與六橫相接蔓延海面可數
十里居民甚眾定邑南洋之一大關鎖也由東西嶼而南為
亂礁洋自山洋擔門所門淡水門西岸為道人港為青門為
龍洞為裏擔門為半邊山為昌國衛內洋為層

洋為韭山九峰斜貫亦名九山由淡水門入同鴉門為石浦
所與黃巖鎮會哨之地定海至此洋面約三四百里定邑所
產五穀而外為紫菜為淡菜為蜆為苔為蝦為海燕為泥螺
為龍頭鮓為茶為菊船隻為舢舨為三不像為釣艇為木斗

舊集十二

六

沙為兩頭尖鄞鎮之民率皆裹一二十日口糧伺候陰晴
入於孤嶼絕島人力不到之處了不為意者亦其風俗使然
也夫環海島嶼舟子樵夫數至而不能言學士大夫畏事舟
楫一二有志之士即使嗜奇好事然苟風色不順上下波濤
澎湃之中目眩心忪則未有不望洋而返者余因巡哨之暇
即目耳之所及者約計其方位為詳述之如此

沿海弭盜未諱

從來弭盜之法詳於陸而未詳於海明季島寇竊發侵人內
地爰立法防海聯絡數省扼險設守而率舟師以撲滅之然
此禦大寇則然而非所語於州縣弭盜之法也州縣弭盜不
過稽查保甲盤詰出口而已今者宏開海禁萬里梯航有輻

驟之商漁因有伺劫之盜艘奔突於洪波巨浪之中流匿於人跡罕到之處乘風上下倏往倏來有爲稽查盤詰之所不及者初窮徒烏集不過數輩託名漁采汎舟中流乘人不備掩襲而取以小易大以一化兩而被劫者或爲勢脅或爲利誘或效力劫船替代不煩糾合人皆用命於是朝爲被劫之難民夕且爲行劫之兇徒矣更有借人之本賃人之船攬客之貨反利中途遇盜藉口分吞或捏稱被劫希圖混賴甚而甘心入夥先期暗合望風迎候及其發覺則詭稱被擄難民莫可究詰以致聯帆列艦出沒無常劫奪之事所在見告燧待罪海疆十有餘載深媿才短力絀一籌莫展仰見各憲廑念海疆立法至詳且盡但今日尚有因地制宜踵事加詳者

舊集十二

七

謹陳原委以備采擇焉竊思弭盜之法當思盜之所自起與入之所以被劫於盜而不惜多爲之備人知盜賊爲商漁之害而不知商漁之船先無以防盜賊之來是亦講求之法有未盡也今海洋行駛有遠販外夷之洋船有自閩廣江浙以迄遼陽貿易暨自閩至(雷)波乍浦裝載杉木之商船有漁汎網捕之漁船有采拾淡菜紫菜釣捕魚蝦之淡船釣船及出海樵采箔網各色之小船其船大小不同奸良混雜有可以自衛者有不能自衛宜設法以衛之者有急應稽查禁遏無使踰越以杜奸萌者如東西洋船可以聽其自衛者也西洋人眾船大奸徒難於攀躋且有器械可拒年來遇盜亦無甚害東洋船船小人少捍衛無具故盜多得志有備者如此

無備者若彼不既有明驗數前督憲金恐盜獲此等船隻難於扼制特嚴禁例小其梁頭限其人械不知船大止便自守不利奔逐盜無所用而商人饒有本力斷無挾重資以爲盜之理故東西洋船似應聽其寬大器械聽其攜帶止於牌照注明出入汎口查驗無使隱漏更令做北地保標之法每船僱募慣習水性技勇數人在船保護厚其工值亦於牌照內注明保船某某姓名當官取具保結或遇盜賊奮力拒敵獲功加賞帶傷優恤失誤治罪如此則有備無患盜知不能逞志自當斂跡而此種慣水技勇之人失業則流爲盜賊得所則倡首革心不特收捍衛之用又可散奸邪之黨一舉而收數利洋船可保無患矣所謂聽其自衛者此也至閩廣江浙各省之商船人船器械不能與賊爭持猶復止圖便捷往往孤帆獨艇行駛大洋遠泊荒島汎防所不及到瞭望所不及睹奸徒游移偵伺於其閒卒然相遇拱手惟命一船被劫則多一賊船矣一賊得志則效尤踵接矣不能自衛必須設法以衛之而衛之之法聯船其首要也凡貿易商船飭令各省關隘出口處務報明某某船隻裝載某某貨物往某處貿易南北經行之地聯船十數船爲一幫配以兵船伴送同行同止逐汛交替督率以齊進止即往來以爲巡哨抗不歸幫故爲先後孤單行駛者即係奸徒遊巡官兵窮追拏獲盜雖船有利鈍載有重輕風潮巨濶非比內港似難強齊畫一而不知內洋行駛統在一汎之內卽有遲速決不至先後相懸

舊集十二

七

況一船或滯中途眾船不難於前汎少待若候久不至必有
心逗留營汎卽將其離船緣由飛移上下汎查追明白務使
聯眾船爲一幫以自相覺察而互爲救援則不獨營汎稽查
之易而奸邪無混跡之地矣但此令一出必有以不便於商
船爲言者夫立法必權其大小計其利害今之不便於商孰
有大於被劫者乎與其分頭防衛難保無虞何如聯航歸汎
坦行無礙是在上憲毅然行之久則必收成效耳次則船主
必須親隨也客貨必須親押也水手必須慎擇也蓋自船自
貨利害切身自不敢犯禁令而蹈危險藉租賃之船包攬之
船得失既無干係而更佐以無籍之本手其不至行險貪便
以致脫幫離汎者少矣今飭令造船之主親身在船不許租

舊德集十一

九

賃頂替置貨之客親身管押不許替帶包攬水手必嚴查籍
貫核實年貌取具宗族親鄰保結同伴互結違則照新例之
罪罪之如此而主客皆殷實之人水手無作奸之輩皆知聯
船之爲利而同幫者亦樂與爲僑也次則船名字號宜大書
篷檣實刊船舫也風篷兩面油灰粉白大書某地某人某號船
字樣船傍兩舫亦照篷式大書實刊則不特影射假借諸弊
自絕而一望了然縱遇盜劫可以尾追盜亦斷不敢即乘其
船就近遊移刺探此亦未必非一助也又次則船篷之頭巾
頂插花宜禁也篷梳之上加頭巾頂篷梳之旁加插花則乘
風便捷乃商船有此器具而營船則無故營船遇盜每患逃
脫追之不及今嚴禁商船概不許置用而營船各運加備則

我速彼遲不難追獲矣至裝載杉木之船船身堅實盜實難
之而所載最重易於攀挽時或遇盜十不脫一凡盜之初行
劫也必首劫此船以爲行兇之具故較之他船被劫者倍多
但杉木載自福州卽於靈波乍浦非他貨購買發賣四散經
營者比聯船更覺便易且木船之被劫者盜利其船非利其
貨也有難於大洋戲駛盜不稱於用者曰布篷船近來木客
多用之以免於患人又何苦不用布篷自保而甘心委木於
海送船於盜耶請自今凡載杉木船一例用布篷而衛之之
法得此數條可以粗具若夫急應稽查禁遏無使踰越以杜
奸弊者漁船是也春夏漁汎之期溫台之南洋定境之北洋
閩人駕舟網捕黃魚者不下于計雖奉憲諭商船不許捕魚

舊德集十二

三

復於本籍換一漁船票照卽公行無忌又十船保結亦不過
虛文塞責而已初則挾網罟之微資冀獲倍蓰之厚利或魚
少本虧遂有不可問者海洋不靖此輩居多聞前朝定例粵
船不過閩閩船不過浙而兩廣督憲亦有福建漁船不許過
廣之條議現在遵行儻能循例嚴禁則奸竇自塞但閩人以
漁爲生不便遽絕其業則當就聯船之法更加詳慎焉請飭
漁船來浙采捕者統令於本州縣報明船戶水手嚴加查察
取具里鄰宗親保結同行互結挨次編號於牌照之外另統
結一單俾一邑之船築成一幫營汎照商船例伴送交替捕
魚之所畫則聽四散網捕夜則必傍汎歇宿漁汎一畢卽押
合幫同返無許逗留或有事故耽遲許稟所在官司查驗明

白於統單上另注緣由鈐蓋印信迨回本籍查銷備未注明一路經過管汛即挨查緣故一船有犯同幫並究如地方官查驗不實胡亂給照填單汛防伴送憚煩借稽查索陋例皆嚴立章程使知凜守成憲而疏虞之患庶幾可免蓋聯船出入斷無合邑通幫統同作奸之理似亦以簡馭繁以眾攝一之法也其船主之宜親隨篷艖之宜大書頭巾頂插花之宜查禁是又與商船一例無庸再議矣至淡船釣船與夫各邑出海之小船則更異是從前立法嚴於大船而未及於小船誠以小者不能為害也而就知其害更有大焉者蓋其船甚輕捷其人慣走險嗜利忘身不憚險遠凡絕島窮崖人跡罕到盜賊潛藏出沒之區者即伊等朝帆暮棹之所初則叻米

舊集十二

三

迎薪藉為獲利之計既則通衢作綫竟為大盜之媒甚而發端起手殆無一而非小船矣近者各憲深知其害特嚴稽察之條飭令十船互保聯船出口酒米不許多帶往回定有程限立法甚為周詳奈出入之海口錯雜采捕之界址牽混以致陽奉陰違因循推諉莫可底止然欲盡盜之根株究必先清小船之弊竇有不得不再加詳議者一船隻宜清查也造小船一隻止需十數金鄞鎮沿海之民稍有本力者一家製數隻數十隻不等出賃收稅窮民便之然惟祖之甚易而奸萌從此起矣今請各縣將小船一一查出許遺漏另編字號不必與商漁船同例自一號起挨次登記一船各冊半頁於本號船下注明船戶某水手某都圖住址宗房鄰佑保結

各某某彙造循環二簿呈送海防憲司專司其事儻有事犯可以按簿稽查而奉行亦知有凜承矣一保甲宜申嚴也領給船照定例宗房保甲鄰佑同船連名保結船戶船戶保結水手犯則保人一體定罪今船戶有犯果會執連坐之條乎株連牽累固非善政然今怠玩已極船戶視保結為故紙而保人者亦絕不知事有干係漫然列名甚有名列保狀而本人不知假捏虛名而並無其人者即官司上下亦奉為具文而不加追究夫海洋盜賊類由小船小船出海全憑保狀此何等重大而願可輕忽若是乎亟請上憲力為振刷申明保結干係或有事犯先首者免罪容隱者同罪懲一儆百俾保人者惟恐事犯牽連不敢冒昧混保於前而且多方稽防

舊集十二

三

於後則一船也十數人保之即十數人查之防之縱欲為非必多牽制此清源之法也保結失察專司是問諒亦無可御諉矣一出入之海口宜歸一也出海船隻例必由汛口查驗放行以防夾帶諸弊然查沿海出口之處甚多奸船往往私行出入更有先將空船出口停泊其物件必從內地陸路搬運汛口其能稽查弁員藉此誘過遂於應查之汛口亦各徇情寬假弊竇百出請飭令沿海地方出入要口處責成營汛稽查印戳注明人數酒米以及赴某處地方采捕計若干日往回各字樣回日仍於原汛查驗進口其餘海口概行嚴禁如無出口印戳在洋行駛采捕巡海官兵即以奸船擊解儻或營汛失察容私以及並無經由本汛出口用情印戳致盤

查失實者坐罪守口弁員如此則出口歸一而弁員無可推諉奸船不得肆行此又塞流之一法也一采捕之處宜定也自來小船出海采捕議三聯票照一給本人執憑一存本籍地方官一移采捕處所之營汛查驗是亦稽查一法但海山莫可計數有在內洋者有在外洋者又有應行禁逐之地者本籍地方官無從而知止據本人稟請填寫窮區絕島任其意指更或東西串合牽連影射與本管地方絕不相關無憑查察甚如盡山花鳥下八等山亦羣趨競往問其地則界在江南問其人則籍隸浙省浙屬不能越界而問人江省且得因人而諉界尚可任其所之而莫禁乎請飭嗣後凡采捕小船本籍地方官嚴取印結查明本人來歷移交管押采捕處

舊集十二

三

所之地方官填注采捕之處所蓋印為憑則內洋外洋應禁與不應禁自必瞭然無可欺捏如無填定印蓋或填此移彼汛守卽行拏解若文員將應禁逐之地混行填給或汛守以未經填注之處所容畱采捕各以違例參處則責有攸歸不敢假借而奸弊自絕矣一外海之廠舍宜燬也外海懸山采捕箭網非船不能行非廠不能居船與廠相藉為用而卽因緣為奸者也竊思海山何處無耕樵漁鹽之利止以懸絕內地難於稽查故不歸縣轄不徵稅糧永作禁地非姑畱此尺寸以為奸徒聚集之藪也乃歷奉憲飭嚴行驅燬而奉行不力廠舍依然故源源而來莫可禁止若果盡燬則小船無可藏奸當不煩禁而自絕矣是所當責成汛守永絕奸萌者也

再如沿海有河條小船百頭官船漏頭船濞船划船等項前在內江撐駕不出外洋故例無梁頭照票近竟有擅出海洋行駛者此等船雖不能重載遠颺而起駁搬運偷越迎送乃其所長應請嚴飭海口力行禁止此又於淡釣等船之外類類而及者所謂急應稽查禁遏無使踰越以杜奸弊者有如此夫濱海之民與海相習其性輕生而疾貧偶一失業卽非險為盜而官司徂於便民之說務從而寬假之名曰便民實以便盜為計亦已疏矣苟知盜之所自起與入之所以被劫於盜而思患預防又安得不立法維嚴耶今誠自諸色小船之在本境之內者先使之朝令夕遘而散處各省之洋船則商漁船亦相繼畫一則海宇安瀾人民樂業有不熙熙然元

舊集十二

三

慶太平之世也哉
籌海如明臣諸議至詳且悉矣其時所患者島寇之猖狂倭夷之充斥烽煙時警羽檄星馳防禦之責顧不重歟今當一統之盛殊方重譯萬里梯航商賈揚帆漁箭逐浪無他患也祇一二盜賊游魂出沒為商漁害耳縱之則聚斂之則散緩之則逸盛之則擒其勢易窮然而防禦之術固有不不得不加詳者蓋其聚處無常漂流無定非有可以截之地也託言漁采現充水手非有先為劫奪之形也煙波浩淼島嶼參差非有瞭望必及之勢也我疏其防彼乘其利奸徒得志後將有不可問者矣故為今日計必須絕其根株而一切苟且之法皆非所以弭盜安民者也夫大洋

行賊奸良罔辨俾不爲盜者坦然知在我之有備而爲盜者包藏禍心雖朝夕偵伺無由竊發稍有蹤跡可疑卽爲稽查敗露而三尺之法隨之安得不遂巡斂跡羣然革心乎此除盜雖難而又實未嘗甚難燧一行下吏與有責成故前於商漁等船略陳管見而復爲推論及此

重修儒學記

學制之廢久矣釋奠釋菜四時之禮不行而道德禮樂經術之具及所爲校射論獄出師獻餼之典概不可問今之學視古何如哉然置官師其中有弟子員姓名之籍高下其文章行誼而勸懲之則敦教化美風俗未始不由乎此定自開元置縣建學霞山之麓宋改昌國遷學於芙蓉洲紹熙後文教大昌人材輩出元升邑爲州學如初至明廢爲衛所三百餘年鼓鐘之音寂焉無聞我

舊集十一

五

皇上崇儒重道壽考作人邊塞荒徼之地皆設學校師儒司木鐸以振興士習園橋觀聽視昔尤甚焉而定邑展復僅三十年學圯毀已久前令周君經始於此規制未備卽遷秩去其遜於他邑無怪也燧承乏茲土次第構理學乃得成雖禮文不迫夫古昔宜采不逮乎大邦然規略釐然具舉不敢或僣且懈以從事竊思先王教人亦多術矣春秋禮樂冬夏詩書皆所以養其性情消其邪慝而明人倫其大者也故子與氏云謹庠序之教申之孝悌之義後世善言教者莫加焉定邑地僻而風淳民愿而士樸桀黠儇巧誣罔之徒游蹤罕至

故無異端邪說以惑眾無奇技淫巧以炫俗無紛華靡麗以蕩心平居閭巷往往多孝悌節義之風垂諸志乘班班可考夫以[○]龐之民習易良之俗施之以涵育加之以薰陶優游漸漬其樹立豈可限量若徒以兩祭之期奉行故事則古之學制雖存猶廢也其將何以敦教化美風俗也哉余旣自愧其未逮而不能無厚望於後之宰斯土者故記其大略於碑陰

重建義學記

古者二十五家爲閭閻有塾由塾達鄉以次升大學而後農與士分今之義學亦猶里塾之遺意也然予見通都大邑世家巨族子弟悉皆裹足不屑就而遠城郭者又無由而就學幸才高學瞻則輕其席以爲不足彰吾教不[■]交遊逐聲氣不能晨夕督課程而長吏又不克用意真切奉行若故事嗚呼義學之造士其難如此定邑初展土瘠而民貧子弟十三四以上皆樵牧不知誦讀爲何事卽就傅止令稍識字記名數而已又見校序雖設外邑占籍其中度其才不能與之爭去取衡高下以故自安庸陋無規進取意余始至見此邦循習心竊痛之謂茲邑南宋盛時人材輩出奪魁鼎爲名臣者項背相望今豈異地哉且朱邑文翁彼何人亦長吏耳遂銳志甄陶勸令就學然無一人至者乃私籍里中子弟姓名無論秀樸掖之讀書若句攝然至則如獲珍奇雖質鷲鈍不敢厭薄鄙棄而自好者亦稍稍就學矣先是城北有屋數椽

舊集十一

五

爲廣文齋署尋遷去余始創爲館舍具禮幣厚廂俯訪郡生之行優學磨者爲之師選試力嚴士著之法設認墾之方以別主客籍又面請於學使者勿奇疵其文藝使售者必得眞籍而後快由是歲科兩試每試得六七人十餘年來樸者秀者隨舊址廓而新之中講堂左右學舍翼以庖廩凡二十間猶恐日久傾圮無人脩葺而生徒聚處膏火不繼壬辰捐俸召黎拗山蕩田山地約百三十畝盤嶼茶山一片柴山一片甲午復將墾費節省銀二百兩買平田三十八畝一分五釐蕩田八畝五分地六分四釐山三畝歲取租息貯諸公所以補其不贍又置書籍凡四十種日用器皿悉具嗚呼昔者卓

實錄卷二

三

茂令密以禮化民仇覽宰蒲亭率子弟就學程明道知晉城教民孝弟忠信夫位祿科第遲速盛衰或關運數而培養根本碩大枝葉俾風俗日益賢能日益興詩書禮樂之風日益懋以仰副

聖天子菁莪雲漢之化於萬一余雖未逮竊有志焉故其事皆一手足所經營其費皆斥俸所措置其講說經義繩墨帖括皆政暇所提命而甲乙蓋深望文風興起媿於往昔也不記其始末後人孰知茲土之士之可教哉爰爲記以鏡諸石

重建關帝廟碑記

按荆川公毘陵廟碑記嘉靖間倭夷猖獗王師討之軍中見帝靈輦渠魁徐海等就擒爰命有司立廟帝廟之盛始於此

嗚呼倭夷之禍莫甚於翁洲矣翁當海會之衝倭夷屢結巢穴燔燒屠殺民無孑遺帝生稟義委曹扶漢此乾坤之正氣歷百劫不磨者故雖千百年之久神威炳著猶赫赫耳目然則邑之祠帝意亦肇於其時耶余始下車謁帝廟廟在城南之側規模方位未嫌予心喟然曰此皆展復初披荆剪棘憂虞困頓中爲之者方其哀鴻新集荒涼寂寞之地未有靈廬居然已草創祠宇經營灌獻民之不忘乎帝何如哉今者田廬稍復家室粗安不踵事而更新之吾知人心之未快然也歲己丑省城大饑軍民乏食余膺上官之命告羅台溫念大泮行駛波濤險巇因心祝帝曰願乞帝靈甦此一地方之困時當秋汎滿載揚帆忽中流颶風大作從者怖慄無生氣洋商

實錄卷二

天

壞者不一艘然予漕船直達省城而是秋各地薄收惟定邑無恙余益歎帝之靈爽真大有造於吾民又不特倭夷猖獗時也庚寅春始斥俸鳩工廣其舊址而筮吉於南向適元戎吳公倡捐同城將佐以暨兵士皆不靳輸粟以故不月而落成嗟乎帝之祀徧天下矣何有於彈丸之下邑然邑雖孤懸海中實爲東南保障戍兵三千與民雜處又學校既設都人士彬彬有敦詩說禮風揆文教奮武衛於是乎在余待罪茲土將欲和輶車民作興士類皆不能無望於帝之默佑焉此又朝焉夕焉私心禱切於帝者也祠成有請於余者曰元戎吳公英施公世驥藍公理故元戎黃公大來此四公者咸有功德於民民不敢忘爰得構兩廡肖像而祀之於旁是爲記

新建城隍廟記

邑之祀城隍所以崇保障祝安釐也明制令凡天下城隍之神皆封爵曰監察司民城隍顯佑伯命官親民於茲者視任之日必先期齋宿牲祭以與神誓曰余儻怠政奸貪陷害僚屬凌虐下民神其降殃至考績復任祀神如初

皇清一統依古定制相沿不改是知神有監察之責有司對越於斯人民託命於斯所係不尤重哉定邑游經廢徙廟亦因革無定展復以來初置簡略僅蔽風雨而已余抵任即與鎮府藍公斥俸鳩工急先務也未竣已卯復偕閩邑衿庶捐資重建始規模粗就儀衛改觀蔚然與壇壝學校並峙於城郭數里之內竊惟古今城邑興廢不常無過於定山建於

舊集十二

卷

開元而旋廢於大園昌國復於熙寧盛於南渡而又革於明初燬於明末此豈神有靈有不靈哉蓋政非其政則地非其地民非其民而神亦不克廟食斯土今聖天子撫御萬方敬天勤民上追三代以故海隅日出之地皆有苞桑之固而無反側之憂詩云懷柔百神之賴天子而安享其祀猶夫民也維余小臣敢隕越以貽疚乎夫治民以仁事神以誠故神格而民信此司土之責也而雨暘無愆期人民無天札於萬斯年之佑則惟神是賴焉廟成因鐫文麗之神以記廟貌所自始而附之頌禱神詞俾定之人歌以祀神於無窮歌曰城存與存監察司民自明制令以迄於今聖朝撫御海晏河清土庶具瞻廟貌維新儲胥弁服莫不尊

親雨暘時若天厲不生神其鑒諸明德惟馨

同歸大域碑記

嘗讀漢高祖本紀屠秦滅項天下大定用橫以五百人居海島招之橫卒自殺而五百人俱慕義死無二心詫其節以為不可及後閱宋季崖山事又未嘗不歎其迹同而志彌悲也歲辛卯

王師薄翁洲九月朔有二口城陷時死事張公肯堂朱公永佑吳公鍾巒李公向中沈公宸荃等各眷屬皆遇難都人士女守義死者纍纍相枕藉經歷喬君鉢不忍暴露火而瘞之北郭勒石曰同歸大域嗚呼若而人者是眞得所歸矣我國家定鼎之初兵不血刃而車書一統定邑彈丸之地孤懸

舊集十二

卷

海嶼夫豈不知一木不能支大廈之傾而孤臣義士圖糜軀碎首以殉一城其與宋季逋臣何異天地之理全而受之當全而歸之臣死其君子死其父妻死其夫卑幼死其長上為全歸一也今之精英靈爽或飛揚於霄漢或游衍於山川蕩而為波濤揚而為星日吾烏能測其歸乎唯是忠孝至性盡人而具當其平居偃仰靡所觀感則積然自廢而無以激發其欣慕慨慷之懷故

盛朝往往不惜闢揚前烈以風勵斯世余初莅茲土祭壇郭外父老指其旁曰此喬公所建同歸大域處也寒煙衰草滿目悲涼孤兔窟其中牛羊踐其下且遺骸旅櫬交錯其間混珠玉於泥沙委芝蘭於荆棘良足悲矣傳之又久又孰知墟

莽間爲忠孝節義同日而死者之一抔土也哉越數日適鄉者郭璘來告欲募眾力築垣樹塔以表墓道余慨然曰是余之責也夫是余之責也夫捐資竣事鐫石以志不朽康熙丙子歲三月知縣事繆燧記

祭同歸域文

維康熙三十四年歲次乙亥時當清明挂紙之辰知縣繆燧率閭邑之衿士者庶備具牲醴致祭於辛卯死事諸靈之前曰我

世祖章皇帝誅闖賊撫殘黎正位燕都天下無不傳檄而定獨先生輩借閩邑兵民固守翁洲抗衡

天命○身首異地而不屑一顧何其愚也雖然臣爲君死子

書德集十二

三

爲父死妻爲夫死卑幼爲其長上而死志則苦矣節則愈高矣嗟乎○殺身以成仁母求生以害仁同日捐軀無所留恨諸先生在天之靈或炳爲日月或屹爲山嶽豈復在濤春風撼之所爭其時享哉亦豈知糜爛之頃有喬幕爲之壘城四十年後余從而脩之復從而祭之也哉聞之延陵季子曰骨肉之歸於土也天也而魂氣無不之也然則死者未爲無知者矣今而死事諸先靈求其子姓曉以大義請諸上官設食置宇躬拜祠下薦其馨香而爲之歌以侑之歌曰嗚呼死事諸先生卓哉一代之偉人或乘輪而珥筆或擐甲而談兵遭國家之不造均抗節於翁城子從其父兮妻從其夫卑幼從其長上兮不可計數者編氓古稱有死而無二一時萬人而

同心下比田橫之五百上追商季之三仁精氣鬱而爲喬嶽丹忱揭而爲星辰風濤怪石皆游魂之所化也吾知其不可磨滅者偕天地而常伸嗚呼草蔓兮煙荒春露兮秋霜牧豎傷心於黃土農夫想像於斜陽余請上官而設食率爾子姓而升香一杯同域萬古留芳

聖主頒綸音於翰苑張公書竹帛於朝堂行見式閭而表墓抑且下慰夫從亡嗟爾孤臣與孽子又何惆悵乎滄桑謹值一觴神其來饗

成仁祠記

辛卯舟山之役一時同殉難者數什百人昔參軍喬公鉢裏而封之曰同歸大域嗚呼所謂同歸者何歸哉歸於仁而已

書德集十二

三

矣古今所稱忠孝節義史不絕書而未有合數什百人之心爲一心死同時空同穴爲若斯之甚者夫成仁之事亦大矣學士大夫積生平之詣力而不以生死易其操匹夫匹婦發一時之感憤而不以安危異其志其仁一也我

王師之入翁洲也勝國遺臣如張公肯堂吳公鍾麟輩本皆宏儒碩學名教宗工故城沒身亡從容殉義可以動天地而泣鬼神乃降而卑隸編氓兒童妾婦死者紛紛藉藉雖肝腦塗地而亦無所怨悔其平居未必習聞綱常之大義而要皆發於一時幾希之良心嗟乎此數什百者豈果惡生而愛死哉仁在則然耳斯時也無貴賤無少長無男女皆薪衣而土棺骸橫而骷髏噴亦甚矣而吾謂同一死即同一仁同一仁

即同一不朽安在以多爲慘乎而獨念忠孝節義藏魂聚魄之所不獲歲時一奠以展感慨思慕之忱質之輿情當必有惘然者是亦司土者之責也爰請諸上憲爲建祠宇數楹又買田若干畝歸之學宮使主春秋兩祭而元戎藍公實贊成之嗚呼維世道者當維人心齋宮邊豆之間默寓化民成俗之意崇死也即所以勸生也故題其祠曰成仁而兼爲之記

大展舉社倉序

前蘆花舉生員吳澧做行社倉爲邑倡予序言頗悉既深喜其事亦勸勵將來也茲者大展舉某某復以社倉來請曰立法之善吾儕既聞命矣法無不行行惟其人誠如公言今某某等願擇謹厚者董其事收斂籌運不失常度可乎願非公言

舊集十二

三

不足爲吾儕勸予聞之喜益甚進詔之曰爾亦知匹夫而可以化鄉人乎鄉之中有急公者有徇私者眾志不齊則事中廢思患預防計垂久遠顧力行何如耳古之同井出入則相友守望則相助疾病則相扶持故曰觀於鄉而知王道之易易今爾大展平居以施仁扶義相助勉則有無可通憂樂可共又豈止社倉之法永行於舉而不至中廢也哉夫人情莫不切於爲己鄰里之飢寒困頓漠然無所動心唯一身一家之是圖究其所以爲一身一家者止圖旦夕苟安而無經遠之計卒之疾視人危者人亦樂幸其禍向之爲己適所以害己乃更思爲同井親睦之誼不已晚乎甚矣王道之非迂闊而肇始於鄉者惟視其力行何如也眾皆曰唯謹奉教因書

其言弁諸簿首以勸同事者他如社倉立法之善與任事擇人之說則具在前序中不復道

記胡子氏事

鎮海胡子名某家貧父早世衣棺悉舉債年十五僦屋普陀山賣腐爲業晝夜併作勞苦倍於成人一日其鄰乙者涉海到山以母命趨之歸問其故給以不知將至始言堂上去室得聘債債待汝歸卜吉成禮某聞之涕泣不勝抵家拜母默不一言急趨水濱奮身投海見者大駭亟援出逾時始甦人爭負之還其母母子持抱痛哭母曰兒心吾知之無然吾不嫁矣某血淚迸湧終不出一語里人爲感泣羣釀金償娶者娶者毀婚帖堅不受某叩首謝曰聘金不可不償眾情亦

舊集十二

三

斷不敢負願立券加息陸續措償娶者始受半而去事定仍來山寺理舊業予聞之歎曰有是哉不忍母之再醮不惜一死冀其身生不慚母死不慚父可謂孝矣納之童學他日必有成遣人招之不至訊其故曰子讀母無養更遺以錢粟并允其常繼以供母卻不受召之一見終亦不來有問及者輒流涕不答踰時予以公事至山亟訪之已早遷去不可蹤迹嗚呼推某之心惟痛我生不幸恐人或知其事無以自立於天壤間也此誠出乎至性者哉一心惟子職是盡而絕不知此身之爲生爲死實無忝於天經地義爲人世之所不能爲或爲之而未能中心安焉一若此者也殆所云醇行無虧者惟此子耶或曰不欲彰母之失以揚己之孝也是猶未足爲

知某者也凱風之詩雖自引厲卒暴母過不逮遠矣予載其事不書其名成某志也

捨身戒

人有捐生投於梵音洞下者妄冀爲大士所收錄嚴飭禁杜不止歲或以告嗚呼捨身之說吾不知何自而起其云福利眞不可解而世往往惑之甚矣人之至愚且忍也今有父兄急難或告之曰爾其殺身成孝人且趨趨不前甚至假託竄避以僥倖免者今有軍國重務或告之曰爾其諍之以死人且畏憚緘默甚至依阿詭隨以附恩寵者今有蹈非常之變禍不可測爲之友者徬徨歎息或告之曰爾其以死救之殺身成義則卻步掉首而去夫忠孝節義古今之美德天下萬

舊德集十二

美

世所常尊所謂死有重於泰山者也而代不數見信无妄之說委父母遺體於波濤巖石間所謂死有輕於鴻毛者也而趨之若鶩其爲愚與忍孰甚夫人之生禍福兩途耳人之禍莫甚於不得其死死之苦莫甚於沈溺宛轉反側浪擊石觸糜身折骨而後魚鼈羣萃以食之雖支解剖割靡有其慘夫捨身以求福也而先受慘禍嗚呼若死而有知風雨晝夜漂泊掩忽不知幾何怨悔也而或父母望其歸妻子冀其還兄弟親戚莫不延頸以望忽得凶問愴悅號泣何可勝道非忍心很戾計不出此如是而欲望慈悲之大士以一死爲皈依吾知其必疾惡痛恨斥之惟恐不速矣尚奚福之有且夫人等死也與其捨生以求利孰若捨生以取義與其輕自戕賊

於虛無杳冥之途孰若勇決向往於倫理綱常之地用之於父兄可以成孝用之於君國可以成忠用之於朋友可以成義而世人不解好用之於誕謾不可信者而謂以此未脫度也適以成其陷溺耳吾故曰至愚且忍也余知定海縣事故書此以戒

舊德集十二

美

舊德集卷第十三

繆 潤 字曉江乾歷甲戌進士直隸完縣知縣

從兄雪堂詩鈔序

吾族爲江左著姓文章節義代顯於時前朝以詩傳者得兩人焉於晉曰襲於元曰鑑鑑其隸籍江陰者也申浦一支世以耕讀起家迄今簪纓日盛脫風月無主江山笑我僉矣從兄雪堂秉性恬愉學修行篤不驚紛華不徇流俗有古之遺風焉其所爲詩溫厚和平一歸大雅而揆春摘卉之習擯斥殆盡予讀而重之夫詩以道情其緣情而作者太率攢簇化工陶冶今古有中流自在之趣無匹夫橫劍之形兄以羸質績學數十年始則借詩以適興繼則盡興而詩工行所不得不行止所不得止駸駸乎上眉山劔南之庭而直入其室於所謂攢簇陶冶者其功有醇而無疵可謂難矣甲戌秋予自都門旋里間有吟哦輒以就質兄既爲予點定爰出示所哀雪堂詩鈔焚餘草諸橐屬爲序之循誦之下深快吾族之有人而二三子弟藉得觀法矧今詩教振興是編出而輔翼之格律其蒸蒸日上也已

舊德集十三

繆執方 見前

贈公晴湖先生誕辰恭迎

救命序 代

朝凡遇慶典首錫覃恩士大夫莫不藉

國家異數之榮爲顯親揚名之舉然必修身者倍隆而後得

天者獨厚卽古證今百不爽一今以徵吾贈公晴湖先生而益信先生世居江陰之申浦五世祖湘筠封公屢舉鄉飲大實善端義行不可枚舉以故子孫繁衍科第聯綿高祖哲侯都闈任冷口關守備晉都司以終養歸曾祖蓉浦大令歷任山東沂水浙江定海知縣仕浙二十餘年多善政畱葬衣冠崇祀名宦本生祖紫宿明經祠祖心範上舍以先生之考贈言茂才爲嗣贈言茂才性至孝與兄弟無閒言延師訓兒待之忠敬德配徐孝謹賢淑以道相莊此先生前代積累之由開其先以昌厥後者也弟兄六人先生最少弱冠卽補博士弟子員遊學山左不克奮志功名遂出其緒餘以教授諸弟子當道公卿側履爭迎而及門得力於先生者甚眾猶子聘中戊午副車由教習候選縣令姪孫玉銘己巳進士授內閣中書十數年間科名鵲起要皆先生栽培訓誨之力居多先生事親孝以未逮事萱闈至今隱痛德配楊筠鐙佐讀相敬如賓不幸早世先生義不再娶鰥魚之感矢以終身與兄友于至篤作客數十年尤能絕干謁敦氣節不失朋友歡故胞誠長厚之名著於山左夫至行不外乎盡倫而厚德必徵諸食報其行苟臻乎其極其報必驗諸其身先生抱璞含貞韜光用晦故哲嗣蔭軒大令承家學之淵源於甲子乙丑鄉會聯捷卽用知縣籤掣河南是殆天之報先生歟不然何若是之捷於影響也蔭軒宰項城迎養先生至署先生接人溫厚

舊德集十三

二

之捷於影響也蔭軒宰項城迎養先生至署先生接人溫厚

植品端方猶且一編不釋屏絕粉華貽謀則由義居仁官箴則經邦立政其所以宅衷而培本者固何如耶己巳恭逢皇上五旬萬壽寵錫軍恩先生以文林郎

敕封於辛未三月吉日恭迎
救命適屆先生揆攬辰藉

天語之褒揚代宏文以介壽某等不揣固陋謹泐微詞綸綍遙頒岡陵載詠自此先生春秋未艾蔭軒名位日增則固有厚望焉謹序

繆 絛 見前

萬全縣募修文廟疏

蓋聞等百王而上聖集大成歷千載以還禮崇釋奠惟道統

舊德集十三

三

開生民所未有故祀典閱歷代以彌隆執俎豆以相將鍾簋告備仰宮牆之在望車服時陳是必廟貌致其崇嚴而後神靈安其陟降萬全縣文廟自前明而始創迄今日以重修事近百年廢非一日苔纏蘇泐丹碧之剝落何堪鳥穴鼠穿棟宇之摧殘日甚遠尋破壁誰何聞絲竹之音俯拾頽垣竟莫辨琉璃之色儻不經營以再造安能規制之重新然而山有良材豈必玉梁自下功歸哲匠詎能銀殿飛來費既慮其不資事本難於獨任雖分鶴俸僅同一木之支未計鳩工終等三年之築此營繕必資羣策而捐輸尤必賴眾人也嘗見白馬莊嚴絳雲成蓋青鸞壯麗綠玉為階良由插草唱綠貫花卓錫共結鸞摩之願蓮界重新頓遷龍樹之觀金容再煥况

廣膠庠之地尤多禮樂之儒豈其吝此錙銖遂至任其傾圮用修疏引廣勸捐施地滿布金本縣不辭倡首裝成集腋此邦諒有同心請列芳名共襄盛舉以采蘋以采藻用昭春秋積邊執豆之忱美哉美哉輸足徵

國家重道崇儒之化

李母陸太孺人四十壽言

歲在昭陽作噩元月之望邑侯李公為太孺人稱四十壽鵠凡與邑侯交者莫不為文以獻邦人士沐邑侯之化習聞太孺人之賢一年有餘矣烏能已於言客有曰古者上壽百有二十中壽百下壽八十四未及中壽之半何以言壽余應之曰壽者諸福之首至德懿行有得壽之理則祝之三百篇

舊德集十三

四

中下之頌美其上者必曰令德壽考又曰遐不眉壽若此者指不勝屈豈其人皆華髮墮顛而後美之耶抑以有所愛而即以是為頌也太孺人來歸時邑侯年逾就傅愛若己出贈公策三先生客遊則攜之母家就學每自塾歸必叩以所學蓋則喜否則督責不少貸及贈公捐館舍撫恤益至遺腹舉子旋殤置勿顧曰吾願長者成立耳安能以襁褓者厯吾意邑侯嘗曰非吾母吾安能至此可知太孺人之賢矣方贈公之歿也欲以身殉恐眾人防護不得死含殮既畢既輟哭言動如平常家人方竊議之及葬柩甫窆未封忽踴身躍下墜穴中皆大駭太孺人弟從後急掖之起則已昏絕不能言良久始甦母武宜人論之曰死節事小撫孤事大汝若死遺孤

將誰恃勸喻百端乃涕泣受命古來婦人夫死義不獨生往往畢命以遂其節烈之性後之人表幽閨貞稱道勿置使太孺人當日得遂其志借亡者驅螻蟻於地下豈不足上耀史編下光宗黨獨是邑侯終鮮兄弟絲絲延延不絕如縷賴未亡人實存之今且捧檄出宰百里復受大府知膺繁劇任太孺人雖格於例尙未得以苦節旌於

朝而已身拜尺一之詔沐翟弗之榮豈不賢哉豈不賢哉自贈公沒太孺人恆鬱鬱不樂及生孫始稍解益十餘年來茹茶飲藥積慮隱憂不知若何其難矣太孺人性慈婢僕有過不加譴責門以內無鞭扑聲嘗謂邑侯曰民猶子也汝爲吏慎毋以苛刻從事邑侯受教惟謹昔嚴延年治下酷烈其母

舊集卷十三

五

從東海來止都亭不肯入府延年免冠謝乃見數責之夫延年以母之賢尚不改其刻覈之治孰若邑侯奉太孺人之教慈祥愷悌不以擊斷爲能邑之人陰受太孺人之德正復不淺必有酌酒稱觥扶老攜幼奔走絡繹於道以爲躋堂祝者易有之積善之家必有餘慶太孺人之德在人天之報施必將大啟厥後顯榮赫奕歷久勿替而願以區區之壽獨於其身而靳之哉吾知黃髮兒齒必臻古之下壽且馴而至於中壽上壽正未有艾焉然則四十非言壽而其得壽之理固有在也又烏可以不言是爲序

穆庭槐

字對揚號蔭軒嘉慶乙丑進士甘肅平慶涇州人

年家子解珙光填諱

項城訓導王桐岡六秩壽言

歲在戊辰九月桐岡王年翁先生六旬榮慶門下諸生思所以稱觴者製錦以爲介壽之祝請詞於余槐分切同寅忝叨主誼不敢以蕪詞進頌謹述所知用申祝嘏恭維先生瑯琊世系弋水名家少兼英敏之資長擅儒林之譽兩千歲領鄉薦秉鐸陟陵廣敷文教俾及門諸士鬚序蜚聲聯科獲雋故論者比於胡文定之在湖州焉丙寅歲槐宰茲土與先生同方共事歡若生平因延掌教並課諸生夫先生以積學之餘普作人之化其平日著述可以傳世行後者當不下數十卷而槐以執掌風塵之會未獲少親緒論以慰高山仰止之思然猶得於校閱院課之時見夫筆削有方不可移易於以知

舊集卷十三

六

先生之文若江河行地日月經天爲後學之津梁作當時之模範其所以樂育人材薄施教澤豈淺鮮哉槐聞之敬者德之與也讓者德之用也儉者德之共也有德則樂樂則能久仁者固如是乎而先生以冷然一官靖共爾位無少怠焉抑何敬也同學正齋毫而好學允協和衷抑何讓也家饒負郭之田座有無匪之客淡泊自甘抑何儉也昔少湖徐公爲祭酒諸生祝其壽者舉爵爲令曰太上立德其次立功其次立言其次言壽固以三不朽爲定論也今觀先生人品文章本諸身以及諸人脩於家而獻於國莫不秩然可觀肅然可敬而諸生景仰愛慕之忱誠有如七十子之服孔子較之祭酒徐公而有殊乎從此遐齡不享祿秩崇遷福祚其未有艾也

爲序以佐千秋之腸

雜說 炬見前

己卯冬代庖准揚道署與諸生解中字義因云如用中執中經書所載詳矣夫中不偏不僻之謂人如偏僻則流於異甚且怪矣聖人不語怪力亂神不中也適館壁懸元人倪瓚畫幅遂笑語曰雲林居士當元末時散財給困不遭亂劫扁舟箬笠往來震澤三泖間高矣使不性僻好焚異香何來葭葦中逗出爲吳士信覺得敲撲幾死也

傷虎記

余幼好藝蘭有陽羨閔老庸者業此每春初卽負擔來其甥

青德集十三

七

日銀團嘗左右之丙辰歲余在郡值於顧塘橋友人處見銀團衣紫花色絮布圍襖笑謂之曰爾得素心乎血舌乎何華若是其舅老庸曰皆非也若近獲一虎易錢半萬故若父母爲置此夫銀團僅一十五六歲孩耳烏乎能因詫而問之曰如何日蘭必產窮嚴幽谷者佳去歲十一月偕伴入山已五日矣是早飽飯攜具往申末時見溪側峭壁下凹處有大藜心喜乃仄身窘步入陽羨山接微嚴其層疊迤邐境莫窮長林豐草萃藏蟲豸取蘭者皆以山竹削弓矢衛身而銀團披采久之覺額上溼滴捫之腥仰眺一虎踞峰頂滴額乃其涎也極駭縮身潛閉視對溪有蒼色物殼躡拳曲鬚榛莽間思身出必遭啖曷若驚之而去援弓扣矢盡力仰發虎聲吼

震林谷直竄過溪鱗鱗蒼色物响時不形轉動異之適伴人來覓遽以金鳴場然者如故復射以矢亦如故乃各操鏃涉水遙睇則虎前身壓物股臥尾直相訖日得毋傷而死乎羣噪而近矚之則果狼死于虎虎死於矢矣老庸復笑曰吮吮者虎快狼之鑿於前不虞備備者人畏虎而賊其下也將出縣官聞而欲膏之取賞是時也庭有圖聽說虎數讀書子朗夫喟然告之曰夫虎其小焉者也子嘗讀國策莊辛幸臣之論子楚襄雲夢馳驅肆其所欲不知穰侯已受命而謀之故卽蜻蛉黃雀飲啄自恣而亦有童子王孫之患也若夫夫差爭長於晉軍智伯逞威於趙闕而不知越與韓魏已屋其社而漆其首矣千百年間暴主荒王雄才傑士以貪欲而喪亡者可勝數哉夫虎其小焉者也是爲記

青德集十三

八

書馬周傳後

士果懷珍豈長貧賤哉方馬周客汴爲後儀令所辱感激而西舍新豐逆旅命酒一斗八升悠然獨酌其意致益遠矣及太宗見其代常何所言封事遂召用不次遭過爲何如也岑文本嘗謂所親曰觀馬君疏奏會文切理無一言可損灑灑洋洋令人志倦蘇張終賈正應此耳唐史稱其由一介草茅定天下事若素官於朝明習憲章者然嗟乎非王佐才疇克臻茲

閱揮塵餘話

嗚呼余觀宋王明清揮塵餘話載御前前軍副統制王俊首

張太尉憲反狀不禁髮指背決也夫俊本系東平府營卒轉
輟升隸憲麾下非平日之腹心股肱也史稱太尉智勇足備
者胡昧昧然以此等事商之當其言曰太尉欲虜劫舟船裝
載老小軍馬由陸移赴襄陽伊則止之曰且看國家患難之
際且更消停如此則俊必不同心矣而太尉猶曰待我教你
下手你便聽我嗚呼此何等事也而勉強爲之俊又曰恐軍
中不伏者多張相公必有人馬追襲而襄陽糧亦不儲太尉
復問曰背鬼遊奕軍伏我不俊曰不伏底多如此則俊斷不
共事矣而猶使之請姚觀察王剛張應李璋等且直告之嗚
呼此何等事也而鹵莽爲之及其以姚觀察語覆太尉云緩
緩地且看國家患難面而王剛等則又不曾請去嗚呼此何

書德集十三

九

等事也而兒戲爲之至九月一日太尉起發赴樞密院遂告
之曰你卽將後面羸重物事轉換收拾等我來叫你其視叛
逆謀反輕若舉一羽然種種疑竇稍知識者當必辨之或曰
武穆之坐以嘗自言與太祖皆三十歲爲節度一語又當握
兵日抗命不出師者十有三次嗚呼此亦莫須有三字也觀
其金牌召時卽斂兵受命可知矣又云岳雲曾與憲書既不
之達繼復焚如鍛鍊雖極生供何在哉要之高宗則樂處小
朝廷秦檜則欲保長富貴諸帥妒才疾功問官望風承指片
紙夜出而岳死矣尚何辨哉尚何辨哉

記二友語

嘉慶癸酉甲戌年余游豫下榻陳州府署中時州縣皆規避

處分諱言盜一友謂余曰天下具有奇怪事令人絕倒者余
曰如何日曩在鹿邑有報白日搶劫者卽遣捕獲五人雖未
傷人賊已滿官與刑幕商曰作竊案可耳過堂略一問卽定
爲二人黑夜由破籬入三人在外瞭望命吏教盜如是供內
忽一人呼曰冤哉我息人也在江湖十有八年所劫財物不
知凡幾拒我者手刃之堂堂丈夫豈畏死哉奈何以齷齪名
汗我爲賊官吏各匿笑若不聞言罷彼此撫掌復一友曰事
更有想入非非者去歲滑臺之亂總統始至時令曰有投誠
自新者許爲安插授業卽有一人執黃布尖角旗一曰我李
大王手下壯士曾與官兵打仗殺數人王欲封我官我不願
故來降正欲詰之一走役見而笑曰此北鄉施二扭也孤貧
無賴素行乞市中前三日小人自道口來於五堡猶見其夾
林楷一束在汪蠻子酒店門首蓋偶於路拾此旗而思誑一
安食處也卽遣役質之猶曉曉曰我殺人我殺人一委員杖
之曰我爲爾消殺人罪

書德集十三

十

書明選舉志後

明初用人有徵聘有經明行修有人材有賢良方正有識兼
人有楷書有童子諸科至洪武十七年始改行科舉法與薦
舉並行不悖自永樂至宣德皆然後復置進士科貢吏員三
途至成化後遂專重進士而薦舉不行凡事之進身必得進
士方爲顯官而進士之所習者惟八股制藝誠如朱子所云
具不越乎無用之空言至若策論無非鈔襲陳語依傍空腔

有如唐來人者何在乎凡以此特為主司者卽以此衡取士
子舍此別無他途可入貢吏員考滿祇得末秩然亦甚難昔
人謂入是科者雖橋枕饗餐必錄出是科者雖周公孔子必
棄以一日之長而易終身之富貴以一辭之工而獲終身之
爵祿古者尚賢興行之意無復存矣嗚呼古之人脩其天爵
而人爵從之今之人脩其空文以邀人爵如之何其可也本
朝兩開博學宏詞科有官無官皆預當時人才畢竟卓卓胡
今久不舉行豈士子專習時藝宏博絕無其人不足當內外
大員之推薦乎

覽中說

隋王仲淹通學問淵深道理明澈列之聖門亦高弟也本其

舊唐書卷十三

二

著述皆足傳世奈自相尊信欲繼尼山謂當春秋之亂而生
聖當大業之荒而有我遂仿孔子五經論續百餘篇其門人
辭收姚義等復綴其緒言曰中說體比論語各相標榜曰有
若仲由者曰有若莊周者以姚爲由王莽攝政依樣周公嗚
呼妄矣且夫先聖之經不可勝學也又奚續焉續之庸能出
其外乎出則非經矣苟無而續之則贅也或曰彼商周以往
此漢魏以還也漢魏以還遷固之徒記之詳矣矣待於續夫
亦好大而欺愚乎則彼不愚者孰肯從之哉其弟續字無功
有學有守儒行之最者亦必尼山其兄觀其與馮子華書則
曰兄傷隋亂有道無位作汾亭操蓋孔子繩山之流也其雜
著於負笈者傳則曰文中子聞之曰隱者也於仲長先生傳

則曰文中子比之虞仲夷逸語語臨模事事刻畫其子福時
遂謂銅川夫人履巨石而有娠既而生文中子嗚呼妄矣蓋
孔子之不可及猶天之不可階而升端木氏論之當矣惟此
十二萬年間學者祇得步趨莫與並立雖孟子大賢僅曰子
私淑諸人也烏得尊而欲繼之開闢宋人雜記亦有疑其子
孫作偽者卽云有唐開國功臣房杜李魏諸公皆及其門并
不可信故史氏莫爲立傳而惟私諡之

張浚論

宋張浚立朝甘以身爲黃潛善門客朋比宋齊愈而爲隱其
請立張邦昌之書劾李忠定綱罷之而兩河淪陷矣後遂歸
敵趙忠簡鼎引秦檜忌岳侯殺曲端種種欺妄筆不勝書徒

舊唐書卷十三

三

以能牢籠輕率好名之士而當時文學之士如王十朋汪應
辰陳良翰等皆及其門子栻南軒又以道學倡名故多方彌
縫曲筆作傳而後世無識者遂目爲公忠且有擬以諸葛武
侯者嗚呼天道昭昭人心不死博覽宋人諸集中歷歷可按
也其富平之戰不聽端之言反奏罷之及其敗也委罪趙哲
而殺之老羞成怒并害曲端而西人於是解體矣其淮西之
役不聽岳侯之言王德用而鄭瓊果叛矣禍及呂尚書社傷
哉至符離之師又不聽史浩陳敏之言盛夏興師卒致大潰
而猶云聞軍敗之時公鼻息如雷此是其心學蓋其視人如
草菅視財如糞土欺人欺天是真喪心病狂者
國朝王文貞公崇簡奏黜其從祀眞大快人心者哉

嚴子陵釣臺觀雲記

嘉慶己未歲襄信芳劉學士校試三衢四鼓舟泊嚴子陵釣臺向曙登之亂石窄徑同人少濟勝具有立山足而眺者有

舊德集十三

七

於山忽低忽下布山之存者如環堵忽又起至山半一色停聚忽停者動聚者散山恍惚若移對面峰巒亦時近時遠忽

晚必歸其穴惜不能泊而待之

閱明吳匏菴文集

先生有跋蘇郡鑑古家自元及明若劉廷美徐西賓兩人為最身沒未幾手澤猶新已多半為人持去且感且歎以為玩

舊德集十三

七

不過驟消逆取者必至倖出豈僅此區區玩物而已哉

龐大莖撰誅序君博綜經史弱冠肄業暨陽書院為文縱橫奇肆不可方物山長李申者先生詭為異才

明等韻不可以讀書不明古韻不可以讀古書副贊
音韻書志所載經星參以巫咸甘石諸家遺說及丹
元子之步天歌利瑪竇之經天該等爲經星攷近又
擬爲諸經地理攷屬彙未就而卒

姚母葛太宜人誄

惟道光二十年十二月姚母葛太宜人以疾終內寢春秋九
十有四嗚呼太宜人禮式女師仁昭母範廣施方於河澗陰
德同於耳鳴愛日方和慈雲遽杳彌切孝烏之痛徒增弔鶴
之悲尚詰文不工哀德無能累敬述蕪詞知有慚於彤管略
銓懿範謹以表夫素旒誄曰

離瑜象朗文嫻輝奇溯源句漏蟬嫣著滋聽從婉婉習禮明
詩作台吳興鵲起康綬勉有無盡孝竭慈孝慈兼著族黨

舊德集十三

三

推賢萊衣借隱鴻案昭虔相提規矩交贊韋弦如孟德耀惟
誓而前如桓少君提寶以先杼機常顧簪珥可捐匪簪匪珥
以德爲華所天見背稟命不遐稚心泣血匍匐縷麻誓以身
殉擗踊吁嗟割情願義聞者衷嘉用勤色養用待克家色養
伊何子職婦脩冬溫夏清夕膳晨羞菽水之奉十指綢繆茹
荼飲藥不怨不尤執喪哀戚盡禮無說牛眠既卜馬鬣爰謀
克家伊何曷以楹書秉心婉嫵著度莊姝畫荻程課截髮匪
儒毓此國器俾成令模雙鸞二雛合璧連珠恢恢慈蔭慶溢
庭除恢恢慈蔭匪惟戶庭撫孤念舊析產推誠下泣羊舌分
宅廓成克敦古處共仰高情高華義重簞簞利輕善心日竊
非以邀名爲善最樂仁於用心歲在丁卯閩邑告祝諄諄慈

命秩秩德音瞻烏誰止嗷雁也矜行道有德積善於陰至再

至三閭里謳吟謳吟幾徧樂善不疲社倉之設紫陽遺規貸
不克償水毀木飢爰命詰嗣勉力支持焚券糶米舊額罔虧
利益之事知無不爲溝渠有志利益孔多用蓄港漑用洩洪
波歲久議濬曰北塘河捐資瘁力夙夜匪他菰葑之區成麥
與禾聖善垂訓可誦可歌懿哉聖善忘己澤人辛卯大饑江
湖之濱捐輸屢告觀望因循母也傲然慘目傷神節衣損食
倒篋傾困慷慨倡率厥數千緡千緡既倡絡繹輸將邑侯嘉
獎孝義顯揚載登奏牘載錫龍章爛然音服煥炳輝煌慈心
說喜怵感悚惶勛以舊德弗敢忘忘舊德未湮忠義建祠棟
楹圮毀神其曷歸命襄修葺爛漫陸離涓庖之所悉備無遺

舊德集十三

六

復割膏腴享祀有資以妥先靈以裕燕貽承先裕後九秩斯
開嫺嬾駢集鞠臚銜杯黎收而拜稱媿而來母氏颯然執意
不回介壽以善無徒耗財益拓祠宇瞻望徘徊祠宇既拓更
念宗支宗支祔室湫隘喧卑自義率祖因公及私復命踵事
廓而大之鳩工增畝版輿意怡賢明之美俟其禱而偉矣賢
明後樂先憂憫茲里宰徭役繁稠哀彼無辜或累河浮勞心
區畫委曲代籌歸堂法美均莊惠優夜無吠犬閭里蒙麻麻氣
四塞匪宴匪娛去夏大水決隄潰圩淹沒無算爲沙爲魚
溺不還爲鷗爲鳧念念惻怛晨夕憂虞復出千緡財殫力痛
力既告痛財既告殫慈幃訓誘天降艱難當與畚揭庶障狂
瀾賢侯敦命弗敢盤桓余病雖革爾無偷安庶幾歲事功名

不刊事未及厥慈景不延屢脊始患喘逆繼纏禱祈罔效醫藥莫痊春相無聞鄰媼潸然翔禽失樹泳麟辭川叩心絕氣天道回旋我聞天道作善降祥如太宜人流澤孔長既登耄耄五代同堂宜享期頤綽楔增光如何不祿嫺黨咸傷遺徽不沫奕葉流芳以垂奕葉以永遺徽併蒙夏屋和煦春暉寂寞憲堂淒涼總幃素車遠赴丹旄紛飛軼軸既駕窳步迤依德壽貞珉神棲太微

繆煥章 見前

年家子嚴季堯填諱

黔撫蔣濂生中丞手札書後

咸豐丁巳季冬黔逆胡黑兒等猝陷思南郡城川中西秀戒

舊德集十三

七

嚴雲亭蔣公時以川北鎮統領川兵一千二百餘駐黔省之鎮遠府扼堵逆苗思南變起即派兵弁往援是時四川總督為閩人王慶雲以蔣公所總悉屬川兵各兵官口糧鹽折均由川省撥解是川省因黔疆不靖所費甚多乃思劃疆自固而蔣公係奉

旨留黔之員遂奏稱蔣某威望素著現值思南教匪猖獗請移蔣某一軍由銅仁徑趨思南前勦教匪其鎮遠軍務俾蔣某酌量或留兵協守或移知黔省另派員接管奉

旨允行蓋川北鎮歸川督統轄藉此徐圖撤轉川兵庶免撥解黔餉其本謀如此未幾蔣公拜貴州提督之

命並督辦軍務深維大計以苗教均應勦且保黔即所以保

蜀不得稍分吟域向例川中本有協黔之餉歷年既久積欠數十萬蔣公自統兵到黔所領兵餉俱歸協黔項下動支並非川省格外增加黔餉也王制軍因本謀未遂已生嫉妒又見蔣公屢次尚弁乞餉所論均為黔地計愈覺扞格不入而所任總辦西秀防務李漸鴻者又係其私人李漸鴻狙詐百出始因伯兄任西陽州牧思渠小挫遂稟請鑄兄職余適贊蔣軍門戎幕李漸鴻思所以中余者併以中蔣公王制軍積受譖言遂停黔餉不解貴州糧道韓公來函李漸鴻世居八至軍城阻其不措糧反以資敵故將其倉穀分賞貧民之無食者謀敢怒而不敢言迨因貪功被斥不知愧悔反挾忿進讒阻大計流毒川黔今雖禍及其身慘斃賊手固足以報應然損威辱國更長賊鋒尤堪髮指此等官穢民賊恨不手刃之軍門傍徨日昃通書黔撫懇呈兵單餉細情形以謝天下

舊德集十三

七

而黔省無地非教無教非匪勢同原燎事比絲芬勦賊任之提臣籌餉須由疆吏反覆千言直陳不諱此乃黔撫蔣濂生先生覆函用意頗為周而措語尤極和平無如黔省糜爛至極一文一武徒事焦勞而鄰圻袖手卒歸於空言無補也其後兵勇因乏餉潰散逆匪連陷二城蔣軍門鑄職中丞亦資志以沒而川中為滇匪藍大順等由筠連竄入敘州府境烽火連天李漸鴻亦為賊戕全軍覆沒矣余目擊黔營潰敗之由蔣中丞復軍門書尚存篋中因付裝潢家並為志其顛末如此楚撫駱大中丞自貴州銅仁擾亂後即派兵弁赴援收復二郡一應戊午冬鎮遠告陷又撥兵練克復鎮遠節次致軍門書並無一語自矜不過言楚南不幸當黔粵江鄂之衝

頻歲援兵四出需餉數十萬實已力盡筋疲但使有益於國家即勞瘁又何足計云云嗚呼古大臣歟

啖蔗軒詩集跋

道光六年年丈贈光祿公濂舫先生之西域道出涇州先大夫攝涇州牧相見甚惟約游州西回山王母祠以暑盛不果當卽函致隴上州縣以時芻秣毋誤郵程先生抵伊江手書致謝并寄詩二章先大夫讀之愛不釋手煥章時年十四僅記其甘涼道中雜感後二聯云五夜獨憑鄉夢遠千家遙聽暮砧涼請纓自分非吾事劔匣深宵尚吐銜又登祁連山絕頂首云到此方知宇宙寬中原直覺小如丸餘漫不省記矣長公子箴方伯少承家學夙工詩古文辭於故舊世交遇之尤厚上年秉臬來川招煥章入幕今秋賜示先生詩集承讀之則前二詩不見集中知未及編錄者尚多因仿昔人附記逸文逸句之例載之篇末并志五十年間兩世文字因緣如此云光緒四年十月

亡兄伯康事略

兄生於嘉慶庚申年十二月二十五日其時先大父晴湖公遊幕山左先大夫入都應京兆試肄業國子監先母吳恭人於雪聖巷母家有兄兄依外家凡七年先大夫乙丑成進士分發河南丙寅題補項城縣知縣甫克迎大父及吾母與兄至項兄生而穎悟幼嗜名法家言先大父雖勸其攻帖括事進取而以餘力授討律例案牘遂能貫串年二十娶嫂氏俞

舊德集十三

十一

恭人道光壬午應京兆試薦而未售時先大夫攝涇州直隸州事甲申先大夫擢西○府貴德同知其地爲甘肅西南邊所轄蒙番居其半地瘠而距省遠先大夫置眷屬於蘭州省攜兄前往任所一應公件均委於兄兄辦理蒙番槍劫重案俱極允當總督章佳文毅公那彥成嘉先大夫不分畛域爲邊防得力之員故事以知縣升同知例應送部引

見文毅公奏摺奏請暫緩俟邊俸報滿時併案送部得旨允准雖先大夫獲上有道亦可見兄趨庭時贊助之力也

乙酉又應京闈爲前工部郎中後官江蘇巡撫傅公繩勳所薦主司願晴芬舉少農再閱而再置之後傅公任江○方伯宣適館江○調見時猶爲惋惜云兄於道光丙申援例以通

舊德集十三

十一

判分發四川到省卽爲上游刮目不三月撤充發審局委員清理積案三百餘起戊戌六月署南充縣知縣是冬先大夫卒於家兄聞計奔喪回籍經營窳窳辛丑夏五起復委署嘉定府鹽捕通判卸篆後又委雷波通判雷波爲川中四邊之一漢夷雜居始則漢強夷弱蹂躪百端繼則漢弱夷強漸區報復而營卡各兵丁多爲夷人道地夷人益肆猖獗雖經大府遴派文武大員會辦總以山深箐密難於深入敷衍愈甚夷敵愈張兄審知邊防積弊故履任後以聯絡營弁爲要務夷人每有舉動營卒早經馳報地方官得以預防在任一年夷漢相安營卒尤爲盡力總督覺羅文莊公寶興有邊才之目後一署我邊通判再署雷波通判一署越嶲同知兩署馬

邊同知所至相度形勢於扼要處增築礮樓派得力兵役守
護十年以來烽燧不驚漢人不受擄掠之慘上台亦一意任
之咸豐三年癸丑委署邛州直隸州方伯爲錢塘吳公振械
謂兄日十年邊瘡此缺未足酬勞也兄履邛一載丁先母憂
時粵逆竄踞江_蘇省城長途梗塞未得回里守制總督晉江
黃公宗漢悉兄才奉委赴湖北東湖縣所轄之官渡口辦理
轉運糧臺供支湖北巡撫胡文忠公林翼一軍在事兩載事
無不理服闋受代就近在川起復咨部允議戊午春題補夔
州府通判委署酉陽直隸州知州酉陽南界湖南花圍東界
湖北利川隔江則黔中思南府地黔中時多不逞之徒因奉
官檄聯團而奸民藉團創設燈花教思南府之致和團爲最
大煽惑萬餘人蔓延數百里四川涪州人劉理順爲之首圖
謀不軌川省人言籍籍而思南府縣漫無覺察是年十一月
杪匪突起陷思南府城文武不知下落酉陽戒嚴兄卽飛稟
本省文武大吏總督閩縣王文勤公慶雲據情入告派候補
知府台拱李漸鴻爲總辦駐紮龔灘并飭涪酉秀各州縣官
擇要設防己未三月王制軍檄令開壁夾擊兄時在酉屬之
菜園堡防堵目覩黔匪往來竄擾黔無一矢相遺因飭團練
屯勇截黔匪上竄之路眾寡不敵陣亡屯勇三十餘人總辦
李漸鴻稟揭兄貪功失機大損川省威望王制軍奏請暫行
革職撤省聽勘冬間經司道詳明貪功各層均屬子虛請仍
派往川東效用是時滇匪由川省敘州府起事連陷各城川

傳德集十三

三

東北均戒嚴而川東所屬之彭水縣另有何逆勾結黔匪圖
入川滋擾王文勤公調兩廣成都將軍宗室有公鳳兼署總
督檄兄歸川東道廬陵王公廷植差遣庚申三月王公檄兄
前往永川榮昌等縣聯團防堵兄稟請在渝挑選客籍一百
二十名爲親兵照川勇例支領口糧王公允之兄卽攜駐榮
昌縣屬之雙河場距縣城十五里爲匪來竄擾之要道七月
朔滇匪張五麻子由富順之僻徑突犯榮昌兄思督勇迎拒
稍挫其鋒則縣城可保而由省入渝之大道不至梗阻乃督
眾迎戰自辰至酉斬悍賊數百藥鉛將盡援兵不至勇遂潰
散兄躍馬衝陣力竭陣亡親兵殲馬三子長明僕人陳喜皆
從死賊亦受大創因是不敢擾榮昌仍竄回富順署榮昌令
錢塘李公肇奎檢兄遺軀受刃傷三矛傷一備棺成殮王觀
察惋惜之至具稟大府言兄死事之慘并及前此受劾之枉
總督香山曾公望顏入奏奉
旨開復原官
贈道街照四品官陣亡例賜卹入祀昭忠祠并廕雲騎尉世
職兄生於嘉慶庚申陣亡於咸豐庚申花甲一週嫂俞恭人
同邑人子五長恩四川候補縣丞長齡出嗣堂兄薇初四川
巴州吏目均後兄十年卒長明隨殉長森殤長庚幼查齒小
於兄十二齡自幼追隨壬辰以後離多會少咸豐丁巳查齒
險來川兄適攝篆酉陽握手歎然查誨兄頭童兄亦誨查齒
豁撫今追昔感慨系之會新任貴州提督蔣公玉龍督辦全

傳德集十三

三

黔軍務素與兄善邀查入幕卽策蹇入黔後蔣公以軍敗銷職查由黔回蜀與兄聚處涪州者半年庚申春兄調往榮昌六月間新任貴州提督田公與恕尙弁賚書至涪聘查贊襄戎幕查馳函至榮昌相商兄告以田公素有威名旣尙弁來迎不可拂其意并寄羅紋布二端爲置帳之用嗚呼詎意竟於七月二十二日抵石阡不數日竟聞兄陣亡之耗耶兄素性豪爽輿服鮮明飲饌精潔遇友朋之急無不傾囊相助雖頻年攝篆而宦囊蕭然今年江鄉族人書來謀脩家譜故臚列兄之政績節烈上諸當代立言君子俯爲作傳俾附大文以傳非惟家乘有光音感且不朽矣

繆贊熙 見前

舊德集十三

三

崇陽客問

甲戌仲冬客至遠方延坐寒暄甫數語客曰先生情貌豐適而神色之間似重有憂者公事耶抑私事耶余應曰十年不見子於相人書又多所領悟而明於觀色如此余下車伊始辦二巨案不惜多費夏間山匪起鄰邑督團防堵大兵過境楚勇分紮支用浩繁多所逋累毫不縈心惟於地方利弊思補救之溯自束髮侍宦游燕趙入仕途先後三十餘年歷官衙者數十繁疲不同風俗互異要之居官者以清慎勤爲主勿任性勿廢事罔不治理孰意權斯邑象半年之久察其所難幾無措手之處安得而不憂耶客曰先生之憂公而非私僕山野人不識致憂之端曷詳以相示余曰首則理詞訟次

舊德集十三

四

則嚴緝捕與夫勤催科馭書役此四者皆非易事不厭煩當從容分晰以畢其詞客曰詞訟似不足窘先生先生昔宰樂溫父老鄉民至今多稱道不衰僉云案無留牘獄無冤民古之神君不是過也何彼易而此難余曰理詞訟之法判是非辨曲直以盡父母斯民之心明以聽之公以斷之委曲體察反復開導以結之兩造說服必無上訴冤者此邦則與是如修小怨者謀之訟師捏情控告不爲准理則捏盜竊請緝別案獲賊則授意於賊扳誣所控之人良民受誣畏見官長必賄差不喚原告遂上控以脅制之批回另票遲延數月差囊已飽再串團內棍衿出頭令其私和賄贓了案共享其利而一家傾矣知之不能救可奈何又如捏重情以告人准理後被告多係樸民畏審賄差比至三月原告不催照例注銷告人者逍遙無事被告者費賄反感激原差護庇不令見官此真出乎情理之外也更有捏傷告人明知非真先批驗奪乃賄仵捏傷勢必補呈傷已成殘原告隨指引甲差百計威嚇而魚肉之受害不敢控訴間有聘得訟師訴出捏傷圖搯情事一見嚴批被告呈催原告承不到案無從判斷曲直矣他邑控案一結可了州民多詐而好訟數年已結之案忽起空中樓閣翻告新案總不外毆辱殘傷估拳肆搶各重情一經批准被告到案訴出真情卽擬銷案必致遲刁或擅傷請驗或扭稟追贓立卽質訊虛實旣分兩造押下取結原告必逃去上控從此百喚不到矣婦女控案收詞時總云夫病子

病或夫與子被人毆傷逼逃在外集訊之下必係無理之事
抱告又係極老極幼之人無從處治儻若不接呈詞攔輿哀
告勉強批理總不投審者十有八九一紙偽詞冤苦百姓甚
矣又有本不告狀旁有挾仇者幫給錢文三四次必求准理
或書役知被告愚樸膽小可供大嚼一力慫恿當堂呼冤求
速喚究迨至被告一詎數月並不集訊比急反求銷票總稱
原告冤颺而承票與分肥者各飽此等控案比比皆然劫案
難獲真盜川西州縣大率類此比差太嚴則串原告指控疑
似之人獲案求訊官知其枉取保候質另緝正盜原告必來
力爭不可輕縱甚至崩角呼冤不得已押候另訊或有游供
總言邀劫半途逃歸未經上盜遊行數名巨匪而其中雜

舊集卷十三

五

以良民非夙有挾嫌即原告心疑者真匪不可必得良民拘
之尚易細心研鞠毫無供贓押禁則每多冤死保店則差必
私放應任所收無質證之匪數十欲提訊保釋半係曾經上
控批回嚴訊之案未上控者甫經提出察訊取保原告呈詞
立至總云放出報復必被戕害勉強縱去定遭上控原告差跪
求擊回禁押日食三斗粟囚不能飽圍爲滿死亡枕籍歷
任諸公從未清釐五日京兆莫挽頽風何以處此民風奸訟
原畏官清公正廉明何愁上控今則不然竟有初控即存不
結之心案中要證故意漏去試訊一堂兩造各執一詞必得
此證人一質方成信讞勒差傳喚定期審結原告見訊出眞
情萬不得直隨有引誘上控之人同赴省垣矣批回票事不

敢到堂比愈嚴則控愈上展轉數月官必交卸如不交卸亦
必年終銷票留此案根換官再告良民受累無止期書役多
承一票多享一票之利竟有控經三五任未得一訊當被告
數年從未見官者理詞訟之難如此客曰萬春去此不數十
里昨過其地聞居停主人道及先生辦團丁夜巡法獲盜甚
夥又下鄉手擒八匪並得贓物皆崇(德)劫盜緝捕甚能又何
必憂余曰子聞者係緝捕有法豈料所憂者在法無可施乎
近省州縣紳糧通匪者多而州屬爲極盛西南二鄉幾於比
戶皆是東北次之境內劫盜竊發十案難於一破半皆窩於
大戶高樓邃室茂竹深林差役知匪在彼從未敢輕入者前
任派家丁帶練勇偶至廳堂曾率死黨毆辱反控搶掠不爲

舊集卷十三

五

究理上控告提委員來訊歸罪差練多事勸令息結到此半
年曾選幹役遠遠晒捕雖未敢公然抗拒每於人靜夜深多
人持械送匪遠颺有人指告恃無贓證不能科窩匪之罪雖
失主控訴匪終難獲也再有富紳銷贓擡箱挑籠公然赴省
三五日銷畢方歸有人知之而不敢阻差亦不敢過問前任
曾因原報失主查得贓欲出境逼差往阻黨與多而差練少
反縛差送究大肆喧鬧將差枷責並勸原告寬恕所以差於
盜案畏紳甚於畏官銷贓劣紳差更畏之敬之也然而紳之
黨匪不必盡搶劫也借通會匪聲氣以保身家而報私怨害
良民多聚匪於家以爲爪牙夜則出劫日則潛藏舉貢生監
窩匪者十有五兵武舉更甚所以有四六寇十二大管事奸

子行黨子行各名目分門別戶良民畏之如虎不敢控訴訪查雖真辦不易辦更可怪者大邑新津灌縣溫江之匪我境窩戶引之來州肆劫彼境窩戶又引州匪往掠明明知係棒匪州中無案差不敢緝亦不肯緝既可漁利又不得罪紳衿交互劫掠案總難破每到冬令各匪均赴鄰縣謂之做生意新正有財而歸懸不畏法也境內巨匪不必係窮而無告者子弟通江湖其父兄家族必先有數紙首狀敘明在外不法存案免累批准者甚多一經犯供由其父兄家族跟究到堂有詞可措總認查有蹤迹縛送究辦其實捕急則逃稍緩即歸享劫財之利竟有因而致富購良田捐功名者人遂樂於爲匪矣匪之名不易查匪之居又無定抵任後按日提在押

舊德案十三

三

之盜察訊之某大耶某老二某老五某老八某老十住址又各不同同行上盜攢湊多人暮夜行劫分贓各散豈能一一問其真名住處內中有悞孥者有差知其誤而搆案者更有知其誤而差役藉以生財者安得秦宮鏡從臚腑中攷定是非哉更有汛署餘丁州衙白役當班偶一入城無事散在各甲與匪爲伍者不少官衙舉動一切輒報匪知支逃出境差去空回必告掃通數年來有匪破案而餘盜未聞續獲亦從未明正典刑毫不知懼由此獷悍攘奪之風莫遏矣再有劣紳無端捏劫竊之案或毀門入室或在途搶奪傳訊地鄰約保毫無知覺串一二極刁極惡之紳衿爲之干證票緝則佔差賂賊不賂則公然上控明知捏報而案不能銷差如稍有

開罪雖一二年之久翻案上控必待差役私下請託紳糧幫給訟費方肯歇手考其隱情或差役喫案得罪其家族親戚借事以報復者或身通江湖差獲其哥弟未准情釋放官究辦伊代報復者甚有差奉票下鄉於曠野人稀之地令匪別其雙目析其手足而去所以差遇假案甘願賠贖求和劣紳惡匪得計矣緝捕之難又如此客曰僕遇樂溫聞先生官民相得九月開局辦捐六十日掃數後任仿辦亦能迅速催科自有良法何憂焉余曰蜀中民最急公津捐年清年款不獨樂溫爲然他邑亦多而此邦公事則壞於多年未旬稽弊竇太深人力莫挽到任三日開局接征查同治八年至今欠款甚巨細攷致欠之由創辦時未能歸一乃出示三項齊上面

舊德案十三

三

月完者寥寥比差籠禁仍無成數外間總謂官不便民不得已稍寬一步地丁將畢而津捐疲滯親赴四鄉勸諭出示三令五申又比差勒限少覺踴躍而催差稟被毆重傷者層見疊出雖不盡實而親身喚到之紳糧押令完津捐後釋去反揚言曾受差辱必邀人設法上控報復不半月已數起矣更有分糧一法數十兩至數兩津捐均不能免自同治五年起每年冬令撥散或一二錢或四五分姓同名異竟有一戶而百數十花名每逢催傳則呈出已完二三兩糧名之票以圖欺罔差知而不言官查出別有糧名妄指爲已分之寡弟媳或幼弟孤姪甘願代完一二名以塞責其實尚隱多名書役持同蒙蔽詭計無人指破官亦無從著力也再有大紳巨族

其糧名散存各甲正糧隨眾完納津捐半多未完無從稽查戶口既多統一簽以催之以延時日其實糧差全知底蘊不敢得罪巨紳甘受比不辭焉今歲庫款支絀設法嚴催月分九卯以嚴比較並查喚未上津捐之戶押令赴局完納懲一警百豈知巨紳團總暨好上控之劣紳延宕不完百姓觀聽所倚一體因循不得已親赴四鄉擇多年未完津捐之生監帶回押比初次尚效再用之則先以得信支藏祇以婦女應門勢力莫加紳矜刁惡真甲於天下也催科之難又如此客曰書役舞文玩法川省皆然何獨憂此余曰書役不畏嚴而畏明奉斯言爲準的不寬縱不疏略刻刻留神駕馭之約束之殊少償事今則嚴既不懼明亦見欺有意料不及者蓋書

舊德集十三

三

役多世及亦有更名復充者舞弊既工又復萬分狡詐每遇公事查出弊竇重懲不畏如果斥革不過不見官而已其助惡飾非暗中作祟承爲一房一班之蠹根株莫能拔也畏責之差尚可用此地水土剛劣不甚畏責而又善於規避巧於騰挪初比推病再比則推下鄉催公辦案不過將散役枷責而正身不到事過結案方入衙聽事公事極繁不暇查舊案補責巧詐受欺徒深憤懣而已甲差承票先魚肉被告謂之下樹裹腹之後再嚮原告暗令兩造回家聽傳勒限比責三次勢必改差控案者兩次受累如不改差比多回而後傳一訊疲玩日久從何整頓竊案百難獲二三比嚴則獲犯竊縱出之賊稟到求訊串誣良民或甲內小竊未犯案者訊無真

賊真供勢必再比續又稟獲一賊與先獲者質或兩下翻供略加刑則認或均認同行仍誣二三良民起意以供差嚮官不能分別良秀照供出票而良民身家莫保矣雖接情奪理到案後反復推求多所省釋猶不免株累而飾言甲差縱匪已越控十餘案矣塌案之法計巧萬端被告入城先令呼冤假稱原告不肯投審飭差速送其實原告到城已久先請城內總保本鄉團甲會同書差拉和了息如果能了則鋪排被告多出錢原告少出錢謂之打掃衙門分肥各飽成爲流案儻拉和不了則串甲保遞一公稟將是非混淆以不肯了息者指爲無理蒙蔽官聽儻察透真情秉公斧斷兩造已服面認具結出署則引去上控終無了期矣書役畏紳矜恨愚民

舊德集十三

三

官不理事則紳矜串差以害愚民官如理事而惡盜賊差偶獲真盜賊二三名紳矜移恨於差或捏案請究或翻舊事請革必須差仍如前任時永不收緝真盜賊而後止州尚有能辦事要體面數差已遭上控數紙矣抗捐紳矜半係匪之人差不催捐不捕匪尚可相安設使勒限票傳必遣子弟雇工持械痛毆反敢捏造掃通歷任以差爲多事又見劣紳多名扛幫之稟總以模稜了事不究不辦遂致實心任事之差亦甘聽劣紳指揮不遵官諭疲玩已逾十年根柢甚深不能振作矣吏役害民人所共恨爲地方官而見好於書役決非良吏苛刻搜求立斃其命亦失政體而乖天和臨事時不肯縱容姑息尚難必其奉公守法此地風氣尚嚴書役小犯加

倍懲治而夙有嫌怨之劣紳必糾黨職名力攻其詞中有
誣良釀命等事查案全虛亦有聯名代懇施恩者是非莫定
書役與紳矜有兩不相下之勢又有聯為一氣之時操縱之
閒非久任不能自如也馭書役之難又如此客聞斯言默然
者久之嗟歎而退閱十日將別攜一冊來辭曰先生所謂難
之又難既已聞命矣以先生才尚迫於瓜代不能展布而切
隱憂僕雖不文隨筆敘所問答願留以贈新令尹儻繼先生
勵精圖治而補救之亦彼都人士之幸筆削後還之伊又手
結一帙畱置案頭而去客龐姓字說民富順人由滇省軍功
保府參軍曾以岐黃學請益於余者

繆徵甲 見前

舊德集十三

三

江上孤忠錄序

江上孤忠錄記閻忠烈公死守江陰城事也相傳為邑人黃
明曦撰嚮無刻本二百年來鈔傳互異余友武進黃君懷孝
翼君丙吉羅訪舊聞芟蕪徵實哀集編於以扶植倫紀揚
挖幽光有功臣鶴匪淺也嗚呼乙酉之際吾邑之被慘戮至
矣桀犬吠堯事多隱諱故斯錄亦未大著今荷我

朝浩蕩之德於乾隆四十一年欽奉

純皇帝恩旨閻陳馮戚諸公業既易名予祀矣今

上御極後邑人士復以邵康公等一百三十八人籲中丞陶

公奏

請於

朝附祀開公之祠亦奉

俞旨准行

繪音頒到之日為今

上道光七年丁亥八月二十四日丁酉距故明光乙酉八
月二十四日庚子實一百八十有三年甲子三週孤忠煥發
前後月日若合符節嗚呼天人相感之際不其微哉徵甲素
生是邦聞風興起尤樂躬逢

熙朝曠典為互古所希有感龔黃二君表微之意爰鼓舞奮
興而為之序

亡室劉孺人墳記

毘陵劉氏世為望族孺人名蔭字佩萱生而穎悟祖拙齋先

舊德集十三

三

生愛之如孫毀齒後教以孝經內則十歲徧讀諸經及唐宋
詩作楷端秀外姑談太君以翰墨非女子事令棄之孺人不
敢拂母意晝課女紅夜則就祖榻旁然脂默誦往往申且問
以己意學為詩家人咸謂為女博士也余年十二出應童子
試拙齋先生一見即欲為女孫相攸而余家故貧孺人有姑
某力為豪右子作蹇修議屢格孺人以祖有成約作美文篇
見志拙齋先生為斥廢姑議適余年二十補弟子員先大父
勉踐前約為納聘丁亥八月孺人年二十二始來歸旬日而
拙齋先生訃至彌月後請於太姑君姑歸執其祖喪外家以
余貧欲久畱之孺人毅然曰兒非不欲常侍父母但既為貧
家婦不能執箕帚漿酒漿微特負吾祖訓亦重貽父母羞即

日歸家徒四壁朔風怒號篝鏡續紡以佐薪水余客授郡城
歲暮歸逋負腐集計所入不足償孺人典嫁衣以付之迫除
夕菜羹豆粥怡然相對堂上亦顧而樂之己丑歲子旦雲生
甫周晬以痘殤時酷暑疔發於手余星夜遄歸急觀醫得不
死辛卯秋子康頤生生三日瘧作孺人恐有他變重傷吾親
心日夜撫摩不去手迨子愈而孺人肌骨次立矣當是時吾
母適嬰疾孺人積勞後復力侍湯藥衣不解帶者三月吾
母就痊而孺人病日益深然猶強自文厲一如無病然壬辰
秋余將赴省試孺人焚瓣香籲天余笑止之孺人曰及此時
稍盡吾心耳因指康頤言曰是兒性剛比長當嚴束之他日
毋忘吾言又曰吾食苦心所甘惟願君早自樹立以榮親吾

舊德集十三

三

儻見之比省試歸孺人促余赴館抱子送至中庭言笑自若
嗚呼豈意竟成永訣耶余之去郡城八月二十七日也而孺
人以九月四日卒迨余奔赴已先半日屬續詢之家人知以
九月朔偶感寒疾人謂其瘡也初不經意孺人亦勉起不異
平日惟抱子付吾妹曰以此相累初三日已刻猶爲余補寒
衣未及半卽暈去扶就榻呼頭痛者三不能再見者三又呼
母者三自此血淚交迸不能復出聲矣延一友卒嗚呼是疾
也殆如木久中枯一遇疾風立見摧折余頻年在外孺人仰
事俯育其飢寒疾痛有不忍言者又逆計家貧力不能調攝
每書至但書平安不言所苦值余歸又恐以是傷余心故忍
死終不一言也余之所以負孺人者尚忍言哉孺人生而端

重和氣怡色沒後長幼無不流涕余性躁孺人遇事必力爲
箴勸計歸余六年居家時不及十月人方羨余無內顧憂而
孰謂其積勞實恨以歿也在室時嘗夢天空月朗清濯毛髮
俄一星墜懷中因自顏其居曰夢蟾樓自己丑後詩甚少今
所存百餘首半戊子以前作也孺人生以嘉慶丙寅正月三
日卒以道光壬辰九月四日年二十七卒後三年吾父始自
粵西歸每聞家人述孺人遺事輒泣然曰此孝婦也又二年
而吾父母相繼棄養吾母彌留時猶諄諄命徵甲曰爾婦必
耐吾塋且立石焉蓋孺人歿後權厝荒隴也越今歲十二月
甲申徵甲始爲先考妣卜吉於墩保馬苑之原葬禮成乃遷
孺人柩附諸昭穴追敘生平記之壙石遵先慈志也嗚呼孺

舊德集十三

三

人歿而世遂無知余心者豈徒傷逝云爾哉

繆葆忠 見前

梁鴻傳書後

建武永平之際朝廷甄錄幽隱蒲輪四出而伯鸞方爲四皓
等二十四人作頌何其矯也及適吳詩曰心緩恒兮傷悼志
菲菲兮升降又曰悼吾心兮不獲長委法兮焉究豈猶有所
希與抑亦有激而然也易曰潛龍不用又曰遯世無悶不見
是而無悶伯鸞愧焉然其身寄皋廡刑于寡妻著作等身不
希華廡雖未必季札魯連亦東京節義之士也

舊德集卷第十三

舊德集卷第十四

穆祐孫 見前

擬明謝廷讚黃山賦 并序謹用原韻

按水經注稱黟山在宜歙閒會稽陳業潔身清行遁跡於此九域志稱為黃山唐天寶六年所易名也昔人云軒轅氏與浮邱容成同游合丹已而倦去於是名其峰曰三天子都而曹谿阮谿傅託仙跡尤不勝數其曰小華山者又以其形肖西嶽而名之然論厥名勝雖皖國霍山爾雅稱為南嶽莫能與抗也故黃山有七而此最著夷攷茲山漸江之水所自出漢書地理志作黝師古曰黝音伊字本作黟夫黟黑色易之曰黃昔人皆謂因黃帝之故竊疑山居浙江上游為博山翁

舊德集十四

山鳥山天目山之祖殆南輪土德之尊歟夫三天子都亦有四或傳謫失證而括州仙都山道藏謂之祈仙之天亦曰黃帝上昇處若以仙天音近而滄之又未識桑欽鄭道元之旨矣余於茲山信宿振衣千仞濯足萬流飲領其趣摻管賦之

惟元混之播形因厚載而孕靈乃挺拔於想虜越九壘而邁三成視岡竄沈墨於邱垤爭神奇詭異於山經在昔畫浮舟車旁行參谷神兮斯境悟大道兮無名摩青冥以直上藐良常與蘭風攜容成浮邱而戾止御六氣而天通妙太極而无極知太空之非空月塔萬丈而轟素仙鐙千點而紫紅躑躅飛采毛之鳳婉婉下垂翬之龍等桐柏之高蹤依廣成而為

舊德集十四

二

宗戴斗極之星象舍逐鹿而雲從爾乃觀石屋之幽遂衍聖泉而傍徨瞰紫石之璀璨吸丹霞而徜徉蓮茁蘇孟之頂掛開石柱之陽晴翠微之絕徑橫石牀於平岡聽松濤兮設韻接雲海兮茫茫嵐光幻夫羅綺溪流碎夫琳瑯則見天都一峰威嚴如萬石其上天風浪浪其下竹露瀝瀝吻華環文殊之座點綴留石人之屐鼓墩映日松林參天清潭澄澈疊噴聳然野情走鹿幽響鳴鶻窟中則九龍作霧橋畔則青鸞舞煙存故事於墳典溯勝跡於軒轅諸天之塵垢皆淨古刹之旃檀長然梵貝朗朗鐘磬淵淵白猿聽經於洞口獅子喻法於峰巔紫花溝之映帶與雲巢而相連交讓之木明禮迎送之樹欲仙或迴環而曲抱或夭矯而垂甍葉發天花藥煮丹砂證彼道妙靡有疵瑕於是尋一綫之天臨游仙之枕覓小清流而憩就玉虛君之飲讀道書則字欲散珠拓摩巖而墨皆橫錦莫負斯游它日來論猶記斷凡登之心懷途始呈坎橋經勝泉度石礎之嶺探楊村之源由寶坑而神爽漱湯日之清淵抵禱符之古寺彌問訊夫名山狎浪對峙諸峰乍陰溫泉見底蒸雲繞林誦念菴之句有山水之音設藥鑪於丹井共酌酒而弦琴問九鼎之所在騎白鶴以長吟新篁夾道雪浪界山麓有玉英谷有幽蘭曲磴盤而繞碧傑閣啟而流丹此初入山之景如窺豹之一斑洎既徧聞夫遺跡遠勝夫夢天姥而開顏憶黃海三十六峰之奇亦十二萬年所恆有也胡逸態變而難摹異趣錯而若繡詠之者莫罄於前談之

者靡窮於後譬靈蛇之弄珠而神龍之見首何論三竺之三
九華之九是蓋宇宙之磅礴散而爲其脈絡抑太古清淑之
氣惟鍾此千崖萬壑宜乎草木皆吹禽魚皆樂鳥知夫西引
峨眉巫峽荆山而下三千餘里如抱雲而委波夾天門協瀾
霍導朝宗之江漢而東別爲沱以言據上游扼諸嶺則爲兩
浙之西其水走遂安新定始新諸邑合四十七瀨而無涯縱
觀夫大江南北之卓立者茲誠可作夫坤維匪特翼被乎歙
州宣州保吾民之多稼兮如京如坻巖巖嶢嶢巢巢我我連
山起復恍惚清波卽此作固作鎮福羣生兮孔多若夫鍾毓
之盛得氣之清負文詞則吳少微稱爲傑出肩道統則朱晦
翁抱夫剛貞其它固繁而著紀卽此一唐一宋又誰與之並

舊德集十四

三

衡彼逞臆說於釋道而以擬句漏金庭白石武夷之仙境謂
冲漠縹渺之不可階或以爲司鬼降神視之若五嶽三台是
但博山靈之一喙無異於說夢者醞醞於南柯之槐也智樂
水兮仁樂山佩蕙若而初蘭攬幽秀以罔盡吐馨逸之雋言
至微至妙其天其淵會當結茅構廈於此山閒味齋齋之旨
聆涓涓之泉渾忘塵俗耽此優閒詎不陶然也哉

傷不遇賦 并引

粵以屠維之歲文戰不競旅寄邗江歲星一周溯吾勵志商
律六閱挫此壯心悲雍門之琴呵靈均之壁愴然有感乃作
賦云
繫身世之坎廩兮歎日月其輪邁結蘅芷而自馨兮俄俛仰

而多隘彼燕石鼠璞之雜進兮被綺縟於上宮詎騏驥之於
孫陽兮抑刺龍之於萊公蓋改絃而易軌兮乃質矇而揖憤
豈簪笏之堪歎兮甘營營而顛頓吾躬匪不說藏兮念將母
其獨傷無棟胡宇兮無田胡梁望故鄉之白雲兮羌咫尺而
忽阻露晞藹而彫柯兮觸涼秋之淒楚屢申旦而無寐兮悟
十事而九乖悟星辰於角張兮履榛棘而淹埃江湖滔滔其
不返兮百端橫集覽柔條弱卉之矜葑兮柏松翳匿傲古昔
之睚盱兮無懷葛之乾坤優佻坐並其相說兮余踽偻而滯
征騾焉視其靡曼兮匪傾國而嚙取吾乃發其噤吟兮疑同
眸而異睇將忘耳脣之舉齟兮抗婉燼於苙蘿齊草蔽於一
致兮任攘胎而我訶亂曰披閩闔兮九天躡塵垢兮卅年周

舊德集十四

四

容兮孰語累歎兮長歎輓西御兮不畱策蹇兮涂修山蒼蒼
兮目迷舍與渫兮何之

疏影暗香賦

以通仙舊句白石新詞爲韻

稀稀雪裏花韞雲扶作伴人瘦守林鶴孤尋羅浮之夢境追
寒溪之詩逋橫數枝而態逸飄一縷兮魂蘇爾其淺霧霏檻
輕霜綴瓠樹老無恙葉枯更媚嗟峭寒兮猶勒羌春訊兮誰
傳苦凝碧碎萼吐紅妍髣髴高士綽約神仙則見倒落池中
低鋪階石濃澹疑渲綜錯若繡風簸而弱意不勝月移而涼
痕欲斂鷓鴣亂而還多童掃罷而如舊若乃鼻觀乍參眼花
恍誤遲美人兮剛來步閒庭兮覓句瓣未展而意通藥尚包
而心露綺戶忽穿紗橋巧度篩一桁兮有聲撲幾陣兮無迹

稍破微丹踰棲嶺白游經鄧尉之鄉吟苦孤山之客裏復
今極兩三複更覆兮葩千百澹澹水隈霏霏籬隙消息昨
風光今夕似煙非煙有魄無魄良時逢十月之天前身證三
生之石別有簾垂寂寂人喚真真松窗方啟茅檐共巡詠清
詩而韻古創雅調而思新小紅低唱萼綠微頰格非南宋北
宋花盛東鄰西鄰歌曰又到看梅時不負去年期影疏樹樹
素香暗枝枝垂又歌曰愛此冰霜姿吟成絕妙詞莫說江南
春色早應知後落要開遲

俄游彙編敘目

國家興泰西列邦講信修睦啟關互市交質信使株離卉服
雅慕中夏往來紛迭積有歲年凡我方輿土物靡有不習同

舊德集十四

五

車書混一之漸共球式九之徵也然賈售止於境上行人
有定居鉅儒鴻生徒鑽故紙摭拾舊聞折衷胸臆而道理回
遠名號改移風尚矜奇機巧鬪獻百數十載彼都亦日新月
異今昔頗殊兵家之言貴知乎彼己地理之學首索其隘易
伏遇

皇上聖德達聰柔遠能邇

特命舉游歷末秋辛與斯選由 本衙門保送 總理各國

事務衙門考試取列第二名於光緒十三年六月十八日帶

領引

見仰蒙

殊筆圖出旋經 奏派游歷俄羅斯國於七月奉文束裝就

道即於是年十月行抵俄都森比得堡寒燠再更舟車迭
跋涉七萬餘里凡其境內山川險要政治得失帑藏盈絀
力厚薄物產饒歉戶口眾寡俗習美疵親履觀覽爰度爰
謹纂俄游彙編都為十二卷敢敬啟其簡端曰齊相談兵
輟輟之險唐臣矜博成方物之錄孺才法闡梗概買耽圖
華夷五善效稱四達宏記凡以佐夏官職方所掌為
虞廷益地之規也我

朝自康熙初年即與俄羅斯修好雅克薩一役以後無復兵

端嗣是屢與定界易約胥受羈縻載在盟府其國雖遠踰萬

里而東北西北邊陲相錯一再侵盜實為劫鄰自

皇清四裔考

舊德集十四

六

欽定一統志通典通考會典平定羅剎方略外述所親歷惟
圖理探異域錄上下篇其種譯全國大勢則林則徐之總記
魏源之圖志徐繼畲之志略其偶涉一隅攷訂沿革又十餘
家而以何秋濤所編最為淹貫經進

乙覽蒙

文宗顯皇帝賜名朔方備乘者也夫百聞不如一見營平便

宜之條視影不如察形新息驗效之旨竊懷續輯未躋方雅

成書倉卒舛略實多學識博通彌應前哲惟幸都邑疆索履

跡開關益以訪求願獲翔實證諸藝笈微得論次鳥卵甕而

象齒門敢侈微瑣山獅語而樹兒笑力祛誕妄有慙太史簪

筆遠駕輶軒忝廁司徒屬官應識輸廣爾其書篇目謹錄左

方

卷第一

俄羅斯源流攷 譯俄人自記取悉畢爾始末 譯俄

人自記取中亞細亞始末

卷第二

疆域表上

卷第三

疆域表中

卷第四

疆域表下 附圖

卷第五

鐵路表 附圖

舊德集十四

卷第六

通俄道里表

卷第七

山形志 水道記

卷第八

舟師實 陸軍制 戶口略

卷第九

日記

卷第十

日記

七

卷十一

日記

卷第十二

日記

周公居東辨

東東都也東都洛邑也居非避也說經之家各執一解則以略於攷字而疏於訂文也金縢載周公謂二公曰我之弗辟我無以告我先王於是周公居東二年則罪人斯得鄭氏解東爲東都避矣然以辟爲避以罪人爲周公之黨義實難通按說文引書辟作僻法也今本譌作治所謂弗辟者謂不以法治流言也夫流言之來非閒公將危周也管蔡實爲武庚

舊德集十四

八

愚也周公聖人又兼親臣重臣之任若當此主少國疑引嫌遠避墮敵計中不更愚於二叔哉矧洛邑天下之中也既云避矣而居天下之中諺可免乎蓋管蔡在外流言播於京師其中必有爲之應者洛都密邇商郊腥聞未滌反側必多公之居東乃察其黨援陰爲之制窺其動靜豫爲之防也罪人卽指其應也得廉得其情也又按詩序以鴟鴞爲公救亂言弭內患於未形故云迨天之未陰雨綢繆牖戶若已張皇六師安得曰天未陰雨蓋東山實繫其後也書言未敢誚公詩序言成王未知周公之志以其時畔迹未彰而公遽爲此哀痛迫切之語王殊不喻耳迨悟而迎公於是武庚知逆謀不可揜而離間又不行遂率三方以作亂矣公然後請命東征

而破斧缺斨之詠起至於伐柯九罭諸篇美周公刺朝廷皆事後追諷之什也其曰無以我公歸兮無使我心悲兮塙爲班師西旋東都父老扳留之語實非遭謗居東之象說者不察居東東征之先後遂合兩事於一時執二年三年以爲辨非也他如墨子東處於尚史記因譖奔楚之說皆不足據卽以弗辟爲弗辟攝行政亦未當也

堯舜禹湯名論辨

白虎通謂之堯者何堯猶堯堯也至高之貌清妙高遠優游博衍眾聖之主百王之長也謂之舜者何舜猶舜舜也言能推信堯道而行之也梁元帝集載武帝謚議曰翼善傳聖曰堯仁聖盛明日舜受禪成功曰禹除虐去殘曰湯

金樓子云堯字放勳

九

一名同成伊祁姓也商均一顧亭林日知錄云堯舜禹皆名名章錫禹名文命字高密也古未有號故帝王皆以名紀臨文不諱也攷之尚書帝曰格汝舜格汝禹名其臣也堯崩之後舜與其臣言則曰帝禹崩之後五子之歌則曰皇祖^舜征則曰先王無言堯舜禹者不敢名其君也自啟至發皆名也夏后之季始有以十干爲號者考宋朱新仲猗覺寮雜記有曰古人以放勳重華文命爲堯舜禹之名如中候云重華舜名帝繫云禹名文命皆非也此言其德爾又以堯舜禹湯爲論如曰翼善傳聖曰堯仁義盛時曰舜淵源流通曰禹雲行雨施曰湯之類皆非也堯舜禹湯四君之名爾譙周以堯爲號亦非也傳曰陶唐氏有虞氏夏后氏殷人是唐虞者所起之地因以爲姓氏所謂胙

之土而命之氏也案謚法創自周公爲沒後易名之典所謂將葬乃制謚也在廷咨傲安得稱謚至於放勳重華文命史臣贊詞亦非字也朱氏顧氏之說是已白虎通義東漢班固諸人所輯雖多古逸文闕亦附會經傳且涉讖緯蕭釋金襍諸說尤鑿而無據若堯之爲高舜之爲大古人命名之義亦或及此也

匡衡劉向論

經生不可見繩於古人之迹故綴文之士氣節貴焉匡衡並稱舊矣以其皆經生也觀衡所上政治得失與戒妃匹勸經學威儀諸疏何嘗不與向之所奏同爲粹然儒者之言迺

舊唐書十四

十

國於衡曰持祿保位於向曰直諫多聞何哉夫感知己而譽譽迹鄰任俠自爲聖賢所不取而有係乎天下之公議則雖讎必舉非戚亦救凡以爲國是而已衡於史高有援引之力至於蕭望之殆先以經學薦衡者也方元帝時恭顯用事傾陷望之至使自殺時論惜之而衡方阿諛取容洎成帝初乃興甄譚追條其舊惡宜乎王尊以罪至不道劾之也若夫專地盜土厥罪非實觀其情事亦猥鄙矣向與望之堪同心輔政至以望之之故使所親上變再繫詔獄禍幾不測乃旣免爲庶人又以懼周堪張猛之危推言春秋災事以救之迄乎成帝詔拜爲郎諫起昌陵請抑王氏封事屢上忠直之氣貫乎日月可不謂賢乎夫人舉天下之事而身任之斯無一可諉者故伊尹爲聖之任彼博帶褒衣緣飾經術胡弗引前事

而觀之也向謂陳湯曰吾而不言誰當言者雖曰宗室遺老
累蒙厚恩要其氣節固大異於身為三公而不敢失宦官貴
戚意者蓋謹愿之士但期自全則風骨貶損孔光不言溫室
之樹而畏王莽不敢與並朱雲輕俠借客報仇而犯顏直諫
廷辱大臣衡雖脩謹初魁過差向之少時乃好鬼物爲金之
術然統論生平兩人之相去遠矣

譯俄人自記取悉畢爾始末論

漢有衛霍之功而匈奴卻塞唐經安史之禍而吐蕃窺邊蓋
夷狄貪狡時平則順化世亂則乘危古今一轍也當國初時
俄人雖至東海濱及黑龍江以北實未敢遽謀竊我邊壤康
熙初年三藩變起用兵南服彼乃潛入雅克薩尼布楚迨我

舊德集十四

十一

聖祖仁皇帝捷伐用彰問罪於城下又以

救書付荷蘭諭之彼即進表輸誠謝罪就撫還我侵地今譯
此記言之無隱且云二城并歸乃察罕汗遣使時所命固如
是也伏讀平定羅刹方略大臣索額圖等奏言尼布楚雅克
薩既係我屬所居地等請仍如前議以尼布楚爲界此內
諸地均歸於我

上諭今以尼布楚爲界必不與鄂羅斯則彼遣使貿易無棲
託之所勢難相通爾等初議仍當以尼布楚爲界彼使者若
懇求尼布楚可即以額爾古納河爲界仰見
覆轉深恩綏集遠人之至意厥後遂以額爾古納河爲界使
當日索額圖等堅執初議彼亦何敢抗稜乎自茲百餘年彼

悉畢爾諸城雖極盡措畫而於我塞垣實未能進尺寸如乾
隆五十八年明亮奏查明尼布楚雅克薩原委

高宗純皇帝諭以雅克薩內屬尼布楚城屬俄羅斯

聖訓煌煌彌嚴畛域彼亦無不祇遵凡此數約藏諸典屬山
台幹河千古不易後之議界者自應執與辨爭道光咸豐之
際英人犯順繼以毛賊內訌中原多故北兵南征沿邊斥候
偶疏彼因觀釁而動任意欺蒙一再易約遂以鄰我

國家發祥之地數千餘里盡歸異域而東北江海襟喉半爲
所據其所建屯堡與我吉林黑龍江二省徑塗四達儼若戶
庭擇伯力之地鎮以大酋駐以水陸重兵時更新其法令又
於黑龍江諸山掘金開墾移民以實曠土增船以興商業聞

舊德集十四

十二

法人據越南英人據緬甸則怦然心動垂涎朝鮮其貪念彌
熾狡謀彌深我之防維固有亟於宋室之經略西夏明人之
備禦東倭者矣

識車

有車其軸勁而澤其輪圓而堅其幅密而直其轅曲而適其
箱方而平客市之以夸於予予曰信美矣居無何客過予曰
吾幾殆吾車初乘於山屢駸然於澤蕩蕩然上軒下輕翼翼
然以馳捷以收獲狡憑軾逸以舒今者出門而覆傷吾足墮
吾冠汚吾服乃知其工與材皆非良也吾固受其欺子何亦
爲所蒙哉予徐問曰車一也御者終始一僕乎駕者終始一
馬乎曰非一也曰奚咎車五達九達天下之至坦也驅車而

過者或一日數墜太行孟門天下之至險也驅車而過者或終身不墜夫世有不厭之馬不顧之僕未有不覆之車也客不說曰然則何恃乎車吾僕前者僕且願後者後且敏吾馬前者瘠且老後者驍且壯昔之不覆僕與馬之幸也今之覆僕與馬之不幸也而其所以擊覆者由僕與馬皆恃車顧未知車不足恃也吾專任此僕與馬庶克備焉不再覆乎一日邀予同驅之出東郊競馳於南淀軸卒折輪卒摧轅卒敗輻卒碎箱卒毀

豢蛇說

卑溼之區患蛇其來寫杳無跡觸其毒小則病大則死弱者畏之雖易其室遷其榻而疑而怖卒不安強者倉皇徒手擊之擊之而傷奴有日是不可擊吾能豢之豢之固有術也世之豢蛇者必先別其類賊猛者殺之若常蛇也猶取而去其毒閉之籠不得一出飢二三日食以死鼠偶出玩蛇於臂必扼其頸橫於塗必踐其尾無或疏茲乃弛一切禁第以所欲求媚焉豢一蛇而眾蛇從而至皆豢之室叢蛇矣然奴能馴之室少安主於是賢而懋厥賞奴亦侈而居厥功至不可一世而於其側之慮者憤者咨嗟竊議者訕之笑之譖毀之以爲迂而多忌輕而寡謀也或效所爲希進則引薦之亦相繼得寵位乃蛇久而壯壯而毒益鬱類益多而比耽於食息習於室之曲深上下與其人之貴賤賢愚時欲一縱踞其室以爲府豢者亦若難撓乃甘爲飼巧爲避曲爲解虞其肆而

豢蛇說

十一

不能馴也則請於室之四隅陰爲防備械以待而財用幾竭勢可制其命矣猶日恐不敵宜慎勿先發以激其怒使禍大而難圖主一惟命是聽而其權益尊有智者過曰噫危矣子不困於蛇而困於豢蛇者矣夫擊之而傷不傷於擊也擊之不善而無所藉以爲擊也夫蛇始而少擊之易即緩須臾謀所藉以擊之亦易一擊不斃竄於寢捐於器猶不足憂銳吾志而不衰多方以敵之終必死或創而逃今蛇多而漫垣爲之穴壁爲之窟藩爲之敗雖一無爲患其伏者非受吾撫也安於豢而乘吾擊也俟首難者披吾而竊蟠吾室也且陰萃吾而使不得逞也不然胡不攜翠而逝而猶戀而不舍也謂感吾患貪吾好胡不釋厥憾而排厥醜也古人云螻蟻手則斬手蠶足則斬足手足且不愛而亟去之者恐毒之害其身心也君盍早決計而廷於黠奴使手足之患爲身心患乎夫以豢蛇勸子者詎愛子也欲挾蛇以爲重也於乎天下之挾蛇以爲重者多矣

寶斂室說

寶斂之名見班書東方朔傳師古曰斂器也象寄生故朔曰著樹爲寄生盆下爲寶斂然則寶斂者其處卑其質微其迹恆晦而不顯於平底已宦子莘齋取以勝其室殆有所感與蒙貢一說以廣之夫物於世用不用命也然而不可不期於有用珠玉錦繡世之所貴也懷其輝媚華縵上爲天子王公所珍異下亦要人富賈所皮藏菽粟布帛世之所賤也生於

田野之間成於農夫紅女之手豪貴輒鄙夷不屑道顧其號
珍異而什襲藏之者不過貢耳目之娛一旦天下有事舉無
補於人往往棄如敝屣或戀而不忍舍反召譽取侮為身家
累而其鄙夷不屑道者方為人性命所寄未嘗一日能離值
困阨之極厥用尤旺焉寔敷之為物雖人以為不若珠玉錦
繡而其用或與菽粟布帛等何者無戴則器危而充其能戴
之量凡任重致遠者胥變敷也則處雖卑質雖微欲斷至於
不卑不微非難也而始晦終顯又天理之剝復而為敷之所
可據者也宦子其亦釋然矣乎

游雁蕩山記

予讀曾唯廣雁蕩山志於沈括以下十七記手繙不輟於其

舊集卷十四

五

愕若岫澗若渡罔弗神與會心與呢曰孰瑰孰奇孰偉孰怪
也卷末終復慨然曰匪踰不真匪觀不契屬歲庚辰八月伯
舅侍郎張公持節采風於東甌予幸偕經樂成之大荆營獲
隨賓從往遊焉取道老僧巖巖如僧拱立其鼻鬚脰垂胡踰
謝公嶺峰拔地竄其象為鳥獸為人鬼為倪為几為幘為困
為枯樹巒巒然嶺嶺然駢肩而比附其最異曰靈峰有洞如
捧一松根石鱗蒼古孤擎而洞列二石筍如雙炬陟二百餘
級厥右有僧寮又百餘級境豁下平如基中閤如堂奧容千
人其壁冰裂稜其闔穹廡中肖大士旁龍女右肖伽落檀越
及其二女其下兩旁竈肖十八應真泉自頂隙滴如屋漏如
澆漬注其左方池曰洗心拘漱清而冽竅曰碧玉天於其右

舊集卷十四

六

石上題名至僧寮吸葑下倚石壁行壁上洞靡計其廣室其
綻老瓜瓢其攢蜂窠泉潄潄風冷冷又一穴類靈峰而小微
徑縣承澗一潭碧於瑤又踰嶺乃至淨名寺寺後伏牛峰上
俯下削曰鐵城障厥左潭類井活東數十游泳其中越童子
峰聽詩叟響崖摩雲峰至靈巖其峰曰頂珠曰玉女曰覆鐘
曰僧拜石特起曰獨秀銳曰卓筆如楹曰天柱翼鸞曰雙鸞
軸橫曰卷圖旌斜曰展旗瀑曰小龍湫寺右巖峻如牆中深
如銜龍身橫其上首倒垂鼻如牛角挂其色護其紋白蒼其
水鼻端山注石盤噤奇矣偉矣由是過馬鞍嶺磴道盤空既
迴且狹其顛石如較長數尋橫止二三咫尺眺玉霄如樹圭
西眺常雲如設屏下行五六里至一小招提與皆息問大龍
湫有田叟曰自是入尚六七里徑紆崎其地無寺渴無飲疲
無坐亟止予行問瀑如何曰無所異游者氣為餒或竟廢然
返未去者亦方皇予亟曰雖艱阻吾必往遂置筇將攜僕孟
晉同游凡九人今惟五人俱呼叟導躑躅歷亂流循樵蹊
猿跡螺旋深谷中值坎窞二僕扶上下約三四里健者攜導
遠其前亂峰屢屨其立錯疑徑絕見戴笠者呼問之曰不遠
矣導入繞幽壑見一峰上銳岐中隙長而細剪刀峰也其外
曰瑞鹿尚不聞瀑聲而路愈險客或後疑為導給且苦憊決
返予罔顧轉過山麓聞叫絕聲知為先至者再數武見瀑懸
天半巖崩絕上如霄薄掀中微凹如物刷側刃厥高五千尺
其隊聲映屏翠如流蘇散如飛煙怒如搏雪至其半旋繚蜩

如雲環如絲在襪忽扞千萬窺其長冰筋靜如龍髯綠風掣
橫作雨其旁諾詎那巷故址有廢亭雨則檐溜實潭澄滌負
瀑石伏龜瀑破挨沸濺濺沃日成五色霧復繞瀑青赤絳作
覓去石三四尺使人心悸疑有神怪抵莫去經丹方嶺即四
望夫容峰如乍開爾蓄下嶺宿大夫容村以古人所載較
今所觀若合若不合已而歎曰予心昔百雁山而今始一雁
山也且予向者以漫膚憚涂雖康莊不三里而汗溢氣吁迺
一日開陟靈峰探靈巖觀龍激瀑其志果與其情媿與揚子
曰如不欲歸則已矣如欲歸孰禦焉予用是自勵也

游石門洞記

歲陽上宜陰在執徐元日戊子將之梧州逾青田邑城七十

舊德集十四

七

里微寒欺禪秋陰破曙曠舟道舉揮勝軒即入小補陀之奇
觀房舍於函道訪大洞天之妙嗜阿闕於山椒嶠嶽巖而開
東石巉巖而鋪飾斷株僵屹譬如鬼狎古藤垂延賦若蛇蜿
側簪火齊楓半老而施朱爛著白衣枯百歲而傅粉節氏抱
煙寒玉靜靜湖嵌阻洞濠瓊蘇奏葛浦浸窪笑髯翁浴河裡
石風作美人舞迤邐邃壑欣眺崇宇謁劉誠意讀書之址則
面泉三楹肖像設焉披韓錫鼎修誠意讀書堂引謂誠意讀
書處在洞西兩之麓靈佑寺之左三楹
輒上貌誠意葛中塵尾今所見則於乎剪劇入螭粥彼皇劫
在謝容堂後而寺中別無肖像
建十八策十三百祀厥功之偉近代塵幾至於帷幄盡謀十
急辭相其尤自知之哲歟迺思孝元之祠證還丹之侶徐侍
銘同治間來游感碧衣女即事即以石門君呼之而祀以
元真君廟迺聯有千七百年還丹侶之句并有記刊諸殿中

方室卑外麗屢納其眾秀孤龕中央料戾其幽眈助柏棟
瓦緞省便珠茂柘嬰石成文章樹金尊擬徐侍郎緬徐邈之

聖玉佩等洛川之游效張茂先徑闖瑯環藉志涓子直扣輪

廖情感自殊神交嫌裝或亦託意以採采用張騷人之韻事

爰逢水浹意坐洞中神穆疊深萬浪痕青層潭深一泓影

龍仰空矢嘯騰徵雷響臨淵投何氣溢玻璃碎崖剝游述首紀

才翁蘇舜元葉清臣劉詒堂對舊核久傳康樂寒翠劇其欲

墮冷白飛而方酣稽諸爾雅名曰沃泉諒以夏書形類壺日

朝職初射器主愷之步障輕颺乍侵搖夫老之輓帳匡廬雪

寶其斯比偷龍欲黃菲差與並絕夫謝殿所經昔聞非一圃

同名而異地姑考古以存疑門蘇尋詩則湛沒坊廡檢乘微

舊德集十四

六

獻則左據尚疏豈知香鑪之勞曾披雲而築幽居攜仁之界

或晨策而陟絕壁乎近攜仁澗又有小東山凡三輒欲嫁美

安石濂溪有二皆思援藉周子慕慨郵擊牽併乃甚矧勝國

元輔曾此棲逖遠峽西湖處士之居足齊南陽丞相之宅嗟

嗟閣啟留棹榜遺玉局波激好翁名易成式桐廬二瀨山高

水長會稽一亭人遐室邇彼長安董臨過而揜鼻鳳翔李園

言之縮頸不其宜乎不其宜乎憑弔之際感喟間作仙的于

尋景伊峻負阿迦百丈寄此遙襟歸舟濡毫遂為斯記

游南明山記

丹天之氣經於南輪播形孕靈紆而不衍折而不絕至甌括
三區殊境奧宅僭裂坤軸而圻崗窺顧或險遠游者罕臨通

闔閭而拔塊靡侵羅林室而幽詭獨抱則惟枯州之南則焉
 志云在昔典午神仙所居泊值天水方雅競詠蠟屐既至墨
 題憤鐫羽衣不來丹井堙廢實剝則彌勒一龜危樓則蒲半
 萬竹梵貝易其導引為我化於兼愛繁何年歟未暇諒也發
 與窮幽攜侶共寫時則霜葉蒸滿原之花寒水泄一谿之玉
 沙棠汎輕問渡而兩三恰受山篔簹輾越磴而五六成行仰
 虛肆昨及半遂步則見敲澗之石列為窪尊衆翠之草折如
 華釜飛瀑源涸迹餘潤黝古字牆頽色雷聖白約逾雨時登
 歷殆徧其山秀峽三巖雄瞰萬象吻納釋姜狷讓逆枯奇偉
 天成超絕氛蓋若夫波光澄漾證幻相於諸天月影裴裛浴
 圓靈於清夜平橋沈陰樂魚忘械秋林隨果驚鳥避九水簾
 蕩員潭池而舒卷雲根聳拔蕭索而輪囷松尊尊以刺天溝
 聲連漢筠竦竦而搖露風趣呢人犯吼天之威將軍斷臂有制
已震折傷斤氏之巧度已突晴有石如獸施以此印月池
 獻花巖之勝也前有石梁橫閣巖際空度地脈高懸天弓疑
 為雨於崇朝問飲海於何日苔疊積而虎斑緇柯倒挂而蚘
 項纏所惜寶老器之摩崖半沒幽光爽氣名勝構無存良可
 明矣齋魚破寂優鉢發馨悟慧業於六根蟄雲隱見參妙覺
 於九定法雨迷離則有仁壽寺者亦此邦之神叢也夫長公
 之因緣多在瀾西之山水乃細諦舊題刻于瞻二字更讀新
 賦榜夢坡一亭觀音堂後摩崖有字瞻二字徐已題徐傳
即樹銘建夢坡亭於右有賦刊木置壁間詎
 眞公之精神如水在地卬紀大水之八丈適紹興之丙寅高

舊德集十四

九

制外有摩崖云紹興甲子丙寅洪水自溪暴漲約高八洞閣
 丈人多避於樓屋謀死不可勝計用紀於石以告後來洞閣
 高陽隸存石壽二大字奇方突窅深類冰移忽晴月窗送
 步虛之響微開星牖露超空之形此山中至邃之境而異人
 曾棲之地也更有一亭高倚附石四圍圍畫若孟氏之幃宮
 一方棋枰傲荀卿之局室抱朴遺翰遠駕次仲雅川摩巖
元章妙墨頗似平原靈崇之左有米元章真書堙華之贊垂簡
讀首云葛仙翁其迹後有縹緲神飛鶴及煙華等文奇崛之
衰非虛曰此書當壁立與山兩相高等句昔則鍊士扶希今
 則太守來飲美彼文章昇以擬滁之號亭舊名擬滁道光
守與客來飲於此同治庚午學使長推其元始增曰靈崇之
沙徐侍郎樹銘增一額曰靈崇臺
 臺嚙離垢之寶誰招寥天之鶴長往流連光景懷抱古今不
 禁極遐想於十仙動冥心於六氣已援筆志之以盟息壤時
 光緒六年十月甲辰同游者山陽何竺卿桐城葉淮山遼陽
 趙識韓
 臥樹贊
 永嘉積穀山之陽方東漢時有鍾根者棲真鍊汞乘霞而仙
 厥後建屋曰飛霞觀觀基之下豫章一株互臥不死其未為
 觀所壓者猶長十餘尋洞其牆而出之天矯蟠屈廣陰敷飲
 相傳為唐宋時物夫其臥也大抵由巒石崩隕烈風奮拔而
 然也是則屬之於天而施插孳結粉椽累高閣以乘之棟垣
 壁而械之者人也乃既阨於天與人雖固抑塞而根不枯葉
 不彫勇擁鬱遏以成其螭蛟跛狃之狀其本厚而生機不息

舊德集十四

三

若是脫使培滋長養以遂其性其爲世用顧不大耶雖然斯樹也以不中繩墨而得免於斧斤而學士詠流之來游者往往觀其怪傑競作詩歌以見矜寵則天與人縱麗之而自有不阨者存焉爰爲之贊曰青丙授以楚魁賦怒孽殺侮犢羊畢方芥然沮不欲騫騰兮從飛仙於紫府變化兮爲蛆螭而縱於海之涯江之澗甘偃仰偏仄駢其拇夷其股育非時而遭此蠱乎抑放廢肆恣而故玩世以蹇僂乎更千百禩吾不知其幹何奇而體何傑也

擬崔子玉座右銘

負美貴自斂疾惡反自危薄己斯無尤厚物稱其施怒誘讒之由喜譽佞之媒正以靜時驗恭以動時思韜光而匿采道乃有所歸好名多買譽尚勇詎堪師列子善自藏復朴以食豨塊然立其形遂與造物齊守口慎保身貌充而心虛辱殆幸可免此念願常持

擬李習之行己箴

與人相接惟理是思理之所在人不我違非理相干於我何損自祛愆尤一日三省犯而不校子輿所欽懲忿窒慾方寸以平見利則遷反身叢咎始猶懷慙久爲固有陷於非義名教遂傷警議交作其何以臧君子守禮杜漸防微勿曰過小禍變是基造次顛沛備備自惕其亡其亡誠之在易

項靜夫家傳

君諱永年字靜夫上元人性恪慎寡言自幼以孝稱於戚里

香齋集十四

三

雅慕儒家故不訾父某好施因中落君棄儒買豫楚間與時遂用是漸饒亡何粵寇熾由武昌東下瀕江無堅城江城

潰君家居陷賊中不勝憤鬱舍家棲素審爨肆不食數日垂死少與里人吳蔚唐善蔚唐亦嘗買於楚爲人深沈足智其妾之因亂而歸自鄂也君實送之比聞丞往勸歸勉進食家有一池又思闔室殉其幼弟某偵知走告其鄰鄰至力爲解說以爲徒死無益也屬蔚唐伴受僞職陰圖反正以君莫逆引與密計君蓄志久至是益與張君炳垣贊之糾鄉人數千並說諸僞官皆感諾密陳其謀於督師向忠武公約期內應方其登陴招官軍也以敵屬鑄緩我兵疑而遽退賊聞變率黨登君與蔚唐隊迺得脫後以親知之在難者君與蔚唐屢設方略出之以千計賊寢疑其迹收蔚唐施百楚不承函諸

香齋集十四

三

固圍君饒粥之罔恤猶相對私矢前志不渝蔚唐免已而內應事洩蔚唐先聞遁賊執炳垣拷掠於共謀者無所引君獲從容閒道逸詣官軍忠武禮遇之將酬以級固辭不受去賊平復賈絕口不道其事而蔚唐已死人亦矧知君者君之處家謹儉與人接物以信以寬教子弟以讀書曉大義爲急固

有異於世之背實操贏錮齊民之業者茲不具錄舉其所難者詳之君於光緒六年五月某日卒於家子一承勛邑附生論曰昔蜀姜維僞降鍾會說會反將使盡殺北來諸將己因殺會立故漢帝以會猶豫尖機天之所廢其孰能與維亦可哀也已蔚唐之事敗於垂成固天心未厭亂也而君抱忠義

虞廩至其友入危地猶冒死卹問洎出於難又不受當事之賞終身緘默若無與厥事者其澄量願何如耶

王母鮑太夫人誄

維光緒八年三月日王母鮑太夫人疾終京師邸第我長沙夫子蒿我罷投金石輟響感愴寒泉續今述往於乎哀哉素襲盈嶺銘旌在堂師氏劬苦坤體含章辛憲仁恕之戒崔母淑德之懋被輩而匪厥寵躋而匪厥壽祚孫既辱假節備問微敬罔不敢辭敬成斯誄其詞曰

猗嗟女師允持士行服誥弦雅嫺禮服聖異世仇湛深閨損參翼子之竺撒揚誓興惟桓少君是徵姆教才嗣令昨敬娘德隴逮奉尊章兩世康舒不米而樂得綆而漁楊腹謂飲美

舊德集十四

三

膳儲甘銜健忘苦咀植遺酸豈給禦冬乃裕之存豈珥獨非乃珥為發盟樵伺顏初烹視力抑塞能解號號為釋楊叛之訂楚些魂招傷哉宗適遠頽澆刀仲負文譽已拚羣雅病試有司天不年假季也卓犖劍戟書史志邁班生壽促顏子棘心用摧亦孔之憂慎旃方詔連如涕流矧維通奉西河慟深形銷瘵傷神索癘侵宵不弛衣斯不拭櫛冠幘相對恭慎慘烈嗟屯文之迭筆兮乃淮焉於盤錯撫生事之長繼兮耐泊焉於豐約愚愚師門慈謝度柄往往戎轡為博既稟誠殘旃於歸馬兮計堅壘之不完彼飛將之善脫兮慮書生之行屏羌既付夫先澤兮決以明知果膝膺之過旋兮問充喜氣迺領國賓迺班大羅校芸視草馳傳乘查千里版輿十年京國

牽衣歡嬉索棗愉說諸母暨姊彼甥與弟為怡晨昏骨肉倍

帝廷奏賦

恩摧青宮成均上尊笙鏞鼓鐘克娛焉母承錫難老靡遂含飴猶也懷抱袿裳則御節諧璜瑀沈香弗御情朕統綸儉德表於三鄙兮姆姆知循惠愛周於一門兮媿媿誦仁嘗姝姝之善謫兮英躋以湮修媿媿之柔則兮風規穆宜鄰巷春寂芭舞徒揚總堂悽沮蘼露悲傷於呼哀哉享世毫紀詒世母儀體貌雖邈德問恆垂煒形不朽靈兮格思

誄封宜人從嫂莊宜人誄

宜人姓莊氏元和人贈太僕卿銜甘肅鹽茶同知署平涼知

舊德集十四

三

府諱裕松之弟二女余再從兄彼珊編修之配也光緒十年五月丁亥卒於京師赴來吳會嗚呼哀哉曰炊斷夢組帳空煙裊裏夕軒華月入戶展轉長簾清塵委牀觀化疇然傷神曷罄此河陽詠罷悵恍如存子荆什傳仇儻增重也矧託親同夙承淵令敢弗誄德用式中閨辭曰
寶瑟陳璫玉鏡瓔色斷雲別根芳樹辭葉猗猗美族實鍾淑英善心曰宛約性得貞躬誠稱神警花習草祝奇位高謝憐女小投書伏媛傳學班姬偶臨竹石妙寫桃翁時則先烈守那安定罕开肆訂突厥抗命三關險失一城身殉倉皇行李出入干戈痛扶慈母避地嶠番鸞潛征蠶叢迢遞復威銜恤孀孀何恃迺有孝甫恩育五孤每稱道溫才愈羣難粵維

平陽子歸君子雍雍彰徽鏘鏘瑠承華接跋公說姑善律
呂宮商叔殊業里金釭二等瑠樹一枝霧晦霜宵雲簡蘭脂
表澤恩好高柔愛玩上酒對冠饋食齊案詞曹近侍迎養上
都怒濤辭蜀青峰指背故鄉暫駐長河千程板輿祗奉檜楫
移情言止春明催伏愛日饑餒親佐塵襟慶滌襟幣權貝數
米筋絲竭細誰省煩擱匪辭鶴益團賓鴻文建社鯉膾如坻
鸞漿似瀉充嶋蟬翼插架象籤儒官纂述經生編研熙天歷
地飭素戢殘取讎責貸曾罔謫言閤曰涵秋其下萬草春篇
鳴頭夏點螢尾四山霞潔玉泉蟠明提榼躋踟飛航載廢林
下之風閨中之秀更負諒達靡忱祗咎昭陽之歲已推其屯
嬰痲爛竺幾亟而甦或占青烏謂兆祇鵬曰夢乃祥何訛於

舊德集十四

五

屋琢玉嫺教夢星未翻嘗嗤郁后促訪泉邱非影方祝酒占
吹造元穹弗忱懿則莫佑紅蘭兮扯恨素柰兮茹悲儀形兮
邈矣靈爽兮或歸嗚呼哀哉

吳媛家銘

媛名韞翰林編修吳君幼農之弟四女也蕙苗自馨玉抱已
潤是靈山之散馥乃上清之幻質秀婉出於襁褓聰穎徵於
乳下彌月默識有踰居易未期視書頗類庭筠念春日今何
短感眺月兮不盈雖勝七旬之天彌惜一劫之運生於光緒
九年十一月初五日次年閏五月初六日殤編修恂之爰自
京邸寓書東吳謂其生時對余論帖輒復循觀佛說有因豈
其是耶將於某年月日歸葬蜀山屬記之石銘曰

珠微而碎初而濯來何所自去何所覺

劉氏女家碣

久名珊姑賣應人舉孝廉劉君嶽雲之第三女也淵令特生
洵淑為則自其扶牀已矜孩笑泊乎盛侍益絜婉嫵表端坐
於盤福系說色於壺帷左思織素獨映彤管白傅金鑾宜敬
華石夙獲奇視最愜含飴負此上善庶集休祐奈何未拜遽
頤疹癘太息遠適咨伯姊以肥泉莫報恩勤慟柔軀於中野
息彌甯不渝至性年十三歲光緒十一年三月遭疾而歿
修修之華遂落其秀瓌瓌之珍儼闕其采是可哀已銘曰
九旬天絕引警陳王良嬪短世志哀河陽微命弗振忍焉彼
昔嗚呼父母云乎不傷

舊德集一四

五

莫仰四哀辭

嗚呼人固有一死疾沒世而無稱吾欲為子禪而又悲來填
膺社稷終其天年楸檟伐為棗楹造物之於物胡冤悒顛而
不平惟子之才佚蕩權奇惟子之志卓詭而馳惟子之心汎
愛博好惟子之言驚其長老惟子之貌玉山照人惟子之氣
啤既千軍而今已矣嗚呼復謂子翻覺平生沾沾自喜十日之
猶奉君書慰我喪子為我嗟吁音徽未沫厥命已徂檢書
覽涕泗漣漣去年四月與子話別子疾未瘳我心宛結泊
思乃成承訣嗟嗟吾懷子於關塞楓林耶吾溯子於滄
山耶吾安得再覩光煒煒而英濯濯耶吾其效義山傳
以告九泉耶

舅氏張公芝浦祭文

維光緒十二年九月日甥繆祐孫謹致祭於安徽布政使十
舅氏芝浦張公之靈曰嗚呼甥自京邸得公凶問於濟
駭慟雪涕悲不自持倉皇南返先慰吾母於邗溝即迅馳於
皖江之湄去公撤瑟已三旬有奇矣嗚呼哀哉以公名德不
至節鉞以公仁厚不獲中壽莽莽高靈盤盤合宙此理難明
洵造物之不佑生存華屋零落山邱西州之痛兼怨兼尤憶
昔攝提紀歲由益州來侍公金陵公寓書吾季父曰此子美
才它日一鳴驚人許從投學講習津津既而去白下如禩章
康山雪虐郡湖風狂舟中譚藝丙夜未火公之教誨終身佩
將繁公蚤達改歲還都南狐東馬史律文邪螭頭磚影漏聽

蘇德集一四

毛

宮壺掄才馳傳於黔之墟歲曰強圍春官校士張昭吳融英
英濟濟報

國文章可云盛已然公不獨九能擅譽實負濟世之才方膺
上考青宮晉階

天眷優渥

命公巡方於漢南時則民俗獲悍下車伊始禁令嚴頒首鈔
豪暴褒節孝崇義烈以激發乎民頑於其晦日新武鄉祠俎
豆莘莘兩郡士女皆知慕誼而啗仁於是權提刑署藩牧政
洽浹洽溥乎三秦

天子知公經猷恢拓將任以疆圉迺先

申陳臬皖國甫一載而旬宣遂躋

有忠言公方切報稱之志適攝撫部開鈐軒乃以微疴遽
而驅捐眾方傷

在之失良弼而相與涕漣也哭其私者更何如耶吾母年
七十痛手足之摧謂去臘維揚一別為永訣又悔家累羈
不能奔視於先期累日感愴觸目淒其甥急寢門之戚尤
春初計偕之遲不克追隨鞭笞於京畿謬博微祿涸跡僅
匪終負公知傷矣台垣曜揜神嶽峰頽昔視鳴騶之北上茲
看丹旆之西回既哀榮之備至又何憾於全歸嗚呼哀哉尚
饗

臨川李夫子祭文

蘇德集十四

天

惟大清光緒四年二月戊子門下士某謹以清醪山蔬致祭
前大理寺卿臨川李夫子之靈曰嗚呼房元講虛公超市
曠哲人云亡斯文其喪瓘飛故庭塵凝空帳鍾阜雲愁豪城
百槍跡公行誼晶白清方發榮夢水擢秀柘岡大儒東漢名
公盛唐觥觥司空言表行坊簪笏壺間英飭澗湘允稱象賢
克迪前光爰在弱齡孤根卓立內無怙恃外鮮朋執下學上
達鑽幽洞密唾落珠璣節鏗鐘律九流百氏異軌同適撫翼
沖漢早歲飛聲登玉堂署讀石渠經殿前作賦才冠蓬瀛麗
詞泉湧壯思雲奔

帝曰嘉哉槐棘兩列執簡是司聲聞兼責校士春官持衡閭
越剖璞披沙心細毫末三吳移旆青衿載歡甄拔沈黜僭儲

56 48 811

878

靡頌經師人師江北江南攬勝君山駐春蓉水繫我故鄉
軒所止不青人文雍雍濟濟使星三秋卿月萬尺鰓生是時
隨官三巴丹鉛初投青鏡方花自嗟生晚莫獲窺涯歷十餘
斗幸游公門在木不棄良匠風斤冠時獨出榆譽津津瓣香
止而分重契深謙光下濟謬蒙谷齒垂幕待講接筵餐理修
曙朗夕恆陪杖几如何一旦緬邈幽泉微容已矣誓歎闐然
梁弱木頹戚戚何言嗚呼山海蒼茫風霜淒勁桃李無色鐘
聲不振心喪諸生長拜含鯁靈衣襲几奠酒盈杯埃榻肩涕
縉幔擊悲殲我明懿昊天胡爲生芻撫哀靈其顧而尚饗

杭州汪洛年題

汪洛年題

杭州汪洛年題



自題篁溪歸釣第一圖 東莞張伯楨滄海

篁溪爲余童子釣游之地余幼嗜釣故村人戲稱之曰篁溪釣徒因名余曰篁溪字余曰滄海家居近水情爲之移故童年頗負活潑進取性比長從南海先生游始聞經世義理之學先生以實學啟迪後進從游多豪俊之士學風爲之丕變時余所居之室襟一方塘每課暇輒垂釣養性亦曰游藝云爾厥後先生以國事奔走海外余亦負笈東渡研求法學值春秋佳日偕二三同志恣游日光箱根諸勝地每一臨淵不禁興羨魚之感以情有所鍾則然也已酉歸國滯跡都下日與慷慨悲歌

篁溪歸釣圖題詞

一

滄海叢書

之士爲文酒會藉以消胸中塊壘每悲身世飄泊幾若魚游釜中而不自知用是兢兢不敢自縱余嗜釣也卽以釣論復舉人與魚爲比例援以自警人之生於天地間者亦若魚之游於江湖間也魚以游泳江湖爲樂人亦以俯仰天地爲樂人生於天地而不囿於物則人有操守魚游於江湖而不罹於網則魚有至樂此人與魚當息影以養生機不可貪得罹殺身之禍也不觀夫魚乎當魚躍於江湖間其躍而出也如登龍門不自以爲得耶及其掉尾而出也自鳴得意又安知夫漁人睨其旁耶其躍而出也與夫躍而不能出也魚之爲魚不自

咎其躍之不善耶嗟夫人之知魚之躍而不善而終不

能逃鈎與網者則魚之躍可悲矣然則人之躍者何也

舉世皆網人之聳身一躍而入於微茫宦海中鮮不爲

宦海波濤所掀動其不爲掀動者蓋亦僅矣昔之以善

躍著者曾幾何時以貪餌敗幾至燒尾不能躍於政界

上復不能躍於社會上兔死狐悲幾與魚類躍一也而

能躍與不能躍與夫躍之善不善自有術在未可以操

切爲也世之不善躍者往往旋躍旋敗塵世勳名及其

一切富貴利達凡可以紛吾心者均餌類耳貪餌者反

爲其餌所釣雖有躍術不能自保則自衛之術立窮躍

篁溪歸釣圖題詞

二

滄海叢書

而入者恐不能躍而出後之視今亦猶今之視昔今之繼起而躍於宦海上者正未可自恣也何也上有人監之下復有人伺之進退失據宦途實爲地獄雖曰不入地獄不能救衆生恐衆生不能救地獄亦不能出是大可懼况退而結網者之大有人在耶勿使後人復哀後人吾爲不善躍者危更爲善躍者危則勿若不躍者之尙可以隨波逐流得以游行自在世情熾險則觸目皆有危機宇宙雖寬恐無側身之所此余所以有歸釣志也勞神僥倖之門忍苦風塵之路囿於物役於心終日奔競不遑寢食不安縱得榮名寧有幸耶反不若漁隱

爲樂可以養其性怡其情壽其年優游草野亭林泉清
福此余歸釣之心於以益決也余秉性素直頗以道義
自勵恥隨時世爲轉移似不宜於仕宦故欲賦歸去來
詞淡泊明志屈子曰衆人皆濁我獨清衆人皆醉我獨
醒傷心人別有懷抱余亦云然秋風愁人悽愴欲絕尊
鱸之思能勿興感徐公花農知余有歸志忽以書抵余
曰燕都爲文人薈萃之區正賴高賢提倡風雅未可遽
萌歸思余誦之余益感之余因是鄉思萬斛縈諸五內
益不能自己矣同志者爲余繪歸釣圖徧徵海內名流
題詠殆亦有把臂入林之意耶山巔水涯忽露臺閣此
中有人呼之欲出爰爲之歌曰天風浪浪江水泱泱一
舸鳴夷五湖徜徉今我來思懷歸故鄉眷念同志黯然
神傷此余題歸釣圖而抱無窮之感喟也

篁溪歸釣圖題詞

三

滄海叢書

自題篁溪歸釣第二圖

落拓京華悲故我側身天地寄閒鷗河山飄泊餘詩卷
雲水徜徉放釣舟救國愧無三策上臨江聊把一竿投
披圖不盡滄桑感料理歸帆渡九洲

宅本臨溪滿翠篁十年我欲賦滄浪久思歸計神先往
話到柔風夢亦香雙槳似迎桃葉渡全家聊寄水雲鄉
江湖歷徧名心盡贏得張郎兩鬢霜

自題篁溪歸釣第三圖

篁溪好近水合幽栖芳草萋迷長短徑稻花開落兩三

篁溪歸釣圖題詞

四

滄海叢書

畦能不憶篁溪

憐故我宦海笑沉浮兩字功名勞作客一帆煙雨送歸

舟易水莫淹留

游釣處往事憶兒時兩岸碧波雙槳盪半江紅樹一竿

垂風味耐人思

沽酒醉樂趣羨漁家頗欲急搜行篋草逝將歸釣漢江

楂畫舫傲煙霞

歸去也煙水寄閒身曩日羣推憂世士如今翻作避秦

人卧隱曲江濱

滄浪詠欲証舊因緣釣雪好攜坡老笠浮家合泛米顛

船魚得怕忘筌

桃葉渡一舸話鴟夷解意佳人充樞手忘機長者作舟師鼓柁更何之

波蕩漾新漲逐漁篙罷釣有時忘繫艇枕流無日不聽濤風節愛清高

塵慮滌無意狎閒鷗遠浦忽聞漁唱晚前灘輕過檣聲柔心醉白蘋洲

寒江釣卧雪效袁安霖雨蒼生還望想簑衣箬笠自高寒姑向此間蟠

篁溪歸釣圖題詞

五

滄海叢書

篁溪歸釣圖題詞

東莞張伯楨滄海編錄

漢壽易順鼎哭盦校訂

生存之道在能自強不息此乃吾德意志國詩家格特之格言亦為格君所最賞心之語然橫覽世界由德國而中國而全球無論前乎格特後乎格特者皆不下什百餘人能奉此語以為箴規者也噫此等名譽之人不徒邦家之福亦且人民之幸耳時千九百十四年張滄海先生欲掛冠歸隱託釣明志特敬書此以贈旅華德人米六

湖北周澤春譯

篁溪歸釣圖題詞

文類一

滄海叢書

舜漁孔釣者逸於漁漁者食力釣則自佚而已羨以老嚴以逸皆託於釣故後之釣徒多矣滄海先生以海自期而釣於溪意者海之釣未若溪之易乎昔者太白欲釣鼇而苦無餌今釣溪則無求於外也乃本其意而詩之

滄海歸來守舊溪修篁左右綠陰齊玉川只恐漁竿失未識幽行為聽鷓

甲寅夏至後五日王闓運

篁溪歸釣圖題詞

文類二

滄海叢書

矚於澤蔚然在目者其蕭亂菴蔬乎至都梁之香魚魷
之珍則非入幽谷不可見也行其野森然成行者其楓
槐榆柳乎若小山之叢琴摯之選則非登巖阿不可獲
也斥鷃鸞鳩搶於枋榆而鷓鴣翔於寥廓馬牛羊豕伏
於樞圈而虎豹隱於巒岫大抵盈天地間其耳可聞目
可見者皆常物也而其至者則必自藏於荒寂無人之
境至深且密類非常人之所得而窺見焉是故求丹砂
曾青者不於市肆採葠蠹烏朮者不在城郭古之得道
者外耆欲而內仁義遺紛華而返眞樸蓋莫不然故周
流四國者不知沮溺之樂憔悴澤畔者不解滄浪之趣

篁溪歸釣圖題詞

文類三

滄海叢書

而况處內壘葦資之代哉張子滄海治經世之學而長
於歌詠改革後浮雲富貴有遯世无悶之思焉其爲此
圖也蓋亦抱沮溺之志得滄浪之趣歟所謂自藏於荒
寂無人之境至深且密而非常人之所得而窺見者張
子誠加人一等矣於其行書此以質之甲寅三月醴泉
宋伯魯

東莞張君滄海少負經世奇才以其餘事致力於詩詞
游歷東邦學益深邃淵懿今冬遇於陳哲甫座中聆其
言論當世有心人也出其篁溪歸釣圖屬題予以爲天
地之大芸芸衆生日游於塵世中隨在皆網而不覺安
知不與魚之游於江湖雖欲避網而不得相同耶茫茫
人海誕登何日春水方生子亦浩然思歸矣癸丑嘉平
月二十八日東臺夏寅官

篁溪歸釣圖題詞

文類四

滄海叢書

予旅日時與張君滄海縱游日光山覽白雲華嚴諸瀑
布薄晚止中宮祠紅葉初下湖山幽絕特命泛小舟網
湖魚爲饌月色東上環湖山影半浸水中蒼茫寥寂鶴
唳間作默坐忘睡不知身游何世願謂滄海我輩何時
遂此願者歸國後五六載問益不堪回首今年邂逅滄
海京邸示我茲圖且命之言滄海得之矣予何言哉甲
寅二月潮州鄭浩

莊子釣於濮水楚王使大夫二人往先焉曰願以境內累矣莊子持竿不顧淮南子曰聖人以道德爲竿綸以仁義爲釣餌投之天地間萬物孰非其有者斯二者皆釣也先生其何擇焉國已共和戴非君主自生民以來世變之亟未有甚於此時者也嚴子陵尙足效乎先生志切匡時豈果於忘世者憤世疾俗聊寄慨耳箕山穎水非其志也况中原多故無地可避用行舍藏願與先生勉之而已甲寅三月湖南廖維勳

篁溪歸釣圖題詞 文類五

滄海叢書

嶺表山水秀甲南東篤生斯人靈氣所鍾玉潤者其貌嶽峙者其躬吾不知屈梁陳三先生作何形狀觀君之像如見三先生之遺容是謂媲美前哲爲藝苑宗甲寅夏日江都吳贍題

吾友張滄海服官京師一稔以還又迫歲寒浩然懷歸思其故鄉發微喟於蓴鱸寄逸興於煙波寫圖徵文以歸釣見志不遺微賤亦見囑余性木彊旣不習爲均語復自頃來頗聞大瀟歸命覺皇私自誓言當有撰造期在利喜獨有慨於滄海之質美未學知厭忻之有在而未聞出要也呂覽有言一國大亂無有安家一家大亂無有安身國土危脆長茲紛拏深山大澤龍蛇所宮城墟社積狐鼠馮焉優悠水濱持竿而嬉冀久安隱不逢不若已不可得此就世諦言猶戲論耳夫篁溪忍土之一塵而釣則殺業也以無常之身據虛偽之土毀十重之戒造難悔之業一息不還爭受後有長寢大夢無有出期非佛說可憐愍者耶吾聞篁溪之居背山臨流要當閉關焚香習禪諷經指淨刹而戒途期蓮敷而證眞此誠出纏之要津而無事於泣岐者也滄海旣厭羣而忻寂復舍淨而取穢唯之與阿相去幾何余故聞其未聞破其妄計植其大信道之正覺滄海智人善思念之民國二年十二月三日歙縣吳承仕

篁溪歸釣圖題詞 文類六

滄海叢書

張子滄海游東瀛治法學學爲政綦有年矣今手一軸
至曰篁溪歸釣圖以諸余曰君且視此其謂我何余惟
古我前后動以厚廡華頌釣餌君子君嚮者彈琴詠風
以樂堯舜今獨不彫飾笙鏞鼓吹上理而迺蓑笠離披
江干瑟瑟伊何爲者行不釣祿且釣名乎余且與君言
名意名之始何來名之終何往賢愚千載穢猶一邱赫
赫庸鐘蜉蝣短夢雖以夷魚清貞金張地望時多勢易
景沒煙銷百億春後緊惡知我之爲誰誰之非我也名
云乎哉雖然還我清芬則太空物也遺我清聲則子孫
物也襍我清蹤則不物于物而猶然金石物也釣乎名
乎斬乎物物而不朽於物此物此志將適何從試與游
神京觀上都闢乎勳侯第宅其醜豔紛或爛然而櫻心
者皆我餌也往往庸夫駮汗屏息道旁政客游臣煙視
媚行弄趨密室黃金斗印影纓結珮搖曳閑都門前則
流水游龍賓從園溢堂下則粉容纖麗歌吹湖山臺畔
則脯林釀池昏沈壑谷炙手炎炎熏燎半天下時復逞
其所欲以鸞燦當世其以餌人乎行自餌耳抑余聞之
魚相忘于江湖人相忘于道術魚之樂余羨之余甯不
願知之而或且破道以眩世余於是則茫然任術以謾
世余於是益茫然以余之所最適則亦素乎江湖已矣

篁溪歸釣圖題詞

文類七

滄海叢書

顧余又聞得魚忘筌得兔忘蹶因爲忘則不忙忙則
不忘而忘亦終必幾於亡微論肝腦中原狼藉斧鑕身
名具裂零落山邱但與蚤夜迴心清甯一按前俞醜擊
後俞難堪悔乎吝乎姦乎凶乎反覺榛蕪方寸溷濁太
清嘗竄人羣垢污青史役役畢生止釣愁爾甯尙聲茂
金石志華日月云乎哉孰與乎朝披涼颼夕曳晴霞襄
衷於嚴陵瀨乎瀟湘煙乎滄浪月乎巫峽雲乎剡溪雪
乎徇羊容裔物與我皆無與焉余又以爲魚魚藻藻活
性之母性不與天游則六鑿相殘蹂躪篁溪張子其有悟
乎噫嘻龍蛇大陸人間何世天耶夢夢人耶泄泄甯若
喘息煙波舟枕天地水雲之鄉忘乎牽繫余心混漾余
亦將尋余篁溪甲寅五月新會談道隆

篁溪歸釣圖題詞

文類八

滄海叢書

張君子幹既繪篁溪歸釣圖或曰子幹將歸矣凡我同人宜思所以挽留之勿聽其去或曰子幹方官司法部不能無用世意此圖之繪言與行若相違者予謂不然凡物之以迹象求者其所得淺也凡道之以神理喻者其所託微也吾嘗讀桃源記見武陵漁父涉青溪入桃林既而迷不知處未始不怪其辭旨恍惚及讀其他詩若文然後知淵明襟懷自關仙境桃源有無固不必問篁溪之歸亦若是焉耳若夫涓濱佐周而鷹揚淮陰遇漢而龍驤嚴陵晚出不事侯王其發迹也如彼其寄迹也如此今子幹既不慕蓋世之功復不希避世之名託

篁溪歸釣圖題詞

文類九

滄海叢書

江湖之思寫鄉里之趣吾與子幹交最久見其宴處超然屏絕塵俗有胸中之篁溪在而人境之篁溪次之定志澄神體物不紛有吾心之歸釣在而人事之歸釣次之善乎宋玉之賦曰其竿非竹其綸非絲其鈎非針其餌非螾噫此眞子幹之所謂釣哉乙卯元旦嵩莖

題篁溪歸釣圖 五古

元和陸潤庠 鳳石

朝廷取多士恩波浩無際拔茅連其茹本非一途計諸
生游學歸殿前各呈藝有詔命枝閣碩學視根柢千門
走看榜榮若進士第詰朝具羔雁淵源信一系張生人
中英風節邁當世海南固多才有如果中荔同官慶得
人後者難為繼觀政趨法曹通律亦精詣登高必自卑
成就諒非細世事忽變遷天運有隆替中宵仰星斗竟
天指長彗虎兕出柙多一發不可制生從閒道歸臨風
猶隕涕篁溪清且澗林麓景殊麗日光箱根間勝游夙
所契跳波羨魚躍持竿一絲曳縱非任公子豪氣凌海

篁溪歸釣圖題詞 詩類一

滄海叢書

濫或為孔巢父珊瑚拂襟袂避世苟得安臨流且鼓枻
繪圖出新裁乃以魚為例風波正無極天宇何時霽我
愧不得歸京華尚羈滯詩成發長歎清修願砥礪

番禺徐紹楨 固卿

張君志飛遞歸卧篁溪旁脩竹手自種三徑良未荒君
言遭世變四顧空茫茫願學垂釣者無魚亦何傷君昔
少年日意氣誠飛揚日中無禹稷豈意效楚狂今將侶
麋鹿且復傲羲皇我欲從君游而無田舍莊余嘗治湖園已燬於辛亥
之秋欲尋桃花源道路阻且長披圖為太息看君天際
翔

漢陽李哲明 賦民

姬聖久不作誰為後車賢眇默千載下抗心懷渭川當
時釣璫地夢協良偶然出處道不二巖陵繼其傳羊裘
風雪中優游太平年後人覬榮遇利名紛鈞連仰睇周
漢踪邈如山與淵古風日已微濁流貴自全張君高世
姿不為曹好牽寫圖作歸計垂綸海南天君家元真翁
清輝相後先鯨波未息沸雲水難為緣欲從問釣道牽
舟心亦便浮家定何處江漢多烽煙

江都吳 賡 二庶

篁溪歸釣圖題詞 詩類二

滄海叢書

太公釣渭水終建鷹揚事子陵釣富春卒辭諫議位古
人垂釣同出處卻有異後代惟志和不失嚴瀨意邇來
釣道亡徇俗便私計釣名必于朝釣利必于肆名利紛
相爭傾軋生悖戾橫覽宇宙間幾人懷高寄張君獨不
然名利兼唾棄故里有篁谿水竹環青翠一篇歸去來
持竿竟忘世君才本瑰琦大可醫跛盤况乘博望槎徧
游東海滄當今民國開制度多變易史局忽推翻天帝
亦昏醉前朝諸達官蔽蔽厭不嗜可憐馮瀛王衣鉢遂
遙繼君倘與虛蛇好翁早立界誰識曠達胸酸鹹殊世
味頭銜箕笠翁那解爛羊貴山中薜蘿裝那屑貂蟬麗
弟鷺而兄鷗俱結塵外契莊惠濠濮想君能得真致桃

源古逸區避亂前賢憇其境寓言耳當時無斯地何若
茲篁溪鑿鑿在實際君歸是何年猿鳥皆相睚溪月自
澄鮮溪花自映蔚花鳥無盡藏綸絲無繫累畫師得其
旨繪出煙波膩我忝苔岑友披圖增仰冀他年高士傳
爲君姓名記

萍鄉鍾聲小佛

世網豈相嬰榮名安足尙羊城有君子歸釣篁溪上篁
溪清且漪游魚咬微浪持竿如木槪與魚兩相忘魚來
不欣欣魚去不怏怏大地皆溟池蠢爾魚無狀香餌不
可食食餌投醯醬舉筐觀此魚一擲將魚放龍門百尺

篁溪歸釣圖題詞

詩類三

不滄海叢書

高善躍登重閩煙波聞拍笑何處尋宗匠南海歸來乎
彝典滋惆悵斯文未遽亡聊把漁歌唱

嘉興項乃登琴莊

商飈激修竹清籟滿淇澳搖波影涵虛一片猗猗綠中
有尊與鱸甯計升斗祿不如歸去來獨釣寒溪玉

蒙古三多六橋

高士隱漁父漁父爲英雄英雄與高士出處多雷同慈
泉垂釣者裂土膺崇封淮陰垂釣者背水成奇功煙波
張志和江湖陸龜蒙古人不可作喜有滄海公幅中欲
相訪逝矣乘秋風但見畫中人不見人中龍篁溪卽嚴

瀨將以羊裘終我亦羨魚客欲浮東海東願分籊籊竹
直拂珊瑚紅再遲五百載騎鯉來相逢

篁溪歸釣圖題詞

詩類四

滄海叢書

題篁溪歸釣圖 七古 漢壽易順鼎 實甫

問君何不上馬殺賊下馬作露布問君何不左手持螯
右手持酒杯何為手持一竿竹終日枯坐清溪隈豈欲
與彼淮陰嚴陵輩爭此荒涼寂寞滄江萬古之高臺君
言家在篁溪側溪水與篁同一色垂竿便有卅六鱗投
餌無須七十轄閒來寫作畫圖看日對畫圖歸不得君
不見龍伯國人能釣鼇越王無諸能釣龍所釣皆非一
寸二寸魚其竿乃如千丈萬丈虹君今所釣是何物豈
是魴鯉兼禹鱸君既非漁家傲君又非釣者恭豈羨君
家老志和左挾樵青右漁童看君未是一書傭本有五

篁溪歸釣圖題詞 詩類一 滄海叢書

嶽藏胸中何不效彼汶上移篁之燕駿與彼磻溪垂釣
之周熊余處幽篁兮豈楚之屈子坐觀垂釣者豈唐之
孟公題君此圖君莫笑獨坐彈琴復長嘯吾亦澹蕩可
同調老天留此萬竿篁供汝三千六百釣

仁和徐 琪 花農

身在青雲不必有此事賢者曠觀不可無此志吾人平
生煙樹慕鄉井何日能忘先子釣游地我家蘇公隄畔
六橋濱桃花紅雨萬朵通仙津廿年鷄栖京國歸不得
鱸魚味美久負西風蕪君曾扶桑濯足巨鼇釣昆明湖
邊惆悵對斜照寄託遙深幽意初不言青簪綠蓑彷彿

倚歸棹我憶天南玉節三年持江干黃竹都似垂楊垂
何當從君鳴榔共尋舊來聽魚鳥重說梅花詩 余於羅
浮庚嶺
皆補梅 嘗聞有田不歸江水誓他日登堂定作畫錦記
看君手引平泉水一灣請把長竿刻此九言字

山陰張復乾 建白

之子吾宗秀國器稱圭璋乘風破浪遠求學豈獨瀛海
胸中藏長安久居仍鬱鬱乃將抑塞磊落之氣吐為文
章秋風起鱸膾香歸心忽發如新篁竹竿何籊籊溪水
何洋洋青山白雲舊相識釣竿引得經綸長欲去則去
欲住且住仕隱一身休兩誤吾不欲君登要路功名望

篁溪歸釣圖題詞 詩類二 滄海叢書

重翻慮犧牲苦又不願君歸去來一溪煙水相訪知何
處不去不住奚為謀何如同駕飛艇遠作銀河游終日
吟詩賭酒相唱酬他日羨魚釣興發我有新截千丈之
白髮既可為絲復覓釣更能為君摘取天畔新生月來
往冷然自在行勸君鄉思且稍歇

黃州劉遠駒 默存

簑衣箬笠沙棠舟翠綸桂餌黃金鈞中有詩人坐垂釣
京華數載同居游小釣釣名大釣國問君何事耽元默
君言蒿目多煩憂誓將歸卧篁溪側煙塵蔽天白日微
鯨鯢跋浪海水飛胡為西笑不歸去我聞此語殊心違

在昔渭濱有逸老玉璜釣得歸舟早剡溪六月子陵裘
客星夜繞長安道功成范蠡回五湖不然佐越期沼吳
尼山志趣異箕穎浴滔天下非唐虞君不見任公巨擘
投五十魚膾飽屨日出入又不見龍伯一釣連六鰲脩
竿直撼雙山高煙波泛宅風流遠閑雲出岫休輕返得
雨蛟龍會有時十年歸隱應非晚君聞我言意欲移手
持此圖索賦詩詩成銅鉢擊已碎春風漏洩揚柳枝

南海黃 璟小宋

我有琴鶴歸舟圖五年前已思尊鱸欲歸南海揚波
欲歸南陽城已屠余隨宦服官南陽景久此間久安可託足懸車

篁溪歸釣圖題詞 詩類三 滄海叢書

何必歸故廬買田二頃宅一區繞屋梅花手自鋤門外
秋水天一色居然五湖范大夫不波舫裏常載酒洗耳
亭邊獨釣魚湖水似與黃河通鯉魚肥美天下無忽聞
篁溪張志和歸志亦復不在漁與我同鄉且同志寫圖
徵題不棄余余已浮家煙波上但與閒鷗相嬉娛君若
欲歸亦不得何妨燕市酒頻沽寫圖自是意釣者題圖
詩意竟何如君為南海先生徒曾釣海外美名譽先生
歸來欲驅鱸希夷一笑已墮驢君勿掉臂飄然去來共
先生舟容與可遣樵青漁童去莫與綠簑青筍俱我觀
四圖題詩客儘多欲與釣人居易實甫金實齋是我舊

相識李 毓如 潘 蘭 史 二 沈 太 侔 研 農 通尺書與子長安
樂晨夕子猶淪落况其餘 陳句 我作五圖慰同志同志
將何以答子

鄂東叔君

京維緇塵不可掃秋風幾日吹人倒有人颯爽獨披襟
條憶鱸魚故鄉好故鄉迢遞江流東鱸魚膾壓淞江紅
侯鯖禁鱗此何物一文不值三官銅篁溪近帶長干宅
巨口銀鱗頻網得三影催成新畫圖四明歸趁舊狂客
圖成客去秋風高都人擁道傳觀勞幾何塵塵拂雲素
一片濃青秋更饒全溪盛得秋光滿雨後溪流轉清淺
應有詩人鼓棹來不隨漁父尋花遠知君幾載倦塵都
眼底風雲變換殊網利織兒甘狗馬釣奇大賈驚妻孥
人生適志良不惡大好湖山繞村落肯隨燕臺駿骨香
且賡雪上漁家樂秋深一棹試來歸紗箬青簑問釣磯
花開北渚頻攜酒船載西施為浣衣一竿脩竹銳如筆
把向溪頭坐林密為憐豪傑化魚蝦忍學漁人窺蚌鵲
釣徒新署託煙波釣國雄才空網羅同心古有任公子
泛宅今推張志和袖推一掣神州曙功成唾擲君何遽
他年若訪滄海公只在篁溪最深處

海鹽陳明遠 哲甫

我聞涓濱之釣遇文王嚴灘之釣友漢光今日海內已
無帝先生何必釣於鄉矧君自號曰滄海才大於海難
斗量篁溪勺水不過淚點耳一揮熱淚便化作汪洋聞
君昔游蜻蜒島吞吐日月開懷抱龍淵蛟窟一然犀珊
網能收海底寶力驅巨鱷斬長鯨方見男兒身手好何
爲把一竿修篁獨倚寒得勿憂浮雲之多變而憂來日
之大難遂令飄然鴟夷子戴笠披蓑而去矣嗟嗟先生
忍出此倘使賢人君子盡賦歸去來支廈但留拳曲材
駿空日落黃金臺遂恐中華民國將等於波埃狂歌到
此拔劍起未許志和泛煙水上殿須爲占頂齧登門要

篁溪歸釣圖題詞 詩類五

滄海叢書

湖北許學源 游仙

君莫學磻溪叟終日綸竿不住手釣起周室八百秋
王猶是商王受君莫學淮陰侯富貴功名託釣鉤博得
王封人已杳何如風順一帆收君須學嚴子陵富春山
下賦歸耕聞道故人天子貴釣臺高卧心不驚客星犯
座足加腹六月披裘隱姓名卒之光武河山改釣臺猶
共河山在至今人過嚴陵灘聽得漁舟歌欸乃篁溪之
水更清清好向滄浪問濯纓此行不爲鱸魚膾紅樹青

山少送迎眼前波浪重重起無處追尋赤松子天外懸
鉤不釣龍一洗從前巢由耳君不見投豚得鯨大盈車
因貪死餌其爲魚土何不讀子思書

太湖袁祖光 瞿園

君游跡遍滄海外君歸志在篁溪問篁溪風景若可識
隨意飽看溪上山山青溪綠萬篁裏白雲悠悠時往還
終日垂綸但學釣機心不動流潺潺勸君一竿復撒手
不如不釣心長閒

嘉興鄭 榕 晴湖

古今把釣皆有託幾人濠上知魚樂浮生顯晦自有時
平日何如修天爵篁溪當年師南海學既有成滄桑改
功名雖未博侯封學問自然有主宰日日獨坐幽篁裏
有時閒把釣絲理漫云人濁我獨清對此滄浪一溪水

篁溪歸釣圖題詞 詩類六

滄海叢書

半世窮愁盡著書一生壘塊須澆酒曠代高人羨志和
萬頃煙波眞吾有太公今日渺何處子陵雖遇如未遇
二老豈是釣譽人一代高名同鼓鑄

番禺鄔慶時 伯健

油油溪中水猗猗溪上篁此中有人垂一竿默默枯坐
如癡如醉如伴狂簑衣箬笠含古姿和顏霽色爭溪光
我披君圖欲有問退而結網應未遑君言生平嗜釣厭

宦游魚縱非我請以魚爲鑑明否臧當其躍登龍門
上豈不自鳴得意一鱗一甲都飛揚那知禍福往往互
倚伏東西南北密布香餌香餌香言之長不如垂釣
歸故鄉乍聞此言亦欲一搖舌君自爲計雖云良向使
圓顛方趾盡如君不幾胥水中魚類悉數充詩腸既而
轉念忽若有所得君欲避餌豈反以餌投河魴知君會
心別有處不然胡爲一釣再釣乃至三釣仍不見有魚
於君旁舉頭四顧天茫茫題君此圖爲君傷安得鱖鱉
鯉一化作磻溪璜

江甯孫谷叙

天問

篁溪歸釣圖題詞

詩類七

滄海叢書

水花生雲晴作瀾三十六鱗朱鯉寒美人娟娟思無端
手拂珊瑚紅釣竿劃開綠煙橫睇看下有馮夷吹雪湍
羽冠峩峩抱琴彈一彈湘靈來珊珊溪上風篁舞檀樂
美人見之生長歎塵網十丈相鬱蟠魑魅紛攫青琅玕
何如理柁歌考槃騎魚撒波延古歡

湖南唐復一

壺公

造物無端弄奇詭生土生金復生水別爲魚龍鬪一天
蓄作洪濤十萬里煙波浩淼山迴環大江茫茫去不還
雲峯璀璨景斑斕仙竇靈境非人間東莞有客字篁溪
髫年便愛釣鯨鯢問字時立程門雪傳經早從楊關西

負笈東求經世學歐美哲學相研稽歸國適逢天地改
萬頃桑田變江海繡闥雕閣蔓草榮家鄉勝迹青山在
良時志每同管蕭此際功偏謝元愷蓴鱸佳興動秋風
琴鶴詩書畫舫中泉石未忘招隱去煙波甘作老漁終
天風海濤都不理歸途思釣蛟龍起湖山人影似鏡中
煙雨修篁如畫裏端坐觀魚悟化初己身非己魚非魚
魚知魚樂原非喻莊夢何由論華胥嗟余夙性癖煙霞
欲掉魚舟泛若耶雙槳鷗波空夢影十年鴻雪滯京華
江村黃葉無限好倚雁看雲何處家歸帆一棹故山里
漁村酒熟夕陽斜我欲從君去更當爲君歌歌曰無限

篁溪歸釣圖題詞

詩類八

滄海叢書

雲林好畫圖風塵我亦倦江湖鷗盟辜負年來約輪與
篁溪老釣徒又歌曰不向潯陽看射潮卻從西海釣靈
鼈不顧日月雙輪轉那管天地如奔濤一竿獨釣與魚
樂樂而觀濠其樂陶陶其興雄豪千巖滴翠萬竿雲高
清湘曉片帆飽樂吾樂兮乘長風萬里而翔翱

江蘇吳

堅 痾鴛

宋玉昔爲竿綸釣餌之釣賦聖人不死大盜肆如故稚
珪乃有蘭塵簪海之移文俗士請迴山靈悲愈深我聞
黃皮霜粉兮篁心鐵石不吝人鴟夷一舸兮綠珠雙笛
又聞溪山黛墨兮溪水桃花一任爾豹文隱霧兮黃精

煨霞想見子蓬頭妻椎髻驪山鐵杵之鍼敲作釣鉤伸
以屈松柏心竹箭筠龍眠白描之畫嫋到漁竿清而眞
縱有兔葵燕麥紅羊蒼狗淒涼悲壯十萬保蟲淚飛不
到滄波浩渺一箇篁溪釣叟身吁嗟噫嘻白衣猶太五
魚二餅饗羣衆菜色四郊饑腸殊慘動主人卷之退藏
密竊意我佛支解爲夢夢

新城王樹枏 晉卿

吾觀莊子濠梁游丈人嗜釣非持釣罔罟智多水始亂
鵝鶩貪餐尤無厭一厝浴天羣水飛白龍魚服遭羈累
羣鱗濡沫半處陸但見碧海生黃埃鱣鯢上下蛇鱗舞

篁溪歸釣圖題詞

詩類九

滄海叢書

彼蹲釣者何人斯先生昨自東瀛歸篁溪猶是人已非
枯魚過河淚滿眼手揭長竿何處垂我亦燕南老漁父
會須一棹從君去有魚無魚關底事歸來莫作馮驩語

遼西成 昌子蕃

少微星照澄潭底彷彿廉水兼讓水萬竿煙雨一絲風
秋毫收入吳縑裏中有仙人思浮家前身定是元眞子
得魚煮酒飲且歌睡熟沙鷗呼不起

嘉應蕭亮飛 雪蕉

我家舊住程江濱庾嶺梅花爲芳鄰妻孥書史歸不得
黎水久作釣魚人千里忽蠟鳳城屐棗花開宴集詞客

曲江當今風雅流寫圖徵題壯行色新知已樂況同鄉
聞將歸釣篁溪旁篁溪清冷殊渭水但見產魚不產瑣
浩然歸去尙何待青山可移志不改風前自顧飛蓬身
披圖深媿張滄海

宗室寶 熙瑞臣

吾聞磻溪釣璜叟撥亂有才爲世出又聞大澤披裘公
故人徵聘終不屈張侯嶺海之英奇二者或有取於一
絲綸在手不羨魚沈觀物變且抱膝鄉邦文獻思網羅
交廣春秋宏纂述篁溪溪水最清絕杯渡山青指一髮
笠影斜披雲葉涼釣竿靜拂珊瑚密卽今多難未還家

篁溪歸釣圖題詞

詩類十

滄海叢書

孤負滄江好風日金門避世不求知郎潛小試青鏤筆

題篁溪歸釣圖 五絕

項城袁克文 豹岑

京華多塵土無水不能釣何如篁溪裏一竿壓歸棹

長沙鄭 沅 叔進

未老便歸隱先生真自豪無人狎龍性揮手謝兒曹

廿載滄桑事垂垂了此生有田如不返江水證吾盟

侯官陳 衍 石遺

有溪復有篁其魚樂於我願君直其釣不釣俱可

山陰張復乾 建伯

篁溪煙水深一竿終日守魚我兩相忘天地更何有

東莞麥毓助 雪銘

長江浪拍天無地可容釣風便轉歸篷幽篁答清嘯

邵子村邊渡浮家大笑俱日斜竿影定鄉味足蒹鱸

我家傍水居隨意盟鷗鷺欲歸未得歸紆情向誰訴

君才原海似壯志鬱虹中會擊中流檝煙霞本誤人

瑞光上人

溪水綠於篁先生憶故鄉一竿對魚笑笑魚貪餌香

題篁溪歸釣圖 五律

閩縣曾福謙 伯厚

一自離鄉縣卅年尚未歸海天向南望辜負釣漁磯世

變慨日亟多君先見幾篁溪好煙水從此遂初衣

香山黃映奎 日坡

擬下篁溪釣圖成憫所思京華萬里隔風雪一竿垂珠

海入遙盼珊瑚洲歸幾時會當賦招隱蓑笠侶天隨

江蘇李鍾豫 毓如

君為滄海客滄海即君家偶觸桑田感因乘滄海槎煙

波成隱逸簑笠作生涯彷彿桃源境扁舟興自賒

萬山環繞處幽境入篁溪覺岸誰先覺迷津自不迷有

時雙屐躡無事一竿攜我本無巢氏茫茫何處栖

浮榮何足慕且自老漁竿地與塵寰遠心隨鷗鷺閒漫

言歸隱易更比釣名難一棹飄然去滄波任往還

惠州顏紹澤 稚愚

篁溪湖海士儒雅亦吾師學邃三章法名成一卷詩同

舟慚我億攬轡惜君遲何事澄清志幡然託釣絲

中原乾淨土一片祇今無負願知何處江湖尚此圖機

心消海鳥時事痛城烏暢好蓴鱸味招人返故吾

我亦思歸久勞勞感歲華一官猶落魄四海不成家莫

買豐湖棹難迴蜀道車年年春草綠書劍尚天涯

北京定 信 悔生

論交得張子計拙若為僑牢落悲身世蒼茫有釣舟忘
機滄海闊感舊薊門游且喜新圖就詩成好狎鷗
白雲休悵望此日故山臨溪水照華髮風篁清道心天
涯勞夢想客思與年深越客扁舟去何時笠屐尋
羅浮凡四百三十二芙蓉君向羊城去應聞清夜鐘還
將友鷗鷺敢薄世黃農辟穀何當學游僊勝赤松
釣徒甯足異所富在煙波柳色將春盡山光奈夕何百
壺添酒舫初服遂漁蓑我亦桃源羨空為勞者歌

閩侯林志鈞 辛平

篁溪歸釣圖題詞

詩類二

滄海叢書

所得是幽適深期水竹居低迷南國夢寥寂故溪魚獨
爾危非絕方舟觸已虛嚴灘千載意共遂此心初

題篁溪歸釣圖 七律

湖南李猶龍 肖鼎

樵青已嫁漁童老何處煙波有釣徒千二百年家傳在
兩三尺水桃花俱會聞玩世東方朔略付閒情濮小姑
白日青春公事了此心隨地得江湖

南州陶 牧 伯燕

側身天地意蒼茫獨立扁舟送夕陽歸覘鱸秋已老
閒拋簑笠酒初香誰能借隱聞漁笛剩有新詩貯錦囊
十里篁溪煙水綠生平好友即吾鄉

開封金葆楨 實齋

篁溪歸釣圖題詞

詩類一

滄海叢書

一棹篁溪羨隱淪秋風起處憶鱸純田園歸去高彭澤
煙水蒼茫勝富春莫問乘除聊鼓枻不談醒醉且垂綸
屯門正倘容杯渡他日扁舟訪故人

北京善 佺 芝樵

尋得桃源好避秦煙波事業一閒身功名漫借籌帷簪
鄉味難忘故里蕪朝水半潭宜買夏渭川千畝自成春
披圖不盡臨淵感白眼非關傲世人

篁溪一幅畫圖成挖雅揚風別有情逸興偶隨鷗鷺侶
高歌忽變徵商聲竟教彭澤同歸隱堪笑嚴陵祇釣名
五十四年塵鬢改青袍今已誤儒生

汾陽王式通 志齋

客問清河書畫舫幾時真到曲江頭便思蕪菜將何往
解採蘋花詎自由綺語棲梁雙海燕原唱有雙燕似
迎桃葉渡之句孤
懷泛宅一沙鷗故鄉未必能安樂尺幅煙波且卧游

南昌楊增舉 韵谷

平生僅得一簞谿畫裏徘徊久未歸直北雲深居漸慣
海南風急夢能飛煙波故是君家物荷芰虛裁處士衣
剩有鷺鷥盟不改天寒猶爲守漁磯

篁溪歸釣圖題詞

詩類一

滄海叢書

安徽余 窳節高

輩流並世滄波遠大海相親祇白鷗不意山林期把臂
本來李郭可同舟鄉音久滯迴腸詠儷句新同比目投
日暮寒風身一粟知君塵夢醒皇州

月照深林獨嘯篁濯纓休自負滄浪雲帆天際歸來健
菱棹年華姓字香一葉扁舟艱去世大雷多歲怨離鄉
羸君韻事堪豪詡網盡珊瑚已十霜

曾向龍門看躍鯉又隨野老更疑鷗熊影幾見明王乘
秦晉偏開敵國舟相慎枯魚聊自泣出羣窮鳥復何投
鳴夷艇子難安著况值橫流徧九州

篁溪歸釣圖題詞

詩類

三

滄海叢書

爲製新竿斬舊篁臨風意緒寫淋漓浪蛤蜊也佐盤樽美
橘柚頻嘗嶺海香未化鵬雲容徙溟動因鱸膾計還鄉
高歌扶病徵同調一曲猶能氣挾霜
一竿風雨消閒甚秦漢興亡等戲鷗的皪黑菰仙作米
蕭疏紅蓼自橫舟早知良弩終藏棄應惜明珠或暗投
曠醉不知新甲子再無閒夢到瀛洲
屹然勁節抵修篁年少勲名鄙博浪野笋怒生微礙路
山羹吹熟遠聞香青箬綠笠聊隨俗胡馬燕禽總戀鄉
呼吸山川吞日月不教鬚鬢易侵霜
子與滄海心契蓋有出於天然者辛亥棄官別都一

身如洗滄海撰言慰教並以詩壯行色今滄海將賦
歸去矣揆之公誼私情既難嘿爾而予又素僻於詩
託于釣以大雷漁父自號者也其於滄海性旨復若
鍼磁之相吸合是烏得不爲同調之賡耶曩予冠時
讀書鄉國感時憤世作秋漁雜唱和者三四百人名
曰秋聲迨後省親桂林有續秋漁雜唱四十首亦感
時之作海內知交多半寓目搜聚和章將兩萬首千
有餘人唱和之盛于斯爲極獨惜攜赴河東任所燬
於兵燹不克與滄海此作相印證也往事今情根觸
于懷拈毫率爾工拙非所計也

篁溪歸釣圖題詞

詩類

四

滄海叢書

四川蘇俊仲榮

青天矯首雲中鶴滄海閒身上鷗人世百年皆過客
江湖萬里一漁舟何當珊樹持竿拂底事明珠向暗投
京洛緇塵歸思動片帆遙指白蘋洲
叢竹環溪似汶篁綠簑青笠任聊浪浮家張子烟波遠
釣瀨嚴陵姓字香霖雨東山期異日鉢衣南海是同鄉
逃名我亦長安市丹竈殘烟自擣霜

丙辰春 篁溪先生出其歸釣圖見示屬和余久廢
吟詠滋愧報瑤然垂竿大澤與賣藥長安履道或殊
風趣非遠迺綴俚語敬嗣玉音四川蘇俊謹識

題篁溪歸釣圖 七絕

順德何藻翔 題高

東官詩客愛魚蝦擬向篁溪泛釣槎只怕石龍風浪惡
歸舟有犬吠蘆花 時海盜攔抽漁船過往錢故云

翩然滄海一漁篁漫學君家張志和夜夢昆明湖水赤
金鰲橋頂釣豬婆

羚羊峽口鷓鴣飛甘竹灘頭春水肥都是老夫湯沐地
不須敕放鑑湖歸

杭州馬叙倫 夷初

欲尋李愿向盤谷先學王維圖朝川一事懷疑問坡老
季鷹歸興竟何緣

篁溪歸釣圖題詞

詩類

滄海叢書

青筠綠莎一釣筌篁溪春水碧潺湲勸君牢記煙波約
天子呼來不上船

安徽吳廣霈 劍華

萬里滄波一釣竿釣鼇容易釣璜難富春風骨礪溪志
獨被羊裘宇宙寬

季鷹豈獨蕪鱸戀彭澤非懷松菊存別有傷心人不識
怕看華夏偪瓜分

漁竿欲借愁無地羨子篁溪向有家夾岸琅玕藏一舸
有人洄溯詠蒹葭 徐公花農有書留之故云云

霜根自有凌霄日錦鯉甯無就餌時懷寶迷邦關運會

老君留作帝王師

張君滄海負不世奇才浮沈日下竟莫能展其素蘊
因作歸釣圖以見志授書索題并徵文余至京師因
走謁大人先生俗塵拉雜填胸不復能作文字率成
四絕塞責長歌短序請俟異日云爾

杭州汪洛年 鵝客

頻年江海笑浮家夢裏西湖天一涯此日送君歸釣隱
篔簹携酒看梅花

滄海先生詩家倦游思歸粵多水鄉將隱於釣屬作
此圖余鄉有西溪爲樊榭故居風景亦殊澹宕中年

篔簹歸釣圖題詞 詩類二 滄海叢書

羈旅不得歸持釣竿圖成感賦小詩勞者之歌即希
鑒教 癸丑十月杭州汪洛年畫并記

番禺潘飛聲 蘭史

當年曾作珊洲客今日披圖似憶家長羨名鄉生計足
一江春水長魚蝦 那文友先生君鄉中詩人也

文烈詩中懷楚澤金吾亂後託青山憑君一卷搜寒木
吟向篔簹溪煙水間 君手刊張文烈公集惟璩子金吾有
寒木居詩一卷尙未見行世

惠陽李綺青 漢父

萬綠篔簹罨野煙羨君先上釣魚船刺船欲訪西湖路
準備菱芡早買田

西臺下瞰嚴陵瀨幾輩先民哭罷回晞髮不須尋汝社
篔簹即是釣魚臺

笠澤秋風待季鷹笑看天外一鴻冥江湖滿地歸何處
尙有吞聲杜少陵

故鄉風景羨羅浮不作山棲竟枕流想是丹邱猶有劫
不如安穩在漁舟 辛亥間民軍起羅浮名刹焚燼殆盡
故及之

扁舟一舸託鴟夷爭把黃金鑄范蠡畢竟不離闖闖氣
高風惟有陸天隨

西塞山前水竹新綠篔簹青鶻數家珍從今要學漁家傲
不向蘆中再渡人

篔簹歸釣圖題詞 詩類三 滄海叢書

儀徵陳霞章 孝起

詩人吾愛張滄海年少耽吟鬢有絲忽悟蓴鱸鄉味好
一官不戀白雲司

辦得輕舟泛五湖勞勞人海見斯圖勸君并挈西施去
好學當年范大夫

君家長史亦風流乘興還牽岸上舟此去煙波無覓處
等閒莫替舊羊裘

我如烏倦漸知還夢裏堆金欲買山何處桃源可借隱
漁樵酬唱兩閒閒

六安王淮琛 厚齋

1800117

故人珍重挽留書一笑浮塵鏡裏居幾日秋風滿京國
那知歸棹為鱸魚

細雨斜風白石灘午陰濃綠減春寒溪頭自有那玗玉
莫向淇泉斬釣竿

醉裏風光半是春鏡湖花暖乞抽身漁舟祇繫花深處
錯認風流賀季真

西塞山前舊釣船浮家溪路總平安綠簑青笠家風好
長鉞歸來肯再彈

番禺陳慶佑 公輔

種得脩篁作釣竿水鄉深處夏生寒家風不愧元真子
篋笠歸釣圖題詞 詩類四 滄海叢書

篋笠簑衣畫裏看

喜君滄海不橫流指點歸墟溪水頭一二寸魚三兩竹
故園心事繫孤舟

長沙羅傑 時雲

騷情俠意向誰開一棹歸來鷗鷺猜知有哀時心未死
臨河欲渡又徘徊

樹影扶疎陶令宅河流日夜子牙竿蒼生正待斯人出
遲與松梅共歲寒

東莞倫明 哲如

故山無恙忽相逢十里青溪在畫中莫學東坡舊江水

314

一竿何地不相容

桃源空記陶元亮簑笠還輸張志和添箇樵青相伴住
風斜雨細唱魚歌

番禺沈福田 研農

簑笠簑衣張志和飛竿終日對煙波溪頭鷗鷺來相伴
似慰先生自嘯歌

盤針擘粒吟吾友泛宅浮家是我師萬箇簑笠染衣綠
釣絲風裏雨如絲

莆田張琴 知慮

十年三度客京華人海茫茫豈為家無限風波吾飽歷
約君江漢去浮槎

約君江漢去浮槎

滄桑見慣渾閒事如此江山絕可憐尋得釣磯堪避世
不聞毀譽即神仙

林縣張家駿 毓皖 集句

竹屋雲山綠四圍青溪一路踏花歸世情付與東流水
擬把長竿坐石磯

水涵天影玉壺清左右脩篁拂畫楹最喜晚涼風月好
高吟詩句答溪聲

番禺沈宗畸 孝耕

漁父詞吟張志和女兒浦口足煙波君今歸向篋溪釣

好把新詩當棹歌

廿年京洛傷憔悴願向圖中覓導師我是甘溪舊漁父
卽今贏得鬢成絲

香山黃佛頤 慈博

滿眼橫流何處歸策鼇東海事成非嶺南獨有張春水
擬向篁溪築釣磯

洲近珊瑚第幾灣釣游風景畫家山未須入海隨巢父
詩卷自留天地間

數載滄桑成一夢京華人海憶相逢月明波浸羅浮影
更約僊山共釣龍

篁溪歸釣圖題詞 詩類六 滄海叢書

北京張德彝 在初

宦味蕭然一挂冠信知人海盡波瀾秋風吹起蒹鱸思
自向溪頭理釣竿

往事盡隨流水去新詩時共片雲來不愁劉寶無金穴
且喜莊光有釣臺

桃源宋漁父 遜公

珊瑚樹老碧煙濃笑擲姬璜訪赤松我欲從君東入海
更無餘地著黃農

襄州盧啟賢 頤咳

箬笠君家有舊綠魯公賓客豔神仙槎頭縮項鱸猶美

還憶吾鄉孟浩然

煙水茫茫感杞憂千鈞一髮此神州篁溪終是人間境
何處桃源覓舊游

吳興張宗儒 軼塵

願乞明湖覓釣磯桃花浪暖鱖魚肥年來久爲山靈笑
悔向人間判是非

先生示我篁溪景引我葦鱸秋興長羞與鷄蟲爭得失
鴟夷好計費籌量

坐看長安似奕棋茫茫人海問何之乘時未遇風雲會
且隱磻溪作釣師

篁溪歸釣圖題詞 詩類七 滄海叢書

羨君豔說篁溪好我有漁莊蒼雪間拋卻風波渾不管
扁舟飽看五湖山

山陰張復乾 建白

歸釣篁溪羨自由當年我亦坐灘頭垂竿未解投香餌
一箇魚兒不上鈎

古隨周澤春 鳳介

不着羊裘不着笠釣臺高處少風波旁人錯比嚴陵瀨
溪水篁聲韻自多

此行不爲鱸魚膾惆悵秋風憶故鄉釣罷篁溪三尺水
不知人世幾滄桑

北京嵩 堃公博集句

留待行人二月歸
木棉花發鷓鴣飛
荻花村裏魚標在
便擬因君問釣磯

龍游余紹宋 樾園

萬里丹山花亂開
當時雛鳳記曾來
巖花澗草應如故
小劫滄桑又幾回

璇樓貝闕幾曾逢
車轍空聞向海東
雲路何如歸路穩
幽篁閒趁釣絲風

廣州左 霈雨泉

天然一幅畫圖開
中有幽人坐釣臺
細竹參差水清淺
篁溪歸釣圖題詞詩類八
滄海叢書

此身應是在蓬萊

閱盡滄桑幾度秋
聊將心事寄扁舟
滿天風雪餘簑笠
俯仰乾坤任去留

南海辛耀文 傲蘇

長安道上昔人稀
滿地江湖憶釣磯
不為秋風鱸膾美
誓將燕尾換紅衣

如此風波莫放船
蘆花淺水合安眠
客來載酒篁溪上
萬箇瓊玕月滿天

江蘇袁祖成 退生

人海茫茫願總違
非魚誰更解忘機
都將萬古千秋意

併入絲綸計早歸

我亦京華倦游客
場來枵觸百無端
一灣流水風篁韻
遮莫詩人耐歲寒

江蘇賀 俞 鯁云

第五名何減驃騎
江鄉生活勝天隨
幽篁寂處無人見
展畫愁題屈子詞

不投貪餌且垂綸
心定風波獨鑒真
止水悔遲清白語
連年閔默未抽身

湖南范治煥 秉鈞

一謝微官控脫囚
霜風吹夢洞庭秋
詩人歸具匆匆辦
篁溪歸釣圖題詞詩類九
滄海叢書

四海蒼波一釣舟

典盡朝衫換笠簑
風華博照得天多
篁溪圖媿愚溪序
山水文章兩不磨

北京慶 珍 博如

風定篁溪水不波
羨君先買釣魚簑
瑤琴已碎無絃索
醉後煩君聽我歌

溪綠篁青布景奇
我歌因亦有新詩
平明開卷增惆悵
三世天南種荔支

人生聚散總難期
落魄金轡或為詩
回首又成陳迹事
記會同客白雲司

識面重陽在棗花醉餘論句性情賒似從嶺海崇壇坵
心折當年三大家

蒼狗游雲變化奇釣竿原自我儕為風塵倦眼無知遇
同是江湖杜牧之

生長湖天一夢成鸞游心事一舟輕何當再踐江南約
江雨江花過此生

廣西程大璋 子良

釣絲牽夢醒邯鄲翠竹溪頭歲月寬張翰風流誰記取
煙波覓向畫圖看

江蘇李鍾豫 毓如

篁溪歸釣圖題詞 詩類十 滄海叢書

茫茫塵海幻波瀾何若徜徉滄海間一幅幽篁隨意寫
贈君聊作釣魚竿

滄海先生將有歸釣篁溪之志寫此幀贈之毓如識

惠州顏紹澤 稚如

自讀桃花源記後令人神往武陵溪先生真作陶元亮
可使篁溪路又迷

不愛簪纓愛笠簑釣徒名號占煙波而今又見張夫子
定許前身是志和

萬綠篁簷一水圍富春風景想依稀料君心似閒鷗鷺
愛向清涼境界飛

誤人入世此微官平地風波退步難散髮弄舟歸去也
羨君猶有釣魚竿

休寧程霽 甘園

生平濠濮之間想自寫篁溪第幾圖乞得一竿歸大澤
西風吹夢落江湖

東莞趙祉皆 吉菴

建設人才國正需擬從海底網珊瑚如何補袞絲綸手
翻欲珠江作釣徒

我亦煙波一釣徒珊洲卅載戀蓴鱸從今添箇篁溪叟
水國比鄰德不孤

篁溪歸釣圖題詞 詩類十一 滄海叢書

歸去來兮倚棹歌漁童隨侍荷煙簑桃花流水春垂釣
罨畫溪邊張志和

東莞祁正 武垣

瀾迴宦海任浮沈兩岸脩篁託綠陰况是秋深鱸膾美
扁舟長繫故園心

老去漁翁一棹孤驚看滿地似江湖此間未許樵青溷
祇自煙波署釣徒

嶺南蕭遜愚 沙門圓覺

世無赤伏眞光武誰識羊裘有子陵篁溪新漲碧於染
知是歸漁思下簷

一樣綠簑青篛笠漁童捧釣故山春波濤宦海辭機險
遑問當年汐社人

東莞陳官桃 恭甫

大地沈沈感劫灰有人招隱賦歸來篁溪煙水蒼茫裏
疑是嚴陵舊釣臺

尋梅記上江之島弄月時登黃鶴樓何似故鄉風景好
片帆煙雨渡珊瑚

湖南唐 金 蘊湘女士

萬竿煙雨映簑衣水漲虹橋罨釣磯呼取樵青先補網
西風一夜又鱸肥

篁溪歸釣圖題詞 詩類七 滄海叢書

記櫂沙棠笠澤湖臨風人憶步兵鱸先生賦就歸來句
寫得篁溪好畫圖

湖北梁希陶 娛園女士

一卷兵書作帝師平生心事白鷗知留侯功業何容易
春水還應理釣絲 集温飛卿徐天祐句

張邴宦情何太薄白衣宜至白衣還悠然便起嚴灘恨
手弄溪波坐釣船 集温飛卿吳梅村句

富順宋育仁 芸子

童時游釣憶篁溪滄海歸來手自題悟到江湖忘所住
更從鷗鳥共忘機

識得歸津不繫舟萬人如海一浮漚秋風時憶菡鱸美
圖上江花正卧游

華陽卓啟堂 玉齋

生平不識張滄海今日披圖一惘然可惜釣鼈好身手
煙波獨泛志和船

十年塵海鬢如絲歸棹篁溪趁此時正是鱸魚風味好
半江煙雨一竿垂

泗洲王儀鄭 伯恭

散髮扁舟擁笠簑閑中歲月賴消磨只愁到處狂流盛
孤負詩人張志和

篁溪歸釣圖題詞 詩類七 滄海叢書

聞說篁溪晚綠酣枕流漱石稱佳談淮陰嚴瀨風徽在
與爾真成快活三

君欲歸休我尙疑眼中煙景正迷離願君他日逢王獵
火急投竿莫更遲

江陰何震彝 望威

東坡買田喜陽羨不復重為故里思君獨懷歸有深意
篁溪如黛照須麈

吾鄉煙水最深秀魂夢時縈蝦菜香竹裏有亭不歸去
樵青蕉萃鬢絲涼

江甯孫谷紱 天問

踏遍京華十丈塵風波簸盪不成春何如宦海抽身去
長作蓑衣箬笠人

溪光割翠到螺髻人與扁舟共往還一入雨絲風片裏
不須更唱念家山

似此煙雲乞最難綠陰深處釀輕寒水邊自種琅玕玉
不羨珊瑚七尺竿

我亦江南舊釣徒滿船明月夢菰蒲閒情輸與王摩詰
能畫平生輞水圖

東莞葉衍華 柳宅

何意篁溪別有天半江煙雨隱漁船好攜箬笠蓑衣去

篁溪歸釣圖題詞

詩類 古

滄海叢書

長釣蘆花淺水邊

新會梁錦漢 屏甫

不繫扁舟去住身桃花流水武陵春江湖滿地風波急

欲向先生一問津

廣州李曾澤 守漁

釣鼇海上信同流君去何須竟繫舟我聽新圖猶未見

願教詩卷與長留

番禺黃翹芝 穎傳

秋風送客賦歸與戴笠披蓑畫不如垂釣一竿閒處著

篁溪依舊愛吾廬

為憶蓴鱸鄉思多一官不戀戀煙波千竿竹外樵青伴
甯獨君家老志和

甘肅張振麒 天石

夾岸修篁儼畫圖名家粉本費臨摹溪山如此風光好
合作煙波一釣徒

畫裏煙波路渺茫中流寒玉萬簣簣篁溪也似磻溪畔
可有當年舊玉璜

煙簑雨笠愜平生肯讓桐江獨擅名我亦柳湖垂釣者
臨淵空有羨魚情

湖山游釣記當年客邸追懷倍惘然他日得償歸隱願

篁溪歸釣圖題詞

詩類 古

滄海叢書

一竿垂傍竹橋邊

番禺沈南雅 太侔

盡日垂綸學守灘櫻簑笠笠大清寒海天看徧珊瑚樹

不及篁溪竹數竿

我亦煙波老釣徒秋風歸思問蒹鱸輸君萬里浮滄海

曾見豬龍出世無

山陰金綬熙 勺圃

白眼看人不肯青老漁蹤跡似浮萍便思一棹移家去

懶動天文犯客星

津梁倦後樂濠梁怕近珠江脂粉香此處輒紅飛不到

一溪風月坐幽篁

忘機久已狎閒鷗煙水茫茫何處求我亦臨流魚不羨
投竿罷釣脫羊裘

四海已無清淨水君歸何處可垂綸篁溪若果纓能濯
戴笠披簑願卜隣

錢塘吳士鑑 網齋

大好溪山有釣臺故應猿鶴待君來平生意氣凌溟渤
鼇擊鯨吐此異才

夏洲弭節采唐風看徧櫻花幾度紅不向蘆之湖畔住
夢痕歸繞粵華東

篁溪歸釣圖題詞 詩類 去 滄海叢書

袁張大節並沈沈文字幽馨史乘光自是南疆有師表
多君矻俗起纖厄 君新校刊東莞先 詰袁張二公遺集

劫後山川苦寂寥故人獨漉發長謠 謂君同縣 陳君子礪 西溪我
有垂緇地蓑笠終當泛一船

奉天宋大璋 實公

竹外桃花別有天風流絕似米家船一竿應得蛟龍子
莫釣灘頭縮頸編

又見瓜州邵故侯恥爭關內爛羊頭釣磯自有煙霞趣
不愛明珠愛已鈎

四川趙熙 堯生

上多美竹下多魚如此溪光世豈無只少漁翁溪上坐
魚陂竹塢不成圖

袖有鐵椎百二斤從來養士祇虛聞君今拘取一竿去
滄海君非倉海君

四海詩人奉釣師如君作計恐魚知不如賣卻篁溪券
止守篁溪歸釣詩

石遺詩好天下聞桃花萬片赤魚鱗敢薄烟波垂釣者
家有陶江勝富春

海內大師南海康天際真人梁滄江都無一字到漁者
篁溪歸釣圖題詞 詩類 七 滄海叢書

讓我漁哥唱土腔
篁溪五千里索詩有追逋之急立成雜句自供土腔
無責其乖律也乙卯重九翊日趙熙識

美國丁韞良 冠西

垂釣本是古人風中外英雄事迹同渭水河邊文訪相
聖門使徒亦漁翁

上英文篁溪歸釣圖題詞一則暨將原英文繙就中
國文七截詩一首均丁韞良君所題并以自書者丁

韞良字冠西係美國人本姓馬爾丁名韞良又名阿
來三德亦名怕爾森到中國後取其姓之末音因以

姓丁而以躉良爲名其號冠西者爲前總理衙門堂
官所贈也乙卯十一月朔日張德彝附識

江蘇徐樹錚 又錚

傍水誅茅學隱淪青山倒影照垂綸風花故逐羣魚散
芳餌休教誤錦鱗

得魚入市趁斜暉柳岸春寒抱甕歸不換青銅換美酒
未成沈醉已忘機

獨把綸竿赴寂寥一天風雨正瀟瀟何如退結千絲網
網得珊瑚莫浪拋

直將身世託孤舟望裏神山不可求漫逐烟波看新月
篁溪歸釣圖題詞 詩類 六 滄海叢書

水天一色使人愁

東莞黎嘉蘭 子俊

法曹數載職京華貪戀林泉寄意遐風景故鄉原不俗

一湖秋水白蘋花

一鞭遲滯緩騎驢鬱鬱都門不自舒擺脫飛紅塵萬斛

天機從此悟鳶魚

知君明月是前身七里灘頭樂隱淪畢竟山林勝朝市

一竿別自掌絲綸

題篁溪歸釣圖 詞

新會陳昭常 簡持

放櫂煙波去渺思量漳邊漁父江潭屈子曾釣巨鼈瀛
海外休論吳頭楚尾試冷眼人間何世七里灘頭風浪

惡遍江湖盡是傷心地且收拾作歸計 篁溪一曲清
如許料難忘石磯西畔舊游俊侶夙昔忘機鷗鷺狎略

識孤蓬滋味更莫問衆人醒醉風雨儻尋西塞約看桃
花片片隨流水簑笠重鰕魚美 調寄金縷曲

北平李松鶴 子齡

嶺南載籍詩壇健筆一曲狂歌平圃廉泉讓水武溪間
更想像曲江風度 大笠長竿凝然醞藉閒煞忘機鷗

篁溪歸釣圖題詞 詞類 一 滄海叢書

鷺幾人著意泛煙波恨不及羊裘久處 調寄鵲橋仙

北平李 霽 雨林

羨歸去肯拋却了浮名訂盟鷗鷺一竿仍屬君家煙波
十里篁溪舊處 滄江櫓載得詩囊畫稿答簪綸罟荻

花影裏徜徉者番領略斜風細雨 試問天涯游跡勞
勞塵夢那堪重數從此一覺邯鄲栗里秋暮江湖落拓

應早翔鵬舉况攜得桃根桃葉放情容與終老斜陽渡
圖成我有鴻冥慕又惜別南浦京國好尊鱸縈思何苦

風波若此勸君還住 調寄瑞龍吟

番禺陳榮瀚 景初

一幅煙川景認誰人散簑斜笠坡仙模樣此是篁溪幽
隱處十里水天蕩漾也休笑形骸放浪三兩白鷗相伴
住就西湖風月何曾讓名勝地足清賞 慚余身世同
萍梗幾年來淒風苦雨備嘗萬狀纔歎在陳旋阮宋空
對彼蒼惆悵彈不盡徵聲悲壯世上功名原幻夢羨君
家志趣何高曠懷雅興自神往 調寄金縷曲

遼西駱成昌 南禪

得魚沽酒醺然醉徜徉一竿煙雨浴日扶桑乘風高柳
深負十年羈旅思鄉最苦料清夢難忘蘆汀蔬圃故侶
誰存訪盟休背舊鷗鷺 丹青是誰省識逸懷應疊寫

篁溪歸釣圖題詞 詞類二 滄海叢書

深竹別墅老去光陰兒時趣味陳迹應留伊處杯酣起
舞問拔劍雄心肯酬平素夜半催歸幾聲啼杜宇 調寄齊天樂

嶺南蕭遜愚 圓覺

報道先生歸故里漁童捧釣秋風起吹皺西溪橋下水
湖上無鱸魚占得蕪絲味 舊夢官身游戲爾煙簑雨
笠應還是當日桐江人去未銅馬帝重來物色羊裘敝
調寄漁家傲

上錄各題詞以搜稿後先為編訂次序遲日擬將續搜
各圖書額與夫諸名家題詞彙刻成書貽贈同志伏
乞 海內名流賜題以結文字雅緣寥天旅雁長嘔一
聲則徧地嚶鳴定多答響賡歌伐木還冀同心惠我尺
書無任感佩天南地北共此心期敬獻數言權作書簡
乙卯八月編者附識

北京李 堃公博 霽雨林 初校

江甯孫谷叙天問再校

番禺沈宗畸太侔覆校

篁溪歸釣圖題詞 滄海叢書

篁溪歸釣圖題詞終

滄海叢書第六種

附內務部批

據廣智書局稟稱續送滄海叢書中篁溪歸釣圖題詞
篁溪存稿家族紀念錄三種請予備案等情并樣本各
二份到部核與著作權法第十三條相符應准註冊備
案此批

中華民國五年三月二十九日

篁溪歸釣圖題詞

十

滄海叢書

復盦覓句圖題詠

THE UNIVERSITY OF CHICAGO

復盒見句圖題詠

杭州徐新六振飛蓮輯

錢塘汪洛年

杭州徐印香先生同光間盛於西湖風晨露夕時時見句人以爲陳正字也因繪復盒見句圖海內文流題詩已滿哲嗣仲可珍重先澤時以自隨乃爲盜胙去惜也今屬子補之老輩風流承平景物寫此悵然

錢塘汪洛年

有清光緒初葉同邑年丈徐印香中翰曾以董濬西湖數至湖上偶暇則閉門見句所居曰復盒人以爲陳正字復生也因屬人續復盒見句圖海內名流題詠殆滿哲嗣仲可中翰珍重手澤時以自隨戊戌冬仲可自天津還杭道出甬上爲盜所攫仲可晤予嘗泣請補圖余曾爲續之朱古微侍郎諸君皆有題辭戊午夏仲可微題於侯官沈敬裕公瑜慶時敬裕已臥疾矣秋九月敬裕卒未幾敬裕之夫人又卒遂於喪務交雜中失之再四訪求卒不可得今復爲之補續其曰第四圖者則以與余同時有楊東山老廉補續之一橫丁已秋微題於常熟龐棟材君亦不幸失之故以洛此才所續列第四云爾乙未冬十月

石門吳 徵待秋

清光緒初葉錢塘徐印香中翰文有復盒見句圖時丈方里居以董濬西湖數至湖上所居爲復盒風雨無事輒閉門賦詩因有是圖之作哲嗣仲可中翰奔走南朔恆奉之以徵求名流題詠戊戌秋仲可自袁項城小站戎幕假歸道東遭盜圖失於是錢塘汪子麟客上海楊子東山各爲補續一圖不意微題於侯官沈敬裕公常熟龐棟材君而亦先後失之乙卯歸客復爲續第四圖越翼年丁巳予爲續此則第五圖矣自今以後仲可其亦能保守弗墜以貽子孫否耶丁巳春

錢塘吳慶抵于修

昔益陽胡文忠治鄂師唐劉晏用士人之法其後湘鄉湘陰兩相國皆然湘陰相國既平浙亂勞來安集百廢具舉詩里中士紳於吏視民病罔弗殫究布政蒞景欽左右之於是丁徵君松生先生世文印香徐先生同出任事前後所覽若慈撫局若善後局予遺葉

社載蘇戴息若普濟等二堂若湖工若兼漢尤規畫久遠利賴於無窮其尤偉者請罷北新關條上積弊數千言文裏疏上得俞旨二百

年弊政一朝而革之其有功於桑梓大矣哉先生瀟灑利曉得校官以故慶坻昔居里巷嘗待言笑與花農前輩仲可同年以文字相切嗣先生之卒慶坻方在京師時東事亟浙東西籌防明年和局成先生已不及見侵尋二十年新政繁興老成彫喪往昔善政寢以頽廢然後益思文裏果敏九京不可作而先生與丁先生經營締造之苦心乃萬劫而如見其人也辛壬以還與仲可相見海上往往於酒坐話中與故事相與感喟歌泣而不能已先生三行君子以餘事好爲詩歌有自立齋詩文各一卷結廬湖濱繪復盒見句圖仲可遊甬東遭賊匪圖遂亡屬楊君逸補圖徵題慶坻乃俯仰陳述泚筆記之俾後之徵吾鄉文獻者有所觀感焉丙辰長夏

錢塘張爾田

吾杭前輩徐印香先生博藝通敏尤長幹才鄉里善事知無不爲雅歌投壺吟詠不廢嘗卜築西冷之麓暇若裁詩繪圖以自娛既而失去哲嗣仲可文補爲之問出以示老柳蕭疏秋山平遠先生撰杖其間想見吟髭枯斷時也僕荐丁凶棘於文字意緒闊落久不復措意筆硯惟君家與僕兩世通家不可無言謹書數語歸之丈其不以荒索詞我乎丙辰長夏

諸翁蔣智由觀雲

徐氏吾浙之世家代有聞人予友純飛館主徐君仲可而仲可先生之先德復盒先生以高文清節著稱於時今展斯圖猶想見前輩光風在六橋兩峯間也題以歸之丙辰長夏六月

錢塘楊士琦

十年前浙江派遺留學歐美諸生有徐新六者年甚少才甚美治學甚勤硯頭玉茗穎殊衆士琦爲南洋公學監督即識之審其邦族則錢唐人仲可中翰之子花農侍郎之從子也已心識之國變後二年復相見京師則已自歐洲學成而歸試於有司衷然爲首選益喜向所識爲不謬時新六年甫逾冠未有室也以弟之子妻之於是兩家爲姻姪矣今年冬以事來上海仲可親家出示其尊人印香烟文先生行狀及復盒見句圖先生當髮難後家居爲左文裏將果敏所倚任治地方公益事與革利弊功在桑梓而名位不顯於儒官結

茅湖濱以詩人老仲可亦淡於榮利不樂仕進吾聞之積厚者澤深遠著久者發耀光方今國家登用髦士新六所學於時為宜則先生之所以望美善後歷世滋大者在茲乎士琦垂垂老矣嘗築室西湖之濱將徜徉以終餘年與先生之盛相望也乃不獲以嫻家子從先生撰杖履春秋佳日登山臨水把酒賦詩以為樂徒想望先生之風流文采於孤山梅雪間此則士琦所為低徊太息而不能自己者也蓋既以得新六為喜復以不克從先生游為恨為道兩家締交之始並其所感慨者如此以復於仲可且示兩家子姓有所考焉丙辰孟冬

新建夏敬觀劍丞

東坡初赴杭往見歐陽子謂當往從勤到官果先詣湖山豈無人惠勤一僧耳我疑二賢失言或出以詭當時見詩境遂在孤山址築堤繼樂天不朽賴有此左傳却不然全浙定鞭撻功成謀善後舉廢由用士徐翁終儒官奔走數瘡痍何嘗以詩鳴自效陳無己一階且不進窮乃正字此用知士果賢非可利祿使

杭縣孫寶瑄仲興

跌宕風塵外棲遲雲水間遠村煙靄近郭柳疏閒石徑搜奇句湖波照醉顏六橋鏡遠與行想墨痕斑

商城景 崧毓華

西湖山水毓奇傑人文淵藪東南開惟公學行更純篤孝友天性揚清芬童年已負國士譽撐胸典藉羅邱墳作賦擲地鏗金石一擷芹香二冠軍烽火連天震擊鼓黃巾肆毒漫妖氛六橋烟柳慘無色避居歇浦辭榆枌養志蘭陔薄口體備春梁庶勞筋軍門長揖不受祿淑節意氣凌青雲十載紅羊銷浩劫歸來里社謀耕耘大府傾襟側前席民生國計詒詎勤利弊數陳中窳要措模矜式派霧紛豈無昌黎荐士表銓曹拘格新策勳才不世用堪太息首着二官老廣文明聖湖頭好風月結廬瞻傲起人羣新篇脫手世欽服遲思月斧兼雲斤咳唾行間落珠玉筆硯直使若苗焚處士孤山德不孤梅花萬樹濃氣鳳凰毛麟角世濟美淵源家學追河汾銘碑無慚郭有道買絲爭繡平原君披圖古道照顏色高山仰止心香熏

杭縣孫榮枝仲華

印香先生吾鄉宿儒晚年卜居西湖以道自娛有復盦見句圖已

伏哲嗣仲可大吟長為補續此圖余猶憶昔年曾及見先生古貌清癯塵襟灑脫忽忽四十年來先輩典刑迥不可親今覽此圖深幸春風杖履如在人間爰綴數語於紙尾以誌景仰兼寄慨焉詩曰

慈谿馮 一乃君本

尺幅垂楊處蕭疏舊隱居蘇蘇雙屐著長吉一囊俱城北詩遺蹟湖西話結廬滄桑今昔變化鶴郭為墟

杭縣李修梅尊仙

微吟到塵外曠感澗林莽寥寥三十年山水生清響孤兒留缺憾彌之倪黃手槍絕啼鳥聲斜陽在烟柳

希文一秀才天下塵懷抱亭林策郡國利病資探討矧為桑梓邦規畫肯草草上書除苛政殷憂心如搆雅席出水火斯民獲再造藉手以酬知行義達其道蔚為里乘光寧非國之寶當代政求賢胡不策名早卓哉如斯人乃以廣文老

德清夏際唐子渭

吾鄉山水秀鍾毓多名賢奇氣自警逸不侈動燭然徇伴巖壑間聊以遂吾天垂裕所積无悶德乃全萬梅一草處歸隱西湖偏苦吟師島佛結鄰招遺仙鬱勃胸中氣盡為雲與烟披圖恣想像人與湖同妍

龍飛鳳舞山水窟中有長者勤積德讀書養氣植品高繪圖寓意頗自得湖公少時善屬文一踏名場三冠軍文章奇特有精采誦餘齒頰留清芬無何此運丁陽九樓槍互天昏牛斗隨侍父母避寇氛倉皇朝出向東走先之明越後滬濱瀛客一住秋復春且藉備書博甘旨二老歡忘異地人天戈所指賊無影擔負行囊返鄉井中與爵帥號知人善後事宜俾公整招士撫存衣食之實心任事勞不辭閭閻漸覺瘡痍復孰者鼓腹歌者嬉北新關吏猛於虎往來需索困商賈公陳積弊數千言特約丁君上帥府爵帥朝奏夕報可懸不留行民歌舞曲江濤來天地青綠幢巨魁若浮萍行人爭渡亂流急公為規畫事有經爵帥知公不世才奏請權用保持開誰知中朝格部議雲霄且引罡風回仍兼普濟三局事并督湖工籌水利居鄉見善無不為力有餘裕尋經義論年大比登賢書扶搖直上上天飛馳驅僅博廣文職華華為善心不違不厭盤中首荷生却喜門前桃李成吳興

教規式安定姚江秉鐸師陽明冷官惟公有操守瞻族周親事從厚
功在桑梓勳未酬天與善人昌厥後文子文孫英俊多卓然留學修
專科甄拔第一得銓敘積善有報今如何公家厚德近莫比豈但高
節陳無已湖樓覓句舊有圖跋篋失去張曷已此圖重繪不徒然留
俾後人觀感知興起

楊勞汝愚

蚤歲聲華頴桂新鳳凰池下急抽身一生瀟泊甘司教卅載精神瘁
濟人至行真堪翼倫紀清吟隨處見天真披圖不盡河山感誰遣名
賢老隱淪

廬江陳 詩于言

咸同盜據越滔天亂人紀左侯奮鉞鉞直下桐江水蒞疆辟賢豪徐
翁實任理陳書招流亡蠹政祛關市好春燦六橋寧芳亦自喜迄今
留圖像索句孤山址孝廉抱遺文遊世繼厥美猶傳首藉盤素風固
如此老戀汝社盟傳精崇正始

一讀留題一惘然風流者舊中興年遺書奕葉極堪鑿定勝還期道
變天人有極言天不復道功不復法乘道一解天庚申八月既望
五下 集 之 七

復食其句題題詩

林泉有逸情靜者得其妙出門尋幽境登高舒長嘯烟霞入詩心金
玉鑿石窳微吟天地寂湖山餘夕照我讀覓句圖思古深憑弔西冷
今猶昔策蹇誰吟眺庚申九月

武林者舊咸同際遙託蘇門接后山當日詩宗接杭厲而今畫稿入
荆關精神所寄自流衍風雅能傳非等閒正始元音久寥落吾儕況
已鬢毛斑庚申十月朔

吳縣湯寶榮 伯選

楊柳蕭疏乳燕飛閒雲終日閒柴扉靈臺太史占天象處士星明指
少微

馬 惲 惲 統 齡 季 申

彈心斃角偶通靈燈燼銀荷半醉醒一縷詩魂招不得鐘聲百八杵
南屏

書空深悔讀南華法篋篇成咄咄嗟絕妙汪倫補天手挑花潭近紫
薇花

明湖弱柳尚垂絲澤畔行吟問阿誰欲聽開天太平曲殺家橋上立
多時

志賢莊 義呂虛

頻年夢想西湖路欠向尋詩踏雪看
清響餘然錄事作閒官呻吟聲與溪山合俯仰心憐歲月殘為念微
題述先德摩挲觸手吉光寒

金山高 圭介子

行藏莫問舊朝班枉看雲獨往還深閉衙門避風雨高吟大句動
湖山秋窗絮夢情無盡空館呼燈意自閒誰識詩人終隱志殺家橋
畔夕陽殷

天驚關外月如霜一老衰然負素襟獨抱遺書走南朔會經小劫感
滄桑湖山婉約仍無恙國卷飄零已補亡鄭重清芬留世澤百年歲
月護琳琅

歸安朱祖謀 古微

坐忘遺照薦士曾聞飛鷲表一夢江湖豁得平生俊氣無 何妨吟
癡醉倚闌干明月好二十三年驚起湖風入座寒

六 天 詩 詞 集 卷 之 七

燭影搖紅
木落窺天雲低壓水秋涼早六橋佳句往來尋恐被山靈笑閒裏光
陰易曉暗銷魂花花草草葦葦聲裏淺醉微吟推敲成稿 一夢無
痕跳鮫鏡雁都過平了重來舊館覓樓枝志卻愁多少首藉齋中品
藻細追摹寒郊瘦島詩心縹緲祗有銀蟾夜深還照

南 隄 徐 乃 昌 贊 崇

臨江仙
輕亂湖山無恙在閒身料理孤筇浮家多事買吳篷白頭吟倦否無
地著窮通 甚日漁樵生計足
州猶有遺風畫圖開處劫灰紅兩番桑海派銷向墨痕中

常 熟 龐 樹 柏 榮 子

金牛殘水浮殘碧香雪孤村夜月無痕知有詩人深閉門 畫圖重
過烟雲眼淵玉同温鶴語秋閒坐看髯龍長子孫

津 安 邵 瑞 彭 次 公

寒鎖珠簾篆錦石鼎老風清聲微度六朝風韻玉臺詞孕秋心半湖
烟雨霜紅雁苦寫淚影啼痕無數平蒼茫更廢池喬木江南曾賦生

江 寧 陳 世 宜 雋 鶴

西子妝慢

西子妝慢

流波誤一信吳娘夢化金杯羽鏡屋重洗劫
夜悲風撼樹先于見昔十有六載未一收拾思之法

摸魚子

無錫王蘊章

守鐵芸花蟲森粉粉給舊絹重理湖波一鏡添眉黛誰種柔桑紅膩
圖書裏認倦墨殘酸也下捲珠淚先生去矣歸采壁名題誰亭嶺遠
清響滿烟水 哀吟慣我亦頭銜正字春寒只自門閉時支小築尋
禪處法證純飛真契詩人間世合濁酒銀爭早辦浮家計詩瓢築
未問歸及尊鱸夢諧梅鶴此願幾時遂

清平樂

無錫王蘊章

靈光無恙老作西湖長詩思當年體背上留與烟雲供養 孤山梅
鶴家風摹來粉本偏工好遺丹鉛重補孫枝百尺梧桐新大

八聲甘州

高程周慶雲

指萋萋碧草映閒階斜陽冷簾旌正茶烟輕展松風潛襲秋思伶俜
檢點鸞箋象管麗漢苦難堪無可入人意都付鬪荆 今日銷沈宮
羽甚古愁蒼莽悽問書檮料詞仙識我歌辨豈無靈海天遙滄桑餘
淚被西風吹冷結埼亭重描寫記當年事愁倚潮生

鷓鴣天

番禺潘飛聲

湖上新涼枕簟知閉門人住鏡中滴開窗一陣荷花雨卻與先生滴
研池 復堂集復齋詩仲可舍人為譚復淵源家學父兼師即今飲
穎哀吟語無復貞元全盛時庚申六月

鷓鴣天

臨桂况周頤

湖水湖烟付阿誰老泉詩筆小山詞當年撰杖題襟處隔箇雲涯聖
得知 梅偃蹇錦襟襟記陪黃綺采華芝直須更築天蘇閣天蘇閣
圍挹拍雙高一展眉

木蘭花慢

臨海陳瑞珩

縮青青細柳春不住動離襟悵鷺遊機絲鳥收倦羽都怕登臨張琴
磴流迹水對柴門暗月送懷音欲覓魚龍喚醒紫瀾濕海波深 追
尋元白草堂渾一樣信沈沈沈沈愛玉臺珠樹翠光苑匣香
到而今雲林再描畫景更江潭搖落清吟夢惹詩魂萬縷羅襟綠
蕩秋心

清平樂

湘潭袁思亮

湘潭袁思亮伯斐

吳山翠翠同首行吟地愁絕西冷橋下水中有差魚清溪 西風黃
葉柴門夕陽疏雨孤村打疊傷秋畫請夜深江得詩

齊天樂

金山高 變吹書

墨痕誰識當年稿會經劫灰二度鴻聲呼鷓鴣節策蹇慎向斜陽來
去無言自語引徵妙天機欲吞還吐如此湖山有人情立斷橋語
攤箋孤雁閉戶詩成高唱罷水袂飄舉酒綠澆愁燈紅煮夢好住烟
波深處奚囊滿貯便清響時聞一瓢風雨老屋低檐箇中吟獨苦
附內閣中書餘姚縣教諭徐公行狀

公姓徐氏諱恩緩字印香一字杏香復益其號也清浙江錢塘人同
治癸酉舉人官內閣中書餘姚縣教諭授徵仕郎封中議大夫祖
大章中書科中書父孝西候選布政司理問有子四長裕綬亦中書
其二四也與在室女弟皆早世公少執高節閨教訓學道咸聞邑中
試郡縣者歲恆千人凡三冠其軍以咸豐甲寅補縣學生文奇特有
精采尤練事有經世才粵寇陷杭奉父母避地明越旋才身走上海
傭書博甘旨時提督陳某方用兵上海時致軍幕以親老不果住已
而送遭內外艱為胡光墉司記室展轉至漢陽同治癸亥浙亂平始
歸甲子左文襄宗棠以總督蒞浙設賑撫局俾公完局事公任事仇
爽諳習變故所以招流亡劑衣食者至周且詳明年布政使蔣果敏
益禮以丁丙任善後局事令公副之上下城立分局數所乃與丁君
協謀任賢選能和衷共濟舊制杭州北新關以三十之一權稅奸吏
輒執法罔利至是復開征頭會筆斂視昔加甚商人請於公乃商之
丁君籌利國便民之策條陳關弊於文襄切中利害文襄建之且謂
除弊務盡不如罷之便遂疏請罷稅以釐捐撥抵詔下報可當時民
得休養生息官吏得與民更始始非公力不致此丙寅文襄會同巡
撫馬端臨新貽以知縣委保格於部議

吳錫湯寶榮伯斐

復齋見句圖題詞

八

如蘇文襄坐履謙望文襄惜之知公厚負卿望乃以普濟育嬰同善
三堂事悉責公復主湖工義渡等局事綜覈有經斯夕勤劬而油然
樂與善適不以家貧戚戚也以是睡故持紀事無所乏若舟楫若
作霖雨恢恢乎天下才也顧斯之以馳騁百里而老於儒官恆以不
克趾美公家之文敬文穆二公自歎滋可歎也歷權常山平陽安吉
諸校官光緒初敘海運勞得教諭本班任餘姚教諭學官俸故薄他

人恆以訟事關說邑宰資爲生公義而不屑爲也生平持名節
篤內行逮事祖母色養備至待父母未嘗一日不得其歡公兄慕遊
四方晚歲歸老悃不自得嘗折疏緝以奉之族某家駭盛其子斯
馳蕩產則周給之戚屬中且多賴以舉火者友愛敦篤天性然也甲
午秋八月奉檄赴甬遭疾歸疾亟于婦顧天禱到臂以進九月初八
日卒室中殘書數卷敝衣數襲而已生於道光丁卯年二月癸亥六
十有四著有自立齋詩文各一卷聘陳元配方封太淑人子子瑾縣
學生出後公兄女子子二積泗娥從方氏殉粵寇難繼配陸封太淑
人人生子珂郡學生先緒已丑恩科舉人內閣候補中書四品銜候選
同知女二淮蕩琳適於潛五品銜候選訓導趙逢年珂前娶同里朱
承芳早卒繼娶丹陽何墨君卽前到臂顧禱者也孫興鴻興興謹出
新六英國理科學士商科學士民國二年留學生甄拔試考取商科
超等第一敘官上士財政部僉事珂出孫女梅敦止瑾出姚蕩新華
上海共和女學校國文英文圖書專修科學生著有彤芬室文及筆
記亦早世均刊出公雖名位不顯而義行學學屬與次君珂以道義
文字相過從述其梗概見示將備史氏采錄爲傳不虛美不繁稱信
乎能信其親於後之人焉中華民國四年十二月

復重刊句圖題誌

九

文

乎能信其親於後之人焉中華民國四年十二月

免句圖之第二第三兩冊雖先後失去而名人題詠間有見之於
此帙者則以當時錄有副本也原圖之題詠以初未移寫致付缺
如家君語及輒引以爲茲此之所錄斷手於癸亥中華民國十二年夏首
續有所徵他日當補刊之回憶光緒壬辰新六方三齡先大父印
香府君教之識字先大母陸太淑人王珍垂助之明年授詩經授
龍文鞭影二書皆大父手寫偶一展觀手澤如新而大父捐館光緒
甲午九月初八日忽忽卅載大母下世亦十四稔矣清宣統庚
戌時卒年六十二歲
九日辰時卒
年七十三歲新六今且二十有四逾壯而無所成祖研留貽不克
繩武有負重闡之期望且當游學英法時大母居滬日盼早歸以
待畢業而留滬甲寅宣統三年始返大母已不及見女弟新華且於
甲寅初夏甲寅三月化去吾祖母吾妹
於吾海外之行皆送之而皆不及待也傷已校印旣竣爰請於家
君附言如左癸亥重午徐新六振飛謹識於上海寶山路寶興西
里寶興寓廬



雲南棧取書二編

南園守株圖題詞錄

共一卷

雲南國書
館藏板

南園守株畧

石禪摹



錢南園先生守株圖題詞錄

弁言六則

南園先生守株圖寫像者無錫華冠吉厓圖畫社石
先生自補也有自題五古四七古一皆未署年月七古
後有款云錢南園以華氏所為作照索余補圖命意曰
守株既畢竊抒鄙懷題左既而悔之已無及已下署杜
若二字鈐小印白文曰知我

自題五古皆述盡已無求之旨中有食味三十年之句
以先生行年推之是為乾隆己丑年正三十試禮部未
第圖當作於是時也

錢南園先生守株圖題詞錄

自題七古未署云云殆在乾隆癸丑服闋北上時以方
為湘撫補霖所傾詩意激昂有所感邈不欲署名而假
名杜若然印文曰知我已署示其意戴侍御綱孫劉中
丞屨所論如此為得之矣

圖後題詞皆一代勝流自楊永芳至王楚堂凡十六人
以題之先後為次有自署年月者餘亦準是約畧次之
圖經鈎摹刻石者凡二一在杭州西湖成于先生門人
杭嘉湖道羅平寶松溪觀察欲峻一在長沙成于先生
裔孫錢香士方伯之子大令墉皆並自題五古四首摹
刻之今猶時見拓本

羅平賣膳齋大令展與先生同年至交其子松溪尤篤
 風義道光甲午先生叔子嘉棗游江浙即依松溪及范
 廉泉大令得陶文毅諸公贊助北試此圖亦得諸公題
 詠其後携以返滇又得阮文達諸公題詠錢埔又刻之
 長沙後不知何年歸諸寶氏聞光緒末寶氏後人出售
 未諧且生輟轉有割題別摹之事圖今不知所在矣夫
 景仰摹仿學生何礙出以諱飾則心勞日拙矣每慨請
 觚諱亂恐此圖流傳端緒將久而無徵亦談滇故者之
 恥近 日幸得光緒壬寅友人遂寫之本爰畧為釐次取
 錄付梓收入叢書以存其真云時壬戌九月劍川後學

趙潘識

二

南園守株畱 摹原本

昆明胡應祥 詞



南園守株畱

三

吾生非無怪隨地宜有處類此七尺軀萬缺未寸補而
 復多越思如厓學梟虎黃鳥定爾爾識止所
 食味三十年齋茶歷已舊洪流赴巖壑陽溢復何顧
 錫日以親榻麻日以遺書青中推傷復誰怨
 生平最矚子娟娟冰雪姿持藜貯芳露朝來餉我饑笑
 指赴壑泉中有石離離無與固其根千秋終見移
 故株可以守胡逾半步地豈曰無少欲終然絕機事大
 格及朝菌造物同一制順生以為常儻來適所寄
 錢漚自題

曼腰倚市門笑殺斯饑女群華被朝露幽蘭色似土人

問醜類不相一各求所然在工術坐守窮山自失時裁
和轉車逾駟疾誰末年少獵平原彎弧躍馬如風翻俯
身乍觀下西阪倏忽得隻越東屯竝驅揖我誇儂好多
力仍兼善用巧縱然蹶失多損傷既得歡娛亦易飽山
中憔悴奈若何蕭蕭木葉已辭柯短髮如蓬映白石日
暮天寒風爲多

錢南園以華氏所爲係素子補圖命意曰守株既畢
竊抒鄙懷是左既而悔之已無及已 杜若

我勉

錢南園先生守
株圖題詩錄

四

題詞

楊永芳 字夢舫昆明人
官麻城知縣

後貌猛氣辟生兇全力乃爲搏兎使鷹隼亦是出羣
有勝脫兎遭饑死塞上老翁笑獵人手弓腰箭奔絕塵
南山嵯峨在雲霧迷途自悔將誰贖落木疎疎石磽嶇
不置不羅亦無喜子慕一身如槁梧世間得失皆倣屣
鼯鼠翻因五技窮淘河莫訝信天翁願息愚叟移山計
橋樑相約候便風

唐文灼 字見三一字樊相山人
晉寧人官孟津知縣

處世無賢愚所貴各有守所守亦云無爲問復何有懼
貽妻妾羞是用甘雞口頗訝南郭生嗒焉喪其偶
有株斯有守無守復何株株守兩不存焉用徒區區俯
首白石泉惜我眉與須懷哉古之人奉身若璠璵

五

臨淵聞羨魚守株復何待兔心苟未忘所喪已滋大至
人塞其內君子澹其外縱使春風吹吾株固常在

胡紹鼎 自署乾隆癸巳秋仕履未
詳是年先生已官檢討

不集於枯不老於泥塗嗟爾磊磊山麓古木落而扶疎
秋風黃葉將狩將獵乃獨安居識平生之眉睫吾聞欽
翼者思飛若縮巧匠之手必有所待以觀其後苟無待
而居之夫誰能知其所守

姚鼐自署癸巳冬公字通傳
桐城人先生會試房師

寒庭雙樹澹無榮樹底觀心迥自明秋霄春滋有繁葉

霜根何處見虧盈

科頭偶坐原無作無相何妨入繪圖默守不須云有待

吾生觀化極株拘

孔廣森字揭約曲阜人先生會試同年

萬里論交子一人性情風雅見天真浮雲富貴尋常視

檁木形骸古昔親齊堦何妨工滑稽庚郎自喜鎮清貧

蟪蛄退食無多事酒債詩緣絆此身

披卷陳書樂事賒卜隣有意絕紛華自來白屋重重徑

待草元經九九家局戶未殊何揆宅問閭應少衛州車

枯株兀坐園中趣展對渾忘世俗譁

林樹蕃字香海晉安人先生會試同年

錢子南園官于京師罔象與游無為與居面若欺魄形

如槁梧外視既空寄神茲園沈寥塊坐命曰守株予見

而詢之曰足下其有意乎錢子莞而不答予曰吾知之

矣嘗見乎朱門日開軒車廬來肩倚足側立勿柴寒隸

笑臺閣俾通一言主稱有故翌日夙赴凡茲貴人或嘉

其勤耐則守寂高跟駢息纒蓋所集莫還子跡交遊翩

羽羣躡旅駢越雞吳紵應聲相許妖童浩倡鞠登升堂

六

勝我者附賤我者去插羽扇游揚其間爾則守獨門

無停礙趣寒備熱不憚人衆涉世尚圓僕躬折旋棹機

軌斷外和中舒曠言妓詞厥口含脂以深為用探索巧

中是稱良術見者喜溢爾則守真靡工笑曠衝舌而出

視者無入人之學文月露風雲了了屑屑雜英采擷詞

不必奢毋棘于牙葉不必遽毋舐於諱何守爾爾奇脫

葉與枝而不周於時人之學書整潤豐腴手持不聿衆

賢如一形摹影掠廢名臺閣既習而工乃冠其朋何守

爾異然若與古會以為儻俗怪子之所守人之所捐子

之所守人之所奔爾子之圖鈕已杜綵有捷于中孰敢

孰祈言未即畢錢子飄然興曰子誠知我哉夫騁辨詞

章肩舌羅張機發必當弋利侯王吾不能為宋曹商挾

賢摩擬設媒於市紛綸朱紫引入殼裏吾不能為秦烏

氏出入靡恒間嚙是乘詭智潛興爪牙盧鷹吾不能為

漢鄭朋銜文騰霍要路馳躡紅飛敵灼鴉名趁爵吾不

能為晉潘岳頽然其頽似拙而安彼慧捷勉不得閒

求非我則得非我方吞詢忍讓寸贏遺尺凡吾所守汲

繻嵇疎安道之琴元晏之書伯倫之關子雲之廬若是

數者為吾之株眾曠交尤獨子知吾雖然願為我書之

子曰唯唯乃陞曰山木之枿枿寒而不華山石之磊磊

七

固而不徙木有時而春石有時而雲勿謂爾枯其甯以

李潢鍾祥人仕履未詳

南園示我守株圖吁嗟南園何太愚世人問道相馳驅
往往斃走千韓盧子獨守此枯朽株免於何有胡爲乎
當時伏處南天隅昂藏八尺雄千夫酒酣耳熱歌鳥烏
壯氣直抉昆明湖祇今出入承明廬索米貨裘清且癯
如狗之馬雞栖車人皆嫻笑子不渝有時兀坐如禪枯
茶鑪酒具晨昏俱交游寂寥誰與徒意所不可輒狂呼
稜稜劍戟橫眉鬚四座辟易皆囁嚅吾聞至道在集虛

林國題詞

八

死得死喪死咎譽元龍湖海氣不除開左闔然心四衢
請奔所守株亦無遊心入表

蔣良駉字干之廣西人

世競韓盧足先生獨抱奇志蹄惟自得逐鹿聽人爲坐
待春風發閒觀秋草萎無私稱大造莫笑刻舟癡

蔣攸欽江陰人仕履未詳

桂以食而伐漆以用而割甯辭我與割終然懼屑越是
惟慎所守此道微難說專日視入極寸衷徒覲豁落落
錢南園於道豈有遠少壯梯青無更在蓬蒿我昔滇
海游見子正鬱屈杯酒論古今屢忘燭見跋秋夜屢陵

道北風刺馬骨困躓尋常事慷慨再三述殘月白草荒
瀾浪荆江潤到今能不易造物與氣血握中干鈞弩不
爲鷗鷺發震震起春蟄輕鳴無乃衰况以警想貴降作
虎鷹列夫誰信其然長松待冰雪揚來作此園此園匪
浪設以我自觀我正用古人術形骸隨土木精氣動毛
髮平生具大守吾將昧晚飾

陶澍自署道光甲午夏公字雲汀善化人時官兩江總督是年公叔子嘉慶遊江浙刻圖於石

立身誰甘樹木駒飛廉捷足誇走趨猶問一揖道環好
豈知東郭疲韓盧赤日炙手盡欲捕矧乃揚燎憑龜爪
嗟彼鸞灼爭須臾失足一蹶誰能扶南園先生真丈夫

林國題詞

九

大勇氣奪千於菟張綱出四輪埋輿伯厚疾惡清風如
神鷹一擊血模糊空中立攫千年狐鬼母揭鉢聲哮呀
射工欲射索影無可憐貝錦猶張鋪僅得假道爲駭除
先生舍命志不渝懸布再登勇鼓餘霜飛白簡先中樞
侍中不傳名實詔春秋漏言識射姑九重動色都且俞
諫臣乃直三省廬側目無奈痛入膚因以衙檄勞使清
先生不作北門呼臨之竟客千金軀堯仁如天萬彙蘇
其驩留待重華誅身後言用亦足舒九原應起歌慶虞
國家旌鏗懸康衢鷲鳥累百一鷄殊中無所持能然歟
遺像條然如鶴羶自爲之名曰守株始知柯葉區榮枯

松柏氣豈儕蘆葦漢陰機事謝輶輪智叟坐笑愚公愚
四十年中數風節天南問氣鍾昆湖先子會荷青垂臚
先公黃江府君力學敦行先
生督學湖南時極所激賞 韓門泥籍德不孤得公之
心見公國四體我欲投南膜

林則徐自署甲午夏次自題額公字少牧候官人時官江蘇巡撫

直節生遐陬微時抱義處致身爲君國自許衰職補朝
陽翺桐鳳履踴揚冰虎守身盼此圖良止止其所

昔我游五華星郵里逾萬式間景名德仰中適吾風勝

觀遺墨新想像風規遠筆正知臣心公忠泯恩怨嘉慶

余幼試漢南及門錢信
虎以先生遺墨屬跋

梅蘭芳

十

及茲拜圖像清澗天人姿精根發枯幹兀坐忘朝饑密

葉有解脫貞柯無支離志士重植節對此情爲移

我非守雌黑聞義向心地順生以爲常先斯語吾請

事去來兩無戀靜躁各有制莫認達生言天地蘊蘆奇

范仕義自署道光甲午冬公字廉保山人時官如皋知縣

扶輿靈氣眞海偉人廓乎有容浩然常伸挺寒柯而不

改守介石以能貞既抗心而希古爰圭璧以束身植操

抱德正笏垂紳是誠紹大儒之軌範不愧爲忠諫之良

臣古所謂存樹風猷沒著微烈者其惟先生之倫與

陳用光自署道光乙未公字碩士江新城人時官浙江學政

爲學與服官初非有二事仕豈有優時卽事業可肆爾

身以去滋履局以云蕪執守坐觀化臨辰卒聞志卓卓

南園子少小抱奇氣登朝著風節遂邀九重器賤子附

韓門幸託昔岑契年齒不相及未謂瀛洲刺視學誦傳

語書紳發遐思先生視學以嚴爲主余從韓芸叻中丞處聞其語屢爲書一幅以以來浙今

得拜遺像恨不多坐次英英眉宇間寂寞乃盟意夫子

少壯時所見固殊異吾老炳燭光十駕敢忘勵

阮元字雲臺儀徵人道光五年官雲貴總督

陞山昆海篤生斯人寒林介石早守其身聲高鳴鳳節

勁埋輪青箱世守不朽精神

伊里布字萃農滿洲人道光六年官雲南巡撫

斯人不可見於圖見遺像見像見其心凝靜飲其養守

株已忘株誰識出塵想未能測其端奚規亦奚獎秋風

山木空瀾氣塞天壞死者如可作吾將侍几杖

王楚堂字雲榭仁和人道光六年官雲南布政使

擾擾羣倫內輪蹄各逞強丹心惟自矢白眼看人忙用

拙存吾道句杜澄觀付彼蒼任他鏡樸椳兀坐也相忘

枯朽皆生意春襟樂有餘自然心止水遠計木求魚朝

抱徵元賞全眞返太初靜參榮悴理天地一蘆蘆


早耳南臺望當年競避馳百回真不易一意秉孤忠聲

十一

價鶴劫重文章虎觀雄斑心徵故事猶是仰清風
翠袖天寒意披圖想見之高山空仰止遺聖起遐思事

業青雲顯心期白雪知清芬論世澤珍重一經遺

觀阮文達贊中青箱世守語及王雲樞方伯詩未清
芬世澤珍重題經之語此圖其時尚為先生之高所
藏而出以乞題至錢大令刻圖於長沙已在光緒辛
巳可知猶保守不失其真寶氏殆在大令歿後矣蕭
識



霞城唱和集

第
一
章

概
論

第
一
節

概
論

概
論

霞城唱和集敘

夫祖制章製能繩紹則業闕備叶磬笙在家庭則音豔
宣飛念僊序而不枝賫葩重瑑澤而有紀牀原臧會聞
者偁焉况復公府晝靜養堂日暄褰帷滂其政聲娛目
鏘其逸奏綜厥道愉彌蔚風疋淮生同轉六藝劬闡九
能荀兼元亭著書文翁化俗熊解虎門之交黃茆白蕉
之蔽赤水珠樹森煙嶼而溥迴鷺潭玉虹歛雲欄而石
搏荒微恢奇炎嶠藻績咫聞搜輯記岫岳陽雅游嘯詠

霞城唱和集

敘

一

詩規漫叟刻燭流唱題衿挹芬旣洽賓僚尤娛帷帶蓋
奉輿攬勝柔翰權於萊衣分甘展吟清詞旨於蘭膳官
閣扶杖南花臘紅圓峰縱眎估颿波出歲暮衰舊絕島
班胥辨區域於圖經厓門矧尚羅蕪奧之物產蠓田蜺
塘莫不專綺魴箋醞醱麝壘均之押王筠讓研詞宗
之盛大邱孫嫩茲者同轉追念先德手澤愴懷而仲安
已赴脩文益觸悽膈編摩此集誦敘言蒙以爲隙駒
易邁逝波不留惟姚響發淵雲之表渺慮游溟滓之表

具茲馨逸終古鮮華則夫北戶帙開西山笏挂巖臺吏

隱鄒魯海濱訂墜鉤沈哀成虞衡之志更唱迭和豈徒
顰羽之辭璣壁同輝宮羽一氣家學楸穆嘆觀止已歌
傳蜚舶知畏壘之風移句繡蠻弓陋柳州之思颯樂道
耑末目識印欽辛丑涂月會稽金石夔伯

霞城唱和集

敘

二

霞城唱和集

粟香室叢書

庚寅仲冬六日抵赤溪兒子接篆

江陰八十老翁金應澍晴初

漫說為官與隱齊毛生捧檄比鸞棲一家笑語渡滄海

四面雲山環赤溪

是日風平浪靜由虎跳門出海行不及百里用兩火輪拖送逾時即至

遠島炊烟都結市平沙出水漸成畦巖疆卅載經初關

上考何人作首題

應治設於同治七年為海疆要缺

和原韻

霞城唱和集

番禺汪兆鏞憬吾

海門放棹鬣帆齊遙指人家水涘棲地僻魚蝦成小市

日斜雞犬散前溪訟庭差幸稀投篋雜著猶堪效灌畦

宋人有灌畦集

更喜高吟親杖履掃苔石上小詩題

抵赤溪直隸廳任敬步 家大人韻

江陰金武祥滄生

循良敢與古人齊海鳥聊為迫脅棲未得學官修蜀郡

漢書文翁傳為蜀郡脩起學官今赤溪尚未建學

難將片石訪浯溪

應治新置無金石可

考 娛親且喜攜春酒隨俗從教病夏畦莽莽滄溟更東

望不堪絕島近雕題

東至澳門止百餘里

和原韻

汪兆鏞

隨車甘雨昔賢齊

時久旱得雨

應有馴鳩廳事棲志地源流

湖隄尚

現議修廳志攷元豐九域志廳西南隅為宋隄崗鹽場故址

論詩家法仿君

栗香隨筆中多論詩者

相期絲葛開風雅

擬改築書院課士

要為蠻荒

關町畦憑眺茫茫銅鼓石千年剝蝕孰銘題

霞城唱和集

山銘山在廳治南

自里門抵赤溪恭和 家君步 祖父原韻

江陰金 章伯豫

摩霄健翮與雲齊敢向粉榆鸚雀棲簾弄明珠泛滄海

韓愈詩婆娑海水南簾弄明月珠

探尋赤玉訪瑤溪

江淹雜體詩赤玉隱瑤溪會看

雉堞營城郭早見鴻溝劃畛畦

昔年土客築堤分界近議舫建城垣

衙齋趨鯉對草生花落句重題

隨 家君抵赤溪任恭步 祖父原韻

江陰金 和仲安

乘槎壯志漫思齊，鵬自高鶩鳳自棲。萬里波濤浮粵海，

一川風月憶雲溪。和今春寓常州雲溪之北孟夏至粵寒潮頻送魚蝦市，

膏雨初滋薯蕷畦。時久旱得雨東郡趨庭多樂事，蠻戩象管

試新題

衙齋偶成

金應澍

萬壘峯巒繞巖疆，氣象雄九州。炎微盡一覽，大瀛東

霞城唱和集

三

三面皆山惟東面距海官柳經秋碧，蠻花破臘紅。老夫占物候，扶

杖快吟風

和原韻

汪兆鏞

安輿來海徼，山水覽清雄。膳潔養堂外，詩吟官閣東。桃

柳扶杖碧，榭拙撥爐紅。時好小飲何幸瞻耆德，超然太古風。

偕汪懔吾孝廉登圓山

金武祥

160011

赤溪東距海，諸峯列屏障。田疇與屋舍，中央闢平曠。何

來平曠中有山，絕依傍。尋丈突然起，可以遠眺望。赤城

真建標，屹立形勢壯。時方建廳城此山即在城內邱陵苟得地，亦與

泰華抗。奇石蹲虎豹，大小不一狀。長根互包絡，龍蛇走

其上。林木既蕭森，海天復浩蕩。帆檣競出沒，厯厯指所

向。惟茲新造邦，名勝賴搜訪。圖經所未載，得此願可償。

柳州小石城，作記獲矜矧。攜朋肯來遊，時時發高唱。

和原韻

霞城唱和集

四

汪兆鏞

金侯意嶽奇，空俗謝塵障。喜茲官事閒，登涉攬清曠。岩

峯青芙蓉，獨立空所傍。蠟屐時一登，林表騁遐望。平疇

方罨張，海門怒濤壯。靈旻白日舒，崇想紫霞抗。歎我久

行役，南北境殊狀。悲歌燕市中，擊汰淞水上。斯焉復羈

留，蓬累苦漂蕩。荒微文獻希，默默意何向。賴有素人心，

山水共幽訪。據石翫寒翠，勝因亦差償。芳草十步閒，此

言良非叔寄語。蜀文翁風雅好提唱。

224

隨 家大人登圓山敬步原韻

金 和

平疇如繡錯遠山儼翠障圓峯居其間登覽心神曠
冷澗泉流鬱鬱花竹傍趨庭喜餘暇有同南樓望五嶺

到此盡巖疆獨雄壯昔年分鴻溝變觸不敢抗土客累年構釁

蔣中丞奏設廳留茲名勝區氣象顯萬狀標高赤霞中治為土客分界

興寄青雲上天風浩浩來海氣相鼓蕩東望蓬萊山縹

渺指所向神仙本虛無不用乘槎訪卽事多所欣用陶淵明

霞城唱和集

五

句如願亦相償卽看廣廈開轉瞬崇墉時議重建書院翫築城垣

訟庭落花間歸來更酬唱

由西郭行田間至龍澗聽泉

金 武 祥

衙齋匝月苦拘束時向郊原縱游目未遑息轍敢偷閒

自愛下車勤問俗炎荒三冬亦和煦平疇四野總青綠

西巖迴環列屏障南澗琤琮奏琴筑何意蠻烟瘴雨鄉

恍聽天風海濤曲不須田間負大瓢有客行歌互相續

會當刺船青洲山在海笑指扶桑來濯足

和原韻

汪兆鏞

野樹蒼蒼森如束攜壺同遊亦娛目溝塍屈折稱意行

喜茲谿山差不俗荒畦新抽寒菜黃叢祠暗覆古榕綠

更從斷岸過危梁快聽流泉響鳴筑生平常聯山水因

喧慙厭聞箏瑟曲到此頓覺塵顏開岸幘高歌好賡續

莫笑黃茅炎海隅幽討不辭藺生足

霞城唱和集

六

敬步 家大人原韻

金 和

岡嶺如環不可束登高欲窮千里目謝公喜搜山水區

柳侯愛記蠻夷俗林花豔舒鶴頂紅潭水澄逾鴨頭綠

逸興猶看行負瓢天籟不勞歌按筑怪石突兀當關躡

老樹連蜷卧澗曲趨庭詩學杜甫吟志隱篇效蘇過續

悠然歸詠舞雩風何時更濯滄浪足

蒞任逾月事簡訟稀漫賦

金武祥

風塵吏隱可能兼漫笑才高不道鹽余以饒曹權此篆因用東坡句敢

以得狂師阮籍未妨蘊藉效崔瞻地偏且喜俗情少訟

簡還矜詩律嚴幾度捫蘿攬名勝幽芳誰擷遠峯尖清

尖最高為靈治之望中產蘭會道人移種數僅甚芳烈

迎春口占

青旛綠仗趁芳辰遠宦頻驚物候新星紀已周行萬里

一官吟遍嶺南春余到省十二年嶺東西游迹幾遍

霞城唱和集

七

天海澄清日載陽黃童白叟盡躋堂此時酌兕祈眉壽

更為 椿庭進一觴

敬步 家大人原韻

金章

省俗褰帷及此辰翠烟紅雨一番新瞻蒲望杏棠陰裏

海上同歌有腳春

遠浮江海又春陽恰趁東風到畫堂章於春前一日抵署稚子簪

幡同舞綵 重闈頻獻九霞觴

金和

簪幡戴勝賀良辰鳳律初回淑氣新莫羨紛紛桃李豔

梅花先折一枝春和遊郊外折梅花而回

炎荒六載又青陽漫憶江南舊草堂更喜 重闈稱慶

日宜春貼罷獻椒觴

歲暮感懷用前韻

金武祥

要識親民守令兼不妨刻劃到無鹽廳治建置未久經營草昧文獻缺如

霞城唱和集

八

敢辭束帶陶元亮且學負瓢蘇子瞻絕島幸逢波浪靜

炎荒未喻雪霜嚴浮生五十真堪笑事業無聞筆退尖

懷汪憬吾孝廉再用前韻

金武祥

兩世論交師友兼酒中醅味水中鹽一時下榻延徐孺

羣從多材數謝瞻華 國文章樂世貴救時經濟法家

嚴西窗重待開尊話早韭抽芽筍迸尖

和原韻

汪兆鏞

揮灑豪端珠玉兼投詩清味勝吳鹽登樓我早慙王粲

愛士公真過紀瞻妙有性情耽吏隱本無色相淨華嚴

筠廊更看千竿玉要待仁風滌夏尖元人万俟紹之新

滌夏尖衙齋多竹故及之

片壤迴環山海兼荒蕪誰為計魚鹽赤溪負山面海獅

洋北障三城遠廳地在廣州西南蠓鏡東連萬國瞻東

澳門止逾百里雨笠烟簑風自撲廳民以耕樵為業銅梁玉壘守宜嚴

霞城唱和集

九

書生未解匡時略祇辦登臨屐齒尖東坡詩云踏盡

二月十四日喜汪憬吾孝廉至並答和寄懷詩因

三壘前韻酬之

金武祥

鵲喜燈花早暮兼傾談同味水晶鹽用北史崔浩傳語月明正

喜蟾光滿風利何煩鶴首瞻是晚風順自澳門一日即至險韻尙看

詩律細豪情漫厭酒兵嚴以小恙止飲衙齋笑指春光好紅

杏枝頭翠柳尖

赤溪春日雜詠

金武祥

下車輿誦愧陽春鄒魯還期闊海濱教雜華夷宜善俗

地近澳門有法國教堂三處職兼守令倍親民雲山繞郭都如畫風

雨開亭好問津倡捐在渡頭建亭且喜日長衙放早窺人鳥雀

亦能馴

欲從金石考遺文遍採圖經證舊聞現擬創纂廳志百里匡門

山近接千年燧崗水中分碑傳南宋忠臣廟銅鼓有劉公師勇廟

霞城唱和集

十

草沒西岡孝女墳明趙孝女廟在田頭西岡欲向偏隅表風俗不辭

酌酒弔斜曛

蝸角居然共息爭廿年草味費經營鴻溝有界千村靜

鯨海無波萬里平難得公庭稀訟事好從蠻俗聽歌聲

六門以外誇形勢桑土綢繆孰論兵赤溪為六門以外要地海疆有事厚

集水師可資援應且敵可由此取道新甯入省則陸路亦宜設防劉中丞詢地方形勢曾具牘陳之

矯首東瀛此大觀襟懷浩蕩海天寬行歌南澗攜瓢汲

坐對西山拄笏看損秀墨蘭先入室漕峯尖產墨蘭分甘紫菜

慣登盤銅鼓海產紫菜罷燒官燭間無事自詠風詩笑素餐

野望

金武祥

運甓辛勤漫學陶偷閒曳杖又東皋橫塘霧白春撈蜺

蜺生於霧荒島波紅夜種蠔種蠔者以石燒紅投海蠔生其上謂之人蠔澗曲平

分雙派遠分水凹一流赤溪一流田頭廳境水源此為最遠山多獨湧一峯高

謂漕峯尖歸來閉閣哦詩罷快煮尖團醉濁醪境產蟹團臍為膏蟹尖臍

為肉蟹四月即肥滿膏蟹尤美

霞城唱和集

七

敬步 家大人原韻

金章

作賦當年愧褚陶敢誇能和鶴鳴皋願聞詩禮頻趨鯉

好聽謳歌雜打蠔粵東新語有打蠔歌渤海賣刀徵感化荊州問

絹仰清高南瀛似鏡占豐樂同獻 重闌玉色醪

1. The first part of the document discusses the importance of maintaining accurate records of all transactions. It emphasizes that this is crucial for the company's financial health and for providing reliable information to stakeholders.

2. The second part of the document outlines the specific procedures for recording transactions. It details the steps from identifying a transaction to entering it into the accounting system, ensuring that all necessary details are captured.

3. The third part of the document addresses the role of the accounting department in monitoring and controlling the company's resources. It discusses how accurate records enable the company to identify areas of inefficiency and to take corrective action.

4. The fourth part of the document discusses the importance of regular audits and reconciliations. It explains how these processes help to ensure the accuracy and integrity of the company's financial records.

5. The fifth part of the document discusses the role of the accounting department in providing financial information to management. It explains how this information is used to make strategic decisions and to evaluate the company's performance.

6. The sixth part of the document discusses the role of the accounting department in providing financial information to external stakeholders. It explains how this information is used to assess the company's financial health and to make investment decisions.

7. The seventh part of the document discusses the role of the accounting department in providing financial information to the public. It explains how this information is used to assess the company's financial health and to make investment decisions.

8. The eighth part of the document discusses the role of the accounting department in providing financial information to the government. It explains how this information is used to assess the company's financial health and to make investment decisions.

9. The ninth part of the document discusses the role of the accounting department in providing financial information to the media. It explains how this information is used to assess the company's financial health and to make investment decisions.

10. The tenth part of the document discusses the role of the accounting department in providing financial information to the industry. It explains how this information is used to assess the company's financial health and to make investment decisions.

天

泉

田

五

舞

光緒己丑冬
趙廷鵬署檢

人泉訪

古圖

汪洵書
端

唐元次山人泉銘
火山無火人井無人惟
彼泉源甘寒可凝鑄金
磨石篆刻此銘置之泉
上彰厥後生



24

24

序

梧州界兩粵之衝士夫往來棊腹相接其名勝首數水
井唐經略使元公次山刻石勒銘築漫亭其上載於圖
經迄今蓋千餘年矣光緒壬午余由桂林移守是邦嘗
與易觀察衡樵趙太守子繩輩攜酒寺中簿領倥偬不
克以篇什相酬答歲月未久旋受代以去越二年乙酉
泚生回轉沿牒至梧亦時時招邀同人讌集於大雲山
麓文采流播名迹益彰間以所為詩寄余屬和今年重

冰泉唱和集

秦序

一

建漫泉亭補刻次山銘詞並綴錄唱和諸什郵書索序
君監梧州三年興除之暇篤好風雅攬江山之勝據
壇席之雄鶴岡龍洲煥然生色蓋有與次山先後輝映
者焉人生跌宕文酒流連景光初以寄一時之興洎乎
境遷時易雲散波逝已漠然不復置懷一旦振觸墜歡
乃覺友朋嘯詠之樂良不易得余去梧已久不獲與君
角遜於詩湯酒國間頗恨向者卒卒匙暇罕有設施歎
然未盡吾意而同時故人如易觀察趙太守輩則皆墓

艸已宿矣循覽此編追憶疇昔不禁有鄰笛之感而益
歎君之曠懷高致為不可及也遂不辭而為之序光緒
十四年戊子十月山陽秦煥

冰泉唱和集

秦序

二

序

光緒乙酉江陰 金丈澁生沿牒嶺右權廳梧州喜霞
外之遊抗塵表之致簿書清暇杖履徜徉間嘗出闔閭
經略約至於東郭之外其地有冰泉焉唐容管經略使
元公次山之所題目也空山一泓古登三尺水氣蒸日
蕩爲雲英波紋皺風碎見山影馮襟有寄命筆成篇既
而賓朋從邁酬和相繼川原騁其遐矚山水驚其知己
側憫乎穢穢乎蓋有遊觀之娛應求之雅焉又以次山

冰泉唱和集

汪序

一

舊銘亡佚已久望古遙集抗文奏懷遂屬 家君補書
刻石嶧山之碣復立於大徐孝娥之碑重書於逸少記
履綦之迹結金石之緣良足多已今年丈來廣州編集
唱和諸詩都爲一帙出以見示命爲序之夫皮陸清吟
松陵纂集朱張酬唱衡岳成編前徵未遙繼響斯在觀
苔岑之合契耀蒼翠而同鮮非徒騁騷雅之奇亦可補
圖經之闕傳之異日其殆歐公所云託諸文字可以無
窮者歟兆銓徒聞任詔之詩未鼓灘江之棹幸披沓製

不啻臥遊遂以設辭謬爲敘引符采弗耀主臣而已己

丑四月番禺汪兆銓謹序

冰泉唱和集

汪序

二

序

吾友 金君淮生海宇壯遊風塵吏隱汲古得綆遐契

邃權真想在襟流連名跡雋豪推壇坫之宗文字得江

山之助曩者稅轡蒼梧訪碑冰井問次山之銘碣空攷

圖經憶坡門之酬倡徒留吟什韓陵片石磨滅已多蕭

盤遺篇流傳未廣賴詩人之好事想循吏之生平於時

春秋佳日裙屐雅遊室啟謨觴府羅羣玉烟霞跌蕩魚

鳥相羊寒潭千尺陽春一曲俞允文荆溪之作不讓古

冰泉唱和集

陳序

一

人蕭蕭士洛下之選代有作者况復蘭亭高譙諸子共

號勝流松陵新集過客亦皆名宿品題金管襟抱玉壺

是固冰泉之知音次山之嗣響矣陔望風有懷嘉會未

與願附尾以聯吟惜非見景乃賞心而索序彌愧不文

遺芳慨想夫唐賢冷淥有符於素履讀篋中之集藉志

前塵題漢上之襟可方往哲於是敘述緣起景慕流風

羨叢刻之日增冀後游之或續異日者離江放棹古井

尋源魯直補方響之詩鐵崖作芝泉之記或可附綴斯

編也夫光緒十五年己丑五月山陰陳陔謹序

冰泉唱和集

陳序

二

序

今夫山河修阻則感切停雲魂夢相懷則愁深落月是以子卿足下得都尉而唱酬越石平生引中郎而贈荅豈非以良朋之夙好藉逸事而舒懷者哉吾友金淮生同轉逸亭廉訪之弟也山傳大小世篤忠貞廉訪於咸同年間手殲狂賊身解重圍旂明絳天羽耀赤日破王則於河北縛宗權於軍中武為邊才文著治行同轉繼武元方抗聲持國雖一行之作吏猶四始之素懷英賢

冰泉唱和集 尹序 一

聯嵇呂之游聘問訂於僑之好七子酬荅託嘉樹而寄思五君從容入竹林而把臂遂出其冰泉唱和集示予冰泉者唐容管經略使元漫叟所闢也蠻通烏澗灘近銅船江聲五月而猶寒瀑布千巖而獨界銘鐫石上寺拓山中月華如水有竹樹之交橫雲影隨人撥藤蘿而直上以循良之遺蹟候朋侶之聲謠展誦清芬皆臻大雅澄江如練惜謝李之不同時病樹生春恨劉白猶為寡和本茲篇之炳煥即賢者之音塵譬諸桃李相投深

情如昨彌喜芙蓉可贈遠道依然光緒十五年己丑夏六月丹徒尹恭保仰衡拜序

冰泉唱和集

尹序

二

序

世有淹雅通博之才懷搜芳闡幽之志雖簿牒倥傯塵
纒牽縛而能琴歌不斷酒賦雜陳是用發藻藝林辨章
曩哲揚乾休美盪寫性靈豈非攷古之淵架珥彤之均
事哉吾友 金淮生同轉稟酌六經逍遙百氏習桓寬
之論裕劉宴之才監醴梧州事稱其職四始夙承平家
學九能可以爲大夫於是選勝名區尋碑野寺州東郭
外有冰井焉唐元結爲容管經略使時遺蹟也甘棠有
冰泉唱和集 呂序 一

或上已修儀雅泛流觴之水或重陽高會抗懷落帽之
風或握手河梁悵故人之遠別或班荆道左欣之子兮
重逢舊雨今雨冠蓋兩三大山小山賓朋雜遝遐瞻遠
矚則登巖當窗振采負聲則飛雲入蓋拱袂捫斗披襟
盪胸金樽之濁酒澆來銅鉢之吟聲乍起慨豪情之邁
古挾爽氣以橫秋鐔江碧而瀾水清隴峽晴而火山紫
曹劉入社望者比之爲神仙皮陸聯吟咳唾悉成爲珠
玉烟雲供其揮霍山水恣其雕搜凡遐彥游歷之地金
冰泉唱和集 呂序 二

序

出蒼梧城東二里許有冰井焉唐容管經略使元公次山之所銘也粵西地值炎徼星躔火維陽烏耀芒金石被其消鑠燭龍銜采山川增其輝映寒泉易涸魚尾頽而若燒斷豈全荒牛角礪而猶熱射鮒誰喋語蟲自驚靈源所通煥壤斯改一勺之水滌心神而不煩半規之渠鑿毛髮而亦竦味澹而彌旨氣清而愈盅甘醴斲其締交影纓濯其塵垢脩綆堪汲不聞勞者之歌美樾可

冰泉唱和集

吳序

一

依無待喝人之扇洵神州之琬淵福地之寶液也時代屢更銘石久佚覽古者惜焉 金丈淮生同轉監饒此邦簿領多暇爰尋都嶠之碣復築漫泉之亭琴尊迭開嘯詠無廢題襟同於漢上飲襖比於洛中益簪朋集因結雲霞之交投轄賓留未銷湖海之氣倡酬相繼篇什遂多昔次山錄王季友孟雲卿輩七人之詩為篋中集騰川原之逸藻激山水之清音英飈沈寥嗣響闐絕越千載於茲矣丈抗希曩軌撫念前塵纂此一編貽諸同

好元白之流連鏡水皮陸之洄遡松陵東坡集中軌存

投贈之作南岳道上爭寫紀游之詩譬諸豐山之鐘應清霜而奏節延津之劍淬赤瑾而呈筮可謂相得益彰竝傳不朽者矣翊寅僵逾冷蠹際等寒蟬炎洲瘴海之地過嶺來遊讓水廉泉之鄉買鄰待隱猥承授簡謬預校文攜冰雪於袖中擊雲煙於紙上蘿薜在眼已簪組之久忘蘭茗相鮮汎藻采之俱發他日碑拓萬本吟聯八义華陽真逸重摹瘞鶴之銘

冰泉唱和集

吳序

二

冰井銘舊石已佚丈屬汪先生瑤補書刻之
桂管壯遊更讀驂鸞之集光緒歲在上章攝提格壯月陽湖吳翊寅

序

出梧州東郭外有準提禪林闕寂幽窈已遠塵俗迥邊
 京北行有小橋橋下水聲潺潺冰泉之所旁溢有曲澗
 分注以達於江緣澗而北則冰井在焉方糞寒流大旱
 勿竭蓋唐元結為容管經略使時所鑿也舊有銘而石
 已佚越橋而東數十步有寺巍然即以冰井名之曰冰
 井寺寺依大雲山麓拾級以升有亭曰漫亭為游覽謙
 簞之所山色江光近在几席與準提禪林同為東郭勝
 冰泉唱和集 自序 一

境而冰井寺之名尤著余自乙酉監離嶺西嘗屢至焉
 嗣是春秋佳日脩袂登高咸會于此縉紳之往來過梧
 者盍簪題襟投贈之作積久成帙因并刻之顏曰冰泉
 唱和集當癸未甲申之際法越交闕海防戒嚴於東鎮
 南關扼守於西梧植東西兩粵之衝羽檄旁午警報沓
 至余時在廣州佐籌集餉日不暇給乙酉款議成而余
 適至此邦南徼綏靖閭井晏然從公之餘得以覽其山
 川訪其古蹟而千百年循吏詩人之遺韻穆然猶可想

見俯仰流連從容歌嘯是又余之私幸也夫光緒戊子
 冬十一月江陰金武祥

冰泉唱和集

自序

二

德清俞 樾曲園

百方地苦熱炎毒常侵活發而為光怪羅列諸南琛珊
瑚與木難紫貝兼文禽客游其地者耳目為昏沈亦因
地而熱利欲薰其心異哉此冰泉千古常清森無怪猗
玗子對此神為歎先生吏隱者遠游南海潯偶然酌此
泉一酌消煩襟古碣為重刻新詩時長吟裊然遂成集
富哉琅與琳老夫讀而歎慨然思當今人心既薰灼海
氣尤腥燖安得挹此泉一勺成洪湧湧而為神漢散而

冰泉唱和集 題辭

為甘霖既以祛俗障兼以靖海禳熄彼祖龍燄潤我清
角琴長如太古世同依婆羅陰煩惱出火宅逍遙登寒
林寄言穉穢子盍一來酌斟

題辭

武進屠 寄敬山

窈窕蒼梧雲泠泠冰井水透迤出東郭披拂得古寺依
巖結危亭過澗挈芳芷江光動列筵山色到隱几疏泉
憶漫叟勒銘誌前史勝賞遠可追風流屬吾子林巒信
得地賓從亦信美觴酌仍時行詠歌邇間起馮高恣幽
矚臨淵學洗耳清鑣惜未陪孤躡在泥滓

洪洞劉德恆子占

冰泉唱和集 題辭

十年不泛蒼梧水一卷新披白雪吟倦容猶能溫舊夢
雅游強半屬同岑 唱和諸公多恆舊友長松謾謾談經地寒賡冷
冷訪古心珍重殘碑認初場漫郎千載有遺音

劍川趙 藩樾村

火維炎荒泉沸蒸冷然古井如藏冰銘之詠之識泉德
古人不死今人興冰壺一卷絕塵滓松下清齋漱寒齒
夏蟲紛紛甯語此惟哉粟香居士猗玗子

寶山袁 康竹一

嬌窈春深鎖薜蘿余秀節日 席門喜見故人過江湖憐

我仍飄泊嶺海懷君有嘯歌廿載循聲傳白水千秋絕

調唱黃河新編莫訝清如許滌筆冰泉快若何

管領河山繼漫郎風流長此豔南荒澆胸酒共傾三雅

有口碑還話五羊仙聖詩才齊甫白儒生宦績邁龔黃

他時炎海來相訪丹荔朝餐百顆香

陽湖呂景端幼胎

奉題五古用養一集書陳笠漁五谿游稿韻

冰泉唱和集 題辭

二

吏隱展遐躅端居構奇賞曠游足命嘯日涉遞愉愴暉

暉蒼梧雲盪胸意深廣招提面東郭支筇拂題榜冽彼

久井泉澄湛照林莽王象之輿地紀勝久井 銀床轉竊

曲石甃界寥悅汲深亦云纒導甘或可杖火山靜不燃

名蹟一時兩宋歐陽壽詩久井有泓間 邇無枯棹機宛

有濠濮想漫郎昔奉使披豁駐塵鞅鏡銘越千載苔蝕

土花長次山勒銘在 蕭雲發沈晦遺愛嗣高響宋宣和

蕭索求井銘得之有句云井銘未磨滅自我 我公符領

暇選勝時孤往築亭拾墜簡文譙歸典掌近希宣和蹤

遠競大厓爽題襟百醅和理屐幾慨慷示我駉鸞集豪

翰歛雲上鍾呂紛前陳箏筑報相嚮何時桂管游歌激

海雲明

長白寶 康碩彭

庭柯蕭蕭下木葉一卷新詩濯冰雪嶠西靈境恣幽探

水石清粼訝奇絕此銘此井皆千年石欄薛暈青可憐

卧游我亦足欣賞夢隨極浦蒼梧烟讀此集時正在病中

冰泉唱和集 題辭

三

漫叟風流不可再冰井荒荒歷年載粟香主人雅好事

搜奇汲古兩無對題襟狂臚酬唱詩植碑補槩卅二詞

它時駉鸞有續集巨編索贈公無噉粟香叢書數種壘庵師所賜然未盡

也

長白繼 昌蓮溪

嶺表八千里斯遊始遇君清華吳下胃宏富篋中文勝

蹟搜冰井幽居寄水雲簿書期會裏風雅幾曾聞

漢上題襟集何須讓昔人江山仍萬古觴詠各千春此

事關提唱能詩合主賓幸容居廡下文宇續前因

南豐劉季京鎬仲

蒼梧城外牂河水冠蓋匆匆亦可憐如此江山煩煥地

幾人來訪漫亭泉

想見閒亭獨在時井闕親覓漫郎詞中興亦有涪溪續
却向冰泉酌一卮

和集 題辭

四

祥符周星詒季賦

炎微著冰井始唐元道州故亭委榛草芳翬替春秋曠
世稀清德多君復勝遊壺觴今古接藻思企風流

安吉吳俊卿昌石

羨君遊宦去古寺得相羊遺蹟訪冰井前身疑漫郎烟
霞雙蠟屐珠玉一奚囊動我尋山興開編對夕陽

山陰金 石夔伯

大雲山麓下重觀漫亭銘曠代風流繼南荒草木聲道

冰泉唱和集 題辭

五

州不可作泉水自清冷千載成遐契詩心入窈冥

元和鄒福保詠春

栗香先生山水友掉鞅詞場八义手一官一集真風流
跌宕烟霞縱文酒冰泉之勝在蒼梧冰泉之詠在人口
良辰修稷多佳篇三月初三九月九先生吟詩學王章
先生填詞壓秦柳聯珠綴璧紛唱訓如駢之靳有某某
一詞一跋汪與沈粵中佳士尤居首汪君兆鏞沈君寶樞皆僕壬辰春聞所薦
並時豪俊爭揮毫盛事豈徒傳嶺右人謂先生以
次山題名恰坳漫亭後我謂先生似東坡冷泉判事同

冰泉唱和集

題辭

六

不朽我與先生識面來回頭忽忽十稔久丁亥游粵曾一奉手
年旌旆泣吳門兩度高軒訪下走癸巳初冬今歲初夏俱失倒屣每趨禽則
先生會逢襟被出門游花徑未呼僮縛帚貽我珍籍曩已去
曩然我欲寶之如璠玖戲寫新詩當謝函詩中空洞無
所有唯有一片玉壺心冲夷冷澹蠲塵垢坳入冰泉唱
和篇我詩不落舊窠臼集中題詞各體粗備尙少七言長歌此編傳之三
千年逸少蘭亭合為偶後人訪古大雲山荒磧寒林風

雅藪

陽湖惲毓珂瑾叔

毘陵清淑多才子我識暨陽一太史縉後珊文為道邑中振
奇人使君嶽獄天下士昔浮東海游嶺南六鼉負舟龍
為膠海神列炬照題句赤蛟乞獻雙珠函醉卧羅浮狂
叫嘯萬樹梅花向君笑一劍登臺哭尉佗玉匣珠孺螢
火燒歸裝壓卷光瓊瑤兩蛟劫寶翻波濤拔刀斷流斫
海水咄哉公是今詩豪清河夫子張筱浦師為我述公也游
蹤非一一閒徵佚事仿容齋我曾讀公五隨筆就中勝

冰泉唱和集

題辭

七

景誰足傳漫亭之下流水泉昔也次山恣游謔公今文
采追前賢大碑拔地負崩廬天狗斂芒狐鼠避深夜寒
光射斗牛五色雲中畫唐字次山舊銘三十二字亭前久佚先生補刊勒石
風雨淒然鳴空山百道飛秋聲古井之波地不熱凍龍
潛蟄鱗甲青亭外諸峯盡羅列北走桂林山百折九疑
鬼哭帝子墳美人淚竹啼鵲血南天瘴嶺浮雲端墟場
連臂譟聲懼猺洞草春蠶菁黑月明夜照滄江寒西接
羅池柳水曲馨香一瓣祠秋菊黃蕉丹荔薦神君盡日

靈旗風肅肅羣山颯湧奔蒼梧馳走炎雲歸太虛六月
疑冬下霜雪啾啾赤帝迴龍車亭前四顧開奇景留與
先生作詩境揮毫落筆如有神藻績江山雄簿領賞延
賓從都名流舉杯折簡相唱酬削牘迺以授不佞無才
轉恐爲公差恨我未識伏波廟跪持盃玖親祈禱神鴉
吹火千年紅坎坎灘頭鼓回權潮州不拜韓公祠惡溪
潭冷行人稀佛燈黯澹朝雲墓一聲清磬蒼烟飛花田
亂落如零雨月夜地歸咽秋語綠珠井塌胭脂紅顏
冰泉唱和集 題辭 八

寂寞春無主徒作十年江漢游醉中踴翻鸚鵡洲先生
之詩如崔灑我將筆搦黃鶴樓公等才人皆不朽詩成
許我附公後先生一笑願孔融小友當年猶在否

陽湖女史錢 希夢龜

如公可謂不虛生杖履飄然處處行好水奇山都作記
文人閨秀藉留名新書四海爭先睹循吏千秋總有聲
歎我吟詩才太短愧將韻事付鴉鳴
宦途大半屬腥羶瀟灑如公便是仙除去溪山無勝會
廣搜筆墨不論年好官原不妨高士清景非全屬昔賢
或是前生元刺史又留佳話在冰泉

冰泉唱和集 題辭

九

是辭

劉陽舒佐堯棠陔

錦鱗迢遞尺書傳
破羈愁快展瑤編
鴻爪誌鷺江遊蹤
歷歷當年千秋事
一勺寒泉幽尋處
想見淵襟雪澹野
趨雲連坐僧樓聽
雨黃葉下蕭然
聯翩名區召佳客
吟聲和澗語游浚
誰似出山清盟心
祇在鷗邊趁官閒
徧結詩緣殷勤意
累我荒江倦旅也
費蠻牋念山高水
遠遙夜鼓冰弦

高山流水

冰泉唱和集

題辭

一

臨桂况周儀夔生

對雲山分泉語茗詩人曾占弄度

指次

斜陽玉勒城東

路隔斷幾重煙樹紛綺緒料愁眠江南柳七銷魂句
若溪登古問寂寞蒼梧飄露縈縷殘碣倩誰補
林泉癖

合向溪山小住漫亭遺址難據何時坐我清涼國一洗

東華塵土心賞處要結箇清緣更比久堅固在吟醉舞

恨不共詞僊霜荷雁後觴政肅飛羽

買陂塘 卽和集中
隋穀倉原均

番禺汪兆鏞憬吾

占蒼梧谿山一角風光休把虛度紅泥亭子清泉側掩

映小橋疏樹添意緒記斷管當年綵筆曾題句斜陽平

古比石柱文翁井欄王粲銘字試重補 登臨好慣破

烟蘿畱住高吟苔磴堪據蠻牋萬幅傳都徧豔說桂林

風土幽絕處還滌卻塵襟靜證冰心固長歌起舞悵瑟

瑟湘絃迢迢灘水天際渺飛羽

買陂塘 用况夔笙舍人奉和原韻

陽湖劉炳照光珊

與粟香別於白門十餘年矣壬辰夏日小敘吳

唱和集

題辭

二

聞又將由海虞澄江以返毘陵賦此奉贈卽用

冰泉唱和集中酬穀庵韻

盪秦淮半篙新綠劉郎猶記前度西風吹送征帆遠極

目雲中江樹榮別緒聞說道天南唱遍屯田句牂牁甲

古更冰井留題赤溪采俗名宦傳重補 歸思動高躅

蘭陵暫住豎壇今讓君據扁舟七里山塘過重認蘇臺

風土傾蓋處便擊鉢敲詩五字長城固酒酣起舞待訪

舊虞山尋碑申浦尺素遞鱗羽

買陂塘

嘉興張鳴珂公柬

試尋漫交登臨處有當年井闌銘語宦蹟著炎荒喜同

此驂鸞小駐大雲山色最青蒼望不斷濛濛烟樹澗底

響澗溪聽石罅流泉注 一泓止水空亭古灑微雨碧

苔潤礎寒發汲詩瓢歎照影塵顏似故煮茶僧舍滌煩

襟問味比中冷甘否翠墨久凋殘好倩詞仙補 山亭宴

會稽王繼棻孟餘

如此林泉也值得者番歌嘯羨幾輩流觴修禊登高落

冰泉唱和集 題辭

三

帽累葉貂蟬傳漢代詞壇牛耳尊炎微展瑤編朗誦夜

燈明簷花笑 烟霞窟供詩料幫履會添吟草譬詞源

萬斛冰泉一窖我學邯鄲難布武君才漫叟真同調待

鑄金磨石泐勳名唐賢紹 滿江紅

金匱鄧 濂似周

漫郎去也只危亭猶在綠蘿深處如此江山供吏隱洗

盡軟紅塵土寺古秋多泉喧夢靜一枕枕椰雨冷冷漱

玉冷光飛上詩句 當日選勝林阿斜簪散髻都是神

仙侶自與山中蟻鶴別為問白雲誰主流水年華搏沙

身世分付間漚鷺瘦藤無恙甚時來訪桑芒 時訂惠麓品泉之約

百字令

陽湖陳 煥叔明

湖蒼梧地規形勝陽烏躔次星度窮荒例有詩人迹極

目鄉關雲樹甚意緒歷桂嶺灘江贏得狂吟句流連弔

古認冰井泉香漫亭蔓掩殘碣待重補 歸田與但有

溪山便住書城坐擁高據五湖烟柳絲絲好拂盡繁華

冰泉唱和集 題辭

四

塵土零落處怕飛絮沾泥泥濕花黏固休教醉舞看天

半朱霞雲中白鶴重自惜毛羽 買陂塘 用 酬穀庵原韻

南昌萬 釗礪民

青山如嶂看絲延不斷蒼梧雲氣冰井一泓方發古風

景炎荒迴異撥葉尋泉披榛覓碣漫叟會題誌溪猿獻

晚夕陽紅上亭子 猶記簿領餘閒攀巖陟磴不盡登

臨意勝日壺觴頻唱和循吏亦兼名士手版辭官角巾

歸第甚纂窮年歲甚時鼓櫂約君同泛烟水 百字令

陽湖呂景端幼齡

甲午春日將之京師題冰泉唱和集即送淮丈

重官粵中用集內酬穀庵韻

莽南天蒼梧縹緲前番雲氣猶度江關蕭瑟蘭成意賦

就小園枯樹縈別緒看一舸輕裝都載新詩句驂鸞訪

古有漫叟風流千秋片石遺跡待公補 牂牁水堪抵

廉泉鄉住吳中壇坵分據罷編桂海虞衡錄好記故園

風土停樽處羨闢韻拈題五字長城固離筵起舞又嶺

冰泉唱和集 題辭

五

嶠山河葡門烟柳悵望遲鴻羽 買陂塘

江陰繆荃孫筱珊

酌久咨半規涼玉依稀元叟襟度井亭山角斜陽晚翠

繞幾重烟樹愁萬緒試初汲朝華好誦屯田句泉新聳

古更綠鐘苔茸黃鑄山骨四字舊銘補 菹鱸夢依舊

江南小住萍蹤誰道無據駕江鴻雪留新畫猶憶桂林

風土憑弔處只得意文章高揖遷和固墨花飛舞歎逝

水韶光搏沙蹤跡遠恨寄歸羽 集中汪笑生 買陂塘 金仲安均逝

番禺葉衍蘭蘭臺

湖詞仙去後冷落空亭半壁斜陽賸有寒泉注又雕欄

樹老玉鶯苔荒雅遊踏歌呼侶幽興繼壺觴趁鶴鳴琴

閒禪扉靜扣來說滄桑 疏狂恣筇屐對檻外雲巒都

付奚囊惠麓鴻泥在 余曾三次遊惠 山品第二泉 怕芙蓉江客歸夢

鍾鄉愛此一泓清洲茶話滌詩腸更斷鳩重摹晴蘿翠

濕秋露香 憶舊遊

番禺張學華漢山

冰泉唱和集 題辭

六

訪蒼梧漫泉亭畔滄桑還認前度顏垣斷登斜陽裏依

舊濛濛烟樹添意緒美裙屐風流題徧新詩句頻來弔

古看雁外峯青鷗邊水綠重把畫圖補 葦鱸約笑我

鄉關小住詞壇應讓君據泥曾滌筆冰甌裏一洗輓紅

塵土題詠處正桂水西來舊志稽班固狂歌起舞願手

拓殘碑重摹翠墨相寄託鱗羽 買陂塘

秀水沈景修蒙叔

烟鶯苔荒露闌梧老翼然尙有空亭賸銘題翠碣識篆

法斯冰自漫叟游仙去後一泓寒碧清到於今瀉瑤瑤

琴筑何人來浣塵襟 宦情似水喜重逢儒吏車停記

修禊春三登高秋九同調新廣占斷大雲深處微風度

梵唄虛聲和銅琶歌唱山中猿鶴潛聽 揚州慢

無錫顧應杓吟樵

莽關河龍門幸接一舟南海同度趨庭喜挈亭亭玉蘭

莫得親謝樹消客緒好翦燭焚香披誦琳瑯句蒼梧用

古愛汲井評泉剔碑摹篆漫叟舊題補 林巒勝佳趣

冰泉唱和集

題辭

七

何妨小住主賓壇席分據山亭慣駐仙臆烏已見政成

斯土狂吟處想酒熟茶香賂負詩城固頌聲歌舞待再

領名都重翻官集引刻聽商羽

買破塘

鐵嶺鄭文焯叔問

淮生詞長聞聲相慕十餘年矣曩以冰泉唱和

集索題卒卒未有以應丙申夏始邂逅吳城流

連文酒爰賦是解以當泉蘇

鬪玉花田題瓊梅嶺清詞繡通蠻弓夢換羅衣倦懷烏

帽塵籠故山落盡餘蘼雪怕燕歸還誤東風謾銷凝暗

草池尊亂葉樓鐘 蒼梧舊蹟追遺賞憶呼猿烟語招

鶴雲蹤一掬寒湫采珠應歎江空袖中重見滄洲豪債

冰泉唱和集

題詞

八

夜絃彈淚蛟宮感年芳紅雨枕柳碧月芙蓉 高陽臺

餘杭褚德輿繹堂

碧鴛蒸雲翠嬰趁月清遊長憶蠻鄉婉晚芙蓉冬心獨

抱空江通辭欲藉激波汎漫流連素羽明璫恁荒涼步

步回旋楚怨蒼茫 承平文酒仍尊疊問十年蹤跡老

盡垂楊舊約煙蘿而今問了斜陽婆娑照景成華髮幾

沈吟別夢星霜感滄桑一卷烏絲合貯輕囊 高陽臺

漫耶去後指翠亭一角落照猶凝禪天梵唱幾回化鶴

來聽繞碧藉荒磴汲詩瓢塵夢都醒松徑悄春生石鼎
佛火分青 百歲滄桑過眼歎玉登苔迷波冷霾雲黛
村弔古亂山景裏登臨朔碣綠鏘釵脚有銅僊鉛淚成
冰鴻雪印壺觴不負平幽盟露華 用未夏體

冰泉唱和集

題詞

九

陽湖張鶴齡筱浦

海天南梧雲萬疊詩情猶記前度當筵賓從都疏俊流
憩招提煙樹吟綺緒看繡上弓衣壓倒都官句殘碑訂
古寫崑石三詔同鑄翠墨遺集與商補次山集無冰井
崑臺詔磨廣詔兩石刻及涪溪考所 廉泉好三載皇
載東崖詔一首皆足為次山集補遺
恩許住詞壇君況雄據鬱林片石歸裝認陽羨暫編風
土先生曾補輯
周孝侯書 陽詠處便整頓偏師難抵長城固為君
起舞對今日芳樽莫言憔悴還自惜毛羽買陂塘

冰泉唱和集

題詞

十

陽湖惲毓齡介齋

登古凝寒綠冷生垂楊畫裏滌塵三斛試上漫亭攬
倦眼苦恨炎荒鬱煥猛聽得噴珠鳴玉雲影干鱗霞萬
禱願人間洗盡浮榮辱卻孰有神仙福前身端合呼
金粟趁芳辰茶香酒釀大雲山麓綴鞠簪茱重陽節轉
瞬柘流水曲更不管誰情誰濁冰作頭銜心似井脫紅
埃結出蕭閒局蟲夏語不堪續金縷曲

陽湖惲毓異季齋

風吹雨打千年裏炎鄉又開奇碣片石烽餘危亭劫後
猶認三唐妙蹟孤懷獨絕有金粟詞僊海天收拾渺渺
蒼梧雲山應許重生色 摩抄冰井寺畔命儔流賞處
分占吟席嚼雪飛尊憑烟弔夢拓出淋漓豔筆餘音未
歇便主客西崑倡酬成集如許清襟喚將鷗鷺說 齊天樂

山陰胡念修右階

激鑿天寒波皚雪難忘容管丰度清名千載留冰井偏

對火山紅樹 冰泉井與火山相對 尋舊緒恨碧蘚蒼碑竟蝕泉源

冰泉唱和集 題詞

十一

句銘辭攷古已崖石重摩享簷深護靈蹟羨君補 次山銘詞

第三句諸本均佚准文據 梧雲遠猶似蓬萊鄉住 次山

全唐文補惟彼泉源四字 詩有謫居猶 騷壇先後同據篋中細寫蠅頭字 次山錄

得住蓬萊句 為篋中集 修禊再來炎土傾倒處有萬斛涼珠盪滌心 王季友

輩七人詩 膠固筆歌墨舞對江左詩人海南廉吏自笑未豐羽 買

塘

陽湖呂景柸少木

羨歸雲鬱林裝儉搜奇最憶前度井亭幽絕冰泉冽咫

尺蒼梧烟樹尋墜緒把片碣摩抄題徧琳瑯句胸羅千

古更碑錄宵餘詞龔秋半金石記同補 珠江月曾泥

使君小住南州壇坵高據漫郎銘字才人筆譜入陶廬

風土 丈者有陶廬 雜憶百首 商略處媿五字偏師難搗詩城固為

公起舞待南嶠重游東山再出一刷九霄羽 買陂塘

宜興蔣北蘭南星

冰泉唱和集 題詞

十二

泛冰甌井華如雪松聲何處飛度名賢遺跡無人惜秋

老白雲紅樹牽恨緒幸有個詞僊高唱文房句空山弔

古喜亭築紅泥銘鐫青玉更寫畫圖補 朋簪盍羨煞

蒼梧小住詞壇三載雄據罷編桂管題襟集記輯孝侯

風土 近有陽羨風土記 之刻并輯補遺 心賞處便相約扳躋勇奪齊高

固掀髯起舞待興極幽探茶烹陽羨還作品泉羽 陽羨

為荆溪十景之一丈將以 買陂塘

秋冬攬勝荆南故及之

江陰蔣玉枝類詩

雅遊重訂驂鸞錄蒼梧野陰搖暮萬感鬱騷心況雞鳴
風雨林泉誰是主且招我忘機鷗鷺凍綠浮杯墜紅飄
幘亂山如俎 泉蠹漫亭荒聲仙去殘題更無尋處翰
墨古綠深剔落花重補詩情渾漫與儘贏得蘭成詞賦
紫簫暝楚怨淒迷和沈寥鴻語徵招

金匱華世芳若溪

碎瓊瑤新詞一卷游蹤猶記前度芒鞋踏徧城東路指

冰泉唱和集

題詞

志

點火山烟樹縈意緒憶漫叟當年四字留題句斜陽弔
古贖草浸清泉苔荒碧鬢殘碣待君補 林巒好薄宦
三年小住天南壇坵雄據溶溶一滴寒冰水洗淨炎荒
塵土觴詠處看鎖鑰牂柯百雉金城固狂吟醉舞正綵
筆新鐫蠻箋細搨遠道遞鴻羽買陂塘

陽湖女史呂景蕙琬友

展瑤編詩人循吏披吟如挹風度蒼梧幾輩留陳迹空
憶當年烟樹等墜緒仗丹荔黃蕉渲染新題句泉清亭
古算石鴛銀床漫郎去後贖有蘚痕補 江鄉好偶爲
純鱸小住前遊歷歷堪據費他多少才人筆繪出南荒
風土微哦處恁一樣詞壇此便金湯固墨花試舞看珠
玉前頭筍琶細響也要雜宮羽買陂塘

冰泉唱和集

題詞

志

冰泉唱和集

栗

乙酉仲秋偕徐氏昆仲游冰井寺憩準提閣

江陰金武祥滄生

為訪唐賢蹟相攜佳客游泉聲從古冷山色向人秋林

缺晨曦逗江空宿潦收登亭思漫叟碑碣試重搜寺後有漫

亭

歸途得幽憩高閣似馮虛準提閣之前覓磴古苔滑打

額曰馮虛

有呂仙祠合仙橋為韓襄毅遇呂仙

窗黃葉疏山城間畫境塵世亦仙居

冰泉唱和集

一

潭水明如鏡何人此坐漁

重九集馮虛閣疊前韻

金武祥

佳節又重九炎荒悵宦游幸逢三管靜高唱百蠻秋風

雨樽前合煙霞筆底收壁間題句在酬和韻頻搜

身世茫茫感浮雲悟太虛千秋憑俯仰兩鬢漸蕭疏蔬

菜縈歸思黃花憶舊居何當掉頭去蹤跡混樵漁

丁亥上巳冰井寺脩禊用登高舊韻

金武祥

風塵慚久役山水愛清游脩禊逢三月登高憶九秋幽

情觴詠共好景畫圖收陳象九大令作怡繼蘭亭盛何

勞軼事搜

曲磴連雲迴空亭枕水虛鶯花何旖旎松竹自清疏訪

古懷循蹟偷閒羨隱居形骸聊放浪一笑謝筌漁

游冰井寺和金滄生同轉韻

番禺徐紹桐季同

冰泉唱和集

二

出郭曉風邁寒林欲變秋亭孤山氣聚澗曲野泉幽古

寺名人迹殘碑劫火留何期先得句索和到同游

尋幽得幽境幽意待何如開閣青山人穿林曲徑虛孤

墳名士碣流水野人居我欲滌塵抱間來此著書

番禺徐紹楨固卿

古賢有遺跡佳日足清游樹影當門立泉聲入地秋風

高黃葉瘦山迴曉煙收銘石今何在殷勤共一搜元次山冰

泉銘
久佚

高閣掛林表登臨若步虛不知秋氣冷祇覺俗塵疏到
處耽幽趣何時此卜居歸途聊唱和蕭散寄樵漁用皇甫冉

番禺徐紹枚彥泉

作客曾經此三年紀舊游寒泉重訪古落木幾驚秋山
寺松陰合空庭野氣收登臨有佳句賡和韻頻搜

流水朝還暮神仙跡已虛秋風正寥廓山色自蕭疏詩

句誰題壁高僧獨隱居再來知不厭還約武陵漁三年前借

冰泉唱和集

武陵唐君游
此故及之

江都張聯桂丹叔

漫叟留冰井隨君訪古遊萬山圍一寺片石重千秋暑

退新涼逗雲開宿雨收栗香三筆在逸事資旁搜

仙境應常住此行爲不虛如何王事迫轉與故人疏江

海勞于役琴尊悵索居下山蒼翠合回首問樵漁

貴筑顏嗣徽義宣

尋春無幾日陳迹已前游天氣陰晴變江聲日夜秋古

苔雙屐印落葉一襟收邑乘銘詞在煩君子細搜

天高延爽籟宿靄入空虛一院古榕落數行秋柳疏登

臨懷古蹟束縛苦官居閒坐寂無事憑輸溪上漁

長興王世芬誦之

爲訪招提至名泉紀勝游高僧多閱歷老樹幾春秋繞
郭炊煙起孤峰夕照收好從鄰寺憩仙跡試尋搜

遺像碑亭在神仙事已虛古榕臨閣起秋柳傍門疏雉

堞雲峰接駕江水國居歸途人唱晚我愛此樵漁

冰泉唱和集

香山何燿章葆之

漢上留遺集南皮紀勝游青山供載酒紅葉助陰秋鴛

水三江合曬珠一網收薄材慚領郡巖幹待旁搜

羈縲緣祿養招隱願常虛古運延三益高風慕兩疏詩

嫌蔬筍氣人伴水雲居亦有臨淵羨閒尋澤畔漁

仁和葉爾銜伯鸞

一載蒼梧住冰泉兩度游名山笑人俗歸夢渡江秋時

有歸志井古波瀾靜僧貧芋栗收寺僧賣花爲業蘊奇天意在風

景試重搜

幽探得霧境勝賞果無虛松密圍屏障雲閒度綺疏琴
尊歸大雅風雨怨離居西塞山前路烟波何處漁

嘉應黃鴻藻雁賓

平生幾兩屐著屐試遨遊一水蒼梧闌半林黃葉秋山

光前寺見野趣曲欄收漫叟遺蹤遠殘碑取次搜

雪爪蹤無定重來願未虛乙酉別後有梧江秋色冷梅

里故人疏余居為雅集饒清興問吟愧索居何當賦歸

冰泉唱和集

五

去我欲學樵漁

浙江昌化洪昌言小蕃

形骸頻放浪載酒一遨遊大地川原闊孤城鼓角秋烟

移山色走雲暗夕陽收勝蹟傳冰井殘碑剔蘚搜

飛閣雲山外登臨四望虛鳴禽音上下古樹影扶疏清

淨神仙境婀娜佛子居紛華慚役志垂釣羨溪漁

邵陽徐兆蘭小松

風日正清美言尋古刹游花香濃似酒僧意淡於秋活

水源頭淪晴雲眼底收摩挲斷碑碣舊蹟費窮搜

漫泉亭上坐滿室白生虛勝地因人重游蹤愧我疏依

城偏避俗有竹最宜居安得結廬近山樵復水漁

保山吳壽子明

炎荒雷勝蹟塵外足清游蕭寺眾峰繞漫泉終古秋春

寒花信勒風定暮烟收經略銘何在遺蹤子細搜

暫息客中駕尋幽興不虛地偏人跡少僧老世情疏塵

海方饑走天涯屢索居遂初何日賦來作武陵漁

冰泉唱和集

六

長沙蔣兆奎筠軒

憶昔勞飛挽名區喜共遊乙酉余轉餉梧心清冰入抱

地暖樹無秋曲澗江流合高臺爽氣收調羹深醞釀

聖主正旁搜

海內稱詩伯才名信不虛家稱循吏舊交恨昔年疏醅

酒徵高誼仙鄉羨久居泉清忱可鑒弊早絕侵漁開辦

每歲革除規費三千餘

武進潘保泰應脩

古蹟復炎微三年此宦游好尋冰井勝高挹漫亭秋君重

建漫泉亭以憩行汲復古便民遠近稱頌泉冽千人汲巖空萬象收飄然訪

都嶠碑碣又遐搜君游都嶠山得南漢碑幢六種皆省府志及金石家所未著錄

過從情逾密傳聞名不虛沈災極矜賑循績豈迂疏錫

類依親舍

頌恩仰

帝居尊甫捐鄭賑千金奉旨建坊君復以規費五百金助賑梧州連年水火成災君先後慨助大吏均

素何期淡名利逸興寄樵漁

冰泉唱和集

七

安甯張棠蔭南村

意外忽相值名山得共遊擇交同感慨謂李燕伯刺史贈先生詩有得

友宦途以粟香四筆及新輯叢書二十餘種見惠難之句論世偶陽秋著述頻年富

人才巨冊收荒巖餘薄植愧遇斧斤搜承以拙集中與酌叔先生聯句

詩付梓

快挹汪汪度真如此谷虛酸鹹有同嗜蹤迹未妨疏先生

適將去梧蔭亦即赴桂林野趣畸人領卑官傲吏居百城何日擁相

與縱佃漁

金同轉約遊冰井寺未果別後和韻奉柬

貴筑袁思鞅錫臣

鴛江事行役擊楫更來游灘漲纔經夏林疏又感秋人常波上住山喜畫中收偶暇亦難得探奇莫憚搜

舊說名山好翻嫌雅約虛塵勞詩卷少薄宦友朋疏冰

井廣祈句黔靈憶故居何時謝簪組重訪武陵漁

淮生同轉郵示冰井寺詩次韻寄和

山陽秦煥文伯

冰泉唱和集

八

梧水回舟後鴛江作卧游一官天際遠八度客中秋畫

舫帆難挂詩囊錦盡收不聞金石響古篆向誰搜

鼓角邊陲靜葦蕪願尙虛年衰文翰拙宦薄友朋疏淮

浦榮鄉夢燕臺憶

帝居笑他雙鬢白猶話涓濱漁

無錫華本松伯喬

冰井畱陳迹梧江記舊游前塵渾似夢客感不禁秋鴈

詠連番盛雲烟一望收羣賢多雅興提唱賴勤搜

我昔經兵燹侯封願竟虛吟朋半零落

丁殿侯大史建章張南皆司馬

經費朱梅孫大尹世忠家麓峰監州元

薄宦太迂疎往

事何堪說危邦不可居大雲山下路形迹涸樵漁

成豐丁巳

賊薄梧州百日糧絕郡守棄城走督師廉訪蒙難余亦隨眾易裝而出

遠奇琳琅什披吟當卧游雲山宜入畫嘯傲漫悲秋勝

合追元結蒙還效魏收如何藏拙久尙復費旁搜

各有千秋想如君志不虛但求游草富邊惜吏才疏雅

集爭題壁孤吟感索居橫流盡滄海誰覓武陵漁

冰泉唱和集

九

宜興徐璋文植之

嶺外華簪盍君偏快壯遊奇才分一石韻事合千秋宦

轍冰如抱詞源井勿收殘碑遺桂管心苦費旁搜

緬想招提閣憑空挹太虛泉清滌澗曲山翠補臆疏碑

貌名人篆詩賡靜者居

元文山詩復在郊郭外正堪靜者居此遊探異境

不羨武陵漁

瀏陽舒佐堯棠咳

詩人與廉吏千載繼清遊冰雪一泓古江山五字秋鏡

光從佛證珠唾替人收

備錄同人

想見幽尋日殘碑幾度

搜

暖茗僧樓坐憑高萬象虛聲流瀾遠帆影度林疏勝

蹟蒼梧郡幽懷綠野居羨君真吏隱所至狎樵漁

游冰井寺敬步 家大人韻

江陰金 章伯豫

冰井傳高會蒼梧紀勝游遠探山海勝橫覽古今秋別

院鐘聲度

寺前為古感報寺有南漢銅鐘

冲霄劍氣收

隔江火山又名冲霄山趙佗時

冰泉唱和集

十

寶劍 唐賢遺蹟在佳景喜頻搜

却值趨庭暇登臨興不虛澄懷同月朗遠性自風疏重

臺雲山畫蒼茫水竹居驂鸞來此地漫羨武陵漁

江陰金 和仲安

訪古炎荒地言從郭外游雲山曾入夢

冰井在大雲山麓初到梧州曾

夢游 冰井幾經秋松竹千重繞烟霞四壁

趨庭多樂

事詩境好頻搜

屈指重陽近登臨興不虛曾經滄海遠轉與故園疏唐

代尋陳迹江鄉憶舊居何如下帷讀典籍恣佃漁

重九日冰井寺登高和金同轉韻

酉陽曾 輝搏軒

又屆重陽日鄉關屢夢游巴江一回首風雨十經秋佳

節尊前過層巒眼底收名山若奇句那復憚窮搜

西風吹落木消息驗盈虛林缺山光補天空雁影疏重

尋冰井勝益慕水雲居小艇蘆花際蕭閒擬捕漁

上巳冰井寺脩禊和金同轉韻

冰泉唱和集

十一

臨桂陳瀛藻象九

冰井尋唐碣登臨憶昔遊故交半陳迹蘇琴斲舍人許月樵學博昔曾

於此脩禊今皆轉眼幾經秋觴詠三三盛雲山一一收

重來逢上巳佳句苦難搜

寺僻遠塵俗亭空涵碧虛到門流水曲迎客老僧疏屋

塔露林表禪房傍竹居吮毫寫圖畫添箇隔江漁

徐紹楨

為愛林泉好頻頻作勝游可憐高會處已異昔時秋

詠年光促王右丞詩上巳年光促雲山畫景收蘭亭自千古逸事

可能搜

微雨侵華薄春潮蕩碧虛桃花何灼灼桐乳自疏疏誰

擬會稽序重過支遁居祇今來往熟還得似樵漁唐于鶴句

寄和澁生同轉冰井寺脩禊詩

海甯羊復禮辛楣

冰井無纖翳征途閱暮春江山添畫稿觴詠感詞人僧

院花初落空亭草似茵夕陽碑可讀俯仰迹多陳

冰泉唱和集

十二

風日正晴暄檐帷集舊園是日侍南皮尚書師吳縣中丞陳右銘廉訪林訪西王荔

丹觀察譙亭林喬木在風雅幾人存勝事各千古名山

集萬松園又一尊新詩慚未就差喜滌煩喧

贈王誦之別駕用冰井寺韻王湖州人

金武祥

嶺西山水窟好與謝公搜同攬蒼梧勝俄驚黃菊秋生

香斑管豔君善繪事得句錦囊收何幸聯高唱冰泉兩度游

三萬六千頃茫茫笠澤漁蒹葭一洞潮雲樹自蕭疏可

許天涯容相從湖上居扁舟他日訪歸隱願非虛

送顏義宣大令受代還桂林

金武祥

信有絃歌化賢哉仰子游斯才非百里餘事亦千秋珠

玉連篇富珊瑚一網收壬午分校得士稱盛望眉多傑句引我快

勤搜所刊望眉草堂集余採入近刻中

金石心同契文章名不虛君舉貴州鄉試第一循良民事亟風雅

俗情疏棠憩傳興誦梅開感索居息交聊閉戶經籍好

冰泉唱和集

佃漁

丁亥六月張丹叔方伯赴任桂林道出梧州觴之

於冰井寺承用舊韻贈詩次和四首

金武祥

觴詠西園盛潮陽憶昔遊惠潮道署有西園方伯在任時觴詠頗盛祥亦與焉

猷遍江海回首幾春秋絕島波濤靜炎荒瘴癘收烏臺

今按部治譜試重搜

嶺石推三傑循良信不虛前官粵西與徐鹿兩中丞同以守令膺上考時稱三傑

盟心壺自澈執法網仍疏水旱諮民瘼山河拱

帝居黑頭看早達漫羨涓濱漁

漫叟傳遺蹟遙遙繼宦游詩人亦循吏相望各千秋雨

澤隨車應到梧州時道憂早得雨風謠入境收冰泉銘在否攷古

更勇搜

貨弩情方切題襟願不虛敢誇詩律細祇愧吏才疏嶺

外談游蹟江南憶故居酒酣鄉語熟情話到樵漁

十月十日恭逢

冰泉唱和集

慈禧皇太后萬壽聖誕蒼梧令洪君小蕃招集署齋聯

詠爰依冰井寺舊韻成五律二首

金武祥

欣值慶成節舊唐書開元十七年請以誕日為千秋節太和七年請以十月十日為慶成節上誕

日良辰作勝游陽和逢十月

慈壽祝千秋但有琴樽樂何妨鼓吹收重循金谷例舊

事費旁搜來啟有酒數則罰依梓澤之句

慈邑傳佳詠前權藤縣刻望江樓唱和詩江樓四望虛甘棠還蔽芾

56 411

晚菊正蕭疏鑿井傳冰潔開軒傍水居新闢小軒要看下臨池水

賢令尹新政肅肯漁

戊子冬月蔣筠軒太守由桂林調署南甯甯過梧和

冰井寺詩次韻奉答

金武祥

桂筦連邕筦炎荒遍宦遊歡顏開廣夏清節勵高秋結

草重泉感擣蒲五夜收

守桂林時歸旅概八

拾牙逢

盛典珊瑚網快勤搜

本年鄉試充內監試

冰泉唱和集

五

屈指三年別重逢願不虛萍蹤欣再聚梅訊未曾疎乙酉

別後音

問時通循蹟人爭羨驛堦我敢居風塵猶未已時余將調省局

為仕愧為漁用成句

張南村大令道出梧州和冰井寺詩次韻奉答

金武祥

憶昔博沙聚言從八桂游

壬午年曾於桂林一晤

傾心一相見同

首幾經秋

帝簡恩綸錫人才夾袋收

粵西中丞以君政績入告奉旨嘉獎

淒然感

知己著述為勤搜與周酌叔都轉相契最早存其遺器甚夥

歷歷循良績傳聞名不虛匡時君可屬涉世我偏疏久

聽河陽頌長懷彭澤居芙蓉江上路舊業問耕漁傲居名芙蓉

江泰

全淮生同轉招飲冰井寺即席留別

張聯桂

為尋冰井溯唐賢勝地相逢是別筵雲氣黑垂經閣外

山光青到酒杯前出林好鳥聲先樂入饌嘉魚味更鮮

冰泉唱和集

六

握手殷勤留後約再來時值菊花天

和元韻

金武祥

片石千秋訪古賢寒泉一勺薦離筵論文恰值開樽後

感事還容借箸前的樂垂簷紅荔熟芬芳入座碧筒鮮

清風更送隨車雨難得涼生六月天

買陂塘乙酉季春送粟香之梧州

山陰汪 瓊美生

趁春風片颿千里綠波剛皺南浦篷窗安穩郵籤緩不
比匆匆行旅吟舊句認歷歷江山都是曾經處新詩漫
與看煙峽峯青岸柯水綠重到嶺西路 離筵畔休讀
文通小賦浮蹤容易萍聚如聞曹務優閒甚一任輕裝
來去君記取好點筆新亭且作逋翁語 願况知新亭隨
監日吾欲貌海
也 中山 未妨小住待荔熟綃紅蒲分釀碧東下作重午
前調 用前韻酬穀庵

金武祥

冰泉唱和集

十七

笑年年泮河西上雪鴻猶記前度生綃畫出征帆遠 象九

大令爲作鴛江鴻雪圖 不盡蒼茫烟樹添別緒况潭水桃花聽唱

銷魂句頻來訪古恰水井泉香火山雲罨吟稿待重補

嗟行役六載難商去住蒹蘆歸夢無據蠻荒且喜消

氛稔好紀歲時風土橫覽處看形勢天南鎖鑰二三固

徘徊起舞正銅柱銘勳金牌趣召聞道格干羽

滿江紅 江樓秋眺寄懷粟香梧州

汪琮

搖落江干更來趁斜陽倚樓闌干外有人西去此水東
流白菊年光花晚晚蒼梧古意客淹留正相思玉笛忽
飛聲無限愁 滄浪詠誰與酬呼塞雁喚沙鷗甚楚騷
清怨短棹存猶霜日分明楓葉岸烟波遠近木蘭舟問
今宵涼月照天涯何處秋

冰泉唱和集

六

續和

晉甯宋廷樑梓儂

炎微懷循吏冰泉紀勝游清時一觴詠佳日幾春秋舊

迹雪泥賸新詩珠玉收惠通泉一酌時君方遺蹟試重

搜

漫叟銘辭古尋碑野寺虛次山冰井碑銘久佚貞珉君補勒游屐

我偏疏山水驚知已星霜感索居入林期把臂何日侶

樵漁

冰泉唱和集

續和

一

臨桂丁 墟枚卿

不盡滄桑感卅年懷舊游余自壬戌秋闈道出梧江時兵燹甫經流亡未復今則昇

平久矣關山回望遠歲序幾經秋白象殊方貢越南類年真象必經

梧紅羊浩叔收清時誰傑出大匠正旁搜

觴詠羣賢集豪情薄太虛心關民瘼切視欲吏疏

木疏句著作千秋想瑯環一室居和羹儲望重未便隱

樵漁

番禺徐紹楨固卿

記得城東路招邀此勝遊泉聲流夕照山色弄深秋黃

葉落難盡寒雲散不收漫亭在何許遺跡為窮搜

海內文章伯才名動六虛獨憐詩律細頗怪俗情疏宏

景真仙吏陶潛舊隱居往來有詞客唱和效樵漁

一棹韓江渡淒涼作遠遊依人驚歲月惜別幾春秋亦

有山川好更無圖畫收往遊冰泉陳大令象九吾兄季同均為繪圖記之中宵

餘短夢辛苦一尋搜

千里傳詩卷披吟興不虛諸公皆俊逸賤子愧拙疏至

冰泉唱和集

續和

二

日仍為客頻年感索居何當一尊酒重與話樵漁

臨桂周德溥星伯

卅載經過地題詩憶舊遊白雲蕭寺晚紅葉亂山秋古

井寒泉漱奚囊妙句收朋簪高會日銘碣費研搜

劫火凋殘後亭荒碧檻虛名區近修葺清景舊蕭疏詩

酒留佳話烟霞感故居頻年事戎馬翻羨隔江漁

山陰傅鍾麟越石

芥莽蒼梧野聯吟恣勝遊城依江瀨曲山抱寺門秋河

嶽英光集風雲健筆收銘詞臨漫叟訪古細窮搜

補筆標雲麓危亭倚碧虛冰清臣節苦井渫俗情疏經

略來容管招提勝隱居江光與山色領畧讓樵漁

龍巖謝若潮墓韓

攬盡梧州勝冰泉重此遊銘辭餘片碣韻事足千秋

詠長亭建江山好句收唐賢遺蹟在考證費旁搜

雖集高歌倡聯吟興匪虛烟霞原痼癖雲樹自扶疏詩

卷勞遙寄炎天帳索居何時欣御李相與話樵漁

冰泉唱和集續和

三

都昌李乘時秀峯

見說冰泉勝因之一夢遊別懷長似夜詩思淡於秋山

兩暮仍在海雲朝未收遙遙兩相望古蹟始人搜

山水吾成癖登臨願總虛窮愁人意倦老大宦情疏村

叟談興廢鄰僧問起居漫亭如有待暫別蠡湖漁

仁和譚獻仲脩

嶺表神交寄何曾阻勝游山川壽文字會合送春秋尙

友遙如見予心澹不收讀碑佗日事歐趙待重按

吏用文章飾如流受以虛懸冰宵共潔汲履井先疏出

已通民隱歸猶與古居入林思把臂不釣竟忘漁

江陰謝光綺方山

勝地傳冰井曾從逆旅游寒泉凝似雪陽月淨如秋

十畫境隨心觸詩材過眼收漫亭依舊好銘勒快重搜

之子同州里幽懷若谷虛多因求古篤轉覺就官疏獨

擅名山富偏憐瘴海居芙蓉江水好何日約歸漁

嘉興吳受福進軒

冰泉唱和集續和

四

昔我蚤隨宦蒼梧未待游

福髻齡卽隨先君之官粵東十年楚北半年後侍家

母旋里迨歲丙寅先君由豫撫解任乞假省墓未基

詔起先君於家開府粵西不兩月而奉諱言之痛

心卅年驚一瞬先澤逸千秋稷事圖中覓

陳象九大令繪有冰泉脩

自讀容齋筆天涯悵望虛

前年在李子長舍親家得讀粟香隨筆欽遲久之今已續

筆矣不虞涉吾地相遇竟非疏漫叟蹤仙吏惠泉鄰故

居出山常不濁豈爲戀樵漁

江陰夏孫桐閎枝

天南山水窟遲我十年遊

今年遊嶺東西曾至梧州訪冰井見補刻冰泉銘碑

石欲相語四時常若秋炎荒壇坵著冷味井泉收好繼

驂鸞錄多君軼事搜

耳熟題襟集俊遊良不虛名山雖面識舊雨惜緣疏感

慨登樓賦商量負郭居松陵能結侶息壤問江漁

陽湖劉炳照光瑞

聞說蒼梧勝因之憶昔遊清泉與終古片石亦千秋邱

壑胸中具烟雲腕底收循聲繼漫叟遺蹟待重搜

冰泉唱和集

續和

五

才本如江大懷偏若谷虛文章遙結契蹤跡不嫌疏此

日重相別何時共卜居故鄉聯雅集閒語到樵漁

長沙魏傳熙紫菀

漫安去千載公來續雅游羣賢競觴詠佳日送春秋珠

玉簫章綴烟雲几席收無緣與斯會詩境耐冥搜

一帙還相覘三年報尚虛

拜讀唱和集已三年

先施歌醉飽雅愛

忽慵疏寰海幾甯宇風塵無定居

時甲午嘉平月

何當選把臂

同訂武陵漁

山陰史悠咸澤山

漫郎舊臨郡事往溯清游一勺漱寒玉千峯含古秋林

虛落葉靜地僻塵襟收屐齒風流接殘碑應重搜

美人為政繼勝覽俯清虛苔古松陰積泉香石竇疏着

言契幽尚卽事擬仙居嘉什慮高興垂綸欲羨漁

冰泉唱和集

續和

六

合肥李經畚滸洲

蠶市蛟宮外多君久宦游神交京國遠快晤廣陵秋

庚辰

在京卽聞君名丙申八月始於揚州觀面佳句奚囊富奇才藥籠收嶺南威

文物新著幾研搜

舊題冰井寺脩綆汲清虛歸去開三徑風流似兩疏炎

荒留政譜大岸樂林居何處爭蹤跡披裘五月漁

宜興蔣兆蘭南笙

嶺外人歸也馳書話昔游水涵冰井古雲壓漫亭秋壇

冰泉唱和集

續和

七

玷羣賢集琳瑯一卷收銘詞還補勒蠹簡爲頻搜

循吏兼詞客馳聲信不虛家貧生計拙身老宦情疏漫

叟真同調元卿正索居相期泛汧涸閒看雪中漁

汧涸雪簑

爲荆溪十景之一

續和

兩當黃 恩子惠

僻性愛寒潔玉泉常獨遊相違已萬里不見又三秋
海暑尤甚蠻山瘴不收劇憐冰井上幽勝日頻搜

漫叟一歸後名山千載虛烟雲護持久車馬往來疏
竟被先生得不容餘子居何當泛舟去學作問津漁

武進李寶潛溼鷺

炎荒旌節地漫叟此曾遊古井甘逾醴虛亭迥欲秋

冰泉唱和集 再續和

泉猶更澤篇什雅人收恍入西崑座新詞一律搜

境與人俱遠猶愁想象虛得窺千頃度始愧咫聞疏沈

博虞初志

君所著說部積數十冊

經營楊子居

君旋里方覓寓齋

吏才偏

脫俗名士半樵漁

陽湖談理熙彼蓮

花落公庭靜言尋隙地遊山深堪避俗泉冷不知秋作

吏才名重同儕韻事收新詩與奇景一一錦囊搜

數載高山仰奇才信不虛得閒遊屐遍有道宦情疏珠

玉千行吐瑯環一室居陶然彭澤宰蹤跡半樵漁

江陰殷葆誠亦平

一卷琳瑯什蒼梧紀勝遊人增山水色泉閣古今秋
贈答寰中滿雲烟筆底收幾時炎徼外好景按圖搜

題糕復修禊雅集歲無虛贏得詩篇富何嘗吏治疏
風流推老輩幽邃擬仙居劇羨閒僧樂山樵復水漁

憶昔垂髫日曾從粵海遊論交原兩世高誼足千秋
金

石銘詞古珊瑚鐵網收餒生慚繼述先集未能搜
先高祖會

冰泉唱和集 再續和

詹公詩文稿梓行已久兵燹後散佚無存

金粟文章鉅才高壓子虛經猷真學問著作異空疎
樂

善承先德成功恥自居他年勳業茂定邁渭濱漁

彰化施葆修靜山

覓說佳山水豪情快壯游泉源通古井詩緒入高秋
勝

蹟千年在奇觀一卷收灘江思鼓棹別薛碣重搜

藍羨生花筆登高賦不虛雅懷憑俯仰宦境自蕭疏
舊

兩廡同調 周星伯刺史前在岑襄勤幕中同事 秋風感索居天涯知己在

何事侶樵漁

陽湖陳 煥叔明

勝地因時著遐思托夢遊河山閱今古人事易春秋雅

會琴樽共名編珠玉收西江一回首佳境未尋搜兩寅歲隨

龔靜軒學使試羅定地隣梧郡未獲一攬冰泉之勝撫今思昔能無悵然

與君未謀面想望願終虛自有性情合還嫌形迹疏五

編宏著作大著粟香五筆傳頌一時三徑卜隣居君寄寓毘陵子亦即擬旋里擬

買江東櫂扁舟濶老漁

冰泉唱和集 再續和

三

長汀胡 鑿衡齋

一曲鴛鴦水蒼梧是替遊離聲流日夜山色變春秋勝

迹未遑問圖經聞已收羨公多古意佳趣任旁搜

攬勝親風雅才名信不虛祇因吟興愜便與俗情疏良

友紛投贈佳章慰索居斯遊終未遂慚愧武陵漁

長汀胡 欽德齋

登寺尋盤道方雄飛乘閒是勝遊司空表聖吟生萬井月李深

入亂山秋李咸谷口疏鐘動王摩詰天邊宿霧收于良泉

源通石壁劉文亦可縱冥搜社子美

海內存知已王子安無勞獻子虛王摩詰升沈應已定李太白

名利本來疏司空表聖惟昔集嘉詠韓昌黎前山有故居溫飛卿

南中雖可悅宋延清何處狎樵漁杜子美

南城劉慶崧聘孫

舊有冰泉約諸公先我遊壺觴開九日羣屐足千秋思

古幽情發連篇好句收漫翁題榻在遺蹟記會搜庚寅秋起

濟甯孫公左江之聘曾訪其處

冰泉唱和集 再續和

四

最憶西行日生平願不虛江山隨地好蹤跡俗人疏便

作騷鸞想真宜結屋居至今紫夢寐中隱寄樵漁

濟甯郭樹榕壽農

山寺卽仙境多君紀勝遊名賢自今古高會集春秋宦

迹塵心滌奚囊佳句收粟香饒軼事銘石合重搜

愧我塵勞久澄心仰太虛高風甯世匹勝迹悵緣疏何

處江湖地委懷水竹居會當把君臂遜跡學樵漁

桐城姚永槩叔節

丙申九月于揚州喜晤淮生仁丈奉陪泛舟游

平山堂承垂詢敝縣諸老踪跡謹奉二詩敬次

冰泉唱和原韻

平山堂下路九月伴清游孤艇搖殘日遠峯橫素秋菊

寒村婦擔瓜熟小童收欲就僧寮飲齋厨未可搜

龍眠數耆舊文學繼潛虛問我名都記知公興未疏江

湖多旅食田舍孰安居他日荒江上高蹤問老漁

冰泉唱和集

再續和

五

寶山陳如升同叔

瘴雨蠻烟地頻年紀勝游山深仕兼隱泉冷夏如秋人

物三唐繼江山一望收潺潺流不竭古蹟羨勤搜

稷事今堪續韶光度不虛雖無絲竹盛莫放酒尊疏遺

蹟懷前哲幽棲擬隱居桃源真不遠吾願學爲漁

江陰陳熙治翔翰

萬里炎荒路騷人此宦游唐賢有遺蹟憑弔閱千秋勝

會賓僚集奇觀眼盼收漫泉亭在否策杖試窮搜

陳蹟渺難覩登臨願久虛荒苔空落暮古樹自蕭疏碑

碣緇遺墨軒楹拓舊居閒時其凭眺把臂話樵漁

金匱華世芳若溪

嶺表人歸後蒼梧話舊游寒泉分一勺斷碣足千秋觴

詠山中集煙雲郭外收銘詞今補讀四字佚文搜

訪得名賢蹟斯游信不虛天教詩卷富人訝宦情疏空

有歸田願難營近市居出山泉水好何事溷樵漁

陽湖程炳熙芝巖

冰泉唱和集

再續和

六

曠代名流意文章借勝游鑲冰滌炎徼汲稊散涼秋韻

事蠻荒占瓌詞海內收枯腸脣青眼往跡爲遐搜

梧州東郭寺雲氣靄空虛漫叟風流渺先生俗慮疏桂

江榮別夢荔浦卜新居吏隱自高躅應嗤大澤漁

陽湖史悠撫季育

一卷蒙君貺開編當卧游雲山都入畫冰井幾經秋世

上浮名幻尊前好景收獨存稽古意碑碣爲尋搜

夙昔神交久瞻韓願不虛如公眞磊落而我愧犇疏觴

詠遙堪繼文近返里門屢開文酒林泉暫卜居聞丈亦擬卜宅

雲會當肩大任未許戀樵漁

陽湖劉 權淮生

漫叟忽千載茲山嗣雅游名泉依野寺高詠發清秋元

氣無銷歇詩才要輯收多公重風雅荒微細尋搜

曠代師儒雅蕭條感不虛辨香申仰止石篆補殘疏白

髮老詞客滄江舊隱居天南重回首為問武陵漁

江陰繆九疇書屏

冰泉唱和集 再續和

七

蚤歲欽公望傳聞粵徼游歸來才數稔著作富千秋大

筆容齋續新詞薄海收棗梨真不朽津逮賴冥搜

鍾山一簷仰公送哲嗣伯豫茂才秋試寓鍾山講舍始得瞻仰者碩信非虛蹤

迹逾三管功名謝二疏門高通德里地接子雲居敝居申浦

距公里大岸甚近猶繫蒼生望何庸溷老漁

武進沈同芳友卿

蒼梧不可接漫叟此曾游勝蹟千年迴伊人 水秋訪

碑成別錄得何儘兼收恍有遺珠憾重經珊網搜癸巳會題

七古一章稿已佚茲復補和

聖明正宵旰前席本無虛此集足千古知幾方二疏生

當羣島沸子欲九夷居尙待手援溺後車載老漁時有詔

開經濟科於招隱之詞忽作勸駕之語得毋啞然笑耶

冰泉唱和集 再續和

八

附重建漫泉亭記

梧州東郭外二里許有古寺以冰井名井在寺西北清而甘寒大旱勿竭唐容管經略使元次山過此爲之銘今銘詞載志乘而石已佚井故有亭曰漫泉亭乾隆時李少鶴觀察詩序以爲宋紹興間太守任君所建亭久圯府縣志或云在寺後或云覆井上近世乃於寺內建亭當之失其舊矣井離寺數百步復隔小澗城內外汲水者趾錯於道風雨烈日苦無憩止所光緒戊子武

冰泉唱和集

附錄

一

祥監嵯嶺右商之梧州守陳可亭觀察倡首捐廉蒼梧令顧紫封司馬及沿牒于茲者亦各醮資建亭以復其舊復補勒銘詞于石庶攷古者得所依據而往來行汲亦可小休飲水思源徘徊陳迹于以知循吏之澤歷千餘年而不衰登斯亭者可以感矣光緒十四年十月江陰金武祥

考元次山集無冰井銘而全唐文載之並序云蒼梧郡城東二三里有泉出焉在郭中清而甘寒若冰在

盛暑之候蒼梧之人得救暍泉與火山相對故命之

曰冰泉以變舊俗銘曰火山無火冰井無冰惟彼泉

源此四字諸本俱無惟全唐文載之蒼梧縣志實本于此甘寒可凝鑄金磨石

篆刻此銘置之泉上彰厥後生共三十二字梧州府

志云復齋碑錄及王象之輿地碑記全銘俱闕四字

復齋作其寒象之作甘寒應從甘寒爲是云云余按

銘字諸本尙有不同者冰井無冰句井或作泉甘寒

可疑句凝或作徵

冰泉唱和集

附錄

二

冰泉贊 并敘

胡念修 右階

粵有巨瀆三日黔曰鬱曰桂黔在北為右江鬱在南為左江而桂即離江古稱湘離同源分流者也桂自北而南經梧州適與西南來之黔鬱皆會於城西由城西折而東冰泉在焉昔元次山經畧容管來蒞茲邦蓬萊仙吏清風颯然嶺嶠蠻荒赤地燠若剖瓜栝藕曾無咸池之游逐日傾河幾兆鄧林之暘乃就其地鑿井以利邦人更刻銘辭垂之久遠至宋紹興太守任公為建漫泉

冰泉唱和集 贊

一

之亭亭東南故有寺曰冰井以泉得名也斯泉也蒼三江之精液涌萬斛之靈源澄潭激玉廉讓同芬瘦石疑寒堅貞筮固蒼雲變幻青燐蕭條斷碣卧於空亭疏鐘咽於古刹興廢靡常今昔共慨而惟此寒流一泓不天桑田之劫黝登三尺恍見靈光之巍豈非天地有知撫勝境而自惜山川無恙藉高賢而長留者乎寺久興復井銘缺如亭移寺中尤失攷證將使黃河古道遷地沿訛赤壁盛名同稱漫指前構無徵遺恨何極及 金丈

桂生權巖於此釀春同僚築亭故址千載闕寂乃還舊觀蘭亭陳迹重振於右軍嶧山殘碑新摩於騎省高會置酒希蹤鏡水之遊佳詠伸懷嗣響篋中之集在山一勺能助詩清及泉九仞應思源遠庶幾井寒漱齒來作桂海慈雲亭涼瀉珠永變火山舊俗贊曰

蒼梧之野大荒之南赤水經地翼軫司天戶曰北嚮嶺迺西嶼無冬無夏火雲上炎惟彼冰泉沁脾瀝膽清比玉壺涼招球檻石門罷貪冲霄絕燄瘴海蠻烟鎮此坎

冰泉唱和集 贊

二

皆

書冰泉訪古圖後

莊生先生監饒梧州之二年既刻唐容管經略使元公漫郎銘於冰泉而復補建宋故太守任公漫泉亭於水次後十年而以冰泉訪古圖示可毅夫漫郎際大厯之盛樹灘江之節威德遠邇驩愛咸被不於此時勒頌崖石張詞烟垌獨拳拳蒼梧一郡負郭一勺豈不以炎微之俗柳嶺之南濕蒸成菌瘴癘爲國惟冰泉者可以滌煩慮祛熱中士君子挹之則清明在躬其鄉曲寡識亦

冰泉唱和集

圖後

一

藉灌溉榛翳開洗胸臆書曰作新民此之謂乎而前後千百年大藤之間思州之域果蠶聚豨突發揚遑厲不可遏小則夷城擗邑大且毒痛四海稽討延戮窮數十紀一再爲亂旋旋旋葉將毋在上者以苟撫爲得計以禽渠掃穴爲威烈弓矢旣棄教養仍失何以蕩彼腥俗湔我皇化然則漫郎之銘泉任公之築漫泉亭與先生之補銘築亭清操繩後先相因其有意乎而漫郎秉鉞西南生際隆威發抒意氣休養閭里取鑿止水自當

其義卽任公以賢守來郡踵漫郎之跡因寄所託景仰

前徽自砥官常復與民更始官斯土者又豈不直然而先生以一寓公臨梧但使牢盆之入如舊番禺之筭無損官綜其治而民樂其利則陽朔山水春秋明晦每當佳樹發榮時鳥變聲攜酒出郊脫幘踞地江綦如鏡草細如茵何歡不騰何屐不樂而必斤斤焉補銘築亭此何爲者也今者先生去梧未十年海西人攘梧爲互市地風物無恙山川未改而碧瞳高冠之種植杖僂視飛

冰泉唱和集

圖後

二

車潛舟之制腹地四達問猶有徘徊準提之寺行吟水井之旁大雲萬山搏江不飛小橋一弓涉礪自鏡流連於斯泉斯亭以俯仰古今者乎然則漫郎之銘任公之亭有先生彰之而機械日滋大雅恐墜後有作者無能爲先生之續但撫斯圖而益惻然也光緒戊戌首夏武進劉可毅

跋

右冰泉唱和集一卷江陰金泚生先生權龔梧州與朋輩更唱迭和之作也先生于役三江荏苒四載簿書多暇蘆浦成編水火拯災茆檐遍惠固已善可娛親廉堪勵俗矣維此梧郡實為勝區先生弄月鐔江訪碑都嶠登白鶴之岡入青蛇之廟望趙佗之劍氣辨劉張之鐘銘爰飲冰泉來尋古寺俯仰循跡曲暢游情暇日假以銷憂懷舊摠其蓄念而況暮春三月涼風九秋秉簡於

冰泉唱和集

沈跋

一

水暝烟初采菊於霜晨月晚莫不佳節毋負間情倍忻孤懷互投幽緒迭引宜其風希逸少雅慕流觴狂逾孟嘉都忘落帽也已加以輞川覓句慣事沈吟蘭陵賦詩不妨贈荅唱驪歌而已歇附驥尾而益彰所由玉夏金鏘高誦靡倦露鈔雪篋大集哀成著作一編風流千古若夫尋漫亭之勝頓復舊觀勒次山之銘重摹古篆一椽小築憩止行汲之人片碣長存繼繼來游之客斯宜謳吟之澤遠豈惟文字之緣深寶樞流覽圖經心儀韻

事仁披行卷頓豁蘭襟三復清詞如遊桂管淵源可溯

允同南嶽之篇酬唱羣推曷愧西崑之集爰於簡末綴此蕪言匪日能文以識嚮往云爾己丑冬十一月番禺

沈寶樞跋

冰泉唱和集

沈跋

二

書後

柳子厚云蘭亭不遭右軍則清湍修竹蕪沒於空山是
知名區勝境歲久沈毀必賴後之人能修舉表彰之又
得託諸篇什斯陳迹藉以永久觀柳永諸州山水特有
記序而至今猶如親歷柳子之言洵不誣哉吾友金子
淮生具濟世才尤擅風雅宦粵十餘年從公之暇著述
日富嘗沿牒桂林所至窮覽山川之勝作詩一卷清峭
幽邃有漁洋蜀道鷺尾諸集風範予曾飽讀而選錄之
冰泉唱和集

書後

一

梧莢之役居梧數年第知飲泉而甘於冰井寺亦一二
至而足蹇力疲興盡輒返又素未嫻詩律緣是久貽林
泉之媿以視君之能怡情適性惠足及人其雅俗勤怠
為何如哉君今攝赤溪廳事海濱風土俗尚異宜城郭
人民商賈異制舊未有哀集成書者君臨行言將搜輯
遺佚與所聞見勒爲一編以備他日採風問俗之助吾
知是書也成當與桂海虞衡嶺外代荅諸書媲美不僅
歌詠流連供一時吟賞已也予老且病尤以先覩爲幸
冰泉唱和集

書後

二

焉遂書冰泉集後以爲異日券光緒十六年庚寅季冬
嘉興沈宗濟

書後

余友金君澐生以鹽運同需次嶺南廣西全省食粵鹽網運最艱重設局梧州監之光緒乙酉君司其事梧東郭有冰井唐元次山為容管經略使時磨石勒銘詞佚久矣君為補刻於石井旁有寺故遊讌地君常與賓從觴詠於此錄其唱和之詩及友朋投贈之作都為冰泉唱和集序之者六七人皆能藻績雅懷鋪揚高致美哉辭也嗣焜竊惟次山有文武才沈浮人間之日久一出

冰泉唱和集

書後

三

而獻議軒陛全城討賊勦效爛然再起南陲撫順荒餘八州綏定其所設施於軍國者甚偉後人因冰井之銘浯溪之頌幾以文人學士結習視之而次山之志行隱矣往者君兄逸亭廉訪率師辦賊君亦出入兵間癸未甲申間越南事起環海騷然嗣焜方參兩廣莫府攘外綏內勢棘言厯岌岌不可終日每與君縱論事變未嘗不卹乎厘次山議野之憂然則君之仰企漫亭摩挲陳迹自有抗懷希古於詩酒文翰之外者而斯集特其寄

焉云爾光緒十九年六月武進何嗣焜

冰泉唱和集

書後

四




人定勝天

聞集

汪洵書

端



辛丑七夕

栗香室刊

序

莊生先生儒林丈人詞壇尊宿明月天抱結唾不埃積
 霞貯顏照座皆暖今春二月陪謙適園初承履綦亟宜
 饑渴幸褚亮之晚出得預勝流許丁廋是知音竊疑過
 聽壹美為樂此生無恨會有冰泉唱和閣集之刻命綴
 小文以代幽贊蓋先生壯年仕宦建旂天南聽灘江之
 清謳步次山之逸軌明漪濯魄疊石圍贅幽蹊引跌搜
 苔補碣拾墜歡於榛莽披茂製於蘭苕酬倡編早播
 冰泉唱和閣集 一 序
 海內自尋初服益濬靈襟十日裹糧百錢租艇問津北
 郭結鄰東園茶竈筆牀攜天隨之具隱囊阜帽款管甯
 之廬讀雪飲冰古懷遙契矣歲在著雍序當春閏灑掃
 芳榭展飲禊辰輒草為茵萬綠如醉禳花迸乳羣瀝欲
 仙於以放端愛發妍唱萃青霞之儔傲白雪之和出入
 懷袖又復哀然先生因披衆製睠念前游江上芙蓉忽
 思遠道夢中荔子猶噉餘津歲已眨夫一星秋漸染乎
 兩鬢賓客歡讌不忘南皮之游巾裕清譚有感西洛之

會淋漓泉石簫翰常新評泊風花觴匏又續蓋不勝懷
 舊之思逝華之慨焉然而滄海為家登臨亦寄陽春召
 我煙景皆同味餼菜而情長覺家山之夢好先生既邁
 往不屑恥步勢階冶黃金而鑄范蠡指青山而懷謝眺
 春醪晨釀秋琴夕涼俊侶二三訂隻雞軟局險韻八九
 禿狡兔瘦毫暑逍遙之公忘風波之路以今視昔其勞
 逸為何如也是則茲集之成可以紀塵外之蹤狀霞表
 之致小山招隱大雅扶輪固不僅知已欣聯繼松陵之

冰泉唱和閣集

序

二

別派古賢可抗題樂城之後編已也昌煦行勝小池別
 緒又棼白雲在天紫驕嘶陌悵薜蘿之在眼狷楮墨以
 據懷化日者布帆重抽松塢可訪造門撰杖捧手麗公
 之牀煮酒論詩則名知章之社山靈儻諾後約無忘言
 之悵恨書此為券己亥夏五元和潘昌煦拜序於暨陽
 官舍

題詞

鐵嶺鄭文焯叔問

闔玉花田題瓊梅嶺新詞繡偏蠻弓夢換羅衣倦懷鳥

帽塵籠故山落盡餘醺雪怕燕歸還誤東風漫銷凝暗

草池尊亂葉樓鐘蒼梧舊蹟迨遺賞憶呼猿煙語招

鶴雲蹤一掬寒湫采珠應歎江空袖中重見滄洲臺倩

夜絃彈淚蛟宮感年芳紅雨枕椰碧月芙蓉高陽臺

吳縣曹毓秀實甫

冰泉唱和閩集

題詞

一
皓石臺空窳樽亭圯尙留古井蒼梧地一泓秋水冷於

冰鬢絲曾照猗玗子替補銘詞重脩題記天南萬里

膠鷲至訪碑人踏綠蘿烟恐伊誤仞貞元字寶刻類編云冰泉銘

貞元十二年正月十六日草武重書踏莎行

武進莊寶澗仲芳

走炎荒偶來驄馬題名猶說冰井土花寒雨柵碑讀汲

古倩君修綆君莫問只鴈語秋邊一爪糗餽認蒼梧宦

隱湖漫叟疏泉漫亭選石詩骨至今冷容江路自古

才人管領程侯聞又觴詠海天回首滄波急指點晚潮

烟艇勞寄訊正小火紅泥自煮斂頭茗澗贊持贈想神

雪琴名橫琴響霞製譜風味玉壺永摸魚子

仁和張上蘇泚純

帝子靈旗才人簿領大雲橫碧蠻歌掩抑月落枕椰殘

笛采江離奇石袖歸嶺梅笑折圖畫識似西園雅集南

皮高會玉尊滄臆溪山別後攜美酒蘭陵倚闌重拍

鯨綃繡句苦為名泉留客撥蒼雲古苔弄春漫亭墨雨

冰泉唱和閩集

題詞

二
珠亂滴賸相思老鶴招來夢影成歎息月下笛用片玉韻

上元宗彭年子容

甚西風吹冷宦游心寒泉靜無波自漫郎去後裁賤人
杳誰共吟哦天與在山清福老去一漁簑漫說西湖勝
喚起東坡 猶有詩人重到怪蠻花閱徧醉不成歌悵
殘碑難覓著意寫烟蘿待掬取清流細問問冰心可比
玉壺多空搔首舊題詩處有夢經過 八聲甘州

冰泉唱和閣集

戊戌閏三月三日招同華若溪院長憚次遠侍郎

劉葆真編修張筱圃沈友卿兩吉士惲叔譽呂

幼齡兩孝廉陶蘭泉太守李經畦刺史集讀雪

山房用昔年冰泉脩禊原韻

江陰金武祥注生

佳節聯佳會炎荒憶舊游風光又三月鴈詠各千秋業

未名山副帆應宦海收因緣懷讀雪遺集為勤搜蘊山堂詩

冰泉唱和閣集

一

古文粟香室所藏為海內僅有之本癸巳年贈武進令

吳君曜堂重梓之余復為刻唐詩選序例入叢書中

悟徹浮生夢為歡願不虛漫矜詩律細莫放酒杯疏磊

落雲行志時發岡友卿將入都散館蕭閒木石居只愁桑海變欲問

武陵漁

無錫華世芳荅

莫放良辰過重尋水游招邀入城市瀟灑送春秋裙

履一時集風雲四壁收更欣腰腳健鉛槧幾回搜

四海潭如沸升平望轉虛宦情君本澹詩律我偏疏魄

編尊中酒徜徉物外居雲泥何足計行樂趁樵漁

陽湖呂景端幼齡

商峇花前醉招要杜左游壺觴賡上已談矇足陽秋舊

雨歡無極春陰澹不收飄蕭左芬集多感為重搜席間見贈

先曾祖姑母緣雲山房遺稿亂後所僅睹者

滄海橫流日抽簪願不虛人如詩筆健天與宦情疏梧

井初編集冰泉和詩日富黎牀近卜居新寓管氏讀雪山房定知

盟息壤容我侶樵漁

冰泉唱和閣集

二

陽湖張鶴齡筱圃

上已剛逢閏招邀續曩游冰泉自終古詩集亦千秋勝

賞天涯羨名篇例外收丈所為冰泉詩屬和徧海內既錄成集其他名人投贈及丈酬

詩每用冰泉原韻因編閣集亦附收之為著其例於此宗風依大庾故事喜旁搜

八載山房住良辰總不虛壺觴重號召花木向清疏丈居

大岸單舸來城帆信宿管氏讀雪山房余往時賃廡于此者八年韓子潮州宦坡公陽

羨居不須論出處吾亦欲樵漁

武進李寶潛經畦

祓禊延芳序嬉春萃勝游朋簪人競爽晴雨氣宜秋年

騫驚心換韶華著眼收蘭亭無此會韻事費重搜

行樂浮生事茲辰不可虛深杯紅斂澹一樹碧扶疏鯨

鱗嗟何極為魚任所居仔肩公等在吾欲訪谿漁

江陰金兆芝伯豫

趨庭有餘暇恍侍曲江游觴詠延芳序風光近麥秋名

山勤著述福地富藏收更喜花亭泰還從月令搜月令廣義

閏三月為花亭泰

冰泉唱和闈集

三

得意春風客從容奏子虛時屆春闈即將發榜時艱經濟急計拙

友朋疏未遂干問厦聊營十畝居 朝廷示恩信官吏

敢侵漁時行昭信票並徵間架稅

吳江李葆恩詠裳以下續和

嶺嶠歸來後風塵倦宦游圖書羅萬卷著述足千秋觴

詠怡情慣煙雲過眼收珂鄉文獻富鉛槧待勤搜

歸說炎荒地甘棠頌不虛君宦嶺南頗多惠政至今猶切去思開樽常慕

孔解組卻同疏五畝柴桑宅三分水竹居超然名利外

小隱湖樵漁

秀水沈景脩蒙叔

一向新亭淚聊為乘湖游名山高踞席老筆健橫秋帆

卸風波定碁枯黑白收等身宏著述讀雪稟珍搜

十載神交久綠燈把臂虛羨君情澹蕩愧我性迂疏風

鶴傳遙警芝蘭接近居謂詠裳郡博時常聚首世途荆棘滿何處

託樵漁

合江李超瓊楊夫

冰泉唱和闈集

四

夙有冰心在名泉契賞游清風猶可把初服幾經秋赤

岸飄思遠青山眺覽收江干香草滿隨意恣旁搜

詩債頻年負毘陵諾倘虛贖欣通德近治愧說安疏幸

接陳遵坐期尋陸羽居杞憂天地窄苦羨侶樵漁

陽湖劉炳照光珊

不盡黃墟感山房憶舊游天容分片席人已隔千秋此

日空賢集連篇好句收銷魂嗟杜牧遺稿費旁搜君近寓讀

雪山為管蘆山先生青溪才叔廣文舊宅才叔懷才不過客死揚州作借方太守晚有杜牧銷魂之句道

稿散佚君在粵時曾為函索于鄂中瞿廣甫方伯許得
駢文一首入之屠刻常州駢體文錄又以詞九首入之
及極聯入之自著粟香五筆

蘇臺重放權風諾踐非虛夏間過訪吳門好客情仍摯于時許

轉疏且尋詩酒樂遙憶水雲居滄海橫流日垂竿羨老
漁

陽湖趙椿年劍秋

漫郎吟賞地重與事清游露井銀牀曉霜林紺宇秋春
陵行可繼韶渡句同收尚有寒谿水淫樽蹟未搜

冰泉唱和閣集

五

為邦誰美刺吾道有孤虛海國聲猶在江湖計轉疏投
詩紛驛騎作賦擬閒居欲問山淵富相從恣獵漁

武進費念慈肥懷

在甚倚玕子冰泉紀勝游偶然同宦轍吟嘯海天秋泛
宅牽船住君歸嘗租屋不得全家舟宿者兩旬屠敬山以詩寄贈云歸計蕭條祇載書故園十里沒荒蕪思光雅事君須記暫可牽船岸上居亦宅年者舊傳中佳話也就書損俸收悟臺山
色好翠墨待重搜

嘗讀王充論晞噓箸五虛詩篇聊漫與生計總粗疏好

其窪尊飲來詩聲曳居商於如可隱老作讓谿漁

吳縣曹元忠夔一

千年冰井冷再世漫郎游來補泉源句冰泉銘佚惟彼從全唐文補之重延大麻秋輿地碑記曰得銘在大麻十三年平寰宇記作大官仍容府繫集替次山收何必從蘭若
披榛更訪搜

披榛更訪搜

轉歎貞元際蒼梧故碣虛大麻間結撰銘至貞元十二年正月十六日韋武重修并書見寶刻類編先後相距塵二炎荒文字賤名蹟護持
十九年銘石已待重書異哉

冰泉唱和閣集

六

疏安得先生後長為循吏居萊竹堂碑曰有冰泉銘云元結撰貞元十年据知章刻前明尚存葉文莊督兩廣時猶得見之宋以來官斯土者表章力也驂鸞成續錄容我
問樵漁

上元顧雲石公

傾蓋猶堪憶薛廬君往游詩投三徑午門掩六朝秋笑
語潭邊迴烟雲筆底收經今凡幾載復此句同搜

大岸將橫權此行仍恐虛那知杯肆共儼補履纂疏新

箸續相示全書奇可居溪山陽羨好相待狎樵漁時將返荆

溪學舍

丹徒丁立鈞叔衡

冰井今何地先生早倦游高風不再作佳句自千秋讀
雪新吟續毘陵故籍收江鄉好林壑佇倚一筇搜
山塘秋寂寞遊舫笑尊虛書畫饒禪悅賓朋半澗疏自
茲投素分私喜近幽居儻就維摩約扁舟趁早漁

江陰繆荃孫筱珊

綠野尋閒侶蒼梧憶壯游路真行萬里身自定千秋勝

冰泉唱和閣集

七

迹拈珠記新詩束筍收緬懷舊事不惜百回搜

訪勝邀紅友談元慕碧虛論詩心愈細謀食計偏疏驛
館留題句雲溪又卜居怕逢冠蓋客早已混樵漁

陽湖史悠瑞李超

世事多盤錯君偏倦宦游林園餘半畝著述足千秋宅
自柴桑關帆從嶺海收階前有蘭玉舊籍付珍搜

莫負韶光過壺觴座不虛清才君獨擅雅會我偏疏爲
仿蘭亭集遺營水竹居江鄉風景好奚羨五湖漁

陽湖惲毓德叔坤

嶺崎歸來後先生忽倦游蠻荒餘姓字花月選春秋芝
朮香頰結璠璣器盡收君身有金粟都尉可能搜
儒吏成高隱湖山願不虛晚知詩律細健與杖藜疏藝
海曾編棹書城穩卜居柴桑廬可寄樂意證筌漁

陽湖惲毓異季盦

不少烏衣選銅臺續勝游詩人圖笠屐韻語補陽秋凍
雪山窗讀閣雲水榭收丙丁以還屢申談譙望雲水榭讀雪山房皆遊憩之所也長

冰泉唱和閣集

八

源叨小友故事許重搜丈長余三十有二

重盼應官去爲霖願不虛蠻花迎灼灼瘴雨落疏疏友
爲余言嶺南地多瘴氛且有長雨故陰鬱彌甚桂海添
有好官至瘴稍減雨亦稀矣惜忘所引何書
新志林泉關舊居此中多勝業漫羨五湖漁

江陰王潤生慰三

未解熱中趣時來冷處游吟才清過雪宦味澹於秋滿
日泉香漱一襟繡翠收新詩如橄欖倩旨耐人搜
游興蘇和仲歌詞秦太虛肯爲官氣腐任與世情疏笠

屐松陰路瓶笙衲子居塵纓能擺脫宦海亦樵漁

江陰章鍾亮恂齋

重九重三節前游續後游詩人千古事明月幾分秋裙

屐吟邊住雲山畫裏收道州銘久佚補綴費研搜

冰泉清不滓俯鑿道心虛佛古唐三藏人高漢一疏倘

逢蒼水使卽此緣天居仙吏留題處臨流可坐漁

江陰章際治琴石

久作投簪客鴻泥憶舊游補銘鐫四字攬勝歷三秋眼

冰泉唱和閩集

九

底烟雲逝囊中珠玉收續貂愧佳什雅韻試重搜

聞道烽烟警南轅願不虛庚子夏日際治方擬爲嶺南之遊因聞北警中止莫

嫌遊興阻轉羨宦情疏憫世肯行樂待時聊隱居桃源

在何處欲問武陵漁

金匱華祖綬應榴

漫度遺風雅名山餉客游江光明入畫樹色飽經秋曲

磴引泉咽飛烟挾雨收訪碑譚往事晤石撥雲搜次山

銘在湖南永州涪溪上乙未丙申間其地得其拓本

貫耳才名久瞻韓願不虛多緣鄉思切轉覺宦情疏梧

井懷陳跡蓉城卜舊居濠梁悅吾性坐釣竟忘漁

會稽俞 鎮燕珊

歸田不嫌早瘴海懶重游成就宦與學登臨春復秋客

齋鴻筆健長吉古囊收如發河西篋奇珍次第搜

吾友蔣夫子謂頴稱名久不虛三生文契洽一見俗塵

疏冰井高吟社珂鄉大隱居滄江好烟水供養漢陰漁

晉江施 澍耕雲

冰泉唱和閩集

十

三月春將暮蘭亭憶舊游流觴分片席清詠隔千秋勝

地羣賢集名山一覽收嫵嬾應夢到逸臺費重搜

行樂須何日浮生若夢虛論詩塵事減高卧宦情疏放

浪花間飲徘徊世外居林泉足娛老小隱託樵漁

武進丁同曾仲鴻

萬疊冰泉詠開編紀宦游名賢唐使節良史晉陽秋勝

蹟三銘贖高文五筆收漫亭留片碣更待後人搜

泮河流日夜黔鬱際其虛地望非虞葬舜墓在湖南零陵縣非廣西蒼

相離豈禹疏相離即相離禹疏不到篋中今嗣響相離水伴則先生句也

外昔倚居一例盟心潔歸來樂隱漁

陽湖汪 洵子淵

冷宦竟歸隱林泉紀勝遊冰寒自終古閨厄又經秋相傳

八月置閨為陽九百六之會庚子謂劉棻舊雨碧應化真同年

愁雲黯未收浮生或逝景賸有句同搜

隨筆徵文獻名山席早虛感貽手澤永隨筆五集中錄

湯芷卿孝廉采石恨結墨緣疏冰泉唱和徧徵同人洵

冰泉唱和閨集

驥可謂一井水誓不起溪雲卜其居驂鸞應續錄便擬石

湖漁

會稽沈 潮雪門

泉留廉吏酌天禁俗人游荒碣三唐古滄江六月秋雲

蒸嶽瘴合寒逼暑氛收繚曲溪橋近仙蹤記待搜元唱

會仙橋為韓襄毅會呂仙處

寰宇微酬句冰心一片虛功名偏志澹文字豈緣疏泉

比坡公冷亭宜漫叟居蒼梧饒畫意山色秀堪漁

和州高攀桂一山

為有林泉勝頃招過客游昔賢曾一顧陳迹已千秋江

樹莽無際烟嵐淡不收誰與繼起者金石獨旁搜

冰火出山井都教賦子虛萌亭試登覽雲葉尚蕭疏訪

古得佳什薄游羨隱居嗟予羈拙宦歸計誤樵漁

吳縣戴美爾綬之

循吏舊風流蒼梧紀勝游寒泉長一勺梵宇忽千秋刻

屢摩崖泐文纔寶笈收至今同岫嘍無處可窮搜

冰泉唱和閨集

幸有傳人在何愁古蹟虛沈碑情可念鍊石計非疏師

法春陵詠臣衷讓水居遙知留片碣傳誦到樵漁

獨山莫 棠楚生

大隱歸來早冰泉憶昔游烟霞足儔侶觴詠自春秋詩

以徵題富書從未見收叢編昭代例傳刻繼前搜聞棠

善甚

先世論交久聞名今不虛卅年君以長一面我猶疏何

日剡溪棹來尊陶令居相從問奇字便欲老樵漁

陽湖費彝訓鐵臣

袖有新詩本能無慨宦游紀時逢上巳高會足千秋碑
碍多情補乾坤入望收歸來一尊俎膚末亦勞搜

載詠蒼茫句詩情樂出虛乘時方有作鑿空更誰疏儒
雅師當代蕭閒更卜居澄懷同所願天老海濱漁

武進謝祖芳養田

勝地唐賢舊先生此宦游高風冰井水落日漫亭秋偶
值簿書暇聊將景物收炎荒多古蹟一一悉幽搜

永泉唱和閩集

三

大雲山勢迥高掌逼青虛古寺鐘魚靜閒亭竹樹疏如
公真吏隱此景即仙居翻笑桃源裡綠溪誤引漁

番禺汪兆鏞憬吾

執別八年久遙吟追昔遊碑尋申港古書到武溪秋傷
逝嗟潘岳時余悼亡談瀛續魏收近為魏默深海國圖志補正尙未成空山寫

孤憤甯獨恣真搜

滄海橫流急影纓夢已虛識時多俊傑吾道愧迂疏感
舊江湖集閒身木石居余於池館隙地移植桐竹梅柳松桂之屬漸已成林復綴英石

數拳於其閒刻小夫容恨天末願共鯉橋漁公居芙蓉印文曰與木石居又有涿鯉橋頭一釣徒之句江上草堂

江陰張洵佳少泉

信有江山助新詩當臥遊名賢懷曠代此集定千秋編
紉三生契珊瑚一網收詞腸枯已甚雅意為君搜

大業名山著茫茫願竟虛多君才博雅愧我質粗疏夜

雨容齋筆高風陶令居秋江勞問訊張掾久樵漁

武進周葆貽啟賢

永泉唱和閩集

丙

一帙冰泉集先生紀曩游佳篇羅四海名士自千秋碑
石炎荒補奚囊錦句收叢編沾丐久私淑早旁搜

追陪一尊酒此願未應虛邀公小飲適以微恙不至後學識公晚清

風涉宦疏挂冠彭澤宰近市晏嬰居先生居鄉別僦屋郡城以為游息之所庚子春謂先生於此一掉歸何處江鄉混老漁

長洲女史馬文漪清照

次山不可作獨讓使君游終古一泓水夕陽幾度秋殘
碑泉上訪行卷篋中收尋到大雲麓千年軼事搜

石有時而泐遺銘四字虛句將冰井補緣未漫郎疏懷
古山亭在等詩野寺居只今贅叟事何待問樵漁

長洲女史徐之淑冰粟

千古一冰井百年幾勝游涼生炎微水夢隨火山秋玉

瓷寒漿汲銀床勿幕收石闌補題字佚句賴秀搜

冰泉唱和閩集

五

文字古云壽遇公良不虛盟心一泓冷照鬢兩行疏合

踵道州轍再來容管居況披赤溪志采輯到樵漁

常熟女史鄭道馥梅鄰

準提高閣在公接次山游千古使君操一條冰澗秋烟

嵐杯底瀉風景畫中收忽動懷賢志碑銘軼事搜

歎傲景芳躅幽亭傲碧虛迹同仙吏寄緣肯古人疏馬

谷柳子厚華陽陶隱居民方冠君借未必許樵漁

吳興女史沈嚴壽慈吟侶

粵嶠趨庭日鴻泥話舊游先嚴任粵西撫時公餘游覽壽慈常隨侍先生圖

笠屐異域志春秋金粟前身證冰泉瘴氣收陶廬歸隱

樂珠玉句中搜

自作蘭陵客壺觴日不虛買棹毘陵下榻叔坤增處殊得游燕之樂偶談文

燕盛洵與宦情疏夢想大雲麓心儀彭澤居釣竿容小

隱莫羨富春漁

瑞安女史黃曾葵甌碧

三十三山畔兒時憶舊遊葵少日隨漱蘭叔祖視學江左先後在江陰使署幾六年

冰泉唱和閩集

一六

先生於此隱下筆況千秋杖履餘年健鄉邦故事收江

南烟景富聞道恣尋搜鶴亭外子自吳門歸言先生遊興甚豪

五十年來事浮雲過太虛世情日衰惡宦味早蕭疏冰

井懷前夢陶廬闢故居諸公臺省貴臣合老樵漁

庚子之秋金丈淮生以冰泉集索和時伯兄葆真

流離北土久不得音耗有謂已遭拳禍者集中

有伯兄書後一篇讀之彌增手足之痛勉和四

律以質淮丈並望伯兄他日生還誦之而一笑

也

武進劉樹屏葆良

漫叟一亭古琴尊續舊遊風泉滿清聽天地入高秋茶

味靜中永詩魂醉裏收蒼梧故炎徼勝跡待冥搜

冰泉唱和問集

七

粟香披大集名下固無虛老去宦情淡歸來塵事疏招

邀書畫舫卜築水雲居我欲圖簑笠持竿逐老漁

伯氏文章伯驚心汗漫遊臨歧纔一眴小別竟千秋荔

薛魂無語榛荆骨未收名山倘不朽遺篋忍重搜

風塵正瀕洞畿甸况空虛白挺交衢亂紅燈閃月疏土

沙卿相血豺虎帝王居重我鴿原痛張圖問野漁時用西法

攝伯兄影于寸片囑人在京內
外徧訪數月以來仍無消息也

和冰泉原韻並寄祝六十壽

善化向萬鏞紹春

重展冰泉集鳴笳感舊游清曾嘗一勺奇讓補秋天

地風塵混江山藻采收拙遲慚下筆腸已十年搜先生脩漫

泉亭冰井之明年鏞守梧州屢臨登眺先生寄示所

作恩未成和距今十年茲賢集中和作美不勝收

帝昇三山勝田園願尙虛萬鏞己亥引見以知府發
江蘇方擬遂初忽拜簡放

鎮江府恩命 香欣金粟台情豈竹松疏蓉水新詩境梧雲舊

客居壽閒天意喻方試釣璜漁

冰泉唱和問集

六

辛丑春日校試潤州江陰金伯豫明經惠詩卒未

及報其尊甫淮生同轉寄到和章爰疊前均奉

酬伯豫並呈淮公

善化向萬鏞紹春

敢擬公孫閣文林此共游晚青桑過雨風暖麥催秋好

錦探懷出明珠入夜收試期過促校閱每至通宵

費尋搜金壇古名金沙試卷不及丹徒遠甚 紀羣交已久洵轍譽非虛得句郵程遞忘形禮數疏純

鱸游客夢花鳥故居遙憶陶廬裏書城儘獵漁

戊戌孟夏酬李詠裳都博十一疊前韻

金武祥

作宦師儒重移官總近游由宿遷縣教諭俸滿擢常州府教授琴尊淮海

盛風月大江秋桃李盈門種珊瑚入網收聞川稽古蹟

更向石林搜君居王江涇即古聞川地近見贈

君與蘭同契近蒙叔惠詩有芝蘭接近居何注謂君也吾師竹解虛曉寒泥

滑滑坐久雨疏疏昨晨冒雨走訪鴻達論交遍皋比近聖居芙

蓉江上路還待訪耕漁君近擬赴江陰

冰泉唱和閩集

元

酬沈蒙叔學博十二疊前韻

金武祥

漫說滄桑感相期山澤游人閒天與健官冷氣宜秋螺

閣聯吟句轄軒一例收君繼配顧夫人有暈螺閣吟草採入轄軒續錄中朱文

蒙老印還向鈍丁搜君得朱文蒙老印係丁鈍丁為奚鐵生所作者有詩紀之

金蓋山前路傳聞禮碧虛君近詣湖州金蓋山瞻禮純陽仙師定知游草

高祇愧報書疏虎臥龍跳筆虹亭雁水居君舊居王江涇即古聞川

有紅亭雁水諸勝斜橋倚相訪聞答效樵漁聞川有斜橋君近築室於盛澤之斜

564811

稿邵子有漁樵問答文

題蒙叔井華詞十三疊前韻

金武祥

蘊藉周公謹清妍秦少游笛淒多感舊琴雅最宜秋逸

韻尊前唱新聲篋裏收譚復堂選入篋中集冰泉井華集一例許

重搜承題拙輯冰泉唱和集揚州樓一閱今載集中

山容蔚深秀月魄湛清虛譜可白香續律甯紅友疏探

源從樂府寄興稱幽居細雨斜風裏應逢笠澤漁

冰泉唱和閩集

辛

己亥春仲酬李紫璇大令十四疊前韻

金武祥

蜀派承坡老君還繼宦游送江逾萬里傳世總千秋簪

策東藩壯客游瀋陽嘗擬籌朝鮮策風謠南國收寒帷來下邑金石

更旁搜下車後即謁李于墓訪十字碑近揭建炎紹興高贈

瞻韓情久切借寇願非虛好聽謳歌徧何嫌蹤跡疏同

聲冰井集傳稿石船居有石船居雜體廣稿辱荷芻蕘採江干一

老漁

553

鄉居卽事十五疊前韻

金武祥

好作浮休隱

近得明江陰薛堯卿鴻泥堂集此稿著錄四庫堯卿號浮休居士難追霞

容游宜齋傳野乘

宜齋野乘宋江陰吳枋撰韻語續陽秋韻語陽秋

常之

玉補陳翁紀

杜小舫序玉紀云江陰陳翁原心好玉成癖著有玉紀近余重刊之書

同李氏收

明李如一有得月樓書目為黃蕘圃摘錄本近為刊入叢書中駢文長短句

附益代旁搜

近屠敬山輯常州駢文繆筱珊輯常州詞錄皆為搜採附益之

君山一登眺四望靜涵虛

仲秋登君山望江天遠浮雲蔽江空

冰泉唱和問集

三

落木疏長懷千載恨漫欲九夷居五瀉從高躅吾將混

老漁

唐魏不琢隱居舜山常浮游五瀉湖即今白蕩圩也

憶嶺南舊游寄汪莘伯懷吾兩孝廉十六疊前韻

金武祥

丹荔紅蕉豔曾從嶺外游

丹荔紅蕉嶺外游吳梅村句也論交數耆舊

廣州名宿如陳丈蘭甫京卿葉蘭臺樞部張廷秋太史均投贈詩詞往還甚數

歷宦幾春秋石

記鬱林載碑從都嶠收

游都嶠山得前漢石刻最夥 牂柯一條水勝

蹟屢遐搜

天心紛治亂人事驗盈虛洲渚鷺鷥熟江湖鴻雁最

憐風雨夕遙憶水雲居

前搜輯汪水雲遺詩伯仲甘肥遞應從珠

海漁

張南山先生嘗自號珠海老漁

顧石公廣文道出常州承用冰泉韻贈詩并約先

游廬山再游荆溪十七疊前韻答之

金武祥

且息鯤鵬運聊隨麋鹿游前塵遼海月

近歲由瀋陽歸別緒秣

陵秋丁酉秋日訪

君於益山客路萍蓬聚公門桃李收時由荆溪送諸生科

冰泉唱和問集

三

歸薛廬同感舊集外好旁搜

藤香館已刻詩詞甚富而駢散文未梓余以前乞慰

老所撰序傳各種送君及鉛樹大令并續刊之

五老峯前路頻嗟舊約虛多君腰腳健愧我鬢毛疏頓

觸廿年夢

二十年前常湖潯陽泛彭蠡又自南昌陸行至九江皆繞廬山而行未及登眺還尋

三徑居

宜興蔣醉園學正溪山陽美好定作問津漁昆仲皆西江舊好

仲秋薄游姑蘇江建霞京卿標 招同丁叔衡太守

立鈞 費此襄太史 念慈 曹夔一 元忠 冒鶴亭 廣

生 兩孝廉泛舟虎邱同泊閭門夜飲十八疊前

韻紀之

金武祥

五載江南住鄉關愛近游名山感今昔佳日選春秋吳

苑鶯花集米船書畫收同攜書畫至舟中品賞華嚴經一卷還向

半塘搜泊舟半塘訪龍壽山房觀元繼善禪師血寫華嚴經各題名卷中

又續題襟集此行良不虛祀襄夔一均先有和韻風塵憐別久庚寅

與建霞叙於羊城別十年矣文字豈緣疏宦拙無長策時危托隱居

鯨鯢方跋扈欲問海濱漁

冰泉唱和問集

庚子春初信宿江城丁叔衡太守招飲承用冰泉

唱和韻贈詩十九疊前韻奉答

金武祥

勝地聯佳會吳閩憶昨游山塘沿七里同賞菊花秋梵

夾題名徧塵囂歷劫收翻憑劫火洗塵囂洪侍郎題虎邱聯語也愁愁泉在

否策杖費重搜去秋同游山塘擬訪靈瀾精舍未果

幾度鄉關聚重違約不虛茫茫身世感落落友朋疏示

輓盛百熙祭酒聯舊事甘棠頌新陰槐市居前任山東沂州守近主講南菁書院

陶然欣一醉舉綱問江漁時鮒魚初登盤為江陰佳產

春日鄉園索居寄懷幼舫筱園都門經畦武昌二

十疊前韻

北面誰師事南皮憶勝游寸心各千古一日況三秋得

路鯢鵬運空羣駿驥收西戎大和會即敘說渠搜

言尋遂初賦嗟我豈逃虛求益思三友知機慕二疏有時

促余赴嶺南者詩書敦夙好松竹伴幽居二句集成語借問誰堪侶

澄江一懶漁江陰縣志載高啟澄江懶漁說或曰張機也字子樞志不在漁有託而述焉者

冰泉唱和問集

繆後珊表弟旋里出示近詩並招游白門二十一

疊前韻題之并以爲券

金武祥

燕冀尋前夢湖山補勝游兩年行萬里一卷亦千秋戊戌

游杭州已亥游感舊情彌愴憂時涕未收蓬巒有遺蹟

都門得詩尤多浙江藩署即南宋秘書省故址額有蓬巒

還向秘垣搜為木待問所書見南宋館閣錄稿中秘垣

遺蹟訂叢殘一首即詠此也屈指中秋近秦淮約肯虛聞歌桃葉豔問渡柳陰疏揚

子江頭路莫愁湖上居六朝烟水裏隨意混樵漁

章恂齋孝廉及其姪琴石庶常均和冰泉詩韻並

以七律四章祝余六十生辰愧謝之餘二十二

疊前韻

金武祥

言等枌社約幸與竹林遊遁世宜借隱憂時願有秋時

雨早望久睽吟興減相對俗塵收名闕揚芳烈還勞彤史

搜近以從子婦陳氏守貞事略作柏舟行徵題

冰泉唱和閨集

註

家國都無補衰年壯志虛敢期檣櫓壽祇愧鬢毛疏樂

土偏難適仙源何處居惟應吾與子江渚共樵漁

華應榴明經和冰泉均並以舊在永州所揚三吾

銘見貽因二十三疊前韻

金武祥

漫叟不可作與君思昔游湘灘尋故蹟兩地各千秋永州

涪溪在湘水之南梧州冰井在灘水之南石墨三吾證銘詞一例收斯泉俱

勝異同向畫圖搜吾昆溪翁出示王蓬心太守所繪三吾勝異圖余曾倩陳象九大令繪水

泉攬勝岡

羣公爭倒屣名下本無虛度出金鍼密何曾珥網疏校

各省在楚南學使幕尤久芷蘭欣屢擷華萼喜同居與溪翁同居我欲

桃源覓還從濠上漁時有北直之警蕩口一名濠湖

向紹春觀察寄和冰泉詩時由鎮江調守蘇州因

二十四疊前韻寄酬

金武祥

五嶺傳循績三吳更宦游中冷與冰井兩地各千秋椽

冰泉唱和閨集

美

筆金山記見示重建羣材鐵網收時正鄉賢賡韻事石

墨亦勞搜瘞鶴銘石為長沙陳滄洲太守出之江中亦刻石焦山

種徧甘棠樹蘇臺望不虛湖山資潤澤花柳正扶疏戶

頌陽春永人叨廣夏居小兒亦蒙招勳校中興看翊贊愧我

一樵漁

和買陂塘詞次原韻

陽湖左運奎社文

話春風金牛湖畔題襟曾憶前度

癸巳先生自蘇游杭與晤於西湖 扇

舟十里山塘去惆悵渭雲江樹杼妙緒聽十二雲鬟都

唱鸞鸞句蒼梧眺古有鶴阜烟迷龍洲水遠

皆梧州名勝 韻

事情誰補 林嵐好天許遊蹤小住漫亭遺蹟堪據竹

西歌吹銷沈盡且記赤溪風土奇絕處看五字長城句

比金湯固狂吟欲舞悵人海茫茫圖南未遂我似退飛

冰泉唱和閩集

毛

羽

常熟翁之潤澤之

莽風流畫圖堪證吟情髮鬢前度招邀冰井前朝寺一

片蒼梧烟樹留別緒怕泥雪銷沈題徧驚人句苔深石

古賸詞客低徊夕陽憑弔韻事幾番補 林泉勝吏隱

經年小住游蹤休說無據漫郎銘字今無恙零落一坏

塵土聯袂處喜翰墨因緣抵似金蘭固筆花齊舞把半

幅筠牋新聲疊和珍重付鴻羽

陽湖金汝梅惠生

憶當年大雲山麓南天賓雁飛度炎州歷歷多循績又

種芾棠嘉樹抽妙緒和月侶雲僑搜盡雕瓊句豪情邁

古更井淪寒泉亭營故址勝蹟喜重補 蠻荒地此後

遊人暫住尋源碑誌堪據官間不少登臨興記取嶺西

風土憑眺處想片碼長存好並金湯固筆歌墨舞待海

靖無鯨河清有象再振九苞羽

甚匆匆一春佳日都從風雨中度挑燈展讀冰泉集回

冰泉唱和閩集

天

首隔江雲樹綿意緒儘唱徧新詞和徧新詩句迢遙望

古恨碧海無涯青天有缺誰把石填補 烽烟緊擬覓

桃源小住前人空說無據迷津欲問從何問底是避秦

安土凝想處恁萬疊千層砌就愁城固中宵莫舞料世

事茫茫不如歸好暫且息鵬羽

江陰金兆芝伯豫

試炎州冰泉一勺趨庭猶憶前度溯洄千里泮柯水歷

歷風帆雲樹追往緒嗟余季聯吟春草池堂句

時與亡弟仲安

均有步韻
詩刻卷中
漫亭復古更卅二珠璣重鑄翠墨銘替次山

補 歸來好結箇陶廬且住書城容我長據鶯花三月

多良會信美儘誇吾土觴詠處喜少長羣賢金石盟同

固萊衣戲舞聽鳳引雛鸞鶴鳴子和猶待養毛羽

冰泉唱和閩集

完

汾陽王敬銘棗君

斯地斯人至仙乎此勝游澄懷冰井水清節漫亭秋文

酒簪裾集雲山畫景收道州銘久佚四字賴研搜

遺蹟公能補清游我尙虛碧瞳今擾攘梧州近許西人通商素鬢

舊蕭疏公有兩鬢漸蕭疏句逸少蘭亭會淵明栗里居故人有同

志解組其樵漁沈友卿新賦歸田

汾陽王仰曾景山

冰井甘而冽烹泉愜勝游靈源通煥壤炎土亦深秋未

冰泉唱和閩集

三

許熱中解都教俗障收從公南海去古蹟願同搜

管領名山久琴尊總未虛蓉江鄉思動梧水宦情疏杖

履成陳迹烟霞關舊居嶺西重到否殷盼累樵漁

河內寶鎮山甸膏

快讀冰泉集超然此宦游不因人以熱獨得氣之秋金

石重編錄山川一覽收多君荒徼外奇字亂離搜

不朽名山業雄文陋子虛桓寬原論密賈誼豈才疏其

羨歸田樂何妨近市居釣璜吾有志老作涓濱漁

湘潭翁延年笠漁

淮海詩名大風流繼少游半身金粟影一勾玉壺秋節
杖雙趺健奚囊一卷收漫亭遺勝蹟碑辭幾經搜

皓月澄清境浮雲薄太虛羨君歸岫早愧我買山疏觸
熱醒塵夢懷賢感索居旁觀惟一歎竭澤有人漁

會稽俞 鈺拙甫

探盡名山勝冰泉最暢游荒烟古寺冷明月一潭秋俗
眼誰知洗奇蹤此去收銘詞完好在四字許重搜

冰泉唱和閩集

三

俯仰多成迹留圖殆不虛題襟名士徧刻石古人疏梅
鶴耽清夢蘼鱸戀故居此身不再出歌唱答樵漁

會稽俞 鏞毓吳

寥寂已千載炎荒續舊游鄉思深似海宦况冷於秋潭
月澄心印山雲飽眼收漫亭復遺蹟儻許後賢搜

人去碑尚在傳名信不虛歸田塵夢醒閉戶俗情疏前
哲得知已先生此隱居何堪一回首世事問樵漁

陽湖孟昭常容生

56#811

揖別泉亭去歸與此卧游藤蘿三徑月秔稻一畦秋村

棹有時放先生故居大岸又卜居 郵筒今雨收 先生云 近寄到

和作每有素 未相識者新詩足欣賞珠玉就中搜

奇字佞盧子空言畏壘虛文章名物幻詩酒性靈疏近時

士大夫風 尚如此俗土方騰駕先生自隱居願同幽屏意無復

學蠶漁

元和鄒祖述仁卿

引我鄉嬾勝開函問昔游循聲留百粵傑句自千秋翠

冰泉唱和閩集

三

竹蒼梧訪牙籤玉軸收人情風土詠掌故亦旁搜

酒後殷勤話平生顛不虛甲辰十月始於武 進署席間相遇名因人益

重情固戚非疏丈與族伯雋之 大令為至戚文筆江山秀家園水竹

居冰泉傳韻事我欲問樵漁

陽湖沈維誠季如

南國神仙宦冰泉紀勝遊良朋事觴詠佳日况春秋煮
茗泉堪汲攜囊句儘收如公真健者勝跡遍尋搜

久識詞壇伯鞭隨願竟虛文章自典雅花木亦扶疏坡

老炎荒宦支公隱遁居塵纓日羈縻羨煞武陵漁

江陰朱廷佐幼陶

盟誦冰泉什春三美舊游循聲頌兩粵先生仕粵頗多循績隨筆

著千秋粟香隨筆凡五集勝迹前番話名篇此集收廬州劉太

保軼事待旁搜先生在赤溪任所為宋和州防禦使劉公師勇著事略一篇

歸田君解組世事識盈虛結社唐九老知幾漢二疏文

章燕許筆蹤迹尤黃居尋得桃源裡相從共訪漁

武進張振鐸仲猷

冰泉唱和閩集

三

十九年前事挑燈話舊游碑銘傳萬古觴詠足千秋煙

樹村前合風帆檻外收闡幽懷至德遺集感勤搜搜刻前人

遺集甚夥

高隱耽詩癖澄懷若谷虛心安魂夢適情重禮文疏湖

海羅新咏海內屬和者幾遍江鄉關舊居風塵方頌洞遯世學

佃漁

都昌李乘時秀峰

昔年寄遙和曾為紀斯游冰泉唱和初集曾刻于和足跡一萬里相

思三十秋癸卯夏值於海上不見已三十年矣奚囊千卷富一作宦海片

帆收檢點名山業叢殘手更搜

風雅已將墜大名空未虛近人多著述吾道轉迂疏何

處水雲窟此生廉讓居冰泉中不熱都合老樵漁

晉甯宋廷謨子山

韻事留冰井難忘粵嶠游榕陰蕭寺晚梧影小亭秋觴

詠群賢集珠璣幾卷收次山名不朽勝蹟古今搜

桂嶺連烽火名流雅集虛碑銘遺迹古笠屐舊游疏地

冰泉唱和閩集

三

歷滄桑劫天留水竹居桃源在人境不羨武陵漁

北平瞿世珪秋圃

不負冰泉勝蒼梧憶宦游論交遍六合所作自千秋殘

謁闕文補錦囊佳句收幽光與軼事攷古幾尋搜

景仰十餘載盛名良不虛與公偶親炙便自愧空疏瑰

璋容齋筆逍遙隱士居會當謝塵俗相約隱樵漁

獨惜漫亭勝未能陪雅游自公集諸作此景即千秋來

袋人才富孤帆急瀨收願隨壇坫後陸緒助研搜

良觀抑何晚豪情滿太虛名篇千卷富宦蹟十年疏詩

品黃仲則文雄惲子居風塵庸俗吏應愧武陵漁

歸安徐廣陞次舟

相見各驚老蒼茫感舊游江湖千里濶風雨一天秋朝

市中中隱煙霞望裏收倦懷朋輩意佳句每窮搜

聞道孫曾繞天倫樂不虛精神今老健踪跡久稀疎但

富標湘架未管木石居一湖南北共何日結樵漁

陽湖史久紹衣言

冰泉唱和閩集

壹

桑梓縈魂夢歸來續舊游陶潛羞作吏杜老自悲秋詩

挹冰泉秀帆從粵嶠收蘭陵多軼事風雨一編搜

著作名山富才高實若虛蒹蘆秋興健琴鶴宦情疏不

問君平卜新隣仲則居滄桑彈指變溷迹此樵漁

番禺女史汪兆鏘佩昭

曩讀周禧畫珂鄉仰勝游官見江上女子周禧折枝畫慎酷愛之論詩金

粟老憶舊竹林秋兒時侍先叔穀盦老人奇句名山助

叢書笠澤收年時紀彤史重感為旁搜華氏亡姊割臂療親旌於朝

公為載入粟香五筆中

炎微清涼境篇章詠不虛井闌幽薜古山寺晚鐘疏泉

冷療中熱村深愜隱居只愁淪異域怕訛鬱江漁近年梧州

互市斯寺想不致為鳩占也

冰泉唱和閩集

美

錢塘女史許以讓柔之

道州有嗣響雲麓繼清游終古兩奇士空山幾度秋詩

歌裙展萃煙景畫圖收寂寞名泉久勞公策杖搜

冰井傳炎微靈源蕩碧虛危亭新卜築遠樹更扶疏名

士兼名吏鄉居憶客居梧州棠蔭徧歌唱到樵漁

晉甯宋廷樑子材

王寅權建昌郡金淮生同轉郵示三十年前游

麻姑山詩疊冰泉唱和韻代柬

祖鞭君早著先我卅年游樹色連雲暝泉聲帶雨秋滄

桑丹井在珠玉錦囊收到處雪鴻印勤將名勝搜

壯游半天下願肯向平虛逸友入林密神交傾蓋疏源

探三谷勝鄰結兩當居

詩鄰近接兩當軒君署門句也

俯仰成今昔烟

波羨老漁

冰泉唱和聞集

三

天涯知已在先後紀清游金石文辭古丹霞洞府秋茗

香勺泉注

麻姑山有一勺泉

松偃蓋雲收

唐代偃蓋松僅存遺神

更攬麻

源勝摩崖古蹟搜

山僧羨行脚

余自仙壇步行至一谷二谷遂至麻源三谷寺僧行脚不能及也

濟勝具

非虛有酒幽情暢無田歸計疏山川恣吟眺風雨感離

居何日遂招隱藏書縱獵漁

麻源三谷舊有藏書閣

王寅重九偕惲次遠侍郎徐桂瑤沈友卿兩大令

孟容生孝廉登三吳第一樓孟沈二君成詩余

次冰井寺登高舊韻二首

計二十五疊

金武祥

忽忽又重九鄉關選勝游風雲飛動意天地沈寥秋高

唱群賢集低空萬象收冰心記炎微舊韻更旁搜

宇宙千秋迴郊原四望虛漫論時事幻且喜俗塵疏白

髮催吟思黃花傲隱居衮蘿同一致笑羨渭濱漁

冰泉唱和聞集

三

徐次舟觀察粵中老友也別二十餘年矣丙午孟

秋晤于白下用冰泉韻贈詩因二十六疊酬之

金武祥

二十年前事同舟憶昔游相思珠海月重晤秣陵秋舊

雨情无極新亭涕未收高文足經世楨幹有人搜

大稿多刊

人經世文續

笑我馮唐老平生志事虛天心窺勿穆吾道愧迂疏空

有歸田賦難營廣厦居何當乘一舸逕訪蠡湖漁

侍疾圖題詞



序

白雲紆軫寓陟岵之哀音赤子笑啼拘寒泉之深痛篤毛
裏之愛相彼鶉斯感蕭蕭之傷曷勝鼠泣上溯眞宰風雅
有源嚴植民彝藉軒敬錄鏗鏘被於金石幽渺動乎鬼神
追探四始之萌芽悉本一誠之貫注三季以降性漓恩薄
發爲歌詠背馳古先一字嘔心不出風雲月露七步抗手
無關名教綱常於是榛莽詞林湮塞性海嚙高堂之指難
感犀靈斯寸草之心忍忘烏養揮斑斑之血淚誰繼皋魚
補燦燦之葩經更無束哲非特爲民德慟抑且爲詩教唏
矣東緯謝先生生長華宗敦篤庸行陔蘭馨潔慈竹平安
春草池邊喜板輿之無恙壽萱堂畔幸萊彩之承歡母體

侍疾圖題詞

序

一陶社叢書

康寧子心欣慰而乃災纏二豎醫者千方煢煢一鐙形影
不離牀褥簌簌雙淚晨昏恒漬衣襟殘年已薄西山魂驚
風燭貞疾乞靈北斗香繞旃檀惟孝可以格天惟疾方能
顯孝漢文帝親嘗湯藥晁旒應遜布衣温太眞忍絕襟裾
鷓鴣安識鸞鳳母子相倚垂十八年繪入畫圖可歌可泣
廣徵題詠宜雅宜風惜世閱滄桑難留鴻雪茫茫劫火焚
盡珠璣温温恭人尙垂架範笙吹華黍如覩高曾澤永烏
衣散揚芬烈五世孫治盒君追懷舊德提倡宗風丐當代
之勝流闡前人之至行茁靈根於累葉玉樹芝蘭萃瓊寶
於一編江花邱錦挾張盛藻足徵懿好之同永言孝思藉
廣錫類之旨展白描之畫帙傳神無異公麟仰青山之德

門述祖同符康樂檢齊諸稿齋示鄙人披閱之餘無美不
備嗚呼風塵瀕涸滄海橫流藝苑荒蕪良知汨沒深識之
士慨乎隱憂而欲挽瀕死之人心扶將頹之名教則必表
揚前哲潤色鴻篇清廟之瑟一唱而三歎警世之鐘面命
而耳提正聲感人曠宇宙太和之氣春輝普照酬覆載罔
極之恩兵燹既經幽潛重闢戾夫且爲垂涕勝讀瀧岡之
辭神聽亦式和平堪繼雪坡之孝抉宣尼作經之旨虹玉
呈祥愧弊軒弁簡之才烏巖作序

敬序

民國五年歲次丙辰中秋前三日同邑後學趙清瑞拜手

侍疾圖題詞

序

二陶社叢書

謝孝子侍疾圖題詞卷上

侯官陳 衍石遺

貞疾無人侍惟餘萬殿伊牀前眞孝子膝下況良醫豈止
中需滌何曾解帶肯請看綿悒日慈竹長孫枝

江陰金武祥滄生 時年七十有五

孝爲百行原求忠必於孝江陰忠義邦秉彝有同好緊昔
孝子公學行實體體工書復知醫餘事亦深造堂上有雙
親婉愉承色笑母病十八年膏肓不能療歲月何綿延晨
昏足憂悼服勞不解帶湯藥竟無效終養遂烏私銜哀有
鶴弔人誰無父母可有涓埃報聞風莫與感鄉里是則做
流傳侍疾圖惟妙亦惟肖曾元述祖德門庭尤有耀事實

侍疾圖題詞

卷上

一 陶社叢書

載志乘旌揚荷明詔永永寶斯圖願以維名教

江陰夏勤邦彥保 時年七十有三

吾鄉有孝子業儒更知醫終日常伏案得暇輒臨池阿耶
忽有疾疾若不可爲湯液雖迭進奏效何遲遲孝子仰天
泣禱爾於神祇方劑手自製旁人那得知父疾霍然起此
藥眞神奇但求親身安敢恤兒體 臣志公父邦彥病請
於神刺醫益和
劑以進時時愈 母氏患風眩四肢苦麻痺呻吟牀褥間坐
起須扶持一年復一年日月駸駸馳常依慈母側跬步不
暫離琴川章居士人稱老畫師繪出一片心藉爲萬世規
輶車薄薄來入境采風詩甄錄此孝行再拜獻丹墀天子
大嘉賞恨不與同時亟予闡幽光入祀孝弟祠國人皆矜

式風俗遂以移家家養衰老人人如嬰兒更喜君子孫能
率而行之永永錫爾類不匱惟孝思

江陰張洵佳少泉 時年七十有二

霜天曉角寒鏗擊雞樓隔勝聲將鳴孝子侍疾忘旦暮遠
然夢醒神魂驚茶鑪藥竈牀前列珍饈供奉馨且潔當作
親闈健在身承歡舞綵相怡悅寒往暑來歲屢遷沈疴難
療苦縣延全憑一點精誠意挽住頽陽十八年迄今事久
滄桑變里閩孝行猶爭羨難得荆關好畫工傳神特與開
生面潘岳家風著述詳吉人有後善收藏江流不改圖長
在通德門庭世澤長

衡山李蔚然遠盒

侍疾圖題詞

卷上

二 陶社叢書

至孝人聞見此圖虞山有道手親摹芳流邑乘同刊鼎龍
錫天書當式廬一十八年康病母孫曾玄輩敢醇儒題詩
敢謝能增重正氣乾坤願共扶

隨縣易國幹仙城

謝子治盒以其先高祖孝子公侍疾圖囑題拙詩不
足爲圖重顧廂名簡未有榮幸焉治盒故詩豪邊以
實之

世澤振名閥至性炳寰宇表闔被朝命述德繩祖武緝維
東緯公寧恤流俗伍我披侍疾圖公惟知有母母病日以
長公心日以苦歷年十有八歷月幾三五其閒更置閭難
以日月數惟能貞以恆是用篤其祜平生兼游藝餘事堪

視稜醫擅和緩良書識山陰矩公孫尤善吟亡詩束哲補
願以虞山畫附入東山譜吾生憂患餘中歲失恃怙攬涕
爲此詩把筆淚如雨

丹徒趙光榮子枚

時年七十有三

母病在牀母心傷身雖未死體則僵况經寒暑纏綿十八
載起居食息一一頽扶將孝子觀此心徬徨精誠直欲挽
彼蒼纖微瑕屑體貼無不至得使吾母仍復壽而康病雖
支離兮久且若忘日月悠悠兮不知其長惟母衰朽而神
全兮孝子終養而形亦羸疋感孝子之心以寫斯圖兮承
宜常奉以馨香

武岡銀文煥植藩

行疾圖題詞

卷上

三 陶社叢書

宜聖重庸德大道人共由叔季趨涼薄隱爲世教憂卓哉
謝孝子至性良不佞醫術精岐黃書法華柳歐學成不問
世富貴如雲浮腹門承色笑定省意稠繆母病十八載吞
聲淚暗流衣帶不曾解湯藥無弗周風知勁草艱苦見
眞修在公豈爲名各自擢千秋芳徽傳邑乘襄語荷天庥
願我生已晚幸與小謝遊公立孫右食與子
同事福州高法院示我侍疾圖
令我心悠悠公容雖云逸公德可歌謳聞風同興起典型
今尙留

江陰張之純爾常

兩昏月黑愁雲低慈鳥啞啞中夜啼主人感此念反哺欲
致無路心惛悽謝生叩門出素紙徵題乃祖謝孝子親侍

母病十八年子心常懼母心喜先德湮沒心不安願乞
語升簡端主人顏色慘不樂欲題不題下筆難嗟予命蹇
少喪母北堂未及奉漿酒中年以後父棄養一身罪謫畏
朋友誰非人子幾謝公力所未逮心則同鮮民有痛不可
贖披圖不覺心忡忡孺慕光陰曾幾載戶庭未變人事改
少年早學謝東緯勿學之純貽後悔

丹徒葉玉森菴瀨自號中治亭長

謝孝子澄江人吾友治倉其玄孫一孝子乘至性衣不解
帶侍母病十有八年良可敬二朝旌厥誠乘載厥美式瞻
遺圖肅然起吁嗟乎謝孝子三解

閩縣林 蒼天遺自號夢禪室主人

行疾圖題詞

卷上

四 陶社叢書

晚近士大夫純孝百無一豈緊賦性薄家庭教先失五經
束高閣不學虧美質綱常若贅旒諄語見寢室魏巍謝先
生有母遺風疾侍藥十八年左右不去膝受旌宣宗朝邑
乘爲紀實繪圖示世兒精絕虞山筆至今想風範如見古
遺佚五傳得詩人謂右食
善詩祖德時自述庸行良難能餘慶
理可必人生各有親感此淚洋溢

長樂陳 修潛侯

久侍渾忘歲月深良方靈藥苦搜尋高堂留得春暉永費
盡慈烏反哺心

丹青著筆料應難寫向牀前日問安半是愁容半愉色請
君試展畫圖看

調護扶持十八秋遺型賴有寫生留人閒已自傳青史地
下還應戀白頭

呼兒喚母榻邊聲愉快心情病亦輕我愧當歸誤遠志短
詩含淚拜先生

五華張如川谷山

人少慕父母知色慕少艾終身孺子慕大舜獨稱大遙遙
古聖心千載不一會求之晚近閒無譏益自鄙卓哉謝孝
子不聞海內外有母邁風疾臥牀無可奈真誠思格天浩
然塞蒼蓋待疾十八年不自知痕痕湯藥必躬親宵闌未
解帶孟荀淚為羹姜魚冰可膾疇行泣鬼神芳蹤凌岱泰
至孝古無文綱常萬世賴允宜傳志乘孝義推公最旌典

侍疾圖題詞

卷二

五陶社叢書

忍或遭丹詔九重需展圖為肅然精神歷歷繪仰止古聖
人同茲抱芳藹

江陰周在鎬頌武

當年謝孝子追述自玄孫立行堪坊表披圖見淚痕樹蔭
勤護惜膏藥幾寒温若得王祥配烏衣古弟昆

徐姚邵啟賢蓮士

披圖如讀蓼莪篇至行曾傳十八年鶴髮親勞勤護惜烏
啼似與訴纏綿相依為命餘鐙影屏息無聲辨藥煙我亦
深嘗知母苦空攀去景益凄然

余有去景圖紀先
慈和太夫人遺事

太倉陸炳章菊裳

天經地義炳乾坤生佛堂前舉目是阿誰反哺識親恩白

惟暨陽謝孝子孝子有母嬰沈疴末疾風滄厄牀第呻吟

輒側壹需人如蠶已僵桐半死從知和緩不重生欲覓岐

俞嗟奚自詎意春暉十八年病裏金萱駐哀齒藥鏹未燬

哺勺糜孝子一懼重一喜枕衾乍温前廁膺孝子一眠復

一起素問夜箋玉版篇白華曉寫笙詩旨孝子從事醫與

書會無須與忘母氏歲月祇怕衰葛更晨昏不厭湯藥視

遂教天祐朱太君北窗花影遲磚晷觥觥志乘百祀光巍

巍坊表萬人指治倉治行徧閩吳孝子有後騰口耳我與

治倉忝石交聞述先德省顛委沐手敬觀侍疾圖高山君

黃同仰止

益陽劉壽蓮梅叔

侍疾圖題詞

卷上

六陶社叢書

文物風流消歇盡幾人純孝似公賢如何芥苴終無補一
疴庭闈十八年

落葉雨燒茶鼎碧飛花春擁藥爐深呻吟疑痛楚搔癢幾

點靈單是孝心

卧冰泣鯉尋常事最是終身孺慕難漏盡未眠晨早起不

知風雪夜來寒

慘淡蒼化除病骨追隨衾影一鏡殘公靈倘化歸來鶴回

首丹青不忍看

長沙楊 禧子鴻

巽年已慟失春暉一度披圖淚一揮薄宦未成邱壠遠白

雲高嶺尚孤飛

蘭翁祝 諫果臣

鴻濛既闢孳孕萬彙百行首孝綱維人類卧冰哭竹喻節
苦志孰爲之後江陰謝氏母也搆疾十有八載公進湯藥
衣不解帶哲人其逝明德維馨播爲風詩垂爲丹青生氣
凜然歷劫不滅瞻拜遺徽鑒觀有赫江流滔滔舜倫攸敦
孝思不匱惟公千古

武進費樹藩譜笙

慈烏反哺猶知乳葭茂留陰獨着花十八年來如一日披
圖留覽傲春華

歷劫常存萬古春閑貞至性樂天人他年青史如編傳選
有東山孝行新

侍疾圖題詞

卷上

七 闕社叢書

武進鄭光照禾生

純孝木天性寒梅品格眞繪圖傳盛事侍疾樂殘春邑乘
留今世碑銘自古人他年殺青史獨行尙如新

武進吳山秀樵長

治龔公賢孫事親能養志每聞述先德乃知孝有自公本
姻岐黃工書擅餘事才調夙翩翩孝行尤純摯公母氏曰
朱粹然遺風痺卧牀不能與飲食須人致公惟母疾憂湯
藥必躬侍晨夕在牀側經年不成寐公親日就羸公口不
言頓服勞十八年寒暑無間異觀公侍疾圖油然而興孝思

武進劉 覺蓬然

人孰無雙親乃或分杯羹亦誰不事親求佛作遠行人心

而臬鏡思誼遂以輕暨陽有謝公事親邀衰旌母病十八

載憂虞成序更孝不自知孝循分苦經營親朋咸感歎執
政亦心傾封章奏其迹邑乘載其名章侯名畫手圖寫反
哺情孝子亦何知藉以勸編氓我今披圖傳夢莪心回縈

江寧吳祖培小墀

鬱鬱貞松操哀哀寸草心芳椒傳志乘高誼動繪音扶掖
承親意勤劬答歲深白華詩比潔圖繪許道尋

南通徐安仁子山

重剝肝輕刳股一時激烈終何補嗟乎母病呼無父稱水
壘藥先嘗苦藥味愈苦兒心甘十八年加一日度料不見
侍疾一圖傳萬古吾友謝子治龔之高祖

侍疾圖題詞

卷上

八 闕社叢書

江陰曹家達尹尹

長繩挂青天不繫西烏馳人生苦朝露年命難強持傍徨
生死別孝子心苦悲我念謝李子卓然人子師母病十八
年警欬心繫之晨夜不告愁寒暑不自知長病無孝子恐
非人子詞

江陰趙瑞冰龔

慈烏慈烏羽粹畢進龔中曾參名與實侍疾脫謝公實小
曾子幸哉有子幸哉有母母攫篤疾焚香籲天貞疾不死
若有天焉母病切膚子心當膽一十八年孺慕未改一則
以喜一則以憂對母笑語背母淚流霽霽春暉依依寸草
油然天性不知有孝藥錯雖苦甘之如飴每藥必嘗神農

自師敬展丹青夫垂涕日月江河經天行地求之於古
由損為佳是亦為政書云孝乎

武進吳聞元德聲

太傅家聲在門傳萬石風常留宣鏡孝南史母弟時字宣鏡所生母弟時字宣

者十餘年遠配疊山忠侍藥枕何孽瞻圖貌不豐顛天十

八載此意畫難工

盛美揚先祖曾玄具孝思獨子媿涼德迹志有餘悲庚申

先通德張孝勇馬先君方客誰以未得確耗變鳥切焚

巢痛得此文占虎宵探穴辭終天常抱恨圖補泣何時不

題能以衣食累人遲遲未果

靖江錢斯珍琢齋

侍疾圖題詞

卷上

九陶社叢書

寸草難酬罔極恩萊衣娛老侍晨昏屬毛隱痛吟蒿蔚交

睫全忘念樹萱烏哺廿年綿歲月燕詒五世裕兒孫東山

舊第羣瞻仰玉樹芝蘭萃德門

宜黃吳錦旭庸

余聞古黔婁指嚙心痛一倍愁又聞狄仁傑親舍雲飛瞻

望切由來陟岵類與悲孰若親侍庭幃救水承歡展孝思

況是扶持疾病時一古純孝子有謝先生工晉唐格習靈

素經桑弧蓬矢雲路將騰忽舞萊衣曰子有母風燭年衰

桑榆景暮念生我之劬勞忍竟忘乎反哺二母患風疾病

不能與后區親奉湯藥親承一十八年衣不解帶雪虐霜

侵夙夜匪懈期將寸草心報答罔極大三惟孝之至通於

神明病魔退舍天錫頽齡年復一年母壽促矣以身代之

身莫贖矣小子曾曾誰顧復矣哀毀骨立廢蓼莪而不忍

讀矣四大吏聞之旌於朝輝輝綽楔干雲霄秦望山澄江

水與公萬古長不死光諸邑垂垂青史五誰為此圖今龍

眠兮余披此圖心肅然兮詳公軼行有後賢兮德門必大

慰九泉兮六

靈川唐毅海濤

老烏不能飛少烏反其哺禽鳥寧知恩生人曾有數孝哉

東緯公洵不失孺慕心傷慈母足痿痺不能步侍疾十八

年未嘗離且暮衣帶不敢鬆餘事復何顧祇因慈母疾都

為兒勞苦兒幼而鞠育兒長而婚娶謀養復謀教望兒能

侍疾圖題詞

卷上

十陶社叢書

光裕日嘔心頭血精力漸不固撫得兒成人母病已沈痼

吁嗟罔極恩膏復比細故胡為薄俗人骨肉等行路天生

東緯公將以覺迷誤生公復病母天心當可悟公亦何容

心至性所流露我聞至誠人應受天呵護病母實顯公錫

以萬世祚果然厥後昌持圖來索句愧我不能文聊續蘭

咳賦嗚呼至誠人天地相終古

桂陽李振堃典武

林竹寒封筍埋黃河魚沙遞冰無光奇行闕淡灰文史人

事崎嶇墜紀綱惟君系出名門子一篇傳誦走遐邇共稱

耀祖有文孫何意徵題到下里薄行如我世無道湖海年

年寄濱倒不堪秋院賦辰楓未報春暉慚寸草祇今海內

嗟澆俗仁孝方期國性積安得圖併象魏懸長留人作孝
經讀

南城黃履思曉浦

元氣日專翕於人得其醇萬物各含性駁蓋終不倫祇此
危微地界分禽與人不失赤子心便希聖與神赤子心何
似寸寸戀雙親奈何少而壯靈明翳俗塵絕裾更不郵所
慕拖長紳嚴君重勛名揆違尙倦恣母心復何願長願共
昏晨因之鼎鑊豐不如救水貧遠遊聖所戒天秩誰能諄
卓哉謝孝子盛德難比擬有母病風痺臥牀不能起日夕
侍湯藥依依寢門裏衣袋未解帶一十有八紀世人覺其
久先生如寸晷居平工書翰爲母延文兒醫學遠靈樞爲

侍疾圖題詞

卷上

十二 陶社叢書

母慚失技穆默禱蒼冥唯求疾少已此身如可代頂踵甘
傷毀母壽有窮期抱恨伊胡底悠悠身後名都非平生旨
何須驚奇異至性原如是放諸四海中此心同此理有清
宜廟時風俗猶敦美國家重彰闡旌表垂青史更有章虞
山餘波散霞綺一片孝子心寫入琳琅紙風聲樹遐方爭
傳通德里秦望蔚嶽嶽江碧千尋山川鍾俊彥自合光
古今孝孫有推官振履紹清音高華驥清吟瀟灑廣陵琴
示我圖一卷哀感摧胸襟小人亦有母回首白雲深

閩侯張南英雲宜

古來孝子二十四各系以圖詳以誌有清一代更有人突
過前賢盡孝思當時以孝治天下乾嘉風俗尙醇懿篤生

暨陽謝孝子奉親乃能孝不匱先生知書復知醫先生之
醫有深意不屑醫國與醫民但醫吾母手足不仁之風痺

母曰吾有子奈何終歲不一憩先生亦曰吾有親忍使吾
親起卧不安或顛躓母喜亦喜憂亦憂曲順親心無不至
衣不解帶十八年親奉湯藥爲滌器一十八年如一日自
始至終未熟寐詔書褒獎自先朝魏魏坊表負最貞虞山
爲繪侍疾圖摹寫孝思彌腕擊先生有親能逮事先生有
後能繼志指台法曹三載矢清廉閩嶠浮沈偶遊戲不沒
先人純孝行百詠徵題見風致此圖豈僅揚先芬足懸國
門闕末季其人其事兩並傳直於二十四賢之外增位置
侯官吳魯禮虎臣

侍疾圖題詞

卷上

十三 陶社叢書

十有八年如一日孝思不匱古今難參芥實效心長覬風
木銜悲力已殫天下鮮民同此淚榻前隻影強爲歡披圖
無限欽遲意誰似先生至行完

南安鄭家珍雪汀

藥罇煙穗碧沈沈鶴侍護幃夜正襟紫肘有方傳素問與
齡疊夢感丹忱描來一筭生花筆繪出三春寸草心我幸
北堂佳日永披圖彌自惜分陰

福山孫譽年星五

東緯謝公秀挺芙蓉芝蘭挹氣圭璧凝躬書法絕妙醫理
研窮白華養潔孝道尤隆有母氏朱衰病龍鍾卧牀不起
十八年中公事葺闈徹始徹終衣不解帶從無怠咨如斯

孺慕有古人風炎天扇枕黃氏兒童隆冬哭竹亦有孟宗
遐遙千載至性相同可歌可泣真宰潛通虞山童子丹青
素工侍疾繪圖翰墨香濃蔭留慈竹名高華峯聞者興起
庶繼芳蹤清芬惟誦後嗣之功

吳縣汪毓恒荅孫

士爲萬物首所重在倫常哀哀父母德生我不可忘卓哉
謝孝子圖貌鬱清蒼世居青山里高行播一鄉椿庭痛摧
折有母在高堂并日躬操執澣濯縫衣裳焚榮一鏡影掩
泣守空房苦節天所鑒百歲庶康強何圖倉猝際一病臥
匡牀纏綿十八載無計救膏肓惟公侍母疾晨夕意徬徨
有衣不解帶有食不充腸徧求不死藥兩足走且僵潛心

侍疾圖題詞

卷上

三 陶社叢書

深默禱天意終蒼茫一朝慈暉落哀莫酒漿沒身不見
齒血淚長浪浪朝廷錫寵典御筆親表彰戚帥重孝行列
傳揚芬芳我公此令名山高與水長嗟嗟儂薄俗骨肉棄
路傍親在不能養惡食具批穢親病不求治湯藥不一嘗
安得如公輩一一激天良我今展斯圖再拜蒸瓣香願臨
千萬本權作鍼砭方嗚呼公不作閔世成滄桑後嗣多繼
起什襲共寶藏歲時營祭祀魂兮應歸翔

江陰錢榮國縉甫

人生百行孝爲先孝思善感通旻天高堂白髮罹疾厄往
往因以增餘年吾鄉曩時有孝行東緯其名謝其姓母病
牀蓐十八春衣不解帶勤温清母病欲食魚首豨膾鯉常

盈餘母饑思食荀有簌兼蒲烹以任母行必扶持兩手敬
捧防顛危母衣期潔哲中冓廟諭親浣滌一時孝子名大
譁孝哉孝哉達帝家綽楔旌淑膺吳數父老贊歎途人誇
我讀戴禮思文王冠帶侍疾習爲常此公侍疾亦能爾比
古殆不分低昂我誦尙書思有虞匹夫明揚帝曰俞此公
以孝得旌典比古也不甚懸殊琴川童子普圖繪繪出孝
子容和藹洛陽紙貴聲價高公道大光名益泰我生已晚
不見公聞聲想見公高風公有賢裔述祖德人爭題詠詩
盈筒下里村謳獻一曲不雅不頌難爲工嗚呼今世是何
世孝經不許訓童蒙如公庸行復有幾家翁祇合常癡聾

江陰章錫奎仰蘇

侍疾圖題詞

卷上

西 陶社叢書

昔觀邑乘書知有謝孝子今覽侍疾圖高風徒仰止卓哉
章志學事繪得形似章敬字志學老菱病臥牀孝子奉藥餌深
宵不成眠孝子供甘旨一十有八年未敢涉玩弛巖巖東
緯公至性篤若此生稍一何堅歷久煥金紫斯圖暨斯人
可以列青史況聞公知醫巫彭共比擬和丸療親疾慈顏
胡不喜方之昔賢中精誠貫如矢曇恭瓜果佳叔達補荷
美渴熱病各殊事親理一耳邑志傳管公炊爨自經理有
明得此人孝思共興起前清陳丹忱首先傳孝弟衣裳不
解帶敢去母尺咫歷代讀此書問心額有耻是圖亦足奇
孝行有同揆竊願公後人珍重加佩璽懇謝先生雖死
猶不死

靖江倪向榮欣甫

宣城後裔玉樹姿郵筒寄我琳瑯詩天假因緣聯翰墨
有賸札來徵詞清芬君述五世祖平生卓行難觀縷精醫
術早誇折肱事父孝曾聞割股無何公母朱恭人疾染偏
枯難屈伸公視母病猶己病飲食湯藥無勿親我觀叔季
天性薄久病牀前忘顧復誰能返哺效慈烏日薄西山淚
盈掬惟公純孝實天生孺慕依依本至誠冬不知寒夏忘
暑一燈風雨黯然明沈沈漏點尤焦慮雙睫不支恆微瞠
一心慈竹祝平安金石為開神貫注淵自護闡篤疾纏服
勞午夜未安眠春暉圖報心常痛淚眼常醒十八年采風
使者登章奏旌表門閭天寵厚虞山畫史繪成圖名聲留

侍疾圖題詞

卷上

圭陶社叢書

題多傑構迄今佳什半飄零惟有丹青炳日星文孫徵集
重刊刻擬比南陔補缺經徵詩豈獨光先德此中深意人
須識好教當代絕裾人開卷讀之多愧色慚余擁鼻久酸
吟難寫拳拳孝子心君子之澤尙未沫舊德常綿春草深

江陰陳名發仲翔

父存生我母兮鞠我酬答恩慈百無一可先生若曰惟孝
則煩一兒不願致千金富兒不願覓萬戶侯但願長侍父
母之春秋解二風雨一廬父老而病兒與父母相依為命父
病兒憂千種併解三一方洞見兒能醫祇為天親意轉疑陳
牲酒禱神祇血痕縷縷淚絲絲回思心骨悲解四小人有母
又為造化小兒苦手足拘攣兩不哀聲聲愁絕聽啾啾兒

手代母肱兒足代母股兒在母旁母疾二分痛雞三號更
五鼓藥鼎茶鏞終夜伍人憐一十八年長兒恨一十八年
光陰箭去弩解五人繪先生事我繪先生心先生有知許我
知音此意還質吾江陰解六

靖江翟一點吳三

慈烏午夜啼心靈常惻惻繾煙達蒼旻獨抱春暉泣
醫術三折肱由術通乎道數卷神農書堪補孝經孝
論孝久為難吾思禮經語五十重華年依依猶孺子
繪貌兼繪心藹然見於面古貌照于春血心慙一片

江陰章廷華絨雲

失侍孤兒空自憐時子丁披圖驚拜謝公賢輸他月黑燈

侍疾圖題詞

卷上

圭陶社叢書

昏夜喜懼交繁十八年
求遍千金肘後方療親心事接微茫顯揚忍看麒麟閣純
孝家聲萬禩芳

廣德戈乃康卓庵

當年誰擅丹青筆寫出人閒孝子心十八年來宣鏡瘁兩
三傳後廣徵吟萱顏未為呻吟苦藥理偏因問候深天相
雲仍爭敢秀追懷祖德嗣徽音

江陰唐鳴鳳呂奎

天降凶虐乃及兒母暑溼錮母身風淫攀母手母雖樂生
樂何有解一金篋無光憂何時忘人家有母歡在堂兒家有
母病在牀解二母反側兒扶翼母輾轉兒竦息以湯以藥以

飲食以日以夜以晷刻母病不瘳兒不職三兒不職母膳延日復日十八年六千六百義輪旋兒心轆轤慈幃前母眠不安兒何眠四哭籬籬筍出卧冰冰魚生孝感所致一時耳對此遙遙能無驚五孝且貧聞邑侯解衣衣贈羊裘孝子敬謝不敢收母被不温兒所憂兒有敝衣又何求六君不見富貴人家執帚于高堂有疾容一視朝斯夕斯實難恃况復年年藥勿喜對茲孝子當愧死七孝子居江陰城姓謝氏生有清字東緯霖其名道光開朝廷旌名流題繪篋笥盈玄孫鼎銘吾友生追述祖德淚欲傾吾為誌之實幽明八

武進吳集慶頌圻

侍疾圖題詞

卷二

七 陶社叢書

暨州江水何鄰鄰中有謝公以孝親其親是殆兩間正氣所鍾毓宜產獨行君子先天民公少岐疑枕經史神明內蘊外恂恂旁通雜學闡靈素染翰蘇黃罕比倫孝子曰在室方塵北堂侍膳家逢吉無何太君邁厲病不仁終朝偃卧不能出呻楚痛徹孝子心午夜徬徨憂弗恤焚香禱祝籲昊蒼容色慘沮淚成行搥胸慟切願身代日月黯淡天昏黃晝行跬步不離側夜卧詎沾茵與牀煖寒勤調護湯藥日親嘗積之十八載未遑解帶滌襦裳茲事古所無有司交章歷歷皆陳臚斯時有清宣廟深嘉納封遞丹詔旌其廬煌煌簡命天衢下士夫奔走相歡呼祥鳳景星勵末俗輶軒備錄光門閭其爲人也曰孝弟珥筆大書儕董狐

粵有章虞山丹青弄柔翰寫成孝子畫一幅繪聲繪影譽愚頑意取平原買絲繡是圖奚翅萊衣班吁嗟孝子不可作惟見暨江郭外之山矗峙水瀾漫如斯庸行足諷世願公名與山高水長終古在人間

江陰章元治廣擲

小人有母病不已十載之中時卧起延求倉扁兩三人獲苓供奉尋常例展拜公圖愧何似如公方足爲人子衣不解帶十八年十八年如一日耳一日之中十二時十二時中淚不止愁容又怕阿孃知笑語温和慰母慈評量藥物公知醫護持寒暑亦易爲最難曲折細微處有病還如未病時阿孃之心最痛兒見兒勞悴心傷悲夜深人靜驅兒

侍疾圖題詞

卷上

大 陶社叢書

睡公謂阿孃兒不疲打疊精神顏色怡形影何能片刻離疾苦漸忘阿孃喜公言子職當如是妙手何來老畫師傳神都在丹青裏丹青傳出孝子心畫工聲價重黃金此圖抵得孝經讀披圖尤使淚滿襟嗚呼噫噫悲乎哉今之孝者吾知矣捧檄而喜曰顯揚婢僕趨承奉甘旨自謂能養類如斯惜哉未見公此紙安得圖形千萬張仰瞻遺範遍閩里

閩侯葉在翁乃書

朱母之疾十八載謝公侍奉湯藥衣不解帶者如其年大哉孝子之爲孝清道光閩旌其賢孝子要自澈終始毋疾愈篤子愈虔語云久病無孝子孝子因病名乃傳弱爾有

母我豈無不能侍疾永其慈暹君此圖一慟哭百身莫贖
感終天

武進孫瑞荆稻樓

晚近子道虧視親如路陌邪說方侈張橫流肆潰決忍絕
温嶠祜長挾蘇秦策問暖與省寒子職恆關失盡歎東緯
公暨陽宗謝逸少小攻詩書岐黃擅妙術至性本天成始
終如一轍座舍考叔羹袖懷陸郎橘純孝慕古人閨里皆
詳悉有母氏曰朱羸老沾風疾步履艱門庭呻吟眠牀蓆
公乃惻然傷以身代僕役湯藥試温涼純鱸加芬苾中宵
睡不交黎明帶猶結母強作歡顏詔兒速寢息兒知母託
辭勸母勿軫恤在苒光陰過春鵬復秋蟀狼狽兩相依星

侍疾圖題詞

卷上

五闕社叢書

霜十八閱久敬永勿衰百年如一日業已旌諸朝又復表
諸邑信乎孝子風自足資矜式今公有慈孫與予道誼合
爲述公生平涕泗尙橫溢手出侍疾圖囑予題一一予也
賤不才何敢污卷帙竊以公孝行較古尤奇特推之以交
友受譽眞匹敵移之以事君蘇武且失色披圖一徘徊渺
焉難再得用陳蕪陋辭聊以揚高潔

萍鄉黃體震絮籠

五倫廢君臣忠字暫勿論惟敬堂前佛夢當在方寸况迺
親年高百病嗟困頓稍稍不盡職便貽終天恨暨陽有謝
公足爲人子勸孝子家居江水淡工書知醫不樂仕愉愉
一室生春風猝然母病逾一紀菊泉不可探丁藤不可尋

縱然燃掌難分痛傾將丹石一片心夕膳馨兮晨羞潔稱
藥量水日汲汲衣不解帶未遑安一十八年如一日傷哉
寸草自依依莫駐春來日夕暉祇此孝心不可沒朝朝常

共白雲飛章君畫擅虎頭妙爲寓斯圖傳純孝母身雖病
神則恬孝子憂勞見於貌吁嗟乎我今展卷哀莫已憶昔
負笈四千里嚙指未歸母終堂椎心泣血顏常泚

望江宋 城百擁

良醫濟世功同相內行淳尤四海欽爲博歡娛常戲綵偶
聞伸欠卽披襟三冬本富東方學一幅能傳孝子心何必
出山圖遠志年年萱草悵堂陰

江陰張榮珉駟鼎

侍疾圖題詞

卷上

五闕社叢書

彌綸天地翼綱常首先孝弟經爲詳修齊平治皆本此誰
歟實力身擔當吾鄉夙以忠義著人才每得江山助孝行
人爭說謝公至今鄉里尙騰書同邑推官有謝子係公五
世直系嗣公卿賓客詩酒仙吏隱閩江共需次緇懷祖德
徵題詩備述先人烏鳥私一幅丹青手示我激昂慷慨揚
清眉道是先人孝行卓泥塗軒冕人磊落工書直欲駕蘇
黃知醫名噪江南北天性純摯亦謙藹濟時皆有三年艾
母病風痺十八春親侍湯藥未解帶曾旌清代宣宗朝天
語絲綸一字褒願以詩歌繼邑乘闡發幽光庶孔昭我聞
斯言式遺像肅然起敬心景仰屈指六千四百日相依爲
命盡孝養晨昏寒暑憂患共母痛亦痛驚厥夢肉可剝兮

身可代家世渾忘就輕重恨不化作身外身千萬苦提呵
護頻寸草春暉斷復續假齡默默天與神方之古賢誰近
似望雲終使閭空倚卧冰哭竹亦一時常變久暫何能擬
心香一瓣神爲馳祇恨蒼蒼生我遲不獲親承杖履教披
圖亦復空爾爲幾多繡虎雕龍筆爭揮珠玉積篇帙擲地
誰作金石聲畢竟推官善繼述廣求圖詩體圖意兩可風
世彰大義愧我未足揚幽酒俚吟勉酬桑梓誼

浙江魯德林蕙泉

渡江門第此常新侍疾曾聞十八春技術文章皆壽世綱
常名教有傳人參天綽楔干霄漢歷劫丹青比鳳麟寶樹
長留遺澤在畫圖瞻拜仰天眞

侍疾圖題詞

卷上

三闕社叢書

浙江趙崇鈺四勿

忽傳佳話到吟壇欲闢幽光下筆難大孝足貽神鬼泣遺
型留待古今觀呻吟入耳心長碎屏立無聲淚暗彈一幅
丹青同不朽世人莫作等閒看

東山自古著家風純孝於今又說公富貴久拋身世外精
神全注病愁中樹將萱草憂都釋嘗徧葭苓醫自工十八
年來衣不解故應蒼鬢盡成翁

江陰繆九疇書屏

依戀慈暉恐遠沈披圖如見老萊心虞山章子何榮幸藝
以人傳直到今

我亦澄江老鮮民悲懷風樹乃無親翬脣未澀栢栢飲長

作天涯負罪人

南安戴希朱敬齋

原名鳳儀時年七十有一

澄江清淑人物鍾處爲孝子出爲忠次見西溪樹節義說
是江陰眞豪雄江陰前有謝孝子庭闈竭誠奉甘旨金釵
忽爾感風疾奄奄卧牀不能起卧牀辛苦十八年設非至
孝怎安然最難晨夕侍湯藥衣不解帶隨親前解帶勿違
武王事問誰愈久愈誠意江南志乘有傳人霖爲其名東
緯字東緯孝思久不渝儻移作忠名教扶竭力發爲致身
事堪借李繆正朝樞即令勿膺上主組內行亦足傳千古
王祥姜詩一撥人至今猶入書畫譜嗟乎世風變爲夷誰
知君父是綱維老夫欲作中流砥將註孝經摺撐之何幸

侍疾圖題詞

卷上

三闕社叢書

賢孫備圖至繪出當年夢我思令我至性油然而生想見天
經與地義與酣濡筆成詩章備述一段蘭階香敬告天下
有親者覽圖須解繫綱常

無錫秦書勛西山 時年七十有三

孝子爲謝君治盒台高祖諱霖字東緯工書知醫事
親以孝名母朱太恭人患風疾纏綿牀蓐孝子躬侍
湯藥衣不解帶者十有八載道光閒旌於朝虞山章
敏爲之圖以傳其事丁巳春治盒司謙晉江兼攝縣
篆出圖徵詩書勛年老學荒何敢輕易於班門弄斧
顧念與治盒有和謨同郡之誼雖不文烏敢辭爰玆
蕪詞錄呈教政

君山蒼蒼江水泱泱扶輿鍾淑厚德流芳青山里社小築
亭榭奉母閒居高風挹謝一十八霜金護無光衣襦不解
湯藥親嘗哀哀病母一燈相守風燭年高龍鍾狀久誰擅
丹青神情曲繪好事虞山流風未沫雲仍奕葉盛德所基
烏衣江左玉樹瓊枝秦氏雙孝奇暢園號先祖遺嶽兩家
光耀慧山秦氏雙孝祠內祀書勅十四世祖恭恪務本二
公有明姓表孝子清康照簡車駕先後南巡臨幸寄
賜圖凡亭榭池閣宸翰獨百行孝先緯地經天藏諸孫子
德萬斯年

山陰朱志松瞻江

一幅丹青寫性真藥爐茶鼎伴昏晨傷心我早悲風木養
志公能泣鬼神移孝忠持蘇武節型方德步漢文塵臥冰

侍疾圖題詞

卷上

聖陶社叢書

扇枕尋常事孺慕渾忘白首新

晉江陳梁倫戟門時年七十有四

綱常萬古昭澆風頹叔季至性泥士夫何能責倫類雞維
東山翁德門敦道義將母忽抱痾痲蒼窮調治晨起露未
晞漏殘宵不寐湯藥必親嘗扶持屏姬侍暑寒疊薦更十
八年一致世人亦有言病久孝難侍嗟倫犯閒斯語來
奚自中懷本未純借此以飾偽與思古聖賢曠指心卽悻
尋親歷九年終能耐厥志庸行具生初服勞焉有二勝朝
勵薄俗褒嘉典優吳邑乘慎采風載筆傳休懿誰歎畫作
圖章君工藻繪潑墨闢遺徽兼以風有位對此反自思老
淚縱橫墜

晉江莊善望遠矚

謝家有孝子至行人膾炙母氏病在牀顛連匪朝夕千金
覓奇方窮捕二豎宅護齡延二九始終依肘腋我披侍疾
圖世道感今昔湖流之所趨家庭亦變革邪說無天親養
成梟獍逆所慕在妻孥骨肉轉閒隔母病倘違和陽示貌
戚戚生死聽庸醫那辨草與石貧者爲飢驅定省久曠迹
富者金玉身事事任臧獲有子等無子子多互譏責請傳
謝孝子爾類恥可格

龍巖范陽城凌庵

情誰描寫性中天紙上精神自躍然親侍藥鏞十八載猶
垂遺範萬斯年慈顏憔悴身難代孺慕纏綿筆曲傳重耳

侍疾圖題詞

卷上

聖陶社叢書

出亡時更久何曾心到寢門邊

江陰張漱荃鳴玉原名淑泉

櫻貞疾窮於醫聞呻吟心孔悲母勿悲兒在茲侍牀尊親
扶持心默禱十二時十八載永如斯痛春暉冉冉移揮魯
戈涕漣洏鬼神泣金石垂孝鳥孝慈烏慈公麟畫白華詞
江陰趙良杖浣塵時年十七

玉環藏 禮聖儀閩秀

永懷河海慈未竭涓塵報蒼蒼樹欲靜烈烈風何暴萱花

色日瘁舜草形益耗酷暑求冰漸祈寒躬露禱眞誠格天
醫至性感賊盜緬彼都人士繪圖表清操述德有文孫揚
休化悖驚徵詩資觀感中閨亦傾倒孝無患不及敢爲同
人告身非空桑出思之躬自悼

南岳傲樵

北堂清課援神契異母別居十八年真拜養本宋
功孝經律孝子但
供雙鯉膾醫家難覓五禽篇綵衣無恙萊歌楚寒食傷心
介隱緇絳古池晴春不死雕胡市地玉生煙

侍疾圖題詞

卷上

華陶社叢書

侍疾圖題詞卷上終

玄孫鼎錡輯錄並校字

謝孝子侍疾圖題詞卷下

京山馬慶龍雲門

馬班作史不立孝子傳其意以孝庸德也聖哲英雄有道之士皆從此一念發生出來立專名以奉之於義轉隘至晉而有孝友傳宋齊已下相沿作孝義傳抑亦時勢使然歟然其義例實發源於范史范氏江革劉般諸公列傳彙紀孝義之行以為世則用意良厚第數公者游離喪亂階區奉母備極危苦非常情所能測而後世傳孝義者顧往往意道奇異之蹟而略於庸行毋乃褊乎於序天下之至庸者正天下之至難者也若謝公者可以風矣敢為讚揚之辭附諸

侍疾圖題詞

卷下

一 周社業書

簡末敬告史氏

乾坤一浮物鎮之以名教人紀一死法良知為之辭道喪俗痛薄箕錫有詆誚毛裏而胡粵相譬等寇競仁根斲殘盡迺爾如虎豹英英謝夫子至性天鑄造箴灸試庖生藥囊結王燕呼天呼母時涕泣以身禱兒身何足惜母病苦難療屈勉十八年耿耿孤燈照畫畫畫成山翁苦心為世告血淚築成行綵服添奇羅時序失煥寒衣裳忘顛倒不期然而然夢覺有獨到惟庸成至奇博天悲巨孝持此鎮橫流精誠薄兩曜

江寧潘宗鼎蘆靈

王燕侍疾遂通醫藥裹繩牀謹護持一例千秋傳巨孝盡

圓合補武梁祠

莆田林 翰西園

蹀躞事湯藥寒暑十八易疾者已枯瘁侍者尤羸癯啞啞屋上烏悲鳴向暹夕慈暉照庭草寸景抵尺璧一笑生歡愉一呻悸心腹炎夏日灼膚嚴冬雪侵額但知鞠育恩齊辭溫清責羨魚與孟筍古者天可格豈期子道苦今世勝往昔虞山有畫聖能寫純孝蹟丹者血所凝碧者淚所積掬此血淚痕千秋作遺澤誰無南陔感珍重保尺册

晉江楊 瀚浩如

十八霜中解帶無傷心侍疾尙留圖百年人事歸坏土一片天真紫葉蘊志乘流傳名自遠廟諭浣濯德非孤官家

侍疾圖題詞

卷下

二 周社業書

旌獎齊初意但傍慈親作乳烏

惠安汪煜輝照陸

子身胚母身母病甚子病區區侍疾庸何奇迺有綸綵張皇麗其行哀哉鮮民誰無母手親身衣浪奔走有疾不能侍左右寸草報得春暉否我披虞山手繪孝子圖烏衣門子世所無慈竹龍鍾不報安林得依依喘未殘長桑書在藥方毀醫倉無術療痕痕孝子曰嘻甚矣億吾其侍之曷敢懈生我者母母恩隆不生我醫術窮欲草愈風之機愈母痾書法不能敵病魔欲購長生之藥奉母嘗人閒何處覓瓊漿吁嗟乎學書學醫兩無補有母乃為造化小兒苦陔南愛日苦無多一瞬十有八年所不以侍疾沽孝名

其圖其人並千古

晉江楊廷經子繪

虞山尺幅廣流傳萬口同聲孝行全寢食宵忘因母病初
終罔閒佩公賢活人夙富懷中藥侍疾差輸海上年幸見
幽光揚邑乘遺編捧誦淚潸然

上杭邱復荷公

世言久病無孝子况十八年病不起藥盃茶錯手不停中
裙廁踰躬自洗有時隆冬風雪躡天寒夜半呼更衣有時
溽暑火雲烈朝來夢裏驚蚊蠶兒無母兮兒天終兒有母
兮母恩隆母病風醫術窮兒不能走蓬鳥登腔覓靈藥
訪仙翁憑此孩提心精誠或與天相通兒惟知有母兒不

侍疾圖題詞

卷下

三陶社叢書

知其他兒生母撫育母病兒摩沙母忘疾苦兒心樂兒願
侍奉母病罹十八年閒苦日短朝朝暮暮情如昨顛連困
頓不自知形容憔悴非曩時君不見圖中柴瘠骨立何人
斯孝子之孝如見之孝子謝姓霖其諱家住江陰字東緯
誰其圖者虞山章百年凜凜有生氣玄孫洽盒今詩人挾
圖囊筆來八閩舟車無忘述祖德靈運或者君前身嗟我
鮮民哀罔極安得雞豚常侍側無限皋魚風樹悲題圖擲
筆三太息

南安陳鼎元孫樹

疾來容易去無期十八年光力已疲房闔扶來充侍婢江
湖何處覓良醫殷勤莫試回春手繫戀難紓鎮日眉海內

至今傳孝行披圖如見倚牀時

江陰夏詒選艇齋

失恃悲鬢斲牙牙語未工回思當日事彌愧外家風公於子為
祖外高苦若春暉祝迢迢玉漏終丹青餘涕淚一十八年中
晉江黃仲訓篤齋

侍疾慈幃十八春始終無倦見天真誰云久病難為孝自
是知醫動必親一幅畫圖欽錫爾千秋嫩行頌斯人揚徽
愧少如椽筆叨與名賢廁錦麟

晉江吳鍾普元甫

昔有畫師傳孝子豈陽其鄉謝其氏絕人至性生之始有
母朱蒸人病風困牀第意有所嚮以頤指視聽於無聲與

侍疾圖題詞

卷下

四陶社叢書

形不言而喻維所使有目不交睫有足不旋踵母病有兒
母無苦兒身無母兒何恃藥爐茶竈年復年十八年如一
日耳由來子母同一身本屬于毛離于裏兒病貽母憂股
勤夜十起聞兒一呻吟母心痛如燬疇能侍疾久益虔有
如慈母子疾視卓哉孝子信絕軌

江陰祝廷華丹陽

吾江青山里謝氏有遺蹟天語旌其門輝煌壯閱閱謂是
孝子居家聲常赫奕陵谷雖變遷崇祠建郡邑常州新建

江孝子後商多捐款進位本
邑孝弟祠助後亦新修葺
孝子有賢孫與子素熟習友
誼本世交姻誼兼至戚一日手珍藏語余聲嗚嗚謂此侍
疾圖子家所什藁予聞謝君言袖手不敢接薰沐始展圖

一子侍親立妙手寫丹青結構真精密謝君前致詞此圖
 珍拱璧擬請賜題詠輝光照蓬華予又復展圖題詞已成
 映珠玉既前吐雲霞復後綴璧登黃鶴樓巖且擱筆況
 予久荒廢焉敢污雲笈謝君殷勤言請勿過謙抑予以謝
 君誠中心常蘊結遷延復遷延如刺梗胸臆彈指幾秋風
 見君每相憶此憾不消弭君意何時愜况今十年來君詩
 勝曠昔能登李杜壇能奪曹劉席雅韻關尖又清談錦玉
 屑枕菲忘劬辛校讎如掃葉滄海賦歸來愛陶已成癖康
 樂擅清才干人且辟易與予臭味投家世都深悉由來孝
 子公富有青箱業遺澤逮孫曾遂致詩無敵日昨謝君來
 親攜二巨籍江上有詩鈔君乃爲續集金張兩書宿卓學

待疾圖題詞

卷下

五陶社叢書

稱時傑均題孝子圖警旬時絡繹予見忽技癢長吟遂抱
 膝心慕孝子公卓爾羣倫軼桑梓諸父老孝行常稱述敢
 將夙所聞書補前人闕孝子本善醫夙精岐黃術有父方
 抱疴有母復祝噎先後病垂危孝子日涕泣今將父病時
 覩縷道一一羣醫既束手孝子心如裂一日賜九週三指
 脈細切察狀辨虛實靜氣審呼吸沈思自擬方方好仍踟
 躇政信此藥投遂謂能事畢焚香禱於神匍匐心戰慄孝
 子聞人言子血能愈疾引臂亟自刺錐利乃無匹用力詎
 過猛縷縷殷紅滴和藥進親前猶恐不下咽詎知一飲盡
 入喉等瓊液子貌方徘徊親顏轉怡活血補衰年和營
 信有益一劑神速清再劑氣不逆化險已爲夷逢凶乃成

吉誠孝格上蒼真有回天力無何母復病孝子汗流膏藥
 爐與茶鼎位置殊妥貼食粥稀且糜進湯羹復潔平時母
 所需瑣屑都陳列動作求安詳卧起常扶掖久病怕聞聲
 精神已虛怯假寐防軒呼行路無聲息在萬幾春秋願瞻
 心忱忱無如疾不仁承朝復承夕秋林號長風冬嶺下寒
 雪屢啜數聲聲蟹鳴聽歷歷中宵畫角霜破曉雞聲月旭
 日朝昏黃寒冰夜凍冽頻年不解帶孤衾冷於鐵憂思日
 以長愁緒日以積絕域求神芝名山訪秋尤請醫治罔效
 寢饋常危脆倚牀心脚踏繞屋步踈躓名利都相忘圖史
 亦拋撇一切不介懷惟有祈天急焚香手不停垂涕廢飲
 吸深夜禱蒼穹可望不可即安得有神仙金丹速賜給積

待疾圖題詞

卷下

六陶社叢書

首領盡腫淚盡繼以血精誠貫四時感應爭一瞥忽忽十
 八年始終心專壹親病如不瘳兒懷終不憚古人格天心
 繼絕還與滅人定可勝天遲遲終報捷帶病獲延年親壽
 自天錫孝子愁眉開慈親笑容掬渾忘手足勞轉喜身心
 逸長病孝子難如斯真卓絕憶君持圖來曾效微生乞賢
 翁謝氏孫望塵嘆勿及獨有高士風愛善遊山屐著江詩
 社成欲趁黃花節誰歎執牛耳難向他山覓我病久無聊
 君來慰岑寂得君真快友下風敢長揖今茲題此圖傾倒
 尤無極

閩侯鍾 涵仲亨

萬象眼中非昔日并教人紀數無形披圖亟欲臨風拜爲

歸鄉問讀孝經

江陰章成銘伯新

安石家風孝弟情
依依孺慕見真誠
最難侍疾六千日
不脫萊衣舞到明

商量欲覓九還丹
母病如絲求艾難
贏得畫工濃淡筆
留將一幅後人看

坊表魏巍一代旌
千夫共指舊蓉城
苦心畢竟邀天鑒
不負慈烏徹夜聲

江寧吳鳴麒慶伯

斷殘申浦先賢傳
零落虞山孝子圖
一十八年湯藥事
慈幃交睫解衣無

侍疾圖題詞

卷下

七月社叢書

祖德清芬述太翁
久知康樂有家風
傳經一硯先傳孝
樵悴萱花血淚紅

宿遷吳鴻昌題臣

十八年來如一日
直將心力報慈帷
藥爐茶竈晨昏伴
扇枕溫衾歲月馳
賜斷九回悔喻苦
肱經三折更精醫
若論孝感神明處
縱有丹青未易施

長樂高哲元鏡芙

人生一瞬盡壽世
此圖存侍疾廿年
瘁流芳萬禩尊慈
恩酬母氏孝行述
玄孫不盡欽遲意
摩挲有淚痕

江陰殷葆誠亦平

我昔觀公侍父疾
長生苦乏神仙術
奇孝更深殷可封
至

今談者神為慄
今我觀公侍疾圖
庸行尤為世所無
母病

牀尊十八載
神魂時時與之俱
母眠如柳惟公起
之母枯如桐
惟公蘇之無晝
無夜忘寒忘暑
日居月諸不遑
啟處

呻吟乍止
母身安
母身不安
兒淚洩
瀾軒聲漸作
母睡

熟兮母睡不熟
兒心數棘畢
竟精誠感
昊蒼
蒼蒼有效起
膏肓北堂
留得春長在
不覺星星兩鬢
霜虞山章氏
誰家

長樂劉炳南耀庭

子繪影繪聲
乃若此方
今三綱苦
不張得人
如公庶有豸

烏衣門第駐春暉
十八年來病榻依
叔達補荷供解渴
彥先藥石喜懷歸
畫圖歌泣傳吳下
詔語衰旌賜漢畿
今日

侍疾圖題詞

卷下

八月社叢書

長樂陳鴻玉園

奉母東山別業居
燈前侍疾讀醫書
延親十八年來
壽定有奇方肘後儲

垂白金萱病十分
蓮花親獻禮慈雲
瓣香為仿黃庭體
乞壽時書禱佛文

孺慕依依病榻前
畫堂深護藥爐煙
何來絕妙傳神筆
愉色慈顏兩藹然

澄江孝義傳中人
天語褒旌下玉宸
更說趙宗陳祖德
徵詩韻事徧南閩

長樂鄭光輔仲翼

多公辛苦侍慈
瞻有喜終難勿
藥占十八年
光安枕少萬

千愁緒倚牀添愈風無術空求艾詠雪何心更撒鹽今日
披圖深景仰芝眉遐挹感雙尖

閩縣陳元凱陀龕

至行不求異大孝始事親天下盡人子事親能幾人

航航謝先生純孝世所式親疾十八年身不離親側

至今江陰縣人稱孝子鄉繪作侍疾圖翰墨猶芬芳

題詠遍四海顯揚資後賢我慚非林同爲補孝詩篇

閩侯陳聲泊公荆

十八年中侍病牀多憂白髮定如霜卧冰改住天應鑿眇

目仲堪帝亦傷白鶴雙飛純孝行青囊滿貯養親方盡工

縱有傳神筆屬屬愉愉恐未詳

侍疾圖題詞

卷下

九陶社叢書

南安吳拱震省齋

拜柑療渴本來奇孝感端由祖德貽寒暑必調安枕被晨

昏無閒捧卮匝樹風恐失舉魚養藥石恨無扁鵲醫寫得

春暉留畫本誦芬徵集百家詩

涇縣吳之愷靜夫

小人有母病三年愧未躬親湯藥煎去竟絕秘真太忍喜

因捧檄豈能賢輸公富貴忘身外勝我晨昏侍膝前塞外

節旄零落盡作忠移孝畫凌煙

閩侯鄭 廖天放

治盒詩才何橫溢眼前諸子無其匹知君祖德尤槎枒孝

慈先後相繼述療親刲股信難能濟眾解囊具深惻比來

世風日衰做縷錫往往含德色嗜臂燒頂媚所媚獨有耶
孃不記憶此翁安得起更生一爲斯民作儀式

長樂張鳳墀蓮禽

謝庭孝子號知醫十八年來阿母惟總爲病風獲羸疾都

成愛日篤烏私與齡有願難通夢勿藥無期曷展眉千載

苦心誰共語虞山畫本喜曾窺

黃巖管之楫子舟

子弟烏衣書冠時先芬載誦更心儀長年病榻常依母大

孝儒門不廢醫夜雨孤燈傳影事春暉寸草託哀思滄桑

百劫茲圖在應有神靈默護持

長樂石恩綸倚棹

侍疾圖題詞

卷下

十陶社叢書

一從邪說入華夏鼻獍紛紛徧天下在家未覺壞倫常徧

向人前論文野主持風化是何人反鑄乖才開神治我處

山林無斧柯但有哀歌淚盈把忽然披見侍疾圖急欲以

此慚時趨雖然尺幅萃和藹先生狀貌殊迂儒讀書好古

敦內行固能反哺師烏烏十八年閒躬侍疾藥香病榻親

相娛展卷流連不能置感此至誠本無偽視存稍可致寸

心名教之中多樂地前賢奇行動足傳分內所爲齊稱異

但於濁世尙澆漓得如公者真大瑞

江寧王忠敬松麓

百善從來孝獨先心香一瓣禮鄉賢人閒至行誰能此侍

疾居然十八年

萱草悠悠在北堂
枯榮猶自恃青囊
可憐醫學書繙那
得長生不老方

虞山妙筆抵倪黃
畫出斯圖有異香
畢竟苦心邀上達
巍綿楔永流芳

當年王謝掩重門
一樣烏衣巷裏存
我更哀哀思母氏
空吟百首紀思萱

子著思萱集百首尚未付梓

長樂鄭以超惠庭
荻書猶記授芸窗
老病欺風奈不降
營藥歲多情祕錄依
萱影瘦伴寒缸
虞山畫本傳神妙
漢殿絲綸寵賜厖
欲識烏衣舊家法
瓣香佳傳誌澄江

閩侯林炳勳仲立

侍疾圖題詞

卷下

上海社叢書

述德玄孫誌不忘
茹貧廿載奉高堂
披圖恍見當年事
行世堪爲末俗坊
生爲通醫高若訥
死猶廬墓蔡中郎
卽今綽楔干雲表
孝行流慶食報長

南昌鍾繩武統庭

難將寸草答春暉
十八年來侍寢闈
已疾回春親色笑
服勞達旦減腰圍
葭堂就養蠲憂忿
萊綵承歡切戀依
每一披圖瞻世澤
寧徒門第盛烏衣

南安吳增桂生

一榻方書一藥爐
良醫無計覓秦盧
心同寸草春暉戀
家有生柑夏月腴
鞠育維難酬罔極
扇溫曾不離須臾
晨昏侍奉六千日
一片天真入畫圖

鄞縣孟昭涵兆沅

謝公至孝格蒼天
侍疾萱闈十八年
藤篋數行隨淚灑
膏五夜共愁煎
捧來丹詔慈魂慰
贏得芳名信史傳
大義近今嗟墮落
遺圖展視意悠然

鄞縣朱絨少軒

未俗日以漓
誰作舜倫則嗟哉
孝子公獨秉純懋
德學書業已成
靈素探心得不慕
身外榮但勤弟子
職慈母朱恭人鞠
育殫精力衰病日
侵尋臥牀難反側
孝子痛母病已自
忘寢食母軀爲兒
瘁兒心尤惻惻嗟
哉孝子公眷戀萱
堂北湯藥手親調
宵旰無時息祇冀
春暉延那恤秋霜
暹歷年十有八公
視如頃刻虞山草
志學久擅丹青色
圖寫

侍疾圖題詞

卷下

上海社叢書

當年事傳爲後世
式大吏聞之朝至
行未敢默天子詔
曰俞以爾立子極
史臣揆鴻藻綽楔
表門閭嗟哉孝子
公足以風兆億

南安洪錫疇禹川

侍疾庭闈十八春
藥爐茶鼎慣爲鄰
問安不覺忘寒暑
至性偏能動鬼神
名豈顯揚方是孝
醫能通曉半因親
披圖凜凜猶生氣
錫類而今有達人

宜興徐儂雲石

原名政儀字雲樵

謝公須眉如太古
讀書奉母殫精誠
辛勤侍疾十八載
比烏反哺靡忝生
青囊醫世幾折股
上追若訥傳令名
若請母病遂通醫
披圖拜公仰先哲
慙余涕泗來縱橫
憶從四

5647811

海擾蛇虺陋儒裂義揚衆誹孽角牙弄風雲石破天驚
泣神鬼羣倫糝亂莽紀綱誰以至德鎬瑰璋得公琦行砥
狂瀾道義矣止貫蠓螳嗟余小生苦行役早辭庭闈去射
策怡怡未盡華黍養古椿凋萎榆景迫倚闔白髮春暉陰
白雲歸遊涕終夕安得辭役田園歸去伴昏晨守駒隙往
余小住蒼江濱江水灑灑芙蓉春冶盒好詩詩有神英詞
翻波排鷲塵今去閩嶠數千里余滯京華隔雲水寄圖述
祖索置詞老輩典型照青史肅然瞻仰燕藉香敢謝不敏
測涯埃薰風南引陽春邇獨對遙天致雙鯉

長樂陳保棠伯南

百行在人爲惟天不容僞孝爲百行先強飾非其至壯夫

侍疾圖題詞

卷下

志四方恒忽庭闈地財能具雞豚痛苦疏留意且盡動其

天有終亦靡易江南謝孝子天性肫且羸瘦門憂疾人邁
疾患風痺手自料衣衾口自嘗藥餌一十八寒暑曾無朝
夕異誰獨非人子有親不能事聞此我徘徊孝思洵不匱
孝子盡當然爲之甯有爲有人爲寫真永用錫爾類一時
動天聽天語褒嘉懿一行足千秋況復多材藝麟鳳不爲
祥此是蒸民瑞

閩侯劉書葵致筠

大孝由來厥後昌曾玄易代耳猶詳傳家有道承宣鏡愛
日揮戈到魯陽病體煥寒時護惜深宵風雨幾徬徨此圖
曲盡當年事抵得私家紀載芳

292

宜與徐麟瑞定甫
謝家孝子有宗風侍疾猶嫌畫未工敬母自然身偃僕學
醫寧爲世疲癯殘膏合補晨昏缺寸草何當造化功十八
年中餘血淚墓門留得杜鵑紅

劇憐遊子徧天涯萱草凋零感歲華尺幅丹青能斂世千
秋坊表可傳家馨香梓里應來鶴風樹蒼城有暮鴉欲向
祠堂一瞻拜黃雲縣選客思賒

長樂張鳳章南渠

侍疾慈闈十八年畫堂深護藥爐煙養疴幾費求胡米應
奮能教活佛蓮志乘鹽州歸特傳靈書漢殿賜從天德門
果葉超宗繼題畫徵詩續百篇

侍疾圖題詞

卷下

人閒重倫紀百行由孝始至性鬼神欬臥冰堪求鯉先生

景前與孺慕終身矢北堂萱草榮南陔白華美何期邁風
疾委頓在牀第湯藥親口嘗晨昏備甘旨痛癢勤撫摩輒
轉時依倚衣帶不曾解十八年迅耳溫詔賁門閩邑乘詳
爵里一幅侍疾圖清芬猶滿紙既可播歌謠且以示孫子
孝感能動天繩繩看繼起

江陰沙貢璵謫士

吾鄉有謝公事親稱完人以圖例情事圖特其爪麟虞山
稱作手繪形那繪神以余所聞見孝行尙如新父病曾封
股一往不顧身母病十八載拘羣難屈伸如蠶體半僵眠

長樂李駒孟屏

起皆無因公爲鶴立何自夜恆及晨笑啼如赤子孺慕木
天眞方劑手自製不自知苦辛更以不匱孝而推錫類仁
活人不求富施藥能及貧誰家無葠草戶戶盡生春君不
見劉公母病雙淚含奉詔省視殊恩單得公一劑霍然起
神醫名噪大江南又不見馬公爲民賢父母太君有病年
衰朽得公診視病處退萬姓騰歡二豎走謝賢先生調
元公之丈孫兩
子之外舅也嘗爲
子言其事如此

長樂林秉衡澄生

舞綵娛親未足奇最難有疾不曾離廿年藥餌資神手一
幅丹青見孝思聖主褒旌榮昔日賢孫法學冠今時同舟
我亦增光寵明德達人信有之恰宜司蕭吾邑公
正廉男一時稱頌

侍疾圖題詞

卷下

五陶社叢書

長樂鄭啟霄漢子

剜肉醫母病宋有謝孝義奕世紹家風篤生象賢嗣維公
出清門天性自疑異醫紹和緩傳筆探鍾王秘材藝信絕
倫孝思尤不匱阿母遺危疾臥牀苦風痺轉側動需人跬
步護闈侍時爲嘗湯藥時爲滌溺器辛勞十八年何曾解
衣睡母壽一紀延父老談不置虞山章藕溪丹青擅能事
爲繪侍疾圖寫出容憔悴邑乘闡幽光旌朝膺寵賜惟孝
格天心用能承錫類曾玄述祖德惟恐有失墜走也雖不
才敢不爲公識

南昌熊加璧凡喬

孝親本天性凡民無不有親疾子侍之朝夕問安否衣不

解帶無倦容尋常可勉爲其偶中才以上歷經旬焉能獨
耐頻年久惟有謝孝子獨行齊漢賢母朱患風疾牀褥常
纏綿孝子侍母疾歷十有八年此十八年中恆終夜不眠
孝子不知歲月久佑母康健祈皇天母亦不知久病苦側
有孝子心安然工作字嫻醫藥問寢迎色笑恆博衰親樂
沿牀效嬰兒戲綵超距躍老母故得盡天年背似鮎兮髮
如鶴孝子謝其姓霖其名世傳東緯以字行歿載邑乘傳
曾受清廷旌孝子在天下不以爲榮孰爲孝子侍疾圖虞山
章敬繪事明孝子玄孫持法平孝先思孝根天情欲廣題
詠徵江城見圖孝心油然而生

江寧沈秉彝翁欽

侍疾圖題詞

卷下

五陶社叢書

至行惟文足表揚吾曹義合闡幽光辛勞互十八年久精
氣彌千百載長衰錫芝泥潛德顯芳流竹簡令名香仰瞻
道貌披圖拜宛見當時奉藥湯
五世賢孫謝治倉一枝綵筆占江南勤宣祖德寧辭瘁廣
輯鴻文不厭貪純孝傳家家積善新詩譽我我懷慚先生
志事堪欽敬繼述前徽極廣覃

衡陽蔣樹勳嶽雲

言念風樹悲誰歎非人子親老衰病纏有子得所侍末疾
患恭人卧牀莫能起孝子供晨昏扶掖無暇晷艱難任一
身奚或假僕婢母疾有時輕子職無時弛悠悠十八年曾
勿渝終始遺事徵邑乘公論非虛美大吏聞諸朝褒揚下

詔旨千載播徽聲孝子死不死孰繪侍疾圖後代欽芳軌
虞山有章氏丹青擅妙技曲寫孝子心傳神於片紙當日
奉湯藥安否異憂喜衣帶常不解盡瘁真形似我今慕至
行因之興感矣豈無醫笏榮未足垂青史亦有著作宏難
言篤踐履本立名歸從知道在邇事隔百餘年誦述芳
生齒日月同爭光胥壤享祀祀可以敦薄俗題詞深仰止
無錫薛光鏞劍鋒

陽春二三月百草齊發芽獨行墟隴間但見棠梨花誰非
人子心奄忽成惜嗟我慕謝孝子令德信柔嘉寢門侍母
病二九長年華顛木賴扶持所費力有加體察一不至難
挽麻龍蛇區區一寸心喜懼交紛奉吾友謝治童生長孝

侍疾圖題詞

卷下

七 陶社叢書

子家君子論遺澤五世猶足誇達人明德後保世方無涯
南安潘翔墀蔭菴

一病奚堪十八年朝朝隨侍老親前欲求身代誠難事知
是愛深非偶然藥扇紅爐供役久書繙素問學醫先傳神
安得荆關手寫出依依孺子天

閩侯郭炳璋鐵珊

至行由來未易成如公純孝著家聲寢門鶴立志寒暑深
夜烏啼歷晦明錫類仁風噓梓里詒謀循績播榕城賢孫
與我同官久示我丹青不世情

長樂劉承昆仲珊

蜿蜒大江南白鹿山盤翠奇氣鬱蔥籠兀峯挺瑰異清時

隱君子鍾靈誕其地康樂舊世家子公稱賢嗣夙抱凌霜
姿襟懷絕塵果龍宮探秘方活人蘊素志黃庭習遺經臨
池參妙意藝苑既兼長孝行尤肫摯北堂擾風疾呻吟在
牀被痛痺母未言兒心默垂淚曾不閒展昏護持左右侍
勞役屏賦獲躬自調藥餌哺私感妻孥相與孝滯澆時爲
嬰兒啼榻前牽衣戲博得親歡愉頓忘形憔悴如是十八
年辛苦良不易孺慕篤終身至性永錫類送粥慰長魚罷
社憐叔治歌泣遍吳中大府上其事朝廷覽封章天語加
寵賜邑乘誌先型特傳歸孝義章生工丹青傳神劇精緻
爲繪侍疾圖奕奕饒生致如狀循陔思道貌見純粹矣查
畫甘泉家藏什寶笥賢賢孫治童君才名夙心醉宗派紹直

侍疾圖題詞

卷下

六 陶社叢書

城難雄雄掉臂會獄來新寧飄飄神仙吏泫然陳先德披
圖出相示郵書績徵題表章毋失墜我久澀於吟函詩飄
投寄待看專帙成微名或附驥

遼陽陳 思慈首

延陵故墟仁讓里中有純孝姓謝氏刺血禱天和藥匕乾
蔭暫留籽寸晷天定終難人力抵四大風又慈雲駛號泣
顛帝帝充耳叫闐無路返求己靈素參澈軒皇旨捐禱慧
勝春不起婉容養志馨滌瀟抑搔滌滌躬奴婢中閨良匹
姬姜比十八年閒心豈是臺臺忘切無終始思道應時差
可擬先皇以孝立範軌棹楔旌門示風紀琴川章生寫此
紙曹帶吳衣蘊精理孝經圖繼龍眠李憶昔南遊八桂水

町翁指君家方山坐我町亭裏先德遺詩誦指方山進士指方山太

守通德高門遠仰止今日相逢江之汜指方山感君不以風塵鄙

邀作小詩書卷尾閉門撚斷霜髭幾我聞內則古經禮男

職女職閨門啟春秋不作網維池陟此瞻雲人詆嘗示疾

如燬父母逝遺憂豈徒疾而矣惡疾彌天天癘痔采菰哭

筍皆歷史披圖未終類有泚作歌告哀待輜使白華絳跣

在陵址百行大本首於此

吳縣吳本榕南蔭

天與庸庸多厚福階前日報平安竹祇有孝子常苦辛每

聞烏啼腸轉轂卓哉我思謝孝子流風餘韻詳家史雞豚

菽水總尋常小孝養生大養志養志不遂可奈何楮庭摧

侍疾圖題詞

卷下

五周社書

折影婆娑北堂亦有忘憂草那堪疾病復纏磨病魔纏繞

十八載侍奉湯藥未解帶林頭恐傷病母心和衣假作三

更睡欲睡復起色然驚輕輕細語慰娘聲兒經酣睡神氣

足願陪阿母到天明對母歡笑背母泣十數年來如一日

一日當作百歲看相依那肯輕相失吁嗟一幅侍疾圖當

年多少淚痕枯臨風一展一概歎君有母兮我獨無格三

喪母
故云

貴陽周謹權衡脚

萬轉千迴似轉輪祇知反哺學慈烏食眠未忍離親榻寒

暑渾忘伴藥爐默禱惟祈風去體服勞漸見雪盈顛即今

點滴皋魚淚希世丹青未易摹

江陰錢榮光性方

蒼蒼者天造物奇奇在造物造四維四維不張國乃亡忠

孝尤爲人綱常爲人捨卻身報國首重天倫完子職菽水

承歡了無營萊衣舞綵垂萬年嗚呼我邑東緯謝公眞孝

子死膚旌表死不死衣不解帶十八載侍疾有圖圖宛在

曾多題詠哀公孝孝行彰彰正風教孝哉不渝閑子肅守

身肯讓曾參賢哭竹卧冰兩相方事同一轍姓名香嗚呼

我公事略早入志乘名列孝悌祠區區謠詞敢爲泰山河

海裨毫釐

江陰張濬佳哲甫

劫并灰飛天地晦用夷變夏綱常悖父子平等染歐風禮

侍疾圖題詞

卷下

五周社書

懿廉恥四維廢芙蓉城是古藍陽中有謝氏世流芳綉繡

瓜戢守勿替先人遺蹟能珍藏箇中往事分明在北堂供

奉毋敢忘母病形骸子病神目不交睫十八載誰歎繪者

虞山章丹青易代發幽光即今披圖肅然起我欲爲之歌

陟吧

閩侯王 琬逸茨

君家世德我能詳自是東山衍派長但望萱枝能不老故

教藥性必先嘗懸來壁上衣冠古想見堂前問候忙美兩

歐風無賴甚此圖今日要珍藏

江陰曹亮臣繪香

吾獨有孝子懷憂常苦辛辛問爲誰轉輾在慈親慈親

病且篤肢體難屈伸沈疴十八載委曲侍昏晨賢哉此孝子與世若殊倫臨圖起長歎榮名信可珍

江陰錢 夔夔若 原名宗孝

青山里古鍾靈秀荀出寒林別有春風雨孤鏡斷機杼素靈一榻伴昏晨栖梁乳燕頻來去巢樹慈烏迭故新十八年中時飲泣不知血淚幾霑巾

武進徐致中燮儔

覓得良醫肘後方咳蘭重續舊篇章願懸鍾求寒水愁聽慈烏啼夜霜萱草庭階隨節換藥爐生計共年長應知十八春秋意留與孫曾作表坊

武進費體重礪平

侍疾圖題詞

卷下

至周社堂

先生已入畫中圖捧讀圖中記事珠芳草夕陽懷舊德芝蘭玉樹廣前模寸旌略表垂千禩尺幅爭題徧五湖共羨嗣孫 指弟 追遠意風清俗厚在茲乎

依戀慈幃十八年宗風濟美孝柑先欣邀楓陛衰揚筆采入善江志乘編光耀邦家傳懿行澤流孫子繼前賢圖中畫像峩峩時猶認虞山染翰妍

武進邵禹聲雨笙

長病無孝子此語未可憑果然天性厚難以俗例繩既陽有謝公能人所難能母病十八載時時憶春冰岐黃夙所擅醫術三折肱湯劑手自製神志竟以凝終宵不成寐鶴立隨一燈但求親算延那惜頭髻鬢誰歎工繪事突過首

不與神情曲曲傳一一如親承即今展斯圖靈爽猶式馮南昌曹伯梁迪丞 一號牛道人

諺云久病無孝子人情大抵皆爾爾若果積年如一朝不是純孝誰能此東緯先生孝思純詩稱不置真其人研醫常學高若訥豈止書法超羣倫厲風酒向北堂入萱室旋驚生末疾漬酒那得丁公藤空山難向老翁泣羸頓彌留十八載房闈非無媼女在恐他人不似我心燥溼恒如田翼代我聞蔡邕事母理枕衾母病三年非逢寒暑不解藥又聞顧忻奉母侍左右母病十年屏絕葷腥不入口三年十年孝勿衰先生為時乃過之歷時愈久情愈篤渾忘日月春秋馳乃祖早已傳志乘乃孫猶復徵歌詠繪圖人仿

侍疾圖題詞

卷下

至周社堂

陳元方至性我題謝元正

武進蔡 鉞有度

為憂二暨困慈親湯藥躬嘗十八春如此孝思真不置問誰孺慕到終身名留史乘空前古圖入丹青式後人莽莽中原嗟易世前朝坊表獨常新

江陰陳錫珉羽莊

肅拜青山里披圖見血誠煎腸書藥遍彈淚泣燈明心事文丞相 父母有疾難不可為無不 光陰蘇子卿即今遺蹟在視聽渺形聲

江陰曹增壽錫嘉

親自檢湯方沈疴奈北堂偶同花濺淚又感草離霜無夢

中宵短股憂積歲長誰無慈母在寄語少年郎

南昌傅朝暄毅甫

天行有常經孝為百行原實踐古已稀薄俗安足論謝子
懷先德水木溯本源出視孝子圖流涕為我言是為厥高
祖侍疾依壽萱歷年十有八未嘗閒寒暄披圖我如見當
時色笑溫人非木與石豈忘烏哺恩所難七千日真意彌
朝昏孰能為此圖章子留繪痕到今事雖往矩矱垂玄孫
我欲拓萬本勿私君一門

江陰錢祖望尙武

林尊依依歲屢更慈烏反哺有同情偶然小憩難成夢怕
聽呻吟母病聲

侍疾圖題詞

卷下

重刊社叢書

九重褒獎降溫綸記取虞山為寫真一幅丹青新展卷牀
頭拱立尙精神

江陰沈煥石生

吾友謝東山才華采鳳羽風雅亦吾師澤物如春煦崇孝
補南陔徵詩揚祖武采不遺非葑鳴敢吝瓦補夙聞君先
人孝為傳家譜萱親病卧牀晝夜呻吟苦公為竭精誠宿
艾青囊貯歷十有八年努力戰二豎幸以參苓甘娛以萊
衣舞母也神為怡雖病差若愈誰歎繪丹青生氣猶虎虎

吳縣費德保

時年六十有九

十八年來定省忙名馳閩里永流芳歎頰常博慈闈笑至
行遺增史乘光負米無嫌勞季路卧冰且欲效王祥後先

佳話真同揆請看巍然百世坊

緬懷祖德適同時

先曾祖德泉公於嘉慶季年蒞表孝子建坊立祠

綽楔相輝趨

步隨歷備旨甘能養志親嘗參朮本知醫滌滌石建心同
慰扇枕黃香力不疲太息世風近涼薄披圖勝讀白華詩

王星樞

風疾卧牀臍喘絲知醫藥石欲何為無虧子道能生事祇

報効勞不計時

披覽當年侍疾圖依稀護草未曾枯早知孝德流光遠一

輔傳家贖代無

江陰章作霖孫宜

耿耿孤鐘瀟瀟霽露夜深寒氣漫空垂垂簾幙掩堂東聲

侍疾圖題詞

卷下


重刊社叢書

漸涉爐煙凝碧光未定燭影搖紅當年事鬼歌神泣奇氣
如虹 繩牀藥裏帶衣不解入夢惺松闕星霜十八上格
蒼穹酬精誠春暉永駐報辛勤靈素能通應與古王燕若
訥鼎時畫圖中 右詩寄瀟湘夜雨

侍疾圖題詞卷下終

玄孫鼎錫輯錄並校字

木門十四家詩集



木門十四家詩集

滄浪 淨菴 竹軒 鶴樓 西山 篁洲

南山 伯陽 禎卿 伯玉 子彝 梓山

石梁 竹圃

甘雨亭叢書

木門十四家集目錄

室直清 室新助號滄淵
又鳩巢賀州人。

和白石中秋韻

嘉會羣英集。誰如此勝遊。桂華疎雨滴。夜色大江流。對
酒心增壯。感秋思轉愁。更聞歌白雪。遺響滿高樓。
大雅今淪沒。徒勞文上游。斯人懷藻思。為我激頽流。令
望交朋慕。遺賢世主愁。秋來風月好。何當共登樓。
良辰難屢得。豪興好凭欄。銀漢雲方淡。金尊露不寒。團
圓明月滿。在再素秋殘。惜此年華晚。回頭仔細看。
高樓歌吹起。華燭照朱欄。材足賦秋興。月堪伴歲寒。風

甘雨亭叢書

木門十四家集

流之子在唱和。幾人殘。向暗休投。辭癡兒按劍看。

將赴北。追用前韻。寄白石。

聞道名都下。相如未倦遊。凌秋馳逸志。弄月俯清流。高
調罕人和。非材增我愁。豈知瓊玉報。持照故園樓。
自和陽春曲。不空萬里遊。忽忙人北去。眷戀水東流。得
此明珠照。若無永路愁。天涯如看雁。相憶上江樓。
美人歌靜夜。曲罷月低欄。翠桂碧霄近。抱珠白屋寒。歲
時更代謝。顏色恐摧殘。報我新詩在。慇懃青眼看。
別路秋云晏。郵亭行榜欄。懷人關月白。飲馬塞雲寒。風

土世情冷。詩篇古意殘。千山多美景。何似共君看。

別作寄別白石

同門英俊共推君。先得佳篇愜素聞。良覲何時酬宿昔。奇才從此立功勳。莫嗟當代無楊意。不待後來有子雲。珠玉詩成知滿案。好風千里幸相分。

丁丑元日

洞門晴雪踏如沙。劍佩夜鳴肅不譁。玉漏聲殘催上閣。金爐香泛惹歸家。千年壽色南山近。萬里恩波北海賒。預喜春華添甲子。高堂二月剩看花。

甘雨亭叢書

木門十四家集

二

三元淑氣繞庭闈。遊子歸來著綠衣。梅柳連江春暗度。雲霞映塞雁將飛。尋常未信仕何早。四十無聞心更違。縱使青陽假烟景。應須白日下書幃。

千山曙色雪明樓。回首高城佳氣浮。天上歲華來北地。人間世事付東流。平生養母有餘樂。一日讀書消百憂。新進少年皆俊傑。嗟將遲暮對貂裘。

新年見白石詩。遂和其韻以寄二首。

故人官達在東州。文學高科言子游。白石歌殘傳節奏。青雲會罷想風流。星辰氣壯劍橫斗。棣萼春輝花繞樓。

日暮梁園將授簡。上才自古重諸侯。右和元日。

宦書擎出寵光浮。縹帙裝來遙下樓。賜予還思晉古力。遭逢何負曳裾遊。百年好事同皇甫。一代明經繼夏侯。家產鳳雛文彩在。知君父子擅風流。右和歲初志喜。

用前韻疊和白石見酬二首

聞道詩名傳帝州。洛陽才子羨交游。三都賦出紙將貴。五色筆飛錦欲流。報我瓊瑤照遠夜。思君江海坐高樓。幕中掉古於良足。何必生封萬戶侯。在英邑。聞之京師人云。洛陽詞客畏白石才。仰慕之久。每其詩必傳誦焉。

甘雨亭叢書

木門十四家集

三

白雪幾回聞楚謳。客中復上仲宣樓。夷門感知一麾出。泗水從師十載遊。李白文才傾寵貴。井丹經術倒王侯。舊來何處思玄度。明月清風碧玉流。

復用前韻言懷二首

浮生自分老邊州。桃李門前多舊游。家在龍頭入北望。春來江上水東流。清談未接陳驚座。佳句先逢趙倚樓。心事飄零今已矣。功名懶復說封侯。
長鉞歸來辭下謳。高秋憶上庾公樓。彈冠當日羞先達。鳴玉如今感昔遊。丹壑已招遺世士。青門休問舊時侯。

漁人自有滄浪曲。難比清江萬里流。

和白石用前韻見寄六首

精敏無雙柳柳州。聲名藉藉壓豪游。詩亡千載續高調。文歇六朝澄濁流。都下為開招隱館。死中欲築望英樓。舊時一見知韓信。今日何曾愧鄭侯。

自聽師門名下謳。歸心忘却故園樓。長卿為客蜀都久。子夏充賓魏國遊。曾賦上林驚武帝。還論古樂對文侯。伯牙應識知音在。萬里澄江入曲流。

東來何幸識荊州。也足歸家學少游。別比秦吳元絕國。

甘雨亭叢書

木門十四家集

四

道宗洙泗與同流。阮瞻徵辟是三語。杜甫行藏唯一樓。四十知君心不動。更堪好辨說諸侯。

河西變俗宋門謳。實慰我心聊上稷。明主好文如異代。奇材應恨不同遊。標梅十載賦周士。萊竹萬竿美衛侯。

詩酒相邀何日見。佳人宛在水中流。見示家有十年推。故予用求我庶士。

振古英雄有豫州。執受不用問先游。夢餘芳草精神注。

曲裏幽蘭香氣流。高義知君逢下榻。客愁憐我賦登樓。

丈夫處世貴知己。莫說烟羊關內侯。

烟羊

尔

秋憶歸舟發棹謳。天涯相望海邊樓。宿昔欽名如已有。生平多幸與君遊。宜使國風傳尔美。果聞朝命寵賢侯。材慚伯仲鄴都客。欲挹詞源三峽流。

附三絕句以代尺牘

孤館聞鶯消白日。高城送雁瞰蒼流。故人此句知誰敵。須在開元以上求。

性僻從來佳句耽。師門幸得我岑參。汝南今見品題定。何用人容易談。僕不自揆。謂白。石作甚似岑參。

倡和君休莫盡歡。非關詩思得閑難。傍人不解我推讓。

甘雨亭叢書

木門十四家集

五

恐作短長相競看。

中秋二首

海天白玉盤。推上碧雲端。影過銀河冷。明凝金闕寒。嬌娥長不老。蟾魄幾團圓。置酒親闈夕。笑談到夜闌。

復見瑤臺鏡。高懸霄漢間。瓊華堪可贈。桂樹杳難攀。爽氣通滄海。雲光動白山。秋風吹不去。長此照人間。

此夜對月懷君美二首

中夜桂香動。清光漫欲流。枯鳴新霽月。雁度故關秋。北地嗟今老。西園憶昔遊。佳人音息闕。相望一層樓。

無恙并君美。新詩應日多。盍簪今夜宴。叢桂舊時歡。離
索令人恨。團圓奈月何。天涯秋半晚。心事自蹉跎。

庚辰元日

誰將玉燭轉。遙空復見歲華今。古同五色雲開鵬擊外。
萬家春到鳥聲中。無如衰鬢雪催白。且喜醅顏酒借紅。
冷蕊一枝梅可折。欲持贈。遠寄東風。

春日思親十二首

五更殘夢遶階除。忽憶慈親生我初。林際開行陪杖履。
簾前春誦授詩書。家庭事事多遺愛。風物年年感故居。

古雨亭叢書

本門十四家集

六

獨有薦新祠廟日。終朝和露摘園蔬。

春來雨露下庭陰。孝子思親怵惕心。馨欬如聞趨欬就。
形容入夢寤猶尋。終天永訣死生隔。雙淚百年歲月深。
為報新鶯花柳外。翩翩美尔好其音。

春風新奏舊絃歌。從此門人廢蓼莪。祿養不終生有限。
孝心自誓死無他。慈恩負戴山河重。長夜寂寥日月多。
一世功名今懶道。萬鍾縱得奈親何。

遲日沿流採白蘋。誰知幽意為慈親。青山雲斷悲孤雁。
綠水春歸懷一人。不待陽和風落木。早違冷養淚沾巾。

滄洲猶未拂衣去。羞此抱關擊柝身。

草暖雪消春滿堂。慈親棄我去何鄉。夢中雲在鬼俱白。
愁裏花開淚亦香。佳日空懷雙慶樂。傷心無奈九回腸。
自甘辜負歡娛地。長此黯然悲歲芳。

芳草萋萋人不還。蹉跎四十二年間。當時爲子羞無狀。
今日思親易厚顏。生理荒涼春後雪。愛端重疊海心山。
腐儒身世元相棄。一任東風鬢髮斑。

先人待我異常兒。無賴如何負所期。孝養今愁烏不若。
悔心日積駟難追。簾帷香歇烟霞恨。階砌苔生花鳥悲。

古雨亭叢書

本門十四家集

七

願向東風斬茅竹。結廬冢上此棲遲。

白日傷春半下帷。依依草色戀親時。幽懷好借黃鸝語。
衰髮欲兼碧柳垂。千澤殘書敢忍讀。淚痕點字始成詩。
寄言同慶諸君子。金玉爾音慰我思。

去歲除喪意未平。今朝霞彩映簪纓。春歸舊宅人安在。
日暖空庭草自生。綠酒尊前何耐酌。瑤琴花下不成聲。
百年徒慕知無益。須早爲親遺冷名。以下專思母。

一自別親掩寢門。黃泉無路達晨昏。三春花白孝心潔。
雙樹青枝敬意存。追想音容常飲泣。長悲離別欲銷魂。

孤生不及庭前草。猶沐新陽雨露恩。後堂前有桑兩株。家母手栽。

母氏臨終強自扶。慙勤謝我久勤劬。俯思慈念死難報。

泣受遺言絕復蘇。雙袖猶餘他日淚。殘生只愧舊恩軀。

春風如到九原路。為引陽和上綠蕪。

憶昨辭家行役時。春來秋去欲歸遲。朝朝陟岵兒悲母。

暮暮倚閭母泣兒。豈謂絲衣為素服。忽將死別變生離。

泰山如礪河如帶。此恨綿綿無盡期。

立春

海上敵廬獨老身。柴門送臘又迎春。葭飛鳳管報時泰。

甘雨亭叢書

木門十四家集

八

水暖湯盤銘日新。一片冰心梅舊識。百年青眼柳相親。

邊雲朔雪世情冷。唯有東風似故人。

辛巳元日

條風昨夜入郊坰。吹向玉階開瑞靄。卯酒三杯羞後酌。

漁歌一曲笑先醒。曙窓雪疊山河白。滄海春兼大地青。

莫怪腐儒心轉壯。年華未到髮星星。

和阪井生元日韻

中天樓閣五雲開。曉上高城雪皓皚。地接三州元氣合。

川分二水碧流來。玉階旭日搖仙杖。金殿餘霞落壽杯。

不有故人傳絕唱。春心辜負後園梅。

年初同等輩監城門。見早朝公所人。

三竿初日照城闌。碧瓦樓臺淑氣新。飛鳴階前鳥影集。

曳裾庭上驚聲頻。夷門舊監侯嬴老。魯國諸生原憲貧。

漸覺風光入佳境。欲賒斗酒買青春。

送石梁赴東都

海上秋風拂遠林。行行客路越山陰。猿聲三叫月初落。

鯨浪千重日欲沈。鄉夢多迷烟樹暗。家書遙寄塞雲深。

武陵同學如相問。斗米折腰違寸心。

甘雨亭叢書

木門十四家集

九

步前韻酬白石

東海精廬開半林。百年遺愛倚棠陰。曾歌牛下材無敵。

長抱龍泉光不沈。桃李對門春色晚。薔薇分影露香深。

更知天祿校書日。應是良工多苦心。傳聞親藩近有編撰之事。故斷聯及此。

一去武關歸舊林。白雲相望結層陰。河梁別久翔鳧恨。

滄海書稀雙鯉沈。夢裡題詩芳草積。樓頭聞笛落梅深。

春來新沐琅玕贈。何以報之明月心。

賦水墨梅效陳簡齋體四首

高人盤礴倚欄干。淡墨掃來數朵寒。欲寫此花幽絕處。
長留疎影月中看。

紅醉白醒兩鬪新。年年先報洛陽春。相看堂上黯無色。
應是守玄謝世人。

玉質天成自不緇。松烟拂面倍清奇。豈言桃李縱相效。
恐似無鹽學病施。

桃李園中久見君。却悲野鶴在雞羣。一從尸解辭春去。
清影依然入水雲。

謁管公廟

甘雨亭叢書

木門十四家集

十

丞相廟前望欲迷。東風適度草萋萋。梅花似戀舊時別。
紅白千條吹向西。

花落廣庭半減春。年年報祀憶宗臣。風流瀟灑今安在。
霄漢高懸月一輪。

在昔中朝逐屈原。終身不復入君門。尚思謫去三年後。
空抱宮衣泣舊恩。

秋興八首。和老杜韻。

壬午之年。滄浪因石梁。乞予批者也。

蕭瑟秋風動碧林。天邊樹色鬱森森。鯨鯢蹴浪海氛惡。
猿狖嘯雲山氣陰。巽際霜侵多病日。腰間龍泣未灰心。

樓前一片如鈎月。別恨誰家送夜砧。

城上樓臺開曙輝。重門鐘漏遠微空。庭霜下青梧落。
絕塞雲來白雁飛。通國文游知已少。夙齡趨尚與人違。
世間年少慢儒客。肯信身貧心轉肥。

歲晚滄江日易斜。病來分外減容華。人間只負思歸鱸。
天上難浮乘月槎。千載悲秋傳楚調。萬家牽恨入胡笳。
樽中綠酒香新熟。欲傍東籬摘菊花。

一世浮沈似覆棋。老來蕭索此傷悲。毛生捧檄違親後。
楊子談經報主時。日落欄杆閑坐久。月生河漢欲眠遲。

慙勤絡緯四隣夕。應是燈前機婦思。

嵯峩白雪賀蘭山。鳥道開天咫尺間。萬里夕陰雲出塞。
五更曙色月臨關。康侯錫馬日中寵。報國羣臣霜後顏。
誰識夷門鳴柝者。昔年曾是點清班。

寥落舊游多白頭。幾回同役海東秋。天台嶺北霞光落。
日本橋西月色愁。身託他鄉送歸燕。夢回孤島狎輕鷗。
相逢共說昔年事。此日凄然憶武州。

十年游學愧無功。為客逢秋草路中。清曉夢殘荷葉雨。
黃昏笛斷柳條風。異鄉到處眼終白。同侶幾人顏共紅。

書劍歸來最蕭瑟。滄浪一曲和漁翁。

遠林平楚渺逶迤。萬頃秋田匝鄭陂。野外荒墳碑仆草。村中古廟鳥棲枝。山河長對白雲在。人代寧知滄海移。

誰子杖藜懷古久。愁吟隴上日將垂。

題富士山二首

徐福尋仙海上浮。滄波何處問瀛洲。紫烟忽認遙天雪。

蟻附東西六十州。

上帝高居白玉臺。千秋積雪擁蓬萊。金雞呶呶入寢夜。

海底紅輪倒影來。金鷄紅輪一聯。余嘗東遊親見之。非徒用泰山事也。

甘雨亭叢書

木門十四家集

三

東武冬夜對月

關門月色淨如秋。終日風霾夜始休。遊子忍寒苦相對。

通宵應照故園樓。

不破氏一枝亭八景賦得蓮池夏月

芙蓉池上夏先寒。玉色玲瓏承露盤。時有微風閣度水。

幽香和月到闌干。

代乞人

城中得食暫來歸。兒死無聲在母衣。取飯與妻妻泣說。

縱餐能瘠幾時饑。

春遲

楊柳未垂花未紅。家家簾幕掩東風。春歸江上無尋處。只在青青眾草中。

蒲桃歌奉寄順菴先生

先生庭前有蒲桃一架。滋蔓殊甚。因為歌一篇。

始言先生之道如花之美。其教人如風之動人。

無賢愚皆化其教而樂其道。次言賢子連壁不

忝所生。終言先生親族之盛。實以積善累德而

致之也。

甘雨亭叢書

木門十四家集

五

蒲桃歌蒲桃歌。先生願聽我一歌。蒲桃以陰鬱萋萋。託

生先生書堂西。露裏香葩相鱗次。風吹嫩葉正昂低。美

人携手爭攀折。飛鳥脚子幾來棲。庭影離離日正午。人

自忘歸鳥自啼。非關桃李矜艷色。由來此物下成蹊。蒲

桃歌。蒲桃歌。先生願聽我二歌。嘉實粲粲新熟成。人言

謝家玉樹生。上枝磊落垂珠璣。下枝玲瓏綴水精。光彩

流味無與比。都人爭傳動帝城。蒲桃歌。蒲桃歌。先生願

聽我三歌。自一結根經幾時。引蔓布漫增繁滋。秋月明

夜沐宿露。曉霧開處映晨曦。宿露晨曦有恩光。交相扶

持人不知豈特一時發榮耀。本支百世猶可期。蒲桃歌。蒲桃歌。先生願聽我四歌。先生卜隣錦里街。共種蒲桃。當庭隅。隣家忽見滿架綠。曾不終月半已枯。豈如先生所種者。疊葉結子四分數。來觀嘆息何能爾。先生不答。趨問余。君家土地不彼若。無如封植積功殊。先生自從移植來。孳孳不肯辭勞勩。朝溉半液暮培土。如此數年未少渝。寄言東隣復西鄰。如君忘勤終荒蕪。

王戎

隱去非真避世徒。起來寧有救人謨。園中好李獲多少。

甘雨亭叢書 本門十四家集 十四

魯相拔葵迂不迂。

武城春望

陌上烟霞眺望平。山櫻花發自分明。滿川風雨舟緣岸。負郭樓臺水遠城。要路誰家車馬族。儒門到處講論清。浮名於我終何益。只愧滄浪未濯纓。

三宅氏八景賦得管廟夜燈

森沈野廟祠丞相。遺德在人神所憑。護口當時成貝錦。天威不早啓金滕。忠魂應返三更夜。心事猶懸一片燈。撫枕中宵多古意。向風慷慨寢還興。

道中作

十里芳塘春樹間。一川晴色遠青山。前村隔水微茫在。惟有白雲自往還。

寄題鍾倉瑞泉寺

聞道瑞泉寺。開亭洞裏天。白雲繁水木。滄海積風烟。眺望三千里。荒蕪四百年。何時幽討去。靜夜寄高眠。

螢火

螢火何凌亂。不嫌白露寒。徘徊池閣上。輕颺暮雲端。傍箔疑珠綴。穿林似燧鑽。瑤華如可拾。留與故人看。

甘雨亭叢書 本門十四家集 十五

送友人赴東都

遊子晨裝罷。門前嘶紫騮。柳條堪可折。竹葉暫相留。暑退新秋雨。涼生故國樓。慈親幸無恙。千里緩離愁。

又

陽關三疊暫盤桓。相送高樓月色殘。劍氣遙侵霄漢動。馬蹄遠躡塞雲寒。離家還憶倚間望。許國何言行路難。萬里秋高如見雁。為書數字報平安。

初雪二首

北嶺初飛雪。隨風過萬家。微微當戶落。脉脉隔簾斜。未

沒庭前草。纔成樹上花。寒樓無暖意。薄暮酒應餘。
兩雪三冬暮。寄身一草堂。漸添平地白。欲奪遠林青。輕
素疑花落。微寒覺酒醒。更欣半穀熟。含哺樂生靈。

遊稻垣氏林亭二首

臺樹臨秋岸。攀躋出晚烟。羣峰低檻外。大海落天邊。遠
景通千里。幽懷復百年。不知山月上。倒影入前川。
經過幽僻地。炎暑不相侵。荒徑人蹤少。空林鳥道深。秋
風生綺席。山月洗塵襟。試與同懷客。和君清夜吟。

秋日旅懷寄越中故人

兩年爲客事多非。依舊西風復入衣。越路雲長人北望。
武關木落雁南飛。他鄉秋是江頭晚。故國家唯夢裏歸。
欲識別來知己少。夕陽松下掩柴扉。

擬古三首

灼灼堂前桃。濯濯堂後柳。一朝秋霜至。不意搖落久。枝
只風雨侵。蕭索慙賓友。四壁無所庇。况乃親杯酒。及今
猶改植。庶免宿志負。寄言豪貴子。作室當託厚。我有冬
青樹。願易君所有。

燕山有羈客。歲晏衣不完。旅食二十年。縵縷著南冠。北

甘雨亭叢書

木門十四家集

二六

風海上至。飛雪凋人顏。比隣何蕭條。苦辛義相關。誰家
絃歌作。飄揚聞雲端。酒酣樂未央。鳴琴不罷彈。楹間旣
來鳳。階下亦舞鸞。借問綺羅客。寧知此苦寒。

二月日始暖。空庭鳥相和。佳人感物化。抱琴亦長歌。歌
罷復嘆息。雜居經年多。艷艷桃李樹。相思掇其華。過時
無所贈。飄零我若何。

和陶詩

榮木四章章八句。

茕茕榮木。垂枝于茲。君子令德。四方蔭之。威儀有則。動

甘雨亭叢書

木門十四家集

二七

作有時。忻慕君子。胡不憚而。
茕茕榮木。深深其根。英華外彰。天機內存。君子養心。乃
德之門。庶類以成。衆善以敦。

人而不學。云何固陋。亦旣學矣。專用其舊。聖謨洋洋。嘉
言孔富。我之不進。中心孔疚。

斯道在人。千歲未墜。由也好勇。聖門所畏。策彼駑馬。以
追良驥。遲速雖異。同歸千里。

和郭主簿

長夏午景靜。嘉樹鬱成陰。颯風自南來。穆穆吹我襟。大

哉虞帝歌。寄懷五絃琴。好古良自昔。心醉遂至今。故人同此意。高義夙所欽。杯酒方獨持。無乃就我斟。關關林中鳥。求友爲好音。禽鳥猶如此。獨不念盍簪。尚子爲一來。故使吾望深。

歸田園居

自始從官役。無日忘丘山。矧伊乘榆景。值我將老年。魚躍不裏陵。獸挺寧在淵。違性少所宜。歸耕南野田。隣並八九家。屏跡白雲間。晨出隨衆後。暮還居人前。團團遠村樹。荒荒近市烟。牛羊日夕下。返景在山巔。營生各自

甘雨亭叢書

木門十四家集

八

遂。靡爭與物間。醉卧東軒下。愉悅在自然。

飲酒三首

富貴如浮雲。遑遑欲安之。苟合我所恥。直道非其時。偃息南窓下。樽酒復在茲。人生會有盡。知命貴不疑。先民貽高矩。百年可自持。

十載此卜居。鄉曲少耆英。隔籬呼隣人。笑談暫感情。請君入宴息。西嶺日欲傾。庭樹曖已暗。衆鳥爭枝鳴。衡宇雖秋隘。聊可託吾生。

異端靈吾道。微言反亂真。舉世競浮靡。澆風孰使淳。如

何談經士。相師皆務新。寧獨非楊墨。且無論儀秦。曰余秉微尚。中路落世塵。舊聞幸未失。溫習固已勤。惟道無隱顯。居敬道自親。求道不由茲。茫洋如迷津。恐我醉失儀。嚮晦整衣巾。斯言邇可遠。敢論同志人。

擬古

夙齡卓不羣。凌厲好遠遊。負笈趨千里。求友徧九州。鄒魯問遺風。江湘漱清流。道成無所用。歸來卧山丘。自悲生世晚。不遇殷與周。吾非長往者。猶望君見求。

贈羊長史

甘雨亭叢書

木門十四家集

一九

吾聞仲尼道。開源自唐虞。唐虞雖已遠。舉行有其書。之子抱利器。洋洋適西都。秦嶺今萬里。關河行當踰。長安多豪貴。願盼在下輿。寧知鍾鼎功。無可與之俱。子道苟有合。不怪久躊躇。自從嬴氏來。王化遂闕如。叔孫雖制禮。廟堂亦就蕪。羣雄迭相攻。百姓無復娛。此行縱有遇。恐一生見疎。丈夫貴潔已。願子時卷舒。

九日間居

節序遞推遷。長勤在平生。日月陽存至。庶我愜此名。兩霄秋氣澄。雲斂天宇明。時菊散晚芳。鳴雁響哀聲。寂寂

衡宇下。棲遲終百齡。滔滔車馬客。飛蓋無一傾。道在窮
通樂。心安生死榮。蟬蛻污穢中。如見古人情。登高亦何
爲。但使志有成。

詠荊軻

大運有興沒。興沒在姬嬴。弱燕何能爲。惜哉殺荊卿。時
至西趨秦。眼中無咸京。易水何蕭蕭。送我萬里行。賓友
來飲餞。四座垂素纓。沈深有餘勇。隱如百萬英。高歌和
漸離。悲風飛羽聲。衆客一慷慨。猛氣衝冠生。酒酣爲樂
久。相顧壯心驚。遂去入函關。請闕始通名。秦人無同仇。

甘雨正叢書

木門十四家集

三

見變仰陸庭。危哉呼吸間。不得保金城。祖龍魄先死。事
往仍屏營。丈夫身報國。不必奇功成。雖非忠義列。邈然
絕世情。

甲申元日

今朝風雪茂。微陽。歲酒不辭傾。數觴。幾處門前長者轍。
誰家坐上令君香。春來懶用三冬史。年去唯餘兩鬢霜。
昨夜早梅新吐玉。侵寒折得一枝芳。

木順信 字敬簡號澗
樹先生長子

中秋雨

今夜豆花雨。追想去年晴。不見團圓影。祇聞浙瀝聲。無
絃還有趣。淺酌更深情。聊足發清興。露湛眼自明。

西山塾友惠朝鮮酒餅以謝答

菴餅光如漆。遠自樂浪臻。上窄驢蹄促。下豐豕腹均。温
醇宜近火。蓄旨耐存神。非翅借書助。養真慰老親。

問西山養痾于府邸

近別旬餘似隔程。幾回舉首意難平。宿痾應瘳數珍攝。

甘雨正叢書

木門十四家集

三

小愈易加調衛營。有豎彭仇防瞰隙。青囊丹鼎耐頤精。
竒方幸有刀圭好。泰宇那憂鄙吝萌。交對黃封真莫逆。
詩逢白戰慎佳兵。讀書元誦西山記。排律長吟東武行。
英譽芳芬八叉手。偏師委靡五言城。文章少技優游足。
性善四端充擴成。學問無他唯孝弟。功夫到處在誠明。
輔仁須待盍簪益。養氣相期勿藥亨。半夜井梧飛一葉。
九秋月桂照三更。黑貂裘舊風霜冷。素帝令嚴林壑清。
未卜新歡供筆硯。猶思久要慰心情。經過傾倒知何日。
先托墨卿尋社盟。

木寅亮 木下平三郎字汝爾號竹軒先生次子。

元日

五夜東風拂碧天。津津物色更清鮮。雲霞遠接關門紫。
梅柳輕含滄海烟。春入鯉庭懷喜懼。窓忙駒隙肯覃研。
寸心深識君恩重。素食猶慙犬馬年。

牽牛花

柔條百尺繞籬藩。秀萼千包日未暎。風力吹醒卯時醉。
露華聊借一朝恩。縹囊分色映書帙。翠幙飛光滿酒樽。
欲識花巷稱獨樂。綠葉陰中晝掩門。

甘雨亭叢書

木門十四家集

三

中秋

海風吹雨過東樓。一色長天素影流。鏡鑄江心龍忽起。
犀燃水底魅空愁。無邊光霽滌溪月。不昧虛靈雲谷秋。
仙客由來多妄誕。廣寒莫浪說清遊。

美人早起

景陽鐘度夢魂殘。推枕攬衣臨慵看。鏡面餘霜春色冷。
簾鈎留月曉光寒。細腰柳動烟猶淡。渴肺花露露未乾。
朱戶半開懸竹葉。羊車何處得盤桓。

冬日牡丹

豈圖霜枿放春紅。培養能移造化功。菊讓姚黃呈土色。

楓餘蜀錦助天工。靈丹忽藍關雪。詩律潛通黍谷風。

分得梅君香世界。花王創業歲寒中。

戊寅元日

黃鳥朝來有好音。要令舊業入新吟。二陽交泰古今治。
二氣流行天地心。對卷寸陰輕尺璧。論文敝帚享千金。
世間何事比吾喜。堂上靈椿壽色深。

和白石示韻

已亥季冬。我藩邸賜
與六經。故詩中如此。

漢室藩屏春樹森。惠風發藻及儒林。莫誇梁苑延賓宴。

甘雨亭叢書

木門十四家集

三

可識東平樂善心。千古新文公探曠。四方攸則德輝今。
五經元是君家事。談論紛綸得意深。

田伯隣號鶴樓

寄友人

眼看春色易蹉跎。一曲樽前擊節歌。洛下少年顏色改。
江南遊子別離多。今來千里長相憶。病起三春半欲過。
忽識林僧揮手後。看山對水入嵯峨。

寄僧

樹裏鐘聲度上方。層雲晨吐白毫光。遙知立雪過僧臘。
更憶看花出帝鄉。茶死晴烟瘦袖綠。橋洲風雨入窓香。
青天飛錫歸何日。折芻西來海水長。

甘雨亭叢書

本門十四家集

三三

牡丹

富艷移裁錦被堆。隔簾疑是美人來。巫山朝去雲猶在。
梁苑春歸雪未開。照膽鏡中應謝妬。及魂香裏莫相猜。
臙脂露濕東風面。宿醉初消向玉臺。

題驛一首

燕拂疎簾午影移。問彈銀鑷數莖髭。誰憐抱病初禁酒。
自悔偷閑不善棋。野客細談栽菜候。佳賓多負賞花期。
山光水色長如此。只恨歡情異昔時。

江頭風日映簾疏。靜對閑雲啜茗餘。長嘯偏宜居種竹。

浩歌不嘆食無魚。家童懶睡妨丸藥。野客謾談罷對書。
却覺他年山水癖。老來最好伴漁魚。

寄僧

日煖春風蝴蝶飛。落花深處綠薇肥。詩僧時向禪餘過。
酒伴漸從病後稀。千里夢魂多不到。十年心事半相違。
東山又有佳期在。更對千峯欲拂衣。

雨中送春。同梁蛻巖席上卒賦。

客有前期冒雨來。衡門時拂綠苔開。情多共惜青春去。
交久初知白髮催。細竹林中新逆笋。斜枝葉底暗藏梅。

甘雨亭叢書

本門十四家集

三五

同盟自是多間暇。濁酒青燈信宿圓。

泛江觀諸舫遊人

水接遙天霽景澄。山光遠帶寒烟凝。隔簾窺見隣船妓。
登岸相尋野寺僧。衣為引涼宜著袷。坐因愛夜不須燈。
人家半隱蘆花裡。客散洲前待月昇。

中秋和復軒韻

霜黃橘子晚香浮。舞鶴翩然置酒樓。月挂西宮團扇怨。
風生北塞角聲愁。輕雲欲散迷鴻影。宿雨初晴漲水流。
幸以故人詞賦在。今年不減舊年遊。

九月十三夜天爵堂陪宴謹賦

嶺雪西來色滿堂。金城暮鼓白雲長。桂舟不讓中秋景。
菊蕊猶餘九日香。欲問登高誰作賦。且歡對月共飛觴。
階前玉樹皆堪賞。一夜絃歌樂未央。

丙戌中秋前梁蛻巖有約不來賦贈八首取四

南天月挂白雲飛。晚出師門負笈歸。去路過橋雙屐冷。
歸扉隔竹一燈微。芙蓉閣下誰先達。桂樹山中世已違。
同學故人肥馬客。近傳郢曲和人稀。

醉攀楊柳武昌城。此去高秋送尔行。風雨傷心離別色。

甘雨亭叢書 木門十四家集 三六

海山無恙兄弟情。歸期日在鄉關近。旅夢天低草樹平。
到處勝遊殊不惡。誰家對月斷鴻聲。

高秋天氣雁來初。宿雨漸晴樹影疏。坐上笑迎新月色。

江南領得美人書。多年慣識雙龍劍。此處常容駟馬車。

風物欲添潘岳興。一毛應復賦閒居。

皎潔冰輪出海遲。清風搖竹座來移。三秋好景當今夕。

十歲歡情異昔時。醉後冰心渡湘水。夢回山意憶蛾眉。

捲簾撒燭渾如畫。娓娓天明坐莫辭。

再和八首取五

柳色蕭然月照軒。吟餘醉夢日昏昏。廬山別後女禪久。

彭澤歸來勝事繁。社裡白蓮傳漏刻。籬邊黃菊對琴樽。

新篇好得如陶謝。一夜燈前可細論。

羣賢齊唱鶴南飛。滿坐春風盡醉歸。久識青雲目前在。

初窺白髮鏡中微。鱸葦此地歸應好。鷄黍今年約不違。

共道公門桃李外。謝家蘭玉似君稀。

才子倦遊身未達。青燈濁酒豈同羣。三秋獨對臨邛月。

四壁猶看蜀道雲。獻賦應須驚武帝。彈琴猶未試文君。

屏仙橋上從題柱。定識盛名天下聞。

甘雨亭叢書 木門十四家集 三七

一徑霜風葉落初。慣看酒伴近來疏。埃塵不到題詩壁。

竹氣漸侵種樹書。月下清風徐孺榻。江邊孰路呂安車。

相逢此處須乘興。莫問幽蘭賦卜居。

月下嘗樽夜卧遲。客來秋水野航移。非關觀裏看花地。

却約山陰對雪時。幾歲著書應養老。何人舉案為齊眉。

共言具魯多知己。謾出東關不可辭。

送友人路過潯州赴京

宦遊西更赴長安。客路風霜綠髮寒。岐嶺鳳鳴雲尚在。

關河鷄唱月猶殘。東方藩衛行周甸。北闕威儀問漢官。

相思樓中吹玉笛。櫻花半似古時看。

次韻僧和鴛湖中秋

月挂東林落葉飛。禪餘閑向虎溪歸。翻經喜氣漸侵榻。
洗鉢荷香欲觸衣。佛室磬寒傳鳥穩。漁家燈暗路人稀。
山光水色秋將半。未聽陶潛賦昨非。
幾人邀月欲登樓。雁度南天落木愁。海淨人簾千里暮。
山明窗戶滿輪秋。從師法悟青蓮喻。贈我詩羞白癖酬。
下界浮雲何得蔽。禪心一片自悠悠。
秋空月裏振金鈴。樹色遙含海色青。鶴下晴空飄片雪。

甘雨亭叢書

木門十四家集

三六

螢流暗水點疎星。屏間畫燈看每鈞。几上詩篇誦采苓。
此去相逢清淨地。醍醐何日使吾醒。

贈梁蛻巖

江南一別感居諸。况復秋風萬里餘。有客應聞洞庭雁。
憑君尚問武昌魚。樽前遣興聊持酒。海內論心幾寄書。
昔記東山歌舞在。風流近日又何如。
薄暮天晴雨洗塵。風輕雲散白鱗鱗。江南夜色邀新月。
浴下秋光憶故人。病起一樽聊對酒。書來千里而為隣。
簾前又見秋霜色。鏡裏無那素髮新。

與君幾歲且論文。興動猶疑月下敲。白眼誰知高士想。

玄言已被世人嘲。涼多露氣仍苦鱗。雨歇風聲滿樹梢。
日暮碧雲君不見。半窗松竹掩衡茅。

知君三歲此棲遲。自昔紅顏養性姿。何問魯連浮海日。
笑聞支遁買山時。十年有約雲堪贈。萬事忘機鳥不疑。

莫道歡情非少壯。酒中猶有樂新知。
曾賦歸來若等閒。逍遙居止寄人寰。門前楊柳秋將半。
池上蓮花夜正閑。鄉曲君今折腰後。社中我亦攢眉還。

無因遠問東林路。惠遠當年不出山。

甘雨亭叢書

木門十四家集

三六

送人西歸

自謂西歸客。遠如去故鄉。白雲臨別酒。綠樹映行裝。只
羨遊伊水。無因問洛陽。昔時攜手處。今日不曾忘。

古劍

楚鏡吹霜氣。精光歲月多。清泉寒可洗。赤土滑相磨。况
向軍門舞。且將容舍歌。夜來龍欲吼。神物更如何。

邊城秋詞

胡霜漢月照刀環。百戰沙場久不還。萬馬夜嘶青海戍。
孤鴻秋度玉門關。

秋日同梁蛻巖。春過僧院。

蓮開白社月明多。獨許淵明載酒過。廬岳重來三笑路。
漢關休唱五噫歌。

和湖韻

遠樹鐘流缺月孤。蓮枯無夢到西湖。溪橋景色秋如此。
便使我曹入畫圖。

七夕閨詞

又有七夕寒詞。貧女詞。居姑詞。倡婦詞等。滑稽可笑。

一別兒夫欲問邊。秋風依劍白雲天。黃河不似銀河遠。
已約歸期動隔年。

甘雨承叢書

木門十四家集

三

春日江行

溪橋春水滿。山色雨中移。竹淨聽鶯處。花飛駐馬時。

春盡送人

送君芳草地。併欲送春歸。一別千山路。楊花到處飛。

做梁蛻巖古閨中作

陌上逢郎處。花間顧妾時。兩心傳密意。不使外人知。

和泉南庚金氏。號梅所

半路雲山夢乍回。交情詩思兩相催。千人白雪韻難和。
一座青雲笑未開。桂樹遺篇招隱後。梅花芳信寄書來。

樓中黃鶴今猶在。當日仙翁醉玉杯。

烟草

南夷烟草昔誰栽。縷切盤中小作堆。不是碧筒通酒氣。
應須玉管動葭灰。山中怡悅雲堪贈。座上飛談霧捲來。
莫問紫陽仙子術。餐霞吸景到蓬萊。

甘雨承叢書

木門十四家集

三

西山順恭

字健甫對馬州人本阿比留氏有故改西山

春江

江水淡霞中。涵虛萬境空。隔溪聞短笛。傍岸見孤蓬。紅漾桃花浪。綠搖荇帶風。日暄好垂釣。烟柳畫橋東。

郊行

春日遲遲鞋底閑。郊村佳趣隔人寰。遙峯半出青雲際。小瀆斜分塊畝間。竹外無家羣鳥下。松陰有寺一僧還。行吟忽覺渡頭暮。短艇撐來傍柳灣。

中秋走筆奉賡木敬簡公高韻

腹藁若干首。相談今夜晴。雲遮千里月。雨滴四簷聲。拋

筆歎無興。對樽聊有情。幸歡驢客訪。吟賞到天明。

疊和白石韻十首

繫馬門前柳。驚飛枝上鶯。莫論盤味乏。茗碗話平生。
懶睡三竿日。夢中聞轉鶯。是音報詩客。佳趣枕頭生。
無聊羈旅情。求友似黃鸝。唯有騷壇客。來尋太瘦生。
雨後逕苔綠。吟筇起懶鶯。風花唯此友。萬里一書生。
臆暄俱曝背。竹外听嬌鶯。莫笑家蕭索。一壺貯麴生。
何處韶光好。吟遊共對鶯。杖頭曾有蓄。欲是活蘭生。

甘雨亭叢書

木門十四家集

卷

開羨海鷗睡。榮想青木鶯。胸中著蠻觸。相省愧吾生。

紫陌花如錦。頻聞處處鶯。詩書長有計。樂事負斯生。

春風純袴子。金九競逐鶯。獨憐千里客。鄉思對花生。

借問海棠樹。何日引吟鶯。燒燭護花眠。豈無招此生。

賀白石生女

異索設筵湯餅清。君齡於我二年兄。桑孤猶續龍熊夢。錦悅先看祥瑞呈。韋母受經終父業。班娘讀史振家聲。謝庭更發閨房秀。異日應聞詠雪名。

馬州浣石亭八詠

岐島晴岳

雨晴千瘴彩虹收。紅日晚天涵海流。州折東南浮寸碧。門吞潮汐對層樓。洞庭却壓杜陵句。方丈欲追徐福舟。一段風烟唵不盡。望迷四十八灘頭。

白城歸帆

殿宇崢嶸海作隣。頻窺長采澗之濱。精靈千載紅燈在。星斗半天丹壁新。潮捲斷磯鷗靜睡。雲籠翠表鶴常馴。數聲欸乃晚來急。帆影斜迨落照頻。

立龜秋月

甘雨亭叢書

木門十四家集

卷

千尋聳立柱青天。形似巨鼉曝背眠。楓渚秋寒崑下寺。
松濤夜駭渡頭船。晴飛高挂玉蟾影。靄斷初消金鴨烟。
絕頂偏疑月宮逼。藤蘿一路欲攀緣。

虎崎漁火

樓頭一夜睡頻醒。遠近前江漁笛聲。火影波間時出沒。
月光山外忽虧盈。歸來都料欲酤酒。退隱不知孰濯纓。
蓼渚楓江天將白。短篷處處入烟輕。

八幡晚鐘 嶗山宮谷
俱地名。

靈廟何年茲相攸。白雲閑閱幾春秋。千尋揭後曙山月。

上雨亭叢書

木門十四家集

五

一帶當前宮谷流。誰買寶鏡來異域。永持霜杵上高樓。
暮天斗覺南柯夢。百八聲中悟四休。

波石夜潮

夷崎南畔虎崎北。巨石築成捍海塘。商客繫舟臨斷港。
漁翁曝網立斜陽。蒼波一色共天接。銀浪千層入夜狂。
鄉夢驚回殘月裏。貔貅百萬戰聲長。

海岸白鷗

浩蕩晚潮望。涯。白鷗飛畔蓼花披。浮沈萬頃烟波濶。
聚散一天水石隨。會得閑中觀海趣。棄捐囊裡買山資。

向風落日集平岸。知是客船解纜遲。

後山暮雪

黯慘凍雲吼野狂。晚山開對雪花寒。誰牽謝屐探春信。
自擬陶爐淪月團。危巖迤邐銀關背。橫峰屈曲玉龍蟠。
天機織出鬚頭幌。暫假人間畫裏看。

胡蝶戀花

花面婢娟解笑時。蝶兒如戀踰牆窺。東風猶惜婚嫁約。
陳陳頻遮粉翅吹。

古寺

甘雨亭叢書

木門十四家集

五

古刹半荒廢。綠苔壁上交。虛廊蛛結網。寒殿雀營巢。碑
字經年改。佛頭飽雨坳。僧愁宇間漏。欲葺日支茅。

闍怨

遊子歸期何事違。深閨夜夜夢還稀。合歡花上黃昏雨。
腸斷雙鴛傍檻飛。

寄味道軒氏五十韻以代簡

大塊一氣開鴻濛。洪鑪鑄出萬物銅。中有箇靈體天地。
不與禽獸草木同賢愚。或因稟賦異。聖哲立教導庶衆。
寒衣飢食即乘彝。曉得自覺天降衷。霜露所墜同胞者。

一理仁貨品彙通。與君當初不相識。蜀日楚雲馬牛風。
江武城裏俱爲客。邂逅握手情已濃。不知緣底正如許。
本是四海無西東。清標偉然塵外物。昂似鸞鳳凌霄冲。
多年游沫洙泗派。滋味道腴如吸甯。伯喈一顧待高價。
變下入自抱焦桐。吾州主君春秋富。時遊學圃窺書叢。
忽聞盛名存辟召。懷惠不求祿秩豐。怡然提畫懇誘導。
細講陳史疑已空。漢家衰運戰鼓動。鸞觸幾年迭振功。
說得雄偉驚四座。鼎立寰宇在目中。學庸語孟我蘊奧。
相繼高談發昏蒙。假裝復從温泉行。驛路霜後翻丹楓。

甘雨亭叢書 木門十四家集 三六

洗心思君脫灑趣。非是世人爲披靡。風物彼土最奇勝。
借問奚囊幾篇充。我昔嘗探熱海境。逾月江村伴漁童。
七里嶮要東方鎮。吾馬虺隤吾僕窮。行人杉山役夫語。
賴朝起兵苦賊攻。礮石猶認鋒鏑迹。古戰場上瞻氣雄。
喬木參天昏白日。處處佳氣亦鬱葱。絕頂下瞰蒼溟濶。
自疑身去登崆峒。關門漸過前路近。一簇翠烟射層等。
數椽茅屋櫛。止宿主人皓眉田舍翁。湯水湧沸隨湖汐。
温冷和入一槽汎。洞徹不爲玉璞汚。絕勝驪山華清宮。
浴去精神日快活。何用丹砂問葛洪。地暖三冬不見雪。

單衣時覺汗正融。峯巒方北繞。嶺翠多產麋鹿或羆熊。
獵夫尋常磨箭鏃。往往一發中五豨。曲浦圓岸魚蝦窟。
逍遙幾回浮釣蓬。此地若許放浪客。不顧應得碧紗籠。
曾遊畧記歌如夢。一二寫清黑頭公。何時再移杖屨去。
語浣詩病競奇工。癖入膏肓無藥石。風花相逐一轉蓬。
妙語驚人吾宿志。壯心竊吞萬丈虹。弄翰吮墨終何事。
清時不用兩石弓。文於斯道未爲貴。自恐小技類彫蟲。
扶耒維林久隣好。吾妙論交持始終。贈答不假兎園冊。
脩文重任責斯躬。潭府僚中得此友。筆鋒聊須試磨礱。

甘雨亭叢書 木門十四家集 三七

遊學縱未破萬卷。常愧素食腹空侗。客裏不覺歲云莫。
偏影日日去匆匆。寒威層發向窮臘。龜縮擁爐閉房櫳。
唵窻若有早梅句。相談一枝勞家僮。勸加盤飧互保護。
裁楮問安謝飛鴻。

竹間納涼

不堪三伏暑。相避綠筠叢。密葉能遮日。繁枝自動風。脫
衣懸石上。散髮卧林中。閒入華胥國。覺來月在空。

神原玄輔 字新誠號望洲泉州人從官在紀藩

登樓觀日

獨坐層樓上。滄溟欲曙時。乾坤暉裏判。島嶼指頭隨。日翻波出。旭旭排霧披。蠻夷寧在外。臨照自無私。

中秋雨晴

連朝風雨急。明月不辜期。合浦珠還夜。荆山璞剖時。停盃憐影滿。倚檻惜陰移。坐久空庭寂。梧桐出露垂。

武城見月寄洛陽故人

西風拂檻歛餘暉。巖桂花香斷續聞。月色當天人獨坐。

甘雨亭叢書

木門十四家集

三

秋聲滿樹夜初分。庭叢暗滴悲蟲露。海嶠遙橫帶雁雲。忽憶湖邊携手處。今宵一倍恨離羣。

挽藤懸雲亭主人

雲亭幾度為詩經。一夜雲飛只有亭。古樹休懸藤葉紫。杜鵑來叫與誰聽。

春夜偶興寄白石

落日微風坐小亭。昏昏饒睡晚來醒。烟空送雁雲千里。靜夜移花月半庭。欲盡年芳憐未賞。無窮世事飽曾經。斯時忽憶離羣久。牀角孤燈照影暝。

走筆東白石

西山兩歇見秋雲。一片高空度雁羣。忽喜桂花風裏發。呼童掃徑報君聞。

喜香國實翁一上人見訪

久厭名路塵。恒思方外侶。掃逕聽梵音。擬茗須同煮。樹陰畫深沈。苔蘚依壞礎。嚶嚶鳥聲多。感之獨延佇。駒隙歛如流。時逝莫吉與。黃梅今半熟。薰風扇輕暑。偶有山中人。顧我讀書處。一笑便破襟。寒温不敢叙。借問別來詩。瓊瑤幾滿筥。一唱而三嘆。總使我愛紆。兒童喜客來。

甘雨亭叢書

木門十四家集

三九

羨筭且為黍。物薄情偏厚。聊足資歡語。安知道不同。英華互含咀。形骸貴相忘。昔聞遠與許。此盟願無渝。時時趾一舉。

病中感興三十韻

三春經眼過。季夏乍告朔。陰陽如斯駛。人生日彫削。少壯能幾時。住再莫自覺。老大不期來。顏豈似丹渥。昔者承讀書。銳意初嚮學。自思遂有成。距知望愈遠。譬之龍與蛇。赤手終難捉。懼為師友羞。傾河莫能濯。雪案與螢窗。兀兀勤蠶琢。始識天資頑。竟是非美璞。習久不他遷。

奮臂猶倚桶。行年四十七。青紫徒離疑。願已獨自憐。體魄始衰剝。出身仕府朝。微無傳華桶。到个一紀餘。強健無撲撲。未嘗旬日疾。竭力恒羸羸。入夏雨淋漓。觸人氣昏濁。齒牙痛似抽。據牀欲請服。痰咳相繼發。胸膈楚如擗。惡風掩北甌。冰炎迭頻數。自憊自茲叻。前途想榮確。拭目書蠅頭。陰雲未開駁。聞見隨得忘。塞江以一塊。所願應巨備。豈在飲兼啄。文章天地英。言機不盈握。深微九回淵。高極萬仞嶽。滌節至治世。數陳忠臣怒。千古不可磨。賁育莫敢角。斯事曩稱心。如今將孰詠。奈何才有

甘雨正叢書

木門十四家集

四

限。多謝先覺卓。

題內園宴游圖

金風瑟瑟天氣爽。內園催宴仔細伏。教坊名妓粧新成。携手三三又兩兩。森沈後院小閣開。蘭秀菊芳曲池隈。金蓮輕步遠池去。隱隱痕香一徑苔。松下清陰移錦茵。巖桂花發襲羅巾。鏡前含笑整雲鬢。嬌顏自矜河洛神。一曲清歌入青雲。絃管調高半天聞。伊州隴州傳新曲。按譜爭奏日欲曛。蒲萄美酒琥珀杯。墮珥妖姬醉且頽。濺濺飛泉如碎玉。橋畔帶醉與徘徊。笑他彤管試一揮。

意象間雅風吹衣。水墨淋漓滿綠素。江山萬里暮烟飛。絳袍玉帶鬚鬚美。太平天子參差是。彷彿當時天寶秋。孰問邊疆既多。鼎歡娛未足宵。又且竟。裝曲歌。鑿鼓亂黃屋。南奔劍門遙。鳥啼花落蜀道難。

暮春小集

陰雲含宿雨。容到惜餘春。綠樹鳥聲老。黃泥燕嘴頻。疏飡兼露氣。若話絕風塵。為官門偏貴。相逢莫論貧。

賦得花塢夕陽遲

駘蕩春風晚。郊坰策杖時。花明懸落日。水暖亂游絲。曲

甘雨正叢書

木門十四家集

四

塢人歸迥深林。鳥宿遲。孤村遠樹外。靄靄暮雲垂。

初冬偶興

蕭然茅屋晚。歲月促窮陰。種種風吹鬢。悽悽日照襟。霜花類古徑。凍葉下寒林。素食誰無恥。空懷報國心。

月下落葉

朔吹鳴枯木。寒蟾照屋東。聲乾馳石徑。影淡下霜空。已透林間白。偏添砌際紅。明朝莫掃葉。唯惜歲華窮。

訪香國上人不過

重來能幾日。夏木總成陰。霖暑催輕暑。微風長嫩林。淨

几香烟絕虛窓竹影深倚杖柴門外孤雲不可尋。

夏夜

高林過驟雨餘爽滿公樓竹影偏佳夕風聲忽似秋。天邊雲漸白葉末露先稠。偃卧星河下虛榻瀟瀟氣流。

送愚谷台丈赴大坂城

北堂暫為別征馬向西風望入飛雲白心馳落日紅。孤鎗秋氣早百雉月光空浪速多陳迹感吟與孰同。

寒月

滿天霜氣凜片月當臨寒枯木撐纜上早梅映始闌。斗

甘雨亭叢書

木門十四家集

三

高雲影斷石咽水流難但有窮年感凄然袖手看。

歲暮拜謁先師恭靖先生之墓

杖策江城外寒烟集遠岡紅翻滄海日錦碎古林霜。地凍人蹤滑雲低馬鬣荒歲晏悲風急徙倚對斜陽。

哭水口周巷

東來逢此老千里不空遊論古常終日傷離忽恨秋。新墳黃土濕半嶺白雲愁。因憶携行處悲風草露稠。

惜春

寥寥兀坐小堂中一出春光過眼空。塵粉多情終日雨。

飛花無迹五更風馬蹄芳草全披綠燕嘴香泥半帶紅。幾處園林渾變色問愁此際與誰同。

冬夜雨 至後二日

陰雲故自暮天催漸聽鼠聲送雨來一室題詩分燭影。千年論事畫爐灰蕭疎猶入後凋樹浙漉潛沾將發梅。至後初知生意動明朝欲問井泉回。

新綠

衰紅緞白逐春歸處處園林綠漸微映日纖條纒布影。含風嫩穎香流輝烟垂古驛行人歇月挂殘更謝豹飛。

甘雨亭叢書

木門十四家集

三

最羨科頭崔處士重陰午靜蓋柴扉。

次韻涵齋詞丈喜洛陽村田通信訪南紀學堂之作。

洛下淳儒最白眉傳聞昔日已相知觀瀾偶逐賓鴻後。聽雨姑留落葉時談論直寓無極理交情併見數篇詩。

山雲海月連牀夜緬識忘言坐燃髭。

題畫梅

積雪滿空林溪風吹不起暗知梅花開一路寒香是。

癸未元日

臘裏春回早。今朝歲亦新。書生幸無事。不逐馬蹄塵。

記夢 六言

奇石色寒硯裂。古梅香暗紅開。孤床昨夜遊夢。潤透穿林獨回。

九月十二夜小飲

雨暮秋天爽氣寒。金風吹老葉聲乾。念頭一片梧桐月。靜照清樽至夜闌。

初秋偶興寄南山社兄

西窓夢破月輪傾。露氣潛侵翠簾清。乍想今宵愁不寐。

十甫亭集書

木門十四家集

四

高林蕭颯起秋聲。

次韻昌平坂馬上卽事

橋霜有迹馬蹄清。初日欲升宿霧晴。窮目仰高門外路。天邊歷歷土峰明。

信玄贊

新羅世裔甲陽雄。富國強兵尚霸功。詭道終非興國術。猶教謀士仰英風。

春雪

玉屑霏霏欲積難。輕盈壓樹使春寒。微風弄雪飛還舞。

爛熳燒華倚檻看。

春光催柳

江城麗日漸遲遲。弱柳含黃欲作絲。弄影東風如有意。慇懃搖曳不停吹。

次韻客中感春之作

晴川減浪向東流。草色如烟伴客愁。那耐他鄉春日暮。飛花滿地獨登樓。

次韻謝惠湖筆綠香

秋雲送雁過江陽。十甲寄書到小堂。把筆燈前題句罷。

十甫亭集書

木門十四家集

四

爐烟裊裊透林香。

遇先師忌日作會言一首以述懷

嘉樹悅鳥性。因來託其陰。棲巖覺天近。啄根知地深。春花芳郁郁。午影鬱森森。羣集無後先。翻翻忘日沈。豈假絃與簧。和鳴谷爲音。行人過其下。咨嗟暫相尋。崢嶸貫四時。歲寒不敢侵。子何歲月多。蒼柯勁如金。一夜盈尺雪。摧折震遙岑。衆鳥驚飛散。喪止哀局禁。倏忽七經寒。彷徨尚傷心。山中豈無樹。亦能忘舊林。三匝棲宿跡。誰識微物忱。悲號欲何去。叢薄霜凜凜。

南景衡南郡華陽人從仕今在越中

擬唐賢大明官唱和諸什

長樂鐘鳴曙色分。蓬萊佳氣曉氤氳。苑中花柳沾甘露。
伏外樓臺擁慶雲。萬國朝天星斗近。六龍御殿鳳鸞群。
初春往往徵才俊。知是君王重古文。

春日雜咏

其一梅

依稀娉娜峙江村。未受靈塵半點痕。丹霞微薄東風面。
白雪不寒冰月魂。才許松筠爲玉友。若論桃李可金昆。

甘雨亭叢書

木門十四家集

三

千古孤山看更好。誰賡芳躅醉清樽。

其二桃

豔陽二月韶光新。灼灼桃花尤可人。繡口錦心傾上國。
綠珠紅拂定前身。粧成猶媚雍熙日。開遍何慚富貴春。
欲向武陵溪口賞。不妨游衍悲迷津。

其三杏

生香活色逞精華。半白半紅裁曉霞。池北春寒墜未展。
牆東日暖笑初姱。一枝爭挿携花宴。二月移栽賣酒家。
莫怪何郎甘久客。江南梅盡有斯葩。

其四李

後圃連朝甘雨餘。李花一樹放開初。芳姿出俗瓊難比。
素質誇真雪不如。拂檻春風香淡淡。上隄夜月影疎疎。
也知培植在根本。已見成蹊引客車。

除夜詠懷呈雨書記

孤劍一千里。遠游有何功。夙昔餌微祿。羈鳥墮樊籠。不
憚匪躬勞。寒效愚忠。大夫在義命。何用膏梁豐。振衣
謝主人。高卧一畝宮。投蹤席未煖。歲月水朝東。再見螢
火點。三值鶯花濃。菽水雖療飢。簞瓢屢苦僮。貧應同陶

甘雨亭叢書

木門十四家集

三

潛。宅豈異楊雄。未作乞米書。秉志甘阨窮。古來賢達士。
忍性多磨礱。濁富如可求。原憲戶豈蓬。貧賤他山石。我
玉可以攻。鸞鳳飲澧泉。翹翅碧梧桐。不肯嚇腐鼠。直摩
雲霄翮。况乃遊藝死。未挽兩石弓。豈暗得失機。無如塞
上翁。緡編邇千古。鑑往破羣蒙。虞帝與項王。一目具重
瞳。乃知不世形。聖凡大不同。子房蒲柳姿。籌策蓋蒼穹。
魯連寒賤士。意氣無王公。茫茫古今間。口碑在兒童。奈
何莽與操。天祿竊高崇。象恭矯聖智。授禪欺空侗。汗青
永貽醜。受誅於庸衆。澆漓重譎詐。周道黍芑芑。羊質與

虎文薄俗何嘗管。扇倉迹已遠。誰覺世警華。斯文彌天
壤。不與世污隆。淵源深萬尋。汲取須折衷。我昔少年時。
滿腔客氣充。懷輕千里駒。志吞萬丈虹。漆翰奏末技。操
觚飾彫蟲。盤根與錯節。欲並乎國工。志趣倘拘拘。深慙
度不洪。蹉跎如有得。悔悟始冰融。古道在經綸。何求文
字中。讀破座右書。把玩須洞沖。學鞭鞭不及。永矢令厥
終。不羨武陵路。尺五與天通。身世任什沈。進莫相舟泥。
羲和何太疾。過眼如飛鴻。故鄉隔幾關。難諭函與潼。遙
思北堂親。慈顏漸減紅。久虧拜家慶。心緒亂髮髮。明朝

甘雨亭叢書

木門十四家集

卷九

新歲酒。誰獻三呼嵩。願言耿不寐。忪忪萬感叢。江頭天
未霽。同雲暖滿空。繽紛千家雪。昏發萬樹風。風雪一何
惡。料峭逼微躬。剔燈坐殘夜。擁爐閉簾櫳。鐘聲乍殷殷。
曙色正瞳瞳。東陌轅朱輪。南隣嘶萃聽。境誠非我土。都
覺亂遠聰。惟荷館人愛。叨擬在阿戎。

長安春望

惠風飏蕩扇微和。佳氣氤氳五色多。鳩鵲觀前消臘雪。
鳳凰池上起春波。東郊麗日催花柳。南陌香塵鬪綺羅。
卽是長安行樂處。樓臺何處不笙歌。

無題
顯狂隨蝶身。芳過境似仙。鄉小艸多。月下芙蓉懸粉露。
烟中楊柳妬青娥。襟飄目動金蓮步。曲罷魂消玉樹歌。
自是人間難到處。渾知身世易蹉跎。

牽牛花

玉露連朝潤蔓枝。園林秋色滿疎籬。藥名久識牽牛種。
花信常當織女期。弱質深紅霞稍薄。慵粧頓碧月初移。
曉風一陣方開遍。編鼓何須爲報知。

中秋

甘雨亭叢書

木門十四家集

卷九

十分皓月滿南樓。光彩射入逼客裘。河漢遙流千里影。
關山不隔一天秋。金風吹樹芙蓉老。玉露侵階蟋蟀愁。
聞道今宵海槎泛。碩隨槎上到神州。

中秋賦。佳句。贈雨書記卧病。

桂花香發十分秋。萬里長江雪色流。病脚馬卿空對酒。
傷懷王粲懶登樓。枕邊風露謾侵夢。箔裏關山暗卷愁。
一片丹心猶奉主。斗牛伏劔屢回頭。

奉和木詞宗登臨韻

勝地憑高碧水干。捲簾千里對遙巒。半塘荷氣洗襟淨。

四月松濤吹髮寒。燕拾香泥過畫閣。魚食芳餌上文竿。
登臨聞說題佳句。使我遠成蓬島看。

中秋伏枕有感

頑雲收盡桂光明。露氣如水蘸太清。北海魚龍吹錦浪。
西風鴻雁度金城。江樓却負登臨興。隣笛謾牽感慨情。
憶昔多賢江左飲。華樽月夜月中傾。

賀白石喬遷一首

明主修文學孔顏。典墳君早透儒關。省中曾受青錢選。
門下新陪玉笋班。雨露恩深須似海。蓬瀛步穩恐非山。

甘雨亭叢書

木門十四家集

辛

天涯未識神仙府。回首遙望雲氣間。

鴻飛下度隴山雲。驛使傳書信始聞。四海萍蓬誰似我。
百年膠漆獨存君。越禽巢樹常懷土。胡馬臨風永戀羣。
猶辱元王頒醴酒。未從老圃學耕耘。

無用之材。逢時不收。多病之人。觸物易感。余兼斯

兩者。而官况已素然矣。春日適有懷環翠園。因作

詩以言志十首

咫尺城中路不賒。竹籬茅舍是吾家。窓容西嶺多看雪。
圃學東陵半種瓜。羣卉得春私雨露。孤松經年老烟霞。

風光漸近清明節。繞徑應披曲曲花。

百種花開一草堂。中藏書帙與琴囊。生前不負千杯酒。
死後何須八百柴。細兩紅桃應委徑。輕烟綠竹定過牆。
縱令靜去非吾上。自笑異鄉為故鄉。

異鄉客跡任飄蓬。何故夢魂馳越中。欲去路連飛鳥外。
思歸身在亂山東。平生才氣慙園卒。每事機關嘆塞翁。
明鏡流年無力駐。歡情託酒醉顏紅。

醉後歡情漸已微。愁心一半憶長崎。百年天地家何在。
萬里鄉關客未歸。世上風波猶是險。花前杯酒莫相違。

甘雨亭叢書

木門十四家集

壬

浮萍常逐東流水。江雁胡為向北飛。

江上春來雁幾羣。連飛遙度萬山雲。誰憐叔夜不堪俗。
自羨仲連能解紛。徒有寸心懷暗恨。却無尺璧獻明君。
多情試倚高樓望。花事闌珊落日曛。

千片花飛春事休。游絲萬丈惹鄉愁。樊禽空抱雲霄志。

涸鮒安懷江海流。客裏衰顏驚對鏡。病餘豪氣懶登樓。

身逢盛世問何少。野水湖頭媿白鷗。

一池春水白鷗波。曾此誅茅養病痾。咫尺鄉隣塵事少。
東南林壑白雲多。啄花鳥近書窓語。煮茗客環竹塢過。

昔事回頭都是夢。他時今日又如何。

今日情懷鬱且伸。且驚兩鬢新如銀。雁歸塞北猶為客。

梅發江南暗憶人。萬里浮雲遮白日。五更斜雨送青春。

桃花流水知何處。欲逐漁郎試問津。

洞口漁郎我未知。年來官跡永躊躇。人生七十已過半。

客路三千常有餘。中夜聽雞增感慨。一時畫虎媿吹嘘。

文章於世成何補。休謂丹心不負初。

忽覺初心隨日消。一枝今已媿鶴鶴。淡粧久負梨花面。

狂態還憐柳絮嬌。欲見春山常洗竹。愛聽夜雨亦栽蕉。

甘雨亭叢書

木門十四家集

五

官游儻得園中趣。到處應須樂筆瓢。

癸未除夜

可惜居諸遠。流光挽不來。年從天上改。老自鏡中催。學

之三餘業。身無尺寸材。明朝新歲酒。恥復對窗梅。

甲申元旦

東風吹雪促新年。景色已回梅柳邊。栢子泛香傳臘酒。

椒花題頌入春聯。映窗日洩三竿暖。通澗泉生數片烟。

且喜兒童頗好學。欲將竹馬代青編。

摘句

松竹含清氣。江山曠暖烟。和元

竹色暗浸案。花香晚滿蹊。和

四時花繞徑。中夜月臨堂。和

輕素交雲透碧岫。浮光帶露擁青巒。暮山晚烟

千家竹樹明雙眼。萬里山河屬一王。和林豐高元且

無言不及興亡迹。有酒能鉤錦繡腸。夏日與諸社同以梅對談文納晚涼

為起

兩地身成花下客。獨居跡託酒中仙。早春寄古硯先生

橋井泉添春澤徧。杏林花添曉霞燃。次韻松元諷見寄

甘雨亭叢書

木門十四家集

五

月色升枝空映水。秋聲入樹早生寒。古槐疎冷夕陽多

華髮一朝終物故。青山千古為誰新。憶先師

芳草人家連竹裏。斜陽漁笛振林東。春日江村

群芳態淡烟霞色。衆鳥聲吟富貴春。與鸞峯君飲花前

愛客常燒連夜燭。耽詩且醉送春樽。和洪園劇君

白日茶烟迷佛榻。黃昏燈火認僧菴。和韻

玉笙奏罷唯餘月。珠幕鉤殘不見春。荷花

流水人家芳草徑。斜風漁笛綠楊津。和送春韻

清時抱病卧蒿萊。不是逢知不復來。和韻首句

藏管葉逐秋風落。帶蝶枝隨夜雨衰。偶田川

萬波沸出上池水。五色映回東嶺雲。詞中麻兄。

一片湖光浮檻動。幾群鳥語隔林傳。次韻。

香飄几席梨花雪。暖解襟懷楊柳風。和韻。

甘雨亭叢書

木門十四家集

五

橘伯陽兩森東五郎。洛人。從官今在對馬州。

呈白石

白石於吾耐久朋。金蘭膠漆意相承。嘗隨玉署新傾蓋。
披霧青天氣泓澄。紛綸經笥竄井春。勃窣理窟壓張憑。
對客揮毫動駭觀。綺語藻思鬱相倚。美如閨女輟鍼語。
快似天馬躡雲騰。藹然春空濕花雨。凜乎寒壑閉陰冰。
極變窮工奪天巧。何啻杜老與王丞。雕篆我昔張螳臂。
文陣雄威角已崩。驤壇歃血時許勇。欲輔君勢如日升。
懶鬼睡魔巧伺間。摩旗陷陣恐未能。我元曉健恃意氣。

甘雨亭叢書

木門十四家集

五

飄然雙劍遊五陵。騁馬柳街誇人見。挾彈酒樓携客登。
一朝悔與木石腐。折節檢身拳服膺。春屋垂帷負烟景。
秋堂誦書親曉燈。心抗范李深相許。學期濂洛強自矜。
微術纔成遽欲售。千里求知真卿管。棧山航海備嘗險。
干王謁侯動取憎。囊錐誰復辨毛遂。黑貂裘敝寒稜稜。
桂薪玉炊道已窮。謗將詞賦霑斗升。詞賦從前尤疎拙。
下筆凡庸恥幾層。巧匠傍觀唾其笑。志氣摧敗似凍蠅。
因羨君方蓋當世。追隨於我亦何曾。胸襟近覺荊棘塞。
病擁布衾與難乘。蘇詞忘煩欲代簡。畫了城鼓曉聲聲。

和白石賞梅韻

檻外孤根歲月移。芳魂索莫負佳期。烟霞影動新香萼。
兩露恩深舊瘦枝。堪笑千秋爭秀鬪。由來大器發榮遲。
實成欲獻君王興。一任曉風隨意吹。

中秋次南山示韻

良宵伏枕海門秋。空見樓前月色流。風簾誰家催急管。
烟汀何處泛輕舟。橫空雁陣遙窮眼。近榻蛩音偏惹愁。
富貴邯鄲一場夢。不如歸去跨黃牛。

偶作

甘雨亭叢書

木門十四家集

卷六

梧葉滿林凋曉霜。酒空賓散靜高堂。星河影入寒江動。
鴻雁聲連絕塞長。遙夜挑燈添客意。荒村搗杵斷人腸。
由來彈缺慨慷士。不耐秋風吹敝裳。

歲初奉和平公韻

漢宮仙律入青春。高捲珠簾氣象新。北闕晴雲鳴佩處。
南山瑞霧獻杯辰。鳳含初日筆端起。鶯弄暖陽槎外馴。
何幸彫蟲廁鷄列。恩波同沐使君仁。

紫陌鷄鳴堯代春。黃堂開宴綵霞新。千年龍虎護東海。
萬國衣冠繞北辰。天日清臨五馬動。野禽輕傍雙旂馴。

吾侯元自文章富。澤被黎民一視仁。

東閣招賢道絕倫。况茲才藻逐年新。恩霑珠玉落天日。
興滿芙蓉泛水辰。滄海雲霞互入詠。蓬萊氣色要添神。
更將新歲朱輪動。為是婉愉欲祝春。

八郡山川關作舊。九天雨露假思新。符分禮樂興隆際。
袍賜風雲慶會辰。視騰千秋人飽德。襄帷他日民仰神。
慇懃捧誦郢中調。彩筆誰磨曲裏春。

問友人

君自西京幾日到。清標曾向夢中看。關河馳馬孤雲度。

甘雨亭叢書

木門十四家集

卷六

風雨隨身一劍寒。混俗多年雙眼白。論文此處寸心丹。
滿杯綠酒須相勸。知己相逢從古難。

次大町敦素見贈韻

知君灑落工詞賦。塵瑤更無一點侵。命與仇謀名未達。
蹤隨世去道猶沈。他鄉日月淹萍跡。故園松楸關客心。
懶性兼斬才氣拙。採薇當入北山深。

用韻

年華寂寂伴閑吟。遠客離憂萬里心。身托明時從性懶。
心懷清隱苦塵侵。東來滄海寒潮濶。西向亂山夕日深。

多少交游情更冷。音書祇見鯉魚沈。

孤客乾坤情巨禁。飛來尺素拂愁襟。幾年懸榻陳蕃志。

一夜登樓王粲心。風動御堤春柳亂。月臨仙掌曉雲深。

海天杳渺長爲客。帝國勝遊何歲尋。

謝白石賜和

清什寫來五色箋。朗吟轉覺奏鈞天。雅風久已委泥土。

知子就中抽玉蓮。

隴頭水

君看隴頭水。分流似別離。年年流不息。不及妾相思。

甘雨亭叢書

木門十四家集

五八

有客

有客衝寒至。山風逕路斜。開門揖相入。先進一盃茶。

少年行

珠簾繡箔畫橋西。勸醉千鍾客似泥。日暮呼盧猶未散。

垂楊陰裏五花嘶。

無題

洛浦瑤姬憶舊遊。雲鬟寶髻玉搔頭。管簫此夕人何處。

十二春風明月樓。

寺歸

天風吹袂下崔嵬。盡日談玄心已灰。凋樹霏微歸鳥外。
一僧相送過溪來。

夜雨

疎簾燈影濕。人坐雨聲中。漠漠雲低野。冥冥月隱空。祇
愁寒渚雁。肯起古潭龍。默思羈魂切。隔林何處鐘。

遊寺

真如幽寂境。俗駕荷逢迎。竹影蔭禪榻。松濤擁化城。談
空羣動息。聽磬片心清。况有石泉冷。共誰來濯纓。

聞松禎卿元迎聘使遙有此寄

甘雨亭叢書

木門十四家集

五九

鳳綸新寵漢三台。故邀雞林重譯來。青翰九溟衝雁起。
畫簫一月對花催。地連燕市半遊俠。人比鄴都多俊材。
况是曾遊尋勝槩。知君遠役興難裁。

癸亥歲奉役朝鮮。路經雞知村。梅花數株。爛熳可

愛。雖歷寒暑。死在心目。今夜與兒德允。話及曩昔。

慨焉久之。

春風識面野村梅。苦竹叢前雪作堆。冷雨荒江身萬里。
夢魂猶覺暗香來。

寄祇南海

五嶺祇夫子。激昂元不羈。窮年唯有酒。開口便成詩。聲
譽龍門並。襟懷鮑叔知。輒軻今尚尔。李廣未為奇。

寒夜江口泊舟

百里帆初落。篝燈影欲空。寒潮終夜雨。落木一船風。戍
客鳴邊柝。舟人候曙鐘。重江半艱險。孰若嘆途窮。

冬曉

清晨霜滿屋。日影上簷初。把筆硯冰結。起來窓下書。

簡白石

星軺聞說駐京陽。衫節錦袍跨驕驢。古寺花深登白閣。

甘雨亭叢書

木門十四家集

本

綺筵酒綠醉黃堂。路尋禹穴詩篇富。榮擬龍門姓字香。
欲識邊城多客思。黑貂半破髮為霜。

松權字頑卿。松浦權四郎。播州人。從官。今在對馬州。

中秋

滿空華月照高樓。冷色徹肌欲索裘。烏鵲影翻千樹暮。
桂花香動一輪秋。玉簫何處解添恨。濁酒幾杯難掃愁。
同客今宵不須睡。沈吟直達五更頭。

月下聞雁得聞字。

萬里秋風雁幾羣。數聲新向曉樓聞。回頭欲問故園信。

月落前白雲。

奉和先生高韻

甘雨亭叢書

木門十四家集

空

率館迎君子。淹留及日西。春池湛碧水。午院聽黃雞。梅
韻遙薰客。桃花自作蹊。慙勤主人意。不覺柳邊迷。

和白石見贈蓬萊韻

此地文章會稱豪。論交終日接英髦。賦成梁苑明珠動。
歌罷鄴中白雪高。賓主俱傾三中酒。交游相報萬金刀。
不材幸託諸公際。何愧談文及敝袍。

昭君怨

皓齒青娥玉頰紅。金鞍細馬向邊風。到來深覺君恩薄。
夢裏何曾見漢宮。

少年行

十二朱樓臨狹斜。春風落日去誰家。解言紅粉花相似。不識美人全勝花。

舟中作

孤旅依舟楫。汎流聽寒汐。回頭故鄉山。嘯咏明月夕。白露下空波。了然洗塵襟。客憂徒滿懷。斯夜難爲心。我家隔滄海。夢覓苦難尋。錦字寄猶未。竚立終到今。誰知心悠悠。空有愁耿耿。蓬底挑孤燈。枕衾冷欲警。月落青山曙。雲濤天外永。

甘雨亭叢書

木門十四家集

空

赤間關

群山橫港口。倚枕眺中流。集浦帆檣密。連村茅屋稠。鄉書猶待雁。旅思不因秋。嘆此官遊子。勿勿何日休。

慈嶋

停舟石路跡。崔嵬嘆息登。臨客却來。隔谷松聲疑奏笛。噴巖潮勢訝轟雷。近霜柳葉紅猶淡。映日嵐光翠作堆。欲問老源終不在。笑他世外亦塵埃。

望富岳

咫尺蓬瀛便可求。何煩颺馭問丹丘。天迴仙樂聽鳴鳳。

壑絕怪松挂卧虬。石髓瓊霜堪駐日。紫芝金草不曾秋。

因朝徐福千年事。未到此間還也休。

甘雨亭叢書

木門十四家集

空

履高又連策源正卿南紀人

賦春色滿皇州

帝皇韶風應早年。上林春色逐時妍。瑞光曉吐樓臺日。
佳氣晴薰草木烟。北闕衣冠通主第。南山雨露近賓筵。
陽和此地歡無極。萬歲千秋戴舜天。

花發上林

青甸迎春日。上林萬卉芳。色交三月勝。粉妬漢宮粧。枝
弱韶風轉。影移白日長。鶯歌聞百道。蝶舞過千墻。覆蓋
雲烟爛。拂旗錦繡香。龍樓通雨露。鳳閣借輝光。因識物

甘雨亭叢書

木門十四家集

六四

華盛年年樂未央

同賦邊城落日

漢家天子事邊陲。征伐三秋破虜遲。風急烟光大漠。
雲低日色上高旗。芙蓉雙劍龍文動。科斗連營雁影移。
金甲鍊衣須決勝。麟臺近拜羽林兒。

賦得霜隼下晴臯

霜威凋日夜。蒼隼下雲端。玉翮含風直。金眸待雪寒。翔
鴻行豈易。狡兔避鷹難。虜掠誰能敵。雄飛萬里寬。

賦得飛來雙白鶴

紫闕銀官道路難。雙飛仙鶴玉琅玕。春深錦幄霞空亂。

秋動金星月徒寒。萬里風雲飛比翼。千年海嶽駐同歡。
金光何日留顏色。羽駕試為蓬島看。

賦霓裳羽衣曲

仙女月臺閨闈遙。玉姬雲鬢管絃調。千秋候節連鸞曲。
萬歲迎觴接鳳簫。玉佩絳裙疑夢見。妍歌嬌舞使魂消。
人間天上看相近。畫扇輕裳且莫飄。

詠雪

聯翩瑞雪滿山川。還勝芬芳豔綺年。銀樹雙雙天上出。

甘雨亭叢書

木門十四家集

六五

寶鏡一一月中懸。水晶官殿看為畫。玉蕊峰巒問是僊。

為想君王出遊死。何時雕藻翰爭妍。

再步前韻呈白石

紛紛雨雪下江天。盈尺輝光應瑞年。寶燭樓前九枝動。
水精簾外百花懸。繞軒直逼銀河月。度水疑連太液僊。
欲識瑤臺誇麗質。為觀翰墨吐妖妍。

縹緲龍雲起四天。霏微鶴雪照殘年。畫中草木千花滿。
鏡裏山河萬象懸。粧閣重開玉女珠官。往往見天仙。

江城獨有巴南客。詞曲何能競麗妍。

晴雪暉暉帶曉烟。金城曙色逼韶年。水麩綺綴入梅嬾。
玉絮銀條放柳懸。日上鸞墀憐粉鏡。雲飛鳳闕降瓊仙。
欲向上死住花筵。豫將羣玉賞芳妍。

詠七家雪

侯家

侯家第宅勝金張。堂上雪飛歡未央。粉絮欲飄雲母帳。
銀花還拂水晶床。簾前緩月臨歌扇。殿裏隨風飛舞裳。
絳蠟金爐寒却謝。瓊筵畫閣夜方長。

山家

甘雨亭叢書

木門十四家集

空

飄飄飛雪千巖暗。寂歷幽居一徑通。吐月林巒如屋裏。
出雲洞壑似門中。當窓折竹聲相近。臨水長松影若空。
自有仙山扶隱逸。何須萬里訪珠宮。

妓家

媚家金屋狹斜傍。映雪佳人出洞房。瑤瑁筵中寒未盡。
芙蓉帳裏晝猶長。金娥月樹疑分影。絲女仙雲且借光。
舞態嬌粧莫漫矜。飛來妬殺白霓裳。

酒家

酒家臘雪映青旗。臘酒留人白接離。脂粉學粧憐蜀女。

顛狂欲舞想吳姬。杏花村裏瓊甍滿。楊柳橋邊玉絮垂。
却勝子猷剡水棹。不勞山簡高陽池。

漁家

紛紛雨雪入漁舟。澗淥太虛含亂流。鏡水千重珠暗沒。
銀灣百尺影空浮。林東桂棹逢歸月。岸上蘼花不用秋。
向晚烟波千萬里。天邊疑是到滄洲。

獵家

渭陽獵騎乘時下。風勁平原雨雪推。浩氣遙臨白羽動。
寒光直擁彤弧開。七星迎箭銀鑿出。二窟傳繪玉兔來。

甘雨亭叢書

木門十四家集

空

論獲不愁前路晚。虎旗應向月中迴。

樵家

樵路繁迴啼鳥稀。羣山白雪晚霏霏。入林瓊葉半天下。
轉澗銀花滿地飛。伐木千巖聲自遠。穿雲一徑跡空微。
此中深洞逼仙境。石室山前欲不歸。

和白石中秋泛舟過牛渚寺

牛渚乘秋過。龍宮向晚開。地平平楚盡。天入大江來。瑞
境隨潮湧。珠林逐岸迴。乾坤到銀界。雲霧接花臺。波動
金風落。夜涼鏡月催。豈聞多賦詠。難比謝公才。

和白石中秋韻

其一 泛舟牛渚

日沈碧水涵澄輝。秋拂青空雲物微。星漢槎凌雙岸落。月宮桂吐滿輪飛。水綃堪噉鮫人室。玉佩欲飄僊女衣。娛樂渾疑天上賞。蕭歌未可醉中歸。

其二 十六夜陪某使君宴

東面華軒敞夜輝。秋浮城闕夕烟微。芙蓉帳裏蟾光入。翡翠簾前雁影飛。曲度清風飄玉樹。舞來白露點羅衣。使君置酒俱良夕。應是金樽醉不歸。

甘雨亭叢書

木門十四家集

天

其三 二十七夜會藍田宅

海畔孤城草木稀。樓頭百里客心微。天低大嶽風雲急。日落長江雷雨飛。坐上寒更傳夜杵。簾前曉冷透秋衣。金鑿玉碗且勞動。高興非唯月裏歸。

其四

十八夜會秦子明宅。公注云子明游官于豐州。秋間有歸思五六句用之。

江上風烟送夕暉。夜愁暗向望中微。海門潮去雲鴻下。天關秋開月兔飛。尚聽武昌楊柳笛。未裁湘水芰荷衣。三秋良夕幸須醉。萬里鄉心暫忘歸。

中秋聞永君陪宴因贈 用去歲白石韻

朱第鳳樓敞夕暉。燕開蘭席晚雲微。武昌秋泛金尊酒。鄴水月隨華蓋飛。影透水精拂雲箔。光穿霜練促夜衣。因君聊唱明河曲。非是西園裁賦歸。

十六夜江上看月。再用前韻

月華二八挂清輝。玉宇深沈透紫微。雲盡唯看秋水遠。天空不覺夜霜飛。更深漢水風飄佩。波起洛川露濕衣。天上人間何若此。蘭樽桂酒未須歸。

贈井君美

天文星北極。地軸海東隅。休烈肇黎庶。丕承協典謨。百

甘雨亭叢書

木門十四家集

天

內歸左界。四岳授雄圖。本有羆熊士。既成龍虎都。兩觀臨綠水。萬雉洞高衢。甲第峙雲錯。殿門鬱帶紆。賈商行富麗。士女渾歡娛。鼎鑊刑長措。絃歌政更逾。已知非險固。尚聽想文儒。載藉好同德。朝廷訪匹夫。窮途誰鹵莽。仕路豈崎嶇。寧戚未逢晉。子胥初入吳。報書原似樂。負笈或同虞。金石當辭落。風雲入辨驅。傳經今古絕。揮筆鬼神扶。天上鳳毛異。海中鯨力殊。奇珍雙玳瑁。寶劍兩混吾。瓦礫非比玉。金鞭欲起驚。同袍幸聞道。接武殆遺恩。三寸雖猶在。九才復已無。原思貧豈病。司馬渴應蘇。

不免乾坤潤。須知雨露濡。爲君歌一曲。千歲慰踟躕。

賀井君美應甲藩之聘

赤帝御寰日。黃軒問道同。三正應曆象。四序轉鈞洪。社稷神伊嘏。禎祥天所崇。乾文拱象緯。地理紐華戎。朝野無賢棄。謳歌自歲豐。聲教千古改。禮樂萬方通。翼亮皆文武。登庸必績功。召周猶養老。岳牧既開聰。青士函關外。金門碧海東。命龍班玉帶。封魯錫圭桐。整肅衣冠盛。赫輝邸第雄。英才徵鄴下。秀士在吳中。出入章華殿。登臨碣石宮。蓋飛漳水月。賦就楚臺風。虎嘯寧深谷。雄飛

甘雨亭叢書

木門十四家集

七

卽碧空。雲天上。謁帝。雨露下。恩濃。愚昧知非是。俊髦良不充。關西揚伯起。天下漢故公。炳煥詞章富。紛綸經義隆。高歌霏白雪。敷藻落晴虹。思發鬼神泣。毫飛鸞鳳冲。瓊瑤傳雅頌。金石起曹聳。齊國逢吳子。鄭門推馬融。聲名已超絕。學術猶磨礱。本是文章士。豈知哲匠工。得朋常討論。求我似童蒙。夙抱賈生志。其如阮籍窮。龍鱗失雲雨。雀躍在高蓬。居世異窮達。締交在始終。請君聞此曲。幸莫罪雕蟲。

君美嘗在東都。偶栽梅。封植已十年矣。乙亥孟春。

集會於其宅。因使各賦其梅。余感其耐久。且憶江南之勝槩。於是乎賦。

南之勝槩於是乎賦

十年花逢今日春。十年人非昔時新。人與花對能幾日。不知今日花照人。昨夜夢度江南水。君家春色半相似。與君置酒銷客愁。滿坐暗香吹雪起。

彦山二十景

午王靈廟

峻彼西嶽。以俯以仰。九州幸猶。川澤許許。於穆神廟。肇下土。民之秉彝。時神之祐。

甘雨亭叢書

木門十四家集

七

中宮呼鹿

上宮數千仞。半路凌紫氛。呼彼仙人鹿。往還不自分。朝遊中宮樹。夕飲清溪雲。借問王子晉。獨逐鸞鳳群。

圓通瀑布

瀑布飛來何壯哉。瓊崑瑤岳相喧豗。洪潭雷吼萬壑倒。六月雲門吐雪來。中有碧霄之沓竇。下有玉樹之瑰材。吾欲往從。道路險絕隔塵埃。爭得晉代孫常侍。不知何日賦天台。

講堂明月

吾有一片月。亦聞掛此山。清光不可見。紺宇敢易攀。瑩同金世界。影分玉毫間。願言塵外想。登眺不知還。

掛笈紅梅

天花瓊樹對琳宮。萬朵深香淡雪紅。為報行人莫相掛。從來玉蘂不勝風。

華月坐石

盤勢雲根濕。空林歌翠屏。昔時人不見。今日水猶青。

雪舟假山

絕嶽無人境。中峯滲碧滋。龍雲觸泉石。鶴雪繞松枝。水

甘雨亭叢書

木門十四家集

七二

自天門落山從廬岳移。無由一揮手。渺渺青霞期。

報恩晚鐘

樹裏萃官翠疊。疎鐘遙帶斜暉。前嶂孤林鳥宿。西山一點雲歸。

雲母晴嵐

夕登雲母坂。山氣多翠微。因風互明滅。步步生人衣。不知空林下。但有俗塵稀。

斷橋杜鵑

如何子規鳥。亦聞斷橋路。月落孤村曙。草暗烟兩暮。因

記江南春。題此倍相慕。

竹臺洞天

東北竹臺路。躋攀紫靄披。陰陽互冥晦。林壑或逶迤。百尺冰崖外。千年石室移。飛蘿掛猿狖。枯木隱魑魅。泉聲落虎丘。雲氣隨。洞幽疑禹穴。松古似秦時。探討遂難極。咏吟亦在茲。丹丘竟仙者。為我謝瓊芝。

含玉神泉

孤嶽東南玉屋泉。玉為巖水幾千年。金潭近見虹霓飲。瓊液遙從河漢懸。支遁山中出寶錫。遠公林外賤珠筵。

甘雨亭叢書

木門十四家集

七三

已知石髓駐顏色。想像流霞接羽仙。右十二景。

長谷紅葉

伏檻林巒繞。紅飄丹壑間。霜風吹萬樹。秋色不堪攀。何人卜真隱。錦帶挂西山。

佐賀城樓

宿兩山半過。宿雲山上收。望望二百里。五城十二樓。秦樹睽曉曉。遠近隨指浮。城中亦相望。山翠空悠悠。

蘆屋平沙

洞庭七百里。千古稱其奇。傳此平沙瀾。復從高嶺窺。波

濤地軸近。月夜天文移。壯觀良應賦。何人擲藻思。

筑陽大溪

林外林頭夜火。溪南溪北漁舟。羣山萬壑幾轉。疑是山陰碧流。

蘇山烟霧

蘇山不可測。烟霧數千重。七日藏玄豹。千年訝黑龍。氛氳無定處。渺漫未為容。獨有巢榕鶴。長棲第幾峯。

湯嶺積雪

西來湯嶽雪。崢嶸積素凝。光到大清玉。女芙蓉秋不落。

甘雨亭叢書

水門十四家集

七四

瑤池芝草夜猶明。人間絕勝九華闕。天上堪比三素城。

東海士峯為應讓。月氏蔥嶺莫相爭。

防海風帆

畫鷁自變豹。翩如六翮迴。牙樯雲際落。錦席鏡中來。舟入長天隱。影懸返照開。尋仙從此路。何日覓蓬萊。

雙峰夕照

東望豐山箭箭齊。依稀丹翠萬方迷。雙峰秀色何如此。落日倒斲青巒西。

戊寅元日

嚴城鐘漏曉微微。上月芳辰淑氣歸。日出金門迎畫戟。

雲開玉殿捧朝衣。池頭柳色風前動。林下梅香雪後飛。

身在東平無寸補。青山好去掩荆扉。

庚辰夏。余竛罪南海。鬱鬱居一室。六月溽暑。中夜

不寐。因思江都舊游。以下南中作。

男兒少小氣勃勃。古人可及道可達。江東才子多豪俊。相遇交際不容髮。夜月追隨詩酒筵。春風走馬遊俠窟。學劍豈可敵萬人。習射徒誇穿七札。十年功業竟不成。徒為白面一書生。口吐萬言皆糟粕。身守一經何管管。

甘雨亭叢書

水門十四家集

七五

由來方圓不同器。世上謗譽共轟轟。豈知一朝蒙嚴譴。

南竄窮荒路幾程。南中六月多毒熱。終日昏昏醉若醺。

倚人紀水家未定。帶經山田身自耕。丈夫遭遇皆有時。

一浮一沈自古爾。生涯窮通不足歎。唯恨親友無相期。

相思綠水又青山。夢寐杳然見容顏。緘書相傳君且慰。

猶能雙劍在腰間。

憶北堂

青門一別促行裝。久住東都似故鄉。匹馬朝嘶山樹綠。孤舟夜宿海雲長。夢隨明月八千里。身竄窮荒天一方。

回首遙思倚門望。何事萱花發北堂。

寄竹圃兼呈東都諸友

花川牛渚月輪秋。秦女彈箏趙女謳。借問袁宏歸去後。清光得似昔時不。

閑懷

放浪蓬頭客。佯狂絲髮奴。心將流水遠。身與白雲孤。秋月思瑤瑟。春風且玉壺。醉中無一事。試去學吹竽。

寄竹圃

秋風客子泣離羣。江上舊游尤憶君。南竄身隨紀川水。

甘雨亭叢書

本門十四家集

七六

東歸夢度萬城雲。天寒孤雁曉相問。月苦斷猿時一聞。中夜緘書傳此意。別來相思坐氛氳。

詠碁

初銷宿醉罷高眠。一局楸枰欲午天。松下手譚玄尚白。橘中坐隱日如年。幾人相對論奇正。一著千金尤後先。清簾疎簾不知暑。閑餘賭得小山篇。

冬夜偶作

白屋青燈獨夜情。樽中有酒共誰傾。寒花十月無人見。

黃葉滿山聽鹿行。

原本全錄
一作山鹿

冬日牡丹 舊作

珠臉瓊腮蘭麝裳。東皇宸渥先時芳。駕留芬月鶯應喚。枝借韶風蝶未狂。雪重仙妃掩嬌笑。曉寒粉女帶啼妝。瑤臺尤是春長在。富貴誰言上死香。

示僧

南中作

天風昨夜雨花香。寶錫乘春下翠屏。雲近銖衣龍護鉢。花開蓬座鳥聽經。禪成豈與世塵避。詩熟唯知風月靈。東謁愧非玄度輩。醍醐肯許使吾醒。

青山春雨偶作

甘雨亭叢書

本門十四家集

七七

青山春雨外。綠樹暮雲邊。倚杖早梅雪。登樓歸雁天。清亭移白日。明鏡借豐年。幸得村居僻。喜無俗事牽。

移居青山

江都非我土。林壑暫占閑。雲薄窓中樹。雪晴天外山。一丘稱吏隱。斗酒解心顏。多病且應養。柴門終日關。

雪後和梨溪子韻

新卜青山宅。喜無俗者知。我來逢歲暮。君過立年期。萬壑松濤落。半庭竹雪危。更羨為幽興。村路不厭疲。

訪松浦源錄事不遇題壁歸

獨卧春風暮。鶯啼楊柳枝。復此遙命駕。徒爾塵外期。琴書依素壁。草色上階墀。不嫌山簡醉。重來著接離。

和琴溪子晚江小雨

花嶼翠烟合。蘭舟容與來。半江新雨過。遠樹夕陽開。畫檝依深竹。釣磯濕翠苔。漁歌何處發。牛渚獨徘徊。

九日獨酌

朝回對花飲。秋色老林苑。黃花向人笑。相賞何太晚。

賦雪後早朝得晴字

暉暉霽雪映平明。萬戶疎鐘度禁城。光拂仙旗雲未散。

甘雨亭叢書

木門十四家集

三六

寒消天仗日初晴。金門問柳空三月。畫閣驚梅渾六英。且喜年豐添瑞氣。微臣未肯報昇平。

賦龍門桃花

龍門猶暢化。芳樹自披芬。錦煖浪三級。霞深春十分。仙源勞問渡。台嶠徒尋雲。非借天工力。何添意出羣。

春日過向子林亭得歸字

烟霞締幽賞。琴酒未言歸。苔徑少人迹。柳條上客衣。典酬晉山簡。登克漢機。坐久聞吹笛。梅花數片飛。

賦得燈

愛爾山齋夜。熒熒結作團。酒醒蕉雨滴。琴罷竹風寒。坐久丁香大。更深金粟攢。通宵報何喜。唯伴漏聲殘。

武昌晚秋

武昌城闕此登臨。日落高樓海氣陰。雲擁江天鳧雁下。潮生澤國龍蛇深。扁舟萬里歸家夢。孤劍十年報主心。金馬由來陸沉者。不論丘壑無由尋。

寓懷

十年游寓客梁園。萬里雲霄志尚存。躡屐春風趨玉殿。鳴珂日晚出金門。扁舟寧負滄洲意。孤劍未酬明主恩。

甘雨亭叢書

木門十四家集

三九

身在東平無寸補。折腰低面易應論。

杪夏晦題

金節既徂暑。天清大火流。竹露侵衣冷。草蟲依砌幽。孤襟常惜夜。多病早知秋。明日西風起。應向班女愁。

首夏

新林淺翠映衫衣。昨夜芳源雨下微。歌舞樓臺仙管澁。簾前落盡紫蓋微。

春夜聽笛

東風玉笛起誰家。微月沈沈北斗斜。曲裏不知春暗盡。

江南何處落梅花。

和梨溪子遊明畔

青蘿髻迴燈聞君此路尋。山秋松風濕地僻嵐氣深。物象頓相忘泉石洗塵襟。仙侶如可待。白首問東林。

和春雨韻

遷鶯求友日。甘雨度江時。色僅柳前變。濕先草際移。青雲交莫忘。白首情何衰。前村春酒熟。應酌舊相知。

寒夜戲賦三絕。倣中唐宋明體。

高樓日落海雲長。南望關山是故鄉。客思安隨千里雁。

甘雨亭叢書

木門十四家集

八

孤篋一夜度瀟湘。右中唐體。

茅屋三間居即穩。詩懷常不負清江。天工剩借畫圖手。

月寫梅花上帝廳。右宋體。

孤鴻影斷楚雲秋。白行高歌解夜愁。月出樓頭天似水。

風吹玉笛古梁州。右明體。

中秋集翠亭賞月

銀海露濯桂花流。詩酒年年記此遊。相對樽前令人老。

清光不減舊時秋。

同和竹圃

從來林壑意。寄跡似山陰。客到竹風冷。秋來松月深。賞

因病裏懶詩與醉中尋。飽得聞高調。露華已滿襟。

同

袁謝風流千古傳。清樽秋對月明前。淒風砧杵萬家夜。

故國音書群雁天。誰識佳期再相遇。不知清影幾回圓。

半渚曾遊君記否。蘆花楓葉滿湖船。

同

玉樹金風夜。桂花白露秋。興從雲外發。身似月中遊。夜

靜孤螢急。天空一雁幽。還應歌管地。不若醉南樓。

甘雨亭叢書

木門十四家集

八二

同中秋詞

明月三五灩金波。天風吹桂夜香多。玉樓瓊戶空想像。

天上人間望如何。龍笙聲咽銀河橫。酒滴真珠為君傾。

人生歡娛願如此。月落西廊難為情。

中秋和梨溪韻

安賞南樓夕。無奈今夜明。秋隨瓊樹落。月與玉人清。胡

雁風偏怨。豐鐘霜飲鳴。永言沈吟久。城頭北斗橫。

思梓山石處士

栖栖石處士。名以能書傳。一酒興何懶。三盃醉最顛。蕭

疎秋竹雨。蒼勁古松烟。逝矣樽中物。羞之不及泉。

辛巳元旦試筆

枯中臘酒暖初勻。且喜年光及逐臣。宿醉元非獨醒客。故園猶似未歸人。眼看南國梅先發。夢入東風草又春。傳語當時舊交友。江湖莫話有垂綸。

同元日

朝步荒原獨自悲。東風疎柳未搖枝。河邊白骨無人斂。春去春來不竟知。

春日過九臯子山房

甘雨亭叢書

木門十四家集

全

竹護禪龕梅卜隣。一聲啼鳥不驚人。孤雲片月西來意。白水青山南住身。仙澗汲花茶始嫩。給園養果橘猶新。非唯支遁林中勝。願得無生出世塵。

中元夜伏枕憶竹圃

長夏卧病浹新秋。沉復瘴氣晚來流。楚客杜門何寫憂。脚軟難作澤畔遊。澤國芙蓉越女粧。羅襪凌浪影又香。蘭蕙螢火逐清尚。冰簟疎簾好來涼。螢火芙蓉空斷腸。絳河白露夜如霜。此時青山含紫烟。此夕明月漸團圓。明月青山似昔年。綠髮白髮何倏然。人生萬事真問天。

心事欲寫疲腕力。古往今來幾太息。玉杯留飲清興索。彤管久拋龍不躍。高枕贏得客夢數。飛去江東與君宿。

予病根深矣。雖知之不療之。今年自夏至秋。伏枕

于山閣。因題俚語數章。以易藥餌云。

先生好奇奇何在。奇到不奇十分奇。欲療先生病根處。

月寫紗窗梅一枝。

看看十日畫一水。大器晚成終有始。春風移來東籬菊。

秋雨曉霜醉玉蕊。

十日相煖一日寒。魔軍衝破功尤難。五申三令良將事。

甘雨亭叢書

木門十四家集

全

七縱八橫到處安。孟子曰。一日幾十日。終之是顯倒用之。予省守戒慎之工夫。夫然一旦觸事

而心動。
故云爾。

蓮湖賞月

荷花三百里。秀色落南湖。月露皆搖蕩。水天或有無。洛妃遺玉佩。仙侶下冰壺。笑傲醉中意。唯憐永夜徂。

秋興寄東都舊社

江東詞客舊風流。海曲逐臣悲獨遊。雁際雲橫葛城寺。笛中月滿武昌樓。蛟龍絲筆為誰躍。鸞鶴瑤琴空自愁。兩處登高各堪賦。青雲孰若白雲秋。

和州五條十八景 寶永甲申仲秋作。

葛城夕嵐

葛城白雲凝不飛。盤橋神女見應稀。晚晴乍作翠嵐去。敢向人間入客衣。

高峰秋月 山似富嶽三峯。

群山未似此山崇。山勢人稱小土峯。積雪千秋好懸取。月開天外玉芙蓉。

大嶺積雪

往昔山靈驅石平。銀屏玉雪尚崢嶸。雲梯鳥道求無跡。

甘雨亭叢書

木門十四家集

八四

獨有仙人騎鶴行。

勢堂紅葉

風淒霜慘問秋過。秋到楓林秋最多。落日殘霞蕭寺暮。逢人先見醉顏酡。

高取孤城

突兀飛樓傳壯觀。勢凌霄漢斗牛寒。退之得價滕王願。試向江山揮筆看。

湯川遠村

湯川於古見名存。相望微茫烟霧昏。草樹千家時隱見。

馬頭先問杏花村。

芳野川後

簿後千章欲問津。落花流水杳無垠。高師堪恨却堪羨。送盡年年芳野春。

大善寺櫻 樹如虬龍之狀。

屈曲輪囷誰做工。滿枝香雪照琳宮。夜來送雨白龍老。片片玉鱗飄曉風。

千早樵夫

冒霧伐雲身世閒。南朝風物夕陽間。樵夫不知廢典事。

甘雨亭叢書

木門十四家集

八五

一曲醉歌乘月還。

二見耕人

麥浪青青夏日長。耘耕手倦汗為漿。傍人問得老農意。世事忙於農事忙。

富山牧牛

憶似桃林曾牧牛。一羣牴犢飲清泉。長鳴幸免廟堂用。豐草深林自在眠。

犬飼驛馬

相送相迎知是誰。北來南去定何之。金鞍憑載春風去。

為報隴頭梅一枝。

御靈古祠 聖武帝皇女被讒死于此地化為飛龍去民因祭云。

一宮松柏肅陰森。萬古淑靈民所欽。湘瑟何須寫借怨。秋風明月帝鄉心。

茶山暝鐘

半山烟樹半川霞。風外疎鐘雲外鴉。無我聲聲帶春去。夕陽落盡寺門花。

城山夕照

石磴烟蘿雨後青。古城人去鹿空經。夕陽半嶺雲歸處。

甘雨亭叢書

木門十四家集

六六

白鳥斜橫雙畫屏。

井納涼 名水也

冰精梳裏冷將凝。鏡月影團涼可乘。天上遙頒金掌露。人間偶見玉壺冰。

野原柴橋 末柴為橋冬月利往來。

白沙翠瀨早寒催。霜壓烟橫未著苔。侵雪馬時尋跡度。探梅人暗帶香回。

牧瀨漁網

游魚新下蓼花秋。日落漁人集岸頭。絕勝松江一蓑雨。

風流得似李鷹不。

和維馨詠十年梅韻 舊作

池館尋幽倒接離。芳梅為賞向春移。寧辭東閣花前醉。不憚山陰雪後期。玉樹非關千里贈。瑤華且長十年枝。琴樽更有美人共。今日清香勝昔時。

官池春雁

金堤柳色氣初和。塞外雪消歸雁多。何若江湖未還去。雙雙猶浴鳳池波。

送環洲赴子播

甘雨亭叢書

木門十四家集

六七

青門春酒暫相留。送別長江落日愁。白雁雲隨千里路。朱鷺星照五城樓。霜飛寶劍芙蓉老。月照金笳楊柳秋。過馬明朝不堪去。相思明月滿吳洲。

奉寄竹圃 成子

歸鴻何處訴離羣。尺素相勞惟有君。鄴下元傳飛蓋賦。湘流今定卜居文。落梅笛裏人如玉。芳草天涯夢似雲。莫訝隴頭書信少。相思無緒坐氤氳。

奉答田君見問

望拜壇邊貴水濱。孤松為友鹿為羣。地連熊野遙臨海。

窻對龍門常鎖雲。樵路圍茶逢橘叟。石田種藥學桐君。

生涯應付一杯酒。依舊猶為無用文。予居在望拜壇東。有老松翳茅屋。龍

門山在居東一里。見于太平記。

望士峯 應竹園田子之需作。

不死之山迥出羣。影涵滄海雪紛紛。芙蓉倒照中天月。

芝草長生萬古雲。瑤闕夜寒銀漢宿。香爐曉霽紫烟分。

何當絕頂御風去。披讀玉書金簡文。

天東一柱鎮神州。悅望瑤臺白玉樓。雷雨乍過雲半腹。

海風不散雪千秋。壯觀始傳宋濂唱。仙跡只留徐福舟。

甘雨亭叢書

木門十四家集

全

君鈞巨齋持寄我。載來三島與十洲。右同田君賦。以寄于望仙樓主人。

奉和仲通見贈

交情寧論信音疎。管絕相知誰又如。千里寸心勞別夢。

一封尺素慰遷居。雲埋葛嶺書屏時。月滿蓮湖明鏡虛。

記得天台携手處。題名醉向玉欄書。

久卧蒿萊與世疎。茂陵誰訪病相如。吳門烟月違同醉。

楚澤秋風問卜居。往事回頭渾成夢。交游屈指半為虛。

喜君志強身康健。好為故人時寄書。

田子彝 號雲鵬

秋夜邀白石先生於攀桂樓

小樓聊築市朝隈。灑灑疎簾隔紫埃。大嶽半邊當檻落。

長江一道抱城來。仰攀丹桂香應挹。纔採青蘋宴更開。

從是如叢歌可好。勸君重酌濁醪杯。

上元作

火樹高臨跪闕前。夜間巷靜遠相傳。龍燈九陌明如晝。

鳳管千樓沸在天。畫閣月懸開扇影。珠簾風度殷爐烟。

重關不鎖歡娛洽。拊舞更稱明主賢。

甘雨亭叢書

木門十四家集

全

歲初作

壯麗雄州儲地禎。扶桑旭日瑞光晴。六齋雲捧蓬萊洞。

萬雉天開錦繡城。夜雨乍蒸花氣動。春風欲入柳條輕。

家家歡笑聲如湧。九陌謳歌唱太平。

送栢洞赴播州

高館張燈綠酒香。驪駒歌罷促行裝。笛聲秋恨關山月。

馬首寒生橘柚霜。落木江頭雙劍別。浮雲天外一鳧翔。

嶺南應有梅花發。千里懷人情正長。

槐夏初三會淮南亭。分韻得新字。

歲月蹉跎桃李辰。故園到日綠陰新。畫梁紫燕來尋主。
碧樹黃鶯啼送春。今夜翠樽邀翰墨。幾年書劍老風塵。
相逢休道珍羞少。柳絮池塘多白蘋。

滿空華月淨如練。碧紗窗外獨空見。乍憶黃鶴朱樓前。
應照金樽玳瑁筵。露下玉欄夜吐玉。風吹霧幌冰輪懸。
歡譙典闌看不足。坐客爭唱白紵曲。此時孤眠愁何極。
碧天明月同一色。紛紛世塵空相隔。迢迢對此寤又憶。
湘簾高捲不堪愁。薤葉碧簾涼為秋。相思今宵竟一斷。
願逐流影照樓頭。

甘雨亭叢書

木門十四家集

七

中元夜會賦新秋月

刻燭一寸。

稍變宋明律。先合白露秋。金風吹月至。銀渚帶星流。閨
冷錦砧動。殿涼紈扇愁。客棹傳故事。應泛木蘭舟。

歲暮會鶴樓賦今日良宴會。

美酒高堂宴。為忘遲暮愁。三冬將盡夜。十載此登樓。爐
畔寒先去。甕頭春已浮。分陰堪可惜。况復餞年流。

賦得仙家鶴

秋色紫宮間。露凝清唳寒。天風吹玉羽。夜月照霜翰。伴
鳳樓瓊樹。隨龍繞石壇。朝來鳴佩過。飛舞五雲端。

畫梅

冷豔一枝梅。春從畫裏回。瓊葩綴雪吐。粉萼侵寒開。香
借爐烟動。神歸燭影來。綺筵春永在。不怨笛聲催。

賦昭君怨

一朝辭玉殿。萬里向金微。沙拂紅裙起。雪飄翠袖飛。愁
中胡地老。夢裡漢宮歸。空奏琵琶曲。相思淚濕衣。

和家兄新正韻

雲捧蓬萊雪。春浮花柳天。青旂迎上日。玉曆入新年。南
斗靈光動。東關紫氣傳。堪歡具慶壽。共醉綵衣筵。

甘雨亭叢書

木門十四家集

空

南浦別佳人

送君南浦草萋萋。唱罷離歌夕日低。望斷天邊行不得。
春風花裡鷓鴣啼。

和竹枝初韻

東風花暗若耶溪。西子宅前日欲西。春草萋萋春雨後。
子規啼斷鷓鴣啼。

閩中夏詞

繡房冒暑織殘機。粉汗輕沾羅帶衣。碧簾夜深涼似水。
空持紈扇撲螢歸。

織女近佳期

天上佳期秋色歸。多情却懶織殘機。盈盈一水纔相隔。鵲斷銀河鵲未飛。

鏡裏梅

香闈睡起髮鬢鬆。捲慢一枝鏡裏斜。疎影更憐粧閣後。併看髮上步搖花。

舟中寒望得飛字

蘆葉霜枯遶釣磯。孤舟暮擁綠蓑衣。朔風吹落天邊雪。白鷺洲前一鳥飛。

甘雨亭叢書

木門十四家集

九三

中秋泛舟

碧水微茫泛桂舟。菱歌暮起白蘋洲。青天月滿中秋夜。銀漢槎通大海流。潮湧仙翁吹笛去。波明神女弄珠遊。曉來零落寒如灑。醉倚長風披翠裘。

石貫卿

石原鼎。名學魯。號梓山。西肥人。元祿戊寅之春死。年四十二。

中秋

桂宮秋半蟬合輝。竟夕蘭堂徹九微。樓際鵬程懸玉鏡。箏彈鶴唳怨金徽。雲中朗璞沈星漢。草上明珠璨夜扉。更向廣寒尋帝跡。銀箋響處曙方歸。

題畫

楚雲湘水兩悠悠。明月清風共一丘。帆影秋高天外落。白蘋紅蓼繞芳洲。

中秋

甘雨亭叢書

木門十四家集

九三

高唐雲雨妬姮娥。佳夕三年兩噫過。爲撥頑陰期快覩。弗逢光霽廢狂歌。廣寒丹桂花生樹。坐上清樽夢屬柯。幾處祈晴窺兔影。夜深疑有月華多。

辛未中秋

半宵涼雨夜何如。數望雲衢免窟虛。刻漏深深梧影濕。笙歌縹渺桂香疎。銀蟾樓處藏仙藥。老蚌胎時走電車。俾彼昭回堪睥睨。願教風伯一相鋤。

岡達 岡島忠四郎字仲通號石梁賀陽人。

白石官定後奉寄

東閣正開子墨林多年不負歲寒心。平臺高擁青雲色。上國總知白雪音。播笏殿門應數入。曳裾意氣莫相侵。須知叢桂久乘興。為問天台嶠谷深。

乙亥孟春白石東亭同二三子賞梅和秦貢詩引

十年曾識歲華移。到處相逢報玉姿。客夢舊懸烟霧月。官情新對雪霜枝。北人在坐寧須折。南客成吟轉耐思。自是清香滿堂上。春風幾度為君披。

甘雨亭叢書

木門十四家集

在

壬午秋留別東都諸君

雁聲南去仰遠空。永夜月明欄檻東。別後琴樽江水白。途遙草木越山紅。一生唯有圖書伴。兩地應須音信通。策馬爭先君莫怪。故鄉尊菜已秋風。

病中書懷

臥病最愁歲月違。柴門况復客過稀。藥爐灰去火還冷。菽湯疲來腰減圍。澗水夜深聲細細。柳條春半綠依依。琴書明日吹塵讀。只惜青年感昨非。

和鼓缶子韻

閑步尋幽處。對君眼自親。琴書情有趣。有核味兼珍。詩賦風流在。興來杯酒頻。近檐交鳥語。傍砌動花唇。窓下坐談舊。歸途醉為呻。再會聞玄旨。心事兩無塵。

次韻酬鼓缶子

常怪千年計。人生駒影間。歸鄉惟感舊。避世豈偷閑。門對風前柳。窓含雨後山。圖書情有樂。貧困意無艱。投我詩兼賦。尋君往又還。自非蒙眷愛。何以一開顏。

牛房山記并詩

白江之南。黃山之北。有一山。名牛房山。崛然鍾秀。實屋

甘雨亭叢書

木門十四家集

在

山以南之勝也。長嶺蜿蜒。形如卧牛。或曰。上多生牛房草。故名。未知孰是。南則有梅洞。菊潭。篁洲。而相連焉。其東則有蘭畹。八九畝。至秋花發。乃香聞數十里。又有醜醜洞。春夏之交。其花與山映帶。自遠望之。鬱鬱然。葱葱然。若五色雲從蓬瀛歸。其間菖蒲九節。枸杞盈叢。竹之美。石之怪。珍禽來集。奇獸並走。四時變態。草木靈異。不可盡述。是乃隱逸所寓。神仙所托也。遠山六七里。西北之隅。有大竇。不知其深幾百尺。或有鍾鼎等物。出於其邊。野人往往有得之者。相傳千古。羲皇氏之民穴處。想

是後人爲附會之說耳。或謂此則黃帝登仙之遺蹟。而東通鼎湖。又曰。禹穴卽此。之北三里許。有紫塞堂。塞載音同。紫恐四之訛。有時白氣升自其中。相牽接山。須臾之間。舒張四方。以致風成雲。龍興雷鳴。殷殷冥冥。膚寸而雨。亦得泰山之趣。石梁子徘徊其下。瘦體秀肩。披青裘冠竹冠。手握道籙一卷以誦之。踞石上而吸氣調息。時時來往城市之間。人無知其壽幾千百年。庚辰之秋。西駕不識其所終。山靈爲之空云。

牛房山八詠

甘雨亭叢書

木門十四家集

九六

竹
百尺竿頭凝翠光。娟娟滴雨有幽香。可憐明月清風夜。霄漢只期來鳳凰。

梅

老樹嵯峨春月來。南枝依舊一花開。美人清立即如玉。道斷善哉又善哉。

醉醺

醉醺滿架受風香。蚊蝶翩翩過短牆。色似黃金三桺嬾。誰吹丹竈日初長。

相風柳

竹陰日日薰風。憂悶何因慰客中。相柳動時心亦動。望鄉滿面淚痕紅。

蘭

紫莖可辨藥之方。綠葉采來經日香。遙慕古人堪作佩。避蟲還好入書箱。

石

奇石千年自出雲。南山雷起遠殷殷。冷霞洗隨石梁子。樹下坐來西日曛。

甘雨亭叢書

木門十四家集

九七

枸杞

叢前犬吠伴神仙。天天朝來露夏妍。養氣充飢立小摘。徐延吾壽幾千年。

月

東林吐月影蒼蒼。風起清涼吹我裳。相對舉盃思萬古。何秋復此照藜牀。

新歲吟

臘雪全銷後。東風散彩霞。遷鶯調舌巧。垂柳學眉斜。那對憐春色。淹留感歲華。故園如可到。不厭萬山遐。

和謝惠梅韻

橫斜連白玉。况是滿清香。中夜高懸月。南枝獨占陽。移
來山驛外。照得水村傍。從贈相思客。詩成五色章。

偶題

韶色滿林春。載陽遷喬黃鳥。轉聲長。東風昨夜梅花夢。
吹入南枝心復香。

悼恭靖木先生

翰墨場中忽隕星。詞壇號令復誰聽。十年講習受明教。
一代師儒談舊經。學綜百家論最細。名流四海德俱馨。

甘雨亭叢書

木門十四家集

九六

堂前樹色春空在。風雨夜來吹淚零。

柳川諫朴許氏遙投惠海羊。並錄製方於封函。

聊作鄙詩二章。代簡以謝。

遠寄海茸從海濱。平安併至武城春。乘來堪作酒中伴。
洗去須羞堂上賓。儘怪奇形同犢角。便知珍味勝猩唇。
棠君眷愛温如玉。何以應能報美人。

分手橋邊六載回。江城此去幾崔嵬。碧雲迢遞人猶隔。
明月團圓客更哀。夢結曾遊千里地。眼穿遠望兩鄉臺。
聞君門下多桃李。好是春風定自開。

向岡邸第大城西。四歲寄居臨水溪。北海雲牽春夢遠。
東京霞映夕陽低。事師今日服心喪。交友當時與面替。
難繼人生行樂處。何年小集盡情啼。

中秋

金風蕭瑟拂林東。明月飛光秋正中。北渚詠歌良友少。
南樓賞與故人同。新詩吟得題桐葉。濁酒朝來對菊叢。
還望鷺峰飄桂樹。梵宮高接廣寒宮。

送山基庸歸

秋風吹別客心寒。離席杯觴明月殘。鴻雁只今歸塞上。

甘雨亭叢書

木門十四家集

九九

故園到日報平安。

賦九月授衣

蕭瑟風高九月天。肅霜滿目樹林乾。誰家弄杼曉來急。
何處擣衣秋後傳。窓下裁縫憐日影。手中針縷向燈前。
請君須識妾辛苦。莫問笙歌開綺筵。

中秋無月

青袍捧袂上南樓。辜負廣寒宮裏秋。霄漢雲深娥影暗。
梧桐風動雨聲稠。楚山抱璞下和泣。合浦徙珠孟氏憂。
清酒一樽開未酌。幾回睥睨送夏籌。

自和

久客懷歸王粲樓。年年春去又悲秋。倚欄待月三更冷。
傍砌聽蟲四壁稠。昨夜杏通鄉國夢。今宵難拂霧雲憂。
清光不假人間遍。徒對寒燈報曉籌。

偶作

塊然坐一堂。終日讀羣書。求友唯聞鳥。當食不得魚。寒
生疎雨裏。林暗落花初。次第催華鬢。莫徒歎歸歎。

元祿壬午四月二十六日。

大駕臨我藩邸。賦詩奉賀。

甘雨亭叢書

木門十四家集

百

揚揚台布出樓臺。絡繹金鞍萬騎來。路轉昌平沂水近。
節當小滿薰風催。東林積翠雨餘滴。西嶺寒光夏裏開。
彩仗高連揚柳色。門前光耀及輿儻。

中秋無月

窗外梧桐起雨聲。此宵辜負桂花明。風來唯聽關山曲。
露滴不看河漢清。催別江淹將有賦。倚樓庾亮更無情。
奈何萬里陰雲色。天上難開白玉京。

田信盛

田文獻驍竹園東武人從仕在南紀

仙家菊得仙字

春雨新生種玉田。秋風初映煉金烟。天長明月爭輝冷。
地久醴泉浸影鮮。酒在人間傳九日。壽超世外引千年。
方知不是塵中物。異等靈葩好伴仙。

九月十三夜對雨

雲雨溼濛沒素蛾。佳期兩月共蹉跎。孤燈影傍屏風淡。
點滴聲添漏水多。樓上衣濡人懶倚。江邊翅重雁低過。
今宵誰見清光好。欲逐仙槎到絳河。

甘雨亭叢書

木門十四家集

百一

佳人鼓瑟

星成粉靨月成眉。玉指纖纖推柱移。欲使人賜與絃斷。
艷歌一曲和來時。

秋海棠

佳人委秋草。翠袂掩羅綾。顏向清池照。粧銷香霧凝。風
寒睡未覺。露重力難勝。獨在闌干下。自憐無共凭。

和岳公十六夜

今夕清光好。都忘昨夜寒。雲晴暈初絕。屋少影仍團。不
作尋常景。自知方丈安。高樓詩就後。乘興撞鐘看。

又

二夏斷後倚闌干。一任西風徹曉寒。玉宇新晴雲葉淨。
銀河暗滴露華團。社論真偽交時結。詩費推敲意始安。
還恨平生離索遠。佳期况復不同看。

西瓜

西方嘉種孰相傳。氣味尤宜九夏天。碧玉壺中藏紫雪。
瓊瑤甕底釀紅泉。巒峯遠待金刀折。鄰井冰浮銀鉢鮮。
何減漢宮雲表露。歆丞一洗骨將仙。

戲賦蕎麥麵

甘雨亭叢書

木門十四家集

百三

滿畦收麥漸滋蔓。冷蕊昏睡不厭看。星照平沙連遠渚。
風翻滄海苦狂瀾。霜前結實三稜黑。秋後收莖數節丹。
粒米跳箕霰珠迸。粉塵出磨雪華漫。捏來掌上銀球轉。
掃去盆中粟玉漫。萬點飛花隨手落。一輪明月上盤團。
勢如車軸轟橋過。聲似馬蹄蹋檉。切作素絲悲可染。
嚼成玉屑好堪餐。浮浮蒸氣玄冬暖。凜凜冰漿盛夏寒。
袖殼鑄金甘勝齋。葱根碎璧馥於蘭。正襟稱美辭情厚。
鼓腹貪多競量寬。七碗芳茶殊燥渴。十分清酒合交歡。
但遣人世足蘆服。豈羨仙廚給鳳鸞。

賦雁勒江韻字二首。

秋風吹送幾羣鴻。相喚相呼過曉蔥。白草露寒辭瀚海。
紅楓霜冷下吳江。瑤琴停影行成柱。鏡笛和聲怨滿腔。
何事為牽羈客思。夢醒孤枕對殘缸。

雁陣驚秋過碧空。湘江萬里水淙淙。心隨紅稻啄農畝。
夢繞黃蘆倚釣缸。呼侶聲從孤月落。失羣影與片雲雙。
翔南翔北渾無定。借問何做是故邦。

癸未元日

金鷄鳴斷五夏天。朱邸迎新淑氣遷。東面柳條春色早。

甘雨亭叢書

木門十四家集

百三

南枝梅蕊暖光鮮。壽觴初賜朝參日。恩澤正沾強仕年。
公退椿花相對處。堪歡彩服戲堂前。

春雪映寒梅

東風吹雪不成堆。暫伴春光映玉梅。意外滿枝添白動。
籬邊六出借春開。水精宮裏仙人立。雲母屏前美女來。
郢里高歌江上笛。併為新曲欲相催。

松契遐年 和歌題

千尋貞幹鬱森森。霄漢高凌晚翠深。仙鶴共看今古色。
主人同伴歲寒心。碧天雲繞護青蓋。清夜風來奏玉琴。

從是靜中猶得聽。退齡爲汝作知音。後聞此作
壽某公詩。

十四夜

浮雲吐月已三夏。雨後秋天光愈清。舊約難期明夜會。
新詩先適此宵情。妍妍池鷺應無影。啞啞城烏還有聲。
同學友朋皆異處。酒盃相憶獨慵傾。

中秋夜會鶴樓尋十餘年舊盟因次白石當初韻

兩斷斜陽纔漏暉。東欄待月暮雲微。草殘庭際聞蟲響。
林靜樓前無鵲飛。風冷浪傳楊柳笛。露寒暗濕芰荷衣。
可憐砧杵飄空外。何處閨中愁不歸。

甘雨亭叢書

木門十四家集

百四

同席和白石韻

要看清影好。半夜未辭樓。宴罷飛黃鶴。賦成悲素秋。雲
遮三歲月。人共十年遊。魚水荷殊遇。君何嗟白頭。

十七夜

雲隔中秋過。風吹素月來。輪從前夜缺。明到此宵開。打
破誰家鏡。得懸仙子臺。休長對清影。白髮爲相催。

中秋夕記喜

秋半猶餘熱。高堂獨覺涼。應因集佳氣。况復浴恩光。何
恨月華沒。還攀桂樹香。寸丹思報主。不若燭心長。

甲申中秋無月贈夜配人

埋沒嫦娥影。寂寥玉鏡臺。淚應兼雨落。愁不與雲開。泉
下人何隔。夢中魂數回。春閨舉案日。追憶思難裁。

壽信山翁八十

今朝華誕掛蓬萊。胡廣八旬心力剛。天賜康寧酬德行。
地頒光景賦文章。東關望氣窺仙象。南極懸星見壽昌。
彭祖官榮三代舊。陶朱身退五湖長。碧桃偷得瑤池上。
金插載來玉井傍。不啻閨闈偕老樂。且歡班彩戲高堂。

十七夜對月

甘雨亭叢書

木門十四家集

百五

天以三宵暗。一歸此夜明。桂開看不見。露落聽無聲。兔
照衰翁髮。娥摧寡婦情。莫言輪已缺。光徧滿寰瀛。

木芙蓉

水蓮花落半凋殘。更有芙蓉發木端。冷艷偏宜秋色淡。
輕盈自拒曉霜寒。風飄織女機中錦。露濕仙人掌上盤。
不與羣芳競春色。獨持晚節倚闌干。

木門十四家詩集終

書木門十四家詩集後

安中侯節山君收捨先儒著書之未經刊行者陸續上梓積年之久哀然成帙蓋勸清人鮑氏知不足齋叢書也。余家久藏木門十四家詩集蓋臨寫白石先生手書者舉以示侯侯一覽欣然就請收入乃命侍臣校訂一過致諸座右亦聊欲助侯發潛德之美意耳弘化三歲次丙午黃鐘堀田紀正脩伯永識。

甘雨亭叢書

木門十四家集
跋

反

一

難

秀

驪

古書流通處景印

揚子

宋棊

離騷

霽反



反離騷

反離騷者漢給事黃門郎新莽諸吏中散大夫揚雄之所作也雄少好詞賦慕司馬相如之作以為式又怪屈原文過相如至不容作離騷自投江而死悲其文讀之未嘗不流涕也以為君子得時則大行不得則龍蛇遇

不遇命也何必湛身哉

湛讀沉迺作書

往往撫離騷文而反之自崦山投諸江流以弔屈原云始雄好學博覽恬於勢利仕漢三世不徙官然王莽為安漢公時雄作法言已稱其美比於伊尹周公及莽篡漢竊帝號雄遂臣之以耆老久次轉為大夫又放相如

封禪文獻劇素美新以媚莽意得校

書天祿閣上會劉尋等以作符命為

莽所誅辭連及雄使者來欲收之雄

恐懼從閣上自投下幾死先是雄作

解嘲有爰清爰靜遊神之廷惟寂惟

寞守德之宅之語至是京師為之語

曰爰清靜作符命惟寂寞自投閣雄

因病免既復召為大夫竟死莽朝其

出處大致本末如此豈其所謂龍蛇

者耶然則雄固為屈原之罪人而此

文乃離騷之讒賊矣它尚何說哉

有周氏之蟬媯兮或鼻祖於汾隅靈宗

初謀伯僑兮流于末之揚侯蟬媯連也

鼻始也汾隅揚邑也雄自言系出於周而食采於揚也謀譜也周襄而揚氏有

號為揚侯者
侯叶音胡
淑周楚之豐烈兮超既離

虜皇波因江潭而淮記兮欽弔楚之湘

纍淑善也去汾隅徙巫山得周楚之美

江歷大波也潭深淵也淮音往乘水而

往也記書也纍力追反叶力禾反指屈

原也纍囚也成相曰比干見刳箕子累

或曰禮喪容纍纍又史記孔子纍纍然

如喪家之狗趙武靈王見其長子纍然也皆衰悴之意未知孰是惟天

軌之不辟兮何純絜而離紛紛纍以其

渙忍兮暗纍以其續紛軌路也辟讀為

朔兮招搖紀于周正正皇天之清則兮

度后土之方貞十世數高祖呂后至成

也正十一月也記以此時投文圖纍承彼

洪族兮又覽纍之昌辭帶鉤矩而佩衡

兮履攬搶以為綦圖纍其系圖也鉤規

搶妖星綦履下
飾言賤之也
纍初貯厥麗服兮何文

肆而質靡資媿娃之珍髻兮鬻九戎而

索賴貯積也肆放也靡音械狹也言其

閻媿也文詞放肆而性狷狹也媿子侯反

鬻徒計反髮也賴利也言原仕楚如資

美女之鬻而鬻於九戎之鳳皇翔於蓬

中其人被髮無所用也

隋兮豈駕鵝之能捷騁驊騮以曲躡兮

驢騾連蹇而齊足蓬階蓬萊之階也駕

阻之處則與蹇驢無異足叶音接枳棘

之榛榛兮蝮虺擬而不敢下靈脩既信

椒蘭之唼佞兮吾纍忽焉而不蚤睹榛音

也臻又士巾反梗穢兒蝮虺見九歌擬疑

也靈脩原以寄意於楚王也椒蘭見騷

諧言也經唼音妾袷芰茄之綠衣兮被夫容之

之離房袷其禁反帶也芰古荷字夫容

鬢音壁疊衣也 離房別房也 閨中容競淖約兮相態

以麗佳知衆媻之嫉妒兮何必颺纍之

鬢佳叶音圭言衆士爭能猶衆女之競容也綽約善容止也態猶勝也

言以麗佳相勝也 蒼眉字言原自懿舉其眉使衆憎嫉也音義並見騷經壹

神龍之淵潛兮竢慶雲而將舉亡春風

之被離兮孰焉知龍之所處懿美也竢待也龍以

潛居待雲為美以譏屈原不能隱德自取禍也被讀曰披 啓吾纍之

衆芬兮颺燁燁之芳苓遭季夏之凝霜

兮慶夭頽而喪榮苓香草名音零夏而遭霜言不遇時也慶

頽讀與羌同頽古悴字 橫江湘以南徃兮云走乎彼

蒼吾馳江潭之汎溢兮將折衷虛重華

走音奏趣也吾與梧同 衷竹仲反說見騷經 舒中情之煩或

兮恐重華之不纍與陵陽侯之素波兮

豈吾纍之獨見許陽侯見九章言屈原欲自投江以陵素波

舜必不許之也洪興祖曰吾恐重華許原之沈江以死不許雄之投閹而生也

斯言得 精瓊靡與秋菊兮將以延夫天

年臨汨羅而自隕兮恐日薄於西山此

譏原欲餐玉以延年而反懷沙以求死蓋雄知生固我所欲而不知所欲有甚

於生者 解扶桑之總轡兮縱令之遂奔

馳鸞皇騰而不屬兮豈獨飛廉與雲師

此言其去之速也 卷薛芷與若惠兮臨

湘淵而投之棍申椒與菌桂兮赴江湖

而漚之若杜若惠即蕙也此言原之赴水是并與其芳潔之操而棄之

也棍大束也古本反漚今漚麻 費椒糝

以要神兮又勤索彼瓊茅違靈氛而不

從兮反湛身於江臯音義並見騷經 纍既伏夫

傳說兮奚不信而遂行徒恐鷦鷯之將

鳴兮顧先百草為不芳代古攀字言既慕傳說何不自

信其言而遽去徒以鷦鷯之將鳴為憂而不慮反先百草以就死也餘音義亦見騷經然傳說乃巫咸初繫棄彼處妃之語雄誤以為原詞也

兮更思瑤臺之逸女擘雄鳩以作媒兮

何百離而曾不壹耦評昔耕反使也餘見騷經乘雲

蜺之旖旎兮望昆侖以穆流覽四荒而

顧懷兮奚必云女彼高丘亦見騷經穆居糾反但高丘無女本言高丘無美女可求以喻列國無賢君可事耳此詞女字乃作去聲

讀恐亦非本文之意也 既亡鸞車之幽藹兮焉駕

八龍之委蛇臨江瀕而掩涕兮何有九

招與九歌此言原實無車可乘無馬可駕方就死湘淵何有歌舞

之樂譏騷經之言不實也 夫聖哲之不遭兮固時命

之所有雖增欷以於邑兮吾恐靈脩之

不纍改有叶音以改叶音已言楚王必不為屈原而改也孟子曰千里

而見王是予所欲也不遇故去豈予所欲哉聖賢之心如此原雖未及其拳

拳於宗國尤見臣子之至情豈忍逆料其君之不可諫而先自己哉此等義理雄皆不足以知之唯有偷生惜死一路則見之明而行之熟耳以此譏原是以前鳳皇而笑 昔仲尼之去魯兮斐斐遲遲

而周邁終回復於舊都兮何必湘淵與

濤瀨斐芳非反往來兒孔子異姓之臣其去魯也但政亂耳未有危亡之

釁也可去而去可歸而歸與 溷漁父之

舖歡兮絜沐浴之振衣弃由聃之所珍

兮躋彭咸之所遺漁父事音義並見本篇由許由聃老聃蹠

蹈也之亦反許由事不經見雄亦本不之信今乃言之已為抵牾而又不察其

生當堯舜之間身無讒賊之禍與原事亦不相似也老聃之學私於為我而無

君臣之義亦雄所知至此乃以為言亦其貪生惜死之心勝是以溺焉而不自

耳知

丹陽洪興祖曰揚雄所以議屈原者

如此而班固亦譏其露才揚己顏之

推又病其顯暴君過愚嘗折衷而論
之曰或問古人有言殺其身有益於
君則爲之屈原雖死何益於懷襄曰
忠臣之用心自盡其愛君之誠耳死
生毀譽所不顧也故比干以諫見戮
屈原以放自沈比干紂諸父也屈原
楚同姓也爲人臣者三諫不從則去

反

九

候

之同姓無可去之義有死而已離騷
曰玷余身而危死兮覽余初其猶未
悔則原之自處審矣或又曰甯武子
邦無道則愚而仲山甫明哲以保其
身今原乃用智於無道之邦以虧明
哲保身之義亦何足爲賢乎曰愚如
武子全身遠害可也官守言責斯

用智矣山甫明哲固保身之道然不
曰夙夜匪解以事一人乎士見危致
命況同姓兼恩與義而可以不死乎
且比干之死微子之去皆是也屈原
其不可去乎有比干以任責微子去
之可也楚無人焉原去則國從而亡
故雖身被放逐猶徘徊而不忍去生

反

上

候

不得力爭而強諫死猶冀其感發而
改行使百世之下聞其風者雖流放
廢斥猶知愛其君眷眷而不忘臣子
之義盡矣非死爲難處死爲難屈原
雖死猶不死也後之讀其文知其人
如賈生者亦鮮矣然爲賦以弔之不
過哀其不遇而已余觀自古忠臣義

士慨然發憤不顧其死特立獨行自信而不回者其英烈之氣豈與身俱亡哉仍羽人於丹丘留不死之舊鄉超無爲以至清與太初而爲隣此遠遊之所以作而難爲淺見寡聞者道也仲尼曰樂天知命故不憂又曰樂天知命有憂之大者屈原之憂憂國也其樂樂天也離騷二十五篇多憂世之語獨遠遊曰道可受兮不可傳其小無內兮其大無垠無滑而魂兮彼將自然壹氣孔神兮於中夜存虛以待之兮無爲之先此老莊孟子所以大過人者而原獨知之司馬相如作大人賦宏放高妙讀者有凌雲之

意然其語多出於此至其妙處相如莫能識也太史公作傳以爲其文約其辭微其志絜其行廉其稱文小而其指極大舉類邇而見義遠其志絜故其稱物芳其行廉故死而不容自踈濯淖污泥之中以浮游塵埃之外推此志也雖與日月爭光可也斯可謂深知己者揚子雲作反離騷以爲君子得時則大行不得時則龍蛇遇不遇命也何必沉身哉屈子之事蓋聖賢之變者使遇孔子當與三仁同稱雄未足以與此班孟堅顏之推所云無異妾婦兒童之見余故具論之嗚呼余觀洪氏之論其所以發屈

原之心者至矣然屈原之心其為忠清潔白固無待於辯論而自顯若其為行之不能無過則亦非區區辯說所能全也故君子之於人也取其大節之純全而略其細行之不能無弊則雖三人同行猶必有可師者况如屈子乃千載而一

反離騷

十一

生

人哉孔子曰人之過也各於其黨觀過斯知仁矣此觀人之法也夫屈原之忠忠而過者也屈原之過過於忠者也故論原者論其大節則其它可以一切置之而不問論其細行而必其合乎聖賢之桀度則吾固已言其不能皆合於中庸

矣尚何說哉且凡洪氏所以為辨者三其一以為忠臣之行發其心之所不得已者而不暇顧世俗之毀譽則幾矣其一引仲山甫甯武子事而不論其所遭之時所處之位有不同者則踈矣其一欲以原比於三仁則夫父師少師者皆以諫而見殺見囚耳非故捐生以赴死如原之所為也蓋原之所為雖過而其忠終非世間偷生幸死者所可及洪之所言雖有未至而其正終非雄固之推之徒所可比余是以取而附之反騷之篇

反

十四

仲



馬程張鈞衡石銘
景宋尹家本重開

此宋刊楚辭大字本存反離騷一篇十四葉每半葉七行
行十五字雙行夾注下同高五寸六分廣四寸三分白口
單邊上有大小字數下有人名一字中縫或作反離騷或
作反騷或作反皆宋刊舊式按朱子撰楚辭集注八卷辨
證二卷後語二卷反離騷編在後語卷二第十六篇此本
自一號至十四號頗似單行瞿氏書目有集注八卷辨證
二卷行款與此本同并云後附揚子雲反離騷一篇並洪
興祖論自加論說於後卷一卷二鈔補全後語已佚又云
前有嘉定癸酉三月甲子陽王汾序云刊於貢郡齋
俾學者風雅之變云所言與此均合則嘉定六年刊本
也天祿續目有楚辭大字本止存五六兩卷辨證兩卷均
無後語或後語未刊僅刊反離騷耶即此十餘葉宋刊宋
印字大悅目亦為海內罕見之品矣中縫破碎字亦間有
摸黏則由胡蝶裝改冊而致篇中避諱止見一貞字愍字

缺筆則承唐舊前有顧云美分書引首極佳癸丑四月烏
程張鈞衡識

楚辭芳草譜



楚辭芳草譜

宋 謝翺

江離

江離之草。屈原幼時所先採。蓋自其初度。則固已履江離辟芷矣。張勃云。江離出臨海縣海水中。正青似亂髮。楚辭之于江離。畦而種之。則非水物。本草蘼蕪一名江離。又云。被以江離。揉以蘼蕪。又不應是一物也。

薰草

世以薰草蓋即薰草。臭如蘼蕪。可以已厲。故古之被除。以此草薰之。因謂之薰草。王逸章句云。茵薰也。今之零陵香。

茵

按王逸云。茵即薰。司馬云。大芝。文遁云。舜華。則王說恐非。七諫云。飲茵若之朝露。即莊子所謂朝菌者。豈此耶。

卷一 楚辭芳草譜

四十

五 香 鮑 蕪 蔞

離騷云。滋蘭九畹。又云。光風轉蕪。崇蘭闢草。大都似澤蘭。其香可着衣帶者。是素問云。治之以蘭。除陳氣也。皆繫指香草可見。

蕪

蕪大抵似蘭。皆柔莢。其端作花。蘭一莢一花。蕪一莢五六花。香次于蘭。楚辭蘭每及蕪。晚蘭而畝蕪也。汜蘭而轉蕪也。蕪殺蒸蘭藉也。

杜若

杜若一名杜蘅。苗似山薑。花黃赤子大如棘。九歌湘君曰。采芳洲兮杜若。將以遺兮。下女。湘夫人云。攀汀洲兮杜若。將以遺兮。遠者。杜若之為物。令人不忘。攀采而贈之。以明其不相忘也。

菝

楚辭以芳草比君子而言菝者最多。蓋今香白芷也。出近道下濕地。可作面脂。其葉可用沐浴。故曰浴蘭湯兮沐芳。

蘭蕪

芎藭之苗。葉為臙蕪。似蛇床而香。魏文帝以蕪草闢香。雜之以臙蕪。藏衣中。故少司命曰。秋蘭兮臙蕪。羅生兮堂下。綠葉兮素枝。芳菲菲兮襲予。古詩有云。采臙蕪。

卷施

卷施草。拔心不死。江淮間謂之宿莽。說見郭璞。故離騷經曰。朝搴阰之木蘭兮。夕攬洲之宿莽。非宿草也。

菘

離騷云。菘菘菘以盈室兮。判獨離而不服。皆指惡草。異菘竹之菘。

菊

菊季秋寒露後五日始有華。華得土之正色。離騷夕餐秋菊之落英。觀崔實費長房九日採菊語。則茹菊延齡。自古已然。

荃

荃昌蒲也。一名蓀。楚辭曰。數惟蓀之多怒兮。蓀佯擘而不聞。辭言香草皆以喻

卷一 楚辭芳草譜

四十一

五 香 鮑 蕪 蔞

臣。唯言蓀者。喻君。蓋蓀于藥為君也。

薛荔

離騷云。貫薛荔之落蕊。王逸章句曰。薛荔香草而生藥實也。

款冬

款冬葉似葵而大。叢生。花出根下。十一月雪中出。花茂悅。郭氏曰。款凍也。故楚辭云。款冬而生兮。凋彼蕪柯。

艾

蕭與艾本皆香草。離騷則薄之曰。戶服艾以盈要兮。謂幽蘭其不可佩。然要之庶人所服之蘭蕪。則有間矣。

蕪

蕪蕪蒿也。其葉似艾。白色。長數寸。高丈餘。好生水邊。大招云。英酸蕪蕪。不沾薄只。王逸曰。蕪繁草也。蕪香草也。

莎

莎莖葉都似三稜和香用之招隱云青莎雜樹兮蘋草羅靡

輪佩也。可制以涉水。按楚辭王褒九懷稱援麗瓜兮接糧。

蓼

蓼生水澤。楚辭曰蓼虫不知徒乎葵菜。言蓼辛葵甘。蟲各安其故。不知遷也。

茨

茨蒺藜也。布地蔓生。細葉。子有三角。狀如菱而小。刺人。生道上。按七諫曰。江離棄于窮巷兮。蒺藜蔓乎東廂。

蕪

蕪生水中。實兩角。或四角。一名芰。離騷曰。製芰荷以為衣兮。集芙蓉以為裳。蓋芰葉雜蓮。荷葉博大。有為衣之象。而芙蓉若可緝者也。

蘋

蘋葉正四方中拆。如十字。根生水底。葉敷水上。天問曰。靡萍九衢。言其枝葉分

楚辭芳草譜

四十二 香 陸 蕪 蕪

為衢道。續今言花五出六出也。

萍

萍無根。浮水而生。楚辭曰。蘋蘩兮浮萍。汎汎兮無根。

香艸叢書五集卷二種

對天

解問

天

于南門退廬
丁巳仲秋拜

欽定四庫全書總目卷一百四十八 集部 楚辭類存目

天問天對解一卷 浙江范懋柱家天一閣藏本

宋楊萬里撰萬里有易傳已著錄是書取屈原

天問柳宗元天對比附貫綴各為之解已載入

誠齋集中此其別行本也訓詁頗為淺易其間

有所辨證者如天問雄虺九首儵忽焉在引莊

子南方之帝曰儵北方之帝曰忽證王逸註電

光之誤特因天帝儵忽之居帝南北海而為之

說又如天問鯨魚何所魍堆焉處獨謂堆當為

雀魍雀在北號山如雞虎爪食人證王逸註奇

天問天對解總目

豫章叢書

獸之誤亦因天對魍雀在北號惟人是食而為

之說未嘗別有新義也

天問天對解

廬陵 楊萬里 廷秀撰

予讀柳文每病天對之難讀少陵曰讀書難字過然

則前輩之讀書亦有病于難字者耶病於難前輩與

予同之初病於難而終則易焉予豈前輩之敢望哉

因取離騷天問及二家舊注釋文而酌以予之意以

解之庶以易其難云

問曰遂古之初誰傳道之上下未形何由考之

遂古往古也太古天地未分之說傳之者誰何以

考究

天問天對解

豫章叢書

對曰本始之茫誕者傳焉鴻靈幽紛曷可言焉

古蓋茫乎其不可考也傳其有初者虛設一作者

為之也鴻荒靈怪幽深紛紊何可得而言哉言且

不可得而言也考且一作得而考也耶

問曰冥昭蓊闇誰能極之馮翼惟像何以識之明明

闇闇惟時何為

日月之夜明晝昭何以然也其理蓊然而闇誰能

窮極之者天地之馮馮而盛滿萬形之翼翼而眾

多何以然也其像初誰識而命之者人物之明明

鬼神之闇闇是又誰為之者時是也馮馮盛滿翼翼

翼衆多見顏師古漢書禮樂志桂華馮馮翼翼

問曰曷黑晰眇往來屯屯厖昧革化惟元氣存而何爲焉

忽爽昭晰而爲晝昏黑窈眇而爲夜蓋日往月來月往日來自爾而已屯屯而昧焉則冥昭膏闇之理蓋不可得而窮極也二儀之盛滿者自盛滿爾萬形之衆多者自衆多爾人物之明明者自明明爾鬼神之間闇者自闇闇爾倏焉而革泯焉而化此其厖昧之氣像蓋不可得而測識也日月晝夜之由不可窮也天地人物鬼神之由不可識也又

天問天對解

二

孰有爲之者哉蓋亦強名之曰惟元氣存而已翳爽見漢書郊祀志謂昧爽也

問曰陰陽三合何本何化圓則九重孰營度之惟茲何功孰初作之

獨陰不生獨陽不生獨天不生三合然後生此穀梁子之言也陰陽三合若之何而本原若之何而化生天體之圓也孰與之營造而能圓天重之九也孰與之量度而有九凡如此者奚而功誰之作哉

對曰合焉者三一以統同吁炎吹冷交錯而功无營

以成沓陽而九轉音火渾淪蒙以圓號冥凝立釐无功无作

陽陰之合以三而元氣統之以一炎者元氣之吁也冷者元氣之吹也吁而吹吹而吁炎而寒寒而炎交錯而自爾功者也其始無本其末無化天之九重者陽數之合沓而積者爾天之圓體者一氣轉輪而渾茫者爾烏有所營烏有所度哉其凝而結也冥然而凝莫見其所以凝其釐而治也立然而釐莫見其所以釐烏有所功烏有所作哉蒙加也號名也天之圓亦豈真圓耶人不見其際而見

天問天對解

三

其圓故加之以圓之名而已故曰蒙以圓號

問曰幹維焉繫天極焉加八柱何當東南何虧九天之際安放安屬

天維之幹旋何所繫綴天地之根涯又何所加八柱九天亦同此問也

對曰烏俟繫維乃縻身位无極之極泮彌非垠或形之加孰取大焉皇熙壘壘胡棟胡宇完離不屬焉恃夫八柱无青无黄无赤无黑无中无旁烏際乎天有天有繫以維則羈縻其體與位矣天無待於繫者也天有極以加則有形而不大矣天無極而大者

也皇熙者天大而廣者也天廣大而壘壘不息不棟不宇全然離物而無所連屬豈有八山爲柱之恃哉九天者東曰倬天東南曰陽天南曰赤天西南曰朱西曰成西北曰幽北曰立東北曰鸞中央曰鈞天也天無色而亦無方豈有九天之涯際哉問曰隈隅多有誰知其數天何所沓十二焉分日月安屬列星安陳

天地之旁角誰知其衆多之數天運之會合何以有子丑之辰辰者日月所會也沓合也日月列星亦同此問

天問天對解

四

對曰巧欺淫誑幽陽以別无限无隅曷情厥列折算測筵午施旁豎鞠明究曛自取十二非余之爲焉以告汝規燬魄淵大虛是屬綦布萬熒咸是焉託音筵專筵音筵竹音筵廷竹也楚人折竹以卜情莫孔切

巧謂機巧也淫謂巫史之淫瞽也午施者布算於中而橫也旁豎者布算於邊而直也鞠者推也規者圓也燬者日也魄者缺也淵者月也日者火之精故曰燬日無缺故曰規燬也月者水之精故曰淵月至望後生魄則缺故曰魄淵也萬熒者星也蓋天地之列位有幽陰陽明之別而已烏有所謂

隈隅旁角也哉謂之有限隅旁角者機巧淫瞽之言欺誑云爾天運之推移有晝而明夕而曛而已烏有所謂十二辰之定名也哉謂之有十二辰者卜筮之人折竹施布以推究晝夜之強名自取云爾然則隈隅之數十二之名豈天之作爲哉是皆非天之所作爲則屈子以此問天天亦何以告屈子也故曰非余之爲焉以告汝余者天也汝者屈子也至于日月安屬則有所屬焉太虛是屬是也列星安陳則亦託於太虛焉故曰咸是焉託問曰出自曠谷次於蒙汜自明及晦所行幾里夜光

天問天對解

五

何德死則又有厥利維何而顧兔在腹曠音揚曠音揚

曠音揚
對曰輻旋南晝軸奠於北孰彼有出次惟汝方之仄平施旁運烏有谷汜當焉爲明不逮爲晦度引久窮不可以里燬炎莫儺淵迫而魄遐違乃專何以死育玄陰多缺爰感厥兔不形之形惟神是類輻以喻天體軸以喻天極天運而極不動日之行遡天而旋以成晝者也彼孰有所謂出孰有所謂次也哉惟人見其方之仄而東則謂日出而東見其方之仄而西則謂日次於西彼未始有出次也

平施旁運亦未始有陽谷與蒙汜也當日之所及則爲晝而明不當日之所及則爲夜而晦歷家引三百六十五度之說爲日之行者其說久則亦窮矣又豈可以里而計哉日之炎也可遠而不可並也月迫而並焉則月之光不勝日是以魄而缺焉烏有所謂死月遠而遠焉則月之光得以專是以明而盈烏有所謂育月之陰也以缺爲體也以陰感陰冤者陰之類也以缺感缺冤者缺之形也

問曰女岐死合夫焉取九子
王逸云女岐神女無夫而生九子

天問天對解

六

對曰陽健陰淫降施蒸摩岐靈而子焉以夫爲

岐女既曰神靈則不夫而子也宜

問曰伯強何處惠氣安在

王逸云伯強疫鬼也惠氣和氣也

對曰怪瀾冥更伯強乃陽和順調度惠氣出行時屆時縮何有處鄉

瀾猶彌也更去聲怪而彌怪冥而更冥彌怪與更冥合此伯強之所以生也和順既調則惠氣行矣故伯強緣瀾氣而屆惠氣以瀾氣而縮者也惠氣以和順而屆伯強緣和順而縮者也莫非一氣也

又烏有伯強居處之鄉

問曰何闔而晦何開而明角宿未旦曜靈安滅同
角東方星也曜靈日也

對曰明焉非闔晦焉非藏孰旦孰幽繆遷於經蒼龍而寓廷彼角亢

且之明不得不明非有所開而明夕之幽不得不幽非有所藏而幽謂之有經躔者傳者之繆也彼日之出於蒼龍之東持寓焉耳豈真以角亢之宿爲日之廷者耶故激其詞曰蒼龍之寓而廷彼角亢子廷猶太微三光之廷

天問天對解

七

問曰不任汨音骨鴻師何以尙之僉答何憂何不課而

行之鳴龜曳銜音魚鮪何聽焉順欲成功帝何刑焉永

遷在羽山夫何三年不施伯禹愾一作愾鮪夫何以變

化纂就前緒遂成考功何續初音繼業而厥謀不同

洪泉極深何以窴音田之地方九州則何以墳之應龍

何畫河海何厯鮪何所營禹何所成依此解作愾

王逸云汨治也鴻鴻水也師衆也堯放鮪於羽山

飛鳥蟲曳銜鮪而食之三年不施謂不舍其罪也

鮪狠愾而生禹禹何以變鮪之愾洪水之淵泉極

深禹何以填塞墳分也九土禹何以能分別禹治

水時有神龍以尾畫導水徑焉萬里曰汨謂亂不
任汨鴻者謂鯀之才不能任治水之事故於鴻水
反汨亂奔潰而益甚也書曰鯀堙洪水汨陳其五
行王逸東漢人時古文尙書未出故誤爾

對曰惟鯀謏音鄰聖而孽恒師厖蒙乃尙其地后
惟師之難贖額使試盜堙息壤音招音帝震怒賦刑在
下而投弁於羽方陟元子以指功定地胡離厥考而
鴟龜肆喙氣孽宜害而嗣續得聖汙塗而葉夫固不
可以類眩躬躋步橋楯勦踏厥十有三載乃蓋考醜
宜儀形九疇受是立寶昏成厥孽昭生於德惟氏之

天問天對解

九

繼夫孰謀之式行鴻下隕厥丘乃降焉填絕淵然後
夷於土從民之宜乃九於野墳厥貢藝而有上中下
胡聖爲不足反謀龍智奮鉅究勤而欺畫厥尾

鯀狠愎而謏謏故近堯舜之聖而其孽不移師言
之尙之蓋眾人之蒙而不知其地族故也后惟師
之難帥疑當作師謂堯難於遠眾不得已深贖蹙
額而使試焉鯀乃盜堙上帝之息壤以招上帝之
震怒故刑而弃之於羽山堯於是升其子禹以嗣
其功以鯀之孽而生禹之聖此如汙泥之生芙蓉
豈以類云乎哉鯀之昏禹之昭何害於妣氏之繼

豈有所謂厥謀之不同哉行鴻水而下傾之此所

以降丘宅土也初無所謂實決泉之說也從民之

宜而分九土此本於禹之聖而勤也初無所謂龍

尾畫之說也爲此說者皆欺者爲之也左氏傳國

武子好盡言以招人過所謂招帝震怒與此招同

柳子息壤記云昔之異書有記洪水汨天鯀竊帝

之息壤以堙洪水帝乃令祝融殺鯀於羽郊

問曰康回馮怒音地一木無何故以東南傾

馮怒見左傳馮猶盛滿也馮怒者盛怒也王逸云

康回共工名也共工與顓頊爭爲帝不得怒而觸

天問天對解

九

不周之山天維絕地柱折故東南傾

對曰圖蕪廓大厥立不植地之東南亦已西北彼回

小子胡顛隕爾力夫誰駭汝爲此而以恩夫極

圖蕪天也天謂屈原曰天之廓大者亦立於虛而

無所植則地之立豈有植乎地之東南傾亦猶吾

之西北傾也已者天自謂也是地之東南傾莫知

其然而然也豈康回小子之力所能觸而折絕乎

誰爲是說以駭汝而汝以此說恩擾天聽也陸賈

傳云毋久恩汝爲

問曰九河一作何錯川谷何沔音東流不溢孰知其

故

洿深也

對曰州錯富媪爰定於趾蹠川靜谷形有高庫音東

窮歸墟人環西盈脉穴土區而濁濁清墳墟燥疏

滲渴而升充融有餘泄漏復行器運洩洩又何溢爲

水涸者地脉之收水流者地脉之行燥則收行則

流人見其常顯流而窮於東也不知其已陰滲而

環於西也人之氣血降而不升則人死矣水者天

地之氣血也東而不西流而不收則天地有不死

乎然則水之穴於土區也如運行於一器之內洩

天問天對解

十

洩焉爾積而不運則溢也運而不積則又何溢爲

哉富媪后土神也前漢書禮樂志云媪神宴娛趾

下也歸墟海也洩洩音攸水流貌

問曰東西南北其修孰多

修長也

對曰東西南北其極無方夫何瀕洞而謀校修長

瀕音胡孔切

問曰南北順壤其衍幾何壤音安狹長也行廣也

對曰茫忽不準孰行孰窮

問曰崑崙縣圃其尻安在

崑崙山在西北其顛曰縣圃縣圃上通於天尻古

居字

對曰積高於乾崑崙倚居蓬首虎齒爰穴爰都

乾西北也是崑崙居之方也蓬首虎齒西王母也

西王母居於崑崙

問曰增城九重其高幾里

淮南子崑崙之山其高萬五千里

對曰增城之聖萬有五千

五又作三未詳

問曰四方之門其誰從焉西北闢啟何氣通焉

天問天對解

十一

天地四方之門

對曰清温煖寒迭出于時時之丕革由是而門辟啟

以通茲氣之元

春夏秋冬氣之出者卽四方之門也

問曰日安不到燭龍何照

王逸曰天之西北有幽冥無日之國有龍銜燭而

照之

對曰修龍口燎爰北其首九陰極冥厥朔以炳

口燎謂銜燭也

問曰羲和之未揚若華何光

羲和日御也若華若木也

對曰惟若之華稟羲以耀

若木之光華受日而後光也

問曰何所冬暖何所夏寒

對曰狂山欲凝冰于北至爰有炎州司寒不得以試

凝音嶷北有冰山故夏寒南有炎州故冬暖

問曰焉有石林何獸能言

石山無木猩猩能言

對曰石胡不林往視西極獸言嚶嚶人名是達

西極有不木之山

天問天對解

主

問曰焉有虬龍負熊以遊

王逸云角曰龍無曰虬有無角之龍負熊獸以遊

對曰有虬蛟蛇不角不鱗媿夫立熊相待以神

言有此二物相須而為神怪也

問曰雄虺九首儵音倏下同忽焉在

王逸云虺蛟也儵忽電光也

對曰南有怪虺羅首以噬儵忽之居帝南北海

莊子南方之帝曰儵北方之帝曰忽王逸以為電

非也

問曰何所不死長人何守

王逸云括地象曰有不死之國長人防風氏又長狄也

對曰員丘之國身民後死封隅之守其橫九里

防風氏身長九里

問曰靡萍九衢泉華安尻尻古居字

王逸云萍水草而生於九衢之路泉麻也

對曰有萍九衢一作厥國以詭浮山孰產赤華伊泉

舊注山海經多言其岐五衢又云四衢衢岐也王

逸以為生九衢中恐謬又浮山有草焉其葉如麻

赤華即食也華即花字

天問天對解

主

問曰靈蛇吞象厥大何如

山海經南方有靈蛇吞象三年然後出其骨

對曰巴蛇腹象足觀厥大三歲遺骨其脩已號

足見其大稱其長也號稱也

問曰黑水玄趾三危安在

玄趾三危皆山名黑水出崑崙

對曰黑水淫淫窮於不姜玄趾則北三危則南

不姜未詳蓋地名也

問曰延年不死壽何所止

仙也

對曰仙者幽幽壽焉孰慕短長不齊咸各有止胡紛
華漫汗而僭謂不死

名生而實死也

問曰鯪魚何所魃堆焉處魃音陵 魃音祈

王逸云鯪魚鯪鯉也四足出南方魃堆奇獸也

對曰鯪魚人貌邇列姑射魃雀時北號惟人是食

舊注山海經鯪魚在海中近列姑射山堆當爲雀

魃雀在北號山如雞虎爪食人王逸誤注

問曰羿焉彈日烏焉解羽羿音翌 彈音畢

淮南子堯時十日並出堯令羿射中九日日中九

天問天對解

鳥皆死墮其羽翼

對曰焉有十日其火百物羿宜炭赫厥體胡庸以枝

出大澤千里羣鳥是解

舊注山海經大澤千里羣鳥之所解問作鳥字當

爲鳥後人不知因配上句改爲鳥

問曰禹之力獻功降省下土四方焉得彼命山女而

適之於台桑閔妃匹一作配合厥身是繼胡維嗜不同

味而快暈飽啟代益作后卒然離蠻何啟維憂而能

拘是達皆歸射鞠而无害厥躬何后益作革而禹播

降啟棘賓商九辯九歌何勤子啓母而死分境地音命

涂量
音朝

鼃最早也與朝同離遭也蠻音孽憂也台桑地名也

拘隔也射行也鞠音鞠躬也謂有扈氏之所行皆

窮惡也棘陳也賓列也商官商也九辯九歌啟所

作樂也屠膈剝也王逸云禹膈剝母背而生其母

之身分散境地朱熹曰啟棘賓商當作啟夢賓天 如秦穆公趙簡子夢止賓于鈞天

九奏萬舞也古蒙音 夢字似棘天字似商

對曰禹懲于績念婦亟合厥離厥膚三門以不眠呱

呱之不盡而孰圖厥味卒燥中野民攸字一作攸暨

彼呱克臧俾媿作夏獻后益于帝諳諳以不命復爲

天問天對解

叟耆曷戚曷孽呱勤于德民以乳活扈伏厥正帝授

柄以撻克窮聖庸夫孰克害益革民艱咸粲厥粒惟

禹授以土爰稼萬億遠溺踐埴休居以康食茹不失

聖天一本無胡往不道啟達厥聲堪與以辨同容

之叙帝以賀嬪禹母產聖何驪厥族彼淫言亂囁聰

賊以不處

禹懲創于無嗣故亟娶于塗山爾豈以慾哉彼股

無胈而不恤也三過門而不視也眠即眊字啟呱

呱而不傷也而孰圖于世味之慾哉惟禹之用心

如此故卒能援天下之濕而置之於燥字天下之

民而置之于安暨猶壁也暨者安也彼呱克臧者
呱謂啟也啟能爲善故使妣氏爲夏國而不使伯
益得以代夏國且禹之薦益于天非不至也而天
諳諳命之不歸于益者以啟之克臧故也益雖不
受命不失爲夏之老臣益又何戚於已何孽於夏
哉啟既受命而勤於德故民得以乳活也且啟之
德正有扈氏不正也以不正而仇正天之所以授
啟以征伐之柄以撻之也兜之必窮聖之必功天
之理也孰能害聖哉庸功也且夫伯益革民之艱
食而使之粒食雖益之功也授天下以平土而得

天問天對解

未

以稼出天下於既溺而踐履于堅土彼息天下之
居而康裕天下之食者實禹之功也培者堅土也
食者食廩之食也禹之聖如此而啟又且不失禹
之聖則天命胡往而不導之哉姑者且也道者導
也啟達厥聲堪輿以呻謂啟能作九辯九歌以達
樂之聲而天地之間莫不歌吟之也呻者嗷也辯
同容之叙帝以賀嬪者何也容者和也大樂於天
地同和啟之九辯九歌能分別其與天地同和始
終先後之叙則啟之樂大矣故能與天之和相質
易而易地皆和也與天之和媲美而無不齊也質

者易也嬪者配也帝者天也禹母產聖何醜厥旅
言禹母之產禹也初無脰劍母背之怪詩曰不垢
不副副與醜同音逼迫切旅者背也旅與脅同謂
禹之怪者淫瞽之言出於妄亂者之口而已聰者
割耳而不聽此語也囁音晝口也賊耳也聰賊猶
曰洗耳云

周曰帝降夷羿革孽夏民胡羿射夫河伯而妻彼雒
嬪馮珧利淡圭音封狶是射何獻蒸肉之膏而后帝不

若泥娶純狐眩妻爰謀何羿之射革而交吞揆之

帝降夷羿革孽夏民者言天降后羿以篡夏革命

天問天對解

七

而爲夏民之孽也胡射夫河伯而妻彼雒嬪者河
伯化爲白龍羿何射眇其左目也羿又夢與洛水
神宓妃交馮珧利決封狶是射者馮恃也珧弓名
也音姚封狶神獸也言羿不德惟恃其弓以射神
獸爲田獵之娛也何獻蒸肉之膏而后帝不若者
言無德以事天獻封狶之膏以祭天故帝不順不
享也泥娶純狐眩妻爰謀者羿之相寒泥娶於純
狐氏女眩惑愛之遂與泥謀殺羿也何羿之射革
而交吞揆之者言羿以射革命宜其強也何爲寒
泥豈交起而吞滅之

對曰夷羿滔淫割更后相夫孰作厥孽而誣帝以降
震鴈厥鱗集矢于皖肆叫帝不謀失位滋媢有洛之
媢音焉妻于狡夸夫一作快殺鼎豨以慮飽馨膏腴
帝叛德恣力胡肥台舌喉而濫厥福寒饒婦謀后夷
卒狀荒弃于野傳姦民是臧舉土作仇徒怙身孤

虞人之箴曰在帝夷羿冒于原獸羿既滔淫荒怠
割絕夏后相而更代之此羿之自作孽也奈何誣
以爲天降之乎震鴈厥鱗集矢于皖者言河伯化
爲白龍其鱗鴈不深居而妄出自取矢之集其
目也皖者明星也謂龍之日如明星之明也左傳

天問天對解

六

云集矢于其目肆叫帝不謀失位滋媢者言河伯
爲羿所射上訴天帝乞帝殺羿而帝不允蓋誅之
不誠故帝責河伯曰汝深守則羿何從而犯也河
伯失水之位而妄出宜乎遭羿之媢侮也有洛之
媢焉妻于狡媢美也言洛妃之美焉肯妻于羿之
兇狡也夸夫快殺鼎豨以慮飽者言羿自矜其以
殺爲快故射封豨爲鼎實以自飽也馨膏腴帝叛
德恣力胡肥台舌喉而濫厥福者謂羿以豨膏腴
之香而祭天帝無德而恃力故帝不享之帝若曰
何肥甘我舌喉以僭濫求福也台音怡我也寒饒

婦謀后夷卒狀荒弃于野俾姦民是臧者言寒饒
伯明氏讓子弟也而夷羿以姦民爲善人信其讓
而相之宜泥與其婦謀羿歸自田殺而烹之弃骨
于野者以姦民爲臧之故也舉土作仇徒怙身孤
者舉率土與羿爲仇而羿不之知方且徒恃其身
之力與孤矢之能而已恃身而不恃民恃藝而不
恃德此其亡也

問曰阻窮西征巖何越焉化爲黃熊巫何活焉咸播
秬黍莆萑音是營何由并投而鮫疾修盈

天問天對解

九

地使之西行而度越岩險也化爲黃熊巫何活焉
者言化而爲黃熊入于羽淵雖有巫醫不能活也
熊音能一作來切三足鼈也見國語咸播秬黍莆
萑是營者言禹能平水土使民得播黑黍于莆萑
棘茨之地變蕪爲田也何由并投而鮫疾修盈者
由用也投奔也言何用禹而奔鮫耶豈以鮫疾惡
修長而貫盈耶

對曰鮫殛羽岩化黃而淵子宜播殖穉于丘于川維
芑維蒲維菰維蘆不徹以圖民以謹以都世酷厥父
厥子激以功克頑厥嗣後世是郊

釋玉篇云幼禾也子謂紘之子禹也莞蒲菰蘆之

地皆大徹去其蕪歲以圖農功民謹悅而美之也

都美也堯酷其父而禹能憤激以成功用能碩大

其後嗣以有天下而鮌乃得配上帝于郊祀也

問曰白蛻嬰霽音霽胡爲此堂安得夫良藥不能固臧

天式從音橫陽離爰死大鳥何鳴夫焉喪厥體

蛻雲之似龍者霽雲之似蛇者白蛻與霽氣相嬰

胡爲在此祠堂乎此原之所見也安得夫良藥不

能固臧者崔文子學仙于王子喬子喬化爲白蛻

而嬰霽持藥與崔文子文子驚怪引戈擊蛻因墮

天問天對解

幸

其藥視之則子喬之尸也言得藥不愧一作也天

式從橫陽離爰死者言天法陰陽從橫陽氣去則

人死也大鳥何鳴夫焉喪厥體者崔文子取子喬

之尸覆之以微筐須臾化爲大鳥而鳴飛而去言

文子焉能亡子喬之身也

對曰王子怪駭蛻形霽裳文禠操戈猶憤夫藥良終

鳥號以游舊厥一作覆筐兮漢莫謀形胡在胡亡

文禠操戈者禠音斯福也又禠祁宮名二義皆與

此句不通禠恐當作禠音直爾切奪衣也謂文子

見子喬蛻形霽裳而魂魄驚怖禠奪遂操戈以擊

之也習漢莫謀謂明爽昏黑莫得而究也形胡在

胡亡存亡亦不可得而推也

問曰濟號起雨何以興之

萍滂翳雨師名也雨師號呼則雨興何以然也

對曰陽潛而纒陰蒸而雨萍馮以興厥號爰所

陰陽蒸炊一作所而雨爾彼萍翳特馮藉以起而號

呼其所也非號而後雨也

問曰撰體脅鹿何以膺之

天撰十二神鹿一身八足兩頭何以受此形

對曰氣怪以神爰有奇軀脅屬支偶尸帝之隅

天問天對解

至

氣怪且神故生此奇怪之身脅合爲一而支分爲

八以主天之方隅也

問曰鼇戴山抃何以安之釋舟陵行何以遷之

鼇大龜也擊手曰抃巨靈之鼇背負蓬萊山而抃

戲于海何以能安龜負山若舟使龜捨水而行于

丘陵何能遷徙此山乎

對曰宅靈之丘棹焉不危鼇厥首而恒以恬夷欲釋

而陵殆或謫之龍伯負骨帝尙宰之

丘卽蓬丘也宅于巨靈之背而不危且恬安平夷

也欲釋水而陵者天若謫譴以居陵何不可之有

龍伯國人一釣而連六鼈帝尚以爲窄而不足夸也

問曰惟澆在戶何求于嫂何少康逐犬而顛隕厥首女岐縫裳而館同爰止何顛易厥首而親以逢殆

澆多力論語曰澆盪舟至其嫂之戶佯有所求而

遂淫其嫂少康因獵放犬遂襲澆而斷其首女岐

澆嫂也假縫裳而同室也少康初以夜襲得女岐

頭誤以爲澆故言易厥首

對曰澆嫖以力兄糜聚之康假于田肆克宇之既裳

既舍宜咸墜厥首

天問天對解

三

澆淫且力也故曰嫖以力

問曰湯謀易旅何以厚之覆舟斟尋何道取厥之桀

伐蒙山何所得焉妹嬉何肆湯何極焉

湯謀變夏眾以從已以何恩厚之而得其從也少

康滅斟尋氏易若覆舟何道以取也桀伐蒙山之

國而得妹嬉肆其情意而湯殛之

對曰湯奮發一作發旅爰以嫗拊載厥德于葛以詰仇

餉康復舊物尋焉保之覆舟喻易尙或艱之惟桀嗜

色戎得蒙妹淫處暴嫗以大啟厥伐

湯之奮興而變夏眾以餉嫗拊摩而得之自葛始

以誅仇餉也少康復舊物故斟尋安得而保其國其易如取如搆爾以覆舟喻之猶爲難也湯之殛桀非湯也桀自淫自暴以啟之

問曰舜閔在家父何以饒堯不姚告二女何親厥弟在初何所意焉

舜憂其家而其父何以使舜之饒堯不告舜父母故得相親也

對曰瞽父仇舜鯀以不儷堯專以女茲俾增厥世惟

蒸蒸翼翼于媯之泖

瞽不可告故堯自專而女焉女去聲

天問天對解

三

問曰璜臺十成誰所極焉

紂作玉臺十重

對曰紂臺于璜箕克兆之

紂初作象箸箕子歎之知必至于玉杯必盛熊蹯

豹胎則璜臺之兆箕子知之久矣

問曰登立爲帝孰道尙之

天子之登立誰開道而宗尙之

對曰惟德登帝帥以首之

德則爲帝天下相帥而推以爲元首

問曰女媧有體孰制匠之

女媧人頭蛇身一日七十化其體如此誰制匠而

圖之

對曰媧軀虺號占以類之胡曰化七十工護詭之

相傳其蛇身則以蛇占之而圖以類之也豈有化

七十之說皆畫工詭異而為之爾

問曰舜服厥弟終然為害何肆犬體一本作犬豕而厥身

不危敗

舜卑以服事其弟而象欲害舜肆其大豕之心而

不能危敗舜之身也

對曰舜弟既厥仇畢屠水火夫固優游以聖而孰殆

天問天對解

西

厥禍犬斷于德終不克以噬昆庸致愛邑界以賦一本

無賦富

舜之弟既舜如仇浚井則屠之以水焚廩則屠之

以火象如犬之自斷斷爾鳥能禍舜而舜盡其兄

之道用之為諸侯以致其愛邑之子有鼻以富其

給

問曰吳獲迄古南岳是止孰期去斯得兩男子

自古公之子有吳太伯而太伯採藥南岳上而不

還以讓周于王季兩男子謂太伯仲雍二人皆去

吳孰相期而使之去也

對曰嗟伯之仁遜季旅岳雍同度厥義以嘉吳國

太伯之仁遜王季而羈旅于南岳仲雍實同此高

義以成吳國之美德音鐸

問曰鯀鵠飾玉后帝是享何承謀夏桀終以滅喪帝

乃降觀下逢伊摯何條放致罰而黎伏一作黎大說

后帝湯也伊尹因緣烹鵠羹飾玉鼎以事湯湯賢

之以為相遂承用尹之謀而謀桀桀遂滅亡又云

湯出觀風俗而逢伊尹遂放桀于鳴條而黎民大

伏一作

對曰空桑鼎殷詔羹厥鵠惟軻知言禍焉以為不仁

天問天對解

蓋

易愚危夫曷揆曷謀咸逃叢淵虐后以劉降厥觀于

下匪摯孰承條伐巢放民用潰厥疣以夷于膚夫曷

不謠

伊尹生于空桑負鼎于湯羹鵠以詔此皆妄說也

惟孟子知言視之以為不也矚視也音胡濶切不

音方鳩切湯之伐桀以至仁而革易至愚至危之

桀又曷用揆度而計謀哉桀之于湯為叢歐爵為

淵歐魚者也民皆逃鵠獮而歸叢淵此虐君之所

以為湯虔劉也劉殺也湯觀于天下未有如伊尹

者非尹孰承用哉伐桀于鳴條而放之南巢如為

民潰其身之瘡疣而平夷其肌膚也曷不悅而歌哉

問曰簡狄在臺嘗何宜玄鳥致胎女何喜

簡狄帝嘗妃也簡狄侍帝嘗于臺上有燕墮卵吞而生契

對曰嘗狄禱禱契形于胞胡乙穀之食而怪焉以嘉言契以禱而生不以燕之怪

問曰該秉季德厥父是臧

對曰該德庸考一作尊收于西瓜虎手鉞尸刑以司

天問天對解

美

少皞氏之子熙為玄冥該為蓐收言該之德能嗣

于父故列于神以主天地之刑以司天下之惡也

問曰胡終弊于有扈牧夫牛羊

有扈澆國名也澆滅夏國相相之子少康為有仍

牧正典牛羊後殺澆滅扈以復夏

對曰牧正矜矜澆扈爰蹈

少康以戒懼與有扈以矜淫亡

問曰干協時舞何以懷之

對曰階干以娛苗革而格不迫以死夫胡狃厥賊

舞干羽以格有苗不在于干羽也緩其死而開其

生則苗民何狃于為盜而不懷

問曰平脅曼膚何以肥之

紂宜憂亡者也憂則懼矣而肥何也

對曰辛后駭狂亡憂以肥肆蕩弛厥體而充膏于肌膚寶被躬焚以旗之

不憂故肥以貪故自焚紂衣其珠玉赴火而死武

王斬之懸其頭于太白之旗

問曰有扈牧豎云何而逢一作其擊牀先出其命何

從

夏啟時有扈氏本牧豎何逢而得侯及啟攻之親

天問天對解

毛

擊一本無殺之于牀

對曰扈釋于牧力使后之民仇焉寓一作啟牀以斷

扈以力而侯故失民心而無所居

問曰恒秉季德焉得夫朴牛何往營班祿不但還來

湯能常秉契之末本作德出獵得大牛之瑞湯獵

而還以禽遍班祿惠于百姓不但往還田獵而已

對曰殷武踵德爰獲牛之朴夫惟陋民是冒而不號

以瑞卒營而班民心是市

湯能踵契之德以得天下者實也班禽而獲牛者

非也此陋民蒙冒而稱其瑞小惠是班以市民心

湯豈在是哉

問曰昏微遺迹有狄不寧何繁鳥萃棘負子肆情

晉大夫解居父聘于吳過陳之墓門見婦人負其

子欲強暴焉婦人引詩刺之曰墓門有棘有鴉萃

止獨不愧鴉乎言循闇微之迹而有夷狄之行不

可以寧其身

對曰解父狄淫遭愆以報彼衷之不目而徒以色視

以解父之強暴而遭陳婦之正言安得而不愧赧

于此解父不見陳婦之心而見其色者也

問曰眩弟並淫危害厥兄何變化以作詐後嗣而逢

天問天對解

美

長象眩惑其父以危害其兄而子孫久長君有鼻

何也

對曰象不兄龔而奮以謀蓋聖孰凶怒嗣用紹厥愛

象不恭其兄而謀危其兄此象之凶也然舜之聖

豈怒其凶哉不藏怒而親愛之此象之嗣所以繼

紹而久長皆舜之親愛所延也

問曰成湯東巡有莘爰極何乞彼小臣而吉妃是得

水濱之木得彼小子夫何惡之賸有莘之婦湯出重

泉夫何辜尤不勝心伐帝夫誰使挑之

湯巡有莘而得妃有莘惡伊尹生于空桑故使之

送女也重泉地名也桀拘湯于重泉何罪也湯不

勝民心而伐桀桀自挑之

對曰莘有玉女湯巡爰獲暨內克厥合而外弼于德

伊知非妃伊之知臣曷以不識胡木化於母以蝎厥

聖喙鳴不良謾以詭正盡邑以墊孰譯彼夢湯行不

類重泉是囚違虐立辟實罪德之由師憑怒以割癸

挑而讐

伊尹之聖智豈待湯之妃而後達哉以伊尹聖智

之臣湯何以不識言湯自識之也伊尹母妊身夢

神女吉之曰白竈生竈巫去母走其邑盡為大水

天問天對解

美

母溺死化為空桑有兒啼人取養之即伊尹也柳

子曰或者為是說以靈伊尹之聖也為是說者不

良之人欺謾以害正道一作也盡邑皆溺果孰傳

此夢哉其誕也必矣湯之行不類于桀故桀囚之

眾怒桀之囚湯而割夏實夏癸挑之以致仇爾

問曰會鼂爭盟何踐吾期蒼鳥羣飛孰使莘之列擊

紂躬叔且不嘉何親揆發定周之命以咨嗟授殷天

下其位安施反成乃亡其罪伊何爭遣伐器何以行

之並驅擊翼何以將之

武王將伐紂遣膠鬲視師膠鬲問曰欲以何日

武王曰甲子日還報會大雨道難武王曰吾甲子
日不至紂必殺膠鬲吾欲救賢者之死蒼鳥鷹也
言武王之將帥如鷹之羣飛此孰聚之者白魚入
舟周公曰雖休勿休故曰叔旦不嘉爭遣伐器者
伐紂之器爭先也並驅擊翼者三軍爭先奮擊其
翼也

對曰膠鬲比叢兩行踐期捧盜救灼仁興以畢隨鷹
之威同得使萃之頸紂黃鉞且孰喜之民父有釐嗟
以美之位庸庇民仁堯蒞之紂淫以害師殛妃之威
道廢死爭祖器之翼鼓頓禦謹舞靡之

天問天對解

三

黎沫也紂將殺膠鬲而為沫矣故武王如期而往
如捧盞水以救焚灼顛禦未詳黎音禧

問曰昭后成遊南土爰底厥利惟何逢彼白雉穆王
巧梅一作梅夫何為周流環理天下夫何索求妖夫曳

銜何號乎市周幽誰誅焉得夫褒姒

周昭王南遊以越裳氏不獻白雉親往逢迎之為
楚人所沈梅貪也妖夫者周幽王前世有童謠曰

檠弧箕服實亡周國後有夫婦賣此器者以為妖
執而曳戮之于市夏之衰有二龍止于夏庭而言

曰予褒之二君也夏后布幣精而告之龍亡黎在

積而藏之至周厲王之末發而觀之黎流于庭化
為玄龜入後宮處妾遇之而孕生女一作弃之被
戮之夫婦聞啼聲哀而收之奔褒褒人後獻此女
是為褒姒梅音每

對曰水濱翫昭荆陷弑之繆迓越裳疇肯雉之穆懜
祈招猖伴以遊輪行九野惟怪之謀胡給娛戴勝之
獸觴瑤池以迭謠孺賊厥詵爰檠其弧幽禍拏以夸
暉褒以漁淫嗜蔑殺諫尸謗屠孰鱗黎以徵而化龜
是辜一作孺

天問天對解

三

池之上為王謠其詩曰白雲見列子孺賊厥詵誅
參音參疑作說言幽王以侵漁其民而亡以淫于嗜欲

而亡以輕殺諫臣而亡豈有歸咎于龍黎化龜之
說與夫檠弧之謠哉此世儒繆說害之也

問曰天命反側何罰何佑齊桓九會卒然身殺

齊桓一人之身而始乎九合諸侯終乎一身不保
天命之佑與罰何不常也

對曰天邈以蒙人么以離胡克合厥道而詰彼尤違
桓號其大任屬以傲幸夏以九合逮孽而壞

天遠而幽人小而散何可以合天人而論之又從

而責其罰佑之不常哉齊桓之事皆自取爾天何與焉挾其大以號令天下而忽于屬任之人故幸而得良臣則能成九合之功乃不幸而遭孽孽小人則壞矣皆人事非天命也

問曰彼王紂之躬孰使亂惑何惡輔弼讒譎是殷比干何逆而抑沈之雷開何順而賜封之何聖人之一德卒其異方梅伯受醢箕子佯狂謂音閻梅音浼

雷開紂之佞臣也聖人文王也

對曰紂無誰使惑惟志為首逆圖倒視輔讒以寵于異召死雷濟克后文德邁以被芮鞠順道醢梅奴箕

天問天對解

三

忠咸喪以醜厚于疑作干比干也

紂誰使之惑哉志使之爾志使之惑故倒行逆施淫讒是寵比干以異已而死雷開以同惡相濟而侯也文王行德以被天下故虞芮之訟順之紂以

臨梅伯之直奴箕子之忠故忠良皆喪而醜德愈厚

問曰稷維元子帝何竺音竹之投之于冰上烏何煥之

何馮弓挾矣殊能將之即一作驚帝切激何逢長之伯昌號衰秉鞭作牧何令徹彼岐社命有殷之國遷藏就岐何能依殷有感婦何所譏受賜茲醢西伯上

告何親就上帝罰殷之命以不救師望在肆昌何譏鼓刀揚聲后何喜武發殺殷何所悞載尸集戰何所急政也

殊能將之謂后稷有將相之才也帝謂紂也武王承稷之業誅紂而切激數其過也伯昌文王也紂號令既衰文王執政以為州牧也徹彼岐社者武王誅紂徹去邠岐之社而為天下大社也遷藏就岐言文王徙其寶藏來就岐下也受賜茲醢者文王受紂所賜梅伯之醢以祭告于上天也師望呂望也在肆鼓刀文王問之對曰下屠屠牛上屠屠

天問天對解

三

國文王喜載以歸也載尸者武王載文王木主以伐紂也馮音憑

對曰秉靈而功篤胡喪元爽焉翼冰以炎盍崇長焉既

岐既巖宜庸將焉紂凶以啟武紹尚焉伯鞭于西北

一作江漢許易岐社以大國之命以祚武踰梁橐囊

擅仁萃蟻姐滅淫商痛民以亟去肉梅以頰烏不台

訴孰盈癸惡兵躬殄祀牙伏牛漁積內以外萌岐目

一作厥心瞭眠顯光奮刀屠國以髀髓厥商發殺曷

逞寒民于烹惟粟一作厥文考而虔予以徂征

易岐社以大者易一國之社為天下之大社也踰

梁彙囊者詩所謂于囊于囊也羶仁萃蟻者文王
遷岐而民從之其仁如羶其萃者如慕羶之蟻也
羶蟻見莊子烏不台訴者台音怡我也我者天自
謂也言紂肉侮伯以爲醜而頒諸侯諸侯焉有不
訴于天者哉大抵屈原天問原之問天也柳子天
對柳子代天而答原也孰盈癸惡者言紂之惡盈
于夏癸故兵其躬而殄其祀也牙伏牛漁者姜子
牙隱伏于屠釣非真屠釣也其隱德于內而見于
外惟文王能見其心甚明故太公樂爲之用屠商
于屠牛之髀髓也髀髓見賈誼傳發殺曷逞寒民

天問天對解

書

于烹者武王之殺紂非有憤悒而逞也出民于烹
熬之中而置之寒涼之地而已惟粟厥文考者粟
當作栗武王曰予克紂惟朕文考無罪武王祇粟
文考之靈故伐商也而虔予以徂征予亦天自謂
也武王之伐商下畏文王上畏天命故徂征爾又
栗者文王之木主也以栗木爲主也虔予一作虔
子言虔其子道以徂征也禮小祥以栗爲主
問曰伯林雉經維其何故何感天抑墜夫誰畏懼
伯長也林君也晉太子申生雉經也墜古地字
對曰中諧不列恭君以雉胡蠙訟蟻賊而以變天地

恭太子爲驪姬譖之于內而不得陳列也死者如
蠙之訟譖者如蟻之賊爾此安能感天地柳子之
論大抵以天人爲不相關以天理爲漠然無知皆
憤懣狠忮之所發非正論也

問曰皇天集命惟何戒之受禮天下又使至代之

天命王者何以有易姓

對曰天集厥命惟德受之消怠以弃天又佑之

德則昇怠則奪也天又佑之言不祐也

問曰初湯臣摯後茲承輔何卒官湯尊食宗緒

湯初臣伊尹後乃師承之何卒使湯官天下而垂

天問天對解

書

緒官天下謂王天下也

對曰湯摯之合祚以久食昧始以昭末克庸成績

臣之茲謂昧承之茲謂昭

問曰勳闔夢生少離散亡何壯武厲能流厥嚴

吳王壽夢生諸樊生闔廬少放在外及壯而厲其

武以流其威

對曰光微夢祖憾離以厲仿徨激覆而勇德益邁

惟其憾于離散是以厲其威武

問曰彭鏗對雉帝何饗受壽永多夫何久長

彭鏗彭祖也進雉羹于帝堯壽八百歲猶自悔不

壽恨枕高而唾遠

對曰避棄于帝聖就嗜味夫死自暮而誰饗以俾壽

其死自晚爾豈有饗其羹而使之壽者

問曰中央共牧后何怒蠶蟻音微命力何固

牧草名也中州有岐首之蛇爭共食牧草自相噬

對曰蠅齧已毒不以外肆細腰羣螫夫何足病

蠅胡對切蠶蟻也

問曰驚女采薇鹿何祐北至回水萃何喜

昔有女子采薇驚而走至回水之上止而得鹿家

遂昌有圖喜也

天問天對解

對曰萃回偶昌鹿葛祐以女

其昌偶然鹿何為焉

問曰兄有噬犬弟何欲易之以百兩音諒卒無祿

秦伯有犬弟鍼請之百兩謂車也魯昭公元年秦

鍼奔晉其車千乘坐車多故出奔

對曰鍼欲兄愛以快侈富愈多厥車卒逐以旅

以多車而卒為旅人于晉也

問曰薄暮雷電歸何憂厥嚴不奉帝何求伏匿穴處

爰何云荆勳一作師夫何長悟過改更我又何害

一作吳光爭國久余是勝何環穿自閭社丘陵爰出

子文吾告堵敖以不長何試上自子忠名彌彰一作環閭

穿社以及丘
陵是淫是蕩

王逸曰屈原放逐見楚有先王之廟及公卿祠堂

圖畫天地山川神靈及古賢楚人因論述之故其

文義不次叙云薄暮雷電原所問略託日暮欲去

天雨電也厥嚴不奉者楚王之威日墮不可復奉

雖求福于天無如之何也伏匿穴處者原將退伏

岩穴復何言也荆勳作師者言楚先生之功與楚

之眾將亡而不長久也悟過改更者言楚王能悟

而改則又何言也吳光爭國久余是勝者言楚嘗

天問天對解

為闔廬所勝不可不戒也環穿自閭爰出子文者

原見楚將亡而無賢人以救之故思得如楚先王

時賢臣令尹子文也吾告堵敖以不長者楚人謂

未成君而死者曰敖堵敖者楚文王兄也原哀懷

王將如堵敖不長而死以比告之也何試上自子

忠名彌彰者言原何敢嘗試其君自號忠直之名

以彰于後世乎誠以同姓義不容已也

對曰咨吟于野胡若之狠嚴墜誼殄丁厥任合行違

匿固若所呻嘍忿毒慮意誰與醜齊徂秦昭厥詐讒

登狡庸嘯以施甘恬禍凶亟鋤夷懷不可化徒若罷

闔綽厥武滋以侈頹於菟不可以作怠焉庸歸欵若
敖之闕以旅尸誠若名不尙曷極而辭

言原之咨吟于楚何其狠然憤懣而不釋也楚之
威將墜而誼將殄自有當其任者道合則行道違
則匿固其所也原之嘔憂忿毒意欲與誰合哉楚
與齊交而絕之與秦宿仇而往朝之餌于秦之詐
而不自悟也譏者登之狡者用之楚之政所以逆
理拂衆而施弛一作弛也禍凶且至而甘于處鋤滅不
遠而恬于翫此其悞諫固不可化矣原之忠懇憂
怛徒自汝疲而已何救于楚之亡哉闔廬以武而

天問天對解

秉

強以侈而頹而况楚哉於菟子文也原之思子文
而子文死矣不可作矣原其誰與歸也欵告也闕
天闕也若敖謂懷王也告懷王之祚將短矣懷王
卒以客死于秦旅客也尸死也誠若名不尙曷極
而辭者言汝之忠名誠不足尙何以窮極汝之忠
憤之辭如此乎所以深言忠名之足尙也

畫
正
畫
畫
畫
圖
像

歲在壬子
清園筆

石辰以後占東風季學
 發步窳后居高柱寒水
 積雪霜風摧李長吉體
 而長短款々燒燈
 相詠風季輒取地亦吐海楚
 解一每相臨四目望之然介
 畔有窳天孤鶴之云或深誠
 由此圖与古俗能嗚乎時後
 年十九日季末回十而文
 考年一事業亦途于道豈
 去風亦于一露竟未招以後破
 解在板造天事与對比寧北

作既地步涉之貴哉學育
 車過後痛之慘嗣至厚幸
 石而亦入昭陵經寓室与人體
 淫情事亦人間刻之窳后居
 且以其辭作盤火出後成一段
 淨緣當取一本其之風季墓
 有雲之必嘉古升字免有存
 之辭向之痛矣
 茂官官為吳者之長卷之陳德錄率
 李少少者之長卷



東皇太乙

洪綬



云中君

洪綬



湘君

洪綬



三

118-89 95

湘夫人

洪綬



四

87

大司命


洪範



五

少司命

洪範



六

東君

洪復



七

118-95

河伯

洪復




八

46.2

山鬼

以後



九

園
瓊

以後



+

禮
魂

禮
後



上

51 24-11

屈
子
行
吟

屈
後



十二



楚辭天問箋

... 4/12

4/12

楚辭天問箋敘

楚辭天問屈子呵壁之所為作也楚有先王之廟及公卿祠堂畫古賢聖神靈瑰琦倬佹之形屈子仰見圖畫一一呵而問之以寫其忿懣牢愁之志所為痛極而呼天也何以知其呵壁也壁之有畫漢世猶然漢魯殿石壁及文翁禮殿圖皆有先賢畫像武梁祠堂有伏戲祝誦夏桀諸人之像漢書成帝紀甲觀畫堂畫九子母霍光傳有周公負成王圖敘傳有紂醉踞俎已圖後漢宋宏傳有屏風畫列女圖王景傳有山海經禹貢圖古畫皆徵諸實事故屈子之辭指事設難隨所見而出之故其文不次也東漢順帝時侍中王叔師撰為章句叔師敘稱天問多奇怪之事劉向揚雄援引傳記以解說之闕者甚多不能詳悉今

楚辭天問箋序

廣雅書局

子政子雲之說久佚不傳叔師依據舊文章決句斷注天問者莫古於是書矣蒙不揣譎陋仿鄭箋申毛之例因章句而為箋叔師義有隱滯箋以表明亦有不依章句者如鄭箋與毛異義是其例也箋義創始於嘉慶丁丑屬草檮定藏於篋中迄今三十有七年覆加繕寫成書屈子以直行竭忠被讒憂憤悼古人之不作懼來者之難明述箋申義感慨係之

咸豐甲寅冬十月淮安山陽丁晏自敘

楚辭天問箋

山陽丁晏撰

天問章句

王逸曰天問者屈原之所作何不言問天天尊不可問故曰天問也屈原放逐憂心憔悴彷徨山澤經歷陵陸嗟號旻昊仰天歎息見楚有先王之廟及公卿祠堂圖畫天地山川神靈琦璋倬佹及古賢聖怪物行事周流罷倦休息其下仰見圖畫因書其壁呵而問之以深憤懣舒瀉愁思楚人哀惜屈原因其論述故其文義不次敘云爾

曰遂古之初誰傳道之

楚辭天問箋

廣雅書局

誰傳道此也

箋云文選典引云伊考自遂古乃降屢爰茲魯靈光殿賦云

上紀開闢遂古之初江淹有遂古篇

上下未形何由考之

章句言天地未分溷沌無垠誰考定而知之

其昭曹罔誰能極之

章句言日月晝夜清濁晦明誰能極知之

箋云續漢書天文志注引張衡靈憲儀曰太素之前幽清元

靜寂冥冥不可為象斯謂溟滓

馮翼惟何何以識之

章句言天地既分陰陽運轉馮翼何以識知其形像乎

箋云淮南子天文訓天地未形馮翼洞洞瀾瀾故曰大昭高誘注馮翼洞瀾無形之貌又精神訓古未有天地之時惟像無形高誘注惟思也

明明闇闇惟時何為

章句言純陰純陽一晦一明誰造為之乎

陰陽三合何本何化

章句謂天地人三合成德其本始何化所生乎

箋云穀梁莊三年傳獨陰不生獨陽不生獨天不生三合然後生

後生

圓則九重孰營度之惟茲何功孰初作之度待

章句謂天圓而九重誰營度而知之乎言此天有九重誰功

楚辭天問箋

力始作之耶

箋云管子大圓在上注大圓天也淮南天文訓天有九重漢

書禮樂志九重開靈之旂師古曰天有九重又謂之九垓漢

書司馬相如傳上暢九垓服虔曰垓重也天有九重又謂之

九乾後漢書崔駰傳仰探遠乎九乾注謂天有九重也江氏

永曰日月五星恆星各居一重並太虛之天為九重泰西利

瑪賈曰九重者宗動恆星土星木星火星日輪金星水星月

輪九層堅實相包如葱頭然

幹維焉繫天極焉加幹一作幹亦作楚並音管匡謬正俗引此文作楚

章句幹轉也維綱也言天晝夜轉旋虛有維綱繫綴其際極

安所加乎

箋云說文幹蠡柄也从斗幹聲揚雄杜林說皆以為駟車輪

班固幽通賦幹流遷其不濟兮項岱曰幹轉也淮南子帝張

四維運之以斗事類賦引河圖括地象曰天有四維管子天

或維之天莫之維則天以墜矣莊子天運篇天其運乎孰主

張是孰綱維是意者其有機賦而不得已耶意者其運轉而

不能自止耶宋玉大言賦壯士憤兮絕天維張游西京賦振

天維衍地絡後漢書馮衍傳覽天地之幽奧兮統萬物之維

綱東方朔七諫引八維以自導兮章句天有八維以為綱紀

也續漢書天文志八極之維徑二億三萬二千三百里案天

極即南北極也呂氏春秋有始覽極星與天俱遊而天極不

移禮記月令正義曰天北高南下北極高於地三十六度南

楚辭天問箋

極下於地三十六度常沒不見南極去北極一百八十一度

餘書舜典正義引王莽暉天說云北極出地上三十六度南

極入地下三十六度

八柱何當東南何虧

章句言天有八山為柱皆何當值東南不足誰虧缺之

箋云河圖括地象曰地下有八柱互相牽制後漢張衡傳注

引河圖曰地有九州八柱抱朴子地下有八柱廣十萬里有

三千六百軸互相牽制名山大川孔穴相通王嘉拾遺記纒

八柱為一息經四軸而轉寢事類賦引關令內傳地厚萬里

其下得大空大空四角下有自然金柱輒方圓五千里博物

志又言地下有四柱四柱廣十萬里

九天之際安放安屬

章句九天東方皞天東南方陽天南方赤天西南方朱天西方成天西北方幽天北方元天東北方變天中央鈞天其際會何分安所屬繫乎

箋云呂氏春秋有始覽何謂九野中央曰鈞天東方曰蒼天東北曰變天北方曰元天西北曰幽天西方曰顯天西南曰朱天南方曰炎天東南曰陽天淮南天文訓言九天與呂覽合漢書郊祀志九天巫祠九天師古注東方旻天東南陽天南方赤天西南朱天西方成天西北幽天北方元天東北變天中央鈞天也離騷云指九天以為正兮章句謂中央八方也又太元曰九天中天羨天從天更天辟天廓天成天沈天

楚辭天問箋

四 廣雅書局

成天子雲所說與諸子不同

隅隈多有誰知其數

章句言天地廣大隅隈眾多蓋有知其數乎

箋云淮南天文訓天有九野九千九百九十九隅隈亦隅也

天何所沓十二焉分日月安屬列星安噉噉古陳字柳州集天對作陳

章句沓合也言天與地合會何所分十二辰誰所分別乎又

云言日月眾星安所繫屬誰陳列也

箋云文選羽獵賦出入日月天與地沓應劭曰沓合也周禮

春官馮相氏掌十有二辰之位左傳昭七年日月之會是謂

辰杜注一歲日月十二會所會謂之辰王篤陳列也布也張

衡靈憲曰眾星列布其以神著有五列焉是為三十五名一

居中央謂之北斗四布於方為二十八宿中外之官常明者百有二十四可名者三百二十為星二千五百微星之數蓋萬有一千五百二十漢書天文志中外官凡百十八名積數七百八十三星

出自湯谷次于蒙汜自明及晦所行幾里湯音賜一作賜記音似上聲

章句次舍也汜水涯也言日出東方湯谷之中暮入西極蒙

水之涯也又言日平旦而出至暮而止所行凡幾何里乎

箋云山海經海外東經黑齒國下有湯谷湯谷上有扶桑十

日所浴郭注谷中水熱也湯讀若陽或作陽谷大荒東經有

谷曰溫源谷郭注溫源即湯谷淮南子天文訓日出於湯谷

至于蒙汜又云日入于虞淵之汜曙于蒙谷之浦高誘注自

楚辭天問箋

五 廣雅書局

湯谷至虞淵凡十六所覽冥訓迴為蒙汜之潛高注蒙汜

日所出之地說林訓日出湯谷入于虞淵文選西京賦日片

於是乎出入象扶桑與濛汜李善注汜音似蜀都賦汜若湯

谷之揚濤沛若濛汜之湧波劉淵林注湯谷日所出也濛汜

日所入也又淮南天文訓云日行九州七舍有五億萬七千

三百九里

夜光何德死則又有厥利惟何而願苑在腹苑與苑同

章句夜光月也青生也言月何德居於天地死而復生也又

言月中有苑何所會和居月之腹而願望乎

箋云廣雅夜光謂之月事類賦注引淮南子云月一名夜光

漢書律志引周書武成篇惟一月王辰殞死霸粵若來三月

既死霸又引惟四月既秀生霸今文尚書顧命曰惟四月哉
生魄五經通義曰月中有兔有蟾蜍何月陰也蟾蜍陽也而
與兔並明張衡靈憲曰月者陰精之宗積成爲獸象兔形王
充論衡曰儒者言月中兔夫月水也兔在水中無不死者夫
兔者月氣耳傅元擬天問月中何有白兔擣藥古怨歌樂樊
白兔東走西顧梁簡文帝詩非關願免沒隋袁慶詩願兔始馳
光又毛詩周南兔置釋文作菟史記司馬相如傳掩菟麟鹿
菟兔同

女岐無合夫焉取九子

章句女岐神女無夫而生九子也

箋云女岐或稱岐母或稱九子母呂氏春秋有始覽論大篇

楚辭天問箋

六 廣雅書局采

地大則有常祥不庭岐母羣抵天翟不周高誘注以岐母爲
獸名非也漢書成帝紀元帝在太子宮坐甲觀畫堂顏注引
應劭曰畫堂畫九子母天問本依圖畫而作意古人壁上多
畫此像西漢去古未遠猶沿此制應氏之說是也內典亦有
九子母蓋古有是說釋氏更從而傳會耳荆楚歲時記四月
八日長沙寺閣下九子母神是日無子者供養薄餅以乞子
往往有驗

伯強何處惠氣安在

章句伯強大厲疫鬼也所至傷人惠氣和氣也言陰陽調和
則惠氣行不和調則厲鬼興此二者當何所在乎

箋云周拱辰注云伯強惠氣風屬淮南隔強不周風之所生

也注隅強天神也所云伯強卽此晏案山海經海外北經北

方禺彊人面鳥身珥兩青蛇踐兩赤蛇郭注字元冥水神也

大荒北經有北齊之國姜姓身珥兩青蛇踐兩赤蛇名曰禺

彊大荒東經黃帝生禺彊禺彊生禺京禺京處北海郭注卽

禺彊也呂覽求人篇禺北至禺彊之所高注禺彊天神名莊

子大宗師云禺彊得之立乎北極郭象注北方神黑身手足

乘兩龍靈龜爲之使釋文歸藏曰昔穆王子筮卦於禺彊簡

文云北海神也一名禺京是黃帝之孫也江淹遂古篇北極

禺彊爲常存今一說伯強卽春秋時伯有也左傳昭七年伯

有爲厲子產曰用物精多則魂魄彊故曰伯強實案當從前說非伯有事

何闔而晦何開而明角宿未旦曜靈安藏闔胡服反明叶音芒宿音秀一本藏作藏

楚辭天問箋

七 廣雅書局采

漢書多以
藏爲藏

章句言天何所闔開而晦冥何所開發而明曉乎角亢東方

星曜靈日也言東方未明旦之時日安所藏其精光乎

箋云禮記月令仲秋之月日在角仲夏之月且亢中漢書天

文志左角理右角將大角者天王帝佐廷亢爲宗廟主疾爾

雅釋天壽星角亢也郭注列宿之長漢志孟康注龍角東方

宿也續漢志注引服虔左傳注龍角亢也文選張平子歸田

賦於時曜靈俄景潘岳窈婦賦曜靈華而邁邁悼亡詩曜靈

運天機江淹雜體詩曜靈照空隙曹植與吳質書曜靈急節

廣雅云曜靈日也

不任汨鴻師何以尚之僉答何憂何不課而行之汨音

章句汨治也鴻大水也師眾也尙舉也言鯀才不任治鴻水
眾人何以舉之乎僉眾也課試也言眾人曰何憂哉何不先
試之也

箋云古鴻洪通史記何渠書禹抑鴻水荀子成相篇禹有功
抑下鴻漢石經尚書洪範亦作鴻虞書堯典試可乃已史記
作試不可用而已史記又云堯曰洪水滔天下民其憂有能
使治者皆曰鯀可堯憂民而僉舉鯀故曰何憂言何不先試
其績而後行曷為任其姦直而用之九載耶

鳴龜曳銜鯀何聽焉順欲成功帝何刑焉

章句言鯀治水績用不成堯乃放殺之羽山飛鳥水蟲曳銜
而食之鯀何復能不聽之乎帝謂堯也言鯀設能順眾人之

楚辭天問箋

欲而成其功堯當何為刑戮之乎

箋云柳子天對云胡離厥考而鳴龜肆喙路史餘論引古岳
頂經禹治水獲淮渦水神名巫支祈授之童律不能制授之
烏木田不能制授之庚辰能制鳴脾桓胡木魁水靈山妖石
怪庚辰持戟逐去鳴龜曳銜蓋謂怪物之為祟者鯀何以聽
之而不治乎周拱辰別注經稱鯀埋洪水國語又稱其墮高
壇卑蓋鯀築長堤如鳴龜之曳尾相銜者然程子曰今河北
有鯀堤而無禹堤通志堯封鯀為崇伯使之治水乃興徒役
作九仞之城又淮南子鯀作三仞之城諸侯悖之史稽曰張
儀依躡築蜀城非猶夫崇伯之智也

永遏在羽山夫何三年不施伯禹腹鯀夫何以變化施一作施
腹一作復

章句永長也遏絕也施舍也言堯長放鯀於羽山絕在不毛
之地三年不舍其罪也禹鯀子也言鯀愚狼腹而生禹禹少
見其所為何以能變化而成聖德也

箋云海內經鯀竊帝之息壤以堙洪水帝令祝融殺鯀於羽
郊郭注羽山之郊開筮曰鯀死三歲不腐剖之以吳刀死化
為黃龍也案郭注本歸藏呂氏春秋恃君覽行論篇堯殛鯀
於羽山副之以吳刀高誘注羽山東極之山也毛詩蓼莪云
出入腹我箋云腹懷抱也

纂就前緒遂成考功何續初繼業而厥謀不同

章句父死稱考緒業也言禹能纂代鯀之遺業而成考父之
功也又云言禹何能繼續鯀業而謀慮不同也

楚辭天問箋

九

箋云曲禮曰父死曰考祭法禹能修鯀之功國語禹以德修
鯀之功禹易障而濬是厥謀不同也

洪泉極深何以窵之地方九則何以墳之窵與

章句言洪水淵泉極深大禹何用窵塞而平之乎墳分也謂
九州之地凡有九品禹何以能分別之乎

箋云淮南子墜形訓凡鴻水淵藪自三百仞以上二億三萬
三千五百五十里有九淵禹乃以息土填洪水以為名山高
誘注息土不耗減掘之益多故以填洪水海內經鯀竊帝之
息壤以堙鴻水郭注息壤以填洪水蓋鯀期其事禹從而修
之也朱子謂泉當作淵陸時雅曰泉疑當作淵唐本避諱而
改之也案章句已有淵泉之語陸氏謂唐人改非毛詩東山

箋云古者聲實填塵同也說文實塞也从穴真聲班孟堅漢書敘傳坤作墜執高下九則劉德曰九則九州土田上中下九等也釋名釋典藝墳分也

應龍何畫河海何歷陸云歷叶音勒

章句有鱗曰蛟龍有翼曰應龍歷過也言河海所出至遠應龍過歷游之無所不窮也或曰禹治水時有神龍以尾畫導水注所當決者因而治之

箋云朱子注引山海經禹治水有應龍以尾畫地即水泉流通禹因而治之今本山海經無此文古嶽瀆經堯九年巫支祈為孽應龍驅之淮陽龜山下其後水平禹乃放應龍於東海之區故曰河海何歷釋釋桂陽太守周慎功勳銘乃思

楚辭天問箋

夏后之遺訓缺應龍之畫大荒東應龍處南極殺蚩尤與夸父郭注應龍龍有翼者也淮南墜形訓毛憤生虺龍應龍生建馬覽冥訓駕應龍驂青虬班孟堅答賓戲泥蟠而天飛者應龍之神也述異記云龍千年為應龍大業拾遺記禹治水應龍以尾畫地導決水之所出

鯀何所營禹何所成

章句言鯀治洪水何所營度禹何所成就乎

箋云自不任汨鴻至此禹何所成皆言鯀禹之事

康回憑怒墜何故以東南傾陸古地字柳集作地

章句康回共工名也淮南子言共工與顓頊爭為帝不得怒而觸不周之山天維絕地柱折故東南傾

箋云此事見淮南天文訓列子亦云共工氏與顓頊爭為天子怒而觸不周之山天柱折地維絕地不滿東南故百川水

厥歸焉而為渤海路史發揮羅萃注引尹子盤古篇共工觸不周山折天柱絕地維江淹遂古篇共工所觸不周山兮柳子晉問曰又似共工觸不周而天柱折抱朴子天不能平其西北地不能隆其東南揚泉物理論地形西北高而東南下博物志共工與顓頊爭帝而怒觸不周之山折天柱絕地維故天後傾西北日月星辰就焉地不滿東南故百川水注焉文選劉孝標辨命論觸山之力無以抗李善注引淮南子昔共工之力怒觸不周之山使地東南傾與高辛爭為帝許慎曰共工古諸侯之強者也

楚辭天問箋

不周之山西北之山也晏案康回當作庸回字形相近誤也左傳文十八年靖譖庸回天下之民謂之窮奇杜預注庸用也回邪也謂共工其行窮其好奇靖譖庸回猶堯典之靖言庸違也康成注書以為共工名氏未聞叔師以康回為共工名恐非王圻三才圖會共工死子康回襲黑龍氏亦曰共工亦傳會之說也

九州何錯川谷何滄東流不溢孰知其故滄音戶一本作安編柳集作何

章句錯置也滄深也言九州錯廁禹何所分別之川谷於地何以獨滄深乎百川東流不知滿溢誰有知其何故也

箋云書益稷子決九川傳決九州名川通之至海禹貢冀高山大川傳大川四瀆蔡邕月令章句眾流注海曰川呂氏春秋有始覽何謂六川河水赤水遼水黑水江水淮水通谷六

名川六百爾雅釋水注川曰谿注谿曰谷老子道德經江海所以能為百谷王者以其善下也莊子秋水篇天下之水莫大於海萬川歸之不知何時止而不盈尾閭洩之不知何時已而不虛釋文引崔云尾閭海東川名天地篇諄芒將東之大壑釋文引李云東海也列子渤海之東有大壑焉其下無底名曰歸墟八紘九野之水天漢之流莫不注之天對有東窮歸墟之說蓋本諸列國經山海經大荒東經東海之外大壑郭注詩含神霧曰東注無底之谷謂此壑也郭璞江賦淙大壑與沃焦李善注引玄中記曰天下之大者東海之沃焦焉水灌之而不已虞厚合璧事類引山海經云沃焦在碧海之東有石闕四萬里居百川之下故又名尾閭今山海經無

楚辭天問箋

十三

此文文選稽叔夜養生論或益之以映澗而泄之以尾閭李善注引莊子司馬彪曰尾閭水之從海水出者也一名沃焦在東大海之中尾者在百川之下故稱尾閭者聚也水聚族之處故稱閭也在扶桑之東有一石方闕四萬里海水注者無不燠盡故名沃焦

東南西北其脩孰多南北順墮其衍幾何一作墮一作墮音安又從禾反章句脩長也言天地東南西北誰為長乎衍廣大也言南北

曠長其廣幾幾何乎

箋云海外東經帝命豎亥步自東極至於西極五億十選選萬也九千八百步一曰禹令豎亥一曰五億十萬九千八百步郭注詩含神霧曰天地東西二億三萬三千里南北二億

一千五百里天地相去一億五萬里淮南墜形訓禹乃使大章步自東極至於西極二億三萬三千五百里七十五步使豎亥步自北極至於南極二億三萬三千五百里七十五步管子地員篇地之東西二萬八千里南北二萬六千里呂氏春秋有始覽凡四海之內東西二萬八千里南北二萬六千里四極之內東西五億有九萬七千里南北亦五億有九萬七千里高注海東西長南北短極內等博物志河圖括地象地南北二億三萬三千五百里又河圖云八極之廣東西二億三萬三千里南北二億三萬一千五百里春秋命歷序曰東西九十萬里南北八十一萬里張衡靈憲儀曰八極之維徑二億三萬二千三百里南北則短減千里東西則廣增千

楚辭天問箋

十三

里天文錄天地廣南北二億三萬三千五百里七十五步東西短減四步利西江地球圖曰東西南北各二萬七千里言里數者人人殊果孰能知其修衍乎案槩與橢同爾雅橢小而橢郭注橢謂狹而長釋文他果反漢書食貨志三曰復小橢之其文龜直三百師古曰橢圓而長也音佗果反

崑崙縣圖其尻安在增城九重其高幾里一作尻一本四方之門其誰從焉西北闕啟何氣通焉闕一本作辟與

章句崑崙山名也在西北元氣所出其巔曰縣圖乃上通於天也淮南言崑崙之山九重其高萬二千里也又云言天地四方各有一門其誰從之上下也又云言天西北之門獨常開啟豈元氣之所通

箋云淮南墜形訓縣圃在崑崙閭之中崑崙之邱或上倍之是謂涼風之山或上倍之是謂縣圃或上倍之是謂太帝之居又作元圃山海經西山經槐江之山實惟帝之平圃郭景純注卽平圃也穆天子傳乃爲銘迤於元圃之上東方朔海內十洲記崑崙崙有三角正北曰閭風巔正西曰平圃臺正東曰崑崙宮陶淵明讀山海經詩迢迢槐江嶺是謂元圃邱西南望崑崙墟光氣難與儔縣平聲同古字通也郭鍾山注引穆天子傳作縣圃墜形訓崑崙崙中有增城九重其高萬二千里百一十四步二尺六寸旁有四百四十門門開四里里間九純純丈五尺旁有九井玉橫維其西北之隅北門開以納不周之風傾宮旋室縣圃涼風樊桐在崑崙閭之中高誘

楚辭天問箋

古廣雅書同案

注增重也有五城十二樓縣圃崑崙之山名山海經海內西經海內崑崙之墟在西北方八百里高萬仞而有九門門有開明獸守之抱朴子崑崙山上一面輒有四百四十門東方朔十洲記崑崙崙山積金爲天墉城而方千里城上安金臺五所玉樓十二又西山經崑崙之邱是實爲帝之下都景純圖贊曰崑崙崙白精水之靈府唯帝下都西邦之宇傑然中峙號曰天柱晏案尻古居字說文几部尻處也从尸得几而止孝經曰仲尼尻尻謂閒居如此孝經釋文引鄭云云尻尻講堂也柳州天對云積高於乾崑崙崙攸居唐人猶有識尻爲居者此明證也後人注此或誤以爲免去尻之尻从尸而解爲脊骨盡處訛謬可笑夫使尻字作尻叔師豈有不加疏釋者乎

又晉書胡毋權傳尻背東壁玉篇尻與居同漢書郊祀志黃帝時爲五城十二樓應劭曰昆侖平圃五城十二樓仙人之所常居又覽觀縣圃浮游蓬萊李奇曰昆侖九成上有縣圃縣圃之上卽閭闔天門司馬相如傳西望崑崙崙之軋惚荒忽今張揖曰昆侖去中國五萬里其山廣袤百里高八萬仞增城九重面有九井旁有五門揚雄傳配帝居之縣圃今服虔曰曾城縣圃閭風昆侖之山三重也水經注引崑崙崙說云崑崙崙之山三級下曰樊桐一名板桐二曰平圃一名閭風上曰層城一名天庭文選思予賦發昔夢於木禾穀崑崙崙之高岡巖巖哀時命云願至崑崙崙之平圃今采鍾山之玉英又云登閭風之層城兮構不死而爲牀李善注古今通論曰不死樹

楚辭天問箋

古廣雅書同案

在層城西對向九歎云排帝宮與羅罔今升縣圃以昏滅離騷云夕余至平縣圃拾遺記崑崙崙九層層相去萬里增當讀如層古字通魏大饗碑陰九增之華蓋卽九層也日安不到燭龍何照郭注山海經引照作輝章句言天之西北有幽冥無日之國有龍銜燭而照之箋云大荒北經章尾山有神人而蛇身而赤是燭九陰是謂燭龍郭注詩含神霧云天不足西北無有陰陽消息故有龍銜精以往天門中海外北經鍾山之神名曰燭陰郭注卽燭龍也淮南子墜形訓燭龍在雁門蔽於委羽之山不見日其神人而龍身而無足高誘注龍銜燭以照太陰蓋長千里視爲晝暝爲夜吸爲冬呼爲夏文選張平子思予賦速燭龍令

執炬兮過鍾山而中休謝惠遠雪賦爛兮若爛龍銜耀照崑
山陸士衡演迤珠蘭臺停室不思銜爛之龍圖贊云天缺西
北龍銜火精氣為乘暑眼作昏明身長千里可謂至神天對

云修龍且燎爰北其首九陰極冥厥朔以炳

羲和之未揚若華何光陸云場一作陽

璋句羲和日御也言日未揚出之時若木何能有明赤之光

華乎

箋云大荒南經東南海之外甘水之間有羲和之國有女子
名曰羲和方日浴於甘淵羲和者帝俊之妻生十日郭注羲
和蓋天地始生主日月者也故啟筮曰空桑之蒼蒼八極之
既張乃有夫羲和是主日月職出入以為晦明又曰瞻彼上

楚辭天問箋

六 廣雅書局

天一明一晦有夫羲和之子出於陽谷故堯因此而立羲和
之官以主四時事類賦引淮南子爰止羲和爰息六蟠注曰
日乘車駕以六龍羲和御之今本天文訓脫此文晉書律志
黃帝使羲和占日廣雅日御曰羲和大荒北經大荒之中有
衡石山九陰山河野之山上有赤樹青葉赤華名曰若木郭
注生崑崙西附西極其華光赤下照地海內經南海之內黑
水青水之間有木名曰若木郭曰樹赤華青南山經有木焉
其花四照郭注若木華赤其光照地亦此類淮南子墜形訓
若木在建木西末有十日其華照下地高注末端也若木端
有十日狀如蓮華光照其下揚子雲甘泉賦飲若木之露英
張平子思子賦躔建木於廣都分墟若華而躊躇文選遊天

台山賦羲和亭午離騷云折若木以拂日兮

何所冬暖何所夏寒暖一本作煖

章句暖溫也言地之氣何所有冬溫而夏寒者乎

箋云柳子天對云狂山凝凝冰於北至爰有炎洲司寒不得
以試案山海經北山經狂山冬夏有雪又西山經有申首之
山北山經有小咸之山皆冬夏有雪東方朔十洲記炎洲在
南海中上有火林山山有火鼠毛緝為火浣布後漢書班超
傳注西域有白山通歲有雪亦名雪山西域傳論注葱嶺冬
夏有雪大荒西經有炎火之山投物輒然南岳炎洲山有大
暑不可以往張平子東京賦九嶷甘泉涸陰沍寒日北至而
含凍此焉清暑郭義恭廣志雲南郡四五月猶積雪皓然代

楚辭天問箋

七 廣雅書局

郡陰山五月猶有雪八月末復雪淮南子墜形訓南方有不
死之草北方有不釋之冰鄒衍繫獄仰天而哭夏五月天為
之下霜列子師文從師襄學鼓琴當夏而叩羽霜雪交下又
遠游云南州炎德桂樹冬榮大招云南有炎火千里招魂云
北方層冰峨峨飛雪千里又代水不可涉天白灑灑寒凝凝
只拾遺記岱輿山有真淵千里常沸騰孟冬水涸山人掘之
碎火如蒸以燭投之則燃又炎海有沃焦山冬夏常沸山為
之焦

焉有石林何獸能言

章句言天下何所有石木之林林中有獸能言語者乎禮記
曰猩猩能言不離禽獸也

箋云山海經海外南經有三珠樹海內西經有視肉珠樹文
玉樹玕琪樹琅玕樹郭注玕琪赤玉屬也吳天璽元年臨海
郡吏伍曜在海水際得石樹高二尺餘葉紫色詰曲傾靡有
光彩卽玉樹之類也淮南子墜形訓崑崙崑崙珠樹玉樹在其西
沙棠琅玕在其東瑤樹瑤樹在其北又云北方有玉樹在赤
水之上神異經瀛洲之山有琪樹瑤草拾遺記須彌山第六
層有五色玉樹蔭翳五百里方丈之山玉瑤爲林吳志伊山
海經廣注古人謂石之美者多謂之珠說文玕石之似玉者
玉篇琅玕石似玉故屈子謂之石林天對云石胡不林往視
西極指海內西經文也左思吳都賦雖有石林之峯嶠請攘
臂而靡之劉淵林注引天問焉有石林天對云獸言膠膠人

楚辭天問箋

廣雅書局

名是達海內南經往往知人名是柳州所本也記曰猩猩能
言不離禽獸黃帝內傳帝巡守東至海登桓山得白澤獸能
言達於萬物之情問天下鬼神之事神異經西南荒中出訛
獸狀如猿人面能言嘗欺人言東而西言惡而善其肉美食
之則言不實矣宋書符瑞志跋蹄者后土之獸自能言語王
嘉拾遺記含塗國去王都七萬里鳥獸皆能言語獸之能言
者不獨猩猩也佛佛善笑作人言角端人言又含塗之國鳥
獸能言周禮命夷隸掌鳥言命貉隸掌獸言然則獸之能言
者夥矣

焉有龍虬負熊以遊柳集作虬龍

章句有角曰龍無角曰虬言靈有無角之龍負熊獸以遊戲

者乎

箋云天對云有虬螭蛇不角不鱗蟾夫系熊相待以神吳案
史記封禪書有龍胡暮下迎黃帝黃帝上騎羣臣後宮從上
者七十餘人列仙傳亦載此事黃帝號有熊氏故曰負熊以
遊也不必如叔師之訓以爲龍獸也案陳本禮引外紀皇
帝有熊氏曾乘龍四

巡列仙傳有熊襲成
乘龍上升可補引之

雄虺九首儻忽焉在虺許倥反
儻與倥同

章句虺蛇別名也儻忽雷光也言有雄虺一身九頭連及電
光皆何所在乎

箋云招魂云雄虺九首往來儻忽吞人以益其心些叔師彼
注儻忽疾急貌也言復有雄虺一身九頭往來奄忽常吞吞

楚辭天問箋

廣雅書局

人魂魄以益其心賊害之甚也漢書揚雄傳電倥忽於牆藩
師古曰倥忽雷光也文選甘泉賦作倥忽李善注倥忽疾貌
西京賦倥忽奇幻易貌分形獨都賦碧雞儻忽而曜儀思元
賦辰儻忽其不再李善注皆謂疾莊子大宗師篇倥然而來
倥然而往而已矣釋文本又作倥徐音叔司馬云倥疾也李
同又九歌儻而來兮忽而逝章句謂往來奄忽宋玉九辨羌
儻忽而難當章句謂行疾去亟則此文亦言雄虺疾急莫測
其往來之所在與招魂正一類叔師儻忽爲電光狀其疾也
莊子應帝王南海之帝爲儻北海之帝爲忽釋文引儻文云
儻忽取神速爲名柳子天對云儻忽之居帝南北海南有怪
虺羅首以噬又案海外北經共工之臣曰相柳氏九首以食

於九山大荒北經其工匠名相繇九首蛇身自環食於九土
郭注相柳也語聲轉耳圖贊云其工之臣號曰相柳稟此奇
表蛇身九首張揖廣雅云北方有民焉九首蛇身其名曰相
柳蛇身故曰雄虺九首左思吳都賦雖有雄虺之九首將抗
足而趾之駱賓王露布雄虺九頭爾雅釋魚蝮虺博三寸首
大如擘郭注身博三寸頭大如人擘指此自一種蛇名為蛇
虺詩疏引孫炎曰江淮以南謂虺為蝮廣三寸頭如拗指有
牙最毒

何所不死長人何守

章句括地象曰有不死之國長人長狄春秋云防風氏也禹
曾諸侯防風氏後至於是使守封禺之山也

楚辭天問箋

三

廣雅釋鳥

箋云山海經海外南經不死民其為人黑色壽不死郭注有
員邱山上有不死樹食之乃壽亦有赤泉飲之不老淮南子
海外三十六國有不死民又云飲氣之民不死之野陶淵明
讀山海經詩自古皆有沒何人得靈長不死復不老萬歲如
平常赤泉給我飲員邱是我糧方與三辰遊壽考豈渠央柳
子天對云員邱之國身民後死呂氏春秋慎行論求人篇禹
南至不死之鄉又山海經無臂之國在長僑東其人穴居食
土死即埋之其心不朽死百二十歲乃復更生抱朴子乘雲
壘產之國肝心不朽之民是也魯語仲尼曰昔禹致羣臣於
會稽之山防風氏後至禹殺而戮之其骨節專車此為大矣
客曰防風氏何守也仲尼曰汪芒氏之君守封禺之山者也

大四百七十一

為漆姓在虞夏商為汪芒氏於周為長翟今為大人客曰人
長之極幾何仲尼曰僬僿氏長三尺短之至也長者不過十
丈數之極也穀梁傳長狄身橫九畝天對云封嶠之守其橫
九里大荒東經有大人國郭注河圖玉版曰龍伯國人長三
十丈大秦人長十丈佻人國長三十丈五尺洞冥記云支提
國人長三文二尺博物志曰東北極人長九丈華陽國志始
皇時有長人二十五丈見宕渠拾遺記曰宛渠之民其國人
長十丈神異經西北國有人焉長二千里雲笈七籤東方銘
呵羅提之國人長二丈南方銘伊沙施之國人長二丈四尺
招魂云長人千仞惟魂是索些又太平御覽引尚書大傳長
狄之人長蓋五丈餘也涼州異物志有大人在零陵北長十

楚辭天問箋

三

廣雅釋鳥

餘里

靡萍九衢泉華安居

魏都賦劉淵林注引作九遠郭注山海經
引作靡發蓋靡發為楚辭之首故舉以釋
之非誤也郭又引羿焉彈日亦
稱靡發靡一作菲泉相里反

章句九交道曰衢言靈有萍草生於水中無根乃蔓衍於九
交之道又有案麻垂華榮何所有此物乎

箋云山海經西山經浮山有草名曰薰草麻葉而方莖赤華
而黑實臭如靡蕪案此即泉華也柳子天對云有萍九歧厥
圃以詭浮山孰產赤華伊泉中山經少室山有木曰帝休其
枝五衢郭曰言樹枝交錯相重五出有象衢路也郭引此文
而亦稱曰離騷王簡栖頭陀寺碑文九衢之草千計四照之
花萬品魏都賦尋靡萍於中遠劉淵林注引天問靡萍九遠

大四百四十八

李善引王逸注靈有葍草蔓衍於丸遠之道摩鼓也沈約郊居賦舒翠葉而九衢開丹花而四照八詠詩彤芳卉之九衢

靈蛇吞象厥大何如木作一蛇郭注山海經引作有蛇

章句山海經南山有靈蛇吞象三年然後出其骨

箋云海內南經已蛇食象三歲而出其骨君子服之無心腹之疾其為蛇青黃赤黑郭注蛇長千尋圍贊云象實巨獸有蛇吞之越出其骨三年為期厥大何如屈生是疑淮南本經

訓堯時封豨修蛇皆為民害高誘注修蛇大蛇吞象三年而出其骨說文已食象蛇象形寰宇記羿屠巴蛇於洞庭其骨若陵谷名曰巴陵羅願爾雅翼巴者食象之蛇其字象蛇蠖

楚辭天問箋

三

廣雅釋鳥

之形又曰今岳陽郡獄之側巍然而高草木翳鬱者人指以為巴蛇積骨之處城外嘗有巴蛇廟已而廢又有象骨山以為象暴骨之所其旁有湖曰象湖左思吳都賦屠巴蛇出象

醫李白詩修蛇出洞庭吞象臨江島天對云巴蛇腹象足觀厥大三歲遺骨其修已號

黑水予趾三危安在延年不死壽何所止趾一本作止

章句予趾三危皆山名也在西方黑水出崑崙山言仙人稟命不死其壽獨何所窮止也

箋云禹貢梁州雍州俱有黑水山海經南山經雞山黑水出焉而南流注於海西山經崑崙之邱黑水出焉海內經流沙之東黑水之閒有山名不死之山郭注即員邱也又云西南

黑水之閒都廣之野有草冬夏不死海內西經崑崙有不死樹淮南墜形訓亦云崑崙有不死樹又有丹水飲之不死案予趾即予股也海外東經予股之國在其北郭注體以下盡

黑故云淮南墜形訓海外三十六國有予股民高誘注予股其股黑兩鳥夾之天對謂予趾則北指此叔師謂予趾為山名未聞西山經又西二百二十里曰三危之山郭注今在燉

煌郡尚書正義引鄭予注云三危之山在鳥鼠之西南當岷山淮南子云三危在樂明西叔師謂在西也天對云三危則南未確大荒南經大荒之中有不姜之山黑水窮焉天

對云黑水淫淫窮於不姜謂此穆天子傳黑河之阿有木禾食者得上壽拾遺記勃羅國人食黑河水藻壽千歲淮南食

楚辭天問箋

三

廣雅釋鳥

黑河之藻可以千歲飲三危之露可以輕舉又三危有金臺石室食氣不死又案張衡西京賦迺有昆明靈沼黑水予趾古字趾與趾通如交趾亦作交趾之類

鱖魚何所虺堆焉處鱖音陵魁音所堆多回反吳都賦劉淵林注引作陵魚焉止章句鱖魚鯉也一云鱖魚鯉鯉也有四足出南方虺堆奇獸也

箋云海內北經姑射國陵魚人面手足魚身在海中柳子天對云鱖魚人面迺列姑射呂氏春秋恃君隨大解陵魚揚慎

異魚圖贊吞舟之魚其名曰鱖背腹有刺如三角菱習師畏之網羅莫騰注云臨海水土志文選吳都賦陵鯉若獸劉淵林注陵鯉有四足狀如獺鱗甲似鯉居土穴中性好食蟻引

楚辭天問箋

廣雅釋鳥

楚辭作陵魚易止羅頤爾雅翼曰鮫鯉四足似鼈而短小狀如獺偏身鱗甲居土穴中蓋獸之類非魚之屬也特其鱗色若鯉故謂之鮫鯉又謂之鮫身野人謂之穿山甲本草陵鯉一名龍鯉一名穿山甲形似鼈又似鯉而有足能水能陸嘗吐舌誘食之魏書高祐傳高宗末兗州東郡吏獲一異獸獻之京師祐曰此是三吳所出厥名鮫鯉郭璞圖贊姑射之山寶栖神人大盤千里亦有陵鱗曠哉溟海含怪藏珍山海經東山經北號之山有鳥焉其狀如雞而白首鼠足而虎爪其名魃雀亦食人郭景純圖贊云獨狼狡獸魃雀惡鳥或狼其體或虎其爪柳子天對云魃雀在北號惟人是食堆字疑雀形之譌叔師以為奇獸恐非篇海字彙引山海經作魃雀更

誤屠本吸閩中海錯疏鮫鯉一名穿山甲似鯉而有四足鱗

甲堅厚常吐舌出涎須蝮蟻蟻其上乃卷而食之爾雅誘下脫蟻蟻字

羿焉彈日鳥焉解羽本又作彈柳集誤作彈說文引此文作焉古羿字

章句淮南言堯時十日並出草木焦枯堯令羿射十日中

其九日月中九鳥皆死墮其羽翼

箋云案此見本經訓又倣真訓燭十日而使風而墜形訓若

木末有十日其華照下地兵略訓武王當戰之時十日亂於

上海外西經女丑之尸生而十日災殺之海外東經湯谷上

有扶桑十日所浴居水中九日居下枝一日居上枝郭注莊

周曰昔者十日並出草木焦枯離騷所謂羿焉彈日鳥焉落

羽者也歸藏鄭母經云昔者羿善射畢十日果畢之汲郡竹

楚辭天問箋

楚辭天問箋

書曰允甲卽位居西河有妖孽十日並出明此自然之異有自來矣天地雖有十日自使以次第迭出運照而今俱見為天下妖災故羿稟堯之命洞其精誠仰天控弦而九日潛退也呂氏春秋求人覽昔者堯朝許由於沛澤之中十日出而焦火不息又大荒東經一日方至一日方出皆載於鳥郭注日中有三足鳥續漢書天文志注引張衡靈憲儀曰昔陽精之宗積而成鳥象鳥而有三足彈俗本或譌作彈又作彈皆非說文彈狝也从弓畢聲楚詞曰焉焉彈日尚書五子之歌正義楚詞天問云羿焉彈日歸藏易亦云羿彈十日招魂十日代出流金鑠石精神訓日中有陵鳥高注謂三足鳥禹之力獻功降省下土四方焉得彼兪山女而通之於台桑

作上方柳集作下土四方

章句言禹以勤力獻進其功堯因使省治下土四方也又云

言禹引治水道娶兪山氏之女而通夫婦之道於台桑之地

箋云商頌云禹敷下土方說文兪會稽山一曰九江當塗也

民以辛壬癸甲之日嫁娶从艸余聲虞書曰子契兪山郭忠

恕佩觿兪山之縣為當塗注古文尚書作兪羅莘路史注引

世紀云兪山氏合昏於台桑之地鄭注尚書云登用之年始

娶於兪山氏三宿而為帝所命治水哀七年左傳杜注塗山

在壽春縣東北

閱妃匹合厥身是繼胡維嗜不同味而快鼈飽一本作嗜欲不

章句閱憂也言禹所以憂無妃匹者欲為身立繼嗣也又云

言馬治水道娶者憂無繼嗣耳何得與眾人同嗜欲苟欲飽
使一朝之情乎故以辛酉日娶甲子日去而有啟也

箋云史記云辛壬娶塗山癸甲日去晏案此謂禹治水之勤
不違服食豈禹所嗜獨殊以饑飽為快耶鼉飽者言朝食急
行如史所云晝不暇食一饋十起也其繼閔妃而言此者猶
書云予弗子惟荒度土功之意柳對云呱呱之不恤爽而孰
圖味得其旨矣

啟代益作后卒然離黨何啟惟憂而能拘是達豎一作孽

章句益禹賢臣也作為也后君也離遭也離憂也言禹以天

下禪與益益避啟於箕山之陽天下皆去益而歸啟以為君
益卒不得立故曰遭憂也又云言天下所以去益就啟者以

楚辭天問箋

三五 廣雅釋義局案

其能憂思道德而通其拘隔拘隔者謂有扈氏叛啟啟率六
師以伐之也

箋云驚與孽同玉篇驚憂也柳子天對云曷曷孽說文虫
部驚禽獸蟲蝗之怪謂之驚从虫聲聲周伯琦六書正譌云
俗用孽非漢書揚雄傳反離騷應劭注離猶遭也夏本紀啟
即天子之位有扈氏不服啟伐之甘誓孔疏云自堯舜受禪
相承啟獨見繼父故以此不服淮南齊俗訓昔有扈氏為義
而亡高誘注有扈以堯舜舉賢禹獨與子故伐啟啟亡之此
所以代益作后卒然遭此有扈之憂也呂氏春秋云夏后相
與有扈戰於甘澤而不勝六卿請復之相曰不可戰而不勝
是吾德薄而教不善也於是乎虛不重席食不貳味琴瑟不

張鐘鼓不修子女不飾親親長尊賢使能期年而有扈氏
服又說苑云禹與有扈戰三陣而不服修教一年而請服拘
讀如書執拘歸周之拘啟伐有扈而拘之也商頌云受小國
是達受大國是達啟憂心修教終勝有扈故曰啟惟憂而能
拘是達也

昔歸射籍而無害厥躬何后益作后而禹播降射一作衆

章句射行也籍窮也言有扈氏所行皆歸於窮惡故啟誅之
並得長無害於其身也后君也革更也播種也降下也言啟
所以能變化更革而代益為君者以禹平治水土百姓得下
種百穀故思歸啟也

箋云說文革部鞠踴也或从鞠與籍同戰國策六博踴鞠

楚辭天問箋

三五 廣雅釋義局案

注劉向別錄鹽鞠黃帝作蓋因娛戲以練武士漢書藝文志
兵家鞮鞞二十五篇射即射御之射皆武事也言啟與有扈
戰三陣而不服胡終歸於練武之善竟滅其國而無害於啟
之躬也叔師訓射為行籍為窮末為允也

啟棘實商九辯九歌何勒子屠母而死分竟墜

章句棘陳也實列也九辯九歌啟所作樂也言啟能修明禹
樂陳列宮商之音備其禮樂也勤勞也屠裂制也言禹膺制
母背而生其母死分散竟墜何以能有聖德憂勞天下乎
箋云實當為殖釋名釋親屬殖實也諸妾之中見實敬也古
字或省从宀山海經大荒西經西南海之外赤水之南流沙
之西有人珥兩青蛇乘兩龍名曰夏后開開即啟避漢景帝諱開上三

嬪於天得九辯與九歌以下郭注嬪婦也言獻美人於天帝
九辯九歌皆天帝樂名也開登天而竊以下用之也開筮曰
昔彼九冥是與帝辨同宮之序是爲九歌又曰不得竊辨與
九歌以國於下義具見於歸藏案棘巫也商卽宮商之商言
啟巫嬪於天聞宮商之奏而得九辯九歌如秦穆夢鈞天之
樂唐皇記霓裳之舞是也柳子天對云辨同宮之序帝以饗
賓亦以賓爲嬪也一說賓客也商商均九辯九歌禹樂名左
傳文七年卻缺引夏書曰勸之以九歌九功之德皆可歌也
謂之九歌離騷云啟九辯與九歌兮章句亦以爲禹樂言啟
大饗諸侯亟引商均爲賓卽位而奏禹樂若書云虞賓在位
簫韶九成是也又案吳越春秋緜娶有莘氏女剖脅而產高

楚辭天問箋

天 廣雅書局

密帝王世紀緜妻修己胸折而生禹於石礪春秋繁露云禹
生發於背竹書紀年沈約注母曰修己背剖而生禹於石紐
叔師之注蓋本諸董淮南子修務訓禹生於石高誘注禹母
修己感石而生禹折胸而出漢書武帝紀元封元年詔曰朕
用事華山至於中嶽見夏后啟母石應劭曰啟生而母化爲
石魏書陽固傳石育子而啟夏兮亂遺卵而孕殷
帝降夷羿革孽夏民胡歟天河伯而妻彼雒濱柳集作羿射夫
河伯集柳集作
射
章句帝天帝也夷羿諸侯弑夏后相者也革更也孽憂也言
羿弑夏家居天子之位荒淫田獵變更夏道爲萬民憂患胡
何也雒濱水神謂宓妃也傳曰河伯化爲白龍遊於水旁羿

見射之眇其左目河伯上訴天帝曰爲我殺羿天帝曰爾何
故得見歟河伯曰我時化爲白龍出遊天帝曰使汝深守神
靈羿何從得犯也汝爲蟲獸當爲人所歟固其宜也羿何罪
歟羿又夢與雒水神宓妃交接也

箋云淮南子汜論訓羿除天下之害而死爲宗布注羿堯時
之諸侯河伯溺殺人羿射其左目文選注引漢書音義宓妃
宓義氏之女溺死洛水爲神修務訓羿左臂修而善射倣真
訓注羿善射能一日落九鳥射河伯羅長源路史引此文云
妻彼洛嬪蓋有洛氏之女也與叔師注宓妃異漢書地理志
小顏引魚豢云漢火行忌水故去洛水而加佳如魚氏說則
光武以後改爲雒字也今楚辭亦作雒其後人所改歟陳本

楚辭天問箋

天 廣雅書局

馮珧利決封豨是歟何獻蒸肉之膏而后帝不若馮音憑珧音
通稀虛豈反
路史引作封豨歟柳
集作射蒸亦作丞
章句馮挾心珧弓名也決歟韜也封豨神獸也言羿不循道
德而挾弓歟講獵捕神獸以快其情也蒸祭也后帝天帝也
若順也言羿歟獵封豨以其肉膏祭天帝天帝猶不順羿之
所爲也
箋云爾雅釋器云弓以金者謂之珧是叔師所本也晏謂釋
魚蟹小者珧郭注珧玉珧卽小蚌小雅瞻彼洛矣毛傳天子
玉琫而珧珧說文以爲禮文隋巢子云奚祿山壞天賜玉珧

於羿遂殘其身利即謂玉玦也孫子曰羿得寶弓犀質玉
文曰玦孤海內經帝俊賜羿彤弓素楛以扶下國淮南子本
經訓堯之時封稀修蛇皆爲民害堯乃使羿斷修蛇於洞庭
擒封稀於桑林高誘注封稀大豕說文云古有封稀修蛇之
害山海經內經有羸民鳥足有封豕郭注大豬也羿射殺之
圖贊曰有物貪婪號曰封豕薦食無厭肆其殘毀羿乃飲羽
獻帝效伎海內經又云羿是始去恤下地之百艱郭注言射
殺豸齒封豕之類左傳昭二十八年叔向曰昔有仍氏生女
黜黑而甚美光可以鑑名曰季妻樂正后夔娶之生伯封實
有豕心貪惓無厭忿類無期謂之封豕有窮后羿滅之路史
夷羿傳謂封稀是射即此然離騷云羿淫游以佚田兮又好

楚辭天問箋

羊

射夫封豕則封稀是豸非人名也一說左傳言羿將歸自田
家眾殺而烹之以食其子故曰獻蒸肉之齊也言羿之善射
如此何竟爲人菹醢而天命弗順乎即論語不得其死之意
也

泥娶純狐眩妻爰謀何羿之歎革而交吞揆之

泥土
角反

章句泥羿相也爰於也眩惑也言泥娶於純狐氏女眩惑愛
之遂與泥謀殺羿也吞滅也揆度也言羿好射獵不恤政事
法度泥交接國中布恩施德而吞滅之也

箋云路史夷羿傳泥乃蒸娶羿室純狐爰謀殺羿羅華注引
純狐羿妻也左傳襄四年泥因羿室周禮夏官司弓矢王弓
弧弓以授射甲革楛質者左傳稱羿將歸自田家眾殺而烹

之言羿方田獵射革何家眾揆度其將來而交相吞滅也東
方朔七諫哀命云機逢矢以射革

阻窮西征屢何越焉化爲黃熊本或化下何活焉有而字

章句阻險也窮窮也越度也言堯放鯀羽山西行度越岑巖
之險因墮死也活生也鯀死後化爲黃熊入於羽淵豈巫醫
所能復生活也

箋云史記五帝本紀殛鯀於羽山以變東夷集解引馬融
注云羽山東意言鯀既投諸東裔回視西征之路阻隔窮絕
復何能越巖而來歸乎左傳昭七年子產曰昔堯殛鯀於羽
山其神化爲黃熊以入於羽淵釋文熊獸名亦作能三足鼈
也晉語作鯀化黃熊韋昭能似熊吳越春秋亦作黃熊山

楚辭天問箋

羊

海經海內西經開明東有巫彭巫抵巫陽巫履巫凡巫相夾
冥麻之尸皆操不死之藥以距之郭注皆神醫也世本曰巫
彭作醫圖贊曰冥麻無罪見害貳負帝命羣醫操藥夾守遂
淪淵淵化爲龍首案冥麻爲貳負所殺致淪淵而變龍首巫
既不能生猶鯀爲帝所殛入淵而化黃熊巫又安能活也故
屈子舉巫以況之一說此羿事也阻當作鉏地名窮卽有窮
國也屢險也越過也左傳魏莊子曰皆有夏之衰也后羿自
鉏遷於窮石又帝王紀云帝羿有窮氏其先世封於鉏羿自
鉏遷於窮石逐帝相徙於商邱依斟灌斟鄩氏據地志故鉏
城在滑州衛城東商邱在東郡濮陽晉地記云河南有窮谷
蓋本有窮氏所遷也斟灌斟鄩皆在東極古隅夷地以商邱

二割較之有窮在西故曰西征路史注亦云阻窮西征謂葬也

咸播種黍菁藿是營何由井投而蘇疾修盈詩一作菁藿一作

蘇作

章句咸皆也柜黍黑黍也藿草名也營為也言禹平治水土萬民皆得耕種於藿蒲之地盡為良田也疾病也修長也盈滿也由用也言堯不惡鯀而殺戮之則禹不得嗣興民何得投種五穀乎乃知鯀惡長滿天下也

箋云爾雅釋草云柜黑黍生民誕降嘉種維柜維秬毛傳亦用雅訓蒲與蒲同天對云維莞維蒲漢書鮑宣傳漿酒霍肉小顏注霍豆葉即公食禮之牛藿也九款云耘藜藿與藜荷

楚辭天問箋

三

章句亦云藿豆葉也說文本作藿招隱士云蘋中藿靡故知此字或从艸或省艸相假借也言禹修鯀功而平水土暨稷播種冀州既載可以幹蠱而蓋愆矣何由與四凶並投竟長此惡聲貫盈乎蓋鯀特因湮洪水而致殛非如其工諸人之作亂可比故屈子哀其并四凶投荒雖有孝子而不能改其惡名也投棄也左傳文十八年投諸四裔疾惡也左傳昭九年辰在子卯謂之疾日杜注疾惡也

白蜺嬰茀胡為此堂安得良藥不能因臧陸云得下一有夫字

章句蜺雲之有色似龍者也茀白雲透移若蛇者也言此有蜺茀氣透移相嬰何為此堂乎蓋屈原所見祠堂也臧善也言崔文子學仙於王子喬子喬化為白蜺而嬰茀持藥與崔

文子崔文子驚怪引戈擊蜺中之因墮其藥俯而視之王子喬之尸也故言得藥不善也

箋云天對云王子怪駭蜺形茀袋文據操戈猶情夫藥本叔師說劉向列仙傳亦有崔文學仙事向曾解說天問覓叔師敘晏案白蜺嬰茀此盛言姬娥之裝飾也蜺與霓同猶月中霓裳羽衣九歌東君云靈之來兮蔽日青雲衣兮白霓裳九款逢粉云薛荔飾而陸離薦兮魚鱗衣而白霓裳以駭辭本文證之如其確矣嬰茀婦女首飾荀子富國篇處女嬰寶珠楊倞注嬰繫於頸也說文嬰頸飾也从女眼其連也易既濟婦喪其茀馬融云茀首飾也見釋文胡為者訝之之辭言此豔裝濃飾胡為而畫於此祠堂也又淮南子覽冥訓云羿

楚辭天問箋

三

請不死之藥於西王母姬娥竊之以奔月張衡靈憲儀云羿請無死之藥於西王母姬娥竊之以奔月將往枚筮之於有黃有黃筮之曰吉翩翩歸妹獨將西行逢天晦芒母驚毋恐後其大昌姬娥遂託身於月是為蟾蜍文選月賦集素娥於后庭李善注引歸藏曰昔常娥以不死之藥奔月文選郭景純游仙詩姮娥揚妙音李善引淮南許慎注常娥羿妻也逃月中蓋虛上夫人是也言何從得此良藥致奔入月中不能自固以善其身也

天式從橫陽離爰死大鳥何鳴夫焉喪厥體喪息反章句式法也爰於也言天法有善陰陽從橫之道人失陽氣則死也言崔文子取王子喬之尸置之室中覆之以敝筐須

與則化爲大鳥而鳴聞而視之翻飛而去天子焉能亡子僑
之身乎言仙人不可殺也

箋云式與弑同史記日者列傳分策定卦旋式正基索隱曰
式卽弑也弑之形上圓象天下方法地用之則轉天綱加地
之辰故云旋式晏案西山經鐘山其子曰鼓是與欽鴉殺葆
江於崑崙之陽帝乃戮之鐘山之東曰崑崙欽鴉化爲大鴞
其音如晨鶴亦化爲鴞鳥其音如鶴言天有常法陰陽相
生殺之則陽氣離而身死矣何由化爲大鳥而鳴聲如鶴耶
既身化能鳴何殺之而亦喪厥體耶訝其生死之無常也圖
贊曰欽鴉及鼓是殺祖江帝乃戮之崑崙之東二子皆化鳩
翼亦同陶淵明詩窈窕強能變祖江遂獨死又云長枯固已

楚辭天問箋

廣雅書集

劇鴞鸞豈足恃亦此意也

萍號起兩何以興之萍亦作并一作萍號胡刀反

章句萍萍翳兩師名也號呼也興起也言兩師號呼則雲起
而雨下獨何以興之乎

箋云遠游云左兩師使徑待兮章句告使屏翳備不虞也可
馬相如大人賦召屏翳應劭曰屏翳天神使也廣雅兩師謂
之并翳山海經海外東經兩師妾在其北郭注兩師謂屏翳
也漢書郊祀志風伯兩師師古曰兩師屏翳也一曰屏號案
號言兩師號呼小顏之注恐因楚辭而致誤也

撰體協脅鹿何膺之柳集同一本作撰體協鹿何以膺之

章句膺受也言天撰十二神鹿一身八足兩頭獨何膺受此

形體乎

箋云後漢書西南夷傳哀牢夷雲南縣有神鹿兩頭能食毒
草李賢注見華陽國志博物記雲南郡出茶首其音爲蔡茂
是兩頭鹿名也宛委餘編茶首神鹿兩頭出永昌郡其矢可
敷瘡毒酉陽雜俎毛鷲邪希有鹿兩頭食毒草叔師謂神鹿
兩頭非誕也一說脅鹿風伯飛廉也三輔黃圖飛廉鹿身雀
頭有角蛇尾豹文能致風號呼也言兩師號呼何以風起雲
飛而必應之乎晏案漢書武帝紀元封二年作飛廉館應劭
曰飛廉神禽能致風氣者也晉灼曰身似鹿頭如爵有角而
蛇尾文如豹文司馬相如傳椎蜚廉郭璞曰飛廉龍雀也鳥
身鹿頭文選東京賦龍雀蟠蜿薛綜注龍雀飛廉也

楚辭天問箋

廣雅書集

鼇戴山抃何以安之釋舟陵行何以遷之戴一作載抃音弁

章句鼇大龜也擊手曰抃列仙傳曰有巨靈之鼇背負蓬萊
之山而抃舞戲滄海之中獨何以安之乎釋置也舟船也遷
徙也言龜所以能負山若舟船者以其在水中也使龜釋水
而陵行則何能遷徙山乎

箋云列子渤海之東有五山一曰岱輿二曰員嶠三曰方壺
四曰瀛洲五曰蓬萊五山之根無所連著常隨潮波上下往
還不得暫時焉仙聖毒之詠之於帝帝命禹疆使巨鼇十五
舉首而戴之迭爲三番六萬歲一交焉文選思元賦登蓬萊
而容與兮鼇雖抃而不傾舊注抃手搏也李善注中記曰
東南之大者有巨鼇焉以背負蓬萊山周迴千里後漢張衡

傳李賢注鼉大龜也淮南覽冥訓高誘注亦云鼉大龜與叔師同又案列子稱龍伯之國有大人舉足不盈數步而暨五山之所一釣而連六鼉負而趨歸其國灼其骨以數焉於是岱輿員嶠二山流於北極沈於大海仙聖之播遷者巨億計釋舟陵行言釣鼉而歸行於陸地何以致仙聖之播遷乎柳子天對云龍伯負骨帝尙窄之謂此也

惟澆在戶何求於嫂何少康逐犬而顛隕厥首女岐縫裳而館同爰止何顛易厥首而親以逢殆澆五甲反易上

章句澆古多力者也論語曰澆盪舟言澆無義淫佚其嫂往至其戶佯有所求因與行淫亂也言夏后少康因田獵放犬逐獸遂襲殺澆而斷其首女岐澆嫂也館舍也爰於也言女

楚辭天問箋

美 廣雅書同類

岐與澆淫佚為之縫裳於是共舍而宿止也逢遇也殆危也言少康夜襲得女岐頭以為澆因斷之故言易首為遇危殆也

箋云竹書紀年沈約注云泥娶純狐氏有子早死其婦曰女岐寘居澆強圍往至其戶陽有所求女岐為之縫裳共舍而宿汝艾夜使人襲斷其首乃女岐也澆既多力又善害人女乃田獵放犬逐獸因喉澆顛隕乃斬澆以歸於少康路史乘泥傳澆朋淫不義而淫於邱嫂岐邱嫂字本漢書楚元王傳孟康曰邱空也兄亡空有嫂萃注未及左傳少康滅澆於過又離騷云澆身被服強圍兮縱欲而不忍日康娛以自忘厥首用夫顛隕

湯謀易旅何以厚之覆舟斟尋何道取之陸云取此苟反

章句湯殷王也旅眾也言殷湯欲變易夏眾使之從己獨何以厚待之乎覆反也舟船也斟尋國名也言少康滅斟尋氏奄若覆舟獨以何道取之乎柳對云覆舟喻易

箋云湯古與盪通即論語眾盪舟也古湯盪蕩通用漢書天文志四星若合是謂大湯晉灼曰湯猶盪濞也易繫辭八卦相盪釋文眾家作蕩大雅蕩蕩上帝釋訓作盪盪隸釋郝閣頌水流蕩蕩即湯湯也漢地理志蕩陰亦作湯陰陳風宛邱毛傳湯蕩也日知錄云竹書紀年帝相二十七年澆伐斟尋大戰於維獲其舟滅之楚詞覆舟斟鄩正謂此也此皆指澆之強圍言盪舟而謀易眾獨何以厚大之乎戰國策曰非

楚辭天問箋

三七 廣雅書同類

能厚勝之也注厚猶大也澆覆舟而滅斟尋又將何道以取之乎蓋澆所恃者惟力何謀而何道耶宜其顛隕厥首而不得其死也言此以足上文之意左傳杜注北海平壽縣有斟亭漢書地理志北海郡平壽應劭曰古斟尋禹後今斟城是也臣瓚曰斟尋在河南不在此也汲郡古文云太康居斟尋羿亦居之桀亦居之尚書序云太康失邦昆弟五人須於洛汭此即太康所居為近洛也師古曰斟音斟朱子曰湯字康之訛謂少康也案叔師注湯殷王柳子天對湯奮祭旅漢唐本俱作湯甚明非訛字也

桀伐蒙山何所得焉妹嬉何姪焉妹音未嬉音喜路史引作妹何得焉章句桀夏亡王也蒙山國名也言夏桀征伐蒙山之國而得

妹嬉也又云言桀得妹嬉肆其情意故湯放之南巢也

箋云國語桀伐有施有施人以妹嬉女焉皇王大紀桀伐蒙山有施氏進女妹嬉桀嬖之竹書紀年后桀命扁伐岷山岷蒙聲相近案得女而傾國所失多矣故曰何所得焉桀既不能正家而至於肆湯又不終為臣而出於姪古人之不平者多矣

舜問在家父何以緦堯不姚告二女何親

章句帝舜也閔憂也無妻曰緦言舜為布衣憂閔其家其父頑母嚚不為娶婦乃至於緦也姚舜姓也言堯不告舜父母而妻之也如今告之則不聽堯女二女尚何所親附乎箋云虞書云有緦在下言舜怨慕其親出於閔憂何父猶嫉

楚辭天問

庚 廣雅音局案

惡之竟不為置室家乎二句即所謂帝之妻舜而不告也書堯典正義引鄭注云不言妻者不告其父不序其正厥萌在初何所意焉璜臺十成誰所極焉

章句言賢者預見施行萌芽之端而知其存亡善惡所終非虛意也璜石次玉者也言紂作象箸而箕子歎預知象箸必有玉杯玉杯必盛熊膳豹胎如此必崇廣宮室紂果作玉臺十重糟邱酒池以至於亡也

箋云史記宋微子世家云紂始為象箸箕子歎曰彼為象箸必為玉杯為玉杯則必思遠方珍怪之物而御之矣與馬宮室之漸自此始不可振也韓非子紂始為象箸而箕子怖以為象箸不盛羹於土簋必為犀玉之杯玉杯象箸必不盛菽

霍則必旌象豹胎旌象豹胎必不衣短褐而舍茅茨之下則必錦衣九重高臺廣室王充論衡紂以糟為邱以酒為池淮南子本經訓桀紂為旋室瑤臺象廊玉牀帝王世紀紂造傾宮作瓊室飾以美玉七年乃成其大十里其高千丈意度也與億同隸釋嚴訢碑何億奄摧滅又譙敏碑曷億遊羅即意字也

登立為帝執道尚之女媧有體孰制匠之

章句言伏羲始作八卦修行道德萬民登以為帝誰開道而尊尚之也傳言女媧人頭蛇身一日七十化其體如此誰所制匠而圖之乎

箋云大荒西經有國名曰淑土顛頊之子有神十八名曰女媧

楚辭天問

庚 廣雅音局案

媧之腸化為神處栗廣之野郭注古神女而帝者人面蛇身一日中七十變其腹化為此神列子女媧氏蛇身而人面牛首虎鼻淮南子說林訓黃帝陰陽上駢生耳目桑林生臂手此女媧所以七十化也曹植女媧贊云或云二君八首蛇身神化七十何德之靈文選魯靈光殿賦李善注引予中記曰女媧蛇軀路史羅華注引麻姑仙人紫壇歌女媧煉得五方氣變化成形補天地三十六變世應知七十二化處其位一說舊以登立為帝屬伏羲非也余謂皆指女媧說女媧伏羲氏妹自古皆以男子帝天下女媧獨以女子為天下君豈女媧自立之乎抑伏羲獨傳之妹乎女子帝天下者前有媧後有嬰開闢以來所未有扶綱常而警伏雌可少此屈原之一

問哉又一說登女登也世紀云炎帝母任姁有僑氏女名女登春秋元命包云女登游於華陽生神農焉立為帝言登之所立則為帝也

舜服厥弟終然為害何肆犬豕而厥身不危敗柳集作犬體

章句服事也厥其也言舜弟象施行無道舜獨服而事之言象終欲害舜也又云言象無道肆其犬豕之心燒廩竇井欲以殺舜然終不能危敗舜身也

箋云犬豕猶伯封實有豕心也人之無義者則以禽獸比之如橋杌窮奇之類焚廩浚井事見孟子史記又宋書符瑞志舜父母使舜塗廩自下焚之舜服鳥工衣飛去又使浚井自上填之以石舜服龍工衣自刃而出通史云警叟使舜浚廩

楚辭天問箋

四 廣雅釋鳥局宋

舜告堯二女女曰時其焚汝鵲汝裳衣鳥工往舜得免去舜穿井又告二女女曰去汝裳衣龍工往入井警叟實井舜從他井出皆記舜之弟為害也

吳獲迄古南嶽是止孰期去斯得兩男子去一作失

章句獲得也迄至也古謂古公亶父也言吳國得賢君至古公亶父之時而遇太伯陰讓避王季辭之南嶽之下採藥於是遂止而不還也期會也昔古公有少子曰王季而生聖子文王古公欲立王季天命王文王長子太伯及弟仲雍去而之吳吳立以為君誰與期會而得兩男子兩男者謂太伯仲雍二人也

箋云吳越春秋吳太伯傳太伯仲雍採藥於衡山遂之荆蠻

斷髮文身示不可用國民君而事之自號為句吳徐天祐注衡山南岳去斯者去岐周言執期期必也猶言孰能必也託名逃去而吳遂獲此二子乎即柳對所云以嘉吳國也

緣鵲飾玉后帝是饗何承謀夏桀終以滅喪陸云一本無夏字喪去替一作替章句后帝謂殷湯也言伊尹始仕因緣烹鵲鳥之羹修飾玉鼎以事於湯湯賢之遂以為相也又云言湯遂承用伊尹之謀而伐夏桀終以滅亡也

箋云招魂云鵲醜臍鬼煎鴻鵠些章句亦謂烹鵲為羹又云內鵲鵲鵲味射羹只文選張景陽七命晨鳧露鵲注引說苑曰魏文侯嗜晨鳧霜露降鵲鵲美然考呂覽本味篇伊尹說湯以至味有猩猩之脣雍雍之炙雉鷓之翠旌象之約鵲鳥

楚辭天問箋

皇 廣雅釋鳥局宋

之羹所未聞也晏案鵲古鵲字逸周書王會解伊尹朝獻商書受命為四方令曰臣請正南以翠羽菌鵲為獻鵲與鵲同史記衛世左傳作鵲正北以橐駝白玉為獻故曰緣鵲飾玉后帝謂湯言大饗諸侯而受貢物也

帝乃降觀下達伊摯何條放致罰而黎伏大說伏亦作服說音悅

章句帝謂湯也摯伊尹名也言湯出觀風俗乃憂下民博選於眾而達伊尹舉以為相也條鳴條也黎眾也說喜也言湯行天下之罰以誅於桀放之鳴條之野天下眾民大喜說也箋云書序伊尹相湯伐桀升自陬遂與桀戰於鳴條之野作湯誓史記夏本紀桀走鳴條遂放而死裴注引鄭名曰東夷地名荀子云伊尹名摯面無須麋蔡邕釋伊摯有負鼎之

銜伏服也古伏服通如扶服一作扶伏是也

簡狄在臺譽何宜予鳥致胎女何喜一作語喜叶音

章句簡狄帝譽之妃也予鳥燕也貽遺也言簡狄待帝譽於

臺上有飛燕墮遺其卵喜而吞之因生契也

箋云續漢書禮儀志祠高禘劉昭補注引離騷云予鳥致胎

女何喜引王逸注亦作嘉而吞之呂氏春秋音初云有娥氏

有二佚女為之九成之臺飲食必以葷菜書古今人表簡湯

帝譽妃生高師古曰即簡狄也毛詩商頌正義有娥是簡狄

國名淮南墜形訓有娥在不周之北長女簡翟少女建疵高

誘注有娥國名簡翟建疵姊妹二人在瑤臺帝譽之妃也離

騷云望瑤臺之偃蹇兮見有娥之佚女海內北經有帝譽臺

楚辭天問箋

廣雅書局

該乘季德厥父是滅胡終弊於有扈牧夫牛羊朱子謂該字乃

師訓該為包則漢本實作該字

章句該包也秉持也父謂契也季末也言湯能包持先人之

末德修其祖父之善業故天祐之以為民主也有扈漢國名

也澆滅夏后相相遺腹子曰少康後為有仍牧正典主牛羊

遂攻殺澆滅有扈復禹舊跡祀夏配天也

箋云此指啟言該兼也後漢書馮衍顯志賦曰訊夏啟於甘

澤兮傷南典之始傾李賢注啟既德薄同姓相攻故傷南典

之傾也言啟兼秉季世之德而以為敬承父之善乎微辭也

弊疲也後漢耿弇傳軍士疲弊言啟既疲于有扈之師幸而勝之胡相

又為澆所滅致子孫降在牧圉乎考之竹書啓伐扈在二年

羿距太康在元年澆滅相在二十八年上下五十四年干戈

不絕以致後人淪落皆以啟之德薄故也一說左昭二十九

年蔡墨曰少皞氏有四叔該為葷收世不失職故曰厥父是

滅然與有扈文不協非其義也又案左哀元年伍員曰昔有

過澆殺斟灌以伐斟尋滅夏后相后緡方娠逃出自竇生少

康焉為仍牧正然則相滅後少康方生案汲郡古文少康生

於丙寅在澆弑帝之後與左傳合故叔師曰遺腹子史記吳

太伯世家集解引服虔注少康后緡遺腹子叔師謂有扈澆

國名又謂少康殺澆滅有扈似誤案澆國名過非有扈也滅

有扈者啟非少康也左氏襄四年傳少康滅澆於過杜注過

國名在東萊掖縣北有過鄉竹書紀年帝相八年寒泥殺羿

楚辭天問箋

廣雅書局

使其子澆居過史記吳太伯世家索隱過音戈寒泥之子澆

所封國也昭元年傳夏有觀扈杜注扈在始平鄠縣尚書釋

文京兆鄠縣即有扈之國也續漢書郡國志右扶風郡鄠古

扈國東郡過鄉故過國也兩地各不相謀有扈與澆二人判

別相距啟太康仲康相少康五世叔師合為一誤矣或疑澆

即有扈之黨案有扈為夏同姓諸侯詳見後澆倚姓國路史

寒泥傳泥倚姓羅莘注潛夫論有倚姓括地象云過倚姓國

是也扈與澆判別明甚

干協時舞何以懷之平魯曼膚何以肥之平魯一作受平

章句干求也協和也舞務也懷來也言夏后相既失天下少

康幼小復能求得時務調和百姓使之歸已何以懷來之也

又云言紂為無道諸侯背畔天下乖離當憂癯瘦而反形體
曼澤獨何以能平脅肥盛乎

箋云荀子桀紂長巨姦美天下之傑也續博物志堯若腊舜
若脯桀紂之君垂腴尺餘何以肥之者猶左傳惡郭重曰何
肥也漢書陳平傳平何食而肥也子虛賦注云曼澤也曼案
韓非子當舜之時有苗不服禹修教三年執干戚舞有苗乃
服淮南子禹執干戚舞於兩階之間而三苗服高誘注三苗
畔禹禹風以禮樂而服之懷來也尸子禹疏江決河手不爪
脛不生毛偏枯之病步不相過人曰禹步吳越春秋禹服三
年形體枯槁面目黎黑史記李斯傳禹股無胛脛無毛手足
胼胝面目黎黑雖臣膚之勞不烈於此矣漢書司馬相如傳

楚辭天問箋

廣雅書局

夏后氏胼胝無胛膚不生毛尚書大傳禹其跳其跳者踣也
法言妣氏治水而平多言禹勞心焦思形體之微如此
復何能平脅曼膚肥其肌理乎一說海外西經形天與帝爭
神帝斷其首葬之常羊之山乃以乳為目以臍為口操干戚
以舞言帝既戮之猶執干盾以舞如此終不服化之民將何
以懷柔之也斷其首則與脅俱平說文脅兩脇也曼讀如曼胡之曼
不分明貌其狀如此又何以食而肥其身乎
有扈牧豎云何而逢擊牀先出其命何從命何亦作何所
章句言有扈氏本牧豎之人耳因何逢遇而得為諸侯乎又
云言啓攻有扈之時親於其牀上擊而殺之其先入失國之
原何所從出乎

箋云有扈牧豎即上文終弊於有扈牧夫牛羊是也言啓既
逢扈而戰於甘澤少康又逢澆而牧於有仍何以屢逢此殃

也擊牀先出謂少康使汝艾謀澆澆與女岐同館而宿追汝
艾入擊其牀澆已先出謀斷女岐之首夫澆潛踪而出誰實
命之而使行乎言其幸免於一時也史記夏本紀太史公曰
禹為妣姓其後分封用國為姓故有夏后氏有扈氏呂氏春
秋季春總高誘注有扈夏同姓諸侯尚書正義云孔馬鄭王
與皇甫謐等皆言有扈與夏同姓並依世本之文陸氏釋文
云有扈國名與夏同姓馬云妣姓之國為無道者據此則有
扈與夏為同姓諸侯叔師謂有扈本牧豎之人未聞其義又
案尚書啓與有扈戰於甘史記集解引馬融甘有扈氏南郊

楚辭天問箋

廣雅書局

地名續漢書郡國志鄆有甘亭劉昭注引帝王世紀云在縣
南夏啓伐扈大戰於甘經典釋文亦引馬云甘南郊地也甘
水名今在鄆縣西扈案馬說甚確呂覽先已言啓與有扈戰
於甘澤則可知其為水名矣
恆秉季德焉得夫朴牛何往營班祿不但還來
章句恆常也季末也朴大也言湯常能秉持契之末德修而
宏之天嘉其志出田獵得六牛之瑞也營得也班徧也言湯
往田獵不但馳驅往來也還輒以所獲得禽獸徧施祿惠於
百姓也
箋云此指湯也襄二十九年季札見舞韶獲者曰聖人之宏
也而猶有慙德帝王世紀湯遷九鼎至於大坳而有慙德故

曰恆秉季德廣雅朴大也大牛喻桀也呂氏春秋簡選云殷湯良車七十乘必死六千人以戊子戰於戚遂禽推移大犧高誘注桀多力能推移大犧因為號而禽克之淮南主術訓桀之力推移大犧然湯革車三百乘困之鳴條擒之焦門大犧即大牛得謂獲得也班祿即商頌云殷受命咸宜百祿是荷也又案北山經敦薨之山其獸多旄牛郭注或作樸牛樸牛見離騷天問所未詳疑謂樸與朴同樸牛即旄牛也旄牛最大故叔師訓朴為大也莊子逍遙游云斃牛其大若垂天之雲無能為大矣而不能執鼠釋文引司馬云旄牛後漢書西南夷傳旄牛無角一名童牛肉重千斤爾雅釋畜謂之犍牛顏監注上林賦謂之偏牛皆同物而異名也

楚辭天問箋

廣雅釋鳥

昏微遵迹有狄不虛何繁鳥萃棘負子肆情遵一作循

章句昏闇也循遵也迹道也言人有循闇微之道為淫佚夷狄之行不可以安其身也謂晉大夫解居父也言解居父聘於吳過陳之墓門見婦人負其子欲與之淫佚肆其情欲婦人則引詩刺之曰墓門有棘有鴟萃止故曰繁鳥萃棘也言墓門有棘雖無人棘上猶有鴟汝獨不愧也

箋云續列女傳辯女者陳國採桑之女也晉大夫解居甫使於宋道過陳採桑之女歌曰墓門有棘斧以斯之又歌曰墓門有棘有鴟萃止是叔師所據也晏案狄謂簡狄也昏微恍惚之意遵迹履迹也爾雅釋訓履帝武敏武迹也史記殷本紀帝舜妃三人行浴簡狄吞子鳥卵故以姜嫄履跡配言之譙周古史考

亦言契母與宗婦三人浴於川元鳥遺卵簡狄吞之大戴禮帝系篇帝嚳上妃有郤氏之女云云故云三人繁鳥指子鳥也商頌元鳥毛傳云有娥氏女簡狄配高辛氏帝帝率與之祈於郊禱而生契故本其為天所命以元鳥至而生焉古者郊禱之禮帶以弓鞬授以弓矢於郊禱之前記月令呂覽生民毛傳並有此文棘棘矢也矢用棘者以棘不祥猶子生用桑亦蓬矢也負者三日負子也禮內則曰國君世子生三日卜士負之吉者宿齊朝服寢門外詩負之保受乃負之宰醴負子賜之束帛爾雅釋詁云肆个也一說皆指姜原而言生民正義河圖云姜嫄履大人迹生后稷中候稷起云狄遠也本毛傳謂遠至野也繁鳥即詩鳥覆翼之說文棘小棗叢生者又曰平地有叢木即詩所謂窶之平林也負子謂襁負其子肆棄也漢書揚雄傳服虔注有此訓

楚辭天問箋

廣雅釋鳥

昏微遵迹有狄不虛何繁鳥萃棘負子肆情遵一作循

章句昏闇也循遵也迹道也言人有循闇微之道為淫佚夷狄之行不可以安其身也謂晉大夫解居父也言解居父聘於吳過陳之墓門見婦人負其子欲與之淫佚肆其情欲婦人則引詩刺之曰墓門有棘有鴟萃止故曰繁鳥萃棘也言墓門有棘雖無人棘上猶有鴟汝獨不愧也

箋云續列女傳辯女者陳國採桑之女也晉大夫解居甫使於宋道過陳採桑之女歌曰墓門有棘斧以斯之又歌曰墓門有棘有鴟萃止是叔師所據也晏案狄謂簡狄也昏微恍惚之意遵迹履迹也爾雅釋訓履帝武敏武迹也史記殷本紀帝舜妃三人行浴簡狄吞子鳥卵故以姜嫄履跡配言之譙周古史考

亦言契母與宗婦三人浴於川元鳥遺卵簡狄吞之大戴禮帝系篇帝嚳上妃有郤氏之女云云故云三人繁鳥指子鳥也商頌元鳥毛傳云有娥氏女簡狄配高辛氏帝帝率與之祈於郊禱而生契故本其為天所命以元鳥至而生焉古者郊禱之禮帶以弓鞬授以弓矢於郊禱之前記月令呂覽生民毛傳並有此文棘棘矢也矢用棘者以棘不祥猶子生用桑亦蓬矢也負者三日負子也禮內則曰國君世子生三日卜士負之吉者宿齊朝服寢門外詩負之保受乃負之宰醴負子賜之束帛爾雅釋詁云肆个也一說皆指姜原而言生民正義河圖云姜嫄履大人迹生后稷中候稷起云狄遠也本毛傳謂遠至野也繁鳥即詩鳥覆翼之說文棘小棗叢生者又曰平地有叢木即詩所謂窶之平林也負子謂襁負其子肆棄也漢書揚雄傳服虔注有此訓

成湯東巡有莘姜極何乞彼小臣而吉她是得

章句有莘國名也爰於也極至也言湯東巡狩將至有莘國

以爲婚姻也小臣謂伊尹也言湯東巡狩從有莘氏乞句伊尹因得吉善之妃以爲內輔也

箋云墨子伊尹爲莘氏女師僕使爲庖人湯得而舉之立爲三公呂氏春秋湯問伊尹使人請之有伊氏不可伊尹亦欲歸湯湯於是請娶婦爲婚有伊氏請以伊尹媵女史記殷本紀伊尹欲干湯無由乃爲有莘氏媵臣負鼎俎以滋味說湯致于王道帝王世紀湯夢人負鼎抱俎對已而嘆寤而占曰鼎爲和味俎者割截豈有爲我宰者哉時伊摯耕於有莘之野湯聞以幣聘之有莘之君畱而不進湯乃求婚于有莘之君遂以摯爲媵臣至亳乃負鼎抱俎而見湯高誘注呂覽曰伊讀曰莘晏案伊莘古通毛詩皇皇者華駢駢征夫招魂章

楚辭天問箋

吳廣雅書局

句引作伊伊說文引作莘莘文選西都賦引毛傳亦作莘莘元和郡縣志故莘城在汴州陳留縣東北三十五里古莘國地湯都南亳在今商邱有莘在其東故曰東巡後漢崔琦傳有莘崇湯注列女傳曰湯娶有莘氏女德高而明伊尹爲之媵臣佐湯致王訓正後宮嬪御有序咸無嫉妬也水濱之木得彼小子夫何惡之媵有莘之婦惡鳥路反章句小子謂伊尹媵送也言伊尹母姪身夢神女告之曰曰竈生竈亟去無反居無幾何曰竈中有生竈母去東走顧視其邑盡爲大水母因溺死化爲空桑之木水乾之後有小兒啼水涯人取養之既長大有殊才有莘惡伊尹從木中出因以送女也

箋云呂氏春秋本味篇有伊氏女子採桑得嬰兒於空桑之中獻之其君曰其母居伊水之上孕夢有神告之曰白出水而東走母顧明日視白出水告其鄰東走十里而顧其邑盡爲水身因化爲空桑故命之曰伊尹書正義引大傳曰伊尹母孕行汲水化爲枯桑其夫尋至水濱見桑穴中有兒乃收養之今大傳無此文

湯出重泉夫何舉九不勝心伐帝夫誰使挑之舉本亦作罪章句重泉地名也言桀拘湯於重泉而復出之夫何用罪法之不審也帝謂桀也言湯不勝眾人之心而以伐桀誰使桀先挑之也

楚辭天問箋

吳廣雅書局

重泉湯行路桀釋之不勝心者不快於眾心也書稱眾言汝后不恤我眾舍我穡事而割正夏是也言湯既不勝眾人之心而猶且伐帝者果孰挑之使伐耶意謂雖伊尹導之而亦湯之自爲非由夫人挑之也挑者引動之意猶孟子所云要湯史記所云干湯也

會通爭盟何踐吾期蒼鳥羣飛孰使莘之章句言武王將伐紂紂使膠鬲視武王師膠鬲問曰欲以何日至殷武王曰以甲子日膠鬲還報紂會天大兩道難行武王晝夜行或諫曰雨甚軍士苦之請且休息武王曰吾許膠鬲以甲子日至殷今報紂矣吾甲子不到紂必殺之吾亦不敢休息欲救賢者之死也遂以甲子日朝誅紂不失期也蒼

鳥鷹也萃集也言武王伐紂將帥勇猛如鷹鳥羣飛誰使武王集聚之者乎詩云惟師尙父時惟鷹揚也

箋云呂氏春秋貴因篇武王至鮪水殷使膠鬲侯師武王曰將以甲子至殷郊子以是報矣膠鬲行天兩日夜不休武王疾行不輟軍師皆諫曰卒病請休之武王曰吾已令膠鬲以甲子之期報其主矣今甲子不至是令膠鬲不信也其主必殺之吾疾行以救膠鬲之死也武王果以甲子至殷郊叔師本諸呂覽柳對亦云膠鬲比鰲兩行踐期後漢文苑傳高彪箴曰呂尙七十氣冠三軍詩人作歌如鷹如鷓杜篤傳云勇惟鷹揚軍如流星謝該傳云尙父鷹揚方叔翰飛一說蒼鳥蒼雉也史記齊世家師尙父左杖黃鉞右把白旄以誓曰蒼

楚辭天問箋

章句曰周箋

兜蒼兜總爾眾庶與爾舟相後至者斬索隱曰本或作蒼雉萃聚也即所謂總爾眾庶也

到擊紂躬叔旦不嘉何親揆發定周之命以咨嗟一無何字一到一作列柳集作無之以二字到定柳集作足

章句曰周公名也嘉美也言武王始至孟津八百諸侯不期而到皆曰紂可伐也白魚入於王舟羣臣咸曰休哉周公曰雖休勿休故曰叔旦不嘉也揆度也言周公於孟津揆度天命發足還師而歸當此之時周之命令已行天下百姓咨嗟嘆而美之也

箋云白魚入舟出今文泰誓尙書大傳曰太子發升於舟中流白魚入於舟中羣公咸曰休哉周公曰茂哉茂哉天之見

此以勸之也史記周本紀武王渡河中流白魚躍入王舟中武王俯取以祭漢書董仲舒傳書曰白魚入于王舟周公曰復哉復哉小顏注今文尙書泰誓之辭也終軍傳昔武王中

流未濟白魚入于王舟俯取以燎羣公咸曰休哉今叔師注獨有雖休勿休之語不詳所出何書又案八百諸侯不期而到亦本今文泰誓書正義載馬融書序引泰誓曰八百諸侯不召自來不期同時不謀同辭史記周本紀亦云不期而會盟津者八百諸侯漢書婁敬傳武王伐紂不期而會盟津之上者八百諸侯周本紀紂自燔于火而死武王入至紂死所武王自射之三發而后下車以輕劍擊之以黃鉞斬紂頭懸大白之旗即所謂到擊紂躬也言武王擊紂之時公把大鉞

楚辭天問箋

章句曰周箋

輔翼甚忠何管蔡肆其流言而忽疑公之不嘉耶不嘉者猶金滕云不利也以揆謀發策之勳躬佐大命而不免居東作詩咨嗟太息甚矣讒言之易惑也忠而被讒豈獨周公哉屈子所爲自況也

授殷天下其位安施反成乃亡其罪伊何反一作及章句言天始授殷家以天下其王德位安所施用乎善施若湯也又云言殷王德位已成反覆亡之其罪維何乎罪若紂也

箋云授殷天下言天授周以殷之天下也施移也史記衛納所施易注施讀曰移言周之滅殷固謂天畀而授之矣然大室之位果孰移之乎蓋武王自移之也然則天命帝謂亦有難誌者矣

反成乃亡者淮南言紂之士億有餘萬然皆倒戈而射秀戟而戰史記言紂師雖眾皆無戰之心心欲武王至人紂師皆倒兵以戰以開武王武王馳之紂兵皆崩畔紂言殷民反而向周以成其事紂果何罪而臣民叛之如是耶屈子之意蓋同於易暴之悲也

爭遣伐器何以行之並驅擊翼何以將之

章句伐器攻伐之器也言武王伐紂發遣干戈攻伐之器爭先在前獨何以行之乎言武王三軍人人樂戰並載驅馳赴敵爭先前歌後舞如鳧藻謹呼奮擊其翼獨何以將率之乎一云前歌後舞如鳥嗷呼

箋云書大傳惟丙午王還師前師乃鼓鼓躁師乃怡前歌後

楚辭天閣箋

廣雅書局採

舞是叔師所本也牧誓言左仗黃鉞右秉白旄稱爾戈比爾于立爾矛所謂爭遣伐器也大公六韜翼其兩旁擊其左右風后握奇經有虎翼陳虎居於中張翼以進所謂並驅擊翼也言此貔虎之眾何以左右隙行又何以奉將天罰乎何以者言何以忍而出此也玉門之錫猶是天王墉野之師忽同讎敵屈子所為慨然歟

昭后成遊南土爰底厥利惟何逢彼白雉

章句爰於也底至也言昭王背成王之制而出游南至於楚楚人沈之而遂不還也厥其也逢迎也言昭王南游何以利於楚乎此為越裳氏獻白雉昭王德不能致欲親往逢迎之平

箋云韓詩外傳成王之時越裳氏獻白雉於周公孝經搜神

契周成王時越裳獻白雉去京師三萬里白雉是成王待事昭王德不能致故往逢迎之左傳僖四年管仲曰昭王南征而不復寡人是問杜注昭王南巡守涉漢船壞而溺正義曰舊說漢濱之人以膠膠船故得水而壞昭王溺焉不知本出何書考帝王世紀昭王德衰南征濟於漢船人惡之以膠船進王王御船至中流膠液船解王以於水中而崩舊說本於皇甫謐也又史記周本紀昭王南巡守不返卒於江上呂氏春秋季夏紀音初篇周昭王親將征荆辛餘靡長且多力為王右還反涉漢梁敗王及蔡公扞於漢中辛餘靡振王北濟又反振蔡公諸家所說互異叔師言楚人沈之當得其實此

楚辭天閣箋

廣雅書局採

召陵之師敬仲所為致問也西河補註案竹書紀年昭王之季荆人卑詞致王曰願獻白雉昭王信之而南巡遂遇害是昭之南游本利而迎之也而卒以遇害故曰何所利也

穆王巧梅貪也言穆王乃巧於辭令貪好攻伐遠征犬戎得四

章句梅貪也言穆王乃巧於辭令貪好攻伐遠征犬戎得四

白狼四白鹿自是後夷狄不至諸侯不朝穆王乃更巧調周流而往說之欲以懷來也環旋也言王者當修道德來四夷

穆王何為乃周旋天下而求索之也

箋云方言梅貪也或省手漢書賈誼傳品庶每生孟康曰每貪也周語穆王征犬戎得四白狼四白鹿以歸自是荒服者不至列子周穆王駕八駿之乘遂宿於崑崙之阿赤水之陽

別日升崑崙之邱觀黃帝之宮而封之遂實於西王母觴於
瑤池之上乃觀日之所入一日行萬里又穆王大征西戎西
戎獻鍬鍤之劔火碗之布竹書紀年沈約注穆王北征征行
流沙千里積羽千里征犬戎取其五王以東西征於青鳥所
解西征環履天下億有九萬里索求如天王求車求金之類
妖夫曳術何號於市周幽誰誅焉得夫褒姒史一本作

章句妖怪也號呼也昔周幽王前世有童謠曰壓狐箕服實
亡周國後有夫婦賣是器以為妖怪執而曳戮之於市也褒
姒周幽王后也昔夏后氏之褒也有二神龍止於夏庭而言
曰余褒之二君也夏后布幣請而告之龍亡而繫在櫝而藏
之夏亡傳殷殷亡傳周比三代莫敢發也至厲王之末發而

楚辭天問箋

觀之滌流於庭化為玄龜入王後宮後宮處妾遇之而孕無
夫而生子懼而棄之時被戮夫婦夜亡道聞後宮處妾所棄
女啼聲哀而收之遂奔褒姒人後有罪幽王欲誅之褒人乃
入此女以贖罪是為褒姒用以為后惑而愛之遂為犬戎所
殺也

箋云鄭語宣王之時有童謠曰壓狐箕服實亡周國於是宣
王問之有夫婦賣是器者史記作賣王使執而戮之府之小
妾生女而非王子也懼而棄之此人也收以奔褒姒人有獄
而以為入史記云逃于道而見鄉者後宮重妾所棄妖子聞
其夜號哀而收之夫婦遂亡奔于褒姒人有罪請
入童妾所棄女子者于王以贖天之命此久矣其又可為乎
訓語有之曰夏之衰也褒人之神化為二龍以問於王庭漢

作止於夏帝庭而言曰余褒之二君也夏后卜殺之與去之與止之
莫吉卜請其滌而藏之吉乃布幣焉而策告之龍亡而滌在
櫝而藏之傳郊之及殷周莫之發也及厲王之末發而觀之
滌流於庭不可除也王使婦人不幃而謀之化為玄龜以入
于王府之童妾未亂而遭之未亂史記既葬而孕當宣王
而生不夫而有故懼而棄之為狐服者方戮在路夫婦哀其
夜號也而取之以逸逃於褒姒人褒姒有獄而以為入于王
王遂置之而嬖是女也使至于為后而生伯服史記周本紀
載此文稱周太史伯陽讀史記云漢書五行志亦引史記
劉向以為夏后季世周之幽厲皆諄亂故有龍龜之怪近龍
蛇孽也滌血也一曰沫也壓亦桑弓也箕服蓋以其草為箭

服近射妖也女童謠者禍將生于女國以兵寇亡也曳者其
行曳踵也說文衍行且賣也或从衍漢書東方朔傳自衍鬻
者以千數小顏注衍行賣也

楚辭天問箋

天命反側何罰何佑齊桓九合卒然身殺
章句言天道神明降與人之命反側無常善者佑之惡者罰
之言齊桓公任管仲九合諸侯一匡天下任豎刁易牙子孫
相殺蟲流出戶一人之身一善一惡天命無常罰佑之不恆
也

箋云漢書郊祀志兵車之會三乘車之會六九合諸侯一匡
天下師古曰兵車之會三謂莊十三年會于北杏以平宋亂
僖四年侵蔡蔡潰遂伐楚次于陘六年伐鄭圍新城也乘車

之會六謂莊十四年會于鄆十五年又會于鄆十六年同盟于幽僖五年會于首止八年盟于洮九年會于葵邱也史記桓公病五公子各樹黨爭立及公卒遂相攻以故宮中空莫敢棺公尸在牀上大十七日尸蟲出於戶呂氏春秋易牙豎刁常之巫相與作亂桓公蒙衣袂而絕平壽宮蟲流出于戶上蓋以楊門之扇三月不葬

彼王紂之躬孰使亂惑何惡輔弼讒詔是服惡鳥路反

章句惑妲己也服事也言紂惡輔弼不用忠直之言而事用

讒諂之人也

箋云史記殷本紀紂嬖於婦人愛妲己妲己之言是從索隱

曰國語有蘇氏女妲字己姓也後漢文苑傳崔琦外戚箴暴

楚辭天問箋

美廣雅釋詁

辛惑婦拒諫自孤此之謂矣

比干何逆而抑沈之雷開何順而賜封之本一作阿廢

章句比干聖人紂諸父也諫紂紂怒乃殺之剖其心也雷開

佞臣也阿順於紂乃賜之金玉而封之也

箋云史記比干強諫紂怒曰吾聞聖人心有七竅剖比干

觀其心韓詩外傳紂為炮烙比干諫紂殺之剖其心九章涉

江云比干植醢案紂之佞臣尸子有王子須韓非子有費仲

淮南子有左強古今人表列費仲飛廉惡來左強四人皆雷

開之黨也呂氏春秋雷開進諷言紂賜金玉而封之

何聖人之一德卒其異方梅伯受醢箕子伴狂一本伴詳

章句聖人謂文王也卒終也言文王仁聖能純一其德則天

下異方終皆歸之也梅伯紂諸侯也言梅伯忠直而數諫紂怒乃殺之植醢其身箕子見之則被髮伴狂也

箋云春秋繁露紂殺梅伯以為醢刑鬼侯之女取其環淮南

子傲真訓醢鬼侯之女菹梅伯之骸高誘注鬼侯梅伯紂時

諸侯梅伯說鬼侯之女美好令紂妻之女至紂以為不好故

醢鬼侯之女菹梅伯之骸又說林訓紂醢梅伯文王與諸侯

構之史記殷本紀九侯有好女人之紂九侯女不喜淫紂怒

殺之而醢九侯王符潛夫論昔紂好色九侯獻厥女紂大喜

以為天下之麗莫若此妲己懼乃俯而泣曰君之年即耄邪

何貌惡若此而謂之好也因白九侯之不道乃欲以此惑君

王弗誅何以革後紂遂脯厥女而烹九侯據此則梅伯因說

楚辭天問箋

美廣雅釋詁

九侯獻女致醢叔師謂忠直于紂怒其說為異又史記殷本

紀紂殺比干箕子懼乃詳狂為奴紂又囚之宋微子世家箕

子諫不聽人或曰可以去矣箕子曰為人臣諫不聽而去是

彰君之惡而自說於民吾不忍為也乃披髮伴狂而為奴遂

隱而鼓琴以自悲故傳之曰箕子操韓詩外傳箕子曰知不

用而言愚也殺身以彰君之惡不忠也二者不可然且為之

不祥莫大焉遂披髮伴狂而去淮南齊俗訓箕子被髮伴狂

以免其身也古今樂錄箕子伴狂痛宗廟之為墟乃作歌曰

嗟嗟紂為無道殺比干嗟復重嗟獨奈何漆身為厲被髮以

伴狂今奈宗廟何天乎天哉欲負石自投河嗟復嗟奈社稷

何後傳以為操惜善云比干忠諫而剖心兮箕子被髮而伴

狂又案古伴與詳通史記孝武本紀乃為帛書以飯牛詳弗知也即伴字

稷惟元子帝何竺之投之于冰上鳥何煥之陸云竺一作雉煥音郁柳集作雉

章句元大也帝謂天帝也竺厚也言后稷之母姜嫄出見大

人之迹怪而履之遂有娠而生后稷稷生而仁賢天帝獨何

以厚之乎投棄也煥溫也言姜嫄以后稷無父而生棄之于

冰上鳥以翼覆薦溫之以為神乃取而養之詩云誕寘之寒

冰鳥覆翼之

箋云釋詁竺厚也釋文本字又作篤同說文二部竺厚也从

二竹聲史記周本紀稷棄渠中冰上飛鳥以其翼覆薦之吳

越春秋復置於澤中冰上眾鳥以翼覆之冰寒故言煥也

楚辭天問箋

美廣雅書局集

何馮弓挾矢殊能將之既驚帝切激何逢長之

章句馮大也挾持也言后稷長大持大強弓挾箭矢桀然有

殊異將相之才也帝謂紂也言武王能奉承后稷之業致天

罰加誅切激而數其過何逢後世繼嗣之長

箋云此皆指文王言殷本紀崇侯虎譖西伯於殷紂帝紂乃

囚西伯於羑里閔天之徒患之乃求有莘氏美女驪戎之文

馬有熊九馴他奇怪物因紂嬖臣費仲而獻之紂紂大說乃

赦西伯賜之弓矢斧鉞使西伯得征伐皇王大紀昌獻洛西

之地請除炮烙之刑紂大喜許之賜之弓矢斧鉞使專征伐

馮弓挾矢猶大招所謂執弓挾矢也驚帝切激謂囚羑里時

也竹書紀年帝辛二十三年囚西伯於羑里太公六韜商王

囚西伯於羑里太公與散宜生求得維斯之乘以獻商王賈誼新書文王極桎於羑里七年而後得免琴操云文王在羑里時演易八卦為六十四言既見驚帝紂切激而怒之何復使之專征致其後嗣之逢長也

伯昌號襄秉鞭作牧何令徹彼岐社命有殷之國一本無之字

章句伯昌謂文王也秉執也鞭以喻政言紂號令既衰文王

執鞭持政為雍州之牧也徹壞也社土地之主也言武王既

誅紂令壞邠岐之社言已受天命而有殷國徒以為天下大

社也

箋云昌文王名昌為西伯故謂之伯昌號召于衰時也竹書

太丁四年周公季歷伐余無之戎克之命為牧師文王八命

楚辭天問箋

美廣雅書局集

作牧襲父位也鞭以喻政若賈生言奮長策而御宇內是也

公劉詩云徹田為糧傳徹治也竹書帝辛三十二年有赤烏

集於周社蓋周自是始受天命矣

遷藏就岐何能依殷有感婦何所讖

章句言太王始與百姓遷其室藏來就岐下何能使其民依

倚而隨之也惑婦謂妲己也讖諫也言妲己惑誤於紂不可

復讖

箋云藏謂藏主於室也左傳莊十四年命我先人典司宗祏

杜注宗祏宗廟中藏主石室遷藏主而就岐下綿之歌古公

白作廟翼翼此其證也易益之四爻曰利用為依遷國柳集

天對云踰梁葉蘊石蠶萃謂粟囊裏糧則以藏為益藏之

義與章句同

受賜茲醢西伯上告何親就上帝罰殷之命以不救帝下有

章句茲此也西伯文王也言紂醢梅伯以賜諸侯文王受之

以祭告語於上天也上帝謂天命也言天帝親致紂之罪罰

故殷之命不可復救也

箋云帝王世紀伯邑考質於殷為紂御紂烹以為羹賜文王

謂文王聖人當不食其子羹文王得而食之紂曰誰謂西伯

聖者食其子羹尚不知也言西伯受其子醢乃上愬於帝帝

罰之而殷命遂以不救也一說受紂之字也周書無逸云毋

若殷王受之迷亂立政云其在受德志逸周書克殷解云殷

末孫受德孔晷注云紂字受德呂氏春秋當務云受德乃紂

楚辭天問箋

李廣雅書局

也

師望在肆昌何識鼓刀揚聲后何喜柳集志

章句師望謂太公也昌文王名也言太公在市肆而屠文王

何以識知之也后謂文王也言呂望鼓刀在列肆文王親往

問之呂望對曰下屠屠牛上屠屠國文王喜載與俱歸也

箋云劉向說苑太公嘗屠牛於朝歌賣飯於孟津史記索隱

引譙周同桓覽鹽鐵論太公屠牛於朝歌利不及妻子離騷

云呂望之鼓刀兮遭周文而得舉章句鼓鳴也太公問文王

作輿而往歸之至朝歌道窮困自鼓刀而屠文選聖主得賢

臣頌太公困於鼓刀李善注引尉繚子曰太公屠牛朝歌文

子曰呂望鼓刀而入周

武發殺殷何所悒載尸集戰何所急他音邑

章句言武王發欲誅殷紂何所悒悒而不能久忍也尸主也

集會也言武伐紂載文王木主稱太子發急欲奉行天誅為

民除害也

箋云逸周書武王適王所乃剋射三發而後下車擊之以輕

呂斬之以黃鉞折縣諸太白墨子武王折紂而繫之赤環載

之白旗論衡紂赴火死武王就斬以鉞懸其首于太白之旗

其說皆與史公合言湯伐夏桀第放南巢至武王乃親射之

而親斬之何所憤悒而為此乎周本紀九年武王上祭於畢

東觀兵至于孟津為文王木主載以軍中車武王自稱太子

發言奉文王以發不敢自尊淮南齊俗訓武王伐紂載尸而

楚辭天問箋

李廣雅書局

行海內未定故不為三年之喪高誘注尸文王之木主也言

文王薨未十載遽易服事之誠而東伐紂何迫急之甚也

伯林雉經維其何故何感天抑墜夫誰畏懼

章句伯長也林君也謂言太子申生為後母驪姬所譖遂雉

經而自殺也言驪姬譖殺申生其冤感天又譖逐羣公子當

復誰畏懼也

箋云晉語太子雉經於新城之廟左傳姬謂太子曰君夢齊

姜必速祭之太子祭於曲沃歸胙於公公田姬實諸宮六日

公至毒而獻之公祭之地地墳感天者謂姬託言感夢也抑

墜者謂公以毒祭地也畏懼者晉語稱太子恐而出奔新城

是也夫誰云者言太子惟獻公是懼抑亦畏驪姬之譖也爾

雅釋詰林君也郭注詩曰有王有林漢書律志亦云林君隸釋平都相蔣君碑於穆林蒸實乾所生申生曾立為太子故稱君一說王充云申生雉經林木震實則似伯曾雉于林中者當以林雉經為文感天抑地言感激天地也左傳僖十年狐突遇太子太子曰夷吾無禮余得請於帝矣將以晉界秦狐突不可後又因巫者以見復告曰帝許我伐有罪矣敝于韓即其事也夫誰畏懼言誰使之見畏懼于晉也

皇天集命惟何戒之受禮天下又使之
章句言皇天集祿命而與王者者何不常畏慎而戒懼也又云言王者既已循行禮義受天之命而王有天下矣又何為至使他姓代之乎

楚辭天問箋

三 廣雅書局

箋云戒猶命也禮注言何以命之乎言命不于常以見天之難誕也

初湯臣摯後茲臣輔何卒官湯尊食宗緒

章句言湯初舉伊尹以為凡耳後知其賢乃以備輔翼承疑用其謀也卒終也言伊尹佐湯命終為天子尊其先祖以王者禮樂祭祀緒業流於子孫

案湯初見尹一滕臣耳後乃承命輔治矣尊食猶配食也竹書沃丁八年祠保衡書序沃丁正義引皇甫謐云沃丁八年伊尹卒年百有餘歲大霧三日沃丁葬之以天子禮葬祀以太牢親臨喪以報大德伊尹子史記有伊陟相太戊竹書又言立其子伊陟

勳闔夢生少離散亡何壯武厲能流厥嚴嚴五郎反

章句勳功也闔吳王闔廬也夢闔廬祖父壽夢壽夢卒太子諸樊立諸樊卒傳弟餘祭餘祭卒傳弟夷末夷末卒太子王僚立闔廬諸樊之長子也恐不得為王少離散亡故在外乃使專諸刺王僚代為吳王子孫世盛以伍子胥為將大有功勳也壯大也言闔廬少小離亡何能壯大厲其勇武流其威嚴也

箋云叔師注本史記吳世家夷末史記作餘昧吳越春秋同公羊傳作夷昧史記索隱引世本同春秋昭十五年作夷末專諸左傳作鱣設諸史記作專諸吳越春秋王僚二年使公子光伐楚吳師敗而亡舟即昭十七年左傳戰於長岸楚師

楚辭天問箋

三 廣雅書局

大敗吳師獲其乘舟餘皇離羅也言少曾羅敗亡之憂也晏案嚴即莊字避漢明帝諱改謂楚莊王也昔楚莊任伍舉直諫而戰霸見史記及吳越春秋闔廬用伍員為將而復讎厲惡也言闔壯武有篡弑之惡行何其流風竟似我先君莊也蓋深慨楚國不能用賢殺子胥之父兄以致出亡報怨為吳所敗援往事以警今日也

彭鏗御維帝何饗受壽永多夫何長柳集作久長

章句彭鏗彭祖也好和滋味善斟雉羹能事帝堯帝堯美而饗食之言彭祖進雉羹于堯饗食之以壽考彭祖至八百歲猶自悔不壽恨枕高而睡遠也

箋云論語老彭邢疏世本紀姓鏗名鏗在商為守藏吏在周

為柱下史年八百歲史記楚世家陸終生子六人三曰彭祖
虞翻曰名翦為彭姓封于大彭正義曰神仙傳云彭祖諱鏗
帝顓頊之玄孫至殷末年已七百六十七歲而不衰老遂住
流沙之西非壽也漢書王褒傳如清曰五帝紀彭祖堯舜時
人荀子修身篇楊倞注彭祖堯臣名鏗封於彭城經虞夏至
商壽七百歲也莊子大宗師彭祖得之上及有虞下及五霸
郭象注年八百歲又逍遙遊釋文彭祖李云名鏗堯臣封於
彭城歷虞夏至商七百歲故以久壽見聞崔云堯臣仕殷世
其人甫壽七百歲又引王逸注楚辭云彭鏗即彭祖事帝堯
彭祖至七百歲猶曰悔不壽恨杖晚而唾遠云帝嘗之令孫
與今章句小異一說路史彭祖以斟雉養性事故勳壽七百

楚辭天問箋

齊廣雅書局宋

六十七歲如能經鳥申故多壽吳案莊子外篇刻意云吹吻
呼吸吐故納新能經鳥申為壽而已矣此道引之士養形之
人彭祖彭考之所為也釋文鳥申郭音信司馬云若人之嘔
呻也又劉向列仙傳彭祖歷夏至殷末八百餘歲常食桂芝
善導引行氣漢書王褒傳偃仰誦信若彭祖嘔嗑呼吸如喬
松師古曰信讀曰呻嘔嗑皆張口出氣也斟取也周語注雉
善鷺取其嘔呻即所謂鳥申也饗與享同言上帝何以使之
長享大年也後漢書方術冷壽光傳常屈頸鴟息章懷注引
毛萇注曰鴟雉也則知斟雉為導引之術也
中央共牧后何怒蠶蛾微命力何固
柳集蛾作
蠶古字通
章句牧草名也后君也言中央之州有岐首之蛇爭共食牧

大四百七十五

草之實曰和啄嚙以喻夷狄相與忿爭君上何故當怒之乎
言蠶蛾有蝮毒之蟲受天命負力堅固屈原以喻蠻夷自相
毒蝮固其常也獨當憂秦吳耳

箋云爾雅釋地中有枳首蛇焉郭注岐頭蛇也或曰今江東
呼兩頭蛇為越王約髮亦名弩弦羅願爾雅翼云韓非亦稱
蟲有蝮一身兩口爭食相齧遂相殺也蝮古虺字蓋謂此蛇
耳隸釋楚相孫叔敖碑少見枝首蛇洪盤洲云蛇有二首謂
之枳首枳讀如枝亦曰岐首案招魂赤蟻若象千蜂若臺些
海內北經大蜂其狀如蝨朱蟻其狀如蛾郭注蛾蚍蜉也圓
贊曰大蜂朱蟻羣帝之臺言中央之蛇或干帝怒而殺之而
蠶蛾之微亦肆其螫毒羣聚于帝臺何大小之反常也

楚辭天問箋

齊廣雅書局宋

驚女采薇鹿何祐北至回水萃何喜
祐叶于
忘反
章句祐福也言昔者有女子采薇有所驚而走因獲得鹿其
家遂昌熾蒙天佑之也萃止也言女子驚而北走至於回水
之上止而得鹿遂有福喜也
箋云此謂夷齊事也文選劉孝標辨命論云夷叔斃淑媛之
言子輿困臧倉之訴李善注引古史考曰伯夷叔齊者殷之
末世孤竹君之二子也隱於首陽山采薇而食之野有婦人
謂之曰子義不食周粟此亦周之艸木也于是餓死五臣注
夷齊餓於首陽白鹿乳之又列士傳伯夷叔齊既於首陽山
不食周粟採薇為食採葛而衣時王摩子入山難之曰君隱
周山食周薇奈何二人遂不食薇經七日天遣白鹿乳之夷

大四百八十二

齊思念此鹿肉食之必美鹿知其意不復來二子遂餓而死
元遺山集贈張文舉御史詩麋乳尚憐孤竹餓龍頭誰識管
盜賢用此事也路史炎帝紀下西伯之興棄周祿北之首陽
山俾摩子難之逮間淑媛之言遂極薇終焉是爲伯夷叔齊
羅華注引類林以爲棄薇不食有白鹿乳之餘論三引三秦
記夷齊食薇三年顏色不變武王戒之不食而死廣博物志
伯夷叔齊逃首陽棄薇不食白鹿乳之又案回水卽首陽山
下之水漢書王貢等傳序昔武王伐紂遷九鼎于雒邑伯夷
叔齊薄之餓於首陽不食其祿顏監注引馬融曰首陽山在
河東蒲坂華山之北河曲之中潛邱先生釋地云首陽山有
蒲坂者回水指河曲之水也荀子致仕篇水深則回揚偉注
得之

楚辭天問箋

李 廣雅書局

回流旋也文選魏都賦回淵灌積水深淵淵林注說文曰淵
回水也九章陟江云洄回水而凝滯言北至者莊子雜篇讓
王云昔周之興有士二人處于孤竹曰伯夷叔齊北至于首
陽之山遂餓而死焉呂氏春秋季冬紀誠廉亦云伯夷叔齊
北行至首陽之下而餓焉羣聚也兄弟相聚也何喜云者謂
其視死如歸欣然就義也爾雅藜赤苗芑白苗齊民要術引
舍人云藜芑是伯夷叔齊所食首陽山草也爾雅又云薇垂
水御覽引廣志云薇葉似萍可蒸食然則薇卽回水所生也
兄有噬犬弟何欲易之以百兩卒無祿兩音亮
章句兄謂秦伯也噬犬齧犬也弟秦伯弟鍼也言秦伯有齧
犬弟鍼欲請之言秦伯不肯與弟鍼犬鍼以百兩金易之而

不聽因逐鍼而奪其爵祿也
箋云柳對云鍼欲兄愛以俟修富愈多厥車卒逐以旅則以
百兩指車言案左傳昭元年秦鍼奔晉其車千乘晉女叔齊
問曰子之車盡于此而已乎對曰此之謂多矣若能少此吾
何以得見是其事也

薄暮雷電歸何憂厥嚴不奉帝何求

章句言屈原書壁所問略說日暮欲去時天大雨雷電思念
復至自解曰歸何憂乎言楚王惑信讒佞其威嚴當日墮不
可復奉承雖從天帝求福福神無如之何

箋云薄暮雷電正問問之時也憂案九歌山鬼云雷填填兮
雨冥冥後啾啾兮夜鳴風颯颯兮木蕭蕭思公子兮徒離

楚辭天問箋

李 廣雅書局

憂叔師謂在深山之中遭雷電暴雨後欲號呼風木搖動是
也歸何憂卽所云徒離憂也厥嚴不奉者言爲君放逐不得
承奉威嚴雖號呼于帝而求之何所聞乎帝天也蓋言問天
不應故天問至是將終矣

伏匿穴處爰何云荆動作師夫何長悟過改更我又何言悟本
亦作

章句爰於也云言也吾將遷于江濱伏匿穴處耳當復何言

平荆楚也師衆也勳功也初楚邊邑處女與吳邊邑處女爭
採桑于境上相傷二家怒而相攻于是楚爲此與師攻滅吳
之邊邑而怒始有功時屈原又諫言我先爲不直恐不可長
久也欲使楚王覺悟引過自與以謝于吳不從其言遂相攻

伐言禍起于細微也

箋云史記吳世家初楚邊邑卑梁氏之處女與吳邊邑之女爭桑二女家怒相滅兩國邊邑長聞之怒而相攻滅吳之邊邑吳王怒故遂伐楚取兩都而去是叔師所本也

吳光爭國久余是勝何環穿自閭社邱陵爰出子文

章句光闔廬名也言吳與楚相伐至于閭廬之時吳兵入郢

都昭王出奔故曰吳光爭國久余是勝言大勝我也子文楚

令尹也子文之母邱公之女旋穿閭社通于邱陵以淫而生

子文棄之夢中有虎乳之以為神異乃取收養焉楚人謂乳

為穀謂虎為於菟故名闔發於菟字子文長而有賢仁之才

也

楚辭天問箋

天 廣雅釋詁

箋云左傳哀元年吳師在楚大夫皆懼曰闔廬惟能用其民以啟我于柏舉今聞其嗣又甚焉將若之何所謂久余是勝也此傷楚之無賢故欲升天入地而求之以起子文于九京也

吾告堵敖以不長何試上自子忠名彌彰陸云試一作

章句堵敖楚賢人也屈原放時告諸堵敖曰楚國將衰不復

能久長也屈原言我何敢嘗試君上自號忠直之名以顯彰

後世平誠以同姓之故中心懇惻義不能已也

箋云左傳莊十四年楚子滅息以息嬀歸生堵敖楚人謂未

成君為敖釋文史記作杜敖

敘曰昔屈原所作凡二十五篇世相敘傳而莫能說天問以

文義不次又多奇怪之事自太史公口論道之多所不逮至於劉向揚雄援引傳記以解說之亦不能詳悉所闕者眾多無聞焉既有解說乃復多連舉其文濛濛其說故厥義不昭微指不哲自游覽者靡不苦之而不能照也今則稽之舊章合之經傳以相發明為之符驗章決句斷事事可曉俾後學者庶無疑焉

楚辭天問箋

楚辭天問箋

天 廣雅釋詁

益陽蔡 芳初校

陽湖吳翊寅覆校